
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



HD WIDENER



HW S434 2

C 9307.9 (7)

Harvard College
Library



FROM THE BEQUEST OF
JOHN HARVEY TREAT
OF LAWRENCE, MASS.
CLASS OF 1862

606/10

OFFICIA PROPRIA

7089

ECCLESIASTICÆ PROVINCIÆ

SANCTÆ FIDEI NEO-GRANATENSIS

A

SACRA RITUUM CONGREGATIONE

ADPROBATA ANNO 1894.



RATISBONÆ, NEO EBORACI ET CINCINNATI.

SUMPTIBUS ET TYPIS FRIDERICI PUSTET,

S. SEDIS APOST. ET S. RIT. CONGR. TYPOGRAPHI.

MDCCCXCVI.

C 9307.9(7)

BERNARDUS HERRERA RESTREPO,
DEI ET APOSTOLICÆ SANCTÆ SEDIS GRATIA,
ARCHIEPISCOPUS BOGOTENSIS
SOLIO PONTIFICIO ASSISTENS.



fficia propria Ecclesiasticæ Provinciæ Sanctæ Fidei Neogranatensis a Sacra Rituum Congreg. adprobata, et a clarissimo equite Friderico Pustet, Ratisbonensi, Sanctæ Sedis Apostolicæ Typographo edita, utpote a Nobismetipsis revisa, et cum originalibus conformia, libenter ex parte nostra approbamus, atque Clero Provinciæ universo prout par est commendamus.

Datum, Romæ, extra Portam Flaminiam, die vigesima mensis Junii anno millesimo octingentesimo nonagesimo sexto.



*+ Bernardus
Archiepiscopus Bogotensis*

HARVARD COLLEGE LIBRARY
TREAT FUND
CHARTRAND COLLECTION
JUNE 8, 1928

W

KALENDARIVM PERPETVVM

IN VSVM

ECCLESIASTICÆ PROVINCIÆ

SANCTÆ FIDEI NEOGRANATENSIS

A SACRA RITVVM CONGREGATIONE ADPROBATVM ANNO 1894.

Januarius.

1. Circumcisio Domini. **dupl. 2. classis.**
2. Dies Octava S. Stephani Protomart. **dupl., comm. Octavar. S. Joann. Apost. et Ss. Innoc. Mm.**
3. Dies Octava S. Joannis Apost. et Evang. **dupl., comm. Oct. Ss. Innocentium Mm.**
4. Dies Octava Ss. Innocentium Mm. **duplex.**
5. Vigilia Epiphaniæ. **semidupl., commem. S. Telesphori Papæ et Mart.**
6. Epiphania Domini. **duplex 1. classis cum Octava.**
7. De Octava. **semiduplex.**
8. De Octava. **semiduplex.**
9. De Octava. **semiduplex.**
10. De Octava. **semiduplex.**
11. De Octava. **semidupl., commem. S. Hygini Pap. et Mart.**
12. De Octava vel de Dom. infra Octav. **semiduplex.**
13. Dies Octava Epiphaniæ. **duplex.**
14. S. Hilarii Episc., Conf. et Eccl. Doct. **duplex, comm. S. Felicis Presbyteri et Martyris.**
15. S. Pauli primi Eremitæ Conf. **duplex, comm. S. Mauri Abbatis.**
16. S. Marcelli Papæ et Mart. **semiduplex.**
17. S. Antonii Abbatis. **duplex.**
18. Cathedra S. Petri Romæ. **dupl. majus, comm. S. Pauli Apost. et S. Priscæ Virg. et Mart.**
19. S. Fulgentii Episc. et Conf. **duplex, comm. Ss. Marii et Soc. Mart.**
20. Ss. Fabiani Papæ et Sebastiani Mm. **duplex majus.**
21. Ss. Fructuosi Episc. et Soc. Mm. **duplex.**
22. Ss. Vincentii et Anastasii Mm. **duplex.**
23. S. Ildefonsi Episc. et Conf. **duplex, comm. S. Emerentianæ Virg. et Mart.**
24. S. Timothei Episc. et Mart. **duplex.**
25. Conversio S. Pauli Apostoli. **dupl. majus. comm. S. Petri Apost.**
26. S. Polycarpi Episc. et Mart. **duplex.**
27. S. Joannis Chrysostomi Episc., Conf. et Eccl. Doct. **dupl.**
28. S. Juliani Episc. et Conf. **dupl. commem. S. Agnetis secundo.**
29. S. Valerii Episc. et Conf. **duplex.**
30. S. Martinæ Virg. et Mart. **semiduplex.**
31. S. Petri Nolasco Conf. **duplex.**

Festa Mobilia.

- Dom. II. post Epiphaniam.** Sanctissimi Nominis Jesu. **duplex 2. class. comm. Dominicæ.**
Dom. III. post Epiphaniam. Sanctæ Familiæ Jesu, Mariæ, Joseph. **duplex majus. comm. Dominicæ.**
Feria III. post Dom. Septuagesimæ Orationis D. N. J. C. in Monte Oliveti. **duplex majus.**
Feria III. post Dom. Sexagesimæ. Commem. Passionis D. N. J. C. **duplex majus.**

Februarius.

1. **S. Ignatii Episc. et Mart.** duplex.
2. Purificatio B. Mariæ Virg. **duplex 2. classis.**
Medellii: Patronæ Civit. **duplex 1. classis cum Octava extra Quadrages.**
3. **S. Agnetis Virg. et Mart.** (d. a. ex 21. Jan.) dupl. commem.
S. Blasii Episc. et Mart.
4. **S. Andreæ Corsini Episc. et Conf.** duplex.
5. **S. Agathæ Virg. et Mart.** duplex.
6. **S. Titi Episc. et Conf.** duplex, commem. **S. Dorotheæ Virg. et Mart.**
7. **S. Romualdi Abbatis.** duplex.
8. **S. Joannis de Matha Conf.** duplex.
9. **S. Cyrilli Episc. Alexandrini Conf. et Eccl. Doct.** duplex, comm.
S. Apolloniæ Virg. et Mart.
Medellii: Dies Octava Purificationis B. Mariæ Virg. duplex, commem. **S. Apolloniæ Virg. et Mart.**
10. **S. Scholasticæ Virg.** duplex.
11. **Ss. Septem Fundatorum Ord. Servorum B. M. V.** dupl.
12. **S. Eulaliæ Virg. et Mart.** duplex.
13. **S. Francisci Salesii Episc. Conf. et Eccl. Doct.** (d. a. ex 29. Jan.) duplex.
14. **S. Canuti Regis Mart.** (d. a. ex 19. Jan.) semid. ad libit. commem.
S. Valentini Presb. et Mart.
15. **S. Raymundi de Peñafort Conf.** (d. a. ex 23. Januar.) semidupl., commem. **Ss. Faustini et Soc. Mm.**
16. **Medellii:** **S. Cyrilli Alexandrini Episc. Conf. et Eccl. Doct.** (d. a. ex 9. huj.) duplex.
- 17.
18. **S. Simeonis Episc. et Mart.** simplex.
- 19.
- 20.
- 21.
22. **Cathedra S. Petri Antiochiæ. duplex majus,** commem. **S. Pauli Apost.**
23. **S. Petri Damiani Episc., Conf. et Eccl. Doct.** duplex, commem.
Vigiliæ.
24. vel 25. **S. Mathiæ Apost. duplex 2. class.**
25. vel 26. **Beati Sebastiani ab Apparicio Conf.** duplex.
26. vel 27.
27. vel 28.
28. vel 29.

Februarius in anno bissextili habet dies 29. et tunc de S. Matthiæ fit die 25. etc.

Festa Mobilia.

Feria VI. post Cineres. **Sacræ Spineæ Coronæ D. N. J. C.** duplex majus, **commem.** Feriæ.

Feria VI. post Dom. I. Quadragesimæ. **Lanceæ et Clavorum D. N. J. C.** duplex majus, **comm.** Feriæ.

Feria VI. post Dom. II. Quadrages. **Sacratissimæ Sindonis D. N. J. C.** duplex majus, **commem.** Feriæ.

Martius.

1. S. Rudesindi Episc. et Conf. **duplex.**
- 2.
3. Ss. Hemetherii et Soc. Mm. **duplex.**
4. S. Casimiri Reg. Conf. **semiduplex, comm.** S. Lucii I. Papæ et Mart.
- 5.
- 6.
7. S. Thomæ de Aquino Conf. et Eccl. Doct. **duplex, comm.** Ss. Perpetuæ et Felicitatis Mm.
8. S. Joannis de Deo Conf. **duplex.**
9. S. Franciscæ Romanæ Viduæ. **duplex.**
10. Ss. Quadraginta Martyrum. **semiduplex.**
- 11.
12. S. Gregorii I. Papæ, Conf. et Eccl. Doct. **duplex.**
13. S. Leandri Episc. et Conf. **duplex.**
14. S. Florentinæ Virg. **duplex.**
15. S. Raymundi de Fitero Abb. **duplex.**
- 16.
17. S. Patritii Episc. et Conf. **duplex.**
18. **S. Gabrielis Archangeli.** **duplex majus.**
19. **S. Josephi Conf., Sponsi B. Mariæ Virg.** **duplex 1. cl.**
20. S. Braulii Episc. et Conf. **duplex.**
21. **S. Benedicti Abbatis.** **duplex majus.**
22. S. Cyrilli Episc. Hierosolymitani, Conf. et Eccl. Doct. (d. a. ex 18. huj.) **duplex.**
- 23.
- 24.
25. **Annuntiatio B. Mariæ V.** **duplex 2. classis.**
26. Boni Latronis (d. a. ex heri.) **duplex.**
27. S. Joannis Damasceni Conf. et **Eccl. Doct.** **duplex.**
28. S. Joannis a Capistrano Conf. **semiduplex.**
- 29.
- 30.
- 31.

Festa Mobilia.

Feria VI. post Dom. III. Quadrag. **Sacrorum Quinque Vulnerum D. N. J. C.** duplex majus, **comm.** Feriæ.

Feria VI. post Dom. IV. Quadrag. **Pretiosissimi Sanguinis D. N. J. C.** duplex majus, **comm.** Feriæ.

Feria VI. post Dominicam Passionis. **Septem Dolorum B. Mariæ Virg.** duplex majus, **comm.** Feriæ.

Aprilis.

- 1.
2. S. Francisci de Paula Conf. **duplex.**
- 3.

4. S. Isidori Episc., Conf. et Eccl. Doct. duplex.
5. S. Vincentii Ferrerii Conf. duplex.
- 6.
- 7.
- 8.
- 9.
- 10.
11. S. Leonis I. Papæ, Conf. et Eccl. Doct. duplex.
- 12.
13. S. Hermenegildi Reg. et Mart. semiduplex.
14. S. Petri Gonzalez Conf. dupl. commem. Ss. Tiburtii, et Soc. Mart.
15. S. Justini Philos. Mart. (d. a. ex heri.) duplex.
16. S. Thuribii a Liebana Episc. et Conf. duplex.
17. Beatæ Mariæ Annæ a Jesu Virg. duplex, commem. S. Aniceti Papæ et Mart.
- 18.
- 19.
20. S. Agnetis a Monte Politiano Virg. duplex.
21. S. Anselmi Episc., Conf. et Eccl. Doct. duplex.
22. Ss. Soteris et Caji Pont. et Mm. semidupl.
23. S. Georgii Mart. semiduplex.
24. S. Fidelis a Sigmaringa Mart. duplex.
25. S. Marci Evangelistæ. duplex 2. classis.
26. B. Mariæ Virg. Matris Boni Consilii. duplex majus.
27. S. Thuribii de Mogrovejo Episc. et Conf. duplex.
28. S. Pauli a Cruce Conf. duplex, comm. S. Vitalis Mart.
29. S. Petri Mart. duplex.
30. S. Catharinæ Senensis Virg. duplex.

Festum Mobile.

Domin. III. post Pascha. Patrocinii S. Joseph Conf. Sponsi B. M. V. duplex 2. classis, commem. Dom.

Majus.

1. Ss. Philippi et Jacobi Apost. duplex 2. classis.
 2. S. Athanasii Episc., Conf. et Eccl. Doct. duplex.
 3. Inventio S. Crucis. dupl. 2. classis, comm. Ss. Alexandri I. Papæ, et Soc. Mm., ac S. Juvenalis Episc. et Conf.
 4. S. Monicæ Viduæ. duplex.
 5. S. Pii V. Papæ et Conf. duplex.
 6. S. Joannis ante Portam Latinam. duplex majus.
 7. S. Stanislai Episc. et Mart. duplex.
 8. Apparitio S. Michaëlis Archangeli. duplex majus.
 9. S. Gregorii Nazianzeni Episc., Conf. et Eccl. Doct. dupl.
 10. S. Antonini Episc. et Conf. duplex, comm. Ss. Gordiani et Soc. Martyrum.
 11. S. Prudentii Episc. et Conf. duplex.
 12. Ss. Nerei, Achillei et Domitillæ Virg., atque Pancratii Mm. semiduplex.
 13. S. Petri Regalati Conf. semiduplex.
 14. Ss. Cleti et Marcellini Pont. et Mm. (d. a. ex 26. Apr.) semidupl. comm. S. Bonifacii Mart.
 15. S. Isidori Agricolæ Conf. duplex.
 16. S. Joannis Nepomuceni Mart. duplex.
- Neo-Pampilone: Duplex 2. classis cum Octava.

17. S. Paschalis Baylon Conf. duplex.
18. S. Venantii Mart. duplex.
19. S. Petri Cœlestini Papæ et Conf. duplex, commem. S. Pudencianæ Virg.
20. S. Bernardini Senensis Conf. semiduplex.
21. Ss. Torquati, Ctesiphontis, Secundi, Indaletii, Cæcilii, Hesychii et Euphrasii Epp. et Mm. duplex.
22. S. Ubaldi Episc. et Conf. (d. a. ex 16. huj.) semidupl.
23. S. Dominici Calceaten. Conf. duplex.
Neo-Pampilone: Dies Octava S. Joann. Nepom. Mart. duplex.
24. B. Mariæ V. tit. Auxilium Christianorum. dupl. maj.
25. S. Gregorii VII. Papæ et Conf. duplex, comm. S. Urbani I. Papæ et Mart.
26. S. Philippi Nerii Conf. dupl., comm. S. Eleutherii Pap. et Mart.
27. S. Mariæ Magdalenæ de Pazzis Virg. semidupl., comm. S. Joannis I. Papæ et Mart.
28. S. Augustini Episc. Cantuar. Conf. duplex.
29. **Neo-Pampilone: S. Dominici Calceaten. Conf. (d. a. ex 23. huj.) duplex.**
30. S. Ferdinandi Reg. et Conf. duplex, comm. S. Felicis I. Papæ et Mart.
- Antiochiæ: Patr. Præc. Diœc. duplex 1. classis cum Octava.**
31. S. Angelæ Mericiæ Virg. duplex, commem. S. Petronillæ Virg.

Junius.

- 1.
2. Beata Mariæ Annæ de Paredes Virg. duplex, comm. Ss. Marcelini et Soc. Mart.
- 3.
4. S. Francisci Caracciolo Conf. duplex.
5. S. Bonifacii Episc. et Mart. duplex.
6. S. Norberti Episc. et Conf. duplex.
- Antiochiæ: Dies Octava S. Ferdinandi Reg. Conf. dupl.**
7. **Antiochiæ: S. Norberti Episc. et Conf. (d. a. ex heri.) duplex.**
- 8.
9. **Ss. Primi et Feliciani Mm. simplex.**
10. S. Margaritæ Reginæ Scotiæ Viduæ. duplex.
11. S. Barnabæ Apost. dupl. majus.
12. S. Joannis a S. Facundo Conf. duplex, commem. Ss. Basilidis et Soc. Mm.
13. S. Antonii de Padua Conf. duplex.
Neo-Pampilone: duplex majus.
14. S. Basilii Episc., Conf. et Eccl. Doct. duplex.
15. **Ss. Viti, Modesti atque Crescentiæ Mm. simpl.**
16. B. Mariæ Virg. de Succursu. duplex majus.
In Eccl. Cath. S. Fidei Bogotæ; duplex 2. classis.
17. S. Joannis Francisci Regis Conf. duplex.
18. Ss. Cyriaci et Paulæ Mm. duplex, commem. Ss. Marci et Soc. Mm.
19. S. Julianæ de Falconeriis Virg. duplex, comm. Ss. Gervasii et Protasii Martyrum.
20. **S. Silverii Papæ et Mart. simplex.**
21. S. Aloisii Gonzagæ Conf. duplex.
Neo-Pampilone: duplex majus.
22. **S. Paulini Episc. et Conf. simplex.**
23. **Vigilia.**

24. Nativitatis S. Joannis Baptistæ. **dupl. 1. classis cum Oct. Pasti; Patr. Princip. Civit. et Diœc.**
25. S. Gulielmi Abbatis. duplex, **commem. Octavæ.**
26. Ss. Joannis et Pauli Mm. duplex, **commem. Octavæ.**
27. De Octava. semiduplex.
28. S. Leonis II. Pap. et Conf. semid., **comm. Oct. et Vigil.**
29. Ss. Petri et Pauli Apost. **duplex 1. classis cum Octava.**
30. Commemoratio S. Pauli Apost. **duplex majus, comm. S. Petri Ap. et Octavæ Nativit. S. Joannis Bapt.**

Festum Mobile.

Feria VI. post Octavam Corporis Christi. Sacratissimi Cordis Jesu. duplex 1. classis.

Julius.

1. Dies Octava Nativitatis S. Joannis Baptistæ. duplex, **commem. Octavæ Ss. Apostolorum.**
2. Visitatio B. Mariæ Virginis. **duplex 2. classis, comm. Ss. Processi et Martiniani Mart.**
3. De Octava. semiduplex.
4. De Octava. semiduplex.
5. S. Michaëlis de Sanctis Conf. duplex, **commem. Oct.**
6. Dies Octava Ss. Petri et Pauli Apost. duplex.
7. S. Firmini Episc. et Mart. duplex.
8. S. Elisabeth Reginæ Portugalliæ Viduæ. duplex.
9. B. Mariæ Virg. de Chiquinquira. **duplex majus.**
10. Ss. Septem Fratrum Mm. et Ss. Rufinæ ac Secundæ Virg. et Mart. semiduplex.
11. Ss. Cyrilli et Methodii Epp. et Conf. (d. a. ex 5. huj.) duplex, **commem. S. Pii I. Papæ et Mart.**
12. S. Joannis Gualberti Abbatis. duplex, **commem. Ss. Naboris et Soc. Mm.**
13. S. Anacleti Papæ et Mart. semiduplex.
14. S. Bonaventuræ Episc., Conf. et Eccl. Doct. duplex.
15. S. Henrici Imperat. Conf. semiduplex.
16. B. Mariæ Virg. de Monte Carmelo. **duplex 2. classis.**
17. S. Alexii Conf. semiduplex.
18. S. Camilli de Lellis Conf. duplex, **commem. Ss. Symphorosæ et septem Filiorum ejus Mm.**
19. S. Vincentii a Paulo Conf. duplex.
20. S. Liberatæ Virg. et Mart. **duplex majus. commemor. S. Margaritæ Virg. Mart.**
21. S. Hieronymi Æmiliani Conf. (d. a. ex heri.) dupl. **comm. S. Prædix Virg.**
22. S. Mariæ Magdalenæ Pœnitent. duplex.
23. S. Apollinaris Episc. et Mart. duplex, **commem. S. Liborii Episc. et Conf.**
24. Ss. Justæ et Rufinæ Mm. duplex **commem. Vigilæ et S. Christinæ Virg. et Mart.**
25. S. Jacobi Apost. duplex 2. classis, **comm. S. Christophori Mart. Tunquæ; Tit. Eccl. Cath. duplex 1. classis cum Oct.**
26. S. Annæ Matris B. Mariæ Virg. **duplex 2. classis. Sanctæ Marthæ; Tit. Eccl. Cath. et Patr. Princ. Diœc. dupl. 1. classis cum Octava.**
27. S. Pantaleonis Mart. simplex.
28. Ss. Nazarii, Celsi, Victoris I. Papæ Mm. ac Innocentii I. Papæ et Conf. semiduplex.

29. **S. Marthæ Virg.** semid., commem. **Ss. Felicis II. Papæ et Soc. Mm. Sanctæ Marthæ:** duplex 1. classis cum Octava.
 30. **Ss. Abdon et Sennen Mm.** simplex.
 31. **S. Ignatii de Lojola Conf.** duplex.

Festa Mobilia.

- Dominica I. Julii.** Pretiosissimi Sanguinis D. N. J. C. duplex 2. classis, commem. **Dominicæ.**
Dominica II. Julii. Anniversarium Dedicationis omnium Ecclesiarum Cathedralium Provinciæ. dupl. 1. class. cum Octava. commem. **Dominicæ.**
Dominica III. Julii. Dies Octava Anniversarii Dedicationis omnium Ecclesiarum Cathedral. Provinciæ. duplex, commem. **Dominicæ.**

Augustus.

1. **S. Petri ad Vincula.** duplex majus, commem. **S. Pauli Apost. et Ss. Machabæorum Mm.**
Tunquæ: Dies Octava S. Jacobi Apost. duplex, comm. **Ss. Machabæorum Mm.**
 2. **S. Alfonsi Mariæ de Ligorio Episc., Conf. et Eccl. Doct.** duplex, commem. **S. Stephani I. Pap. et Mart.**
Sanctæ Marthæ: Dies Oct. S. Annæ Matris B. M. V. duplex, commem. **S. Stephani Papæ et Mart.**
 3. **Inventio S. Stephani Protomartyris.** semiduplex.
 4. **S. Dominici Conf.** duplex majus.
 5. **Dedicatio S. Mariæ ad Nives.** duplex majus.
Neo-Pampilone: duplex 1. classis cum Octava.
Sanctæ Marthæ: Dies Octava S. Marthæ Virg. dupl.
 6. **Transfiguratio D. N. J. Chr.** duplex 1. class. cum Oct.
 7. **S. Cajetani Conf.** dupl., comm. Oct. et S. Donati Ep. M.
 8. **Ss. Cyriaci, Largi et Smaragdi Mm.** semid., comm. Oct.
 9. **S. Emygdii Episc. et Mart.** duplex, commem. Octav., **Vigiliæ et S. Romani Mart.**
 10. **S. Laurentii Mart.** duplex 2. classis cum Octava.
 11. **De Octava Transfigur.** semiduplex, commem. Oct. S. Laurentii et Ss. Tiburtii et Soc. Mm.
Tunquæ: S. Petri ad Vincula. (d. a. ex 1. huj.) dupl. maj. comm. S. Pauli Apost., Octavar. ac Ss. Tiburtii et Soc. Mm.
Sanctæ Marthæ: Dedicatio S. Mariæ ad Nives. dupl. majus. comm. Octavar. ac Ss. Tiburtii et Soc. Mm.
 12. **S. Claræ Virg.** duplex, commem. Octavar.
Neo-Pampilone: Dies Octava Dedic. S. Mariæ ad Nives. dupl., commem. Octavar.
 13. **Dies Octava Transfigur. D. N. J. C.** dupl., comm. Oct. S. Laurentii et Ss. Hippolyti et Soc. Mm.
 14. **De Octava S. Laurentii** semidupl., commem. **Vigiliæ et S. Eusebii Conf.**
Neo-Pampilone: S. Claræ Virg. (d. a. ex 12. huj.) duplex, commem. Oct., Vigil. et S. Eusebii Conf.
Sanctæ Marthæ: S. Alfonsi Mariæ de Ligorio Episc. Conf. et Eccl. Doct. (d. a. ex 2. huj.) dupl. commem. Oct., Vigil. et S. Eusebii Conf.
 15. **Assumptio B. Mariæ Virg.** duplex 1. classis cum Oct.
Panamæ: Patron. Princ. Diœc.
 16. **S. Rochi Conf.** duplex, commem. Octavar.
Sanctæ Fidei Bogotæ: duplex majus.

17. Dies Octava S. Laurentii Mart. duplex, commem. Oct. Assumpt.
18. S. Hyacinthi Conf. (d. a. ex 16. huj.) duplex, commem. Oct. et S. Agapii Mart.
19. De Octava Assumptionis. semiduplex.
20. S. Bernardi Abb. et Eccl. Doct. duplex, commem. Oct. Assumpt.
21. S. Joannæ Franciscæ Fremiot de Chantal, Vid. duplex, commem. Oct. Assumpt.
22. Dies Octava Assumptionis B. M. V. duplex, comm. Ss. Timothei et Soc. Mm.
23. S. Philippi Benitii Conf. duplex, comm. Vigiliæ.
24. S. Bartholomæi Apostoli. duplex 2. classis.
25. S. Ludovici Francor. Regis Conf. semiduplex.
26. S. Zephyrini Papæ et Mart. simplex.
27. S. Josephi Calasactii Conf. duplex.
28. S. Augustini Episc., Conf. et Eccl. Doct. duplex, comm. S. Hermetis Mart.
29. Decollatio S. Joannis Baptistæ. duplex majus, comm. S. Sabinæ Mart.
30. S. Rosæ Limanæ Virg. Patr. Præc. Amer. dupl. 1. cl. cum Oct.
31. S. Raymundi Nonnati Conf. duplex, comm. Oct.

Festa Mobilia.

Dom. infra Oct. Assumpt. S. Joachim Conf. Patris B. M. V. duplex 2. classis, comm. Dom.

Domin. post Oct. Assumpt. Purissimi Cordis B. M. V. duplex majus, commem. Dom.

September.

1. De Octava S. Rosæ Virg. semid., commem. S. Ægidii Abb. et Ss. Duodecim Fratrum Mm.
2. S. Antonini Mart. duplex, commem. Oct.
3. S. Stephani Hungar. Reg. Conf. (d. a. ex heri.) semid. comm. Oct.
4. De Octava S. Rosæ Virg. semiduplex.
5. S. Victorini Episc. et Mart. duplex, commem. Oct.
6. Sanctæ Fidei Bogotæ: duplex majus, commem. Oct.
7. Dies Octava S. Rosæ Limanæ Virg. duplex.
8. S. Laurentii Justiniani Episc. et Conf. (d. a. ex 5. huj.) semiduplex.
9. Nativitas B. Mariæ Virg. duplex 2. classis cum Octava, commem. S. Hadriani Mart.
10. S. Petri Claver Conf. dupl. 2. cl. com. S. Gorgonii Mart.
11. S. Nicolai de Tolentino Conf. duplex, commem. Oct.
12. De Octava Nativ. semid. comm. Ss. Prothi et Soc. Mm.
13. De Octava Nativ. semiduplex.
14. De Octava Nativ. semiduplex.
15. Exaltatio S. Crucis. duplex majus, commem. Oct.
16. Dies Octava Nativ. B. Mariæ Virg. duplex, commem. S. Nicomedis Mart.
17. Pasti: B. Mariæ Virg. de Rupe. duplex 2. classis, commem. S. Nicomedis Mart.
18. S. Cornelii Papæ et Cypriani Episc. Mm. semidupl., commem. Ss. Euphemie et Soc. Mm.
19. Impressio Sacrorum Stigmatum S. Francisci Ass. dupl.
20. S. Josephi a Cupertino Conf. duplex.
21. S. Januarii Episc. et Sociorum Mm. duplex.
22. Ss. Eustachii et Sociorum Mm. duplex, commem. Vigil.
23. S. Matthæi Apost. et Evang. duplex 2. class.

22. S. Thomæ de Villanova Episc. et Conf. duplex, comm. Ss. Mauriti et Soc. Mm.
23. S. Lini Papæ et Mart. semidupl., comm. S. Theclæ Virg. et Mart.
24. B. Mariæ Virg. de Mercede. **duplex majus.**
25. S. Mariæ de Cervellione Virg. duplex.
26. Ss. Cypriani et Justinæ Mm. simpl.
27. Ss. Cosmæ et Damiani Mm. semiduplex.
28. Beati Simonis de Roxas Conf. duplex.
29. Dedicatio S. Michaëlis Archangeli. **duplex 2. classis.**
30. S. Hieronymi Presb. Conf. et Eccl. Doct. duplex.

Festa Mobilia.

Dom. infra Octavam Nativitatis B. M. V. Ss. Nominis ejusdem B. M. V. **duplex majus**, commem. Dom.

Dom. III. Septembris. Septem Dolorum B. Mariæ Virg. **duplex majus**, comm. Dom.

October.

1. S. Remigii Episc. et Conf. semiduplex ad libitum, vel simplex de præcepto.
2. Ss. Angelorum Custodum. **duplex majus.**
3. S. Wenceslai Ducis Mart. (d. a. ex 28. Sept.) semidupl.
4. S. Francisci Assisien. Conf. **duplex majus.**
5. S. Froylani Episc. et Conf. duplex, comm. Ss. Placidi et Sociorum Mart.
6. S. Brunonis Conf. duplex.
7. S. Marci Papæ et Conf. simplex, commem. Ss. Sergii et Soc. Mm.
8. S. Birgittæ Viduæ. duplex.
9. Ss. Dionysii Episc., et Soc. Mm. semiduplex.
10. S. Ludovici Bertrandi Conf. Patr. Præc. Ditionis. **duplex 1. cl. cum Octava.**
11. S. Francisci Borgia Conf. (d. a. ex heri.) semidupl., comm. Oct.
12. B. Mariæ V. de Columna. **duplex majus.** comm. Oct.
13. S. Eduardi Regis Conf. semiduplex, comm. Oct.
14. S. Callisti I. Papæ et Mart. duplex, comm. Oct.
15. S. Teresiæ Virg. duplex, commem. Oct.
16. De Octava. semiduplex.
17. Dies Octava S. Ludovici Bertrandi Conf. duplex.
18. S. Lucæ Evangelistæ. **duplex 2. classis.**
19. S. Petri de Alcantara Conf. duplex.
20. S. Joannis Cantii Conf. duplex.
21. Ss. Ursulæ et Soc. Virg. et Mm. dupl. comm. S. Hilarionis Abb.
22. S. Mariæ Salome Viduæ. duplex.
23. S. Petri Paschasii Episc. et Mart. duplex.
24. S. Raphaëlis Archangeli. **duplex majus.**
25. Ss. Servandi et Germani Mm. (d. a. ex 23. huj.) dupl., commem. Ss. Chrysanti et Soc. Mart.
26. S. Hedwigis Vid. (d. a. ex 17. huj.) semiduplex, comm. S. Evaristi Papæ et Mart.
27. S. Fructi Episc. Conf. dupl., comm. Vigiliæ.
28. Ss. Simonis et Judæ Apost. **duplex 2. classis.**
29. S. Narcissi Episc. et Mart. duplex.
- 30.
31. Vigilia.

Festa Mobilia.

- Dom. I. Octobris.** S^mi Rosarii B. Mariæ V. duplex 2. classis, commem. **Dominicæ.**
Dom. II. Octobris. Maternitatis B. Mariæ Virg. duplex majus, commem. **Dominicæ.**
Dom. III. Octobris. Puritatis B. Mariæ Virg. duplex majus, commem. **Dominicæ.**

November.

1. Omnium Sanctorum. duplex 1. classis cum Octava.
2. De Octava. semidupl. Commem. omnium Fidelium Defunctorum sub ritu duplici.
3. Ss. Innumerabilium Mm. Cæsaraugustan. dupl., comm. Octavæ.
4. S. Caroli Episc. et Conf. duplex, commem. Octavæ et Ss. Vitalis et Soc. Mm.
5. Beati Martini de Porres Conf. dupl., commem. Oct.
6. De Octava. semiduplex.
7. De Octava. semiduplex.
8. Dies Octava Omnium Sanctorum. duplex, commem. Ss. Quatuor Coronatorum Mm.
9. Dedicatio Archibasilicæ Ss. Salvatoris, duplex majus, commem. S. Theodori Mart.
10. S. Andreae Avellini Conf. duplex, comm. Ss. Tryphonis et Sociorum Mart.
11. S. Martini Episc. et Conf. dupl., comm. S. Mennæ Mart.
12. S. Martini I. Papæ et Mart. semiduplex.
13. S. Stanislai Kostkæ Conf. duplex.
14. S. Josaphat Episc. et Mart. duplex.
15. S. Gertrudis Virg. duplex.
16. S. Eugenii Episc. et Mart. duplex.
17. S. Gregorii Thaumaturgi Episc. et Conf. semiduplex.
18. Dedicatio Basilicarum Ss. Petri et Pauli Apost. dupl. majus.
19. S. Elisabeth Viduæ, duplex, commem. S. Pontiani Papæ et Mart.
- Sanctæ Fidei Bogotæ:** Patr. Præc. Diœc. duplex 1. classis cum Octava.
20. S. Felicis de Valois Conf. duplex.
21. Præsentatio B. Mariæ Virg. duplex majus.
22. S. Cæciliæ Virg. et Mart. duplex.
23. S. Clementis I. Papæ et Mart. duplex commem. S. Felicitatis Mart.
24. S. Joannis a Cruce Conf. duplex, commem. S. Chrysogoni Mart.
25. S. Catharinæ Virg. et Mart. duplex.
- Neo-Carthag.:** Patr. Præc. Diœc. duplex 1. classis cum Oct.
26. S. Silvestri Abb. duplex, commem. S. Petri Alexandrini Episc. et Mart.
- Sanctæ Fidei Bogotæ:** Dies Octava S. Elisabeth Vid. dupl., comm. S. Petri Alexandrini Episc. et Mart.
27. Desponsatio B. M. V. dupl. maj., commem. S. Joseph Conf.
28. S. Didaci Conf. (d. a. ex 13. huj.) semiduplex.
- Sanctæ Fidei Bogotæ:** S. Silvestri Abb. (d. a. ex 26. huj.) duplex.
29. **Sanctæ Fidei Bogotæ:** S. Didaci Conf. (d. a. ex 13. huj.) comm. Vigiliæ et S. Saturnini Mart.
30. S. Andreae Apost. duplex 2. classis.

Festum Mobile.

Dom. II. Novembris. Patrocinii B. Mariæ Virg. dupl. majus.
comm. Dom.

December.

- 1.
2. S. Bibianæ Virg. et Mart. semiduplex.
Neo-Carthag.: Dies Octava S. Catharinæ Virg. Mart. duplex.
3. S. Francisci Xaverii Conf. duplex.
4. S. Barbaræ Virg. et Mart. duplex.
Sanctæ Fidei Bogotæ: dupl. maj.
Antiochiæ, Medellii, Panamæ et Popayanæ: duplex 1. classis cum Octava.
5. S. Petri Chrysologi Episc. Conf. et Eccl. Doct. (d. a. ex heri) duplex, commem. S. Sabbæ Abbatis.
6. S. Nicolai Episc. et Conf. duplex.
7. S. Ambrosii Episc., Conf. et Eccl. Doct. duplex, comm. Vigiliæ in Missa tantum.
8. Immaculata Conceptio B. Mariæ Virg. dupl. 1. classis cum Octava.
9. S. Leocadiæ Virg. et Mart. duplex, comm. Oct.
10. Translatio Almæ Domus Lauret. B. M. V. dupl. maj. commem. S. Melchiadis Papæ et Mart.
11. S. Damasi I. Papæ et Conf. semidupl., comm. Octavæ.
Antiochiæ, Medellii, Panamæ et Popayanæ: Dies Octava S. Barbaræ Virg. et Mart. comm. Oct.
12. Beatæ Mariæ Virg. de Guadalupe. duplex majus.
13. S. Luciæ Virg. et Mart. duplex, commem. Octavæ.
14. S. Eulaliæ Emeriten. Virg. et Mart. duplex, comm. Oct.
15. Dies Octava Immaculatæ Conceptionis B. M. V. duplex.
16. S. Eusebii Episc. et Mart. semiduplex.
17. **Neo-Carthag.:** S. Bibianæ Virg. Mart. (d. a. ex 2. huj.) semidupl.
Medellii, Panamæ et Popayanæ: S. Damasi Papæ et Conf. (d. a. ex 11. huj.) semiduplex.
18. Expectatio Partus B. Mariæ Virg. duplex majus.
- 19.
20. S. Dominici Silensis Conf. dupl., comm. Vigil. in Missa tantum.
21. S. Thomæ Apost. duplex 2. classis.
- 22.
23. Beati Nicolai Factoris Conf. duplex.
24. Vigilia Nativitatis.
25. Nativitas D. N. J. C. duplex 1. classis cum Octava.
26. S. Stephani Protomart. duplex 2. classis cum Octava, commem. Oct. Nativitatis.
27. S. Joannis Apost. et Evang. dupl. 2. classis cum Octava, commem. Octavarum.
28. Ss. Innocentium Mart. duplex 2. classis cum Octava, commem. Octavarum.
29. S. Thomæ Cantuarien. Episc. et Mart. duplex, comm. Octavarum.
30. De Octava vel de Dominica infra Oct. Nativ. semid., commem. Octavarum.
31. S. Silvestri I. Papæ et Conf. duplex, comm. Octavarum.



ECCLESIASTICÆ PROVINCIÆ SANCTÆ FIDEI NEOGRANATENSIS.

Remus Archiepiscopus Bogotensis, vota quoque depromens omnium Sacrorum Antistitum Provinciæ Sanctæ Fidei Neogranatensis, ab Apostolica Sede humillime expetivit, ut omnibus Diœcesibus Columbianæ Ditionis privilegium tribuere dignaretur, quo in divinis laudibus persolvendis et in Sacro peragendo unicum Kalendarium sequi valeant. Quod quidem Kalendarium juxta rubricas et recentiora Sacræ Rituum Congregationis decreta apte concinnatum quum a præfatis Rm̃is Ordinariis supremæ Ssm̃i Dñi Nostri Leonis Papæ XIII. sanctioni exhibitum fuerit, idem Ssm̃us Dñs Noster illud accurato Sacræ Rituum Congregationis examini cõmittere dignatus est. Postquam vero eadem Sacra Congregatio sibi commissum Kalendarium sedulo expendit, et, ut huic præjacet Decreto, emendaverit et ordinaverit, ipsa Sanctitas Sua, referente suscripto Sacræ ipsius Congregationis Secretario, illud approbavit simulque concessit, ut a Clero non modo sæculari, verum etiam regulari Kalendario Diœcesano utente, totius Ditionis Columbianæ, tam in Officio recitando, quam in Missa celebranda in posterum adhibeatur. Contrariis non obstantibus quibuscumque.

Die 19. Septembris 1894.

Pro Eñ̃o et Rm̃o Dño **Card. C. Aloisi-Masella** Præfecto

L. M. Card. Parocchi.

(L. S.)

Al. Tripepi Secretarius.

~~~~~  
Concordat cum Originali.

Bogotæ, die 10. Januarii 1895.

(L. S.)

✠ **Bernardus**  
Archiepiscopus Bogotensis.

## S. FIDEI NEOGRANATEN.

**R**emus Dñs Bernardus Herrera Restrepo, Archiepiscopus S. Fidei Neogranaten., Cleri votis sibi commissi libenter obsecundans, Ssm̃um Dñm Nostrum Leonem Papam XIII. humillime rogavit, ut perpetuum privilegium pro Ecclesiis totius suæ Archidiœceseos benigne confirmare dignaretur, quo in Missis Defunctorum, seu de Requie, Præfatio propria adhiberi valeat, nonnullis Americæ Diœcesibus jam pridem concessa. Sanctitas porro Sua, referente infrascripto Sacrorum Rituum Congregationis Secretario, petatum privilegium benigne indulgere dignata est. Contrariis non obstantibus quibuscumque.

Die 19. Septembris 1894.

Pro Eñ̃o et Rm̃o Dño **Card. C. Aloisi-Masella** Præfecto

**L. M. Card. Parocchi.**

(L. S.)

Al. Tripepi Secretarius.

~~~~~  
Concordat cum Originali.

Bogotæ, die 10. Januarii 1895.

(L. S.)

✠ **Bernardus**
Archiepiscopus Bogotensis.



OFFICIA PROPRIA ECCLESIASTICÆ PROVINCIÆ SANCTÆ FIDEI NEOGRANATENSIS.

PARS HIEMALIS.

FESTA NOVEMBRIS.

Die 28. Novembris.

S. Didaci Confessoris.

Semiduplex.

Omnia de Comm. Conf. non
Pont., præter sequ. (m. t. v.)

Oratio.

Omnipotens sempitérne Deus, qui dispositiône mirabili infirma mundi éligis, ut fórtia quæque confúndas: concéde propítius humilitáti nostræ; ut piis beáti Dídaci Confessóris tui précibus, ad perénnem in cœlis glóriam sublimári mereámur. Per Dóminum nostrum.

Et fit commemor. Feriæ.

In I. Nocturno Lectiones de
Scriptura occurrente.

In II. Nocturno.

Lectio iv.

Dídacus Hispánus, ex óppido sancti Nicolái de Portu diocesis Hispalénsis, ab ineúnte ætáte pii sub sacerdotis disciplína, sanctióriis vitæ solitária in ecclésia, tyrocinium exércuit. Deínde ut firmius Deo se conjúngeret, in convéntu de Arizzáfa fratrum Minórum (quos Observántes vocant) sancti Francísci régulam in statu laicáli professus est. Magna ibi alacritáte húmilis obediéntiæ et reguláris observántiæ jugum súbiens,

contemplationi in primis deditus, mira Dei luce perfundebatur, adeo ut de rebus coelestibus, litterarum expers, mirandum in modum et plane divinitus loqueretur.

R. Honestum fecit.

Lectio v.

Canariis in insulis, ubi fratribus sui ordinis praefuit, multa perpessus, martyrii aestuans desiderio, plures infideles verbo et exemplo ad Christi fidem convertit. Romam veniens anno jubilaei, Nicolao quinto Pontifice, aegrotorum curae in conventu Arae coeli destinatus, eo caritatis affectu munus hoc exercuit, ut Urbe annonae inopia laborante, aegrotis tamen, quorum aliquando ulcera etiam lambendo abstergerebat, nihil penitus necessarii defecerit. Eximia quoque fides et gratia curationum in eo eluxit, cum lampadis, quae collucebat ante imaginem beatissimae Dei Genitricis, quam summa devotione colebat, oleo aegros inungens, signo crucis impresso, multorum morbos mirabiliter sanaverit.

R. Amavit eum.

Lectio vi.

Demum Compluti finem sibi vitae adesse intel-

ligens, lacera et obsoleta indutus tunica, coniectis in crucem oculis, singulari devotione illis verbis ex sacro hymno pronuntiatis: Dulce lignum, dulces clavos, dulcia ferens pondera, quae fuisti digna portare Regem coelorum et Dominum, animam Deo reddidit, pridie Idus Novembris, anno Domini supra millesimum quadringentesimo sexagesimo tertio. Ejus corpus cum menses non paucos (ut pio confluentium desiderio fieret satis) insepultum mansisset, quasi jam incorruptionem induerit, odorem suavissimum efflavit. Illum multis et illustribus miraculis clarum Sixtus quintus Pontifex Maximus sanctorum numero adscripsit.

R. Iste homo.

In III. Nocturno Homilia in Evangel. Nolite timere. de eodem Communi 2. loco.

Eadem die.

Sanctae Fidei Bogotae.

S. Silvestri Abbatis.

Duplex.

Omnia de Comm. Conf. Pont., praeter sequentia. (m. t. v.)

Oratio.

Clementissime Deus, qui sanctum Silvestrum Abbatem saeculi hujus vanita-

tem in apérto túmulo pie meditantem ad erémum vocare, et præcláris vitæ méritis decorare dignátus es: te súpplices exorámus; ut ejus exémplo terréna despiciéntes, tui consórtio perfruámur ætérno. Per Dóminum nostrum.

Et fit commem. Feriæ.

In I. Nocturno Lectiones de Scriptura occurrente.

In II. Nocturno.

Lectio iv.

Silvéster, Auxími in Picéno nóbili géne-re ortus, statim puerilem ætátem lítteris ac bonis móribus mirífice exornávit. Adoléscens Bonóniam ad stúdia jurisprudentiæ missus a patre, cum sacris lítteris a Deo mónitus dedísset óperam, parentis incúrrit indignationem, quam æquo ánimo toto decénno pértulit. Ob egrégiam ejus virtútem a canónicis cathedrális Auximánæ ecclésiæ sócius honóris eléctus est; in quo múnere pópulo orationibus, exémplo et conciónibus opem tulit.

R̃. Honéstum fecit.

Lectio v.

Inter funus nóbilis cuiusdam defúnti, in apérto túmulo formósi viri

suique propínqui defórme cadáver conspiciens: Ego, inquit, sum, quod hic fuit; quod hic est, ego ero. Et mox, perácto fúnere, illa sibi Dómini occurrénte senténtia: Qui vult venire post me, abneget semetípsum, et tollat crucem suam, et sequátur me, in solitúdinem majóris perfectiónis stúdio secéssit, ibíque vigíliis, orationibus jejuniisque déditus, crudas tantum herbas in cibum sæpius adhíbuit. Ut autem magis latéret hómines, várias mutávit sedes; ac demum pervénit ad montem Fanum, locum, quamvis prope Fabriánum, eo tamen témpore désertum, ibíque in honórem sanctissimi patris Benedicti templum eréxit, congregationisque Silvestrinórum fundaménta jecit, sub régula et hábitu in visióne sibi ab eódem Sancto osténsis.

R̃. Amávit eum.

Lectio vi.

At invidens sátanas váriis terróribus illius mónachos turbare nitebatur, noctu monastérii jánuas hostíliter invádens. Sed vir Dei hostis ímpetum ita représsit, ut mó-

nachi in sancto instituto magis confirmarentur, ac patris sanctitatem agnoscerent. Spiritu prophetiae aliisque donis enituit. Quae ut semper profunda humilitate conservavit, ita contra se demonis invidiam concitavit, a quo praepes actus per scalas oratorii, et prope interimendus, praesentissimo Virginis beneficio incolumitati redditus est. Quod beneficium perpetua et singulari in illam pietate commendavit ad ultimum usque vitae spiritum, quem fere nonagenarius, sanctitate et miraculis clarus, Deo reddidit anno salutis millesimo ducentesimo sexagesimo septimo, sexto Kalendas Decembris. Ejus Officium ac Missam Leo decimus tertius Pontifex Maximus ad universam extendit Ecclesiam.

R. Iste homo.

In III. Nocturno Homilia in Evangel. Ecce nos reliquimus. de Comm. Abbat. 1. loco.

Die 29. Novembris.

Sanctae Fidei Bogotae.

S. Didaci Confessoris.

Ut supra die 28. Nov.

Et fit com. Vigiliae et S. Saturni Mart. ut in Brev. hac die.

Eadem die.

Neo-Carthag.

Quinta die infra Octavam

S. Catharinae Virg.

et Mart.

Semiduplex.

In I. Nocturno Lectiones de Scriptura occurrente.

In II. Nocturno. Tres Lect. S. Cypriani. Nunc nobis ad Virgines. ut in Brev. Romano de Communi Virg. 2. loco.

In III. Nocturno.

Lectio sancti Evangelii secundum Matthaeum.

Lectio vii. Cap. 25.

In illo tempore: Dixit Jesus discipulis suis parabolam hanc: Simile erit regnum coelorum decem virginibus: quae accipientes lampades suas, exierunt obviam sponso et sponsae. Et reliqua.

Homilia sancti Joannis Chrysostomi.

Homilia 79. in Matth.

Post ingentes labores, post incredibiles sudores et acerrimas pugnas, post trophaea, quae de naturae rabie statuerunt, resurgunt cum dedecore, et lampadibus earum extinctis, terram adspicientes recedunt. Nihil sane tenebrosius est, quam virginitas oleo carens: unde sic vulgo multi

immisericórdes tenebrósos solent appelláre. Quid ígitur ex virginitáte lucrátæ sunt, quæ nec sponsum quidem vidérunt, nec saltem ad pulsándum usque pervenérunt, sed terríbile illud verbum audívere: Abíte, nescio vos?

R. Hæc est.

Lectio viii.

Quod cum ipse dixerit, nihil áliud quam gehénna et intolerábilis cruciátus relínquitur: imo vero étiam, gehénna, istud verbum grávius est: hoc verbum operántibus étiam iniquitátem dixit: Vigiláte, quia nescítis diem neque horam: crebro id répetit, ut ignorántiam éxitus ab hac vita útilem esse osténdat. Ubi sunt ergo qui per totam vitam desídia torpéscunt, et quando a nobis admonéntur, respondére non dúbitant, ómnia se paupéribus moriéndi témpore relictúros?

R. Média nocte.

Lectio ix.

Aúdiant hæc verba, et eméndent se: multi enim abeúndi tempus expectántes, ita repénite rapti sunt, ut nec injúgere suis quidquam potúerint. Sed hæc quidem parábola ejus eleemósynæ grátia,

quæ cum pecúnia conficitur, dicta est. Cur autem hæc parábola sponsum addúcit? Ut vídeas quantum virgínibus Christus afficitur iis, quæ sua paupéribus érogant, hæc enim et vera virginitas est. Nam et Paulus huic rei hanc descriptionem attribuit dicens: Innúpta sollicita est de iis, quæ Dómini sunt, ut sit sancta córpore et spírítu.

Te Deum laudámus.

Et fit comm. Feriæ et S. Saturnini Mart. ut in Breviario hac die.

FESTA DECEMBRIS.

Die 1. Decembris.

Neo-Carthag.

Septima die infra Octav.

S. Catharinæ Virg.
et Mart.

Semiduplex.

In I. Nocturno Lectiones de Scriptura occurrente.

In II. Nocturno.

Sermo sancti Fulgéntii
Epíscopi.

Epístola 3. ad Probam, cap. 4.

Lectio iv.

Tam magnum Deus vóluit esse bonum virginitátis, ut illud non aliúnde, sed ex vocábulo dignarétur nomináre virtútis. Virgínis itaque si

quis velit diligenter considerare vocabulum, ex virtutis inveniet nomine derivatum. Virgo enim dicitur, quasi virago. Viraginem vero Scriptura sancta non ob aliud vocatam dicit, nisi quia de viro sumpta est. Dixitque Adam: Hoc nunc os ex ossibus meis, et caro de carne mea: hæc vocabitur virago, quoniam de viro sumpta est. Itaque cum virginis nomen ex nomine viri descendit, quis dubitet, quod vir a virtute vocatus sit?

R. Propter veritatem.

Lectio v.

Et quia, sicut Paulus docet, illa omnia in figura facta sunt nostri, profecto in illa virgine, quæ ex viri fiebat costa, futura jam tunc præfigurabatur Ecclesia, quæ vere de viro sumpta, et de quo sumpta, illi conjuncta, inde habet in veritate virtutem, unde habet verum viraginis nomen. Propter quod hanc viraginem, idest virginem, quæ de viro sumpta est, non solum virginis, sed etiam viri nomine Paulus non dubitat appellare. Ait enim fidelibus: Despondi enim vos uni viro virginem castam exhibere Christo: Christus est quippe

vir, de quo hæc virgo sumpta est.

R. Dilexisti justitiam.

Lectio vi.

Typice itaque a viro dicitur Virginis vocabulum, quia nomen a Christo dicitur Christianum. Christus enim Dei virtus est et Dei sapientia, ex quo est Ecclesia, quæ virgo in fide et caritate persistens, et sapientiam possidet et virtutem. Quæ cum in diversis membris suis habeat donationes, secundum gratiam quæ data est ei, differentes, majorem tamen gratiam donationis in illis membris accepit, in quibus ita spiritaliter virgo dicitur, ut etiam corporeæ virginitatis integritate potitur. In his enim, in quibus sic fidem custodit rectam, ut etiam carnem ab omni concubitu reservet intactam, quanto plenior habet virginitatem, tanto plenius et perfectius ejusdem virginitatis possidet nomen.

R. Afferentur Regi.

In III. Nocturno.

Lectio sancti Evangelii secundum Matthæum.

Lectio vii. Cap. 25.

In illo tempore: Dixit Jesus discipulis suis parâ-

bolam hanc: Símile erit regnum coelórum decem virgínibus: quæ accipiéntes lámpades suas, exiérunt óbviám sponso et spon-sæ. Et réliqua.

Homília sancti Augustíni
Epíscopi.

Serm. 23. de Verbis Domini,
cap. 4.

Alias dixit prudéntes, álias stultas. Unde intuémur? unde discernimus? De óleo. Aliquid magnum significat ó-leum, et valde magnum. Putas non caritas est? Quæréndo dícimus, non senténtiam præcipítamus. Unde mihi videátur per óleum caritas significári, dicam vobis. Apóstolus dicit: Adhuc supereminéntiorem vobis viam demónstro. Si linguis hóminum loquar et Angelórum, caritátem autem non hábeam, factus sum æraméntum sonans, aut cýmbalum tinniens. Ipsa est superém-nens via, idest caritas, quæ mérito óleo significátur: ómnibus enim humóribus óleum superéminet.

R̃. Hæc est.

Lectio viii.

Quid ergo, fratres? Jam disceptámus de quin-que virgínibus prudénti-

bus et quinque fátuis. Vo-luérunt óbviám ire sponso. Quid est, ire óbviám spon-so? Corde ire, exspectáre ejus advéntum. Sed ille tardábat. Dum tardat ille, dormiérunt omnes. Quid est somnus iste? Ne forte tardánte sponso, quóniam abúndat iníquitas, refriger-scat caritas multórum? Siccine intellectúri sumus istum somnum? Non mihi placet: quia sunt ibi pru-déntes. Et útique quando dixit Dóminus: Refrigeréscet caritas multórum; subjécit et ait: Qui autem perse-veráverit usque in finem, hic salvus erit. Non ergo eis obrépsit frigus caritá-tis, non in eis refríguit cá-ritas, sed fervet usque in finem.

R̃. Média nocte.

Lectio ix.

Est álius somnus, quem nemo evádit. Non re-cordámini Apóstolum di-céntem: De dormiéntibus autem nolo vos ignoráre, fratres: idest, de his qui mórtui sunt? Fátua sit vir-go, prudens sit virgo, som-num mortis omnes pa-tiúntur. Ad novíssimam tubam surgent omnes. Pru-déntes autem illæ tulérunt óleum secum in vasis suis:

stultæ vero illæ non tulérunt óleum secum. Ibi óleum, magnum óleum. De dono Dei est hoc óleum. Tu ergo tecum porta, intus porta. Ubi videt Deus, ibi porta testimónium consciéntiæ tuæ: qui autem ámbulat ad testimónium aliénium, óleum non portat secum.

Te Deum laudámus.

Et fit commem. Feriæ.

Die 2. Decembris.

Neo-Carthag.

Dies Octava

S. Catharinæ Virg.

et Mart.

Duplex.

In I. Nocturno Lectiones de Scriptura occurrente.

In II. Nocturno.

De Epístola S. Hierónymi Presbýteri ad Eustóchium.

De custod. Virg. tom. 1.
circa med.

Lectio iv.

De virgínibus, inquit Apóstolus, præceptum Dómini non hábeo. Cur? quia et ipse ut esset virgo, non fuit impérii, sed propriæ voluntátis. Neque enim audiéndi sunt, qui eum uxórem habuisse confingunt; cum de continéntia dísserens, et suádens perpétuam

castitátem, intúlerit: Volo autem omnes esse sicut meípsum. Et infra: Dico autem innúptis et víduis: Bonum est illis, si sic permáneant, sicut et ego. Quare ergo non habet Dómini de virginitáte præceptum? Quia majóris est mercédis, quod non cógitur et offértur: quia si fuisset virgínitas imperáta, núptiæ videbántur ablátæ; et duríssimum erat contra natúram cógere, Angelorúmque vitam ab hominibus extorquére.

R̃. Propter veritátem.

Lectio v.

Alia fuit in vétéri lege félicitas. Ibi dicitur: Beátus, qui habet semen in Sion, et domésticos in Jerúsalem; et: Maledícta stérilis, quæ non pariébat; et: Fílii tui sicut novellæ olivárum in circúitu mensæ tuæ. Vácuus erat orbis, et, ut de týpícis táceam, sola erat benedíctio liberórum. Proptérea et Abraham jam senex Cethúrá copulátur, et Jacob mandrágoris redímítur, et conclúsam vulvam in Ecclésiæ figúram Rachel conquéritur. Paulátim vero increscénte ségete, messor immissus est. Virgo Elías, Eli-

séus virgo, vírgines multi filii Prophetárum. Jeremíæ dicitur: Et tu ne accípias uxórem. Sanctificátus in útero, captivitáte propínqua, uxórem prohibétur accípere. Aliis verbis id ípsium Apóstolus lóquitur: Exístimo hoc bonum esse propter instántem necessitátem. Quæ est ista neces-sitas, quæ aufert gaúdia nuptiárum? Tempus bre-viátum est, in próximo est Nabuchodónosor.

R̃. Dilexisti justítiam.

Lectio vi.

Inveniebátur ergo, ut dí-ximus, in viris tantum hoc continéntiæ bonum, et in dolóribus júgiter Heva parturiébat. Postquam ve-ro virgo concépit in útero, et péperit nobis púerum, cujus principátus in húme-ros ejus, Deum, fortem, patrem futúri sǎculi, so-lúta maledíctio est. Mors per Hevam, vita per Ma-riám. Ideóque et dítius vir-ginitátis donum fluxit in féminas, quia cœpit a fé-mina. Statim ut Fílius Dei ingressus est super terram, novam sibi famíliam insti-tuit, ut qui ab Angelis ad-orabátur in cœlo, habéret Angelos et in terris. Tunc Holoférnis caput Judith

cóntinens amputávit: tunc Aman, qui interpretátur iniquitas, suo combústus est igni: tunc primum au-dítum est: Quæ non est nupta, cógitat quæ sunt Dómini, ut sit sancta cór-pore et spíritu.

R̃. Afferéntur Regi.

In III. Nocturno.

Lectio sancti Evangélíi se-cúndum Matthæum.

Lectio vii. Cap. 25.

In illo témpore: Dixit Je-sus discíplulis suis pará-bolam hanc: Símile erit regnum cœlórum decem virgínibus: quæ accipién-tes lámpades suas, exi-erunt óbviám sponso et sponsæ. Et réliqua.

De Homilía S. Augustíni
Epíscopi.

Serm. 23. de Verbis Domini,
cap. 8.

Inténdat itaque cári-tas vestra. Sapién-tium lámpades ardébant de óleo ætérno, de consciéntiæ securitáte, de interióre glória, de íntima caritáte. Ardébant tamen et illárum fatuárum. Quare tunc ardébant? quia non déerant laudes hóminum. Póstea vero quam surre-xérunt, idest in resurre-ctióne a mórtuis, cœpérunt aptáre lámpades suas, id-

est parâre, Deo ôperum suórum réddere ratióem. Et quia tunc nemo est qui laudet, omnis homo causæ suæ vacat: non erant qui ôleum vénderent, cœpérunt deficere lámpades.

R̃. Hæc est.

Lectio viii.

Circa finem, cap. 10.

Clausum est óstium. Et quid illis dictum est: Non novi vos. Non illas novit, qui ómnia novit? Quid ergo est: Non novi vos? Improbo vos, réprobo vos: in arte mea non vos agnósko: ars mea nescit vítia. Hoc est autem magnum, et nescit vítia, et júdicat vítia: nescit faciéndó, júdicat arguéndó. Sic ergo non novi vos. Iérunt, intravérunt quinque prudéntes. Sint in vobis quinque prudéntes, ad istam prudéntiam quinárii númeri pertinéntes. Véniet enim hora, et quando nescimus, véniet. Sic clausit Evangélium: Vigilate, quia nescitis diem neque horam.

R̃. Média nocte.

Lectio ix.

Corde vígila, fide vígila, spe vígila, caritaté vígila, opéribus vígila: et quando córpore dormieris,

véniet tempus ut surgas. Cum autem surrexeris, præpara lámpades. Tunc non exstinguántur; tunc in interióre consciéntiæ ôleo vegeténtur; tunc sponsus ille incorpóreis nexibus amplectátur; tunc te introducat in domum, ubi numquam dórmiās, ubi numquam possit tua lampas exstingui. Hódie vero laborámus, et lámpades nostræ inter ventos sæculi hujus tentationésque flúctuant: sed árdeat in rubóre flamma nostra, ut ventus tentatiónis aúgeat ignem pótius, quam exstinguat.

Te Deum laudámus.

Et fit commem. Feriæ.

Die 4. Decembris.

S. Barbaræ Virg. et Mart.

Duplex.

Omnia ut inter festa pro aliqu. locis eadem die præter sequ.

Oratio.

Deus, qui inter cétera poténtiæ tuæ mirácula étiam in sexu frágili victóriam martýrii contulisti: concéde propítius; ut qui beátæ Bárbaræ Virginitis et Mártiris tuæ natalitia cólimus, per ejus ad te exémpa gradiámur. Per Dóminum nostrum.

Sanctæ Fidei Bogotæ.

Duplex majus.

Antiochiæ, Medellii, Panamæ
et Popayanæ.

Duplex 1. cl. cum Octava.

Omnia ut supra, sed in I. Noct.
Lect. De **Virgínibus**. de Com-
muni 1. loco.

Die 5. Decembris.

S. Petri Chrysologi

Episc., Conf. et Eccl. Doct.

Duplex.

Omnia ut in Breviario die
4. Decembris.

Et fit comm. Feriæ et S. Sabbæ
Abbat. ut in Brev. hac die.

Die 8. Decembris.

**Immaculatæ Concept.
B. M. V.**

Patron. princip. Indiarum.

Duplex 1. cl. cum Oct.

Omnia ut in Breviario Ro-
mano eadem die.

Die 9. Decembris.

S. Leocadiæ Virg.

et Mart.

Duplex.

Omnia de Communi Virg. et
Mart., præter sequ.

Oratio.

Beátæ Leocadiæ Virginis
et Mártiris tuæ, quæ-
sumus Dómine, précibus
et méritis adjuvémur: ut,
quæ pro tui nóminis con-
fessióne cárceres et mor-
tem pértulit, suo nos pa-
trocinio ab ætérno cárcere
deféndat. Per Dóminum.

Deinde fit commem. Octavæ
Immacul. Concept. B. M. V. et
Feriæ.

In I. Nocturno Lectiones de
Scriptura occurrente.

In II. Nocturno.

Lectio iv.

Ex Brev. Mart. et Hist. antiqu.



Leocádia, virgo Tole-
tána, nóbilis gé-
nere, sed nobílior
christiána pietáte, eo témp-
ore martýrium passa est,
quo Diocletiáno et Maxi-
miáno imperatóribus tam
dira in Dei ecclésiám per-
secútio commóta est, ut
ubíque géntium conquistí
christiáni aut Christi fi-
dem abnegáre aut mortem
subíre cogeréntur. Ad quam
crudelitátem exercéndam
et veri Dei cultum in Hi-
spánia exstinguéndum mis-
sus est ab imperatóribus
Daciánus præses. Qui mul-
tis civitatibus ejus provín-
ciæ mártýrum sángine
consecrátis, ubi Tolétum
venit, Leocádiam ad se ac-
cersíri jubet, eámque blan-
dítiis primum deliníre ag-
gréditur, deínde étiam ter-
róribus ac modis ómnibus
de propósito coléndæ chri-
stiánæ religiónis dedúcere
conátur. Cujus ímpiam ora-
tiónem Leocádia detestáta
in víncula conjícitur, ut
aut senténtiam mutet, aut

vim immanium tormentorum experiatur. R. Propter.

Lectio v.

Cum autem in custodiam virgo duceretur, Deo humili corde gratias egit, quod pro Christo fundendi sanguinem sibi occasionem obtulisset. Conversaque ad eos, qui se lacrimis prosequerentur, placido vultu: Eja, inquit, Christi milites, congratulamini mihi, quoniam digna habita sum pro nomine Jesu contumeliam pati. In tetro carcere diu jacuit, donec auditis savissimis tormentorum generibus, quibus Dacianus permultos christianos excruciatos necaverat, pio dolore commota flexis humi genibus Deum precata est, ut se (si ita expediret) e custodia corporis educeret ad confitendum nomini ejus. Exauditaque a Domino, squalore confecta, impollutum spiritum in oratione Deo reddidit.

R. Dilexisti iustitiam.

Lectio vi.

Leoctadiæ igitur corpus honorifice a christianis in suburbio Toletano sepelitur. Ubi postea, et in loco ubi mortua est, duæ ecclesiæ collegiatae, et tertia item parochialis in ædibus, in quibus habitavit,

eius nomine dedicatae, etiam nunc exstant. Quibus tantus honor Gothorum tempore est habitus, ut in eis potissimum multa concilia Toletana eaque frequentissima habita, et sanctissimi archiepiscopi Toletani, Eugenius tertius, Ildephonsus et Julianus, in Leoctadiæ basilica propter virginis reverentiam sepulti sint. Hæc sanctissima virgo post mortem et tumulo surrexit, et Recesvintho rege presente et magna hominum multitudine beato Ildephonso apparuit, ejusque studium in gloriosissimam virginem Mariam commendavit. R. Afferentur.

In III. Nocturno.

Lectio sancti Evangelii secundum Matthæum.

Lectio i. Cap. 25.

In illo tempore: Dixit Jesus discipulis suis parabolam hanc: Simile erit regnum celorum decem virginibus: quæ accipientes lampades suas exierunt obviam sponso et sponsæ. Et reliqua.

Homilia S. Isidori Archiepiscopi Hispalensis.

Lib. Sentent. cap. 40.



Virgo carne, non mente, nullum præmium habet in repro-

missione. Unde et insipientibus virginibus Salvator in iudicio veniens dicit: Amen dico vobis, nescio vos. Ubi enim iudicans mentem corruptam invenerit, carnis procul dubio incorruptionem damnabit. Nihil prodest incorruptio carnis, ubi non est integritas mentis. Nihilque valet mundum esse corpore eum, qui pollutus est mente.

R̃. Hæc est.

Lectio viii.

Multi sunt reproborum, qui carnalis corruptelæ contagium nesciunt. Qui sicut infœcundi sunt corpore, ita steriles manent mente, operisque boni fecunditate. Qui recte de virginitate gauderent, si aliis pravis operibus non inservirent. Qui continentiam profitetur et ab aliis terrenis desideriis non subtrahitur, quamvis hunc luxuria carnis non polluat, diversa tamen mundanæ conversationis operatio maculat.

R̃. Média nocte.

Lectio ix.

Virgines de suis méritis gloriâtes hypocritis comparantur, qui glóriam boni operis foris appetunt, quam intra conscientiam humiles habere debuérunt.

Tales igitur ad promissa cœlestia non perveniunt: quia ipsæ sibi virginitatis præmium per elationis vitium auferunt. Hoc est enim in evangélio non habere vírgines in vasis oleum, id est non servare intra conscientiam boni operis testimonium, sed in facie gloriári apud homines, non in corde apud Deum.

Te Deum laudamus.

In Laud. comm. Oct. et Fer. Vesperæ de sequ. cum com. S. Leocadiæ, Feriæ et S. Melchiadis Papæ et Mart.

Die 10. Decembris.

Translationis

**Almæ Domus Lauret.
B. M. V.**

Duplex majus.

Omnia ut inter festa pro aliquibus locis in Breviario Romano eadem die.

Die 11. Decembris.

Medellii, Panamæ et Popayanæ.

Dies Octava

S. Barbaræ Virg.
et Mart.

Duplex.

In I. Nocturno Lectiones de Scriptura occurrente.

In II. et III. Noct. Lect. ut supra die 2. Dec. in die Oct. S. Catharinæ Virg. et Mart.

Et fit commemor. Oct. Immac. Concept. B. M. V. et Feriæ.

Die 12. Decembris.

B. M. V. de Guadalupe.

Duplex majus.

Omnia ut in festis B. M. V. per annum. præter sequ.

Ad Magnif. Ant. Elégi et sanctificávi locum istum, ut sit ibi nomen meum, et permáneant óculi mei et cor meum ibi cunctis diébus.

Oratio.

Deus, qui sub beatíssimæ Vírginis Mariæ singulári patrocínio constitútos perpétuis beneficiis nos cumulári voluísti: præsta supplicibus tuis; ut, cujus hódie comēmoratióne lætámur in terris, ejus conspéctu perfruámur in cœlis. Per Dóminum.

Et fit commem. Feriæ.

In I. Nocturno.

De libro Ecclesiástici.

Lectio i. Cap. 24.

Ego ex ore Altíssimi prodívi, primogénita ante omnem creatúram. Ego feci in cœlis ut orirétur lumen indeficiens, et sicut nébula texi omnem terram. Ego in altíssimis habitávi, et thronus meus in columna nubis. Gyrum cœli circuívi sola, et profúndum abyssi penetrávi; in flúctibus maris ambulávi, et in omni terra steti: et in

omni pópulo et in omni gente primátum hábui: et ómnium excelléntium et humílium corda virtúte calcávi: et in his ómnibus réquiem quæsívi, et in hæreditáte Dómini morábor. Tunc præcépit, et dixit mihi Creátor ómnium, et qui creávit me, requiévít in tabernáculo meo, et dixit mihi: In Jacob inhábita, et in Israél hæreditáre, et in eléctis meis mitte radicés.

R. Vidi speciósam sicut colúmbam, ascendéntem désuper rivos aquárum: cujus inæstimábilis odor erat nimis in vestiméntis ejus: * Et sicut dies verni circúmdabant eam flores rosárum, et lília convállium. V. Quæ est ista quæ ascéndit per désertum sicut vírgula fumi, ex aromátibus myrrhæ et thuris? Et sicut.

Lectio ii.

Ab initio, et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi. Et sic in Sion firmáta sum, et in civitate sanctificáta similiter requiévi, et in Jerúsalem potéstas mea. Et radicávi in pópulo honorificáto, et in

parte Dei mei hæréditas illius, et in plenitúdine sanctorum deténtio mea. Quasi cedrus exaltáta sum in Líbano, et quasi cyprésus in monte Sion. Quasi palma exaltáta sum in Cades, et quasi plantátio rosæ in Jéricho. Quasi olíva speciósa in campis, et quasi plátanus exaltáta sum juxta aquam in platéis. Sicut cinnamómum et bálsamum aromatizans odórem dedi: quasi myrrha elécta dedi suavitátem odóris: et quasi storax et gálbanus et úngula et gutta, et quasi Líbanus non incisus vaporávi habitatióem meam, et quasi bálsamum non mistum odor meus.

R. Quæ est ista, quæ ascendit sicut auróra consurgens, pulchra ut luna, elécta ut sol? * Terribilis ut castrorum ácies ordináta? **V.** Fília Sion, tota formósa et suávis es, pulchra ut luna, elécta ut sol. Terríbilis.

Lectio iii.

Ego quasi terebínthus exténdi ramos meos, et rami mei honóris et grátiae. Ego quasi vitis fructificávi suavitátem odóris, et flores mei fructus honóris et honestátis. Ego mater

pulchræ dilectiónis, et timóris et agnitiónis et sanctæ spei. In me grátia omnis viæ et veritátis: in me omnis spes vitæ et virtútis. Transíte ad me omnes qui concupiscitis me, et a generatióibus meis implémini. Spíritus enim meus super mel dulcis, et hæréditas mea super mel et favum. Memória mea in generatióes sæculórum. Qui edunt me, adhuc esúrient, et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.

R. Quæ est ista, quæ processit sicut sol, et formósa tamquam Jerúsalem? * Vidérunt eam fíliæ Sion, et beátam dixerunt, et regínæ laudavérunt eam. **V.** Et sicut dies verni circúmdabant eam flores rosárum et lília convállium. Vidérunt. Glória Patri. Vidérunt.

In II. Nocturno.

Sermo sancti Bernárdi
Abbátis.

De verb. Apocal. c. 12.

Lectio iv.

Fidélis plane et præpotens mediátor Dei et hóminum homo

Christus Jesus. Nec ipsa mulier benedicta in mulieribus vidébitur otiosa: inveniétur équidem locus ejus in hac reconciliatióne. Opus est enim mediátore ad mediátorem Christum, nec alter nobis utilior quam María. Quid ad Mariám accédere trépidet humana fragilitas? Nihil austérum in ea, nihil terríbile. Quod si (ut vere sunt) plena magis ómnia pietátis et grátiae, plena mansuetúdinis et misericórdiae, quæ ad eam pértinent, invéneris; age grátias ei qui talem tibi mediátricem benigníssima miseratione providit. Omnibus ómnia facta est, ómnibus misericórdiae sinum áperit, ut de plenitudine ejus accipiant universi: captívus redemptionem, æger curationem, tristis consolationem, peccátor véniam, justus grátiam, Angelus lætítiam, dénique tota Trínitas glóriam.

R. Signum magnum apparuit in cœlo, mulier amicta sole, et luna sub pédibus ejus: * Et in cápite ejus coróna duódecim stellárum. V. Fundaménta ejus in móntibus sanctis, diligit Dóminus portas Sion super ómnia tabernacula Jacob. Et.

Lectio v.

Nimírum ea est, quæ velut álterum solem induit sibi. Quemádmódum enim ille super bonos et malos indifferénter óritur, sic ipsa quoque prætéríta non discutit mérita; sed ómnibus sese exorábilem, ómnibus clementíssimam se præbet, ómnium dénique necessitatés amplíssimo quodam miserátur afféctu. Nam et deféctus omnis sub ea, et quidquid fragilitátis seu corruptiόνis est, excellentíssima quadam sublimitáte præ céteris ómnibus excédit et supergréditur creatúris, ut mérito sub ejus pédibus luna esse dicátur. Amplectámur Mariæ vestigia, fratres mei, et devotíssima supplicatióne beátis illius pédibus provolvámur. Teneámus eam, nec dimittámus, donec benedixerit nobis. Virtus Altíssimi obumbrábit tibi. Nihil itaque mirum, si sub tali umbráculo talis étiam a muliere sustineátur amíctus. Mulier amicta sole. Induimini Dóminum Jesum Christum. Quam familiáris ei facta es, Dómina! Quam próxima, imo quam íntima fieri meruísti! Quamtam invenísti grátiam apud

Deum! In te manet, et tu in eo; et vestis eum, et vestiris ab eo: vestis eum substantia carnis, et vestiris ab eo glória suæ majestátis.

R̃. Quæ est ista quæ progreditur quasi auróra consurgens: * Pulchra ut luna, electa ut sol? V. Quasi arcus refulgens inter nébula glóriæ, et quasi flos rosarum in diébus vernis. Pulchra.

Lectio vi.

In cápite, inquit, ejus corona stellarum duodecim. Dignum plane stellis coronári caput, quod et ipsis longe clárius micans ornet eas pótius quam ornétur ab eis. Quidni coróneut sídera, quam sol vestit? Sicut dies verni circumdabant eam flores rosarum et lília convállium. Quis illas æstimet gemmas? Quis stellas nóminet, quibus Mariæ régium diadéma compáctum est? Supra hóminem est coronæ hujus ratióne expónere, indicáre compositionem. In ea fere spécie anno millésimo quingentésimo trigésimo primo mirabíliter picta Deíparæ imágo Méxici apparuisse fertur: quæ in ibi loci prope Urbem, ubi

pio neóphyto ædem sibi sacram prodígio díctur designásse, magnífico excépta templo, ingénti cólitur populórum ac miraculórum frequéntia. Quam propterea uti præsentíssimum advérsus públicas privátasque calamitátes præsidium, archiepíscopus Mexicánus, ut réliqui étiam illárum pártium antistites, ómnium órdinum consensióne, in primáriam adlégit Novæ Hispániæ Patrónam, ritéque electam Benedictus décimus quartus auctoritáte apostólica declarávit, atque Officium próprium et Missam sub título beátæ Vírginis Mariæ Guadalupénsis recitári concéssit.

R̃. Elégi et sanctificávi locum istum: * Ut sit ibi nomen meum, et permáneant óculi mei et cor meum ibi cunctis diébus. V. Nec fecit táliter omni natióni, et judícia sua non manifestávit eis. Ut sit. Glória Patri. Ut sit.

In III. Nocturno.

Léctio sancti Evangélíi secúndum Lucam.

Lectio vii. Cap. 1.

In illo témpore: Exsúrgens María ábiit in montána cum festinatioe in

civitatem Juda. Et intravit in domum Zachariæ, et salutavit Elisabeth. Et reliqua.

Homilia sancti Bernardi
Abbatis.

De verb. Apocal. cap. 12.

Mirabatur Elisabeth personam venientis, dicens: Unde hoc mihi, ut veniat mater Domini mei ad me? Commendabat et vocem salutantis, adjiciens: Ut facta est vox salutationis tuæ in auribus meis, exsultavit in gaudio infans in utero meo. Et beatificabat fidem credentis: beata, inquit, quæ credidisti. Magna quidem præconia; sed et devota humilitas, nihil sibi passa retinere, in eum magis universa refudit, cuius in se beneficia laudabantur.

R. Felix namque es, sacra Virgo Maria, et omni laude dignissima: * Quia ex te ortus est sol justitiæ, Christus Deus noster. V. Ora pro populo, interveni pro clero, intercede pro devoto femineo sexu: sentiant omnes tuum juvenem, quicumque celebrant tuam sanctam festivitatem. Quia.

Lectio viii.

Tu, inquit, magnificas matrem Domini; sed magnificat anima mea Dominum. In voce mea filium perhibes exsultasse in gaudio: sed exsultavit spiritus meus in Deo salutari meo: et ipse quoque tamquam amicus sponsi gaudet ad vocem sponsi. Beata esse dicis, quæ credidi; sed credulitatis et beatitudinis causa respectus est supernæ pietatis; ut ex hoc magis beatam me dicant omnes generationes, quia ancillam humilem et exiguum respexit Deus. Verumtamen numquid putamus, fratres, Elisabeth sanctam in eo, quod per Spiritum utique loquebatur, errasse? Absit. Beata plane quam respexit Deus, et beata quæ credidit. Hic enim magnus divinæ respectiōnis existit fructus.

R. Beata me dicent omnes generationes: * Quia fecit mihi Dominus magna, qui potens est, et sanctum nomen ejus. V. Et misericordia ejus a progenie in progenies timētibis eum. Quia. Glória Patri. Quia.

Lectio ix.

Ineffabili siquidem artificio Spiritus superveni-

ens tantæ humilitati magnanimitas tanta in secretario virginei cordis accessit, ut quod videlicet nec humilitas tanta minuit magnanimitatem, nec magnanimitas tanta humilitatem. Sed cum in sua aestimatione tam humilis esset, nihilominus et in promissionis credulitate magnanimis; ut quæ nihil aliud, quam exiguam sese reputabat ancillam, ad inscrutabile sacramentum nullatenus se dubitaret electam et veram Dei et hominis genitricem crederet mox futuram. Jam te, Mater misericordiae, per ipsum sincerissimæ tuæ mentis affectum, tuis jacens provoluta pedibus luna, mediatricem sibi apud solem justitiæ constitutam devotis supplicationibus interpellat; ut in lumine tuo videat lumen, et solis gratiam tuo mereatur obtentu, quam vere amavit præ omnibus, et ornavit stola gloriæ induens, et coronam pulchritudinis ponens in capite tuo.

Te Deum laudamus.

Ad Bened. Ant. Non fecit taliter omni nationi, et iudicia sua non manifestavit eis.

Et fit commemor. Feriæ.

In II. Vesperis.

Omnia ut in I. Vesp. præter
Ad Magnif. Ant. Leva
in circuitu oculos tuos, et
vide: Omnes isti congregati sunt, venerunt tibi: filii tui de longe venient, et filiae tuæ de latere surgent.
Et fit commemor. Feriæ.

Die 14. Decembris.

S. Eulaliæ Emeritensis

Virg. et Mart.

Duplex.

Omnia de Communi Virg. et
Mart., præter sequentia.

Oratio.

Omnipotens sempiternus Deus, qui infirma mundi eligis, ut fortia quæque confundas: da nobis in festivitate sanctæ Virginis et Martyris tuæ Eulaliæ congrua devotione gaudere; ut et potentiam tuam in ejus passione laudemus, et promissum nobis percipiamus auxilium. Per Dominum nostrum.

Et fit commemor. Oct. et Feriæ.

In I. Nocturno Lectiones de
Scriptura occurrente. In Quat.
Temp. Lect. Confitebor. de eodem
Communi 2. loco.

In II. Nocturno.

Lectio iv.

Eulalia virgo, Libérii nobilis Emeritensis civis filia, a presbytero Donato fidem Chri-

sti edócta, patérna cura ob metum persecutiónis sub Maximiano imperatóre in loco, qui dicebátur Porcejána et paréntis posséssio erat, in finibus provinciæ Bæticæ prope Eméritam milliário trigésimo, custodiebátur cum Felíce Confessóre, et Júlia vírgine, aliisque Deum timéntibus. Adeo síquidem ejus viri boni præcéptis Eulália sitiénter adhæsit, ut non cristiános solum exácte ritus serváret, verum dari sibi occasiõem expéteret, qua per martýrium posset ad cœlum evoláre. Aúdiens autem Daciánus multos christianórum torméntis afficere ob Christi nomen, egressa domo nocte, pédibus per ínvia pergens, una cum Júlia sibi convirgináli (quæ étiam eódem die martýrium passa est) in civitatem devénit.

R. Propter veritátem.

Lectio v.

Civitátem autem ingrèssa, ad tribúnal Calphurniáni, quem legátum in urbe Eméríta Daciánus reliquerat, accédens, increpáre cœpit illius sævítiam et insániam, quod Deum verum coléntes supplicíis vexáret et dæmonum simulácula có-

lere fáceret. Quam præses aúdiens primum verbis demulcére aggréditur, ne in tam ténera ætáte (tértium décimum enim annum agébat) vitam pérdere vellet, Adhortabátur étiam, ut diis incénsum adolérét. Quod beáta virgo rénuens fústibus cæditur, et úngulis ab utróque látere usque ad ossa dilaniátur. In quo torménto virgo læto ore notas númerans, in hæc verba prorúpit: Scriberis ecce mihi, Dómine; quam juvat hos ápices légere, qui tua, Christe, trophæa notant: noménque tuum elíciti sánguinis púrpura lóquitur.

R. Dilexísti justítiam.

Lectio vi.

Ad hæc insániens præses iussit eam collo tenus in vivam calcem immérgeri, aqua super infúsa, ipsámque vírginem liquefacto plumbo perfúndi. Verum cum nec ardor ille Euláliæ nocéret, novíssime in equúleo exténditur, et ardéntibus fácibus lampadibusque látera ejus adurúntur, quarum flammam in caput et faciém involitántem virgo apérto ore hausit. Unde progrédiens colúmba candidíssima in cœlum spectántibus cunctis evolávit

quarto Idus Decémbris. Lictóribus autem fugiéntibus, sancto córpore in equúleo relicto, magna nivis cópia descéndit, quæ forum corpúsque virgineum vice líntei cándidi tegébat. Inde clam a christiánis ablátum sepultúræ tráditum est, et in Hispaniárum devastatióne a Saracénis in Oveténsem ecclésiám translátum est: ubi magna cum veneratióne cólitur. Eámque Urbánus octávus, Póntifex Máximus, in patrónam perpétuam dicti episcopátus Oveténsis concessit, anno incarnatiónis Dómini millésimo sexcentésimo trigésimo nono.

R̄. Afferéntur Regi.

In III. Noct. Homil. in Evang. Simile erit regnum cœlorum. de Comm. 1. loco.

In Quatuor Temp. Lectio ix. de Homil. Feriæ.

In Laudibus commem. Oct. et Feriæ.

Die 17. Decembris.

Neo-Carthag.

S. Bibianæ Virg. et Mart.

Semiduplex.

Omnia ut in Breviario Romano die 2. hujus.

In Quatuor Temp. Lect. I. Noct. Confitébor. de eodem Communi 2. loco et Lect. ix. de Homilia Feriæ.

Medellii, Panamæ et Popayanæ.

S. Damasi I. Papæ et Confessoris.

Semiduplex.

Omnia ut in Breviario Romano die 11. hujus.

In Quatuor. Temp. Lect. I. Noct. Fidélis sermo. de eodem Comm. 1. loco et Lect. ix. de Homilia Feriæ.

Die 18. Decembris.

Exspectionis Partus B. M. V.

Duplex majus.

Omnia ut inter festa pro aliquibus locis in Breviario Romano eadem die.

Die 20. Decembris.

S. Dominici Silensis Abbatis.

Duplex.

Omnia de Comm. Conf. non Pont., præter sequ.

Oratio.

Deus, qui Ecclésiám tuam beáti Domínici Confessoris tui præcláris vitæ méritis decorásti, et in liberándis captívis gloriósis lætificásti miraculis: concede nobis fámulis tuis; ut et ipsíus instruámur exémpis, et ab omni vitiórum servitúte ejus patrocinio liberémur. Per Dóminum nostrum.

Et fit commem. Feriæ.

In I. Nocturno Lectiones de Scriptura occurrente. In Quatuor Temp. Beátus vir. de Communi 2. loco.

In II. Nocturno.

Lectio iv.

Domínicus, abbas, honestis paréntibus natus est Cannis, oppídulo ad radíces Jubédæ montis in Cántabris. Quem ab ipsa puerítia mirus monásticæ vitæ ardor occupávit: ádeo ut relicta gregis patérni cura in solitúdinem secésserit. Sed cum parum ei tuta viderétur illa solitúdo, insigne sancti Æmiliáni cœnóbium ádiit, ubi cum diu sub hábitu et disciplína monástica vixisset, magna sanctitátis opiníone ecclésiæ Cannárum regéndæ præfícitur. Inde in cœnóbium sancti Æmiliáni revocatús, Prior effícitur. Verum dum Cantabrorum regi, quædam a cœnóbio injúste exigénti, constantissime resistit, ab eódem in Jubédæ montis ínvía duóbus mónachis comítibus actus est. Qui ejus furóri cédere cúpiens ad Ferdinándum Castéllæ et Legiónis regem nóminis ejus primum se cóntulit. Qui viri Dei sanctitáte motus illum ad se adeúntem benigne et honorífice excépit, et cœnóbium sancti Sebastiání præesse voluit: áddito ab epíscopo diocesáno abbátistítulo. R. Honéstum.

Lectio v.

Erat autem ipse locus infrequens, útpote qui sterílibus quibúsdam Jubédæ montis cóllibus subjáceat, qui mons ipse Celtíberos tangit. At claritáte miraculórum, quæ quotidie per servum suum Domínicum operabátur Deus, tam céleber ac frequens factus est, ut eo témpore per Hispániam nullus illústrior esset. Nulla enim ferme morbórum génera erant, quæ Domínici précebus ab hóminum corpóribus non pelleréntur. Unde cœnóbium in augustiorem formam erécto, magno étiam monachórum número coáluit: régibus ac pópulis multa illi certátim offeréntibus. Quin étiam singulári privilégio servum suum insignívit Dóminus, ut christiáni, qui apud Mahometános vincti multis ferri pondéribus tenebántur, invocáto Domínico liberarentur.

R. Amávit eum.

Lectio vi.

Demum gravi morbo corréptus, ecclésiæ sacraméntis devotíssime susceptis migrávit ad Dóminum anno Dómini millésimo septuagésimo quarto.

Eo autem die, quo migravit a corpore, visa est a pueris quibusdam illius anima triplici coróna decorata in cœlum subvolare. Corpus vero ejus in eodem cœnobio conditum hodie cernimus, quod sanctum Dominicum de Sylos appellamus. Ad cujus sepulchrum orans Joánna, Felicis Guzmáni uxor, olim infœcúnda, filium impetravit, cui sancti hujus viri propterea nomen impósuit. Quod quidem ipse miravitæ sanctitatē sacróque Prædicatórum ordine institúto multo réddidit illústrius, quam accépit.

R. Iste homo.

In III. Noct. Homilia in Evang. Ecce nos relíquimus. de Comuni Abbat. 1. loco.

In Quat. Temp. Lect. ix. de Homil. Feriæ et commem. in Laudibus.

Die 23. Decembris. Beati Nicolai Factoris Confessoris.

Duplex.

Omnia de Comuni Conf. non Pont., præter sequ.

Oratio.

Deus, qui beatum Nicoláum Confessorem tuum ineffabili caritatis tuæ igne succensum te puro corde sectári fecisti: da nobis fámulis tuis; ut eó-

dem spiritu repléti et caritatē fervéntes, viam mandatórum tuórum inoffénso pede currámus. Per Dóminum nostrum.

Deinde fit cœmem. Feriæ.

In I. Nocturno Lectiones de Scriptura occurrente.

At si venerit in Sabbato Quatuor Temporum, Lectiones **Justus si morte.** de Comm. Conf. non Pont. 1. loco.

In II. Nocturno.

Lectio iv.

Nicoláus, Valentíæ E-denatórum piis parentibus ortus, ab ineunte ætate præclára futuræ sanctitátis édedit documénta. Quinque enim annos natus, ter singulis hebdomadis jejunábat, pane tantum et aqua contentus. Obsónia sibi paráta aláriter paupéribus elargiebátur; atque egenórum et leprosórum manibus tibiisque, sánie licet manántibus, pia óscula dabat. Quibus sane aliisque christiánæ perfectiónis extrémis fámula domus Maura commóta, mahomédicam ejurávit superstitionem. Adoléscentis ægrótos in nosocomiis crebro invisébat, propriis ipse manibus illis inserviébat, omnique stúdio nóbiles viros ac matrónas civitátis ad id ópe-

ris alliciébat. Quæ et ália miránda pietátis et caritátis ópera, in quibus mirífice enítuit, ad mortem usque numquam dimísit. Mundi suique contéptor pecúniæ summam ei ad conúbium oblátam strénue recusávit: ac paréntum blandiméntis, ipsum in matrimónium collocáre adniténtium, invícta constántia réstitit. Exínde de regulári áliquo institúto amplecténdodo sério cogitare cœpit. Itaque observántiæ sancti Francísci nomen dare decérnens, ad cœnóbium sanctæ Mariæ a Jesu Valéntiæ clánculum secéssit, ibíque non tam précibus quam lácrymis a superiøre hábitum obtínuit. Tirocínio exácto, professiónem emisit sacrisque ordínibus initiátus, verbi Dei prædicatióni totum se dedit.

R. Honéstum fecit.

Lectio v.

Elucébat in eo summa vitæ innocéntia, cómitas, verecúndia: ob quas egrégias ánimí dotes difficile dictu est quot ad meliorem frugem tradúxerit, quotque e vitiórum cœno ad viam salútis revocáverit. Ad hæc, priúsqum in conciónem ascénderet, ter

flagris se cædere consuévít. Diris subínde cilíciis, flagéllis, ac jejúniis corpus suum contínuè macerábat, nullíque umquam pepércit afflictatióni ad pravas affectiões cohibéndas. Nudis semper pédibus incéssit: cogénte vero morbo, subjécta obtéctus sólea, ac simplici conténtus túnica. Noctes sæpe insómnes tradúxit: ac pro eo, quo erga Jesu Christi passiónem æstuábat, amóre binos íntegros annos ad crucifixi pedes excubásse memóriæ est próditum. Vultus ejus, etsi pœniténtia attritus, singulári tamen Dei grátia végetus semper et venústus apparuit. Obediéntia, paupertáte, et pudicítia emícuit: nitidámque consciéntiam suam, quam nulla mortáli labe umquam fœdásse perhibétur, non modo sartam tectam servávit; sed dæmonem étiam, spécie mulieris formósæ indignis modis ad eam labefactándam túrpiter ei insidiántem vimque faciéntem, vicit ac profligávit. Tirónes, quibus præfuit, verbo atque exémplo ad perfectiönem evéhere sédulo curávit. Truculéntis desperatísque homínibus necem sibimetípsis suspéndio in-

férre conántibus supérno lúmíne afflátus præsto ádstitit, e mortis límine faucibúsque dæmonis liberávit, et ad críminis confesiónem addúxit. Sanctis Ludovíco Bertrándo et Pascháli Baylon aliisque viris doctrína et sanctitáte conspicúis fuit acceptíssimus, et ab iisdem ob vitæ sanctimóniam summis laúdibus celebrátus.

R̃. Amávit eum.

Lectio vi.

A Joáнна Austriaca, Philíppi secúndi soróre, Matrítum accítus excalceatárum moniálium, quas vocant regálium, confessárii munus laudabíliter obívit. Oratióni et meditatióni júgiter addíctus, non semel a terra elevátus visus fuisse dícitur, ac frequéntes ádeo éxtases passus, ut intérdum vigínti quátuor horas in raptu deprehénsus diúque noctúque passim et ubíque locórum ejúsmodi deliciis perfruerétur, fácie ut plúrimum inflammáta, luce ex ea irradiánte, et uréntibus étiam cárnibus. Idque frequéntius ei contíngébat in meditándis sacris fidei mystériis: potíssimum vero oriebátur ex ferventíssimo amóre, quo erga sacratíssimam eucha-

rístiam flagrábat. Quare aliquándó inter eucharísticum panem distribuéndum non solum miris extásibus extra se rapi, verum et sacras formas ad dígitos suos saltáre, raro quidem prodígio, observátum perhibétur. Singulári in Deum amóre ac in Vírginem Matrem pietáte effúlsit; plurímisque supérnis charismátibus fuit exornátus. Méritis tandem et labóribus plenus in morbum incidit, ac satis memorándó humilitátis exémplo in stábulo humári semel iterúmque efflagitávit; proximíque obitus accépto núntio, hilari ánimo in illa verba prorúpit: Lætátus sum in his, quæ dicta sunt mihi. Sacraméntis item ecclésiæ rite munítus placidíssimè obíit Valéntiæ extra mœnia in convéntu Jesu. Defúnti cadáver flexíbile, végetum, ac suávem spirans odórem novem dies, ut fidélium concúrsui fieret satis, inseúltum remánsit. Triénno post exhumátum íntegrum adhuc fuit invéntum, ac Philíppo secúndo, Hispaniárum regi, conspiciéndum exhibítum est. Postremo Dei servum miraculis étiam clarum Pius sextus, Póntifex Máximus,

solémni ritu beatórum fastis adscrípsit.

R. Iste homo.

In III. Nocturno Homilia in Evangel. Sint lumbi. de Comm. 1. loco.

In Quat. Temp. ix. Lect. de Homil. Feriæ.

In Laud. comem. Feriæ. Ant. Ecce compléta.

In II. Vesperis comm. Feriæ. Ant. O Emmánuel.

FESTA JANUARI.

Die 19. Januarii.

S. Fulgentii Episc. Conf. et Doct.

Duplex.

Omnia de Comm. Conf. Pont., præter sequ.

Ant. ad Magnif. O Doctor.

Oratio. Deus, qui pópulo.

Et fit commem. Ss. Marii et Soc. Mart. ut in Brev. hac die.

In I. Nocturno Lect. Sapientiam. de Comm. Doctorum.

In II. Nocturno.

Lectio iv.

Fulgentius, Hispánus ex nova Carthágine, Severiáno patre ejúsdem provinciæ duce génitus, sanctórum Leándri, Isidóri et Florentínæ germánus frater, a puerítia cum morum honestáte esset instrúctus, ætáte provéctior omni virtútum genere et sacrárum quoque litterárum eruditióné ádeo

enítuit, ut doctóris illústris título apud Hispános fúerit assecútus. Cujus rei illud quoque arguméntum est, quod egrégius idem doctor Isidórus, qui ab eo fúerat educátus et piis documéntis imbútus, libros de ecclesiásticis officiis, in quibus de univérsis mystériis, quæ in ecclésia celebrántur, ac de originibus officiórum ecclesiasticórum disserúerat, ipsi sanctíssimo fratri sacræque disciplínæ aman-tíssimo dedicávit.

R. Invéni David.

Lectio v.

Sed nihil ad Fulgéntii commendatióem illústrius, quam ipsórum quoque hóstium gravíssimum de eo prolátum testimónium. Cum enim Leovigildus, Gothórum rex, soróris ejus, ariána hæresi inféctus, post patrátam filii sui sancti Hermenegildi cædem infirmitáte ácritorquerétur, flagítii pœniténtia ductus, licet non ea, qua par erat ad salutem obtinéndam, Reccarédo filio suo præcepísse dicitur, ut Leándrum et Fulgéntium, qui in doctrína ecclesiástica insigniter clarébant, tamquam patres audíret et eórum mónitis

obtemperáret. Id vero a Reccarédo cumuláte præstitum fuisse, tota Gothórum gens ad veram fidem perducta, et ariána perfidia in concílio Toletáno tértio ab univérso regno abjuráta luculentissime testántur.

R̃. Pósui adjutórium.

Lectio vi.

Episcopus creátus, Astigitánam et Carthaginensem miro zelo et exémplo gubernávit ecclésiās. Toletánæ sýnodo intérfuit sub rege Gundemáro, itidémque Hispalénsi secúndæ, in cuius actis nonnúlla suæ ecclésiæ jura légitur vindicásse. Dénique ab incéptæ vitæ institúto non recédens et forma factus gregis ex ánimó, cum pietáte in Deum, pastoráli in súbditos vigilántia, aliisque sanctis opéribus vitam religiosissime transegisset, virtútibus ac méritis plenus, nec sanctitáte minus quam doctrínæ fama illústris, obdormívit in Dómino. Eum diocésis Carthaginénsis et Placentína ut primárium suum colunt patrónum. Sacræ ipsíus et Florentínæ soróris reliquiæ sub Alphonso undécimo in Berzocána ópido invéntæ, ac póstea di-

visæ, partim in eádem Placentína diocési, partim Múrciæ magna pópuli veneratióne colúntur.

R̃. Iste est, qui.

In III. Nocturno.

Léctio sancti Evangélíi secúndum Matthæum.

Lectio vii. Cap. 5.

In illo témpore: Dixit Jesus discíplis suis: Vos estis sal terræ. Quod si sal evanúerit, in quo saliétur? Et réliqua.

Homilía sancti Gregórii Papæ.

Ex Hom. 17. in Luc. 10. ante med.

Considerándum nobis est, ut, qui una eadémque exhortatiónis voce non súfficit simul cunctos admonére, stúdeat síngulos in quantum váleat instrúere, privátis locutió nibus ædificáre. Debémus namque pensáre continuo, quod sanctis Apóstolis dicitur, et per Apóstolos nobis: Vos estis sal terræ. Si ergo sal sumus, condíre mentes fidélium debémus. Vos igitur, qui pastóres estis, pensáte quia Dei animália páscitis: de quibus profécto animálibus Deo per psalmístam dicitur: Animália tua habitábunt in ea.

R̃. Amávit eum.

Lectio viii.

Et sæpe videmus, quod petra salis brutis animalibus antepónitur, ut ex eadem salis petra lámberè débeant et meliorári. Quasi ergo inter bruta animalia petra salis debet esse sacerdos in pópulis. Curáre namque sacerdotem necesse est, quæ singulis dicat, unumquémque quáliter admóneat; ut, quisquis sacerdoti júngitur, quasi ex salis tactu æternæ vitæ sapóre condiátur. Sal étenim terræ non sumus, si corda audiéntium non condimus. Quod profécto condiméntum ille veráciter próximo impéndit, qui prædicatiónis verbum non súbtrahit. Sed tunc vere áliis recta prædicámus, si dicta rebus et exémpilis osténdimus.

R̃. In médio.

Lectio ix. de Ss. Mario et Sociis Martyr. et comm. in Laudibus ut in Breviario hac die.

Vesp. de sequ. comm. præc. Ant. O Doctor.

Die 20. Januarii.

Ss. Fabiani Papæ et **Sebastiani** Mart.

Duplex majus.

Omnia ut in Brev. Romano eadem die præter Lect. I. Noct. Fratres: Debitóres. de Comm. plurim. Martyrum.

In II. Vesp. comm. sequ.

Die 21. Januarii.

Ss. Fructuosi Episc. et **Soc.** Martyrum.

Duplex.

Omnia de Communi plurim. Mart., præter sequ.

Oratio.

Deus, qui beátum Fructuósum et ejus Diáconos Augúrium et Eulógium per ignem probátos martýrio decorásti: concéde nobis fámulis tuis; ut ipsórum intercessióne flamma divíni amóris succénsi cum illis páriter coronémur in cœlis. Per Dñm.

In I. Nocturno Lectiones de Scriptura occurrente.

In II. Nocturno.

Lectio iv.

Fructuósus, civis et episcopus Tarracónensis, eo témpore martýrium súbiit, quo immanis illa Valeriáni et Galliéni persecútio in electissima quæque Christi membra sæviébat. Jam præter innúmeros ubique terrarum mártýres crudéliter occisos Romæ Lauréntium, Carthágine Cypriánum mactáverat. Cumque per Hispaniam quoque nostram grassarétur, Æmiliánus præses Tarracónem pervénit urbem primáriam. Hic ergo, Fructuóso ejus-

que diáconis Augúrio et Eulógio in cárcerem primum conjéctis, post sex deínde dies se coram sístere jussis: Audísti, inquit Fructuóso, quid imperatóres præcepérunt, deos scilicet coléndon? Cui pón-tifex: Ego unum Deum colo, qui fecit cælum et terram, mare et ómnia quæ in eis sunt. Numquid et tu, dixit præses Eulógio, Fructuósum colis? Ego, respóndit levíta Christi, Fructuósum non colo, sed ipsum colo, quem et Fructuósus. Simíliter Augúrio respondénte, paríque fortitú-dine tribus constantís-sime Christum prædicán-tibus, cum nec minis nec blandítiis Æmiliánus sa-crum mártýrum pectus emollíre posset, flammis adjudicávit.

R. Sancti tui.

Lectio v.

Cum ígitur sanctíssimus epíscopus cum diáconis suis ad amphitheátrum ducerétur, ádeo veheménti pópulus eórum amóre ob-stringebátur, ut plures éti-am éthnici de iníqua morte lamentaréntur. Christiáni vero, si quo modo possent pastóris sui amantíssimi dolórem mortémque acer-bíssimam deliníre, póc-

lum aromátibus condítum propinábant. Sed ille abstinentiæ rigidíssimus custos: Sínite, inquit; nondum est hora solvéndi jejúnii. Cum quidam cristiánus, cui nomen Felix, apprehénsa manu Fructuósi eum eníxe rogáret, ut sui memor esset in cælis: Fructuósus cunctis audiéntibus digne respóndit: In mente me habére necesse est ecclésiám cathólicam ab oriénte usque in occidentem diffúsam. Quam responsiónem divus Augustínus in sermóne, quem de gloriósis martýribus há-buit, laudat, dicens: Néminem singulórum præ-terit, qui orat pro univér-sis: ab eo nullum mem-brum prætermíttitur, cujus orátio pro corpore fúnditur. Acta martýrii sancti Fructuósi et sociórum ádeo veneránda apud fidéles erant, ut públice in ecclé-sia coram pópulo legerén-tur, non in Hispánia tantum, sed in Africa étiam, ac proínde in áliis quoque occidentális orbis ecclésiis.

R. Vérbera carníficum.

Lectio iv.

Postrémo Fructuósus fratres consolátus, et ex revelatióne divína numquam eis defutúrum pa-

stórem prædicens, álacer et secúrus cum sóciis suis flexis génibus super struem lignórum jam ardere incipiéntium sese præparat víctimam in odórem suavitátis Deo sacrificándam. Tunc hi tres quasi ex uno ore laudábant et glorificábant et benedicébant Deum in fornáce, donec per ignem probáti et sine mácula invénti puríssimas ánimas Deo reddidére, anno sexagésimo secúndo supra ducentésimum. Nec defuére magnália, quibus in terris glóriam sanctórum suórum patefieri plácuit Altíssimo: Bábylon quippe et Migdónius, licet ex familia præsidis, christiáni tamen, ipsa quoque filia Æmiliáni cœlos scándere egrégios Christi athlétas, angelórum choris stipátos coronisque redímíto, conspexérunt. Nocte superveniénte christiáni ad amphitheatrum curréntes mártýrum cínere colléctos, prout quisque pótuit, sibi vindicávit. Sanctus vero Fructuósus appárens mónuít, ut, quod unusquisque pio furto de sacris cinéribus usurpáverat, restitúeret, unóque in loco simul condéndo curáret. Póstea in Lígures sacra

pígnora transportáta sunt, servantúrque prope Génuam in Benedictinórum cœnóbio, ultra ea, quæ Manrésæ, et in ecclésiis Tarraconénsi et sanctæ Matronæ Barcinonénsi pie colúntur. R. Tamquam aurum.

In III. Nocturno Homilia in Evang. **Cum audiéritis**, de Commune plurim. Mart. 1. loco.

Vesp. a cap. de sequ. comm. præced.

Die 22. Januarii.

Ss. Vincentii et Anastasii Martyrum.

Duplex.

Omnia ut in Brev. Romano eadem die.

Vesp. a cap. de sequ. comm. præced.

Die 23. Januarii.

S. Ildefonsi Ep. et Conf.

Duplex.

Omnia ut inter festa pro aliquibus locis eadem die. Oratio. **Deus, qui per gloriosissimam.**

Et fit commem. et ix. Lectio S. Emerentianæ Virg. et Mart. ut in Brev. Rom. hac die.

Die 28. Januarii.

S. Juliani Episc. et Conf.

Duplex.

Omnia ut inter festa pro aliquibus locis eadem die.

Et fit commem. et Lectio ix. de S. Agnete Virg. Martyr. secundo.

Vesp. a cap. de sequ. comm. præced.

Die 29. Januarii.

S. Valerii Episc. et Conf.
Duplex.Omnia de Comm. Conf. Pont.,
præter sequentia.

Oratio.

Omnipotens sempitærne Deus, qui sacram be-
áti Valérii Confessóris tui
atque Pontíficis solemnité-
tem hodiærna die venerári
voluísti: nos fámulos tuos
ab omni culpa líberos esse
concéde; ut ejus interces-
sióne ad vitam perveniám-
us ætérnam. Per Dómi-
num nostrum.

In I. Nocturno Lectiones de
Scriptura occurrente.

In II. Nocturno.

Lectio iv.

Ex Lect. jam approb. pro ec-
cles. Cæsaraugust. et Valent. ex
iis quæ habentur de S. Valerio
in Brev. Rom. in festo S. Vin-
cent. Mart.

alérius, pietáte et
doctrina insignis,
ex consulári Vale-
riórú turba (teste Pru-
déntio) Cæsaraugústæ or-
tus est, talémque se in epi-
scopátu gessit, qualem nec
optáre quidem pópulus po-
tuísset. Cum enim Diocle-
tiáni et Maximiani in chri-
stiános persecútió máxime
sæviret, toto ánimo omni-
que stúdio ad propagán-
dam Christi fidem incum-

bébat, certans nimirum
juxta præceptum Apóstoli
bonum certámen fidei, ap-
prehendénsque vitam æ-
térnam, in quam vocátus
erat, et conféssus bonam
confessióne coram mul-
tis téstibus. Qui cum ob
linguæ tarditátem in præ-
dicándi evangélii exercita-
tióne minus versári posset,
ne ex ea re áliquid detri-
ménti pópulus acciperet,
hanc curam Vincéntio, ejus
discípulo et diácono, de-
mandávit: ut hac ratióne
nihil ad confirmándum in
fide pópulum ipsúmquesan-
cte docéndum desideraré-
tur. Utríusque vero exém-
plo vitæ ac morum sancti-
táte, Vincéntii étiam præ-
dicatióne, res christiána in
dies magis augebátur. Hæc
intélligens Daciánus, qui
in prædicta Diocletiáni et
Maximiani persecutióne in
Hispániam præses missus
christiános totis víribus in-
sectabátur, Valérium una
cum Vincéntio Cæsaraug-
ústæ capi, et utrúmque
Valéntiam vinctum post se
duci ímpio suo institúto ex-
pedíre ádmodum ac neces-
sárium étiam esse judicá-
vit. R̃. Invéni David.

Lectio v.

Viros itaque sanctíssi-
mos Valérium et Vin-

céntium vînculis constrictos Cæsaraugûsta Valéntiam Daciánus ad se duci jubet. Qui simul atque Valéntiæ in illius conspéctum prodierunt, cum Valérius ob senilem ætatem et eam, qua apud christiános valébat, existimatióem, auctoritate præcelleret, ad ipsum præses convérsus: Quid, inquit, tu, Valéri? An putas æquum esse religiónis prætèxtu principum decreta infringere ac violáre? Tunc Valérius, quamvis corpore ob longævam ætatem infirmiore, ánimo tamen firmissimo, religiónis et fidei causam suscipiens, mitiøre licet ac tardiøre sermóne Daciáno respóndit: Nos, o Daciáne, qui christiánam fidem profitémur et majórum nostrórum vestígiis insístimus, Deo pótius, cujus nutu ómnia sunt cóndita, quam homínibus obedíre oportére, in máximis ac sanctissimis nostræ religiónis decretis semper habúimus. Quo audíto Daciánus, quóniam ex Valérii morte nullum sibi triúmphum pollicebátur, quod summa ille senectúte, quam quovis tormento graviórem illi futúram esse existimábat, confectus esset, exsilio dum-

táxat damnándum illum esse decrevit.

R̃. Pósui adjutórium.

Lectio vi.

Cum igitur exsílîi causa Valério solum verténdum esset, relícta civitáte Valéntia in Aragóniæ provinciám sese cóntulit. Cui cum Cæsaraugústam redíre, aut ampla spatiósave loca incólere, edicto júdicis prohibítum esset, Anétum ejúsdem provinciæ oppídulum ad habitándum sibi delégit: id étiam sibi præstítuens, ut separátus a turba, ac proinde ómnibus impediméntis liberátus, rebus divínis se totum déderet, suámque senectútem Deo prorsus consecráret. Quo in loco cum claríssima Vincéntii mors, quam Valéntiæ pro Christi fide ab ímpio Daciáno gloriosíssime perpéssus fúerat, sæpe ipsi in mentem veníret, eam veheménter illi gratulári solébat. Quin et ipse ex hac vita migráre summis votis optábat; ut, quem caríssimum sócium suíque múnere participem habuísset in terris, brevi étiam cómitem habéret in cœlis. Et, ut proclívis sui in Vincéntium ánimi significatióem áliquam éderet,

templum eo in loco christianórum sump̄tibus erigendum curávit: quod primum beáti Vincéntii nómine dedicátum est. Qui tandem vigíliis, jejúniis, oratióibus, et sacris meditatióibus inténtus, felícem ánimam Deo réddidit circa annum Dómini trecentésimum décimum quintum. Cujus corpus non longe ab eo loco in castro, cui nomen est Strada, cristiáni pie sepeliérunt. Insigne vero nunc monuméntum, ejus reliquias cótinentens ac nomen réferens, in cœnóbio Roda vulgo nuncupáto conspícitur.

R̄. Iste est.

In III. Nocturno Homilia in Evang. Homo p̄égre. de Comuni 1. loco.

**Domin. III. post Epiph.
Sanctæ Familiæ Jesu,
Mariæ, Joseph.**

Duplex majus.

Omnia ut inter festa pro aliquibus locis eadem Dom.

**Feria III.
post Dom. Septuagesimæ.
Orationis D. N. J. Chr.
in monte Oliveti.**

Duplex majus.

Omnia ut inter festa pro aliquibus locis eadem feria.

**Feria III.
post Dominicam Sexages.
Commemoratio
Passionis D. N. J. Chr.**

Duplex majus.

Omnia ut inter festa pro aliquibus locis eadem feria.

FESTA FEBRUARII.

Die 2. Februarii.

Medellii.

**In Purificatione
B. Mariæ Virg.**

Duplex 1. cl. cum Octava extra
Quadragesimam.

Omnia ut in Brev Romano
eadem die.

Die 3. Februarii.

S. Agnetis Virg. et Mart.

Duplex.

Omnia ut in Brev. Romano
die 21. Januarii.

Et fit commem. et ix. Lectio
S. Blasii Episc. et Mart. ut in
Brev. Rom. hac die.

Die 9. Februarii.

Extra Quadrag. Medellii.

**Dies Octava
Purificationis B. M. V.**

Duplex.

Omnia ut in Festo.

In I. Nocturno Lectiones de
Scriptura occurrente.

In II. Nocturno.
De Expositiōne sancti Gregorii Papæ in libros Regum.

In I. Regum 1.

Lectio iv.

Fuit vir unus de Ramáthaim Sophim, de monte Ephraïm. Potest, hujus montis nómine, beatíssima semper virgo María, Dei Génitrix, designári. Mons quippe fuit, quæ omnem eléctæ creatúræ altitudinem, electionis suæ dignitatē transcendit. An non mons sublimis María, quæ ut ad conceptiōnem æterni Verbi pertingeret, meritórum vérticem supra omnes Angelórum choros, usque ad sólum Deitátis erexit? Hujus enim montis præcellentíssimam dignitatē Isaías vaticinans, ait: Erit in novissimis diébus præparátus mons domus Dómini in vértice móntium. Mons quippe in vértice móntium fuit, quia altitúdo Mariæ supra omnes sanctos refulsit. R̃. Símeon justus.

Ex Epístola sancti Leónis Papæ ad Pulchériam Augústam.

Epist. 13. ante med.

Lectio v.

Sacraméntum reconciliatiōnis nostræ ante tém-

pora æterna dispósitum, nullæ implébant figuræ, quia nondum supervénérat Spíritus sanctus in Virginem, nec virtus Altíssimi obumbráverat ei, ut et intra intemerata viscera, ædificánte sibi Sapientiá domum, Verbum caro fieret, et forma Dei ac forma servi in unam convenientepersonam, Creatór témporum nasceretur in témpore, et per quem facta sunt ómnia, ipse inter ómnia gigneretur. Nisi enim novus homo, factus in similitudinem carnis peccáti, nostram susciperet vetustátem, et consubstantiális Patri, consubstantiális esse dignaretur et matri, naturámque sibi nostram solus a peccáto liber uniret, sub jugo diáboli generaliter teneretur humana captivitas.

R̃. Respónsum accépit.

De Expositiōne S. Basilíi Episcopi in Isaíam Prophétam.

In cap. 8. post initium.

Lectio vi.

Accéssi, inquit, ad Prophetíssam, et in útero accépit, et péperit filium.

Quod Mariá Prophetíssa fúerit, ad quam próxime accessit Isaías per prænotiónem spíritus, nemo contradíxerit, qui sit memor verbórum Mariæ, quæ prophético afflata spírítu elocúta est. Quid enim ait? Magnificat ánima mea Dóminum, et exsultávit spíritus meus in Deo salutári meo: quia respéxit humilitátem ancillæ suæ: ecce enim ex hoc beátam me dicent omnes generatiónes. Quod si ánimum accommodáveris univér-sis ejus verbis, non úti-que per dissídium negáveris eam fuisse Prophe-tíssam, quod Dómini Spí-ritus in eam supervénerit, et virtus Altíssimi obum-bráverit ei.

R̃. Cum indúcerent.

In III. Nocturno.

Léctio sancti Evangélíi se-cúndum Lucam.

Lectio vii. Cap. 2. c.

In illo témpore: Postquam impléti sunt dies purgatiónis Mariæ secúndum legem Móysi, tulérunt Jesum in Jerúsalem, ut sisterent eum Dómino, sicut scriptum est in lege Dómini. Et réliqua.

Homília sancti Joánnis Chrysóstomi.

Ex Orat. 7. inter 17. Declam. Patrum.

Lumen ad revelatió-nem géntium. Cur lumen? quia gentes in ténebris versabántur, et quia rursum obscuráta, tetrisque peccatórum ténebris obdúcta, per illud illustránda et expiánda erant. Et glóriam plebis tuæ Israél. Hic glória, illic revelátio, hic doctrínæ inítium, illic disciplínæ prosecútio. Ast objécerit hic forte quíspiam: Dic, quæso, úbinam sunt Israélítæ? Ecce habes Petrum, habes Paulum, habes Joánnem, habes tria millia, habes quinque millia, habes ecclési-am Jerosolymítanam, habes eos prætérea Judæos, qui inter Gentes dispérsi fidem suscepérant.

R̃. Suscípiens.

Lectio viii.

Itaque asservabátur in pópulo illo fidei semen, neque simul univér-sus pesusum ivit, absit: neque simul omnes Judæi in intéritum ruérunt, sed plúrimi. Neque id mirum: nam et nunc quoque in felíci hac rerum constitutióne, beatáque vocatióne, multi

quidem sunt vocāti, pauci vero elécti. Non totus itaque pópulus ille simul intériit, non totus depravátus est, non totus in infidelitáte permánsit, non totus persecútus est Apóstolos. Credidérunt enim per Apóstolos simul tria millia, extra mulieres et párvulos, et facta est Jerosólymis Ecclésia ádmodum numerosa.

R̃. Senex púerum.

Lectio ix. et cōmem. S. Apolloniæ Virg. et Martyr. in Laudibus ut in Breviario Rom. hac die.

Die 12. Februarii.

S. Eulaliæ Virg. et Mart.

Duplex.

Omnia de Communi Virg. et Mart., præter sequ.

Oratio.

Deus, qui nos martýrii beátæ Eulaliæ Vírginis et Mártyris tuæ solemnitáte lætíficas: concéde propítius; ut gloriosíssimis ejúsdem méritis et terréna nobis proficiant, et cœlestia desideráta provéniant. Per Dóminum nostrum.

In Quadrag. comm. Feriæ.

In I. Noct. Lect. in Quadr. De virgínibus. de Communi 1. loco. Extra Quadrages. de Script. occur.

In II. Nocturno.

Lectio iv.

Eulália virgo Barcinonénsis, nobílibus paréntibus nata et in Christi fide ac religiōe educáta, cum décimum quartum suæ ætátis annum attingeret et in eádem ténera ætáte desidério martýrii flagraret, divínitus inspiráta se ipsam sponte præsidi Daciáno, Barcinóne persecutiōnem advérsus christiános exercénti, ad martýrium offérre decrevit. Cumque ruri tribus fere milliáribus procul a Barcinonénsi urbe manéret, inde paréntibus atque domésticis id ignorántibus clam recédens Barcinónem pervénit. Ubi prætoriánam domum ingrédicens, præsidem pro tribunáli sedéntem adit: et stans coram eo sic alta voce est elocúta: Ut quid, Daciáne, audes christianórum sánguinem injúste fúndere, et eósdem ad falsos venerándos deos cógere? Unus est solus verus Deus, omnípotens, ómnium creátor et dóminus, quem imperatóres Diocletiánus et Maximiánus, et tu et omnes hómīnes venerári obligántur. Quómodo ergo, homo cum sis, non times Deum unum omni-

poténtem offéndere? Aut cur christiános pervértere níteris, ut Deum verum dēserant, et falsa dæmonum simulácula, ópera mánibus hóminum fabricáta, colant? Ad quam Daciánus rei novitáte turbátus dixit: Quænam es tu, quæ contra imperatóriam majestátem et ministrórum suórum débitam reveréntiam ausa es tália públice proférre verba? Cui virgo: Ego sum Eulália, ancilla Jesu Christi, qui et Dei Patris et Mariæ vírginis matris est filius, qui solus est rex regum et dóminus dominántium; et cui divínus jure debet exhibéri honor et cultus, non autem idólis.

R. Propter veritátem.

Lectio v.

Hac gloriósa fidei confessione quasi splendénti luce excæcátus tyránnus, tum ódio in christiános commótus, tum ira contra vírginem concitátus, eam illico alligári, et in custódiam dedúci, ibidémque crudéliter verberári imperat. Quod torméntum cum constánti ánimo et læto vultu ténera virgo multis id vidéntibus atque mirántibus sustinéret, ferína rábie contra ancillam Christi magis concitátus

Daciánus omni tormentórum génere Euláliam christiánam debére excruciári decérnit. Igitur primum Eulália in equúleo pósita feróciter dilacerátur. Mox úngulis férreis tota excarnificátur: fácibus flammisque ardéntibus ad ejus virgínale pectus lateráque admótis exúritur. Oleum super ejus exústum plagatúmque corpus infúnditur: quo totum perúntum supra vivam calcem exténditur ac volutátur, ut ardóre calcis interióra vírginis víscera acerbíssime torqueréntur. Liquátum ac fervens plumbum supra virgíneum corpus effúnditur, ac totum ipsum corpus acútis testáceis fragméntis confricátur. Ne autem sensus áliquis próprio caréret dolóre, per ejus nares acétum cum attríta sinápi permíxtum immíttitur; et candélis dénique accénsis castíssimi vírginis óculi adurúntur. Quare nihil non tentat, nihil non facit ingeniósa sævaque tyránni malítia, ut a vero cultu Dei cultrícem abdúcat. Céterum quo magis crescit tortóris sævítia, eo magis augétur in sponsa Christi constántia, fortitúdo, et grátia. Etenim Eu-

lália in cruciátibus Deum orat, eidémque læta grátias agit. Dumque tortóres in inferéndis torméntis fatigántur, ipsa nec tristítia affécta nec moléstia fracta ómnia non solum æquo, verum étiam álacri ánimo perferébat.

R. Dilexísti justítiam.

Lectio vi.

Nihil jam se posse vi tormentórum contra Euláliam sperábat Daciánus. Ad infámiam ergo et ignomíniam cállide suum vertit obstinátum ánimo, ut experiátur si hoc modo váleat triumpháre. Igitur castam et verecúdam víginem, nudam córpore, exústam, dilacerátam, óleo, calce, et cruóre ságuinis conspérsam ac deformátam, per vicos et platéas civitátis públice coram ómnium óculis circumféri jubet. O acérbum crudéleque spectáculum! Sed qui animália terræ et volatília cœli vestit Deus, sponsam suam Euláliam mirábilibus ornávit indumentis. Nix enim íllico de cœlo cécidit, quæ sacræ víginis corpus mirándum in modum contéxit: quæque cœlitus suo contemperáto frígore vígini esset refrigerío, et suo

splendénti candóre eidem simul esset ornáméto. Quam sponsa Christi cándida et rubicúnda, per loca pública gloriósa incédens, vere de tyránno triúmphans, ómnibus visa fuit admirábilis et speciósa! Fremébat Daciánus infráctum videns ánimo víginis, et jam quasi de victória despérans eam cruci affigi ímperat. Verum in cruce pendens Eulália cœlésti recreátur gaúdio, quod se cruci affixam Christóque simíllimam videt. Neque ibidem ómnium admiratióne Deum gloricáre cessat. Dénique jubénte præside pridie Idus Februarii secúri percútitur, et gemináta martýrii atque virginitátis coróna nóbile certámen exégit. Cujus ánima ad instar colúmbæ e córpore egrédiens cœlum a multis visa est conscéndere. Corpus vero a christiánis honorífice extra Barcinónis urbis mœnia sepelítur.

R. Afferéntur Regi.

In III. Nocturno Homilia in Evang. Símile erit regnum cœlórum. de Comm. Virg. 1. loco.

In Quadrages. Lectio ix. et commem. Feriæ in Laud.

Vesp. a cap. de sequ.

Ant. O Doctor. côm. præc.

Die 13. Februarii.

S. Francisci Salesii
Episc. Conf. et Eccl. Doct.

Duplex. (m. t. v.)

Omnia ut in Brev. Romano
die 29. Jan.

In II. Vesp. Ant. O **Doctor.**
commem. sequ. et S. Valentini
Mart. ut infra.

Die 14. Februarii.

S. Canuti Régis et Mart.
Semiduplex ad libitum.

Omnia ut in Brev. Romano
die 19. Jan.

In Quadrages. Lect. I. Noct.
Fratres: Debitores. de Comm.
plur. Mart.

Et fit commem. S. Valentini
Presb. et Mart.

In I. Vesperis. Ant. Qui
odit. V. **Justus.**

Oratio.

Præsta, quæsumus omni-
potens Deus: ut qui
beāti Valentini, Mártyris
tui, natalítia cólimus, a
cunctis malis imminénti-
bus, ejus intercessióne, li-
berémur. Per Dóminum
nostrum.

In Laudibus. Ant. Iste
sanctus.

V. Glória et honóre.

Vesp. a cap. de sequ. comm.
præced. et Ss. Faustini et Jo-
vitæ Mart.

Die 15. Februarii.

**S. Raymundi de Peña-
fort** Confessoris.

Semiduplex. (m. t. v.)

Omnia ut in Brev. Romano
die 23. Jan.

In Quadrages. Lect. I. Noct.
Justus. de eodem Communi
I. loco.

Lectio ix. et coñem. Ss. Fau-
stini et Jovitæ Mart. in Laud.
ut in Brev. hac die.

Die 16. Februarii.

Medellii.

S. Cyrilli Episc. Alexan-
drini Conf. et Eccl. Doct.

Duplex. (m. t. v.)

Omnia ut in Brev. Romano
die 9. hujus.

Die 25. vel 26. Februarii.

**Beati Sebastiani ab
Apparicio** Conf.

Duplex.

Omnia de Communi Conf. non
Pont., præter sequ.

Oratio.

Deus, qui beátum Seba-
stiánum Confessórem
tuum in simplicitáte cordis
ambuláre fecísti, ac coelé-
stibus donis cumulásti:
concéde propítius; ut ejus
intercessióne, et puris mén-
tibus tibi servíre, et grátiae
tuæ múnera cónsequi va-
leámus. Per Dóminum.

In Quadrag. fit coñem. Feriæ.

In I. Nocturno Lectiones de Scriptura occurrente.

In Quadrages. *Beátus vir.* de Comm. 2. loco.

In II. Nocturno.

Lectio iv.

Sebastiánus Gudínæ, Gallæciæ oppidi diocesis Aurién-sis, ex honesta stirpe in Hispania ortum habuit. Ab infántia pie educátus ac puer pascéndis grégibus déditus, nihil puerile gessit in ópere, statimque appáruit, eum ad magnum áli-quid portendéndum pecu-liári Dei providéntia fuisse præservátum. Nam, ut constánti fertur fama, cum duodénnis ex lue contagi-ósa letháliter decumberet et solus in semidíruto turgúrio esset derelictus, morsu lupi e némore erumpén-tis, qui léniter tumórem perrúpit pusque virulén-tum plane abstér-sit, a matre illuc redeúnte mirábiliter repértus fuit sanátus. Puerítia domi probe trans-ácta, adolescens e patérno solo egressus, Salmánticam secéssit, ibíque aliéno servítio mancipátur. Tum rei agráriæ álibi addíctus, ut paréntum inópiam subleváret, vária hinc inde expértus est discrimina, in iisque ter mulíeres ejus

virginitáti insidiántes invícte rejecisse perhibétur. Hisce vero perículis valde commótus, in novam Hispániam, quo evangélica fides nuper fúerat invécta, proficisci in ánimum sibi indúxit, navímque conscén-dens cum áliis sóciis, quorum convícia æquanímiter in itinere tulit, próspera tandem navigatióne confécta, primo Angelópolis, deinde Méxicum áppulit.

R. Honéstum fecit.

Lectio v.

Egrégiae caritátis ejus in próximum illico cœpit Méxici præbere arguménta. Cum enim ibi novo opificio construéndi plaustra, arduóque labóri aperiéndi vias rectas per impérvias silvas, præsertim eam quæ e México ducit ad Zacatécam, totum se daret, pingues opes, quas inde sibi comparábat, in víduis et órphanis aléndis, honestis puéllis dotándis, aliisque hujus géneris misericórdiæ opéribus impendébat. Quocirca hóminem multo ære aliéno gravátum atque ádeo a lictóribus captum, toto débito generóse solúto, e vestígio ab eórum mánibus liberávit. Hinc tantam virtútis opiniónem adéptus fuit, ut étiam ab Indis, in-

génita ferocitate depósita, obséquium sibi et famulatum præstari mereretur. Nuptias, quas olim modeste abnuerat, postmodum inire decrevit. Itaque bis matrimonium cum honestis virginibus contraxit, quas tamen, iisdem consentientibus, intactas reliquit. Quare dæmon variis modis eum est aggressus: nunc fœda spectra ferocis tauri, trucisque Mauri ei objiciens: nunc venustæ mulieris impudice gestiæntis formam induens. Sed vir Dei signo crucis cuncta hostis molimina vicit. Postréma cónjuge defuncta ordini séraphico adscribi petiit, ac monialibus sanctæ Claræ cunctis opibus relictis voti sui compos jam septuagenarius in statu laici effici meruit. R. Amavit eum.

Lectio vi.

Solémnibus votis Deo nuncupatis in omni virtutum genere mirifice enituit. Summa ei inerat simplicitas, animicandor, mansuetudo, obediëntia, paupertas, in adversis item tolerandis eximia patientia. Témperans ádeo fuit et fortis, ut præter prolíxa jejúnia et córporis afflictationes noctes insómnes sæpe tradúxerit; dignus

propterea, cui, ut fertur, esuriënti in deserto et omni humana ope destituto Angeli cibaria ministrarint, lassitudine confectum recrearint, dormiëntem cœlesti splendore circumfulserint, itinerantem a pluvia et nivibus defenderint, ex via devium in rectum tramitem deduxerint, deque uno in alium locum transtulerint. Futuroseventus quoque prænovit; secreta item cœlestia et cordium arcana penetravit, et in ferocióres belluas absolutum semper exercuit dominium. Eucharistiæ sacramentum, quod in extremo morbo ex vomitu præpeditus sumere non poterat, ad se deferri poposcit, et humi stratus lacrymisque perfusus inenarrabili animi sensu coluit. Sênio tandem confectus prope centenarius ultimum diem placidissime Angelópolis clausit. Post mortem corpus ejus, quod ex pœnitentia attritum squalidumque erat, statim formosam induit speciem suavemque spiravit odorem. Virtutibus denique et miraculis clarus a Pio sexto Pontífice Máximo in beatorum cœtum solémniter est relatus. R. Iste homo.

In III. Nocturno Homilia in
Evang. Nolite timere. de Com-
muni 2. loco.

In Quadr. Lectio ix. et comm.
Feriæ in Laud.

Feria VI. post Cineres.
Sacr. Spineæ Coronæ
D. N. J. Chr.

Duplex majus.

Omnia ut inter festa pro ali-
quibus locis eadem feria.

FESTA MARTII.

Die 1. Martii.

S. Rudesindi Ep. et Conf.

Duplex.

Omnia de Comm. Conf. Pont.,
præter sequ.

Oratio.

Propitiare, quæsumus
Dómine, nobis famulis
tuis per sancti Confessoris
tui atque Pontificis Rude-
sindi mérita gloriósa: ut
ejus pia intercessióne ab
ómnibus semper protegá-
mur advérsis. Per Dñm.

In Quadr. fit comm. Feriæ.

In I. Nocturno Lectiones de
Scriptura occurrente.

In Quadrages. Fidélis sermo.
de eodem Comm. 1. loco.

In II. Nocturno.

Lectio iv.

Rudesíndus natióne
Galláicus, parénti-
bus régii géneris

Gutérrio et Ilduára, qualis
esset futúrus, ejus concé-
ptio satis osténdit. Multis
enim ac largis in paúperes
eleemósynis, oratióibus,
et lácrymis cum vacáret
Ilduára, ab Angelo præmó-
nita est, se conceptúram
fílium, qui et apud Deum
magni futúrus esset mériti,
et apud hómines præcípua
sanctitátis nómine. Pridie
ígitur solemnitétis sanctó-
rum mártýrum Facúndi et
Primitivi Rudesíndum pé-
perit: qui dies propterea
semper illis sacer ac festi-
vus, quámdu vixerunt, fuit.
Constrúxit præterea Ilduá-
ra in honórem Archángeli
Michaélis ecclésiám eo lo-
co, ubi ab Angelo cértior
facta est se conceptúram.

R. Invéni David.

Lectio v.

Rudesíndus itaque, ab
ipsa puerítia Dómini
legem méditans, brevi ad-
modum in virum apostóli-
cum crevit. Quaprópter ab
ecclésiæ Mindoniénsis cle-
ro magno ómnium consén-
su episcopus elígitur, rege
atque procéribus mire gau-
déntibus: nota enim illis
erat Rudesíndi sánctitas et
eruditio. Præsul ergo Min-
doniénsis factus multis vir-
tútibus cláruit. Splenduére

certe in Rudesíndo præter ceteras dotes profusæ in pauperes eleemôsynæ, ecclesiârum aut jam dirutarum aut ruínâ minantium instauratio aut novarum constructio, atque evangelicæ doctrinæ frequentissima prædicatio. Assumptus deinde urgente rege ac populo ad regendum Iriensem episcopatum, ubi tunc Apóstoli Jacóbi corpus conditum erat, majore in dies fructu christiano populo præerat. Denique insignis monachorum cœnóbium in propriis condidit prædiis, quæ illi amplissima et opulentissima paréntum testaménto contigerant.

R. Pósui adjutórium.

Lectio vi.

Nomen cœnóbio Cella nova, quod religiónē et augústa structúra étiam hódie amplíssimum est. In quo monásticam sub beáti Benedicti régula vitam annos áliquot agens, migrávit ad Dóminum Kaléndis Mártii, éditis multis in vita et post óbitum miráculis. Ejus corpus usque ad hodiérnum diem in eódem cœnóbio quíescit ac magna præcípue Gallaicórum et Lusitanórum frequentia

semper invísitur. Cláruit sanctus Rudesíndus anno Dómini nongentésimo trigésimo et sequéntibus. Quem Cœlestínus tértius, dum in minóribus esset, a terra levávit: deinde Póntifex factus in sanctórum catálogum rétulit, año salútis millésimo centésimo nonagésimo sexto.

R. Iste est.

In III. Nocturno Homilia in Evangel. Sint lumbi. de Comm. Conf. non Pont. cum **R. R.** de Comm. Conf. Pont.

In Quadrag. ix. Lect. et comm. Feriæ in Laud.

Die 3. Martii.

Ss. Hemetherii et Celedonii Martyrum.

Duplex.

Omnia de Communi plurim. Mart., præter sequ.

Oratio.


Deus, qui gloriósos Mártires Hemethérium et Celedónium in tui nóminis confessióne roborásti: concede propítius; ut, quorum cõrpora venerámur in terris, eórum aspéctu perfruámur in cœlis. Per Dóminum nostrum.

In Quadrag. fit comm. Feriæ.

In I. Nocturno Lect. Fratres: Debitóres. de Comm. plurim. Martyr. Extra Quadrages. de Scriptura occurrente.

In II. Nocturno.

Lectio iv.

emethérius et Cele-
dónius fratres Le-
gionénſes, Marcélli
centuriónis mártiris filii,
aliorúmque inſignium már-
tyrum, qui divérsis tempó-
ribus et locis pro Christo
paſſi ſunt, germáni fratres,
poſtquam diu fortitérque
ſub románis vexíllis me-
ruérunt, mota in chriſtiá-
nos ſævíſſima perſecutió-
ne, páribus votis constanti-
que ánimo ſemet invicem
adhortántes decrevérunt
relictis gentílium caſtris ad
Chriſti milítiam tranſíre.
Ardóre itaque fidei ſuc-
céſſi, dum álíi veræ fidei
cultóres in tentatióne de-
ficiébant, illi ad mártýrium
properárunť: ſciéntes ita
ánimam ſervári, dum pér-
ditur: ſánguinem ſacrári,
dum fúnditur: et accéptis,
non inſíctis vulnéríbus,
chriſtiánam parári victó-
riam. R. Sancti tui.

Lectio v.

C hriſtum itaque palam
proféſſi et inánium de-
órum ſimulácula deteſtáti
Deum verum libere prædi-
cáre cœpérunt. Quare ad
milítum tribúnal rapti, inde
grávibus caténis onúſti in
tenebricóſum foetidúmque

cárcerem protrahúntur.
Ubi multis ærúmnis mace-
ráti, cum nullis ártibus,
ſive verbórum blandítiis,
ſive beneficiórum promís-
ſis, ſæpiúſve repetitis ſup-
pliciis a ſancto propóſito
dimovéri potuíſſent, váriis
cruciántur tormentórum
genéríbus, quæ vel ipſum
tyránnum púduit publicári.
Sevéro quippe prohibuit
edícto, geſta ſacrórum vi-
rórum, ſive quas paſſi ſunt
pœnas, ſive quæ patrárunt
mirácula, in apértum pro-
dúci. Etsi vero gentílium
verſútia glorióſi agónis me-
móriam tentárit abolére,
chriſtianórum nihilóminus
pietas ſtúduit conſerváre.

R. Vérbera carníficum.

Lectio vi.

I llud vero imprimis me-
morábile, quod lata in
eos cápitis ſenténtia, ubi
ad ſupplicii locum perve-
nérunt, ántequam lictóris
ictum excíperent, ſuæ fidei
pígnora eo præmiſérunt,
quo mox ipſi erant per-
ventúri. Primus ánnulum,
ſecúndus orárium in altum
projecérunt, quælenis auræ
obſéquio, ſplendescénte au-
ro et candénte línteo, cun-
ctis intuéntibus ad cœlos
evécta ſunt. Vidit hæc ipſe
cárnifex, qui manum re-
preſſit hærens et ſtupens;

sed demum ictum perégit, ne períret mártýrum triúm-
phus. Secúri percússi juxta
civitátem Calagurritánam
prope torréntem Arenális
tértio Nonas Mártii, ibídem
sepúlti sunt. Unde póstea
transláti ad ecclésiám cat-
hedrálem pridie Kaléndas
Septémbris, ea translati-
onis die tamquam patróni,
miráculis illústres, præcí-
pua colúntur veneratióne.

R. Tamquam aurum.

In III. Noct. Homil. in Evang.
Cum audieritis. ut in Coñ. 1. loc.

R. viii. Hæc est vera.

Lectio ix. et coñem. Feriæ
in Laud. in Quadrag.

Die 13. Martii.

S. Leandri Episc. Conf.
Duplex.

Omnia de Coñuni Conf. Pont.,
præter sequ.

Ant. ad Magnif. O Do-
ctor óptime.

Oratio.

Deus, qui ariánam pravi-
tátem doctrína sancti
Confessóris tui atque Pon-
tíficis Leándri ex Hispánia
propulisti: da plebi tuæ; ut
ejúsdem méritis et précibus
ab omni errórum et vitió-
rum labe semper libera con-
servétur. Per Dóminum.

In Quadrag. fit coñ. Feriæ.

In I. Noct. Lect. Sapiéntiam.
de Coñ. Doct. Extra Quadrag.
de Script. occur.

In II. Nocturno.

Lectio iv.

Ex B. Isidoro et Sanctorum
Hispan. historiis.



Leándor, Carthágine
ex patre Severiáno
viro claríssimo ejús-
dem Cartháginis dómino
ortus, fratres hábuit san-
ctos episcopos Isidórum et
Fulgéntium, sanctitáte et
doctrína præstantíssimos,
et Florentínam vírginem.
In eo a téneris annis ca-
stíssimæ luxit intégritas
vitæ et morum grávitás
máxime venerábilis, quam
incomparábilis ingénii clá-
ritas illustrábat. Gliscénte
eo témpore hæreticórum
furóre sub Visigóthis prin-
cipibus, qui cum império
ariánam impietátem in Hi-
spániam invéxerant et ejus
ecclésiás mísere vexábant,
públicæ vitæ pertæsus ad-
oléscens in religiósium mo-
nastérium se recépit, ut in
propósito perfectiórís in-
stitúti sánctius Deo inser-
víret, et piis stúdiis et me-
ditatió nibus in tranqúillo
sese exercéret. In eo san-
ctitáte et doctrína ádeo
profécit et in omni génere
virtútum divinísque et hu-
mánis lítteris conspicuus
evásit, ut Isidórus germá-
nus suus ad Claúdium du-
cem, de quibúsdam artí-

culis ad fidem pertinéntibus ínstruens, scrípserit: Meménto commúnis nostri doctóris Leándri, et ejus fidem atque doctrinam pro víribus imitáre. Sed nóluit Deus tam splendéntem pietátis et doctrínæ lucérnam in occúltis delitescere, sed in fastigio ecclésiæ pósitam Hispániæ prælucére. Nam clero et pópulo exposcén-te, a monastério avúl-sus, epíscopus Hispalénsis creátus est.

R̃. Invéni David.

Lectio v.

Suscéptam ecclésiám omni cura ac sollicitúdine gubernávit; cleri et pópuli mores ad arctam disciplínám tradúxit: solémnia ecclésiæ officia, hymnódiam, sacræ Missæ ritus precésque, quibus eo témpore omnes Hispániæ ecclésiæ utebantur, ordinávit et auxit. A persecúenda ariána hæresi prædicatióne numquam déstitit. Monásticum órduem Benedictínium amplificáre in Hispánia cœpit, ac soróri suæ Florentínæ régulam pro institutione vírginum dedit. His et áliis mire gestis, Constantinópolim pro causis fidei Visigothórum legátus proféctus est: ubi ob exímiam religióne et

doctrinam apud sanctum Gregórium, Románi pontíficis apocrisárium tunc ibi degéntem, tanti hábitus fuit tantáque amicitia illi conjúctus, ut ad Románam sedem póstea promótus, cum Leánder in ecclésiám suam jam fuisset revérsus, pállii ornáméntum miserit, fréquentibus epístolis illum honoráverit, libros in Job, quos illi dicávit, una cum Pastoráli, his lítteris benevoléntia plenis ad ipsum transmiserit: Quanto ardóre vidére te sítiám, quia valde me diligis, in tui tábulis cordis leges. Sed, quia longo terrárum spátio disjúctum te vidére néqueo, unum, quod mihi de te dictávit caritas, fuit, ut librum régulæ pastorális, quem in episcopátus mei exórdio scripsi, et libros, quos in expositionem beáti Job jam dudum me fecisse cognovísti, sanctitati vestræ transmittere curáverim.

R̃. Pósui adjutórium.

Lectio vi.

Sancto ergo præsule suæ ecclésiæ restitúto, vix enarrári possunt, quæ pro glória Dei proque eliminándá hæresi ariána laborávit. Hermenegildum enim, nepótem suum, Leovigildi regis filium, sermónibus

suis haud solum ad fidei confessionem perdúxit, sed ut glorióso ságuinis testimonió illam confirmáret, adéptus fuit. Inflammátus furóre pater in Leándrum et in omnes adhuc ecclési-
 as, exsílio eum mulctávit, et illas facultátibus et pastóribus orbátas reliquit. Nec tamen déstitit cum fidei hóstibus líbere decertáre. In ipso síquidem exsílio, ut frater suus Isidórus testátur, duos libros eruditíssime sanctárum scripturárum ditíssimos scripsit, quibus eórum perfídiam confutávit. Affúlsit tandem ecclésiæ post illam nubem optáta serénitas. Rex enim, cum in morbum incidísset, sub mortem in meliorem mentem (licet non ut oportébat) revérsus, Leándrum cum áliis episcopis ab exsílio revocári jussit, eíque Reccarédi filii curam dedit. Defúnto patre piíssimus rex ReccaréduS, doctrínam, consília et exémp-
 la Leándri secútus, ejus ópera Gothos ad fidem convér-
 ti mirábiliter fuit adéptus. Leánder ergo cum tam miram conversiónem vidísset, Hispániæ episcopos in Tolétánam sýnodum conveníre omni sollicitúdine promóvit, quod et ReccaréduS

máxime curávit. In eo enim concílio duóbussupra sexaginta episcopis congregátis, et omni clero, primáriis regni, étiam et ipso rege assidéntibus, ariána hære-
 sis fuit damnáta et abjuráta, et fides cathólica ab ómnibus unánimiter suscépta et uno ore laudáta. Leánder igitur elegantíssima concióné pátribus de gentis conversióné congratulátus est; múltaque ad fidem et disciplínam ecclésiæ sanc-
 ciéndam tum in eódem concílio, tum in álio, quod póstea Hispali celebrávit, constituéndo dispósuit. De-
 mum religióne restitúta et ecclésiæ pace firmáta, jam octogenário major, cum ecclésiám quadraginta et ámplius annos rexísset admirábili vitæ ac sanctitátis exémplo, migrávit ad Dóminum. Sepúltus fuit in basilica sanctárum vírginum Justæ et Rufinæ: póstea ejus corpus in Hispalénsem ecclésiám translátum est.

R. Iste est.

In III. Nocturno.

Léctio sancti Evangélii secúndum Matthæum.

Lectio vii. Cap. 5.

In illo témpore: Dixit Jesus discípulis suis: Vos

estis sal terræ. Quod si sal evanúerit, in quo saliétur? Ad níhilum valet ultra, nisi ut mittátur foras et conculcétur ab homínibus. Et réliqua.

Homilia S. Isidóri Episcopi
Hispalénsis.

Ex lib. 3. Sent. 26. et 42.

Tam doctrína, quam vita clarére debet ecclesiásticus doctor. Nam doctrína sine vita arrogántem reddit, vita sine doctrína inútilem facit. Sacerdótis prædicatio opéribus confirmánda est, ita ut, quod docet verbo, instruat exémplo. Vera est illa doctrína, quam vivéndi séquitur forma. Nam nihil túrpius est, quam si bonum, quod quisque sermóne prædicat, explére ópere negligat. Tunc enim utiliter prædicatio præfértur, quando effícaciter adimplétur. Unusquisque doctor et bonæ actionis et bonæ prædicationis habére debet stúdiúm. Nam álterum sine áltero non facit perféctum: sed præcedat justus bene ágere ut sequénter possit bene docére.

R̃. Amávit eum.

Lectio viii.

Omnis útilis doctor plé-
bibus subjéctis ita se

præstáre debet atque insístere doctrínæ, ut, quanto claret verbo, tanto claréscat et mérito. Nam quod Apóstolus Timótheo præcipit cum omni império docére, non hortátur ad tumórem supérbiæ, sed ad bonam actionem et vitæ auctoritátem: vidélicet ne libertátem pérderet prædicándi, si bene docéret et male víveret. Unde et Dóminus: Qui sólverit unum de mandátis istis mínimis et sic docúerit, mínimus erit in regno cœlórum. Vides, quod auctoritáte magistérii caret, qui, quod docet, non facit. Sicut in numísmate metállum, figúra, et pondus inquiritur, ita in omni doctóre ecclesiástico, quid sequátur, quid dóceat, quómodo vivat. Per qualitátem igitur metállí doctrína, per figúram similitúdo patrum, per pondus humilitas designátur. Qui vero ab his tribus discrepáverit, non metállum, sed terra erit.

R̃. In médio.

Lectio ix. et cõmem. Feriæ; alias erit sequens:

Lectio ix.

Qui præfícitur ad régimen, táliter erga disciplinam subjectórum præstáre se debet, ut non solum auctoritáte, verum étiam humili-

táte claréscat: Sed tamen ita erit in eo virtus humilitátis, ne dissolvátur vita subditórum in vítiis: atque ita auctóritas áderit potestátis, ne per tumórem cordis sevéritas exsístat imoderatiónis. Hæc est enim in Dei Sacerdótibus vera discrétio, qua nec per libertátem supérbi, nec per humilitátem remíssi sunt. Hinc est, quod Sancti cum magna constántia redarguerunt étiam Príncipum ví-

tia, in quibus cum summa esset humílitas, loco tamen necessário libere transgressóres justítiæ increpábant. Aliquándo súbditis nos opórtet ánimo esse humi-lióres, quóniam facta subditórum judicántur a nobis, nostra vero Deus júdicat. Agnóscat Epíscopus, se esse consérvum plebis non dóminum verum: Hoc cáritas, non condítio éxigit.

Te Deum laudámus.




Concordant cum Originalibus.

Ratisbonæ, die 15. Januarii 1896.

Dr. Fr. X. Leitner, Vic. in Spirit. Gen.

Index alphabeticus.

Agnetis Virg. et Mart. dupl. 3. Febr.	pag. 33*
Barbaræ Virg. et Mart. dupl. 4. Dec.	10*
— — Octava 11. Dec.	13*
Bibianæ Virg. et Mart. semid. 17. Dec.	21*
Canuti Reg. et Mart. semid. ad lib. 14. Febr.	39*
Catharinæ Virg. et Mart. Quinta die 29. Nov.	4*
— — Septima die. 1. Dec.	5*
— — Dies Oct. 2. Dec.	8*
Cyrilli Episc. Alexandr. Conf. et Doct. dupl. 16. Febr.	39*
Damasi I. Pap. et Conf. semidupl. 17. Dec.	21*
Didaci Conf. semidupl. 28. et 29. Nov.	1* 4*
Dominici Silensis Abbat. dupl. 20. Dec.	21*
Eulaliæ Emeritensis Virg. et Mart. dupl. 14. Dec.	19*
Eulaliæ Virg. et Mart. dupl. 12. Febr.	36*
Fabiani Pap. et Sebastiani Mm. dupl. maj. 20. Jan.	28*
Familiæ Jesu, Mariæ, Joseph. dupl. majus. Domin. III. post Epiph.	33*
Francisci Salesii Episc. Conf. et Doct. dupl. 13. Febr.	39*
Fructuosi Episc. et Socior. Mart. dupl. 21. Jan.	28*
Fulgentii Episc., Conf. et Doct. dupl. 19. Jan.	26*
Hemetherii et Celedonii Mart. dupl. 3. Mart.	43*
Ildefonsi Episc. et Conf. dupl. 23. Jan.	30*
Juliani Episc. et Conf. dupl. 28. Jan.	30*
Leandri Episc. et Conf. dupl. 13. Martii.	45*
Leocadiæ Virg. et Mart. dupl. 9. Dec.	11*
Mariæ B. V. Almæ Domus Lauret. Translat. dupl. maj. 10. Decembris.	13*
— — Immaculatæ Concept. Patr. princip. Indiar. dupl. 1. cl. cum Octava. 8. Dec.	11*
— — Exspectatio Partus. dupl. maj. 18. Dec.	21*
— — de Guadalupe. dupl. maj. 12. Dec.	14*
— — Purificatio. dupl. 1. cl. cum Oct. 2. Febr.	33*
Nicolai Factoris Conf. dupl. 23. Dec.	23*
Orationis D. N. J. Chr. in monte Oliveti. duplex majus. Feria III. post Dom. Septuag.	33*
Passionis D. N. J. Chr. dupl. maj. Commem. Feria III. post Domin. Sexages.	33*
Petri Chrysologi Episc. Conf. et Doct. duplex. 5. Dec.	11*
Raymundi de Peñafort. Conf. semid. 15. Febr.	39*
Rudesindi Episc. et Conf. dupl. 1. Mart.	42*
Sebastiani ab Apparicio Conf. dupl. 25. vel 26. Febr.	39*
Silvestri Abbat. dupl. 28. Nov.	2*
Spineæ Coronæ D. N. J. C. dupl. majus. Feria VI. post Cineres.	42*
Valerii Episc. et Conf. dupl. 29. Jan.	31*
Vincentii et Anastasio Mart. dupl. 22. Jan.	20*



OFFICIA PROPRIA

ECCLESIASTICÆ PROVINCIÆ

SANCTÆ FIDEI NEOGRANATENSIS.

PARS VERNA.

Die 12. Februarii.

S. Eulaliæ Virg. et Mart.

Duplex.

Omnia de Communi Virg. et Mart., præter sequ.

Oratio.

Deus, qui nos martýrii beátæ Eulaliæ Vírginis et Mártýris tuæ solemnitáte lætíficas: concéde propítius; ut gloriosíssimis ejúsdem méritis et terréna nobis proficiant, et cœléstia desideráta provéniant. Per Dóminum nostrum.

Et fit commemor. Feriæ.

In I. Nocturno Lectiones
De virgínibus. de Communi
1. loco.

In II. Nocturno.

Lectio iv.

Eulália virgo Barcinonénsis, nobílibus paréntibus nata et in Christi fide ac religiône educáta, cum décimum quartum suæ ætátis annum attingeret et in eádem ténera ætáte desidério martýrii flagráret, divínitus inspiráta se ipsam sponte præsidi Daciáno, Barcinóne persecutióem advérsus christiános exercéti, ad martýrium offérre decrevit. Cumque ruri tribus fere milliáribus procul a Barcinonénsi urbe manéret, inde paréntibus atque

domésticis id ignorántibus clam recédens Barcinónem pervénit. Ubi prætoríanam domum ingrédiens, præsidem pro tribunáli sedéntem adit: et stans coram eo sic alta voce est elocúta: Ut quid, Daciáne, audes christianórum sánguinem injúste fúndere, et eósdem ad falsos venerándos deos cógere? Unus est solus verus Deus, omnípotens, ómnium creátor et dóminus, quem imperatóres Diocletíanus et Maximíanus, et tu et omnes hómines venerári obligántur. Quómodo ergo, homo cum sis, non times Deum unum omnipoténtem offéndere? Aut cur christianós pervértere nítiris, ut Deum verum désérant, et falsa dæmonum simulácra, ópera mánibus hóminum fabricáta, colant? Ad quam Daciánus rei novitáte turbátus dixit: Quænam es tu, quæ contra imperatóriam majestátem et ministrórum suórum débitam reveréntiam ausa es tália públice proférre verba? Cui virgo: Ego sum Eulália, ancílla Jesu Christi, qui et Dei Patris et Mariæ vírginis matris est filius, qui solus est rex regum et dóminus dominántium; et cui divínus jure

debet exhibéri honor et cultus, non autem idólis.

R̃. Propter veritátem.

Lectio v.

Hac gloriósa fidei confessione quasi splendénti luce excæcátus tyránnus, tum ódio in christianós commótus, tum ira contra vírginem concitátus, eam illico alligári, et in custódiam dedúci, ibidémque crudéliter verberári ímperat. Quod torméntum cum constánti ánimo et læto vultu ténera virgo multis id vidéntibus atque mirántibus sustinéret, ferína rábie contra ancíllam Christi magis concitátus Daciánus omni tormentórum génere Euláliam christíanam debére excruciarí decérnit. Igitur primum Eulália in equúleo pósita feróriter dilacerátur. Mox úngulis férreis tota excarnificátur: fácibus flammisque ardéntibus ad ejus virgínale pectus lateráque admóti exúritur. Oleum super ejus exústum plagatúmque corpus infúnditur: quo totum perúctum supra vivam calcem exténditur ac volutátur, ut ardóre calcis interióra vírginis víscera acerbíssime torqueréntur. Liquátum ac fervens plumbum supra

virgineum corpus effunditur, ac totum ipsum corpus acutis testaceis fragmentis confricatur. Ne autem sensus aliquis proprio careret dolore, per ejus nares acetum cum attrita sinapi permixtum immittitur; et candelis denique accensis castissimi virginis oculi aduruntur. Quare nihil non tentat, nihil non facit ingeniosa sœvaque tyranni malitia, ut a vero cultu Dei cultricem abducatur. Ceterum quo magis crescit tortoris sævitia, eo magis augetur in sponsa Christi constantia, fortitudo, et gratia. Etenim Eulalia in cruciatibus Deum orat, eidemque læta gratias agit. Dumque tortores in inferendis tormentis fatigantur, ipsa nec tristitia affecta nec molestia fracta omnia non solum æquo, verum etiam alacri animo perferēbat.

R. Dilexisti justitiam.

Lectio vi.

Nihil jam se posse vi tormentorum contra Eulalam sperabat Daciānus. Ad infamiam ergo et ignominiam cællide suum vertit obstinatum animum, ut experiatur si hoc modo valeat triumphare. Igitur castam et verecundam virgi-

nem, nudam corpore, exustam, dilaceratam, oleo, calce, et cruore sanguinis conspersam ac deformatam, per vicos et plateas civitatis publice coram omnium oculis circumferri jubet. O acerbum crudelēque spectāculum! Sed qui animalia terræ et volatilia cœli vestit Deus, sponsam suam Eulalam mirabilibus ornavit indumentis. Nix enim illico de cœlo cecidit, quæ sacræ virginis corpus mirandum in modum contexit: quæque cœlitus suo temperato frigore virgini esset refrigerio, et suo splendēti candore eidem simul esset ornamento. Quam sponsa Christi candida et rubicunda, per loca publica gloriosa incēdens, vere de tyranno triumphans, omnibus visa fuit admirabilis et speciosa! Fremēbat Daciānus infractum videns animum virginis, et jam quasi de victoria despērans eam cruci affigi imperat. Verum in cruce pendens Eulalia cœlesti recreatur gaudio, quod se cruci affixam Christoque simillimam videt. Neque ibidem omnium admiratione Deum glorificāre cessat. Denique jubente præsidente pridie Idus Fe-

bruárii secúri percútitur, et gemináta martýrii atque virginitátis coróna nóbile certámen exégit. Cujus ánima ad instar colúmbæ e córpore egrédiens cœlum a multis visa est conscéndere. Corpus vero a cristiánis honorífice extra Barcinónis urbis mœnia sepelítur.

R. Afferéntur Regi.

In III. Nocturno Homilia in Evang. **Símile erit regnum cœlórú**m. de Comm. Virg. 1. loco.

Lectio ix. et commemor. Feriæ in Laud.

Vesp. a cap. de sequ. Ant. O **Doctor.** comm. præc. et Feriæ.

Die 13. Februarii.

S. Francisci Salesii

Episc. Conf. et Eccl. Doct.

Duplex. (m. t. v.)

Omnia de Comuni Conf. Pont., præter sequentia.

In utrisque Vesp. ad Magnif.

Ant. O **Doctor óptime,** Ecclésiæ sanctæ lumen, beáte Francisce, divínæ legis amátor, deprecáre pro nobis Fílium Dei.

Oratio.

Deus, qui ad animárum salutem beátum Franciscum Confessórem tuum atque Pontíficem ómnibus ómnia factum esse volúisti: concéde propítius; ut caritátis tuæ dulcedine perfúsi, ejus dirigéntibus mó-

nitis, ac suffragántibus méritis, æténa gáudia consequámur. Per Dóminum.

Et fit commemor. Feriæ.

In I. Noct. Lect. **Sapiéntiam.** ut in Comm. Doct.

In II. Nocturno.

Lectio iv.

Franciscus in óppido Salésio, unde familiæ cognómen, piis et nobilibus paréntibus natus, a téneris annis futúrae sanctitátis indícia præbuit, morum innocéntia et gravitáte. Adoléscens liberálibus disciplínis eruditus, mox philosophiæ ac theologiæ Parísiis óperam dedit: et ne quid sibi deésset ad ánimi cultúram, juris utriúsque laúream summam cum laude Patávii obtínuit. In sacra æde Lauretána perpétuæ virginitátis votum, quo pridem Parísiis se obstrínxerat, innovávit: a cujus virtútis propósito nullis umquam dæmonum fraudibus, nullis sénsuum illécebris pótuit dimovéri.

R. Invéní David.

Lectio v.

Recusáta in Sabaúdiæ senátu amplíssima dignitáte, clericáli militiæ nomen dedit: tum sacerdotío initiátus, et Genevénsis ecclésiæ præpositúram adéptus, ejus múnus partes

ádeo perfécte explévit, ut eum Granérius epíscopus vindicándis ab hæresi Calviniana Chaballicensibus, aliisque Genévæ finítimis pópulis, divíni verbi præcónem destinárit. Quam expeditiónem álacri ánimo suscípiens, aspérrima quæque perpéssus est, sæpe ab hæreticis conquisitus ad necem, variisque calúmniis et insidiis vexátus. Sed inter tot discrimina et agónes, insuperábilis ejus constantia semper enítuit; Deique ope protéctus, septuagínta duo míllia hæreticórum ad cathólicam fidem reduxisse díctur, inter quos multi nobilitáte et doctrínainsignes numerántur.

R. Pósui adjutórium.

Lectio vi.

Mórtuo Granério, qui eum sibi coadjutórem decérni curáverat, epíscopus consecrátus, sanctitátis suæ rádios circumquaque diffúdit, zelo ecclesiásticæ disciplínæ, pacis stúdio, misericórdia in paúperes, omnique virtúte conspícuus. Ad divíni cultus augmentum novum órđinem sanctimoniálíum instituit, a Visitatíone beátæ Vírginis nuncupátum, sub régula sancti Augustíni; cui áddidit constitutiónes sa-

piéntia, discretiónē, et suavitáte mirábiles. Suis étiam scriptis cœlésti doctrína refértis Ecclésiám illustrávit, quibus iter ad christíanam perfectiónem tutum et planum demónstrat. Annum dénique agens quinquagésimum quintum, dum e Gállia Annésium regréditur, post Sacrum in die sancti Joánnis Evangelistæ Lugdúni celebrátum, gravi morbo corréptus, sequénti die migrávit in cœlum, año Dómini millésimo sexcentésimo vigésimo secúndo. Ejus corpus Annésium delátum, in ecclésia moniálíum dicti órđinis honorífice cónditum fuit, cœpítque statim miraculis claréscere. Quibus rite probátis, ab Alexándro séptimo Pontífice Máximo in Sanctórum número relátus est, assignáta ejus festivitáti die vigésima nona Januárii, et a Summo Pontífice Pio nono, ex Sacrórum Rítuum Congregatiónis consúlto, universális Ecclésiæ Doctor fuit declarátus. R. Iste est.

In III. Nocturno Homilia in Evang. Vos estis sal terræ. de Comm. Doct. 1. loco.

Lect. ix. et com. Fer. in Laud.

In II. Vesp. Ant. O Doctor. comm. sequ., Feriæ et S. Valentini Mart. ut infra.

Die 14. Februarii.

S. Canuti Regis et Mart.

Semiduplex ad libitum.

Omnia de Comm. unius Mart.,
præter sequentia.

Ant. Iste sanctus.

℣. Glória et honore.

Oratio.

Deus, qui ad illustrándam Ecclésiám tuam, beátum Canútum regem martýrii palma et gloriósis miráculis decoráre dignátus es: concéde propítius; ut, sicut ipse Domínicæ passiónis imitátor fuit, ita nos per ejus vestigia gradiétes, ad gáudia sempitérna perveníre mereámur. Per eúmdem Dóminum.

Et fit commem. Feriæ.

Deinde commem. S. Valentini
Presb. et Mart.

Ant. Qui odit. ℣. Justus.

Oratio.

Præsta, quæsumus omnipotens Deus: ut qui beáti Valentini, Mártyris tui, natalítia cólimus, a cunctis malis imminéntibus, ejus intercessióne, liberémur. Per Dñm.

In I. Noct. Lect. Fratres: Debitóres. de Comuni plur. Mart.

In II. Nocturno.

Lectio iv.

Canútus quartus, Suenónis Esthrítii Danórum regis fílius, fide, pietáte et morum ho-

nestáte conspícuus, eximíæ sanctitátis a téneris annis spécimen dedit. Patérnum sceptrum summa ómnium acclamatióne adéptus, religióni promovéndæ sédulo incúmbere, ecclésiás redítibus augére, et pretiósá supelléctili ornáre cœpit. Tum zelo propagándæ fídei succensus, bárbara regna justo certámine aggréssus, devíctas subditásque natiónes cristiánæ legi subjugávit. Victóriis autem plúrimis gloriósus, et divítiis auctus, regále diadéma ad Christi crucifixi pedes abjécit, se et regnum illi subjiciens, qui Rex regum est et Dóminus dominántium, Corpus suum jejúniis, cilíciis et flagéllis castigávit. In oratióne et contemplatióne assíduus, erga paúperes profúsus, erga omnes benéficus semper fuit: nec umquam a justitiæ divinæque legis sémita defléxit.

℞. Honéstum fecit.

Lectio v.

His aliisque virtútibus imbútus, ad suprémum perfectiόνis ápicem sanctus rex properábat. Accidit autem ut Angliæ regnum a Wilhélmo Normanórum duce, formidábili exércitu invaderétur. An-

glis vero, Danórum opem implorántibus, cum succúrere rex decrevisset, belli expeditiónem Oláo fratri commisit. Qui regnándi cupiditate illéctus, arma vertit in regis perniciem, militibus et pópulo contra illum concitátis. Nec defuérent rebellióni foménta. Cum enim rex, éditis légibus, décimas ecclésiis solvi, Dei et Ecclésiæ præcepta servári, transgressóres puniri sanxisset, plerique perversi ac sceleráti hómines exacerbáti, primum quidem tumultuári, tum plebem commovére, ac tandem sanctíssimo regi necem molíri cœpérunt.

R. Desidérium animæ.

Lectio vi.

Sciens igitur rex, futurórum præsciis, mortem sibi propter justitiam imminére; ea prænuntiáta, ad ecclésiám sancti Albáni Mártiris Othóniæ, tamquam ad locum certáminis, proféctus est: et sacraméntis múnitus, agónem suum Dómino coméndábat. Mox ibi advéniens conjuratórum multitúdo, ecclésiæ ignem admovére, fores confringere et in eam irrumpere tentáruunt. Quod cum perficere non possent, ad fenéstras accedéntes, saxa et

sagíttas in sanctum regem, flexis génibus pro inimicis orántem, magno impetu jaculári non cessáruunt; donec lápidum et telórum ictibus, ac tandem láncea confóssus, glorióso mártýrio, ante altáre exténsis bráchiis procúbens, coronátus est, sedénte in apostólico throno Gregório séptimo. Multis póstea miraculis Mártýrem suum illustrávit Deus. Nam gravi penúria et diversis calamitátibus opprèssa Dánia, patrátisacriléгии pœnasluit. Plures étiam váriis languóribus afflícti, ad ejus túmulum remédium et incolunitátem consecúti sunt. Cumque regína sacrum ejus corpus noctu clam surripere, et álio transférre conarétur, emissó cœlitus ingénti splendóre pertérrita, a propósito cessávit.

R. Stola jucunditátis.

In III. Nocturno Homilia in Evang. Si quis vult. de eodem Comuni 2. loco.

Lectio ix. et commem. Feriæ in Laudibus.

Postea de S. Valentino. Ant. Iste sanctus. V. Glória et. Oratio. Præsta, quæsumus.

Vesp. a cap. de sequ. comm. præced., Feriæ et Ss. Faustini et Jovitæ Mart.

Die 15. Februarii.
S. Raymundi de Peña-
fort Confessoris.

Semiduplex. (m. t. v.)

Omnia de Comm. Conf. non
 Pont., præter sequentia.

Oratio.

Deus, qui beátum Ray-
 mündum pœnitentiæ
 sacraménti insígnem miní-
 strum elegisti, et per ma-
 ris undas mirabiliter tra-
 duxisti: concéde; ut ejus
 intercessióne dignos pœni-
 tentiæ fructus fácere, et ad
 æternæ salútis portum per-
 veníre valeámus. Per Dó-
 minum nostrum.

Fit commem. præc. et Feriæ.

Postea Ss. Faustini et Jovitæ
 Mart. ut in Brev. hac die.

In I. Noct. Lect. Justus si
 morte. de eodem Comm. 1. loco.

In II. Nocturno.

Lectio iv.

Beátus Raymündus
 Barcinonénsis, ex
 nóbili familia de
 Peñafort, christiánæ reli-
 giónis rudiméntis imbútus,
 adhuc párvulus, exímia á-
 nimi et córporis índole ma-
 gnum áliquíd porténdere
 visus est. Nam adoléscent
 humaniôres litteras in pá-
 tria proféssus, Bonóniam
 se cóntulit, ubi pietátis offi-
 ciis, ac pontificio civilíque
 juri sédulo incúmbens, et

doctóris laúrea insignítus,
 ibídem sacros cánones ma-
 gna cum hóminum admi-
 ratioéne est interpretátus.
 Ejus virtútum fama per-
 crebrescénte, Berengárius
 Barcinonénsis epíscopus,
 cum Roma suam ad ecclé-
 siam redíret, eum conve-
 niéndi causa Bonóniam
 iter instítuit, et tandem
 summis précibus, ut se-
 cum in pátriam reverte-
 rétur, obtínuit. Mox ejús-
 dem ecclésiæ canonicátu
 et præpositúra ornátus,
 univérso clero et pópulo,
 integritáte, modéstia, do-
 ctrína, et morum suavitate
 præfúlsit, ac Deíparæ Vír-
 ginis, quam singulári pie-
 tátis afféctu venerabátur,
 honórem et cultum sem-
 per pro víribus auxit.

R. Honéstum fecit.

Lectio v.

Annum círciter quintum
 supra quadragésimum
 agens, in órdine fratrum
 Prædicatórum solémni e-
 missa professione, ut no-
 vus miles, in omni virtú-
 tum génere, sed præcipue
 in caritate erga egénos, et
 máxime captivos ab infi-
 délibus deténtos, se exér-
 cuit. Unde cum ejus hor-
 tátu sanctus Petrus Nolá-
 scus (cujus ipse confessió-

nes audiébat) suas opes piíssimo huic óperi conférret, tum eídem, tum beáto Raymúndo, et Jacóbo primo Aragóniæ regi appárens beatíssima Virgo, gratíssimum sibi, et unigénito Fílio suo fore dixit, si in suum honórem instituerétur ordo religiosórum, quibus captívos ex infidélíum tyránnide liberándi cura incúmbaret. Quare collátis inter se consiliis, órđinem beátæ Mariæ de Mercéde Redemptiónis Captivórum fundavérunt: cui beátus Raymúndus certas vivéndi leges præscripsit ad ejúsdem órđinis vocatióem accommodatíssimas: quarum approbatióem áliquot post annos a Gregório nono impetrávit, et dictum sanctum Petrum primum Generálem órđinis magistrum suis ipse mánibus hábitu eódem indútum creávit.

R. Amávit eum.

Lectio vi.

Ab eódem Gregório Romanam accersítus, et capelláni, ac pœnitentiárii, et confessárii sui múnere decorátus, ejúsdem jussu Romanórum Pontíficum decréta, in diversis concíliis et epístolis sparsa, in unum Decretálium vo-

lúmen redégit. Archiepiscopátum Tarraconénsem ab ipso Pontífice sibi oblátum constantíssime recusávit, et totíus órđinis Prædicatórum generále magistérium, quod per biénnum sanctíssime ministráverat, sponte dimísit. Jacóbo Aragóniæ regi sacrae Inquisitionis officii suis in regnis instituéndi auctor fuit. Multa patrávit mirácula, inter quæ illud claríssimum, quod ex ínsula Baleári Majóri Barcinónem reversúrus, strato super aquas pállio, centum sexaginta milliária sex horis confecerit, et suum cœnóbium jánuis clausis fúerit ingrèssus. Tandem prope centenárius, virtútibus et méritis cumulátus, obdormívit in Dómino, anno salutis millésimo ducentésimo septuagésimo quinto. Quem Clemens octávus in Sanctórum número rétulit.

R. Iste homo.

In III. Nocturno Homilia in Evang. Sínť lumbi. de eodem Communi 1. loco.

Lectio ix. de Homilia et commemor. Feriæ in Laud., postea comm. Ss. Faustini et Jovitæ Martyrum

Vesp. de sequ. comm. præc. et Feriæ.

Die 16. Februarii.

Medellii.

S. Cyrilli Episc. Alexandrini Conf. et Eccl. Doct.

Duplex. (m. t. v.)

Omnia ut in Brev. Romano die 9. hujus.

Die 25. vel 26. Februarii.**Beati Sebastiani ab Apparicio** Conf.

Duplex.

Omnia de Communi Conf. non Pont., præter sequ.

Oratio.

Deus, qui beátum Sebastiánum Confessórem tuum in simplicitate cordis ambulare fecisti, ac cœlestibus donis cumulasti: concède propítius; ut ejus intercessióne, et puris méntibus tibi servíre, et grátiae tuæ múnera cónsequi valeámus. Per Dóminum.

Et fit commem. Feriæ.

In I. Noct. Lect. Beátus vir. de Comm. 2. loco.

In II. Nocturno.

Lectio iv.



Sebastiánus Gudínæ, Gallæciæ óppidi diocesis Auriensis, ex honesta stirpe in Hispania ortum hábuít. Ab infántia pie educátus ac puer pascéndis grégibus déditus, nihil puerile gessit in ópere, statimque appá-

ruit, eum ad magnum áli-
quid portendéndum pecu-
liári Dei providéntia fuisse
præservátum. Nam, ut con-
stánti fertur fama, cum
duodénnis ex lue contagi-
ósa letháliter decumberet
et solus in semidíruto tu-
gúrio esset derelictus, mor-
su lupi e némore erumpén-
tis, qui léniter tumórem
perrúpit pusque virulén-
tum plane abstérsit, a ma-
tre illuc redeúnte mirabí-
liter repértus fuit sanátus.
Puerítia domi probe trans-
ácta, adolescens e patérno
solo egréssus, Salmánticam
secéssit, ibique aliéno ser-
vítio mancipátur. Tum rei
agráriæ álibi addíctus, ut
paréntum inópiam suble-
váret, vária hinc inde ex-
pértus est discrimina, in
iisque ter mulieres ejus
virginitáti insidiántes in-
vícte rejecísse perhibétur.
Hisce vero perículis valde
commótus, in novam Hi-
spániam, quo evangélica
fides nuper fúerat invécta,
proficisci in ánimum sibi
indúxit, navímque conscén-
dens cum áliis sóciis, quo-
rum convícia æquanímiter
in itínere tulit, próspera
tandem navigatióne confé-
cta, primo Angelópolis,
deínde Méxicum áppulit.
R. Honéstum fecit.

Lectio v.

Egrégiae caritátis ejus in primum illico cœpit Méxici præbere arguménta. Cum enim ibi novo opificio construendi plaustra, arduoque labóri aperiendi vias rectas per impervias silvas, præsertim eam quæ e México ducit ad Zacatécam, totum se daret, pingues opes, quas inde sibi comparabat, in viduis et orphanis alendis, honestis puellis dotandis, aliisque hujus generis misericordiæ opéribus impendebat. Quocirca hominem multo ære alieno gravatum atque adeo a lictoribus captum, toto debito generose soluto, e vestigio ab eorum manibus liberavit. Hinc tantam virtutis opinionem adeptus fuit, ut etiam ab Indis, ingénita ferocitate deposita, obsequium sibi et famulatum præstari mereretur. Nuptias, quas olim modeste abnuerat, postmodum inire decrevit. Itaque bis matrimonium cum honestis virginibus contraxit, quas tamen, iisdem consentientibus, intactas reliquit. Quare dæmon variis modis eum est aggressus: nunc fœda spectra ferocis tauri, trucisque Mauri ei objiciens: nunc venustæ mulieris im-

putide gestiéntis formam induens. Sed vir Dei signo crucis cuncta hostis molimina vicit. Postréma conjuge defuncta ordini séraphico adscribi petiit, ac monialibus sanctæ Claræ cunctis opibus relictis voti sui compos jam septuagenarius in statu laici effici meruit.

R. Amavit eum.

Lectio vi.

Solémnibus votis Deo nuncupatis in omni virtutum genere mirifice enituit. Summa ei inerat simplicitas, animicandor, mansuetudo, obediéntia, paupertas, in adversis item tolerandis eximia patientia. Témperans adeo fuit et fortis, ut præter proluxa jejunia et corporis afflictationes noctes insomnes sæpe traduxerit; dignus propterea, cui, ut fertur, esuriénti in deserto et omni humana ope destituto Angeli cibaria ministrarint, lassitudine confectum recrearint, dormiéntem cœlesti splendore circumfulserint, itinerántem a pluvia et nivibus defenderint, ex via devium in rectum trãmitem deduxerint, deque uno in alium locum transtulerint. Futuros eventus quoque prænóvit; se-

créta item cœléstia et córdium arcána penetrávit, et in ferocióres bélluas abso-lútum semper exércuit do-mínium. Eucharístiæ sa-craméntum, quod in extré-mo morbo ex vómitu præ-peditus súmeri non pót-erat, ad se deférri popóscit, et humi stratus lacrymís-que perfúsus inenarrábili ánimí sensu cóluit. Sénio tandem conféctus prope centenárius últimum diem placidíssime Angelópoli clausit. Post mortem cor-pus ejus, quod ex pœnitén-tia attrítum squalidúmque erat, statim formósam ín-duit spéciem suavémque spirávit odórem. Virtútibus dénique et miráculis cla-rus a Pio sexto Pontífice Máximo in beatórum cœ-tum solémniter est relátus.

R̃. Iste homo.

In III. Nocturno Homilia in Evang. Nolite timére. de Com-muni 2. loco.

Lectio ix. et commem. Feriæ in Laud.

Feria VI.
post Domin. I. Quadrag.
Ss. Lanceæ et Clavo-
rum D. N. J. C.

Duplex majus.

Omnia ut inter festa pro ali-quibus locis eadem feria.

Feria VI.
post Domin. II. Quadrag.
Sacratissimæ Sindonis
D. N. J. C.

Duplex majus.

Omnia ut inter festa pro ali-quibus locis eadem feria.

Feria VI.
post Domin. III. Quadrag.
Sacror. V Vulnerum
D. N. J. C.

Duplex majus.

Omnia ut inter festa pro ali-quibus locis eadem feria.

Feria VI.
post Domin. IV. Quadrag.
Pretiosiss. Sanguinis
D. N. J. C.

Duplex majus.

Omnia ut inter festa pro ali-quibus locis eadem feria.

FESTA MARTII.

Die 1. Martii.

S. Rudesindi Ep. et Conf.

Duplex.

Omnia de Comm. Conf. Pont., præter sequ.

Oratio.

Propitiare, quæsumus
Dómine, nobis fámulis
tuis per sancti Confessóris
tui atque Pontíficis Rude-
sindi mérita gloriósa: ut
ejus pia intercessióne ab

ómnibus semper protegá-
mur advérsis. Per Dñm.

Et fit commemor. Feriæ.

In I. Nocturno. Lect. Fidéls
sermo. de eod. Comm. 1. loco.

In II. Nocturno.

Lectio iv.

Rudesíndus natióne
Galláicus, parénti-
bus régii géneris
Gutérrio et Ilduára, qualis
esset futúrus, ejus concé-
ptio satis osténdit. Multis
enim ac largis in paúperes
eleemósynis, oratió nibus,
et lácrymis cum vacáret
Ilduára, ab Angelo præmó-
nita est, se conceptúram
fílium, qui et apud Deum
magni futúrus esset mériti,
et apud hómines præcípuo
sanctitátis nómine. Pridie
ígitur solemnitátis sanctó-
rum mártýrum Facúndi et
Primitívi Rudesíndum pé-
perit: qui dies proptérea
semper illis sacer ac festí-
vus, quám diu vixérunt, fuit.
Constrúxit prætérea Ilduára
in honórem Archángeli
Michaélis ecclésiám eo lo-
co, ubi ab Angelo cértior
facta est se conceptúram.

R. Invéni David.

Lectio v.

Rudesíndus itaque, ab
Ripsa pueritia Dómini
legem méditans, brevi ad-
modum in virum apostóli-
cum crevit. Quaprópter ab

ecclésiæ Mindoniénsis cle-
ro magno ómnium consén-
su epíscopus elígitur, rege
atque procéribus mire gau-
déntibus: nota enim illis
erat Rudesíndi sánctitas et
eruditio. Præsul ergo Min-
doniénsis factus multis vir-
tútibus cláruit. Splenduére
certe in Rudesíndo præter
céteras dotes profúsæ in
paúperes eleemósynæ, ec-
clesiárum aut jam dirutá-
rum aut ruínam minántium
instaurátio aut novárum
constrúctio, atque evangé-
licæ doctrínæ frequentíssi-
ma prædicátio. Assúptus
deínde urgénte rege ac pó-
pulo ad regéndum Irién-
sem episcopátum, ubi tunc
Apóstoli Jacóbi corpus
cónditum erat, majóre in
dies fructu christiáno pó-
pulo præerat. Dénique ín-
sígne monachórum cœnó-
bium in própriis cóndidit
prædiis, quæ illi amplíssi-
ma et opulentíssima parén-
tum testaménto contíge-
rant.

R. Pósui adjutórium.

Lectio vi.

Nomen cœnóbio Cella
nova, quod religióne
et augústa structúra étiam
hódie amplíssimum est. In
quo monásticam sub beáti
Benedícti régula vitam an-
nos áliquot agens, migrá-

vit ad Dóminum Kaléndis Mártii, éditis multis in vita et post óbitum miráculis. Ejus corpus usque ad hodiérnum diem in eódem cœnóbio quiescit ac magna præcípue Gallaicórum et Lusitanórum frequéntia semper invísitur. Cláruit sanctus Rudesíndus anno Dómini nongentésimo trigésimo et sequéntibus. Quem Coelestínus tértius, dum in minóribus esset, a terra levávit: deínde Póntifex factus in sanctórum catálogum rétulit, año salútis millésimo centésimo nonagésimo sexto.

R̃. Iste est.

In III. Nocturno Homilia in Evangel. Sint lumbi. de Comm. Conf. non Pont. cum R̃R̃. de Comm. Conf. Pont.

Lectio ix. et commem. Feriæ in Laud.

Die 3. Martii.

Ss. Hemetherii et Celedonii Martyrum.

Duplex.

Omnia de Communi plurim. Mart., præter sequ.

Oratio.

Deus, qui gloriósos Mártires Hemethérium et Celedónium in tui nóminis confessióne roborásti: concede propítius; ut, quorum córpora venerámur in ter-

ris, eórum aspéctu perfruámur in cœlis. Per Dóminum nostrum.

Et fit commem. Feriæ.

In I. Nocturno Lect. **Fratres: Debitóres.** de eodem Coñuni.

In II. Nocturno.

Lectio iv.

Hemethérius et Celedónius fratres Legionénses, Marcélli centuriónis mártiris filii, aliorúmque insígnium mártirum, qui diversis tempóribus et locis pro Christo passi sunt, germáni fratres, postquam diu fortitérque sub románis vexíllis meruérunt, mota in christiános sævíssima persecutióne, páribus votis constantíque ánimo semet ínicem adhortántes decrevérunt relíctis gentílium castris ad Christi milítiam transíre. Ardóre ítaque fidei succénsi, dum álíi veræ fidei cultóres in tentatióne deficiébant, illi ad mártýrium properárunt: sciéntes ita ánimam servári, dum pèrditur: sánguinem sacrári, dum fúnditur: et accéptis, non inflic'tis vulnéribus, christiánam parári victóriam. R̃. Sancti tui.

Lectio v.

Christum ítaque palam professi et inánium deórum simulácra detestáti

Deum verum libere prædicare cœperunt. Quare ad militum tribunal rapti, inde gravibus catenis onusti in tenebrosūm foetidūque carcerem protrahuntur. Ubi multis ærumnis macerati, cum nullis artibus, sive verborum blanditiis, sive beneficiorum promissis, sæpiusve repetitis suppliciis a sancto proposito dimoveri potuissent, variis cruciantur tormentorum generibus, quæ vel ipsum tyrannum pudit publicari. Sevéro quippe prohibuit edicto, gesta sacrorum virorum, sive quas passi sunt pœnas, sive quæ patrârunt miracula, in apertum produci. Etsi vero gentilium versutia gloriôsi agônis memoriam tentarit abolere, christianorum nihilominus pietas studeat conservare.

R. Vérbera carnificum.

Lectio vi.

Illud vero imprimis memorabile, quod lata in eos capitis sententia, ubi ad supplicii locum pervenerunt, antequam lictoris ictum exciperent, suæ fidei pignora eo præmisérunt, quo mox ipsi erant perventuri. Primus annulum, secundus orarium in altum projecérunt, quæ lenis auræ

obséquio, splendescēte auro et candēte linteo, cunctis intuitibus ad cœlos evēcta sunt. Vidit hæc ipse carnifex, qui manum repressit hærens et stupens; sed demum ictum perēgit, ne periret martyrū triumphus. Securi percussi juxta civitatem Calagurritanā prope torrentem Arenalis tertio Nonas Martii, ibidem sepulti sunt. Unde postea translāti ad ecclēsiā cathedralē pridie Kalēdas Septēbris, ea translationis die tamquam patrōni, miraculis illūstres, præcipua coluntur veneratiōe.

R. Tamquam aurum.

In III. Noct. Homil. in Evang. Cum audieritis. ut in Comuni 1. loco.

R. viii. Hæc est vera.

Lectio ix. et cōmem. Feriæ in Laud.

Die 13. Martii.

S. Leandri Episc. Conf.

Duplex.

Omnia de Comuni Conf. Pont., præter sequ.

Ant. ad Magnif. O Doctor optime.

Oratio.

Deus, qui arianam pravitatem doctrina sancti Confessoris tui atque Pontificis Leandri ex Hispania propulisti: da plebi tuæ; ut

ejúsdem méritis et précibus ab omni errórum et vitiórum labe semper líbera conservétur. Per Dóminum.

Et fit commem. Feriæ.

In I. Noct. Lect. Sapiéntiam. de Comm. Doct.

In II. Nocturno.

Lectio iv.

Ex B. Isidoro et Sanctorum Hisp. historiis.

Leánder, Carthágine ex patre Severiáno viro claríssimo ejúsdem Cartháginis dómino ortus, fratres hábuit sanctos episcopos Isidórum et Fulgéntium, sanctitáte et doctrína præstantíssimos, et Florentínam vírginem. In eo a téneris annis castíssimæ luxit intégritas vitæ et morum grávitás máxime venerábilis, quam incomparábilis ingénii cláritas illustrábat. Gliscénte eo témpore hæreticórum furóre sub Visigóthis principibus, qui cum império ariánam impietátem in Hispániam invéxerant et ejus ecclésiás misere vexábant, públicæ vitæ pertæsus adoléscent in religiósium monastérium se recépit, ut in propósito perfectiórís institúti sánctius Deo inservíret, et piis stúdiis et meditatióibus in tranquillo

sese exercéret. In eo sanctitáte et doctrína ádeo profécit et in omni génere virtútum divinísque et humanis lítteris conspicuus evásit, ut Isidórus germánus suus ad Claúidium ducem, de quibúsdam articulis ad fidem pertinentibus ínstruens, scrípserit: Meménto commúnis nostri doctóris Leándri, et ejus fidem atque doctrínam pro víribus imitáre. Sed nóluit Deus tam splendéntem pietátis et doctrínæ lucérnam in occúlto delitescere, sed in fastígio ecclésiæ póstitam Hispániæ prælucére. Nam clero et pópulo exposcénte, a monastério avúl-sus, episcopus Hispalénsis creátus est.

R. Invéni David.

Lectio v.

Suscéptam ecclésiám omni cura ac sollicitúdine gubernávit; cleri et pópuli mores ad arctam disciplínam tradúxit: solémnia ecclésiæ officia, hymnódiam, sacræ Missæ ritus precésque, quibus eo témpore omnes Hispániæ ecclésiæ utebántur, ordinávit et auxit. A persecuénda ariána hæresi prædicatióne numquam déstitit. Monásticum órđinem Benedictí-

num amplificáre in Hispánia cœpit, ac soróri suæ Florentinæ régulam pro institutione virginum dedit. His et aliis mire gestis, Constantinópolis pro causis fidei Visigothorum legátus profectus est: ubi ob exímiā religiōnem et doctrinam apud sanctum Gregóriū, Románi pontificis apocrisáriū tunc ibi degéntem, tanti hábitus fuit tantáque amicítia illi conjunctus, ut ad Románam sedem póstea promotus, cum Leánder in ecclésiā suā jam fuisset revérsus, pállii ornámentum miserit, fréquentibus epístolis illum honoráverit, libros in Job, quos illi dicávit, una cum Pastoráli, his litteris benevoléntia plenīs ad ipsum transmiserit: Quanto ardóre vidére te sítiam, quia valde me diligis, in tui tábulis cordis leges. Sed, quia longo terrárum spátio disjunctum te vidére néqueo, unum, quod mihi de te dictávit caritas, fuit, ut librum régulæ pastorális, quem in episcopátus mei exórdio scripsi, et libros, quos in expositiōnem beáti Job jam dudum me fecísse cognovísti, sanctitáti vestræ transmittére curáverim.

R̃. Pósuī adjutórium.

Lectio vi.

Sancto ergo præsule suæ Ecclésiæ restitúto, vix enarrári possunt, quæ pro glória Dei proque eliminándā hæreſi ariána laborávit. Hermenegildum enim, nepótem suū, Leovigildi regis filium, sermónibus suis haud solum ad fidei confessiōnem perdúxit, sed ut glorióso sánguinis testimoniō illam confirmáret, adéptus fuit. Inflammátus furóre pater in Leándrum et in omnes adhuc ecclésiās, exsilio eum mulctávit, et illas facultátibus et pastóribus orbátas reliquit. Nec tamen déstitit cum fidei hóstibus libere decertáre. In ipso síquidem exsilio, ut frater suus Isidórus testátur, duos libros eruditíssimè sanctárum scripturárum ditíssimos scripsit, quibus eórum perfídiam confutávit. Affúlsit tandem ecclésiæ post illam nubem optáta serénitas. Rex enim, cum in morbum incidisset, sub mortem in meliorem mentem (licet non ut oportébat) revérsus, Leándrum cum aliis episcopis ab exsilio revocári jussit, eique Reccarédi filii curam dedit. Defúnto patre piíssimus rex Reccarédus, doctri-

nam, consilia et exémpia Leándri secútus, ejus ópera Gothos ad fidem convértil mirábiliter fuit adéptus. Leánd(er) ergo cum tam miram conversiónem vidísset, Hispániæ epíscopus in Tolétanam sýnodum conveníre omni sollicitúdine promóvit, quod et Reccarédus máxime curávit. In eo enim concílio duóbus supra sexaginta epíscopis congregáti, et omni clero, primáriis regni, étiam et ipso rege assidentibus, ariána hæresis fuit damnáta et abjuráta, et fides cathólica ab ómnibus unánimiter suscep(t)a et uno ore laudáta. Leánd(er) igitur elegantíssima conción(e) pátribus de gentis conversión(e) congratulátus est; múltaque ad fidem et disciplínam ecclésiæ sanc(i)endam tum in eódem concílio, tum in ál(io), quod póstea Híspali celebrávit, constituéndo dispósuit. Demum religióne restitúta et ecclésiæ pace firmáta, jam octogenário major, cum ecclésiám quadraginta et ámplius annos rexisset admirábili vitæ ac sanctitátis exémplo, migrávit ad Dóminum. Sepúltus fuit in basilica sanctárum vírginum Justæ et Rufinæ: póstea ejus corpus in Hi-

spalénsem ecclésiám translátum est. R. Iste est.

In III. Nocturno.

Léctio sancti Evangélii secúndum Matthæum.

Lectio vii. Cap. 5.

In illo témpore: Dixit Jesus discíplis suis: Vos estis sal terræ. Quod si sal evanúerit, in quo saliétur? Ad níhilum valet ultra, nisi ut mittátur foras et conculcétur ab homínibus. Et réliqua.

Homilía S. Isidóri Epíscopi Hispalénsis.

Ex lib. 3. Sent. 26. et 42.

Nam doctrína, quam vita clarére debet ecclesiásticus doctor. Nam doctrína sine vita arrogántem reddit, vita sine doctrína inútilem facit. Sacerdótis prædicátio opéribus confirmánda est, ita ut, quod docet verbo, instruat exémplo. Vera est illa doctrína, quam vivéndi séquitur forma. Nam nihil túrpius est, quam si bonum, quod quisque sermóne prædicat, explére ópere negligat. Tunc enim útiliter prædicátio præfértur, quando effícaciter adimplétur. Unusquisque doctor et bonæ actiónis et bonæ prædicatiónis habére debet stúdium. Nam álterum sine

áltero non facit perféctum: sed præcédat justus bene ágere ut sequénter possit bene docére.

R. Amávit eum.

Lectio viii.

Omnis útilis doctor plé-
bibus subjéctis ita se
præstáre debet atque insí-
stere doctrínæ, ut, quanto
claret verbo, tanto claréscat
et mérito. Nam quod Apó-
stolus Timótheo præcipit
cum omni império docére,
non hortátur ad tumórem
supérbiæ, sed ad bonam
actiónem et vitæ auctori-
tátem: vidélicet ne libertá-
tem pérderet prædicándi,
si bene docéret et male ví-
veret. Unde et Dóminus:
Qui sólverit unum de man-
dátis istis mínimis et sic
docúerit, mínimus erit in
regno cœlórum. Vides,
quod auctoritáte magistérii
caret, qui, quod docet, non
facit. Sicut in numísmate
metállum, figúra, et pondus
inquíritur, ita in omni do-
ctóre ecclesiástico, quid
sequátur, quid dóceat, quó-
modo vivat. Per qualitátem
ígitur metállí doctrína, per
figúram similitúdo patrum,
per pondus humílitas de-
signátur. Qui vero ab his
tribus discrepáverit, non
metállum, sed terra erit.

R. In médio.

*Lectio ix. et coñem. Feriæ;
alias erit sequens:*

Lectio ix.

Qui præfíctur ad régimen,
táliter erga disciplínam
subjectórum præstáre se
debet, ut non solum aucto-
ritáte, verum étiam humili-
táte claréscat: Sed tamen
ita erit in eo virtus humili-
tátis, ne dissolvátur vita
subditórum in vítiis: atque
ita auctóritas áderit pote-
státis, ne per tumórem cor-
dis sevéritas exsístat im-
moderatiónis. Hæc est enim
in Dei Sacerdótibus vera
discretio, qua nec per li-
bertátem superbi, nec per
humilitátem remíssi sunt.
Hinc est, quod Sancti cum
magna constántia redargu-
erunt étiam Príncipum ví-
tia, in quibus cum summa
esset humílitas, loco tamen
necessário libere transgres-
sóres justítiæ increpábant.
Aliquándo súbditis nos
opórtet ánimo esse humi-
lióres, quóniam facta sub-
ditórum judicántur a no-
bis, nostra vero Deus jú-
dicat. Agnóscat Epísco-
pus, se esse consérvum ple-
bis non dóminum verum:
Hoc caritas, non conditio
éxigit.

Te Deum laudámus.

*Vesp. a cap. de sequ. comm.
præced. et Feriæ.*

Die 14. Martii.

S. Florentinæ Virginis.

Duplex.

Omnia de Comuni Virginum,
præter sequentia.

Oratio.

Exaudi nos Deus salutá-
ris noster: ut sicut de
beátæ Florentinæ Virginitatis
festivitáte gaudémus,
ita piæ devotiónis erudiámur
afféctu. Per Dómi-
num nostrum.

Et fit comm. præc. et Feriæ.

In I. Noct. Lect. De virgini-
bus. de Comm. 1. loco.

In II. Nocturno.

Lectio iv.

Florentina virgo, quæ
et Floréntia, Carthá-
gine in Hispaniis ex
illústri prosápia nata est,
paréntibus Severiáno Car-
thaginiénsis provinciæ du-
ce, et ejus uxóre Túrtura,
qui étiam Leándrum, Ful-
géntium, et Isidórum, epí-
scopos doctrína et sancti-
táte célebres, ac Theodó-
ram, Leovigildi regis uxó-
rem, genuérunt. Hæc san-
cta virgo fidei dogmátibus
imbúta, móribus et sancti-
táte præclára ac singulári
acúmíne ingénii prædita,
Leándro fratre magístro
multum in divínis scriptú-
ris profécit, quod ípsemet
testátur, méthodum illi tra-

dens, qua vetus testamén-
tum et cántica canticórum
utíliter légeret. Quare digna
evásit, ut de institutíone
puéruli fratris sui Isidóri
natu minóris curam susci-
peret, quem lacte spíritus
nutríre atque in omni dóg-
mate fidei instrúere una
cum Leándro diligénter cu-
rávit. Tanto autem alacrió-
ri cura sanctíssime institu-
éndum putávit, quanto ad
id ex eo magis excitabátur,
quod, dum in cunábulis
erat, viso exámíne apum in
os ejus ingredi atque ex-
índe égređi in cœlúmque
avoláre, térrita quid hoc
esset, in oratíone pósita il-
lum magnum ecclésiæ do-
ctórem futúrum intelléxit,
qui hæréticos ab Hespériæ
fínibus erat propulsúrus.
Cumque in conjúgium a
plúrimis procéribus expe-
terétur, connúbia abhór-
rens, ac mundi illécebras
et sæculi mores despíciens,
sanctimoniális effícitur; flo-
rémque virginitátis Christo
Jesu dévovens, eum prín-
cipem sibi elégit et spon-
sum.

R. Propter veritátem.

Lectio v.

In monastério lectióni et
oratóni júgiter vacans,
omni génere virtútum, ca-
ritátis, humilitátis, pauper-

tátis et aliárum, ádeo flóruit, ut non solum quamplúrímæ vírgines in odórem ejus currétes ipsi se súbderent, verum étiam plura vírginum monastéria ejus directióni et custódiæ se tráderent. Tanti sanctus Leándér ejus sanctitátem et oratiónis effi cáciám habébat, ut duos libros in unum conflátos, quos pro ejúsdem et ipsíus sodálium majóri proféctu scripsit, unum de contémpu mundi, álterum vero de institutióne vírginum, ad illam mittens, tálibus eam verbis álloqui non dubitáverit: Postrémo caríssimam te germánam quæso, ut mei orádo memíneris, nec junióris fratris Isidóri obliviscáris. Certus sum, quod flectat pro nobis aures divínas tua virginális orátio. Nec minor fuit opinio, quam de ejus sanctitáte et doctrína sanctus Isidórus mérito hábuit: eam enim ex suímet educatióne et prima institutióne óptime recognóscens, volénsque áliquem fructum retribúere pro eo, quod ab ipsa recéperat, duos ei libros dedicávit, unum de nativité Dómini, passióne et resurrectiόne, regno atque judicio, quem ipsa Florentína peténte se confecísse

testátur; álterum de vocatióne géntium. Cui étiam pollicétur se missúrum fórmulas spirituális intelligéntiæ, quibus in omni scriptúra divína instruerétur.

R̃. Dilexísti justítiam.

Lectio vi.

Tanta igitur sanctitáte et doctrína florens, vídénsque in sancto Isidóro adimplétum, quod de ipso a Dómino intelléxerat, eum scilicet tam insígnem doctórem ab ómnibus prædicári, ejus stúdio et doctrína Arianísmum pénitus ab Hispánia expúlsum; Hermenegíldum consobrínusuum martýrio coronátum, et Reccarédu[m] Hermenegíldi fratrem ad cathólicam fidem convérsus: Christi Jesu amóre languens, plena diérum, Astýgi, ut fertur, in monastério sanctæ Maríæ de Valle obdormívit in Dómino. Sacrum ejus corpus Híspalim ex eódem monastério translátum et in sanctórum fratrum monuménto repósitum, ibi quiévit, quoad invadéntibus Saracénis Hispániam, ad Guadalupénses saltus una cum corpore sancti Fulgéntii est deportátum. Póstea tempóribus Alphónsi undécimi utrúmq[ue] sacrum pignus in pago Ber-

zocáno Placentínæ diocesis repertum fuit. Ac demum regnante Philippo secundo utriusque reliquiae divisæ, partim in magnifico marmoreo monumento ibidem erecto fuerunt relictae, partim Múrciam translatae et juxta aram maximam honorifice collocatae, ubi magna cum populi veneratione coluntur.

R. Afferentur Regi.

In III. Nocturno Homilia in Evang. *Simile erit regnum cælorum decem virginibus.* de Comuni.

Lectio ix. de Homil. Feriæ, et ejus commem. in Laud.

Vesp. a Capit. de sequ., commemor. præced. et Feriæ.

Die 15. Martii.

S. Raymundi de Fitero
Abbatis.

Duplex. (m. t. v.)

Omnia de Comm. Conf. non Pont., præter sequ.

Oratio.

Deus, qui beato Raymundo Abbati præliari prælia tua, et fidei inimicos superare dedisti: concede; ut ejus nos intercessione muniti, ab hostibus mentis et corporis liberemur. Per Dominum nostrum.

Et fit comem. præc. et Feriæ.

In I. Noct. Lectiones. *Justus si morte.* de Comuni. 1. loco.

In II. Nocturno.

Lectio iv.

Raymundus, canonicus ecclesiæ Turia-sonensis in regno Aragóniæ, quo divina procul a mundi strépitu libèrius contemplaretur, superno spiritu afflante in solitudine se recepit. Deinde, cum Cisterciensium monachorum fama undequaque diffunderetur, illud amplexus est institutum, ac longe latèque evulgata ejus vitæ sanctimonia abbas monasterii beatae Mariæ de Fitero constitutus est. Postquam verbo et exemplo ad omne opus pietatis suos induxisset, copiosum exercitum fidelium colligit, castrum de Turrungen et Calatravam a Mauris tuendam de manu Sanctii Castellæ regis suscepit, ac peritia rei militaris mirabiliter polens Saracenos fugavit multasque urbes expugnavit. Novo et usque ad ea tempora inaudito exemplo Raymundus monachatum militiam conjunxit. Ordinem militarem de Calatrava nuncupatum, et in tota Európa celeberrimum ac a pluribus summis pontificibus approbatum instituit sub régula, légibus, et visitatione Cisterciensium, ex

quo álíi órdenes militáres de Alcántara, de Christo, de Avibus, de Montésia, de Montefráncó, de Montegáudio, et de Truxillo eidem religióni Cisterciénsi subiecti prodiérunt.

R̃. Honéstum fecit.

Lectio v.

Hæc fuere prima sémina ínclytæ militiæ sub qua tot viri, tot principes, tot duces, tot étiam áliæ religiósæ militiæ profiteréntur. Hujus novi órdis militēs, quámdu a prælio abstinébant, adamússim observábant victum, vestítum, psalmódiam, contemplatióem, opus mánuum, siléntium, vigiliásque, ac dénique mútuam quotidianórum defectuum proclamatióem, ut nihil minus a mónachis efficerent. Hinc præcéptum est commúni assénsu et deliberatióne capituli generális Cisterciénsis, ut illíus órdis militēs essent filii monastérii Morimúndi, utque abbas et domus éadem in eos jus illud filiationis habéret, quale in Morimúndo nóscitur habére Cistércium. Eídem militiæ beátus Raymúndus, ultra ipsam Calatrávæ arcem et óppidum, plura ália loca et castra acquisívit.

R̃. Amávit eum.

Lectio vi.

Tandem vir sanctus, utriúsque militiæ, cœléstis et terrénæ, suprémus ductor, post multas victórias partas de Saracénis, plures de dæmone, post caputiátas gáneas orbi indúctas cunctis fidei inimicis formidábiles, post hómines aptátos utriúsque armis, qui et ad sónitum búccinæ leónes, et ad týmpani ictum agnos, illud in prælio, hoc in claustris, imitaréntur, plenus diérum et virtútum, anno salútis millésimo centésimo sexagésimo tértio, et sexto regíminis órdis a se inchoáti, ánimam emisit, multis post mortem miráculis illústris. Sacrae ejus córporis exúviæ Tolétum translátæ in monastério montis Sion, auctoritáte Pauli Papæ secúndi, lítteris datis die décima quinta mensis Mártii anno millésimo quadringentésimo sexagésimo octávo, super altáris aram ad Epístolæ cornu decénter collocáta fuérunt, ádditis a summo Pontífice indulgéntiis iis, qui eum locum devóte visitáverint.

R̃. Iste homo.

In III. Nocturno.

Léctio sancti Evangélíi secúndum Lucam.

Lectio vii. Cap. 3.

In illo témpore: Dicébat Joánnēs ad turbas, quæ exhibant, ut baptizaréntur ab ipso: Genímina viperárum, quis osténdit vobis fúgere a ventúra ira? Et réliqua.

Homilía sancti Bernárdi Abbátis.

In Exhort. ad Milites Templi.

Si percútere in gládio omníno fas non est christiáno, cur ergo præco Salvatóris conténtos fore suis stipéndiis milítibus indíxit, et non pótius omnem eis milítiam interdíxit? Sed secúre dissipéntur gentes, quæ bella volunt, et abscindántur, qui nos contúrbant. Exserátur gládius utérque fidélium in cervíces inimicórum, ad destruéndam omnem altitúdinem extolléntem se advérsus sciéntiam Dei, quæ est christianórum fides; nequándo dicant gentes: Ubi est Deus eórum? Porro imminénte bello, intus fide, foris ferro, non auro se múniant, quátenus armáti, et non ornáti, hóstibus metum incútiant, non próvocat avarítiam. Deínde non turbulénti, aut impe-

tuósi et quasi ex levitáte præcípites, sed consúlte atque cum omni cautéla et providéntia seípsos ordinántes et disponéntes in áciem, juxta quod de pátribus scriptum est: Veri prófecto Israélítæ procédunt ad bella pacífici.

R. Iste est.

Lectio viii.

At vero ubi ventum fúerit ad certámen, tum demum prístina lenitáte postpósita, tamquam si dicerent: Nonne qui odérunt te, Dómine, óderam, et super inimícos tuos tabescébam? irruunt in adversários, hostes velut oves réputant, nequáquam, etsi paucíssimi, vel sævam barbáriem vel numerósam multitudinem formidántes. Novérunt síquidem non de suis præsumere víribus, sed de virtúte Dómini Sábaoth speráre victóriam: cui nímírum fáciie esse confidunt, juxta senténtiam Machabæi, conclúdi multos in manus paucórum, et non esse diferéntiam in conspéctu Dei cœli liberáre in multis et in paucis: quia non in multitudine exércitus est victória belli, sed de cœlo fortitúdo est. ¶ Ita dénique miro quodam ac singulári modo

cernuntur et agnis mitiores et leonibus ferociores: ut pene dubitem, quid potius censeam appellandos, monachos videlicet an milites, nisi quod utrumque forsitan congruentius nominarem, quibus neutrum deesse cognoscitur, nec monachi mansuetudo nec militis fortitudo. De qua re quid dicendum, nisi quod a Domino factum est istud, et est mirabile in oculis nostris? Tales sibi elegit Deus et colligit a finibus terrae ministros ex fortissimis Israel, qui veri lectulum Salomonis vigilanter fideliterque custodiant, omnes tenentes gladios et ad bella doctissimi.

R. Sint lumbi.

Lectio ix. de Homilia Feriae et ejus commem. in Laudibus.

Si Lectio ix. dicenda est, dividatur viii. ad signum ¶.

Die 18. Martii.

S. Gabriëlis Archangeli.

Duplex majus.

Omnia ut inter festa pro aliquibus locis eadem die.

Die 20. Martii.

S. Braulii Episc. et Conf.

- Duplex.

Omnia de Comuni Conf. Pont., praeter sequ.

Oratio.

Ecclēsiā tuā, Dōmine, perpētuis tuere praesidiis, quam beāti Braulii Confessoris tui atque Pontificis munire voluisti zelo, eruditōne et exēmplis. Per Dōminum.

Et fit comm. Feriae.

In I. Noct. Lectiones Fideiis sermo. de Comm. 1. loco.

In II. Nocturno.

Lectio iv.

Ex propria manu Bened. XIV. Pontificis.

Braulius episcopus Caesaraugustanus, quanta futurus esset sanctitate et doctrina, egregium ab ineunte aetate specimen dedit. Ab optimis enim parentibus pie et liberaliter institutus adeo in excolenda virtute brevi profecit, ut morum gravitate et castimonia virum jam perfectum exhiberet. Litteris vero informandus sancto Isidoro episcopo Hispalensi traditus id primum est assecutus, ut ab eo carissimi filii loco haberetur; tanti deinceps illum fecerit, ut libros ei suos ad emendandum atque ordinandum commendaret. Aucta in dies virtutis ejus opinione, ad archidiaconatus gradum provectus est; quod ille munus, ut episcopi vices

agéntem decébat, strénue ádeo ac sapiénter implévit, ut sacerdotio dignus ómnibus viderétur.

R̃. Invéni David.

Lectio v.

Itaque defúncto Joánnē fratre, qui ex monachórum patre Cæsaraugústæ factus episcopus litteris ac pietáte clarúerat, mira totíus cleri populíque divínitus excitáti consensióne in ejus locum sufféctus est. Primas inter suscépti ministérii curas servándæ tuendæque fidei ac disciplínæ exímium fuit illi stúdiū et cura. Concílio Toletáno quarto, a quo in pósterum celebrandórum forma constitúta est, inter illustrióres patres ádfuit una cum Isidóro magístro olim suo egrégie allabórans, cui deínde supérstes in Toletáno quinto et sexto præ céteris patrum fulsit, digniórque est hábitus, cui actiónum et cánonum dirigendórum cura mandarétur. Quare cum áliis opéribus tum sacris canónibus clarus, a sancto Ildefónso celebrátus est.

R̃. Pósui adjutórium.

Lectio vi.

Ecclésiæ vero suæ non minus exémplo prófuit, quam doctrína. Sui nempe

sevérus exáctor, et corpus jugi maceratióne subégit, et a vítiis ánimum prorsus contínuit, elatióne præsertim, quam tanta humilitáte fregit, ut, cum summa virtútum laude apud omnes claréret, bellórum tamen et famis et pestiléntiæ aliásque suórum témporum calamitátes véluti pœnas sibi ómnium nequíssimo débittas profiterétur. Inter gravíssimas curas et angústias semper invíctus, numquam a divíni verbi prædicatióne, a labóre numquam cessávit. Difficillimis quoque téporibus vetus templum, sanctárum olim Massárum nuncupátum, a fundaméntis restituit. Tandem sénio conféctus, et magnus in ecclésiám méritis, migrávit in cœlum, cum sedísset annos fere viginti. Ejus corpus, post sexcéntos ab óbitu annos sancto Valério episcopo indicánte repértum, in basilica sanctæ Mariæ, quam de Colúmna vocant, ad aram máximam translátum, magna pópuli religióne servátur et cólitur.

R̃. Iste est.

In III. Noct. Homil. in Evang. Homo **pégre**. de eodem Comuni I. loco.

Lectio ix. de Homilia et com̃. Feriæ in Laudibus.

Die 22. Martii.

S. Cyrilli Ep. Hierosol.

Conf. et Eccl. Doct.

Duplex. (m. t. v.)

Omnia ut in Breviario die
18. hujus.

Die 26. Martii.

S. Boni Latronis Conf.

Duplex.

In I. Vesperis.Ant. et Capit. de Laud. 32*
Ps. ut in I. Vesp. de Comuni
Apost.

Hymnus.

Jesu coróna célsior,
Et véritas sublímiór,
Qui confiténti sérvulo
Reddis perénne præmium.

Da supplicánti cœtui,
Hujus rogátu, nóxii
Remissiónem críminis,
Rumpéndo nexum vínculi.

Anni réverso témpore,
Dies refúlsit lúmine,
Quo Sanctus hic de córpore
Migrávit inter sídera.

Proinde te piíssime
Precámur omnessúpplícēs:
Nobis ut hujus grátia
Pœnas remíttas débítas.

Patri perénnis glória,
Natóque Patris único,
Sanctóque sit Paráclito
Per omne semper sæculum.

Amen.

℣. Amávit eum Dóminus,
et ornávit eum. R. Stolum
glóriæ induit eum.

Ad Magnif. Ant. Ait latro
ad latrónem: Nos quidem
digna factis recípi-mus: hic
autem quid fecit? Meménto
mei Dómine, dum véneris
in regnum tuum.

Oratio ut ad Laud. 33*

Et fit commem. Feriæ occur.

Ad Matutinum.

Invitat. Christum Regem
crucifixum, qui latróni in
cruce paradísium donat, *
Veníte adorémus.

Ps. Veníte, exsultémus.

Hymn. Jesu coróna. ut
supra.

In I. Nocturno.

Ant. Beátus iste sanctus,
qui confísus est in Dómino,
et exaudítus est de monte
sancto ejus.

Psalmi trium Nocturnorum
de Comm. Conf. non Pont.

Ant. Póstula a me, et dabo
tibi hæreditátem tuam.

Ant. Voce mea ad Dómi-
num clamávi, et exaudívit
me de monte sancto suo.

℣. Amávit eum Dóminus,
et ornávit eum. R. Stolum
glóriæ induit eum.

Extra Quadrages. Lectiones
de Scriptura occurrente.

De Isaia Prophéta.

Lectio i. Cap. 55.

Omnes sitiéntes veníte
ad aquas, et qui non
habétis argéntum,
properáte, émite, et com-

édite: veníte, émite absque argénto, et absque ulla commutatióne vinum et lac. Quare appénditis argéntum non in pánibus, et labórem vestrum non in saturitaté? Audíte audiéntes me, et comédite bonum, et delectábitur in crassitúdi-
ne áni-
ma vestra. Inclínate aurem vestram, et veníte ad me: audíte, et vivet áni-
ma ve-
stra, et fériam vobíscum pactum sempitérnum, mi-
sericórdias David fidéles. Ecce testem pópulis dedi-
eum, ducem ac præceptó-
rem géntibus. Ecce gentem, quam nesciébas, vocábis: et gentes, quæ te non cog-
novérunt, ad te current propter Dóminum Deum tuum, et sanctum Israël, quia glorificávit te. Quæ-
rite Dóminum, dum inve-
niri potest, invocáte eum, dum prope est.

R̃. Pósui adjutórium su-
per poténtem,* Manus enim
mea auxiliábitur ei, et brá-
chium meum confortábit
eum. Ṽ. Nihil proficiet ini-
mícus in eo, et filius iniqui-
tátis non nocébit ei. Manus.

Lectio ii.

Derelinquat impius viam
suam, et vir iníquus cog-
itatiónes suas, et revertá-
tur ad Dóminum, et mise-

rébitur ejus, et ad Deum
nostrum: quóniam multus
est ad ignoscéndum. Non
enim cogitatiónes meæ, co-
gitatiónes vestræ: neque
viæ meæ, viæ vestræ, dicit
Dóminus. Quia sicut exal-
tántur cœli a terra, sic ex-
altátæ sunt viæ meæ a viis
vestris, et cogitatiónes meæ
a cogitatióibus vestris. Et
quómodo descéndit imber,
et nix de cœlo, et illuc ul-
tra non revértitur, sed in-
ébriat terram, et infúndit
eam, et germináre eam fa-
cit, et dat semen serénti, et
panem comedénti: Sic erit
verbum meum, quod egre-
diétur de ore meo: non re-
vertétur ad me vácuum, sed
fáciet quæcúmque vólui, et
prosperábitur in his, ad
quæ misi illud.

R̃. Iste cognóvit justítiam,
et vidit mirabília, et exorá-
vit Altíssimum: * Ipse in-
tercédât pro peccátis ó-
mnium populórum. Ṽ. Iste
invéntus est in número
sanctórum. Ipse.

Lectio iii. Cap. 59.

Ecce non est abbreviáta
manus Dómini ut sal-
váre néqueat, neque aggra-
váta est auris ejus ut non
exaúdiat: Sed iniquitátes
vestræ divisérunt inter vos
et Deum vestrum, et pec-

cáta vestra abscondérunt faciém ejus a vobis ne exaudíret. Manus enim vestræ pollútæ sunt ságuine, et dígití vestrí iniquitáte: lábia vestra locúta sunt mendácium, et lingua vestra iniquitátem fatur. Non est qui ínvocet justítiam, neque est qui júdicet vere: sed confidunt in níhilo, et loquúntur vanitátes: concepérunt labórem, et peperérunt iniquitátem.

R̃. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum. Ṽ. Induit eum Dóminus lorícá fidei, et ornávit eum. Et. Glória Patri. Et.

In II. Nocturno.

Ant. Invocántem exaudivit Dóminus sanctum suum: Dóminus exaudivit eum, et constituit eum in pace.

Ant. Dómine inténde voci orationis meæ, Rex meus et Deus meus.

Ant. Eleváta est magnificéntia tua super cœlos.

Ṽ. Induit eum Dóminus lorícá fidei, et ornávit eum. R̃. Et ad portas paradísi coronávit eum.

Sermo sancti Joánnis Chrysóstomi.

Hom. 2. de Cruce et Latr. t. 3.

Lectio iv.



cio et ante me dixísse de latróne, sed habet diversas intelligéntias Dei sermo. Iste latro de ligno mercátur salútem; hic latro furátur cœléste impérium. Vim facit majestáti, non virtúte própria, sed fide vincens. Ipsius Dómini vox est, Regnum cœlórum vim pátitur, et violénti dirípiunt illud. In cruce duo latrónes imágo Judæórum et Gentílium. Latro quem pœnitet, imáginem óbtinet pópuli ex Géntibus congregáti, qui prius in erróre ambuláverat, et post hoc veritátem agnóvit. Imáginem vero latro ille óbtinet Judæórum, qui usque in finem perseverárat latro. Et usque ad tempus quidem crucis viam malignitátis iérunt: crux autem divisit utrúmque.

R̃. Velum templi scissum est, * Et omnis terra trémuit: Latro clamábat de cruce, dicens: Meménto mei Dómine, dum véneris in regnum tuum. Ṽ. Petræ scissæ sunt, et monuménta apértá sunt, et multa cõpora sanctórum, qui dormierant, surrexérunt. Et.

Lectio v.

Viam namque cæcitatís et perditionís, qui non crédidit, ingressus est: viam autem salutís, qui crédidit, ingressus est: viam salutís, qui crédidit, adéptus est. In cruce dídicit latro diffèrentiam viárum, quóniam novit Dóminus viam justórum: via autem impiórum peribit. Et vide Dei justum judícium, ut dicas et tu cum prophéta: Justus es Dómine, et rectum judícium tuum. Propter unum peccátum damnátur Adam, et propter unam fidei vocem latro salvátur. Unum peccátum ejécit illum, et una justítia introdúxit istum; et latro habitátor factus est paradísi. O admiránda rerum matéries! Nec Abrahæ data est per vocem repromissio paradísi. Hæreditátur quidem per fidem: repromissionem autem paradísi nemo ante latrónem accépit.

R. Nemo repromissionem paradísi ante latrónem accépit, cui Dóminus in cruce dixit: *Hódie mecum eris in paradíso. V. Dómine meménto mei, cum véneris in regnum tuum. Hódie.

Lectio vi.

Iste ergo vidit Salvatórem non super throno regáli,

non adorári in templo, non loquéntem de cœlis, non per Angelos disponéntem, sed in pœna sociátum latróni; videt in torméntis, et tamquam in glória adorát; videt in cruce, et rogat quasi in cœlis sedéntem; videt condemnátum, et Regem invocát, dicens: Dómine meménto mei, cum véneris in regnum tuum. Crucifíxum vides, et Regem prædicás! In ligno pendére cernis, et cœlórum regna meditáris! O admiránda latrónis convérsio!

R. O admiránda latrónis convérsio! * Crucifíxum videt, et Regem prædicat. V. In ligno pendéntem cernit, et cœlórum regna meditátur. Crucifíxum. Glória Patri. Crucifíxum.

In III. Nocturno.

Ant. Dómine, iste sanctus habitábit in tabernáculo tuo, requiescet in monte sancto tuo.

Ant. Vitam pétiiit a te, et tribuísti ei longitudínem diérum in sæculum, et in sæculum sæculi.

Ant. Hic ascéndet in montem Dómini, et stabit in loco ejus.

V. Hic accípiet benedictiónem a Dño. R. Et misericórdiam a Deo salutári suo.

Lectio sancti Evangelii secundum Lucam.

Lectio vii. Cap. 23. f.

In illo tempore: Unus de his qui pendebant latronibus, blasphemabat Jesum, dicens: Si tu es Christus, salvum fac te ipsum et nos. Et reliqua.

Homilia sancti Ambrósii
Episcopi.

Serm. 49. de S. Latrone.



Uoniam hodie Evangelii lectio de latrone fecit mentionem, videamus quis ille latro sit, qui in cruce Domino constituto non solum peccatorum suorum veniam consequitur, sed etiam paradisi amoenitate donatur; ut qui propter scelera damnatus fuerat ad poenam, propter fidem transferreretur ad gloriam; fueritque illi crux quam pertulit, non tam supplicii damnatio, quam salutis occasio. In cruce enim positus in Christum Dominum nostrum credidit crucifixum. Et ideo qui consortio passionis utitur, consortio paradisi condonatur. Beatus enim latro, dum supplicium patitur, regnum coeleste consequitur. Ecce reus dicitur, sicut cui damnari illud tempus expectavit. Non enim perveniret

ad gloriam, si non contraditus esset ad poenam. Videamus, inquam, cur tantorum criminum reus tam cito a Salvatore paradisum promeretur, cum alii multorum temporum lacrimis frequentibusque jejuniis vix delictorum suorum veniam consequantur.

R. Iste est beatus latro, qui in cruce positus Christum Dominum nostrum credidit crucifixum: * Et dum supplicium patitur, regnum coeleste consequitur. V. Quem Judas Iscariotes in hortulo paradisi distraxerat, iste in patibulo confitetur. Et.

Lectio viii.

Magna, fratres, et multiplex causa est. Primum, quod iste latro devotione fidei tam repente mutatus est, ut praesentem poenam despiceret, ac de futura veniam precaretur; et magis crederet utile sibi esse de aeterno iudicio petere, quam de temporali supplicio postulare. Reminiscens enim scelerum suorum, et poenitudinem gerens, plus incipit dolere quod sperat, quam sentire quod patitur. Potuit enim, nisi de futuris amplius cogitasset, qui in Christum semel crediderat, de prae-

sénti magis supplicio deprecári. Deinde illud ad grátiam ejus majóris est mériti, quod in Christum in cruce pósitum crédidit, et pássio, quæ áliis scándalum fecit, illi ad fidem profécit. Crucis enim pássio multis scándalum fuit, sicut dicit Apóstolus: Nos autem prædicámus Christum crucifixum, Judæis quidem scándalum, Géntibus autem stultítiam. Recte ergo merétur paradísum, qui crucem Christi non putávit esse scándalum, sed virtútem. Dicit enim idem Apóstolus: Ipsi autem vocátis Judæis atque Græcis, Christum Dei virtútem, et Dei sapiéntiam.

R̃. Iste est qui crucem Christi non putávit esse scándalum, sed virtútem; ideóque paradísum merétur: * Ipse intercédât pro peccátis ómnium populórum. Ṽ. Iste est qui honoríficat patiéntem, quem Judas pródidit osculántem. Ipse. Glória Patri. Ipse.

Lectio ix. de Homil. Feriæ occurr.; alias

Lectio ix.

Recte plane et Dóminus huic donat paradísum, quia quem Judas Iscariótes in hórtulo paradísi distráxerat, hic in crucis patíbulo

confitétur. Mira res! confitétur latro quem discípulus abnegávit. Mira, inquam, res! Latro honoríficat patiéntem, quem Judas pródidit osculántem. Ab hoc pacis blandiménta vendúntur, ab illo crucis vúlnera prædicántur. Ait enim: Meménto mei Dómine, cum véneris in regnum tuum. Hæc est fidei plena devótio, ut, cum de vulnéribus Dómini prófluens sanguis cérnitur, tunc de potestáte ejus vénia postulétur; cum vidétur ejus humilitas, tunc magis timeátur ejus divinitas; cum morti addíctus putátur, tunc Regis illi honorificéntia deferátur. Iste enim fidélis latro non crédidit moritúrum, quem annúnciat regnatúrum; non putat subdéndum inferis, quem dominatúrum confitétur in cœlo; non arbitrátur eum apud tártarum detinéri, a quo se étiam postulat liberári. Cernat licet ejus hiántia vúlnera; spectet ipsíus sánguinem profluéntem, Deum tamen credit, quem reum nescit; justum fatétur, quem non méminit peccatórem. Te Deum.

Ad Laudes

et per Horas.

Ant. 1. Latro Christum
* crucifixum vidébat, et

Regem invocábat, dicens:
Dómine meménto mei, cum
véneris in regnum tuum.

Ps. Dóminus regnávít.

2. Qui me conféssus *
fúerit coram homínibus,
confitébor et ego eum co-
ram Patre meo.

3. Cum conturbáta fúerit
* ánima mea Dómine, mi-
sericórdiæ memor eris.

4. Salvum me fecit *
Christus Redémptor, qui
dixit: Hódie mecum eris
in paradíso.

5. Ille qui talis * ad cru-
cem venit ex culpa, ecce
qualis a cruce recédit ex
grátia.

Capitulum. Is. 59.

Ecce non est abbreviáta
manus Dómini, ut sal-
váre néqueat: neque aggra-
váta est auris ejus, ut non
exaúdiat.

Hymnus.

Jesu Redémptor ómnium,
Coróna confiténtium,
In hac die cleméntius
Indúlgeas precántibus.

Tui sacri qua nóminis
Conféssor almus cláruit,
Hujus celebrat ánnua
Devóta plebs solénnia.

Hujus benígnus ánnue
Confessiómem nos sequi:
Hujus precátu, sérvulis
Dimítte noxam críminis.

Sit Christe Rex piíssime
Tibi, Patrique glória,
Cum Spíritu Paráclito,
Nunc et per omne sæcu-
lum. Amen.

Y. Vitam pétiit a te, et tri-
buísti ei Dómine. R. Gló-
riam et magnum decórem
imposuísti super eum.

Ad Bened. Ant. Ait latro
ad latrónem: Nos quidem
digna factis recípimus; hic
autem quid fecit? Meménto
mei Dómine, dum véneris
in regnum tuum.

Oratio.

Omnípotens et miséricors
Deus, qui justificas ím-
pios, te súpplīces exorá-
mus: ut nos benígnō intuí-
tu, quo Unigénitus tuus
beátum traxit latrónem, ad
dignam pœniténtiam pró-
vokes; et illam, quam ei
promísit, tribuas nobis gló-
riam sempitérnam. Per
eúmdem Dóminum.

Et fit commemor. Feriæ occur.

Ad Tertiam.

Cap. Ecce non. ut supra.

R. br. Amávit eum Dó-
minus, * Et ornávit eum.
Amávit. Y. Stolam glóriæ
induit eum. Et. Glória Pa-
tri. Amávit.

Y. Induit eum Dóminus
lorícam fidei, et ornávit
eum. R. Et ad portas pa-
radísi coronávit eum.

Ad Sextam.

Capitulum. Is. 58.

Tunc invocábis, et Dóminus exaúdiet: clamábis, et dicet: Ecce adsum.

R. br. Induit eum Dñs lorícam fidei, * Et ornávit eum. Induit. V. Et ad portas paradísi coronávit eum. Et. Glória Patri. Induit.

V. Hic accípiet benedictiónem a Dómino. R. Et misericórdiam a Deo salutári suo.

Ad Nonam.

Capitulum. Is. 38.

Tu autem Dómine eruísti ánimam meam, ut non períret: projecísti post tergum tuum ómnia peccáta mea.

R. br. Hic accípiet * Benedictiónem a Dómino. Hic. V. Et misericórdiam a Deo salutári suo. Benedictiónem. Glória Patri. Hic.

V. Vitam pétii a te, et tribuísti ei Dómine. R. Glóriam et magnum decórem imposuísti super eum.

In II. Vesperis.

Omnia ut in I. Vesperis. V. Amávit.

Ad Magnif. Ant. Impíetas impíi non nocébit ei: in quacúmque die convérsus fúerit ab impietáte sua.

Et fit commem. Feriæ occur.

FESTA APRILIS.

Die 14. Aprilis.

S. Petri Gonzalez Conf.

Duplex.

Omnia de Communi Conf. non Pont., præter sequ.

Oratio.

Deus, qui in maris perículis constitútis beáti Petri opem singulárem osténdis: ejus nobis intercessióne concéde; ut in hujus vitæ procéllis tuæ grátiae lumen semper affúlgeat, quo æternæ salutis portum inveníre valeámus. Per Dñm.

Et fit commem. præced.

Postea com. Feriæ in Quadr. et Ss. Tiburtii etc. Mart.

Ant. Istórum est enim.

V. Lætámini.

Tempore Paschali.

Ant. Lux perpétua.

V. Sancti et justi.

Oratio.

Præsta, quæsumus omnipotens Deus: ut qui sanctorum Mártirum tuorum Tibúrtii, Valeriáni et Máximi solémnia cólimus; eórum étiam virtútes imitémur. Per Dóminum.

In I. Noct. Lect. Beátus vir. de Comm. 2. loco.

In II. Nocturno.

Lectio iv.

Petrus Gónzalez, sanctus Telmus vulgo appellátus, Fromé-

stæ in Hispânia apud Paléntiam piis ac nobilibus paréntibus ortus est. Adoléscens sub epíscopi Paléntini avúnculi sui cura ingénuis ártibus et philosophíæ óperam dedit, ingénio ad præclára quæque aptíssimo. Sed ejúsdem ecclésiæ canonicátus et mox étiam decanátus dignitaté auctus, honórum ac divitiárum illécebris juveníliter abréptus, sæculi vanitáti paulo libérius indúlxit. Accidit vero, ut, cum ipso dominicæ nativitátis die equo spléndide phaleráto æquálium comitátu totam urbem lascíviens circumcursáret, equo in profúndum lutum repénite prolápsso, dejéctus ipse multóque cœno inquinátus, spectántium risu sannísque excéptus sit. Quo insigni pudóre suffúsus et mundi, cui placére studúerat, contuméliam réputans, se vicíssim, a quo spre-tus esset, spretúrum constituit. Igitur paulo post magna ómnium admiratióne in prædicatórum órđinem sese recépit, ubi vétérem hómínem cum áctibus suis éxuens novúmque induens exímíæ pósuit tirocínia sanctitátis.

R. Honéstum fecit.

Lectio v.

Ad céteras autem virtútes, quibus brevi magnópere excelluit, caritatém áttulit proximórum salútis cupidíssimam. Quare absolúto sacrárum litterárum stúdio, sancto patre Domínico ad imitándum sibi propósito, prædicatióni se totum dedit, nihil a Deo impénsius flágitans, quam ut revocándis in viam salútis animábus pérditis idóneus efficerétur. Severíssimam apostólico more in eo múnere paupertátém exércuit. Quocúmque exciperétur hospítio, non inde prius exíbat, quam íncolas omnes sacra exomologési expiásset. Ser-mo illi vivus et éfficax, quo audiéntium corda ádeo pervadébat, ut per eas, quas apostólico zelo peragravit, Hispániæ províncias innúmeros fere peccatóres ad pœniténtiam addúxerit. Ferdinándum regem, cognoménto sanctum, in várias advérsus Mauros expeditiões eúntem secútus, consíliis, exémplo, et oratióibus mirífice juvit. Venústas féminas ejus amóre captas aliásque procacióres ad eum immísas, ut pudicitíæ ejus insídias strúerent, non solum strénue répulit, sed

étiam ad meliorem vitæ frugem convértit.

R. Amávit eum.

Lectio vi.

Minio flúmini prope Ribadáviam longe rápido atque effúso pública transeúntium utilitáte pontem amplissimum feremiráculo impósuit, accíta ad óperis molitióem ingénti structórum manu; quibus cum cibis aliquándo defíceret, evocatós quotquot iis reficiéndis sufficerent pisces manúque prehénsos iisdem præbuit. Sed et sócios, labóre itineris atque inédia fere deficiéntes, pane et vino cóelitus suppeditátis recreávit. Adhuc vivens in sævíssima maris procélla a nautis invocátus, eisdem sese conspicuum exhibuisse fertur, tempestatémque sedásse. Prophético spíritu futúra multa prænuntiávit, atque in primis extrémum vitæ suæ diem, quo adventánte in Tudénsem sese urbem recépit, ubi méritis et labóribus plenus sancto fine quiévit. Ejus corpus honorífico sepúlchro, unde mira fragrántia óleum emanásse tráditur ægris salubérrimum, ab episcopo Tudénsi in cathedráli ecclésia cónditum est, ubi asservátur et cólitur. Ejus mira-

culórum fama ad remótas usque Americæ regiónes pervagáta, ingénti populórum veneratióne invocári et coli cœpit, a nautis cumprimis, qui ejus opem in maris tempestátibus præsentíssimam expérti eum sub appellatióne sancti Telmi in tutelárem sibi adscivérunt. Urbs étiam et diocésis Tudénsis eum sibi patrónum principálem nuncupavérunt. Illíus cultum continénter propagátum approbávit Benedíctus decimus quartus, ejúsque festum cum Officio et Missa primum ab univérso Prædicatórum órđine, necnon a clero Palentino et Tudénsi, deínde ab ómnibus Hispaniárum diocésibus celebrári concéssit. R. Iste homo.

In III. Nocturno.

Léctio sancti Evangélíi secúndum Matthæum.

Lectio vii. Cap. 10.

In illo témpore: Dixit Jesus discípulis suis: Eúntes prædicáte, dicéntes: quia appropinquávit regnum coelórum. Et réliqua.

Homilia sancti Joánnis Chrysóstomi.

Homilia 33. in Matthæum.



onsidera, quáliter Dóminus non minórem curam ha-

bet, ut mores eorum in melius reducat, quam ut signorum præbeat potestatem. Nam ut ostendat absque nobilitate morum nihil signa valere, utque in nullo fastum animi atque tumorem inciderent: Gratis, inquit, accepistis; deinde, ne cupiditate pecuniarum moverentur, intulit: Gratis date. Nam ne quasi sua ipsorum potestate miracula facientes inde superbirent: Gratis, dixit, accepistis: nihil largimini iis, qui vos recipiunt. Non enim tamquam mercèdem vestris laboribus debitam ista accepistis; mea enim est gratia. Sic igitur aliis quoque hæc beneficia, quorum nullum potest condignum præmium inveniri, gratis date.

R. Iste homo.

Lectio viii.

Post hæc, cum radicem omnium malorum voluerit evellere vitiorumque fundamentum diruere: Non possideatis, inquit, aurum, nec argentum nec pecuniam in zonis vestris; non peram in via, nec duas tunicas, nec calceamenta, nec virgam. Non dixit: Non accipiat vobiscum, sed: Non possideatis, ut, si et

aliunde recipere possent, recusarent tamen, ac perniciosam hanc ægritudinem fugerent. Quo deinde præcepto multa profecto complectitur commoda. Primum, ut nulla de discipulis possit esse suspicio: deinde ab omni sæculari cura sic ipsos liberos reddit, ut prædicationi solum vacare possint: demum immensam suam potentiam ipsis patefacit. Quod et postea commemoravit, dicens: Numquid vobis tunc aliquid defuit, quando vos nudos absque calceis misi?

R. Sint lumbi.

In Quadrages. Lectio ix. de Homil. Feriæ: extra Quadrages. de sanctis Mart. Tiburtio, Valeriano et Maximo ut in Brev. hac die.

Ubi alia die celebrandum sit, ix. Lect. erit sequens:

Lectio ix.

Illud etiam consideratione dignum est, quod non incipiens statim dixit: Non possideatis aurum nec argentum, sed cum prius mundandi leprosos, ejiciendi dæmonia potestatem eis dederit, tunc intulit: Nihil possideatis; gratis accepistis, gratis date. Sic rebus ipsis docuit, utilia se et honesta et facilia factu eis præcipere. Sed, inquires,

cétera quidem non absque ratione certa dicta esse: quid autem, ut peram non hábeant in via, nec duas tunicas, nec virgam, nec calceaménta, quam de causa eis injúnxit? Exactissime certe sublimiôris vitæ fundaménta vóluit jácere: sic et in superiôribus nullam de crástina die curam ipsos habére dócuit.

Te Deum laudámus.

Ad Laud. post comm. Feriæ in Quadrag. fit com. Ss. Mart.

Ant. Vestri capilli.

V. Exsultábunt.

Tempore Paschali.

Ant. Fíliæ Jerúsalem.

V. Pretiôsa.

Oratio. Præsta. 34*

Die 15. Aprilis.

S. Justini Martyris.

Duplex.

Ut in Breviario die 14. Apr.

Die 16. Aprilis.

S. Thuribii a Liebana

Episc. et Conf.

Duplex.

Omnia de Com. Conf. Pont., præter sequentia.

Oratio.

Exáudi, quæsumus Dómine, preces nostras, quas in beáti Thuribii Confessoris tui atque Pontificis solemnitate deférimus: et, qui tibi digne méruit

famulári, ejus intercedéntibus méritis ab ómnibus nos absólve peccátis. Per Dóminum nostrum.

In Quadrag. comm. Feriæ.

In I. Nocturno Lectiones de Scriptura occurrente.

In Quadrages. Fidélis sermo. de eodem Comm. 1. loco.

In II. Nocturno.

Lectio iv.

Thuríbius, vir sanctissimus, peregrinationis causa in Palæstinam profectus, a Jerosolymórum antístite sacrorum custos designátur. Suscépto in Hispániam itinere, Leónem primum summum Pontificem venerátus, a Suevórum rege Gallæciæ imperánte honorífice suscéptus, postquam régiam puéllam aliósque infirmos mirábiliter sanávit et templum Christo Salvatóri dicávit, invítus ad episcopátum Asturicénsem promovétur. Ab archidiácono sedem illam ambiénte adulterii accusátus, in sacro líteo pénitus illæso prunas ardéntes ad altáre portávit: eoque miráculo ac repentina morte calumniatóris, áliam étiam inferéntis injúriam, suam innocentiam comprobávit.

R̃. Invéni David.

Lectio v.

Catholicæ veritatis ardore Hispánias Priscillianistárum erroribus infectas cœpit lustrare, episcopos serpentis monere contagii, et sedis apostolicæ implorare subsidium. Misso itaque ad Leónem Pontificem diacono, commonitorii ad episcopos seriem et errorum libellum adjunxit. A quo per gravissimam epistolam defensæ fidei laudem et grassantis hæresis antidotum reportavit. Ejus auctoritate duo cogi curavit concilia, unum Toléti, alterum in Gallæcia apud Ullenense municipium, in quibus perniciosissima hæresis condemnata est, errantesque episcopi catholicæ fidei subscripserunt.

R. Pósui adjutorium.

Lectio vi.

Cujus doctrinam magno Deus confirmavit miraculo. Urbem quippe Palentinam, his erroribus pertinaciter adhærentem et sancti viri prædicationibus adversantem, ad labentis fluvii insperatam excursionem pene totam submersit; quo supplicio meliores cives effecti Thuribii doctrinam suscepérunt. Multos pro fide Christi labores passus, virtutibus et mirá-

culis clarus quievit in pace. Ejus corpus translátum est ad ecclésiám sancti Martini montis Liebánæ a se constructam, et pretiósas, quas Jerosólymis asportávit, reliquiis decorátam; ubi eum finítimi pópuli summa colunt veneratióne.

R. Iste est.

In III. Noct. Homil. in Evang. Homo peregre proficiscens. de Communi I. loco.

In Quadrages. Lectio ix. de Homilia et commem. Feriæ in Laudibus.

Vesp. a Capit. de sequ. cum commem. præced. et Feriæ in Quadragesima, et S. Aniceti, Papæ et Mart.

Die 17. Aprilis.

Beatæ Mariæ Annæ a Jesu Virginis.

Duplex.

Omnia de Communi Virg., præter sequ.

Oratio.

Domine virtutum, clementissime Deus, qui beatam Mariam Annam Virginem tuam innúmeris gratiæ tuæ munéribus cumulasti: ejus nobis precibus concède; ut, quam solémni veneratióne cólimus, étiam actiόνibus imitémur. Per Dóminum.

Comm. S. Aniceti Papæ Mart. ut in Breviario hac die.

In I. Nocturno Lectiones de Scriptura occurrente.

In II. Nocturno.

Lectio iv.

María Anna a Jesu Matriti, Hispanórum regum aula et exímio cathólicæ religiõis cultu celebérissima urbe, a piis honestisque paréntibus in lucem est édita. A primis usque ætátis suæ annis satis certa futúræ sanctitátis dedit indícia. In ipsa enim puerítia divínis, quibus abundábat, charismátibus cœlo pótius quam mundo se natam osténdit. Rejectisque non sine mirábili ánimi constántia núptiis, atque acerbíssima pugna, hanc ipsam ob rem intus exteriúsque comóta, divínitis superáta, uni cœlésti sponso se totam lubens devóvit: utque promissis stare facílius posset, mundi illécebris carnisque oblectaméntis ómnibus nuntium remíttens, sacrum institútum moniálium discalceatarum beátæ Mariæ Vírginis de Mercéde redemptionis captivórum, cujus propagatióem mirífice adjúvit consiliis orationibúsque suis, solémni ritu professá, nihil ómnium rerum omísit, quæ vel sui spíritus perfectiõni, vel aliórum salutí inservírent. Ad quam rem ne sibi umquam vires

deficerent, Deíparam ipsam, cujus aspéctu sæpenúmero recreabátur, peculiárem patrónam suorúmque óperum ac consiliórum ómnium adjutricem adhibuit.

R. Propter veritátem.

Lectio v.

Voluntáriam paupertátem ad extrémum usque constantíssime cóluit. Castitátis vero atque innocentíæ laudem tantam adépta est, ut cœléstem vitam in terris ágere ab omni cõporis contagiõne sejuncta viderétur. In loquendo ádeo parca, ut nullum plane verbum, nisi consúlto et meditáto, proférret; et tale obediéntiæ stúdiu continuo osténdit, ut præsidium non modo vóci bus, sed ipsis nútibus obtemperáret. In his autem ánimi dótibus maceratiõne carnis, vigíliis jejuniisque tamquam vallo muniéndis curam omnem adhibuit suam, ac inaudíta eáque perénni non minus quam áspera tormentórum vi corpus in absolutam spíritus servitútem redégit. De se enim ádeo humíliter demisséque sentiébat, ut, quo majóri cœléstium donórum cópia perfundebátur, eo viliórem sese ac

omni pœna contemptûque dignissimam existimâret.

R. Dilexisti justitiam.

Lectio vi.

Credi vix potest, qua in Deum caritate Maria Anna flagraret: omniaque præ illo máximo habens in spreto divini amoris voluptate adeo plurima affiebatur, ut, quantislibet pressa curis ac molestiis fatigata, in unius Dei ampléxu, quem vivissimæ fidei ope præsentem sibi assidue intuebatur, per summam delectationem acquiesceret; nec aliud jucundius haberet, quam assidue orationi majestatisque divinæ contemplationi vacare; cujus cœlesti dulcedine perfundebatur ita, ut a corporeis abstracta sensibus in frequentes éxtases raperetur. Ex hoc autem tam incenso in Deum amore egrégia non solum illa oriebatur voluntas unumquemque consiliis, ópere, monitisque juvandi ad bene pieque vivendum; sed firmissima étiam spes summumque desidérium, quo corporeis vînculis solvi et esse cum Christo vehementer optabat. Optata autem diu felicissima tandem advénit dies: anno enim millési-

mo sexcentésimo vigésimo quarto, ætatis suæ quinquagésimo nono, extrémî morbi dolóribus patientissime tolerátis, sacraméntis omnibus summa cum pietate susceptis, grave suarum virtutum Matriténsi pópulo univérso desidérium relinquens, meritórum plenissima migrávit ad sponsum. Quam Pius sextus Póntifex máximus multis insignem miraculis ac prophetiæ dono illústrem ritu solémni beatárum Vírginum número adscripsit.

R. Afferéntur Regi.

In III. Nocturno Homilia in Evang. Símile erit regnum cœlorum. de Communi I. loco.

Lectio ix. et comm. S. Aniceti in Laudibus.

Die 20. Aprilis.

S. Agnetis a Monte Politiano Virg.

Duplex.

Omnia de Communi Virg., præter sequentia.

Oratio.

Deus, qui beatam Agnetem Virginem tuam cœlesti rore sæpe perfundere, et orationis ejus loca diversis enátis flóribus decorare dignátus es: concede propítius; ut, ejus precibus, perpétuo tuæ benedictionis rore conspersi,

æternitatis fructus percipere mereamur. Per Dóminum nostrum.

In I. Nocturno Lectiones de Scriptura occurrente.

In II. Nocturno.

Lectio iv.

Agnétis de Monte Politiano ordinis sancti Domínici virginis integerrimæ, nativitatem faces divinitus accensæ in cubículo matris illustrarunt. Claustrale institutum amplexa est nono ætatis anno: et quintumdecimum necdum egressa, Summi Pontificis jussu monialibus invita præficitur. Ejus léctulus nuda humus, cervical saxum fuit: et quindecim annos in pane et aqua jejunavit. Sæpe inter orandum, nec major ańis quatuórdecim, a terra cubito tollebatur: ejusque pállium roris cándidi guttis, quæ crucis effigiem singulæ referébant, respergebatur: ac locus, ubi gēna fixisset, súbito pulcherrimis flóribus ornabatur.

R̃. Propter veritatem.

Lectio v.

A sacra Deípara Jesum forma lactentis pueri orans excépit: eúmque aliquámdiu sinu compléxa,

párvulam crucem ténuí filonexam ab ejúsdem collo detráxit. Terram quoque Christi sángine in passióne fuso cruentátam divinitus accépit, ac frustum pelvis, ubi ipse infántulus Jesus a Vírgine Matre fuit ablútus. Sed et sancti Apóstoli Petrus et Paulus particulis suárum véstium eámdem pro magno múnere donárunť. Sæpius eidem Angelus Eucharístiam sua manu porréxit.

R̃. Dilexísti justítiam.

Lectio vi.

Virtútibus et miráculis illustis, ac pretiósa virginitátis coróna redimíta, migrávit in cœlum, anno millésimo trecentésimo decimo séptimo. Cum sancta Catharina Senénsis, quæ a Deo præmónita jam ántea fúerat, parem se glóriam cum sancta Agnéte in cœlis habitúram, ejus corpus íntegrum atque incorruptum sepúlchro servátum invíseret, ac ejus pedes deosculári vellet, Agnes álterum pedem éxtulit ad os usque Catharinæ: quæ cum álio étiam témpore revérša, se ad caput Agnétis demississet, manna instar nivis toto illo loco plúere cœpit. Dénique ipsam beátam Vír-

ginem Agnétem miráculis claram, Benedíctus decimus tértius, órdis Prædicatórum, sanctárum Virginum número adscrípsit.

R. Afferéntur Regi.

In III. Nocturno Homilia in Evangel. Símile erit regnum ... decem virgínibus. de Communi 1. loco.

Die 26. Aprilis.

B. M. V. de Bono Consilio.

Duplex majus.

Omnia ut inter festa pro ali-
quibus locis eadem die.

Die 27. Aprilis.

**S. Thuribii de Mogro-
vejo** Episc. et Conf.

Duplex. (m. t. v.)

Omnia de Comm. Conf. Pont.,
præter sequ.

Ant. Sacérdòs et Póntifex.
V. Amávit eum.

Oratio.

Ecclésiám tuam, Dómine, beáti Thuribii Confes-
sóris tui atque Pontíficis
contínua protectióne custó-
di: ut, sicut illum pasto-
rális sollicitúdo gloriósum
réddidit; ita nos ejus inter-
cessio in tuo semper fá-
ciat amóre fervéntes. Per
Dóminum nostrum.

In I. Nocturno Lectiones de
Scriptura occurrente.

In II. Nocturno.

Lectio iv.

Thuríbius Alphónsus,
ex nóbili Mogrovéja
gente Majórgæ in
regno Legiónis natus, li-
berálibus disciplinis et juri
canónico Valisoléti pri-
mum, deínde Salmánticæ
in majóri collégio Oveténsi
sancti Salvatóris ita ópe-
ram dedit, ut tamen potió-
rem témporis partem ora-
tióni aliisque piis et chri-
stiánis exercítiis impénde-
ret. Id comprobátum est,
cum immíssam in ejus cu-
bículum impudícam mulie-
rem præcípuus virginitátis
sectátor constánti ánimo
extémpló éxpulit. Inde je-
júniis, vigíliis et próprii
córporis castigatióne con-
tínuo vitam exércuit, et
nudis quoque pédibus Com-
postéllam ad sancti Jacóbi
sepúlchrum peregrinátus
est. R. Invéni David.

Lectio v.

A Gregório décimo tértio
Limánæ ecclésiæ ex
quæstóre fidei invítus præ-
fíctur. Quo in múnere apo-
stólicam sollicitúdinem in
nova christianitáte vel soli-
dándá vel ampliándá ádhi-
bens perfécti præsulis par-
tes explévit. Quare singulis
domínicis diébus vel in ec-
clésia vel in hospitáli do-

mo, in parvis étiam oppí-
dulis et súbdiu conciona-
bátur plebémque catechí-
smo instruébat. Sýnodos
étiam diœcesánas et pro-
vinciália concilia juxta Tri-
dentíni statúta hábuit, et in
eis complúra decreta, póste-
a a sede apostólica con-
firmáta, cóndita sunt, qui-
bus modo ecclésia Ameri-
cána régitur. Hinc morum
emendátio, cleri disciplína,
júvenum seminária, vírgi-
num ac male nuptárum cœ-
nóbia, ægrotórum xenodo-
chia, aliæque ædes et tem-
pla, ejus étiam sumptu
constrúcta, emanárunt.

R. Pósuí adjutórium.

Lectio vi.

Dioécésim suam, amplís-
simam quidem, incre-
díbili labóre totam sæpe
visitávit, omnésque pene
ecclésiæ suæ provéntus in
paúperum usus, quos cre-
ditóres suos vocábat, ero-
gávit, octingéntis, ut ferunt,
hóminum míllibus sacro
chrísmate unctis. Innúme-
ras contradicciónes, sive ab
iis, qui foris sunt, propter
fidem, sive ab iis, qui intra,
propter ecclésiæ libertá-
tem, summa patiéntia sústi-
nens, ácritér deféndit, mar-
týrii cupidíssimus. Tandem
sacerdótio et miráculis cla-

rus, quæ étiam post mor-
tem ipsíus sanctitátem com-
probárunť, dum própriae
diœcésis visitatióni incúm-
beret, anno millésimo sex-
centésimo sexto, ætátis
suæ sexagésimo octávo,
sumpto in ecclésia sacro
viático, ad mortis núntium
exclámans: Lætátus sum
in his, quæ dicta sunt mihi:
in domum Dómini íbimus,
die vigésima tértia Mártii
obdormívit in Dómino:
quem Innocéntius undéci-
mus in beatórum núme-
rum rétulit, assignáta ejus
festivitáti die vigésima sé-
ptima Aprilis. Deínde no-
vis quamplúribus fulgén-
tem signis Benedíctus dé-
cimus tértius Póntifex Má-
ximus quarto Idus De-
cémbris anno salutis mil-
lésimo septingentésimo vi-
gésimo sexto sanctórum
fastis adscripsit.

R. Iste est.

In III. Nocturno.

Léctio sancti Evangélíi se-
cúndum Matthæum.

Lectio vii. Cap. 25.

In illo témpore: Dixit
Jesus discíplis suis
parábolam hanc: Homo
péregre proficiscens, vo-
cávit servos suos, et trá-
didit illis bona sua. Et
réliqua.

Homilía sancti Bernárdi
Abbátis.Ex *Serm. 23. in Cant.*

Accipiunt in promissione, qui bene præsumunt, constitui super omnia bona Domini sui: at pauci profecto, qui utiliter, pauciores qui et humiliter præsent. Facile tamen utrumque adimplet, qui matrem virtutum discretiónem perfectè adeptus, vino nihilominus caritatis usque ad contemptum propriæ glóriæ, usque ad sui ipsius obliviónem, et non ad quærènda, quæ sua sunt, ebriatur, quod solo ac miro Spiritus sancti magisterio obtinetur.

R̃. Amávit eum.

Lectio viii.

Virtus autem discretiónis absque caritatis fervore jacet, et fervor véhemens absque discretiónis temperamento præcipitat. Ideoque laudábilis, cui neutrum deest, quatenus et fervor discretiónem érigat, et discretio fervorem regat. Ergo taliter oportet esse moratum eum qui præest. Optimum autem in moribus díxerim, et summam disciplinæ hujus perfectæ apprehendisse, qui in nullo prorsus aut resístat prióribus, aut invídeat páribus,

aut subjéctis vel desit in cura, vel in supérbia præsit, prælátis obédiens, sóciis cóngruens, súbditis utiliter condescéndens.

R̃. Sint lumbi.

Lectio ix.

Tímeant clérici, tímeant ministri Ecclesiæ, qui in terris sanctorum, quas possident, tam iniqua gerunt, et stipendiis, quæ sufficere debent, mínime contenti, superflua, quibus egénis sustentándi forent, ímpie, sacrilegéque sibi retineant, et in usus suæ supérbiæ, atque luxúriæ victum pauperum consumere non vereántur, dúplici profecto iniquitate peccántes, quod et aliéna diripiunt, et sacris in suis vanitatibus et turpitudínibus abutúntur. Te Deum.

Vesp. a Cap. de sequ., comm. præced. et S. Vitalis, Mart.

FESTA MAJI.

Die 11. Maji.

S. Prudentii Ep. Conf.

Duplex.

Omnia de Comm. Conf. Pont., præter sequ.

Oratio.

Deus, largitor pacis, qui beáto Prudentio Confessori tuo atque Pontífici

mirificam dissidentes á-ni-mos componendi grátiam tribuisti: da, quæsumus; ut ejus méritis et interces-si-ó-ne veram cum tua vo-luntáte concórdiam júgiter servémus. Per Dóminum.

In I. Nocturno Lectiones de Scriptura occurrente.

In II. Nocturno.

Lectio iv.

Prudéntius, natióne Hispánus, piis pa-réntibus natus, ut vetustissima acta tradunt, in Arméntia, urbe quon-dam provinciæ Alabénsis, ab ipsa puerítia magna san-ctitátis præbuit arguménta; et simplex, rectus, et timens Deum, ætáte simul et vir-tútibus crevit. In prima ipsa juventúte, ut ánimum a mundi illécebris custo-diret, in erémum secéssit, ubi aspérrimo vivendi gé-nere corpus in servitútem redégit, jugi cœléstium re-rum contemplatióni et sa-crárum litterárum stúdio vacans. Defúnto Satúrio, quo usus fúerat eremíticæ vitæ sócio atque magistro, voce divína admónitus ad civitátem Calaguritánam proféctus est.

R̃. Invéni David.

Lectio v.

Ea in urbe pœniténtis hábitu indútus in cine-

re et cilício ita insectátus est pravos populórum mo-res increpádo, admonén-do, concionádo, ut collá-psam in illis pietátem in-pristinum restitúerit, con-tumélias, injúrias et vérbera propter Christum pátiens. Ejus sanctitátis bonus odor cum univérsam illam na-tiónem perváserit, Pru-déntius abhórrens celebri-tátem sui nóminis clam Turiasónem aufúgit, et in-ter minóres ejus ecclésiæ cléricos adscítus, támdiu delítuit, donec cógnita viri sanctimónia atque doctrína ab illo epíscopo présbyter ordinátus est, et archidiá-conus deínde constitútus. Quo in múnere cum præ-clarióra in dies éderet vir-tútum exémpa, concréditum ei fuit régimen vacán-tis ecclésiæ Turiasonénsis, atque relúctans et nolens in ejus cáthedra ómnium votis collocátus est.

R̃. Pósui adjutórium.

Lectio vi.

Episcopáli auctus digni-táte, commissum sibi gregem pascens mónitis, consíliis, sciéntia, verbo et exémplo innúmeros pecca-tóres ad viam salútis re-vocávit. Exímia fuit ejus prudéntia, caritas, mansue-

túdo et misericórdia, præsertim in paúperes, erga quos ut lárgior esset, necessária sibi detráxit. Peculiári, qua pollébat, grátia dissidentes ánimos sedándi Oxómam accítus, ut ea dissidia compóneret, quæ inter clerum et cives jándiu exárserant, ad pacem et concórdiam statim illos addúxit, divínis étiam, ut fertur, accedéntibus prodígiis. Ibídem gravi morbo corréptus, magnis labóribus exantlátis, qua prædíxerat hora obdormívit in Dómino, máxima sanctimóniæ fama et miráculis clarus. Ejus corpus delátum ad montem Latúrcium, eo loco públicæ fidélium veneratióni expósitum fuit, in quo nunc ab ejus nómine ecclésia sancti Prudentii nuncupátur.

R. Iste est.

In III. Nocturno Homilia in Evang. Homo pégre proficiens. de Comm. 1. loco.

Die 13. Maji.

S. Petri Regalati Conf.

Semiduplex.

Omnia de Communi Conf. non Pont., præter sequ.

Oratio.

Deus, qui diléctum fámulum tuum Petrum carne mortificátum ad delicias

glóriæ tuæ assumere dignátus es: concéde propítius; ut ad delectatiónes, quæ in délixtera tua sunt usque in finem, méritis ejus et intercessióne pervenire valeámus. Per Dóminum.

In I. Nocturno Lectiones de Scriptura occurrente.

In II. Nocturno.

Lectio iv.

Petrus cognomento Regalátus, Vallis soléti in Hispánia nobilibus æque ac piis parentibus ortus, ab ipsa puerítia non lévia dedit futuræ sanctitátis indícia. In illa namque ætáte nihil puerilesápiens coæquálium abstinébat consórtio, et in solitáriis latitádo recéssibus uni vacábat rerum cœléstium contemplatióni, jam tum a Deo in benedictiónibus dulcédinis præventus. Flagéllis, jejúniis, aliisque pœnárum genéribus se júgiter mácerans carnem intra subjecciónem spíritus continébat, virginitátis, quam ad mortem usque servávit, sollicitus cultor. His itaque exercítiis ad strictiorem vivéndi formam se cómparans ea brevi jecit fundaménta, quæ in heróica virtútum mox consurrexére fastigia. Minó-

rum régulam primum in pátria proféssus est, deinde in Aquileriáno cœnóbio restitútæ observántiæ præcipuus adjútor et promótor fuit: cujus tam rígidi institúti primórdia ávide compléxus firmiter tenuit et plene consummávit.

R̃. Honéstum fecit.

Lectio v.

Siléntium illi perpétuum, somnus brevíssimus, juges ex dono lácrymæ, quibus præcipue in sacro conficiendo mystério perfundebátur, flagellatiónes cruéntæ, incéssus nudis pédibus, vestis túnica una lácera et hispida, lectus vel pálea vel humus: jejúnium juxta sui institutóris exemplum ad novem quadragésimas usque protractum, cibúsque ut plúrimum panis et aqua. Evangélicæ paupertátis miríficus propugnátor et custos, ob cujus exquisítam observántiam in graves étiam et fréquentes offéndit injúrias, quas immóto alacrique ánimo súbiens divínam pro calumniántibus et oppugnatóribus exorábat cleméntiam. Quanto in Deum exardésceret amóre, ex eo potíssimum apparuit, quod, si áliquos invenisset lepró-

sos, domum addúceret, eorúmque úlcera lingua étiam detégeret. Fratrum régime subire coáctus, ómnibus númeris explévit officium, et, quos priváto jampridem informárat, público deinde confirmábat exemplo.

R̃. Amávit eum.

Lectio vi.

Aspérrimum vitæ genus, Aquilériæ incéptum, in convéntu de Scala cœli, ad Dúrii ripam prope Vallisolétum fundáto, firmiter stabilívit: unde ad divérsas Hispániæ Indiarúmque provincias exténsus est. Añum dénique agens sexagésimum sextum, austeritáte vitæ conféctus et mortem sibi vicínam præsentíens, Aquilériam perréxit, ut ibi Deo spíritum réderet, ubi rigorósi institúti sumpsit exórdium. Febri corréptus, álumnis ad exactam régulæ observántiam cohortátis suáque benedictióne munítis, ad illa verba: In manus tuas, Dómine, comméndo spíritum meum, migrávit in cœlum pridie Kaléndas Aprílis anno reparátæ salútis millésimo quadringentésimo quinquagésimo sexto. Cujus viri sanctitátis fama, quæ ubique jam percrebú-

erat, regína cathólica Elísabeth permóta, solémni indicta processióne, et adstántibus nonnúlhis episcopis et clero, ejus corpus, quod in commúni fratrum repósitum fúerat sepultúra, in decentióri et nobilióri túmulo reponéndum curávit. Quare ex confluéntium multitudíne, multis inde obténtis beneficiis recedéntium, servi Dei cultus mirífice propagátus est. Quo solémniter a sacra Rítuum Congregatióne approbáto Innocéntius Papa undécimus de ipso Missam et Offícium die décima tértia Maji celebrári concessit. *R.* Iste homo.

In III. Nocturno Homilia in Evang. *Sint lumbi vestri præcincti.* de Comm. 1. loco.

Die 14. Maji.

Ss. Cleti et Marcellini

Pont. et Mart.

Semiduplex.

Ut in Breviario die 26. April.

Et fit comm. et ix. Lect. (ex duabus una) de S. Bonifacio Mart. ut ibid. hac die, præter Ant. et *Ps.*, quæ in I. Vesperis sumuntur e Laudib., in Laud. autem e I. Vesperis.

Die 15. Maji.

S. Isidori Agricol. Conf.

Duplex.

Omnia ut inter festa pro aliquibus locis eadem die.

Die 16. Maji.

S. Joānis Nepomuceni

Martyris.

Duplex.

Neo-Pampilone:

Duplex 2. cl. cum Octava.

Omnia ut inter festa pro aliquibus locis eadem die 2. loco.

Die 21. Maji.

Ss. Torquati et Socr.

Episc. et Mart.

Duplex.

Omnia de Comuni plurimor. Mart., præter sequentia.

Oratio.

Deus qui nos post beatissimum Jacobum Apostolum per beatos Martyres tuos atque Pontifices Torquatū, Ctesiphontem, Secundum, Indalētium, Cæciliū, Hesychium et Euphrasium ad agnitionem tui nominis venire tribuisti: concede propitius; ut quos festivo veneramur obsequio, eorum intercedentibus meritis, æterna gaudia consequamur. Per Dóminum nostrum.

In I. Nocturno Lectiones de Scriptura occurrente.

In II. Nocturno.

Lectio iv.

Quo tempore primam in christianos persecutionem Nero imperator excitavit, beatissimi Apostoli

Petrus et Paulus Torquátum, Ctesiphóntem, Secúndum, Indalétium, Cæcílium, Hesýchium et Euphrásium, beáti Jacóbi Apóstoli discipulos, episcopos Romæ ordinárunť, et ad prædicándum Christi evangélíum in Hispániam misérunt. Cum autem ad eam provinciam perveníssent, prope Accitánam urbem, in víridi campo, ut longitúdine itineris lassáti aliquántulum quíescerent, constitérunt. Cumque ad civitátem victus eméndi causa áliquos misíssent, pagáni, qui tunc forte deórum suórum festa debacchántes peragébant, visis divérsi hábitus, ac religiónis peregrínis homínibus, in eos furéntes prosiliunt: et ad sanctos perveniéntes, omnes páriter in fugam actos, usque ad flumen prosequúntur.

R. Lux perpétua.

Lectio v.

Sed ut viri Dei pontem pertransiérunt, pons, qui miræ magnitúdinis et firmíssimus erat, cóncidit, et gentílium multitúdinem, sanctos persequéntem, páriter oppréssit ac demérsit in aquas. Quo miráculo áccolæ térriti eos póstea revocáre, et in honóre habére cœpérunt. In primis

Lupária quædam præclára múlíer benígne illos suscepit, atque ab his fidem edócta, in oratório, quod ipsa constrúxerat, baptizáta est. Cujus exémplo quam plúrimi in Christum credéntes, relíctis idólis, baptísmi sacraméntum suscepérunt.

R. In servis suis.

Lectio vi.

Hujus igitur urbis, quæ tunc prima Christi Dómini fidem in Hispánia recépít, beátus Torquátus episcopus designátus est: ac céteris ad álias Hispániæ terras abeúntibus, ipse Acci remánsit, ubi multis pro Christo perfúctus labóribus, demum martyr occúbuit. Ejus corpus in eádem urbe (quæ nunc Guádix appellátur) primo sepúltum est. Juxta cujus sepúlchrum olim arbor olívæ erat, quæ in natáli mártýris florébat, simúlque fructus úberes emittébat: e quibus óleum expréssum, ad vários morbos curándos adhibebátur. Inde in Gallæciam translátum, in quodam cœnóbíó ordínis sancti Benedícti, condígnó honóre asservátur. Sodáles sancti Torquáti, et ipsi in váriis úrbibus episcopi constitúti

Christi evangélium prædicârunt, et in eis quievérunt: Ctésiphon Vêrgii, Secúndus Abulæ, Indalétius Urci, Cæcilius Illíberi, Hesýchius Cartéjæ, Euphrásius Illitúrgi; quorum cõrpora ad álias póstea Hispánia urbes transláta sunt.

R. Filia Jerúsalem.

In III. Nocturno Homilia in Evang. Ego sum vitis. de Coñ. Mart. temp. Pasch.

Die 22. Maji.

S. Ubaldi Episc. et Conf.
Semiduplex.

Omnia ut in Breviario die 16. hujus.

Die 23. Maji.

S. Dominici Calceatensis Confessoris.

Duplex.

Omnia de Coñuni Conf. non Pont., præter sequ.

Oratio.

Clementissime Deus, qui beátum Domínicum Confessórem tuum egrégiis virtútibus illustráre dignátus es: concéde, quæsumus; ut, cujus (hódie) natalítia celebrámus, ejus intercessióne a peccatórum nostrórum néxibus liberári, et illíus consórtio in cœlis pérfrui mereámur. Per Dóminum nostrum.

In I. Nocturno Lectiones de Scriptura occurrente.

In II. Nocturno.

Lectio iv.

Domínicus Calceaténsis, Villóriæ in finibus Cantábriæ illústri génere natus, qualis adúlta futúrus esset ætáte, in juvenilibus annis plúrima virtúte et pietáte monstrávit. Itaque ante annum ætátis vigésimum divíno succénsus ardóre, mundána cuncta contémnens, Deo adhærere ejúsque firmiter obedíre mandátis secum studiósè constituit. Id vero sub regulári disciplína se facílius consecutúrum exístimans, primum ad abbátem vallis Venáriæ órdis sancti Benedícti, deínde ad monastérium sancti Æmiliáni ejúsdem institúti supplex accéssit, ut in monachórum consórtium admitterétur. Passus tamen utróque loco repúlsam, Deo illum ad majóra disponénte, in oratióne assídua variísque cõrporis cruciátibus per quinquénium vitam duxit eremíticam in desérto Burébæ, constrúcto húmili tugúrio et Deíparæ Vírgini sacélo.

R. Honéstum fecit.

Lectio v.

Audíta porro fama sanctissimi viri Gregórii, car-

dinális epíscopi Ostiénsis, sedis apostólicæ legáti, qui suis apud Deum précibus et salutáribus ad pópulum mónitis univérsam Cantábriae et Navárræ regiónem a multis liberávit ærúmnis, ad eum Lucrónii hæréntem accéssit, sub cujus disciplína mirum in modum profécit, numquam ab eo passus divélli, donec vir sanctus e vivis excéssit. Tanto destitútus magístro dénuo ad vitam regréssuseremíticam eo cónstitit loco, quo nunc requiéscit, haud procul a via régia, qua iter erat ad sancti Jacóbi Compostellánam peregrinatónem, densis silvis et latrónum incúrribus periculósum, palúdi-bus et cœnósis anfráctibus nimis moléstum, transversí flúminis alluvióne frequén-ter impérvium.

R̃. Amávit eum.

Lectio vi.

Compássus itaque vir sanctus tot tantisque peregrinórum incómodis, Deo multis modis mirabíliter propitiánte, silvam, némo-ra, lucos succídit, viam régiam longe latéque stravít, flúminis ímpetus nóbili superindúcto ponte, qui étiam nunc cérnitur, superávit. Domum amplam per-egrínis et egénis excipién-

dis ædificávit, et Christo Salvatóri templum, quod póstea, confluéntibus vicí-nis pópulis urbémque a sancti viri nómine nuncu-pátam construéntibus, cá-thedra insignítum est epi-scopáli. Multis demum vir-tútibus et miráculis illú-stris, superátis annis nona-gínta, obdormívit in Dómi-no, anno millésimo centési-mo nono, cónditus in túmu-lo, quem ipse ante annos septem sibi præparávit.

R̃. Iste homo.

In III. Nocturno Homilia in Evangel. Sint lumbi. de eodem Comm. 1. loco.

Eadem Die.

Neo-Pampilone:

Dies Octava

**S. Joannis Nepomu-
ceni** Martyris.

Duplex.

Officium ut in festo.

In I. Nocturno Lectiones de Scriptura occurrente.

In II. Nocturno.

**Sermo sancti Joánnis
Chrysóstomi.**

De peccatis non evulg.

Serm. 57.

Lectio iv.

Non hæc medicamen-
tórurum istórum præ-
cípua laus est, quod
ánimas sanent, quod tém-
poris longinquitáte non cor-

rumpantur, quod a morbis non vincantur, quod eorum utilitas gratis propòsita sit, quod ex æquo divitibus et pauperibus pateat medicina; sed et aliud quidpiam nihilo minus his boni habent. Quodnam illud tandem est? quod nos ad hanc medici officinam venientes non divulgamus. Nam illi quidem, qui ad profanas medicorum officinas abeunt, multos habent vulnorum spectatores; hic vero non ita fit, sed cum innúmeros videamus ægròtos, occulte illos curamus. Neque enim in médium adductis peccatoribus, eorum deinde peccata divulgamus.

℞. Instans orationi.

Lectio v.

Hoc vero non mediocriter illis prodest. Nam cum vulgi existimationi simus addicti, quamdiu quidem latere nos putamus, qui mali sumus, fieri meliores studemus: postquam autem omnibus innotuimus, et solatium illud ex occultatione perdidimus, eo magis imprudentes ac negligentes evadimus. Et quemadmodum, quæ deteguntur ulcera, semperque frigido aëri exponuntur, acerbiora fiunt: ita quoque anima peccati rea, si coram multis

ob ea, quæ deliquit, reprehendatur, imprudentior evadit. Ne igitur hoc accideret, clam vos sermo curavit. ℞. Dispèrsit, dedit.

Lectio vi.

Atque ut intelligatis, admodum utilem hanc occultam esse medendi rationem, audite, quid Christus dicat: Si peccaverit in te frater tuus, corripe eum. Et non dixit: Inter te et civitatem, neque inter te et pòpulum: sed inter te et ipsum solum. Sit sine tètibus accusatio, inquit, ut facilius fiat mutatio in melius. Magnum ergo bonum est, si non publice fiat cohortatio: sufficit conscientia, sufficit incorruptus ille iudex. Non ita tu peccatorem reprehendis, ut ipsius conscientia (quippe quod aspèrior illa sit accusator), neque delicta ejus accuratius nosti. Noli ergo vulnus vulneribus addere, dum auctorem peccati divulgas: sed semòtis àrbitris admonitionem adhibeto. ℞. Ego scio.

In III. Nocturno.

Lectio sancti Evangèlii secundum Matthæum.

Lectio vii. Cap. 11.

In illo tèmpace: Cum audisset Joànnès in vín-

culis ópera Christi, mittens duos ex discípulis suis, ait illi: Tu es, qui ventúrus es, an álium exspectámus? Et réliqua.

Homilía sancti Joánnis Chrysóstomi.

In var. Matth. loc. Hom. 16.

Ténuit, inquit, Joánnem et álligans pòsuit eum in cárcere. Heródes, te petit causa, te árguunt víncula, te carcer accúsat, te divúlgat prodúcta in públicum pœna. Joáñes injuriátur: causam custódiæ qui requírit, in te ínvenit, quod púniat, et in Joáñne, quod dóleat. Joáñes orbi notus, fama virtútis cógnitus, celebratíssimus sanctitáte, dum átrahit ad se inquisitóres injuriæ, facit, ut tuus cunctis innotéscat Incéstus: agit, ut te hábeat confúsió pública, quam corrígere non váluit secréta corréptio et priváta. Heródem Joáñnes mónitis, non accusatióne pulsávit, útpote amátor castitátis, quem corrígere vóluit, non períre. Sed Heródes, fácibus libídinis ardens, períre máluit, quam redíre.

R̃. Cum corriperétur.

Lectio viii.

Odiósa fit semper libértas. Nam virtus contrária

vitiósis, sacrílegis exósa sánctitas, inimíca cástitas impudícis, corrúptis intégritas pœna, luxuriósis advérsa frugálitas, crudélibus dura semper misericórdia, ímpiis píetas non ferénda. Probat hoc Evangelísta, cum dicit: Dicébat Joáñes: Non licet tibi accípere uxórem Philíppi fratris tui. Ecce unde Heródes furit: malos qui monet, offéndit, incúrrit ódium, qui árguit criminósos. Dicébat Joáñes, quod erat legis, quod justítiae, quod erat salútis: certe quod erat non ódii, sed amóris. Ecce qualem consecútus est ab ímpio pro pietáte mercédem.

R̃. Réddidit Deus.

Lectio ix.

Volens, inquit, occídere eum, tímuit pópulum. Fácile déviat a justítia, qui in causis non Deum, sed hómines formídat. Hic timor peccándi differt facultátem, non aufert voluntátem. Unde étiam, quos suspéndit a crimine, avidióres reddit ad crimen: et æstuat ánimo, quoúsque perficiat, quod cógitat malum. Solus enim Dei est timor, qui nocéntes córrigit, fugat crimína, innocéntiam servat,

pérpetem tribuit facultátem. Te Deum.

Vesp. de sequenti commem. diei Octavæ S. Joannis Nepomuceni.

Die 24. Maji.

B. Mariæ V. Auxilium Christianorum.

Duplex majus.

Omnia ut inter festa pro aliquibus locis eadem die.

Die 26. Maji.

S. Philippi Nerii Conf.

Duplex.

(Ex decreto S. R. C. diei 12. Junii 1896.)

Omnia de Communi Conf. non Pont., præter sequ.

Oratio.

Deus, qui beátum Philíp-pum Confessórem tuum sanctórum tuórum glória sublimásti: concéde propítius; ut cujus solemnitáte lætámur, ejus virtútum proficiámus exémplo. Per Dóminum nostrum.

Et fit commem. præced., Ant. Dum esset. V. Justum deduxit. Oratio. Deus in te. ut in Breviario hac die.

Postea S. Eleutherii Pap. M.

Ant. Lux perpétua lucébit. V. Sancti et justi.

Oratio.

Infirmatém nostram respice omnipotens Deus: et quia pondus propriæ actionis gravat, beáti Eleutherii Mártiris tui atque

Pontificis intercéssio gloriósa nos protégat. Per Dóminum.

In I. Nocturno Lectiones de Scriptura occurrente.

In II. Nocturno.

Lectio iv.

Philíppus Nérius, piis honestisque paréntibus Floréntiæ natus, ab ipsa ineúnte ætáte non obscura dedit futúre sanctitátis indícia. Adolés-cens, ampla pátrui hæreditáte dimissa, Romam se cóntulit; ubi philosophía ac sacris lítteris eruditus, totum se Christo dicávit. Ea fuit abstinéntia, ut sæpe jejúnus tríduum permánserit. Vigíliis et oratióibus inténtus, septem Urbis ec-clésias frequénter vísitans, apud cœmetérium Callisti in cœléstium rerum contemplatióne pernoctáre consuévit. Sacerdos ex obediéntia factus, in animárum salúte procuránda totus fuit; et in confessi-ónibus audiéndis ad extrémum usque diem perseverans, innúmeros pene filios Christo péperit; quos verbi Dei quotidiano pá-bulo, sacramentórum frequéntia, oratiónis assidui-táte, aliisque piis exercita-ti-ónibus enutriri cúpiens,

Oratōrii congregatiōnem instituit.

℞. Honēstum fecit.

Lectio v.

Caritatē Dei vulnerātus languēbat júgiter, tantóque cor ejus æstuābat ardóre, ut cum intra fines suos continēri non posset, illius sinum, confráctis atque elátis duābus cóstulis, mirabiliter Dóminus ampliáverit. Sacrum vero faciēns, aut fervéntius orans, in áëra quandóque sublátus, mira úndique luce fulgére visus fuit. Egénos et paúperes omni caritátis officio prosequēbátur: dignus, qui et Angelo in spēcie paúperis eleemósynam erogáret; et dum egéntibus noctu panem deférret, in fóveam lapsus, inde páriter ab Angelo incólumis eriperétur. Humilitáti addíctus, ab honóribus semper abhórruit, atque ecclesiásticas dignitátes, étiam primárias, non semel ultro delátas, constantissime recusávit. ℞. Amávit eum.

Lectio vi.

Prophetiæ dono fuit illústris, et in animórum sénsibus penetrándis mirífice eníuit. Virginitátem perpétuo illibátam servávit: idque assecútus est, ut eos, qui puritátem cólerent,

ex odóre, qui vero secus, ex foetóre dignósceret. Abséntibus intérdum appáruit, iisque periclitántibus opem tulit. Ægrótos plúrimos et morti próximos sanitáti restituit. Mórtuum quoque ad vitam revocávit. Coeléstium spírituum, et ipsius Deí paræ Víriginis fréquēter fuit apparitiōne dignátus, ac plurimórum ánimas splendóre circumfúsas in cœlum conscéndere vidit. Dénique anno salutis millésimo quingentésimo nonagésimo quinto, octávo Kaléndas Júnias, in quem diem inciderat festum Córporis Christi, Sacro máxima spíritus exsultatiōne perácto, ceterisque functiōnibus explétis, post médiam noctem, qua prædíxerat hora, octogenárius obdormívit in Dómino. Quem Gregórius décimus quintus miráculis clarum in sanctórum númerum rétulit. ℞. Iste homo.

In III. Nocturno.

Léctio sancti Evangélii scúndum Lucam.

Lectio vii. Cap. 12. e.

In illo témpore: Dixit Jesus discipulis suis: Sint lumbi vestri præcíncti, et lucérnæ ardéntes in mánibus vestris. Et réliqua.

Homilia sancti Gregorii Papæ.

Homilia 13. in Evangelia.

Sancti Evangelii, fratres carissimi, aperta vobis est lectio recitata. Sed ne aliquibus ipsa ejus planities alta fortasse videatur, eam sub brevitate transcurramus, quatenus ejus expositio ita nescientibus fiat cognita, ut tamen scientibus non sit onerosa. Dominus dicit: Sint lumbi vestri praecincti. Lumbos enim praecingimus, cum carnis luxuriam per continentiam coarctamus. Sed quia minus est, mala non agere, nisi etiam quisque studeat, et bonis operibus insudare, protinus additur: Et lucernas ardentes in manibus vestris. Lucernas quippe ardentes in manibus tenemus, cum per bona opera proximis nostris lucis exempla monstramus. De quibus profecto operibus Dominus dicit: Luceat lux vestra coram hominibus, ut videam opera vestra bona, et glorificent Patrem vestrum, qui in caelis est.

R. Iste est qui.

Lectio viii.

Duo autem sunt, quæ jubentur, et lumbos restringere, et lucernas tenere:

ut et munditia sit castitatis in corpore, et lumen veritatis in operatione. Redemptori etenim nostro unum sine altero placere nequaquam potest: si aut is qui bona agit, adhuc luxuriae inquinamenta non deserit: aut is qui castitate praeminet, necdum se per bona opera exercet. Nec castitas ergo magna est sine bono opere, nec opus bonum est aliquod sine castitate. Sed et si utrumque agitur, restat, ut quisquis ille est, spe ad supernam patriam tendat, et nequaquam se a vitiis pro mundi hujus honestate contineat.

R. Sint lumbi.

Pro S. Eleutherio Papa Mart.

Lectio ix.

Eleuthérius, Nicópoli in Græcia natus, Anicéti Pontificis diaconus, Cómmodo imperatore praefuit Ecclesiæ. Huic initio pontificatus supplices litteræ venerunt a Lúcio Britannórum rege, ut se ac suos in Christianórum número reciperet. Quamóbrein Fugátium et Damiánum, doctos et pios viros, misit in Británniam, per quos rex et reliqui fidem suscéperent. Hoc Pontífice Irenæus Polycárpi

discípulus Romam véniens,
ab eo benigne accéptus est.
Quo témpore summa pace
et quiéte fruebátur Ecclé-
sia Dei: ac per totum or-
bem terrárum, máxime Ro-
mæ, fides propagabátur.
Vixit Eleuthérius in pon-
tificátu annos quíndecim,
dies vigínti tres. Fecit or-
dinationés tres mense De-
cémври, quibus creávit
presbýteros duódecim, diá-
conos octo, episcopos per
divérsa loca quíndecim: se-
pultúsque est in Vaticáno
prope corpus sancti Petri.

Tè Deum laudámus.

In Laudib. pro commemor.
S. Eleutherii.

Ant. Filiæ Jerúsalem, ve-
níte. V. Pretiósa.

In II. Vesp. fit comm. sequ.
ac S. Joannis Papæ et Mart.

Die 29. Maji.

Neo-Pampilone:

**S. Dominici Calcea-
tensis** Confessoris.

Duplex.

Ut supra die 23. hujus.

Die 30. Maji.

S. Ferdinandi Reg. Cf.

Extra diócesim Antioch.

Duplex.

Antiochiæ: Patr. Præc. Diœc.


Duplex 1. classis cum Oct.

In I. Vesperis.

Ant. et Capit. de Laud. 75*;

Ps. ut in I. Vesp. de Coñ. Apost.

Hymnus.

uale, cum cœlum to-
nat atque densæ
Fúlgurant nubes,
ruit et vagátur
Fulmen in partes várias
agente

Núminis ira:

Arcium prodest nihil alta
moles

Túrbinem contra volucrês-
que flammæ,

Missus e cœlo ruit ultor
ignis

Súmmaque tangit:

Non secus circum metu-
énda ducens

Arma Fernándus premit
acer hostes,

Pérsonant late loca militári
Pulsa fragóre.

Quid ducem contra váli-
dum phalanges

Pérfidi Mauri potuére?
quanta

Strage vexillum vólitans
crucisque

Téssera vicit?

Agminum ductor, Deus
unus, una

In tribus virtus, tibi corda
semper

Glóriam content, tibi no-
stra soli

Arma triúphant.

Amen.

V. Amávit eum Dóminus,
et ornávit eum, allelúja.

R. Stolum glóriæ induit eum, allelúja.

Ad Magnif. Ant. Agaréni et alienígenæ dixerunt: Hæreditate possideamus sanctuárium Dei. Deus meus, pone illos ut rotam, et sicut stipulam ante faciē venti, et cognoscant, quia nomen tibi Dóminus: tu solus altíssimus in omni terra, allelúja.

Oratio ut in Laud. 65*

Extra Antiochiam fit comm. S. Felicis I. Papæ et Martyr. Ant. Lux perpétua. V. Sancti. Oratio. Infirmítatem.

Ad Matutinum.

Invit. Regem regum, et dóminum dominántium, * Veníte, adorémus, allelúja.

Ps. Veníte, exsultémus.

Hymnus.

Non decus vanum vel iniqua laudis

Aura Fernándum neque cæcus ardor

Impium Maurum mérita domáre

Cæde coégit.

Cáritas movit pátriæ fidesque

Cordis accénsis animáta flammis,

Pulchra virtútum comitánte longo

Ordine virtus.

Sub jugo Mauræ ditiónis olim

Hispalis longum genuisse docta

Prístinæ demum reparávit altos

Legis honóres.

Inde vicinas éadem beávit

Faústitas urbes, píetas revíxit,

Et salus et pax et ubique moris

Cultus honésti.

Agminum ductor, Deus unus, una

In tribus virtus, tibi corda semper

Glóriam cantent, tibi nostra soli

Arma triúmphent.

Amen.

In I. Nocturno.

Ant. Quæsivit Dóminus sibi virum juxta cor suum: et præcepit ei, ut esset dux super pópulum suum, allelúja.

Psalmi et VV. de Comuni Conf. non Pont.

De libro Sapiéntiæ.

Lectio i. Cap. 6. et 8.

Audíte, reges, et intelligite; discite, júdices fínium terræ.

Præbéte aures vos, qui continétis multítudines, et placétis vobis in turbis natiónum: quóniam data est a Dómino potéstas vobis, et virtus ab Altíssimo, qui in-

terrogábit ópera vestra, et cogitationesscrutábitur. Ad vos ergo, reges, sunt hi sermones mei, ut discátis sapiéntiam, et non excidátis. Qui enim custodierint justa juste, justificabúntur: et qui didicerint ista, invénient, quid respóndeant. Concupiscite ergo sermones meos, diligite illos, et habébitis disciplinam. Clara est, et quæ numquam marcéscit, sapiéntia, et fáciie vidétur ab his, qui diligunt eam, et invenitur ab his, qui quærunt illam. Præoccupat, qui se concupiscunt, ut illis se prior osténdat.

R̃. Dómine Deus, tu regnare fecisti servum tuum pro patre meo; ego autem sum puer párvulus ignorans egréssum et intróitum meum. * Dabis ergo servo tuo cor dócile, ut pópulum tuum judicare possit, allelúja. Ṽ. Quis enim póterit judicare pópulum istum, pópulum hunc tuum multum? Dabis.

Lectio ii.

Qui de luce vigiláverit ad illam, non laborábit: assidéntem enim illam fóribus suis invéniet. Cogitare ergo de illa sensus est consummátus: et qui vigiláverit propter illam, cito

secúrus erit. Quóniam dignos se ipsa circuit quærens, et in viis osténdit se illis hiláriter, et in omni providéntia occúrrit illis. Inítium enim illíus veríssima est disciplínæ concupiscéntia. Cura ergo disciplínæ diléctio est: et diléctio custódia legum illíus est: custodítio autem legum consummátio incorruptiónis est: incorruptio autem facit esse próximam Deo. Concupiscéntia itaque sapiéntiæ dedúcit ad regnum perpétuum.

R̃. Benedíctio peritúri super me veniébat, et cor víduæ consolátus sum: * Pater eram paúperum: et causam, quam nesciébam, diligentíssime investigábam, allelúja. Ṽ. Rex, qui júdicat in veritáte paúperes, thronus ejus in ætérnum firmábitur. Pater.

Lectio iii.

Si ergo delectámini sédibus et sceptris, o reges pópuli, diligite sapiéntiam, ut in perpétuum regnéitis. Diligite lumen sapiéntiæ omnes, qui præéstis pópulis. Habébo propter hanc claritátem ad turbas: et honórem apud senióres júvenis. Et acúsus invéniam in júdicio, et in conspéctu po-

téntium admirábilis ero, et fácies princípum mirabúntur me. Tacéntem me sustinébunt, et loquéntem me respicient, et sermocinánte me plura manus ori suo impónent. Prætérea habébo per hanc immortalitátem: et memóriam ætérnam his, qui post me futúri sunt, relínquam. Dispónam pópulos, et nátiónes mihi erunt súbditæ. Timébunt me audiéntes reges horréndi: in multitúdine vidébor bonus, et in bello fortis.

R. Quando procedébam ad portam civitátis, et in platéa parábant cáthedram mihi: * Príncipes cessábant loqui, et dígitum superponébant ori suo, vocem suam cohibébant duces, allelúja. V. Rex, qui sedet in sólio judícii, dissipat omne malum intúitu suo. Príncipes. Glória Patri. Príncipes.

In II. Nocturno.

Ant. In quo liberábo Israël? Ecce família mea infima est: et ego mínimus in domo patris mei, allelúja.

V. Os justi meditábitur sapiéntiam, allelúja. R. Et lingua ejus loquétur júdicium, allelúja.

Lectiones II. Noct. ut inter festa pro aliqu. locis hac die.

R. iv. Leváte signum, exaltáte vocem, leváte manum: vox multitúdinis in móntibus, vox géntium congregatárum. * Dóminus exercítuum præcépit milítiae belli, allelúja. V. Prælia Dómini tui præliáris, et inimicórum tuórum ánima rotábitur quasi in ímpetu et círculo fundæ. Dóminus.

R. v. Cum audísset Gédeon sómnum et interpretatiónem ejus, adorávit: et revérsus est ad castra: * Et ait: Súrgite, trádidit enim Dóminus in manus nostras castra Mádian, allelúja. V. Advénerat vigília matutína, et ecce respiciens Dóminus super castra, interfécit exercítum, et subvértit rotas cúrruum. Dixérunt ergo: Fugiámus. Et.

R. vi. Jéricho clausa erat atque múnita, et nullus égre-di audébat aut ingredi. Dixítque Dóminus ad Jósue: Ecce dedi in manu tua Jéricho et regem ejus omnesque fortes viros: * Clamáte et vociferámini, ite et circuíte civitátem armáti, præcedéntes arcam Dómini, allelúja. V. Omni pópulo vociferánte, et clangéntibus tubis, cepérunt civitátem. Clamáte. Glória Patri. Clamáte.

In III. Nocturno.

Ant. Egréssæ sunt mulieres de universis urbibus Israël, cantantes chorosque ducentes in occursum regis, in tympanis lætitiæ et in sistris, allelúja.

V. Lex Dei ejus in corde ipsius, allelúja. **R.** Et non supplantabuntur gressus ejus, allelúja.

Lectio sancti Evangelii secundum Matthæum.

Lectio vii. Cap. 22.

In illo tempore: Pharisæi consilium iniérunt, ut cáperent Jesum in sermone. Et reliqua.

Homilia sancti Leonis Papæ.

Sermo 10. de Passione Domini.

Cum multis modis, dilectissimi, judaica impietas laboraret, ut occasionem aliquam perpetrândi in Dóminum Jesum sceleris inveníret, hoc quasi insuperábile repererunt, ut dóminum mundi affectáti regni invidia perurgérent. Calumnióse et mináciter conclamarunt: Si hunc dimíttis, non es amicus Cæsaris: omnis enim, qui se regem facit, contradícit Cæsari. Sed formidábile fúerit nomen régium, ut pro império Cæsaris óp-

primi debúerit novæ molitio potestátis, si dominándi consilium tyránnicus tibi pródidit apparátus, si provisio armórum, si divitiarum congregátio, si præsídia delécta sunt militum. Quid eum gravári sinis de affectáta poténtia, cujus speciális fuit de humilitate doctrína? Románis légibus non contradíxit, censum súbiit, didráchma solvit, vectigália non inhíbit, quæ Dei sunt, Deo, et quæ sunt Cæsaris, Cæsari reddénda constituit. Paupertátem elégit, obediéntiam suásit, mansuetúdinem prædicávit. Hoc est vere non impugnáre Cæsarem, sed juvare.

R. Congregávit omnes sacerdotes de civitatibus Juda, et contaminávit excelsa: * Præcepítque rex pontifici et sacerdotibus secúndi ordinis, ut projicerent de templo ómnia vasa, quæ facta fúerant Baal, allelúja. **V.** Ascéndit rex templum Dómini, et omnes viri Judæ cum eo, sacerdotes et prophætæ. Præcepítque.

Lectio viii.

Ad Marc. August. Ep. 89.

Unde ineffabíliter Deo grátias ago, qui eo tempore, quo oboritura hæreti-

córum scándala præsciébat, in impérii vos fastigio collocávit, in quibus ad totius mundi salutem et régia poténtia et sacerdotális vigéret indústria. Multa mihi in ómnibus causa gaudéndi est, dum ex magna divínæ providéntiæ misericórdia præstitútum humanis rebus expérior, quod ecclesiásticam pacem, quæ nónnisi unitáte prædicatiónis evangélicæ custodítur, piíssimo stúdio juvare dignámini: ut fidei vestræ glória non solum utilitáte reipublicæ, sed étiam religiónis profectibus augeátur, gloriosissime Augúste. Mihi autem multum fidúciæ, Deo per vos operánte, collátum est, quod probásse vos observántiam de custódia cánónum paternórum pietátis vestræ affátibus indicástis. Et mérito geminátur gáudium meum, cum vobis religiosissime placere cognóscó, ut et fides suam téneat firmitátem, et privilégia ecclesiárum illibáta permáneant.

R. Manet invíctus rex in ætérnum. Quissúfficit enarráre ópera illíus? Quis investigávit magnália ejus? * Magna et mirabilia sunt ópera tua, rex sæculórum. Quis non timébit te? alle-

lúja. V. Timénti Dóminum bene erit in extrémis, et in die defunctiónis suæ benedicétur. Magna. Glória Patri. Magna.

Extra Antioch. Lect. ix. de S. Felice Papa et Mart. ut in Breviario hac die; Antiochiæ vero erit

Lectio ix.

Ad Leon. August. Ep. 125.

Apud christianíssimum ígitur principem et inter Christi prædicatóres digno honóre numerándum utor cathólicæ fidei libertáte, et ad consórtium te apostolórum et prophetárum secúrus exhórtor: ut constánter despicias ac repéllas eos, qui ipsi se christiáno nómine privavére: nec patiaris ímpios parricidas sacrílega simulatióne de fide ágere, quos constat fidem velle evacuáre. Cum enim cleméntiam tuam Dóminus tanta sacraménti sui illuminatióne ditáverit, debes incunctánter advértere, régiam potestátem tibi non solum ad mundi régimen, sed máxime ad ecclésiæ præsidium esse collátam, ut ausus nefários compriméndo et quæ bene sunt statúta deféndas, et veram pacem his, quæ sunt turbáta, restítuas, depelléndo scilicet invasóres juris aliéni, ut

correctiónibus tuis Dei iracúndia mitigáta régiae civitáti non retríbuat, quæ admíssa sunt, sed remíttat. Constitue ante óculos cordis tui, venerábilis imperátor, omnes qui per totum orbem sunt Dómini sacerdotés pro ea tibi fide, in qua totíus mundi est redemptio supplicáre.

Te Deum laudámus.

Ad Laudes

et per Horas.

Ant. 1. Clamábunt ad Dóminum * a fácie tribulántis, et mittet eis propugnatórem, qui líberet eos, allel.

Psalmi de Dominica.

2. Vindicábo gentem meam * et sancta, quia congregátæ sunt gentes contérrere nos inimicítiæ grátia, allelúja.

3. Et accénsus est * spíritus pópuli, dicéntis: Tu es dux noster, pugna prælium nostrum, et ómnia, quæcúmque díxeris nobis, faciémus, allelúja.

4. Animæquióres estóte, * filii, clamáte ad Dóminum, et erípiet vos de manu princípum inimicórum, allelúja.

5. Sanctificáte bellum, * suscitáte robústos, accédant, ascéndant omnes viri bellatóres. Infirmus dicat: Quia fortis ego sum, allel.

Capitulum. 1. Machab. 3.

Fácilis est conclúdi multos in manus paucórum: et non est differentia in conspéctu Dei cœli, liberáre in multis et in paucis, quóniam non in multitúdine exércitus victória belli, sed de cœlo fortitúdo est.

Hymnus.

Bella gestúrus pia Ferdinándus,
Non timet fatum dubiámve sortem:
Spem fovet certam, Súperum benígna
Luce vocátus.

Férreos nexus ratis acta venti
Impetu frangit; stupet atque vinci
Bætis exsúltat, placidásque volvit
Móllius undas.
Ipsa victrices veneránda Virgo
Anteit turmas, ope cujus urget
Rex pius bellum, superátque pugna
Victor in omni.
Vicit et mortem; super astra namque
Et super cœlos ánima récépta
Integrum corpus sine labe gratos
Spirat odóres.

Agminum ductor, Deus
unus, una
In tribus virtus, tibi corda
semper
Glóriam cantent, tibi no-
stra soli
Arma triúmphent. Amen.

℣. Justum dedúxit Dómi-
nus per vias rectas, alle-
lúja. ℞. Et osténdit illi
regnum Dei, allelúja.

Ad Bened. Ant. Rex læ-
tátus est gaudio magno, be-
nedixítque Dómino et ait:
Benedíctus es, Dómine De-
us Israël: tua est magnifi-
céntia et poténtia, et glória
atque victória; tu dominá-
ris ómnium, et tu es super
omnes príncipes. Allelúja.

Oratio.

Deus, qui beáto Confes-
sóri tuo Ferdinándó
præliári prælia tua et fidei
inimícos superáre dedísti:
concéde; ut ejus nos inter-
cessióne muníti, ab hósti-
bus mentis et córporis li-
berémur. Per Dóminum.

Extra Antioch. fit commem.
S. Felicis I. Pap. Mart. Ant. Fi-
liæ Jerúsalem. ℣. Pretiósá.

Ad Tertiam.

Capit. Fácile est. 64*

℞. br. Amávit eum Dómi-
nus, et ornávit eum, *
Allelúja, allelúja. Amávit.
℣. Stolam glóriæ induit
eum. Allelúja, allelúja.
Glória Patri. Amávit.

℣. Os justí meditábitur
sapiéntiam, allelúja. ℞. Et
lingua ejus loquétur judí-
cium, allelúja.

Ad Sextam.

Capitulum. Prov. 16.

In hilaritáte vultus regis
vita: et cleméntia ejus
quasi imber serótinus. Pós-
side sapiéntiam, quia auro
mélior est: et acquíre pru-
déntiam, quia pretiósior
est argénto.

℞. br. Os justí meditábi-
tur sapiéntiam, * Allelúja,
allelúja. Os. ℣. Et lingua
ejus loquétur judícium. Al-
lelúja, allelúja. Glória Pa-
tri. Os.

℣. Lex Dei ejus in corde
ipsíus, allelúja. ℞. Et non
supplantabúntur gressus
ejus, allelúja.

Ad Nonam.

Capitulum. 2. Reg. 22.

Quis est Deus præter Dó-
minum: et quis fortis
præter Deum nostrum?
Deus, qui accínxit me for-
titúdine, et complanávit
perféctam viam meam.

℞. br. Lex Dei ejus in
corde ipsíus, * Allelúja, al-
lelúja. Lex. ℣. Et non sup-
plantabúntur gressus ejus.
Allelúja, allelúja. Glória
Patri. Lex.

℣. Justum dedúxit Dómi-
nus per vias rectas, alle-

lúja. R. Et osténdit illi regnum Dei, allelúja.

In II. Vesperis.

Omnia utin I. Vesp., præt. sequ.

V. Justum dedúxit Dóminus per vias rectas, allelúja. R. Et osténdit illi regnum Dei, allelúja.

Ad Magnif. Ant. Benedíxit Deum cœli, et locútus ait: Sit nomen Dómini benedíctum a sâculo et usque in sâculum: quia sapiéntia et fortitúdo ejus sunt. Et ipse mutat témpora et ætâtes: transfert regna atque constituit. Tibi, Deus patrum nostrórum, confiteor teque laudo: quia sapiéntiam et fortitúdinem dedísti mihi, allelúja.

FESTA JUNII.

Die 1. Junii.

Antiochiæ:

Tertia die infra Octavam

S. Ferdinandi.

Semiduplex.

In I. Nocturno Lectiones de Scriptura occurrente.

In II. Nocturno.

De Sermóne sancti Joánnis Chrysóstomi.

De S. Philogonio, ante med.

Lectio iv.



d hanc beátam ré-
quiem tránsiit beá-
tus Ferdinándus.

Quænam igitur orátio par sit viri laúdibus, quem Deus tam felíci sorte dignátus est? Non est ulla. Sed age, dic mihi, num idcirco silé-
bimus? et cujus rei grátia convénimus? An dicémus non haud posse magnítudinem gestórum oratióne cónsequi? Atqui ob hoc ipsum necesse est dicere; quandóquidem hæc est præcípua laudum illíus pars, quod factis verba æquiparári non possint. Nam quorum benefácta natúram étiam súperant mortálem, perspícuum est, quod horum laudes excédunt linguam humanam. Haud tamen ob id aspernábitur officium nostrum, quod pro víribus præstámus, sed suum imitábitur Dóminum; síquidem et ille víduæ duos tantum óbolos dejiciénti in gazophylácium non tantum duórum obolórum mercédem, sed multo ámplius réddidit.

R. Leváte signum. 61*

Lectio v.

Proinde quamvis nostræ facultátes exíguæ sint minimíque prétii, áttamen, quæ pòssumus, offérimus. Et licet non respóndeant magnítudini meritórum ánimæ præclári justique Fer-

dinándi, tamen hoc ipsum celsitudinis illius máximum fúerit arguméntum, quod nec pusilla repéllat, sed idem fáciat, quod solent dívites. Siquidem illi, cum accéperint a tenúibus exigua, quibus non egent, sua vicíssim appónunt remunerántes eos, qui, quod póterant, obtúlerint. Itidem et hic, cum accéperit a nobis laudem verbis peráctam, qua nequáquam eget, redonábit nobis per ipsa facta benedictionem, qua semper uti possimus.

R. Cum audísset. 61*

Lectio vi.

Unde igitur laudatióem illius auspicábimur? An a magistrátu, quem spíritus illi trádidit grátia? Nam mundáni magistrátus nequáquam possunt christianórum demonstráre virtútes, quin pótius frequénter habent accusatióem malítiæ. Quam ob causam? quóniam et sollicitúdes amicórum et circumcursatiónes et adulatiónes áliaqua permúlta his fœdiórea tales magistrátus solent conciliáre. Céterum ubi Deus suo suffrágio designárit áliquem, incorruptum suffrágium, aliénium ab omni suspicióne iudícium, indubitáta fúerit de-

lécti comprobátio, propter ejus, qui delégit, auctoritátem.

R. Jéricho clausa. 61*

In III. Nocturno.

Lectio sancti Evangélíi secúndum Lucam.

Lectio vii. Cap. 12.

In illo témpore: Dixit Jesus discipulis suis: Nolíte timére pusillus grex, quia complácuit Patri vestro dare vobis regnum. Et réliqua.

Homilia sancti Petri Chrysólogi.

Ex Sermone 22.

Præmia statuúntur iis semper, quibus certámina dura proponúntur: ac pro magnitúdine certáminis, præmii propónitur magnitúdo. Hinc est, quod discipulis suis Christus regnum ponit in præmio, ut in certámine non cedant periculis, non timóri. Perícula déspicit, qui tendit ad regnum: victóriæ cupidus nescit timére. Nolíte timére, inquit, pusillus grex: quia complácuit Patri vestro dare vobis regnum. Grex pusillus mundo, magnus Deo: pusillus, quia gloriósos vocat eos, quos instituit ad óvium iñocéntiam, et mansuetúdinem christiánam.

R. Congregávit. 62*

Lectio viii.

Adjecit quid faciendum sit regnatúris: Véndite, quæ possidéitis. Non potest dominári ómnibus, nisi is, qui própriis non tenétur. Dejeçtæ mentis est, qui familiáris rei méminit, cum vocátur ad regnum; jacens ánimus plebéjus númulum thesaúris regalibus antepónit. Pauper sensus parvis incubans, perdit magna: et inhians temporálibus, déserit sempitérna. Homo, tali mónitu Christus te dítare vóluit, non nudáre: manére tibi tua vóluit, non períre: perpetuári, non vacuári sácculos imperávit: jussit te transférre, non pérdere.

R̃. Manet. 63*

Lectio ix.

Plus consílio patris agit, quam jure dominántis. Inter insídias latrónum et tineárum morsus, quare tua recóndas, objúrgat: pervígiles noctes, dies ánxios, sollicita témpora ne tibi ipse fácias, commonéris. Auri custos, servátor argénti, securitátem non habet, nescit quiétem: et cui deest secúritas, quies perit: pœna dives est ille, non censu. Thesaúrum non deficiéntem in cœlo: hoc est

dícere, Ubi ego sum, ibi pónite: date mihi, ego servo. Homo, da Patri, crede Deo: quia et hærédi Pater, et Deus hómini créditum non negábit: tenére tua non potest, quia sua dedit.

Te Deum laudámus.

Die 2. Junii.

B. Mariæ Annæ a Jesu de Paredes Virg.

Duplex.

Omnia ut inter festa pro aliquibus locis eadem die.

Et fit comm. et Lect. ix. (ex duabus una) de Ss. Marcellino et Soc. Martyr. ut in Breviario hac die.

Die 3. Junii.

Antiochiæ:

Quinta die infra Octavam

S. Ferdinandi.

Semiduplex.

In I. Nocturno Lectiones de Scriptura occurrente.

In II. Noct. Lect.: **Ex libro Morálíum S. Gregórii Papæ.** Deridétur. ut in Comm. Conf. non Pont. 2. loco.

In III. Nocturno.

Léctio sancti Evangélii scúndum Lucam.

Lectio vii. Cap. 12.

In illo témpore: Dixit Jesus discípulis suis: Nolíte timére, pusíllus grex, quia complácuít Patri vestro dare vobis regnum. Et reliqua.

De Homilia sancti Petri
Chrysólogi.

Ex Sermone 23.

Sed audiámus jam, quid pusillo gregi talis promiserit pastor. Nolíte timére, inquit, pusillus grex, quia complácuit Patri vestro dare vobis regnum. O bónitas effúsa! O inaudíta píetas! O ineffábilis afféctio! In societáte census pastor oves assúmit, atque ad consórtium dominationis servos Dóminus adsciscit; ad principátum regni Rex gregem pópuli totius admittit. Sic, sic dat, cui deficere census, cui regnum mínui, vacuári potéstas non potest largiéndò.

R. Congregávit. 62*

Lectio viii.

Ecce, qui dat, dare lóquitur Patrem. Numquid largitátem suam dénégat sic dicéndo? Absit: non potestátem mínuit, sed pandit afféctum, sic dicéndo: non distántiam facit, sed Patris suámque voluntátem monstrat, firmat unitátem. Quod autem dixit: Complácuit; et non dixit: Plácuit; munus édocet Trinitátis, quia,

quod erga nos Fílio plácuit, hoc complácuit Trinitáti.

R. Manet invíctus. 63*

Lectio ix.

Post tantam ergo Dóminus largitátem, post suam grátiam tibi copiósius collátam, abjécta et vília pecúlia servitútis jubet abjícere regnatúrum. Véndite, quæ possidéti, et date eleemósynam. Plebéjum cultum régia non admittit potéstas, augústus honor non nisi diadémate confératur et púrpura. Abjícere ergo debet hábitum servitútis, qui se regem credit divínitus consecratum. Est consuetúdinis, est ánimi felícis, ut ascítus ad regnum, quod fuit próprium, quod privátum, mox paréntibus, mox propínquis, civibus indigéntibus liberaliter prorogáret, ne sit mendícus ánimo, qui censu functus et honóre.

Te Deum laudámus.

Die 6. Junii.

Antiochiæ:

Dies Octava

S. Ferdinandi Reg. Conf.

Duplex.

Omnia ut in die festi, præter Lectiones quæ sequuntur.

In I. Nocturno Lectiones de Scriptura occurrente.

In II. Nocturno.
De Sermóne S. Bernárdi
Abbátis.

Serm. 2. de S. Victore.

Lectio iv.

Gaudéte in Dómino, dilectíssimi, qui inter continúa suæ pietátis beneficia indúlsit hóminem mundo, cujus multi salvaréntur exémplo. Iterum dico: Gaudéte, quod factus de médio appropriávit Deo, ut multo plures ejus intercessióne salvéntur. In terris visus est, ut esset exémplo: in cœlum levátus est, ut sit patrocínio. Hic infórmát ad vitam, illic invítat ad glóriam: factus est mediátor ad regnum, qui fuit incitátor ad opus. Bonus mediátor, qui sibi jam póstulans nihil, totum in nos transférre desíderat et supplicántis afféctum, et supplicatiónis fructum: quid enim quærat sibi, qui nullíus eget?

R̃. Leváte signum. 61*

Lectio v.

Hæc dies gloriósæ migrationis ejus, dies lætitiæ cordis ejus, exsultémus et lætémur in ea: introívit in poténtias Dómini, gaudeámus, quia nunc poténtior est ad salvándum. Hódie Ferdinándus pósito córpore, tanto alácrior, quanto

expeditior penetrávit in sancta, símilis factus in glória sanctórum. Hódie, despécto mundo, et mundi príncipe triumpháto, supra mundum vere victor ascéndit, accípiens de manu Dómini corónam victóriæ. Ascéndit autem cum imménsa supelléctili meritórum, clarus triúmphis, miráculis gloriósus: sedet veteránus miles, débita jam suavitate et securitate quiétus; securus quidem sibi, sed nostri sollicitus. O venerándam étiam ipsis Angelis sanctitátem! quam pari stúdio, etsi díspari voluntáte, et mali fúgitant, et fréquentant boni! Nec fáciie díxerim, quid virum ádstruat sanctiorem, horum favor, aut pavor illórum.

R̃. Cum audísset. 61*

Lectio vi.

Omiles emérite, qui cristiánæ militiæ duris laboribus angélicæ felicitátis réquiem commutásti! respice ad imbélles et imbecilles commilitónes tuos, qui inter hostiles gládios et spiritáles nequítias tuis laúdis occupámur. Quam pium, quam dulce, quam suáve, o Ferdinándè, in hoc loco afflictiónis et in hoc córpore mortis te cánere, te cólere, te precári! No-

men tuum, et memoriále
tuum favus distillans in lá-
biis captivórum; mel et lac
sub lingua eórum, qui tui
memória delectántur. Eja
ergo, fortis athléta, dulcis
patróné, advocáte fidélis,
exsúrge in adjutórium no-
bis; ut et nos de nostra
creptióne gaudeámus, et tu
de plena victória gloriéris.

R. Jérico clausa. 61*

In III. Nocturno Lectiones ut
in die festi.

Die 7. Junii.

Antiochiæ:

S. Norberti Episc. et
Confessoris.

Duplex.

Ut in Breviario die 6. hujus.

Die 10. Junii.

S. Margaritæ Reginae
Scotiæ Viduæ.

Duplex.

Omnia ut in Brev. hac die.



Index alphabeticus.

Agnetis a Monte Politiano Virg. dupl. 20. Apr.	pag. 41*
Boni Latronis Conf. dupl. 26. Martii.	27*
Braulii Episc. Conf. dupl. 20. Martii.	25*
Canuti Reg. et Mart. semid. ad lib. 14. Febr.	6*
Cleti et Marcellini Pont. Mart. semidupl. 14. Maji.	49*
Cyrilli Episc. Alexandr. Conf. et Doct. dupl. 16. Febr.	10*
Cyrilli Episc. Hierosolymit. Conf. et Eccl. Doct. dupl. 22. Martii.	27*
Dominici Calceatensis Conf. dupl. 23. et 29. Maji.	51* 58*
Eulaliæ Emeritensis Virg. et Mart. dupl. 12. Febr.	1*
Ferdinandi Regis Conf. dupl. 1. cl. cum Oct. 30. Maji.	58*
— — Octava. dupl. 6. Junii.	69*
Florentinæ Virg. dupl. 14. Martii.	20*
Francisci Salesii Ep. Conf. et Eccl. Doct. dupl. 13. Febr.	4*
Gabriëlis Archangeli. dupl. majus. 18. Martii.	25*
Hemetherii et Celedonii Mart. dupl. 3. Martii.	14*
Isidori Agricolæ Conf. dupl. 15. Maji.	49*
Joannis Nepomuceni Mart. 16. Maji.	49*
— — Octava. duplex. 23. Maji.	52*
Justini Mart. dupl. 15. Apr.	38*

Lanceæ et Clavorum D. N. J. Chr. dupl. maj. Feria VI.	pag.
post Domin. I. Quadrag.	12*
Leandri Episc. et Conf. dupl. 13. Martii.	15*
Margaritæ Reginæ Scotiæ Viduæ. dupl. 10. Junii.	71*
Mariæ Annæ a Jesu Virg. dupl. 17. Apr.	39*
Mariæ Annæ a Jesu de Paredes Virg. dupl. 2. Junii.	68*
Mariæ B. V. Auxilium Christianor. dupl. maj. 24. Maji.	55*
— — de Bono Consilio. dupl. majus. 26. Apr.	43*
Norberti Episc. et Conf. dupl. 7. Jun.	71*
Petri Gonzalez Conf. dupl. 14. Apr.	34*
Petri Regalati Conf. semidupl. 13. Maji.	47*
Philippi Nerii Conf. dupl. 26. Maji.	55*
Pretios. Sanguinis D. N. J. Chr. dupl. majus. Feria VI.	
post Domin. IV. Quadrag.	12*
Prudentii Episc. Conf. dupl. 11. Maji.	45*
Quinque Vulnerum D. N. J. C. duplex majus. Feria VI.	
post Domin. III. Quadrag.	12*
Raymundi de Fitero Abbat. dupl. 15. Martii.	22*
Raymundi de Peñafort Conf. semid. 15. Febr.	8*
Rudesindi Episc. et Conf. dupl. 1. Mart.	12*
Sacratissimæ Sindonis D. N. J. C. dupl. maj. Feria VI.	
post Domin. II. Quadrag.	12*
Sebastiani ab Apparicio Conf. dupl. 25. vel 26. Febr.	10*
Thuribii a Liebana Episc. Conf. dupl. 16. Apr.	38*
Thuribii de Mogrovejo Episc. et Conf. dupl. 27. Apr.	43*
Torquati et Soc. Episc. et Mart. dupl. 21. Maji.	49*
Ualdi Episc. et Conf. semid. 22. Maji.	51*



Concordant cum Originalibus.

Ratisbonæ, die 30. Martii 1896.

Dr. **Fr. X. Leitner**, Vic. in Spirit. Gen.



OFFICIA PROPRIA ECCLESIASTICÆ PROVINCIÆ SANCTÆ FIDEI NEOGRANATENSIS.

PARS ÆSTIVA.

Die 15. Maji.

S. Isidori *Agricol. Conf.*
Duplex.

*Omnia ut inter festa pro ali-
quibus locis eadem die.*

Die 16. Maji.

S. Joānis Nepomuceni
Martyris.

Duplex.

Neo-Pampilone:

Duplex 2. cl. cum Octava.

*Omnia ut inter festa pro ali-
quibus locis eadem die 2. loco.*

Die 21. Maji.

Ss. Torquati et Socior.
Episc. et Mart.

Duplex.

*Omnia de Coṃmuni plurimor.
Mart., præter sequentia.*

Oratio.



eus qui nos post
beatissimum Ja-
cóbū Apóstolū
per beátos Már-
tyres tuos atque Pontifices
Torquátum, Ctesiphóntem,
Secúndum, Indalétium, Cæ-
cílium, Hesýchium et Eu-
phrásium ad agnitióem tui
nóminis veníre tribuísti:
concéde propítius; ut quos
festívo venerámur obsé-
quio, eórum intercedénti-
bus méritis, æténa gáudia
consequámur. Per Dómi-
num nostrum Jesum Chri-
stum Fílium tuum: Qui
tecum.

*In I. Nocturno Lectiones de
Scriptura occurrente.*

In II. Nocturno.

Lectio iv.

Quo tēpore primam in christiānos persecutiōnem Nero immanissimus imperātor excitāvit, beatissimi Apóstoli Petrus et Paulus Torquātum, Ctesiphōntem, Secundum, Indalētium, Cæciliū, Hesychium et Euphrasium, beāti Jacobi Apóstoli discipulos, episcopos Romæ ordinārunť, et ad prædicāndum Christi evangélium in Hispāniam misērunt. Cum autem ad eam provinciam pervenissēť, prope Accitānam urbem, in viridi campo, ut longitūdine itineris lassāti aliquántulum quiescerent, constitērunt. Cumque ad civitatē victus emēdi causa aliquos misissēť, pagāni, qui tunc forte deórum suórum festa debacchāntes peragēbant, visis divērsi hábitus, ac religiōnis peregrinis hominibus, in eos furēntes prosiliunt: et ad sanctos perveniēntes, omnes páriter in fugam actos, usque ad flumen proseguuntur.

R. Sancti tui.

Lectio v.

Sed ut viri Dei pontem pertransiērunt, pons, qui miræ magnitudinis et

firmissimus erat, cōciderit, et gentiliū multitudinem, sanctos persequēntem, páriter oppressit ac demērsit in aquas. Quo miraculo acolæ tērriti eos póstea revocāre, et in honóre habere cōpērunt. In primis Lupária quædam præclára mŭlier benigne illos suscepit, atque ab his fidem edócta, in oratório, quod ipsa construxerat, baptizáta est. Cujus exēplo quam plúrimi in Christum credēntes, relictis idólis, baptísmi sacramētum suscepērunt.

R. Vérbera carníficum.

Lectio vi.

Hujus igitur urbis, quæ tunc prima Christi Dómini fidem in Hispānia recepit, beātus Torquātus episcopus designátus est: ac céteris ad alias Hispāniæ terras abeuntibus, ipse Acci remānsit, ubi multis pro Christo perfúctus labóribus, demum martyr occubuit. Ejus corpus in eādē urbe (quæ nunc Guádix appellátur) primo sepúltum est. Juxta cujus sepúlchrum olim arbor olivæ erat, quæ in natáli mártiris florēbat, simulque fructus úberes emittēbat: e quibus óleum expréssum, ad vários mor-

bos curandos adhibebatur. Inde in Gallæciam translatum, in quodam coenobio ordinis sancti Benedicti, condigno honore asservatur. Sodales sancti Torquati, et ipsi in variis urbibus episcopi constituti Christi evangelium prædicarunt, et in eis quieverunt: Ctésiphon Vërgii, Secundus Abulæ, Indalétius Urci, Cæcilius Illiberi, Hesýchius Cartéjæ, Euphrásius Illiturgi; quorum corpora ad alias postea Hispániæ urbes translata sunt.

R. Tamquam aurum.

In III. Nocturno Homilia in Evang. Cum audieritis. de Com. plur. Mart. 1. loco.

Die 22. Maji.

S. Ualdi Episc. et Conf.
Semiduplex.

Omnia ut in Breviario die 16. hujus.

Die 23. Maji.

S. Dominici Calceatensis Confessoris.

Duplex.

Omnia de Comuni Conf. non Pont., præter sequ.

Oratio.

Clementissime Deus, qui beatum Dominicum Confessorem tuum egregiis virtutibus illustrare dignatus es: concède, quæsumus; ut,

cujus (hodie) natalitia celebramus, ejus intercessione a peccatorum nostrorum nexibus liberari, et illius consortio in coelis perfrui mereamur. Per Dominum nostrum.

In I. Nocturno Lectiones de Scriptura occurrente.

In II. Nocturno.

Lectio iv.

Dominicus Calceatensis, Villoriæ in finibus Cantabriæ illustri genere natus, qualis adultæ futurus esset ætate, in juvenilibus annis plurima virtute et pietate monstravit. Itaque ante annum ætatis vigésimum divino succensus ardore, mundana cuncta contemnens, Deo adhærere ejusque firmiter obedire mandatis secum studiose constituit. Id vero sub regulari disciplina se facilius consecuturum existimans, primum ad abbatem vallis Venariæ ordinis sancti Benedicti, deinde ad monasterium sancti Æmiliáni ejusdem instituti supplex accessit, ut in monachorum consortium admitteretur. Passus tamen utroque loco repulsam, Deo illum ad majora disponente, in oratione assidua variisque corporis cruciatibus per quinquennium vitam

duxit eremíticam in desérto Burébæ, constrúcto húmili tugúrio et Deíparæ Virgini sacélló.

R̃. Honéstum fecit.

Lectio v..

Audíta porro fama sanctísimi viri Gregórii, cardínalis epíscopi Ostiénsis, sedis apostólicæ legáti, qui suis apud Deum précibus et salutáribus ad pópulum mónitis univérsam Cantábriæ et Navárræ regiónem a multis liberávit ærúmnis, ad eum Lucrónii hæréntem accéssit, sub cujus disciplína mirum in modum profécit, numquam ab eo passus divélli, donec vir sanctus e vivis excéssit. Tanto destitútus magístro dénuo ad vitam regréssuseremíticam eo cónstitit loco, quo nunc requiéscit, haud procul a via régia, qua iter erat ad sancti Jacóbi Compostellánam peregrinatióem, densis silvis et latrónum incúrribus periculósum, palúdbus et cænósis anfráctibus nimis moléstum, transvérsi flúminis alluvióne fréquénter impérvium.

R̃. Amávit eum.

Lectio vi.

Compássus itaque vir sanctus tot tantisque per-

egrinórum incómodis, Deo multis modis mirábiliter propitiánte, silvam, némo-ra, lucos succídít, viam régiam longe latéque stravit, flúminis ímpetus nóbili superindúcto ponte, qui étiam nunc cérnitur, superávit. Domum amplam peregrínis et egénis excipiéndis ædificávit, et Christo Salvatóri templum, quod póstea, confluéntibus vicínis pópulis urbémque a sancti viri nómine nuncupátam construéntibus, cáthedra insignítum est episcopáli. Multis demum virtútibus et miráculis illústris, superátis annis nonagínta, obdormívit in Dómino, anno millésimo centésimono nono, cónditus in túmulo, quem ipse ante annos septem sibi præparávit.

R̃. Iste homo.

In III. Nocturno Homilia in Evangel. Sint lumbi. de eodem Comm. 1. loco.

Eadem Die.

Neo-Pampilone: .

Dies Octava

S. Joannis Nepomuceni Martyris.

Duplex.

Officium ut in festo.

In I. Nocturno Lectiones de Scriptura occurrente.

In II. Nocturno.

Sermo sancti Joánnis
Chrysóstomi.

De peccatis non evulg.
Serm. 57.

Lectio iv.

Non hæc medicamentorum istorum præcipua laus est, quod animas sanent, quod temporis longinquitatem non corrumpantur, quod a morbis non vincantur, quod eorum utilitas gratis propòsita sit, quod ex æquo divitibus et pauperibus pateat medicina; sed et aliud quidpiam nihilo minus his boni habent. Quodnam illud tandem est? quod nos ad hanc medici officinam venientes non divulgamus. Nam illi quidem, qui ad profanas medicorum officinas abeunt, multos habent vulnorum spectatores; hic vero non ita fit, sed cum innúmeros videamus ægròtos, occulte illos curamus. Neque enim in médium adductis peccatoribus, eorum deinde peccata divulgamus.

R̃. Instans orationi.

Lectio v.

Hoc vero non mediocriter illis prodest. Nam cum vulgi existimationi simus addicti, quàm diu quidem latere nos putamus,

qui mali sumus, fieri meliores studemus: postquam autem omnibus innotuimus, et solatium illud ex occultatione perdidimus, eo magis imprudentes ac negligentes evadimus. Et quemadmodum, quæ deteguntur ulcera, semperque frigidò aëri exponuntur, acerbiora fiunt: ita quoque anima peccati rea, si coram multis ob ea, quæ deliquit, reprehendatur, imprudentior evadit. Ne igitur hoc accideret, clam vos sermo curavit.

R̃. Dispèrsit, dedit.

Lectio vi.

Atque ut intelligatis, admodum utilem hanc occultam esse medendi rationem, audite, quid Christus dicat: Si peccaverit in te frater tuus, corripe eum. Et non dixit: Inter te et civitatem, neque inter te et populum: sed inter te et ipsum solum. Sit sine testibus accusatio, inquit, ut facilius fiat mutatio in melius. Magnum ergo bonum est, si non publice fiat cohortatio: sufficit conscientia, sufficit incorruptus ille iudex. Non ita tu peccatorem reprehendis, ut ipsius conscientia (quippe quod asperior illa sit accusator), neque delicta

ejus accurátius nosti. Noli ergo vulnus vulneribus áddere, dum auctórem peccáti divúlgas: sed semótiis árbitris admonitióem adhibéto. R̃. Ego scio.

In III. Nocturno.

Léctio sancti Evangélíi secúndum Matthæum.

Lectio vii. Cap. 11.

In illo témpore: Cum audisset Joáñnes in vinctulis ópera Christi, mittens duos ex discipulis suis, ait illi: Tu es, qui ventúrus es, an álium exspectámus? Et réliqua.

Homilía sancti Joánnis Chrysóstomi.

In var. Matth. loc. Hom. 16.

Ténuit, inquit, Joáñnem et álligans pósuit eum in cárcere. Heródes, te petit causa, te árguunt víncula, te carcer accúsat, te divúlgat pro dúcta in públicum pœna. Joáñes injuriátur: causam custódiæ qui requírit, in te ínvenit, quod púniat, et in Joáñne, quod dóleat. Joáñnes orbi notus, fama virtútis cógnitus, celebratíssimus sanctitáte, dum átrahit ad se inquisitóres injuriæ, facit, ut tuus cunctis innotéscat incéstus: agit, ut te hábeat confúsió pública, quam corrígere non

váluit secréta corréptio et priváta. Heródem Joáñnes mónitis, non accusatióne pulsávit, útpote amátor castitátis, quem corrígere vóluit, non períre. Sed Heródes, fácibus libídinis ardens, períre máluit, quam redíre. R̃. Cum corriperétur.

Lectio viii.

Odiósa fit semper libértas. Nam virtus contrária vitiósis, sacrílegis exósa sáncritas, inimíca cástitas impudícis, corrúptis intégritas pœna, luxuriósis advérsa frugálitas, crudélibus dura semper misericórdia, ímpiis píetas non ferénda. Probat hoc Evangélista, cum dicit: Dicébat Joáñnes: Non licet tibi accíperé uxórem Philíppi fratris tui. Ecce unde Heródes furit: malos qui monet, offéndit, incúrrit ódium, qui árguit criminósos. Dicébat Joáñnes, quod erat legis, quod justítiæ, quod erat salútis: certe quod erat non ódii, sed amóris. Ecce qualem consecútus est ab ímpio pro pietáte mercédem.

R̃. Réddidit Deus.

Lectio ix.

Volens, inquit, occídere eum, tímuit pópulum. Fáciie déviat a justítia, qui in causis non Deum, sed

hómínes formídat. Hic timor peccándi differt facultátem, non aufert voluntátem. Unde étiam, quos suspéndit a crimíne, avidióres reddit ad crimen: et æstuat ánimo, quoúsque perficiat, quod cógitat malum. Solus enim Dei est timor, qui nocéntes córrigit, fugat crimína, innocéntiam servat, pérpetem tribuit facultátem. Te Deum.

Vesp. de sequ. cum commem. diei Octavæ S. Joannis Nepomuceni.

Die 24. Maji.

B. Mariæ V. Auxilium Christianorum.

Duplex majus.

Omnia ut inter festa pro aliquibus locis eadem die.

Die 26. Maji.

S. Philippi Nerii Conf.

Duplex.

(Ex decreto S. R. C. diei 12. Junii 1896.)

Omnia de Communi Conf. non Pont., præter sequ.

Oratio.

Deus, qui beátum Philíp-pum Confessórem tuum sanctórum tuórum glória sublimásti: concéde propítius; ut cujus solemnitate lætámur, ejus virtútum proficiámus exémplo. Per Dóminum nostrum.

Et fit commem. præced., Ant. **Dum esset. V. Justum dedúxit.** Oratio. Deus in te. ut in Breviario hac die.

Postea S. Eleutherii Pap. M. Ant. **Iste sanctus. V. Glória et honóre.** Oratio. Infirmitátem.

Oratio.

Infirmitátem nostram respice omnipotens Deus: et quia pondus propriæ actionis gravat, beáti Eleutherii Mártiris tui atque Pontíficis intercessio gloriósa nos prótegat. Per Dóminum.

In I. Nocturno Lectiones de Scriptura occurrente.

In II. Nocturno.

Lectio iv.

Philíppus Nérius, piis honestisque paréntibus Floréntiæ natus, ab ipsa ineunte ætáte non obscura dedit futurae sanctitátis indícia. Adolés-cens, ampla pátrui hæreditáte dimissa, Romam se cóntulit; ubi philosophía ac sacris lítteris eruditus, totum se Christo dicávit. Ea fuit abstinéntia, ut sæpe jejúnus tríduum permánserit. Vigíliis et oratióibus inténtus, septem Urbis ec-clésias frequénter vísitans, apud cœmetérium Callisti in cœléstium rerum contemplatióne pernoctáre consuévít. Sacerdos ex obediéntia factus, in ani-

márum salúte procuránda totus fuit; et in confessi-
onibus audiéndis ad extré-
mum usque diem perseverá-
rans, innúmeros pene fi-
lios Christo péperit; quos
verbi Dei quotidiano pá-
bulo, sacramentórum fre-
quéntia, oratiónis assidui-
táte, aliisque piis exercita-
tiónibus enutriri cúpiens,
Oratórii congregatiónem
instituit. R. Honéstum.

Lectio v.

Caritáte Dei vulnerátus
languébat júgiter, tantó-
que cor ejus æstuábat ar-
dóre, ut cum intra fines
suos continéri non posset,
illius sinum, confráctis at-
que elátis duábus cóstulis,
mirabiliter Dóminus am-
pliáverit. Sacrum vero fá-
ciens, aut fervéntius orans,
in áëra quandóque sublá-
tus, mira úndique luce ful-
gére visus fuit. Egénos et
paúperes omni caritátis
officio prosequébátur: di-
gnus, qui et Angelo in spé-
cie paúperis eleemósynam
erogáret; et dum egéntibus
noctu panem deférret, in
fóveam lapsus, inde páriter
ab Angelo incólumis eri-
perétur. Humilitáti addi-
ctus, ab honóribus semper
abhórruit, atque ecclesiá-
sticas dignitátes, étiam pri-
márias, non semel ultro

delátas, constantíssime re-
cusávit. R. Amávit eum.

Lectio vi.

Prophetiæ dono fuit illú-
stris, et in animórum
sénsibus penetrándis mirí-
fice enítuit. Virginitátem
perpétuo illibátam servá-
vit: idque assecútus est, ut
eos, qui puritátem cólerent,
ex odóre, qui vero secus, ex
foetóre dignósceret. Absén-
tibus intérdum apparuit,
iisque periclitántibus opem
tulit. Ægrótos plúrimos et
morti próximos sanitáti re-
stituit. Mórtuum quoque ad
vitam revocávit. Cœlésti-
um spírituum, et ipsíus Dei-
paræ Vírginis frequénter
fuit apparitióne dignátus, ac
plurimórum ánimas splen-
dóre circumfúsas in cœlum
conscéndere vidit. Dénique
anno salútis millésimo
quingentésimo nonagési-
mo quinto, octávo Ka-
léndas Júnias, in quem
diem incidérat festum Cór-
poris Christi, Sacro má-
xima spíritus exsultatióne
perácto, ceterisque functi-
onibus explétis, post mé-
diam noctem, qua præ-
dixerat hora, octogenárius
obdormívit in Dómino.
Quem Gregórius décimus
quintus miráculis clarum
in sanctórum número ré-
tulit. R. Iste homo.

In III. Nocturno.

Lectio sancti Evangélíi secúndum Lucam.

Lectio vii. Cap. 12. e.

In illo témpore: Dixit Jesus discipulis suis: Sint lumbi vestri præcincti, et lucérnæ ardéntes in máni-bus vestris. Et réliqua.

Homilia sancti Gregórii Papæ.

Homilia 13. in Evangelia.

Sancti Evangélíi, fratres caríssimi, apérta vobis est lectio recitata. Sed ne aliquibus ipsa ejus planities alta fortasse videatur, eam sub brevitate transcúrrimus, quatenus ejus expositio ita nesciéntibus fiat cógnita, ut tamen sciéntibus non sit onerosa. Dóminus dicit: Sint lumbi vestri præcincti. Lumbosenim præcingimus, cum carnis luxúriam per continéntiam coarctámus. Sed quia minus est, mala non ágere, nisi étiam quisque stúdeat, et bonis opéribus insudáre, prótinus ádditur: Et lucérnæ ardéntes in máni-bus vestris. Lucérnas quippe ardéntes in máni-bus tenémus, cum per bona ópera próximis nostris lucis exémp-la monstrámus. De quibus profecto opéribus Dóminus di-

cit: Lúceat lux vestra coram homínibus, ut vídeant ópera vestra bona, et gló-rificent Patrem vestrum, qui in cœlis est.

R̃. Iste est qui.

Lectio viii.

Duo autem sunt, quæ jubéntur, et lumbos restringere, et lucernas tenere: ut et munditia sit castitátis in corpore, et lumen veritátis in operatióne. Redemptóri etenim nostro unum sine áltero placere nequáquam potest: si aut is qui bona agit, adhuc luxúriæ inquinaménta non deserit: aut is qui castitate præéminet, necdum se per bona ópera exércet. Nec castitas ergo magna est sine bono ópere, nec opus bonum est álquod sine castitate. Sed et si utrúmque ágitur, restat, ut quisquis ille est, spe ad supérnam pátriam tendat, et nequáquam se a vítiis pro mundi hujus honestate contineat.

R̃. Sint lumbi.

Pro S. Eleuthério Papa Mart.

Lectio ix.

Eleuthérius, Nicópoli in Græcia natus, Anicéti Pontificis diáconus, Cómmodo imperatóre præfuit Ecclésiæ. Huic initio pontificátus

súpplīces lītteræ venērunt a Lúcio Britannórum rege, ut se ac suos in Christia-
nórum númerum recíperet. Quamóbrem Fugátium et
Damiánum, doctos et pios viros, misit in Británniam,
per quos rex et réliqui fide-
dem susciperent. Hoc Pon-
tífice Irenæus Polycáрпи
discípulus Romam véniens,
ab eo benígne accéptus est.
Quo témpore summa pace
et quiéte fruebátur Ecclé-
sia Dei: ac per totum or-
bem terrárum, máxime Ro-
mæ, fides propagabátur.
Vixit Eleuthérius in pon-
tificátu annos quíndecim,
dies vigínti tres. Fecit or-
dinatiónes tres mense De-
cémври, quibus creávit
presbýteros duódecim, diá-
conos octo, epíscopos per
divérſa loca quíndecim: se-
pultúsque est in Vaticáno
prope corpus sancti Petri.

Te Deum laudámus.

In Laudib. pro commemor.
S. Eleutherii.

Ant. Qui odit. V. Justus ut
palma. Oratio. Infirmitátem.

In II. Vesp. fit comm. sequ.
ac S. Joannis Papæ et Mart.

Die 29. Maji.

Neo - Pampilone:

**S. Dominici Calcea-
tensis** Confessoris.

Duplex.

Ut supra die 23. hujus.

Die 30. Maji.

S. Ferdinandi Reg. Cf.

Extra dícecesim Antioch.

Duplex.

Antiochiæ: Patr. Præc. Díceç.

Duplex 1. classis cum Oct.

In I. Vesperis.

Ant. et Capit. de Laud. 16*;

Ps. ut in I. Vesp. de Com. Apost.

Hymnus.



uale, cum cœlum to-
nat atque densæ
Fúlgurant nubes,
ruit et vagátur

Fulmen in partes várias
agénte

Núminis ira:

Arcium prodest nihil alta
moles

Túrbinem contra volucrès-
que flammæ,

Missus e cœlo ruit ultor
ignis

Súmmaque tangit:

Non secus circum metu-
énda ducens

Arma Fernándus premit
acer hostes,

Pérsonant late loca militári
Pulsa fragóre.

Quid ducem contra váli-
dum phalánges

Pérfdi Mauri potuére?
quanta

Strage vexillum vólitans
crucisque

Téssera vicit?

Agminum ductor, Deus
unus, una
In tribus virtus, tibi corda
semper
Glóriam cantent, tibi no-
stra soli
Arma triúmphant.
Amen.

Ÿ. Amávit eum Dóminus,
et ornávit eum. R. Stolum
glóriæ induit eum.

Ad Magnif. Ant. Agaréni
et alienígenæ dixerunt: Hæ-
reditate possideamus san-
ctuárium Dei. Deus meus,
pone illos ut rotam, et sicut
stípulam ante faciém venti,
et cognóscant, quia nomen
tibi Dóminus: tu solus al-
tíssimus in omni terra.

Oratio ut in Laud. 17*

Extra Antiochiam fit comm.
S. Felicis I. Papæ et Martyr.
Ant. Iste sanctus. Ÿ. Glória et
honóre. Oratio. Infirmitatem. ut
in Brev. hac die.

Ad Matutinum.

Invit. Regem regum, et
dóminum dominántium, *
Veníte, adorémus.

Ps. Veníte, exsultémus.

Hymnus.

Non decus vanum vel iní-
qua laudis
Aura Fernándum neque cæ-
cus ardor
Impium Maurum mérita
domáre
Cæde coégit.

Cáritas movit pátriæ fi-
désque
Cordis accénsis animáta
flammis,
Pulchra virtútum comi-
tante longo
Ordine virtus.

Sub jugo Mauræ ditiónis
olim
Híspalis longum genuísse
docta
Prístinæ demum reparávit
altos
Legis honóres.

Inde vicinas éadem beá-
vit
Faústitas urbes, píetas re-
vixit,
Et salus et pax et ubique
moris
Cultus honésti.

Agminum ductor, Deus
unus, una
In tribus virtus, tibi corda
semper
Glóriam cantent, tibi nostra
soli
Arma triúmphant.
Amen.

In I. Nocturno.

Ant. Quæsívit Dóminus
sibi virum juxta cor suum:
et præcépit ei, ut esset
dux super pópulum suum.

Psalmi trium Nocturnorum de
Comm. Conf. non Pont.

Ant. Confirmávit Dómi-
nus regnum in manu ejus:

crevit et magnificátus est usque in sublíme.

Ant. Fui rex in Jerúsalem, ecce magnus effectus sum, sapiéntia quoque perseverávit mecum.

Y. Amávit eum Dóminus et ornávit eum. R. Stolum glóriæ induit eum.

De libro Sapiéntiæ.

Lectio i. Cap. 6. et 8.



Audíte, reges, et intelligíte; díscite, júdices finium terræ. Præbéte aures vos, qui continétis multitudines, et placétis vobis in turbis natiónum: quóniam data est a Dómino potéstas vobis, et virtus ab Altíssimo, qui interrogábit ópera vestra, et cogitátiones scrutábitur. Ad vos ergo, reges, sunt hi sermones mei, ut discátis sapiéntiam, et non excidátis. Qui enim custodierint justa juste, justificabúntur: et qui didicerint ista, invénient, quid respódeant. Concupiscite ergo sermones meos, diligíte illos, et habébitis disciplínam. Clara est, et quæ numquam marcéscit, sapiéntia, et fáciie vidétur ab his, qui diligunt eam, et invenítur ab his, qui quærunt illam. Præoccupat, qui se concupiscunt, ut illis se prior osténdat.

R. Dómine Deus, tu regnare fecísti servum tuum pro patre meo; ego autem sum puer párvulus ignorans egréssum et intróitum meum. * Dabis ergo servo tuo cor dócile, ut pópulum tuum judicáre possit. Y. Quis enim póterit judicáre pópulum istum, pópulum hunc tuum multum? Dabis.

Lectio ii.

Qui de luce vigiláverit ad illam, non laborábit: assidéntem enim illam fóribus suis invéniet. Cogitáre ergo de illa sensus est consummátus: et qui vigiláverit propter illam, cito secúrus erit. Quóniam dignos se ipsa circuit quærens, et in viis osténdit se illis hiláriter, et in omni providéntia occúrrit illis. Inítium enim illíus veríssima est disciplínæ concupiscéntia. Cura ergo disciplínæ diléctio est: et diléctio custódia legum illíus est: custodítio autem legum consummátio incorruptiónis est: incorruptio autem facit esse próximum Deo. Concupiscéntia itaque sapiéntiæ dedúcit ad regnum perpétuum.

R. Benedíctio peritúri super me veniébat, et cor ví-

duæ consolátus sum: * Pater eram paúperum: et causam, quam nesciébam, diligentissime investigábam. **V.** Rex, qui júdicat in veritate paúperes, thronus ejus in ætérnum firmábitur. Pater.

Lectio iii.

Si ergo delectámini sédibus et sceptris, o reges pópuli, dilígite sapiéntiam, ut in perpétuum regnétis. Dilígite lumen sapiéntiæ omnes, qui præéstis pópulis. Habébo propter hanc claritátem ad turbas: et honórem apud senióres júvenis. Et acútus invéníar in júdicio, et in conspéctu poténtium admirábilis ero, et fácies principum mirabúntur me. Tacéntem me sustinébunt, et loquéntem me respicient, et sermocinánte me plura manus ori suo impónent. Prætérea habébo per hanc immortalitátem: et memóriam ætérnam his, qui post me futúri sunt, relínquam. Dispónam pópulos, et nátiónes mihi erunt súbditæ. Timébunt me audientes reges horréndi: in multítudine vidébor bonus, et in bello fortis.

R. Quando procedébam ad portam civitátis, et in platéa parábant cáthedram

mihi: * Príncipes cessábant loqui, et dígitum superponébant ori suo, vocem suam cohibébant duces. **V.** Rex, qui sedet in sólio júdicii, díssipat omne malum intúitu suo. Príncipes. **G**lória Patri. Príncipes.

In II. Nocturno.

Ant. In quo liberábo Israël? Ecce família mea infima est: et ego mínimus in domo patris mei.

Ant. In Dómino Deo Israël sperávit: itaque post eum non fuit símilis ei de cunctis régibus.

Ant. Abstulit cunctas abominatiónes de univérsis regiónibus filiórum Israël: et fecit omnes servíre Dómino Deo suo.

V. Os justí meditábitur sapiéntiam. **R.** Et lingua ejus loquétur júdiciu.

Lectiones II. Noct. ut inter festa pro aliqu. locis hac die.

R. iv. Leváte signum, exaltáte vocem, leváte manum: vox multítudinis in móntibus, vox géntium congregatárum. * Dóminus exercítuum præcépit milítiæ belli. **V.** Prælia Dómini tui præliáris, et inimicórum tuórum ánima rotábitur quasi in ímpetu et círculo fundæ. Dóminus.

R. v. Cum audísset Gédeon sómnum et interpretationem ejus, adorávit: et revérsus est ad castra: * Et ait: Súrgite, trádedit enim Dóminus in manus nostras castra Má dian. V. Advénerat vigília matutina, et ecce respiciens Dóminus super castra, interfécit exercitum, et subvértit rotas cúrruum. Dixérunt ergo: Fugiámus. Et.

R. vi. Jéricho clausa erat atque muníta, et nullus égre-di audébat aut ingredi. Dixítque Dóminus ad Jósue: Ecce dedi in manu tua Jéricho et regem ejus omnesque fortes viros: * Clamáte et vociferámini, ite et circuíte civitátem armáti, præcedéntes arcam Dómini. V. Omni pópulo vociferánte, et clangéntibus tubis, cepérunt civitátem. Clamáte. Glória Patri. Clamáte.

In III. Nocturno.

Ant. Egréssæ sunt mulieres de univér sis úrbibus Israél, cantántes chorósque ducéntes in occúrsum regis, in týmpanis lætitiæ et in sistris.

Ant. Qui conturbábant pópulum suum, eos succéndit flammis, et omnes

operárii iniquitátes conturbáti sunt.

Ant. Fui tecum in ómnibus ubicúmque ambulásti, firmans regnum tuum: fecíque tibi nomen grande et réquiem dedi tibi ab ómnibus inimícis tuis.

V. Lex Dei ejus in corde ipsíus. R. Et non supplantabúntur gressus ejus.

Lectio sancti Evangélíi secúndum Matthæum.

Lectio vii. Cap. 22.

In illo témpore: Phari-sæi consílium iniérunt, ut cáperent Jesum in sermóne. Et réliqua.

Homília sancti Leónis Papæ.

Sermo 10. de Passione Domini.

Cum multis modis, dilectíssimi, judáica impietas laboráret, ut occasiónem áliquam perpetrándi in Dóminum Jesum scéleris inveníret, hoc quasi insuperábile reperérunt, ut dóminum mundi affectáti regni invídia perurgérent. Calumnióse et mináciter conclamá runt: Si hunc dimíttis, non es amícus Cæsaris: omnis enim, qui se regem facit, contradícit Cæsari. Sed formidábile fúerit nomen régium, ut pro império Cæsaris óp-

primi debúerit novæ molitio potestátis, si dominándi consílium tyránnicus tibi pródidit apparátus, si provisio armórum, si divitiárum congregátio, si præsidia delécta sunt militum. Quid eum gravári sinis de affectáta poténtia, cujus speciális fuit de humilitáte doctrína? Románis légibus non contradíxit, census súbiit, didráchma solvit, vectigália non inhíbuit, quæ Dei sunt, Deo, et quæ sunt Cæsaris, Cæsari reddénda constituit. Paupertátem elégit, obediéntiam suásit, mansuetúdinem prædicávit. Hoc est vere non impugnáre Cæsarem, sed juváre.

R. Congregávit omnes sacerdótes de civitatibus Juda, et contaminávit excelsa:*. Præcepítque rex pontífici et sacerdótibus secúndi órdis, ut projicerent de templo ómnia vasa, quæ facta fúerant Baal. V. Ascéndit rex templum Dómini, et omnes viri Juda cum eo, sacerdótes et prophætæ. Præcepítque.

Lectio viii.

Ad Marc. August. Ep. 89.

Unde ineffábiliter Deo grátias ago, qui eo tēmpore, quo oboritúra hæreti-

córum scándala præsciébat, in impérii vos fastígio collocávit, in quibus ad totius mundi salútem et régia poténtia et sacerdotális vigéret indústria. Multa mihi in ómnibus causa gaudéndi est, dum ex magna divínæ providéntiæ misericórdia præstitútum humánis rebus expérior, quod ecclesiásticam pacem, quæ nónnisi unitáte prædicatiónis evangélicæ custodítur, piíssimo stúdio juváre dignámini: ut fidei vestræ glória non solum utilitáte reipublicæ, sed étiam religiónis profectibus augeátur, gloriosissime Augúste. Mihi autem multum fidúciæ, Deo per vos operánte, collátum est, quod probásse vos observántiam de custódia cánónum paternórum pietátis vestræ affátibus indicástis. Et mérito geminátur gáudium meum, cum vobis religiosíssime placére cognóscō, ut et fides suam téneat firmitátem, et privilégia ecclesiárum illibáta permáneant.

R. Manet invíctus rex in ætérnum. Quis súfficit enarráre ópera illíus? Quis investigávit magnália ejus? * Magna et mirábilia sunt ópera tua, rex sæculórum. Quis non timébit te? V. Ti-

ménti Dóminum bene erit in extrémis, et in die de-functionis suæ benedicetur. Magna. Glória Patri. Magna.

Extra Antioch. Lect. ix. de S. Felice Papa et Mart. ut in Breviario hac die; Antiochiæ vero erit

Lectio ix.

Ad Leon. August. Ep. 125.

Apud christianíssimum ígitur principem et inter Christi prædicatores digno honóre numerándum utor cathólicæ fidei libertáte, et ad consórtium te apostolorum et prophetarum secúrus exhortor: ut constánter despicias ac repéllas eos, qui ipsi se christiáno nómine privavére: nec patiaris ímpios parricidas sacrilega simulatióne de fide ágere, quos constat fidem velle evacuáre. Cum enim cleméntiam tuam Dóminus tanta sacraménti sui illuminatióne ditáverit, debes incunctánter advértere, régiam potestátem tibi non solum ad mundi régimen, sed máxime ad ecclésiæ præsidium esse collátam, ut ausus nefários compriméndo et quæ bene sunt statúta deféndas, et veram pacem his, quæ sunt turbáta, restítuas, depelléndo scilicet invasóres juris aliéni, ut

correctiönibus tuis Dei iracúndia mitigáta régiae civitáti non retribuat, quæ admíssa sunt, sed remíttat. Constitue ante óculos cordis tui, venerábilis imperátor, omnes qui per totum orbem sunt Dómini sacerdotés pro ea tibi fide, in qua totíus mundi est redémptio supplicáre.

Te Deum laudámus.

Ad Laudes

et per Horas.

Ant. 1. Clamábunt ad Dóminum * a fácie tribulántis, et mittet eis propugnatórem, qui líberet eos.

Psalmi de Dominica.

2. Vindicábo gentem meam * et sancta, quia congregátæ sunt gentes contérrere nos inimicítiæ grátia.

3. Et accénsus est * spíritus pópuli, dicéntis: Tu es dux noster, pugna prælium nostrum, et ómnia, quæcúmque díxeris nobis, faciémus.

4. Animæquióres estóte, * filii, clamáte ad Dóminum, et erípiet vos de manu principum inimicórum.

5. Sanctificáte bellum, * suscitáte robústos, accédant, ascéndant omnes viri bellatóres. Infírmus dicat: Quia fortis ego sum.

Capitulum. 1. Machab. 3.

Fácil est conclúdi mul-
tos in manus paucó-
rum: et non est différentia
in conspéctu Dei cœli, li-
beráre in multis et in pau-
cis, quóniam non in multi-
túdine exércitus victória
belli, sed de cœlo fortitú-
do est.

Hymnus.

Bella gestúrus pia Ferdi-
nándus,
Non timet fatum dubiámve
sortem:
Spem fovet certam, Súpe-
rum benigna
Luce vocátus.

Férreos nexus ratis acta
venti
Impetu frangit; stupet at-
que vinci
Bætis exsúltat, placidásque
volvít
Móllius undas.

Ipsa victrices veneránda
Virgo
Anteit turmas, ope cujus
urget
Rex pius bellum, superát-
que pugna
Victor in omni.

Vicit et mortem; super
astra namque
Et super cœlos ánima re-
cépta
Integrum corpus sine labe
gratos
Spirat odóres.

Agminum ductor, Deus
unus, una

In tribus virtus, tibi corda
semper

Glóriam cantent, tibi no-
stra soli

Arma triúmphant. Amen.

Y. Justum dedúxit Dómi-
nus per vias rectas. R. Et
osténdit illi regnum Dei.

Ad Bened. Ant. Rex læ-
tátus est gáudio magno, be-
nedixítque Dómino et ait:
Benedíctus es, Dómine De-
us Israël: tua est magnifi-
céntia et poténtia, et glória
atque victória; tu dominá-
ris ómnium, et tu es super
omnes príncipes.

Oratio.

Deus, qui beáto Confes-
sóri tuo Ferdinándo
præliári prælia tua et fidei
inimicos superáre dedísti:
concéde; ut ejus nos inter-
cessióne muníti, ab hósti-
bus mentis et córporis li-
berémur. Per Dóminum.

Extra Antioch. fit commem.
S. Felicis I. Papæ et Mart. Ant.
Qui odit. Y. Justus. et Oratio.
Infirmitátem. ut in Breviario.

Ad Tertiam.

Capit. Fácil est.

R. br. Amávit eum Dómi-
nus, * Et ornávit eum.
Amávit. Y. Stolum glóriæ
índuit eum. Et ornávit.
Glória Patri. Amávit.

Y. Os justi meditabitur sapiéntiam. R. Et lingua ejus loquétur judícium.

Ad Sextam.

Capitulum. Prov. 16.

In hilaritáte vultus regis vita: et cleméntia ejus quasi imber serótinus. Pós-side sapiéntiam, quia auro mélior est: et acquiré prudéntiam, quia pretíosior est argénto.

R. br. Os justi * Meditabitur sapiéntiam. Os. Y. Et lingua ejus loquétur judícium. Meditabitur. Glória Patri. Os.

Y. Lex Dei ejus in corde ipsíus. R. Et non supplantabúntur gressus ejus.

Ad Nonam.

Capitulum. 2. Reg. 22.

Quis est Deus præter Dóminum: et quis fortis præter Deum nostrum? Deus, qui accínxit me fortitúdine, et complanávit perféctam viam meam.

R. br. Lex Dei ejus * In corde ipsíus. Lex. Y. Et non supplantabúntur gressus ejus. In. Glória Patri. Lex.

Y. Justum dedúxit Dóminus per vias rectas. R. Et osténdit illi regnum Dei.

In II. Vesperis.

Omnia ut in I. Vesp., præter sequ.

Y. Justum dedúxit Dóminus per vias rectas. R. Et osténdit illi regnum Dei.

Ad Magnif. Ant. Benedíxit Deum coeli, et locútus ait: Sit nomen Dómini benedíctum a sáculo et usque in sáculo: quia sapiéntia et fortitúdo ejus sunt. Et ipse mutat témpora et ætates: transfert regna atque constituit. Tibi, Deus patrum nostrórum, confiteor teque laudo: quia sapiéntiam et fortitúdinem dedísti mihi.

In Festo

Corporis Christi.

Duplex 1. classis cum Octava privilegiata.

Omnia ut in Breviario.

Feria VI.

post Oct. Corporis Christi.

Ss. Cordis Jesu.

Duplex 1. classis.

Omnia ut inter festa pro ali- quibus locis eadem feria in fine mensis Maji.

FESTA JUNII.

Die 1. Junii.

Antiochiæ:

Tertia die infra Octavam

S. Ferdinandi.

Semiduplex.

In I. Nocturno Lectiones de Scriptura occurrente.

In II. Nocturno.

De Sermóne sancti Joánnis
Chrysóstomi.

De S. Philogonio, ante med.

Lectio iv.

Ad hanc beátam ré-
quiem tránsiit beá-
tus Ferdinándus.
Quænam ígitur orátio par
sit viri laúdibus, quem Deus
tam felíci sorte dignátus
est? Non est ulla. Sed age,
dic mihi, num idcírco silé-
bimus? et cujus rei grátia
convénimus? An dicémus
non haud posse magnítudi-
nem gestórum oratióne cón-
sequi? Atqui ob hoc ipsum
necesse est dícere; quandó-
quidem hæc est præcípua
laudum illíus pars, quod
factis verba æquiparári non
possint. Nam quorum be-
nefácta natúram étiam sú-
perant mortálem, perspi-
cuum est, quod horum lau-
des excédunt linguam hu-
mánam. Haud tamen ob
id aspernábitur offícium
nostrum, quod pro víribus
præstámus, sed suum imi-
tábitur Dóminum; síqui-
dem et ille víduæ duos tan-
tum óbolos dejiciénti in ga-
zophylácium non tantum
duórum obolórum mercé-
dem, sed multo ámplius
réddidit.

R. Leváte signum. 13*

Lectio v.

Proinde quamvis nostræ
facultátes exiguæ sint
minimíque prétii, áttamen,
quæ póssumus, offérimus.
Et licet non respóndeant
magnítudini meritórum áni-
mæ præclári justíque Fer-
dinándi, tamen hoc ipsum
celsitúdinis illius máximum
fúerit arguméntum, quod
nec pusilla repéllat, sed
idem fáciat, quod solent
dívites. Síquidem illi, cum
accéperint a tenúibus exí-
gua, quibus non egent, sua
vicíssim appónunt remune-
rántes eos, qui, quod pót-
erant, obtúlerint. Ídem et
hic, cum accéperit a nobis
laudem verbis peráctam,
qua nequáquam eget, redo-
nábit nobis per ipsa facta
benedictiónem, qua sem-
per uti póssimus.

R. Cum audísset. 14*

Lectio vi.

Unde ígitur laudatióem
illíus auspicábimur?
An a magistrátu, quem spí-
ritus illi trádidit grátia?
Nam mundáni magistrátus
nequáquam possunt chri-
stianórum demonstráre vir-
tútes, quin pótius frequén-
ter habent accusatióem
malítiæ. Quam ob causam?
quóniam et sollicitúdes
amicórum et circumcursa-

tiónes et adulationes ália-
qua permulta his foedióra
tales magistrátus solent
conciliáre. Céterum ubi
Deus suo suffrágio desi-
gnárit áliquem, incorrú-
ptum suffrágium, aliénium
ab omni suspicióne judi-
cium, indubitáta fúerit de-
lécti comprobátio, propter
ejus, qui delégit, auctori-
tátem.

R. Jéricho clausa. 14*

In III. Nocturno.

Léctio sancti Evangélíi se-
cúndum Lucam.

Lectio vii. Cap. 12.

In illo témpore: Dixit Je-
sus discipulis suis: Nolíte
timére pusillus grex, quia
complácuit Patri vestro da-
re vobis regnum. Et réliqua.

Homilía sancti Petri
Chrysólogi.

Ex Sermone 22.

Præmia statuúntur iis
semper, quibus cer-
tamina dura propo-
núntur: ac pro magnítudine
certáminis, præmii propo-
nitur magnítudo. Hinc est,
quod discipulis suis Chri-
stus regnum ponit in præ-
mio, ut in certámine non
cedant periculis, non timó-
ri. Perícula déspicit, qui
tendit ad regnum: victóriæ
cúpidus nescit timére. No-

líte timére, inquit, pusillus
grex: quia complácuit Pa-
tri vestro dare vobis re-
gnum. Grex pusillus mun-
do, magnus Deo: pusillus,
quia gloriósos vocat eos,
quos instituit ad óvium iño-
céntiam, et mansuetúdinem
christíanam.

R. Congregávit. 15*

Lectio viii.

Adjécit quid faciéndum sit
regnáturis: Véndite,
quæ possidétis. Non potest
dominári ómnibus, nisi is,
qui própriis non tenétur.
Dejéctæ mentis est, qui fa-
miliáris rei méminit, cum
vocátur ad regnum; jacens
ánimus plebéjus númulum
thesauris regálibus antepó-
nit. Pauper sensus parvis
íncubans, perdit magna: et
ínhians temporálibus, dé-
serit sempitérna. Homo,
tali mónitu Christus te di-
táre vóluit, non nudáre:
manére tibi tua vóluit, non
períre: perpetuári, non va-
cuári sácculos imperávit:
jussit te transférre, non
pérdere.

R. Manet. 15*

Lectio ix.

Plus consílio patris agit,
quam jure dominántis.
Inter insídias latrónum et
tineárum morsus, quare tua
recóndas, objúrgat: pervi-

giles noctes, dies ánxios,
sollicita témpora ne tibi
ipse fácias, commonéris.
Auri custos, servátor ar-
génti, securitátem non ha-
bet, nescit quiétem: et cui
deest secúritas, quies perit:
pœna dives est ille, non
censu. Thesaúrum non de-
ficiéntem in cœlo: hoc est
dicere, Ubi ego sum, ibi
pónite: date mihi, ego ser-
vo. Homo, da Patri, crede
Deo: quia et hærédi Pater,
et Deus hómini créditum
non negábit: tenére tua non
potest, quia sua dedit.

Te Deum laudámus.

Die 2. Junii.

**B. Mariæ Annæ a Jesu
de Paredes** Virg.

Duplex.

Omnia ut inter festa pro ali-
quibus locis eadem die.

Et fit comm. et Lect. ix. (ex
duabus una) de Ss. Marcellino
et Soc. Martyr. ut in Breviario
hac die.

Die 3. Junii.

Antiochiæ:

Quinta die infra Octavam

S. Ferdinandi.

Semiduplex.

In I. Nocturno Lectiones de
Scriptura occurrente.

In II. Noct. Lect.: Ex libro
Morálium S. Gregórii Papæ.
Deridétur. ut in Comm. Conf.
non Pont. 2. loco.

In III. Nocturno.

Léctio sancti Evangélii se-
cúndum Lucam.

Lectio vii. Cap. 12.

In illo témpore: Dixit Je-
sus discípulis suis: No-
líte timére, pusíllus grex,
quia complácuit Patri ve-
stro dare vobis regnum.
Et réliqua.

De Homilía sancti Petri
Chrysólogi.

Ex Sermone 23.

Sed audiámus jam,
quid pusillo gregi
talís promiserit pa-
stor. Nolíte timére, in-
quit, pusíllus grex, quia
complácuit Patri vestro
dare vobis regnum. O bó-
nitas effúsa! O inaudita
pietas! O ineffábilis affé-
ctio! In societáte census
pastor oves assúmit, at-
que ad consórtium do-
minatiónis servos Dómi-
nus adscíscit; ad princi-
pátum regni Rex gregem
pópuli totíus admíttit. Sic,
sic dat, cui defícere cen-
sus, cui regnum mínui,
vacuári potéstas non pot-
est largiéndó.

R. Congregávit. 15*

Lectio viii.

Ecce, qui dat, dare ló-
quitur Patrem. Num-
quid largitátem suam dé-

negat sic dicéndo? Absit: non potestátem mínuit, sed pandit afféctum, sic dicéndo: non distántiam facit, sed Patris suámque voluntátem monstrat, firmat unitátem. Quod autem dixit: Complácuit; et non dixit: Plácuit; munus édocet Trinitátis, quia, quod erga nos Fílio plácuit, hoc complácuit Trinitáti.

R. Manet invíctus. 15*

Lectio ix.

Post tantam ergo Dóminus largitátem, post suam grátiam tibi copiósius collátam, abjécta et vília pecúlia servitútis jubet abjícere regnatúrum. Véndite, quæ possidéti, et date eleemósynam. Plebéjum cultum régia non admittit potestas, augústus honor non nisi diadémate confératur et púrpura. Abjícere ergo debet hábitum servitútis, qui se regem credit divínitus consecrátum. Est consuetúdinis, est ánimifelícis, ut ascítus ad regnum, quod fuit próprium, quod privátum, mox paréntibus, mox propínquis, civibus indigéntibus libéraliter prorogáret, ne sit mendícus ánimó, qui censu functus et honóre.

Te Deum laudámus.

Die 6. Junii.

Antiochiæ:

Dies Octava

S. Ferdinandi Reg. Conf.

Duplex.

Omnia ut in die festi, præter Lectiones quæ sequuntur.

In I. Nocturno Lectiones de Scriptura occurrente.

In II. Nocturno.

De Sermóne S. Bernárdi Abbátis.

Serm. 2. de S. Victore.

Lectio iv.

Gaudéte in Dómino, dilectíssimi, qui inter continúa suæ pietátis benefícia indúlsit hóminem mundo, cujus multi salvaréntur exémplo. Iterum dico: Gaudéte, quod factus de médio appropriávit Deo, ut multo plures ejus intercessióne salvéntur. In terris visus est, ut esset exémplo: in cœlum levátus est, ut sit patrocinio. Hic infórmatur ad vitam, illic invítatur ad glóriam: factus est mediátor ad regnum, qui fuit incitátor ad opus. Bonus mediátor, qui sibi jam póstulans nihil, totum in nos transférre desíderat et supplicántis afféctum, et supplicatiónis fructum: quid enim quærat sibi, qui nullíus eget?

R. Leváte signum. 13*

Lectio v.

Hæc dies gloriôsæ migratiônis ejus, dies lætitiæ cordis ejus, exsultémus et lætémur in ea: introívit in poténtias Dómini, gaudeámus, quia nunc poténtior est ad salvándum. Hódie Ferdinándus pósito corpore, tanto alácrior, quanto expeditior penetrávit in sancta, símilis factus in glória sanctórum. Hódie, despécto mundo, et mundi príncipe triumpháto, supra mundum vere victor ascéndit, accípiens de manu Dómini corónam victóriæ. Ascéndit autem cum imménsa supelléctili meritórum, clarus triúmphis, miráculis gloriôsus: sedet veteránus miles, débita jam suavitate et securitate quiétus; securus quidem sibi, sed nostri sollicitus. O venerándam étiam ipsis Angelis sanctitátem! quam pari stúdio, etsi díspari voluntáte, et mali fúgitant, et frequéntant boni! Nec fáciie dixerim, quid virum ádstruat sanctiorem, horum favor, aut pavor illórum.

R. Cum audísset. 14*

Lectio vi.

Omnes emérite, qui christiánæ militiæ duris laboribus angélicæ felicitátis

réquiem commutásti! respice ad imbélles et imbecílles commilitónes tuos, qui inter hostíles gládios et spiritáles nequítias tuis laúdibus occupámur. Quam pium, quam dulce, quam suáve, o Ferdinándé, in hoc loco afflictiónis et in hoc corpore mortis te cánere, te cólere, te precári! Nomen tuum, et memoriále tuum favus distillans in lábiis captivórum; mel et lac sub lingua eórum, qui tui memória delectántur. Eja ergo, fortis athléta, dulcis patróné, advocáte fidélis, exsúrge in adiutórium nobis; ut et nos de nostra ereptiône gaudeámus, et tu de plena victória gloriéris.

R. Jéricho clausa. 14*

In III. Nocturno Lectiones ut in die festi.

Die 7. Junii.

Antiochiæ:

S. Norberti Episc. et Confessoris.

Duplex.

Ut in Breviario die 6. hujus.

Die 10. Junii.

S. Margaritæ Reginae Scotiæ Viduæ.

Duplex.

Omnia ut in Brev. hac die.

Die 16. Junii.

B. M. V. de Succursu.

Duplex majus.

In Eccles. Cathedr. S. Fidei
Bogotæ dupl. 2. classis.

Omnia ut in festis B. M. V.
per annum, præter sequ.

Oratio.

Omnípotens et miséricors
Deus, qui ad succurrén-
dum humano géneri beá-
tam Vírginem Mariam uni-
géniti Fílii tui Matrem esse
voluísti: da nobis, quæsu-
mus; ut ea intercedente,
diabólica vitare contágia
et sincéra tibi mente ser-
vire valeámus. Per eúm-
dem Dóminum.

In I. Nocturno Lectiones. Ego
Sapiéntia. ut in festis B. M. V.

In II. Nocturno.

Sermo sancti Thomæ
Episcopi.

Conc. 1. de Assumpt. Virg.

Lectio iv.

Maria est turris fun-
dáta supra firmam
petram in mónti-
bus sanctis inmóbili fun-
daménto: síquidem Deus
in médio ejus non commo-
vébitur. De hac Vírgine in
Cánticis légitur: Sicut tur-
ris David quæ ædificáta est
cum propugnáculis, mille
clýpei pendent ex ea, omnis
armatúra fórtium. Vere
turris David, illíus, inquam,
David, qui supérbum Gó-

liath, quinque lapídibus de
torrénte, id est quinque
vulnéribus, et crucis bá-
culo gloriántem in Calvá-
riæ monte prostrávit. Fa-
cta est hæc turris Ecclésiæ
propugnáculum, et pecca-
tórum únicum refúgium, ut
ad ipsam confúgiant omnes
rei, omnes mœsti, omnes
afflícti, et ea protegente,
liberéntur ab hoste. O ho-
mo, in quacúmque tribu-
latióne ad Mariam fuge,
sive peccátis afflíctus, sive
persecutióibus attrítus, si-
ve tentatióibus turbátus,
hanc turrim pétito, ad Ma-
riam confúgito. Mille enim
clýpei pendent ex ea, et
contra omnem æstum tri-
bulántis, et ad omnem fá-
ciempersequéntis dæmonis
tutíssimum in ea clýpeum
invénies, quo te prótegas.
R̃. Sicut cedrus.

Lectio v.

Ibi est enim omnis arma-
túra fórtium, ibi fides
Apostolórum, ibi fortitúdo
Mártyrum, ibi púritas vír-
ginum, doctórum sapiéntia,
Anachoretárum paupértas,
devótio Confessórum; ibi
dénique ómnium Sanctó-
rum virtus agglomeráta re-
perítur. Nihil enim um-
quam alicui Sanctórum spe-
ciali privilégio concéssum

est, quod non a principio vitæ et cumulâtius præfulgeat in Mariâ. Ecce castellum fortissimum, ecce turrim inexpugnabilem, quæ numquam diabolo præstitit tributum ac fidem. Hanc intravit Jesus, quando Verbum caro factum est, et habitavit in nobis; ideo inimicos expugnatûrus et regnum suum recuperatûrus, in quo ab initio dæmon fuerat intrûsus.

R. Quæ est ista.

Lectio vi.

Elécta est ut esset Advocata nostra. Nam licet Advocatum habemus apud Patrem Filium, ut ait Joannes; opus étiam fuit habere Matrem Advocatam apud Filium. Nam peccâtis nostris non solum Deus ofénditur, cujus præcepta violamus; sed et Filius Dei. Cujus sanguinem peccando conculcâmus, rursus crucifigentes Filium Dei: et ideo sicut apud Patrem interpéllat Mater, unde Filius osténdit Patri latus et vúlnera, et Mater osténdit Filio pectus et úbera: unde facta est idónea advocata; idónea, quia puríssima, idónea, quia acceptíssima, idónea, quia piíssima: hæc enim ómnia ad Advocatam requirúntur. Eja ergo Ad-

vocata nostra, illos tuos misericórdes óculos ad nos convérte; ad te in nostris necessitatibus accúrrimus, tuum officium imple, tua ópera exerce.

R. Ornátam monilibus.

In III. Nocturno.

Lectio sancti Evangélii secundum Joánnem.

Lectio vii. Cap. 19.

In illo témpore: Stabant iuxta Crucem Jesu Mater ejus, et soror Matris ejus Mariâ Cléophæ, et Mariâ Magdaléne. Et reliqua.

Homilia sancti Augustini Episcopi.

Tract. 119. in Joannem.

Hæc nimirum est illa hora, de qua Jesus, aquam conversûrus in vinum, díxerat Matri: Quid mihi, et tibi est, mulier? Nondum venit hora mea. Hanc itaque horam prædíxerat, quæ tunc nondum vénerat, in qua debéret agnóscere moritûrus, de qua fuerat mortáliter natus. Tunc ergo divína factûrus non divinitátis, sed infirmitátis Matrem velut incógnitam repellébat.

R. Felix namque.

Lectio viii.

Nunc autem humana jam pátiens, ex qua fuerat

factus homo, afféctu commendábat humano; morális igitur insinuátur locus. Facit quod faciéndum admonet, et exémplo suo suos minístris instrúxit, præcéptor bonus, ut a filiis impendátur cura paréntibus: tamquam lignum illud, ubi fixa erant membra morientis étiam cáthedra fúerit Magístri docéntis.

R̃. Beátam me.

Lectio ix.

Ex hac sana doctrína didícerat Paulus Apóstolus quod docébat quando dicébat: Si quis autem suis, et máxime domésticis non próvidet, fidem negávit, et est infidéli detérior. Quid autem tam cuique domésticum, quam paréntes filiis, aut paréntibus filii? Hujus itaque salubérrimi præcépti ipse Magíster Sanctórum de seípso constituébat exémplum: quando non ut fámulæ Deus, quam creáverat et regébat, sed, ut Matri homo de qua creátus fúerat, et quam relinquébat álium pro se quodámodo filium providébat.

Te Deum laudámus.

Die 17. Junii.

S. Joannis Francisci Regis Conf.

Duplex.

Omnia ut inter festa pro ali-
quibus locis die 16. Junii.

Die 18. Junii.

Ss. Martyrum **Cyriaci** et
Paulæ Virginis.

Duplex.

Omnia de Comm. plurim. Mart.
præter sequ.

Oratio.

Præsta, quæsumus omnipotens Deus: ut família tua, quæ sanctórum Mártyrum tuórum Cyriaci et Paulæ triúmphis gloriátur, fiat in Christi tui amóre fervéntior; et, quos patrónos venerátur in terris, pios apud te intercessóres habére mereátur in cœlis. Per eúmdem Dóminum.

Et fit commem Ss. Marci et Marcelliani Mm.

Ant. Vestri capílli cápitis omnes numeráti sunt: nolíte timére: multis passéribus meliôres estis vos.

V. Exsultábunt sancti in glória. R̃. Lætabúntur in cubílibus suis.

Oratio.

Præsta, quæsumus omnipotens Deus: ut, qui sanctórum Mártyrum tuórum Marci et Marcelliáni natalítia cólimus: a cunctis

malis imminéntibus eórum
intercessióibus liberémur.
Per Dóminum nostrum.

In I. Nocturno Lectiones de
Scriptura occurrente.

In II. Nocturno.

Lectio iv.

Quo témpore immá-
nis illa Diocletíani
et Maximiani per-
secutiónis rábies in Chri-
sti quæque membra fu-
rens desæviit, tanta Már-
tyrum éxstitit laureáta
multitúdo, quo durávit de-
cénio, ut intra unum men-
sem decem et septem mil-
lia christianórum martýrii
palnam sint consecúti.
Tunc Hispánia nostra stré-
nuis Christi militibus ab-
úndat, fúlget Bætica san-
ctórum confessióne præ-
clára, cárceres et ergástula
repléntur mártýrum tur-
mis, tribunália Christi con-
fessióne résonant, re-
spuúntur idóla, sánguinem
sacrum hómines Deo digni
vitæ pródigi fundunt. Aspi-
ceres tunc Híspali Rufi-
nam et Justam cum Dio-
geniáno pugnáre: Cæsar-
augústæ Encrátidem nobí-
libus sóciis stipátam cru-
déli Daciáno cervices læ-
tíssime trádere: innumera-
bílíum mártýrum córpora
illíus jussu ibídem igne cre-

mári: Valérium aliósque
sacros antístites dira pati,
et exsuláre: Toléti Leocá-
diam custódia deténtam
occumbere: Complúti te-
néllos Pastórem et Justum,
tabéllis litteráriis, in schola
abjéctis, sponte Daciánum
adíre, mortem oppétere,
jugulúmque carnífici ex-
sultántes offérre: Córdubæ
Acíscum et Victóriam fra-
tres de Dióne triumpháre:
Málacæ quoque Cyriacum
et Paulam ánimas pro
Christo libentíssime dare:
álios dénique álibi dira
supplícia et mortem pati:
quod longum nimis esset
enarráre.

R. Sancti tui.

Lectio v.

Præclarissimi ergo athlé-
tæ Christi Cyriacus et
Paula Virgo Málacæ pagá-
no júdici sistúntur, cui suæ
fidei ratióne dant: pro
qua étiam tuénda innú-
mera suppliciórum crucia-
ménta perpéssi sunt. Et
cum ab ea nullátenus di-
movéri possent, impius ju-
dex, vitam illis adímere
tentans, lapídibus impeti
mandat. Mártýres sacri
læti próperant ad pugnam,
animósi lápidés excípiunt,
saxis sacra córpora tun-
dúntur, lapídibus óbruti

occumbunt. Et inter ipsa crepitántia saxa ánimas cœlo reddidérunt circa trecentésimum salútis annum, décimo quarto Kaléndas Júlii: sacróque Mártyrum sángine nóbilis Malacitána civitas est purpuráta. Quæ post sexcêntos septuagínta annos a pérfidis Mahumétanis posséssa in christianórum ditiónem rédiit décima nona die Augústi anno Dómini millésimo quadringéntésimo octogésimo séptimo, cathólicis Ferdinándó et Elisabéthá regnántibus, qui ipsa die nobilíssimam capiéntes civitátem ovántes sunt ingressi.

R. Vérbera carníficum.

Lectio vi.

Cum autem præfáti reges Mahuméti spurcítiam ab urbe Málaca expéllunt, lætántes pro parta victória grátias repéndunt Deo: ac Innocéntium octávum, Petri cáthedram tunc moderántem, victóriæ adéptæ cónscium faciunt. Quibus pro capta victória fidéque ad domicílium antíquum restitúta lætus Románu Pontífex rescríbit, certos faciêns cathólicos príncipes, Malacitánam urbem sanctórum Cyríaci et Paulæ

martýriis sacrátam: quodque Protomártyri Stéphano lapídibus óbruti fuérunt símiles. Quare sacri Mártyres in tuteláres et patrónos ab incolis sunt ascíti, sacro illórum nómini templo structo. In quorum célebris festo clerus senatúsque solémni et frequénti cœtu ad sacram ipsórum ædem conveniéntes, sanctórum Mártyrum pretiosíssimæ in conspéctu Dómini mortis memóriam festívis gaúdiis quotánnis celebrant.

R. Tamquam aurum.

In III. Nocturno Homilia in Evang. Cum audiéritis prælia. de Comuni 1. loco.

Lectio ix. de Ss. Marco et Marcelliano, Mart. Pro eorum commém. in Laud :

Ant. Istórum est enim regnum cœlórum, qui contempsérunt vitam mundi, et pervenérunt ad præmia regni, et lavérunt stolas suas in sángine Agni.

Y. Lætámini in Dómino, et exsultáte justi. R. Et gloriámini omnes recti corde.

Oratio. Præsta. 26*

Vesp. a Capit. de sequ. cum comm. præc. et Ss. Gervasii et Protasii Mm.

FESTA JULII.

Dominica II. Julii.

**Anniversarium
Dedicationis omnium
Ecclesiarum Cathedra-
lialium Provinciæ.**

Duplex 1. cl. cum Oct.

Omnia ut in Comm. Dedicat.
Ecclesiæ. Et fit commem. et
ix. Lectio Domin. occur.

Dominica III. Julii.

Dies Octava

**Anniversarii
Dedicationis omnium
Ecclesiarum Cathedra-
lialium Provinciæ.**

Duplex.

Omnia ut in Comm. Dedicat.
Eccle. cum comem. et ix. Lect.
de Homil. Domin. occur.

Die 5. Julii.

**S. Michaëlis de Sanctis
Confessoris.**

Duplex.

Omnia ut inter festa pro ali-
quibus locis eadem die.

Die 7. Julii.

S. Firmini Ep. et Mart.

Duplex.

Omnia de Comm. unius Mart.,
præter sequentia.

Oratio.

Deus, qui per fidei præ-
cônium et passionis
agónem beátum Firminum
Episcopum et Mártirem
immortalitátis láurea co-

ronásti: concéde propítius;
ut cujus celebrámus tri-
úmphum, assequámur et
præmium. Per Dóminum.

In I. Nocturno Lectiones de
Scriptura occurrente.

In II. Nocturno.

Lectio iv.

Firminus, Pampelónæ nobilibus paréntibus Firmo et Eugénia natus, una cum illis a beáto Saturníno episcopo Tolosáno baptizátus est, a quo et Honéstó presbýtero, ut christiána religiône imbuerétur, tráditus tantum in ea profécit, ut regiões circumquáque evangélicis documéntis et vitæ sanctitáte illustráret. Episcopus Pampelonénsis creátus, terrénis facultátibus in paúperes erogátis, ad munus apostólicum se accíngens, cum intellígeret per univérsam Gálliam inférri sævam christiánis persecutiómem, Pampelóna discédens, multas Galliárum urbes perlustrávit, atque ab idolórum cultu in-númeram multitudínem Aggennénsium et Andegavi-énsium ad Christi fidem convértit, Dómino ejus doctrínam multis miráculis confirmánte.

R̃. Honéstum fecit.

Lectio v.

Inde Bellóvacum petens, cum pro exstirpanda idololatriæ superstitione plurimum laboraret, a Valério præside comprehensus et flagellis usque ad necem cæsus, in cárcerem conjéctus est. Sérgio autem Valérii successori reservátus, eo loco inédiam et squalórem diu patiénter tulit: sed vi a pópulo liberátus, in ea civitaté diútius prædicávit. Ecclésiám in honórem Protomártiris Stéphani, aliásque nonnúl-las constrúxit. Inde Ambíánum perréxit, ubi quadragínta diérum spátio multis éditis miraculis tria hó-minum millia ad Christi fidem convértit sacróque baptísmate ábluit. Porro Sebastíanus et Longínus præsides, cum certo scirent Fírmini prædicatióne multas suæ provinciæ urbes idólis contéptis Christum cólere, Tréviris Ambíánum quam celérrime advenérunt: et Fírminum grá- viter objurgátum, quod contra imperiália edícta novam religiónem indúceret, in cárcerem detrúdu- nt. At pópuli seditiόnem vériti in- tempéstæ noctis siléntio eum cápite plecti jussé-

runt, séptimo Kaléndas Octóbris.

℞. Desidérium animæ.

Lectio vi.

Ejus corpus Faustiniá- nus senátor, qui ab ipso Fírmino fúerat lavácro bap- tísmatis regenerátus, clam sepelívit. Quod ibi látuit usque ad Theodorícum re- gem; quo témpore Sálvius venerábilis Ambianénsium antístes assíduis précibus a Deo impetrávit (ingénti super sepúlchri locum lú- mine radiánte, et ex eó- dem suavíssimo odóre ad vicína usque óppida fra- gránte) sancti Mártyris re- líquias sibi revelári. In quarum translatiόne ele- ménta étiam ipsa visa sunt ei obséqium præstitisse. Nam Idibus Januárii, cum hiems esset hórrida, súbito omnes regiόnis árbores fló- ribus et fóliis viréntibus vestitæ, prata líliis ac rosis plena ómnibus arridébant. Dénique multi ægróti et infirmi ob mérita sancti Fírmini illa die íntegram sanitátem recuperáru- nt.

℞. Stola jucunditátis.

In III. Nocturno de Homil. in Evang. Amen, amen dico vobis. ut in festo S. Laurentii die 10. Aug. cnm ℞℞. de Comm. unius Mart.

Vesp. a Cap. de sequ. comm. præced.

Die 8. Julii.

S. Elisabeth Reginae
Portugalliae Viduae.

Duplex.

Omnia ut in Breviario eadem die.

Die 9. Julii.

**B. M. V. de Chiquin-
quira.**

Duplex majus.

In I. Vesperis.

Ant. et Capit. de Laudib. 35*
Psalmi et Hymni ut in festis
B. M. V. per annum.

Hymn. Ave maris stella.

Ÿ. Ora pro nobis, sancta
Dei Génitrix. R. Ut digni
efficiámur promissionibus
Christi.

Ad Magnif. Ant. Glorió-
sæ Vírginis Mariæ sole-
mnitatem recolámus, quæ
et Genitricis dignitatem
obtínuit, et virginálem pu-
dicítiam non amisit.

Oratio.

Bonórum ómnium largi-
tor Deus, qui Genitri-
cis dilécti filii tui speciós-
am imáginem mira appa-
ritióne claréscere voluísti:
concéde, quæsumus; ut
ejúsdem beátæ Mariæ Vír-
ginis intercessióne, ad cœ-
léstem pátriam felíciter per-
ducámur. Per eúmdem Dó-
minum.

Et fit commem. præced. ut
in Breviario.

Ad Matutinum.

Invit. Solemnitatem Vír-
ginis Mariæ celebrémus: *
Christum ejus filium ad-
orémus Dóminum.

Ps. Veníte exsultémus.

Hymnus.

Quem terra, pontus, sí-
dera
Colunt, adórant, prædicant,
Trinam regéntem máchinā,
Claustum Mariæ bájulat.

Cui luna, sol, et ómnia
Deserviunt per témpora,
Perfúsa cœli grátia,
Gestant puéllæ viscera.

Beáta Mater múnere,
Cujus supérnus ártifex
Mundum pugíllo cóntinens,
Ventris sub arca clausus est.

Beáta cœli núntio,
Fœcúnda sancto Spíritu,
Desiderátus géntibus
Cujus per alvum fusus est.

Jesu, tibi sit glória,
Qui natus es de Vírgine,
Cum Patre, et almo Spíritu
In sempitérna sæcula.

Amen.

Ant., Ps. et rel. in III. Noct.
ut in festis B. M. V. per annum.

In I. Nocturno.

De libro Apocalýpsis beáti
Joánnis Apóstoli.

Lectio i. Cap. 12.

Signum magnum ap-
páruit in cœlo, mú-
lier amícta sole, et

luna sub p  dibus ejus, et in c  pite ejus cor  na stell  rum du  decim: et in   tero habens clam  bat part  riens, et cruciab  tur ut p  riat. Et visum est   liud signum in c  elo, et ecce draco magnus rufus habens c  pita septem et c  rnua decem, et in cap  tibus ejus diad  mata septem, et cauda ejus trah  bat t  rtiam partem stell  rum c  eli, et misit eas in terram, et draco stetit ante mulierem, qu   erat paritura; ut cum peperisset, filium ejus devor  ret.

R  . Sancta et immacul  ta.

Lectio ii.

Et p  perit filium m  sculum, qui rect  rus erat omnes gentes in virga f  rrea, et raptus est filius ejus ad Deum, et ad thronum ejus, et mulier fugit in solitudinem, ubi hab  bat locum par  tum a Deo, ut ibi pascant eam di  bus mille duc  ntis sexaginta. Et factum est pr  elium magnum in c  elo, M  cha  l, et Angeli ejus pr  eliab  ntur cum drac  ne, et draco pugn  bat et   ngeli ejus, et non valu  runt, neque locus inv  ntus est e  rum   mplius in c  elo. Et projectus est draco ille ma-

gnus, serpens antiquus, qui voc  tur di  bolus, et s  tanas, qui sed  cit univ  rsum orbem, et projectus est in terram, et   ngeli ejus cum illo missi sunt.

R  . Congratul  mini mihi.

Lectio iii.

Et audivi vocem magnam in c  elo dic  ntem: Nunc facta est salus; et virtus, et regnum Dei nostri, et pot  stas Christi ejus, quia projectus est accus  tor fratrum nostr  rum, qui accus  bat illos ante consp  ctum Dei nostri die ac nocte. Et ipsi vic  runt eum propter s  nguinem Agni et propter verbum testimonii sui, et non dilex  runt   nimas suas usque ad mortem. Propt  rea l  t  mini c  eli, et qui habit  tis in eis. V   terr  , et mari, quia descendit di  bolus ad vos habens iram magnam, sciens quod m  dicum tempus habet. Et postquam vidit draco quod projectus esset in terram, persec  tus est mulierem, qu   p  perit m  sculum: et data   sunt mulieri al   du     quil   magn   ut vol  ret in desertum in locum suum.

R  . Be  ta es.

In II. Nocturno.

Sermo sancti Joánnis
Chrysóstomi.

Apud Metaphrast.

Lectio iv.

Dei filius non dívitem, aut locuplétem áliquam féminam sibi matrem elégit, sed beátam Vírginem illam, cujus ánima virtútibus ornáta erat. Cum enim beáta María supra omnem humánam náturam castitátem serváret, proptérea Christum Dóminum in ventre concépit. Ad hanc ígitur sanctíssimam Vírginem et Dei Matrem accurréntes, ejus patrocínii utilitátem assequámur. Itaque quécúmque estis vírgines, ad Matrem Dómini confúgite: illa enim pulchérrimam, pretiosíssimam, et incorruptibilem possessionem patrocínio suo vobis conservábit.

R̃. Sicut cedrus.

Lectio v.

Magnum revéra miraculum, fratres dilectíssimi, fuit beáta semper Virgo María. Quid namque illa majus aut illústrius ullo umquam témpore invéntum est, seu aliquándo inveníri póterit? Hæc sola cœlum ac terram amplitúdine superávit. Quidnam illa sánctius? Non Pro-

phétæ, non Apóstoli, non Mártyres, non Patriárchæ, non Angeli, non Throni, non Dominationes, non Séraphim, non Chérubim; non dénique áliud quídpian inter creátas res, visibiles aut invisibiles, majus aut excellentius inveníri potest. Eadem ancílla Dei est et mater: éadem Virgo et Génitrix.

R̃. Quæ est ista.

Lectio vi.

Sæpíssime Deípara Virgo auxílium suum Christi fidélibus osténdit, et ad rectam vitæ sémitam peccatóres revocávit, ita ut gratiárum mater est salutáta. Ejus éfficax patrocínium América quoque expérta est. Ibi enim in pago quodam vulgo Chiquinquíra sanctæ fidei Archidiocéseos exstábat ædícula pene díruta, ubi beatíssimæ Mariæ Vírginis imágo, quasi absque ulla veneratióne et obséquio póstita erat, quando sæculo décimo sexto labénte et postrídie ut fertur, diéi Natális Dómini, anni millésimi quingentésimi octogésimi sexti multis signis Dei mater monstrávit velle illa in imágine honorári, et coli, quum et aliquándo fulgóribus irradiáta, et di-

vérſis colóribus conſpérſa fúerit viſa imágo illa. Ex his venerátio incépit quæ de die in diem ſemper augétur ob inſígnia prodígia et mirácula. Namque ſæpiſſime in infirmitátibus ſanitátem, in angúſtiis ſolátium, in tentatiónibus auxiliúm, in neceſſitátibus opem obtinuérunt, et quum añuéntibus epíſcopis transláta fúerit hæc beátæ Virginiſ imágo, étiam peſtis ceſſáſſe fertur. Nil mirum igitur ſi piis largitióibus ædícula pene deſérta tractu témporis convérſa ſit in ſanctuárium, ubi fidéles ad implorándum auxiliúm cónfluant ex váriis diſſitíſque regióibus, quibus permótus ſummus Eccléſiæ Póntifex Pius octávus ad humíllimas Emeriténſis epíſcopi preces anno miléſimo octingentéſimo vigéſimo nono, permíſit, ut in honórem ſanctíſſimæ Genitrícis peculiáris ſolémnitas celebrarétur cum Offício et Miſſa própria in Diocéſi Emeriténſi.

R. Ornátam monílibus.

In III. Nocturno.

Léctio ſancti Evangélíi ſe-cúndum Matthæum.

Lectio vii. Cap. 1.

Liber generatiónis Jeſu
Chriſti filii David, filii

Abraham. Abraham gé-nuit Isaac. Isaac autem gé-nuit Jacob. Et réliqua.

Homilía ſancti Bernárdi
Abbátis.

Serm. in ſignum magnum.



Eheménter quidem
nobis, dilectíſſimi,
vir unus, et múlIER
una nocuére: ſed grátias
Deo, per unum nihilómi-nus virum et mulierem
unam, ómnia reſtaurántur,
nec ſine magno fœnore
gratiárum. Nec enim ſicut
delictum ita et donum, ſed
excédit damni æſtimatió-nem beneficii magnitúdo.
Sic nimirum prudentíſſi-mus, et clementíſſimus Ar-tifex, quod quassátum fúe-rat non confrégit, ſed utí-lius omníno refécit, ut vi-délicet nobis novum for-máret Adam ex véteri, E-vam transfúnderet in Ma-riám. Et quidem ſufficere
póterat Chriſtus, ſiquidem
et nunc omnis ſufficiéntia
noſtra ex eo eſt, ſed nobis
bonum non erat eſſe hó-minem ſolum, cóngruum
magis ut adéſſet noſtræ
reparatióni ſexus utérque,
quorum corruptióni neuter
defuiſſet. R. Felix namque.

Lectio viii.

Fidélis plane et potens
Mediátor Dei et hómi-

num, Homo Christus Jesus, sed divínam in eo reveréntur hómines majestátem. Absórpta vidétur in Deitátem humanitas, non quod mutáta sit substántia, sed afféctio deificáta. Non sola illi cantátur miséricórdia, cantátur páriter et judícium: quia etsi didicit ex iis quæ passus est compassiónem ut miséricors fieret, habet tamen et judiciáriam potestátem. Dénique Deus noster ignis consúmens est. Quid ní vereátur peccátor accédere, ne quemádmódum fuit cera a fácie ignis, sic péreat ipse a fácie Dei? Jam nec ipsa Múlier itaque benedícta in muliéribus vidébitur otíosa: inveníetur quidem locus ejus in hac reconciliatióne. Opus est enim Mediátóre ad Mediátórem istum, nec alter nobis utilior quam María. Crudélis nímírum Eva, per quam serpens antíquus pestíferum étiam ipsi viro virus infúndit: sed fidélis María, quæ salútis antídó- tum, et viris, et muliéribus propinávit: Illa enim mínistra seductiόνis, hæc propitiatiónis; illa suggéssit prævaricatióem, hæc injécit redemptiόνem.

R. Beátam me dicent.

Lectio ix.

Mérito igitur de Dei aré-
Mola flos ille speciósus
præ fíliis Paradísi eléctus
est, super quem requiescit
spíritus Dómini, et cui te
assimilábimus Mater pul-
chritúdinis? Vere paradí-
sus Dei tu es, quia lignum
vitæ mundo protulisti, de
quo qui manducáverit vi-
vet in ætérnum. Fons vitæ
qui ex altíssimo pródiit, de
medio ventris tui exilívit,
atque inde in quátuor cá-
pita sese dispérgens ad
irrigándam fáciem aréntis
mundi emanávit, lætíficans
civitátem Dei. Omnis enim
qui bíberit ex eo non sí-
tiet in ætérnum, et erit
plus quam Paradísus hic
de cujus aqua si quis bí-
berit sítiet íterum. O quanta
mundo contulisti, quæ tam
salúbris aquæductus esse
meruísti! O Lampas lu-
culentíssima, quantos læ-
tificásti, quanto splendóre
Dei illustráta, desiderátum
illud lumen quo invénta
est drachma décima, se-
déntibus in umbra mortis
protulisti!

Te Deum laudámus.

Ad Laudes

et per Horas.

Ant. 1. Solémnitas * glo-
riósæ Vírginis Mariæ ex

sémine Abrahæ, ortæ de tribu Juda, clara ex stirpe David.

Ps. Dóminus regnávít. cum reliquis de Dominica.

2. Solémnitas est hódie * sanctæ Mariæ Vírginis, cujus vita ínclýta cunctas illústrat eccléas.

3. Regáli ex progénie * Mariá exórta refúlget: cujus précibus nos adjuvárimente et spírítu devotíssime póscimus.

4. Corde et ánimo * Christo canámus glóriam in hac sacra solemnitáte præcélsæ Genitrícis Dei Mariæ.

5. Cum jucunditáte * solemnitátem beátæ Mariæ celebrémus, ut ipsa pro nobis intercédát ad Dóminum Jesum Christum.

Capitulum. Eccli. 24. b.

Ab iníto et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi.

Hymnus. O gloriósa.

Ÿ. Diffúsa est grátia in lábiis tuis. R̃. Proptérea benedíxit te Deus in ætérnum.

Ad Bened. Ant. Solemnitátem hodiérnam perpétuæ Vírginis Genitrícis Dei Mariæ solémniter celebré-

mus, qua celsitúdo throni procéssit, allelúja.

Oratio.

Bonórum ómnium largítor Deus, qui Genitrícis dilécti filii tui speciósam imáginem mira apparitióné claréscere voluísti: concéde, quæsumus; ut ejúdem beátæ Mariæ Vírginis intercessióne, ad cœléstem pátriam felíciter perducámur. Per eúmdem Dóminum.

Ad Primam.

In R̃. br. Ÿ. Qui natus es de Mariá Vírgine.

Ad Tertiam.

Capitulum. Eccli. 24. b.

Ab iníto et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi.

R̃. br. Spécie tua * Et pulchritúdine tua. Spécie tua. Ÿ. Inténde, prospere procéde, et regna. Et. Glória Patri. Spécie tua.

Ÿ. Adjuvábít eam Deus vultu suo. R̃. Deus in médio ejus non comóvébitur.

Ad Sextam.

Capitulum. Eccli. 24. b.

Et sic in Sion firmáta sum, et in civitáte sanctificáta simíliter requiévi,

et in Jerúsalem potestas mea. Et radicavi in populo honorificato, et in parte Dei mei hereditas illius, et in plenitudine sanctorum detentio mea.

R. br. Adjuvabit eam * Deus vultu suo. Adjuvabit. V. Deus in medio ejus non commovebitur. Deus. Gló-
ria Patri. Adjuvabit.

V. Elégit eam Deus, et praelégit eam. R. In tabernaculo suo habitare facit eam.

Ad Nonam.

Capitulum. Eccli. 24. b.

In platéis sicut cinnamomum et balsamum aromatizans odorem dedi: quasi myrrha electa dedi suavitatem odoris.

R. br. Elégit eam Deus, * Et praelégit eam. Elégit. V. In tabernaculo suo habitare facit eam. Et. Gló-
ria Patri. Elégit.

V. Diffusa est gratia in labiis tuis. R. Propterea benedixit te Deus in æternum.

In II. Vesperis.

Omnia ut in primis, præter

Ad Magnif. Ant. Beata Mater, et intacta Virgo, gloriosa Regina mundi, sentiant omnes tuum ju-

vamen quicumque celebrant tuam sanctam solennitatem.

Et fit commem. sequ.

Die 11. Julii.

Ss. Cyrilli et Methodii

Pont. et Conf.

Duplex.

Omnia ut in Brev. die 5. Julii.

Et fit comm. S. Pii Papæ et Mart. ut in Breviario hac die.

Die 16. Julii.

B. Mariæ V. de Monte Carmelo.

Duplex 2. classis.

In I. Vesperis.

Ant. 1. Glória Libani * data est ei, decor Carmeli et Saron.

Psalmi ut in festis B. M. V. per annum.

2. Induit nos * Génitrix Domini vestimento salutis: et indumento justitiæ circumdedit nos.

3. In odorem * unguentorum tuorum currimus: adolescentulæ dilexerunt te nimis.

4. Benedicta filia * tu a Domino, quia per te fructum vitæ communicavimus.

5. Speciosa facta es, * et suavis in deliciis tuis, sancta Dei Génitrix.

Capitulum. Eccli. 24.

Ego quasi fructificávi
suavitátem odóris: et
flores mei fructus honóris
et honestátis. Ego mater
pulchræ dilectiónis, et ti-
móris, et agnitiónis, et san-
ctæ spei.

Hymnus.

Ave maris stella,
Dei Mater alma,
Atque semper Virgo,
Felix cœli porta.

Sumens illud Ave
Gabrielis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces,
Qui pro nobis natus,
Tulit esse tuus.

Virgo singuláris,
Inter omnes mitis,
Nos culpis solútos
Mites fac et castos.

Vitam præsta puram,
Iter para tutum,
Ut vidéntes Jesum,
Semper collætémur.

Sit laus Deo Patri,
Summo Christo decus,
Spirítui sancto,
Tribus honor unus.
Amen.

V. Regína decor Carméli.
R. Dedísti nobis signum
protectiónis tuæ.

Ad Magnif. Ant. Caput
tuum * ut Carmélus, et
comæ cápitis tui sicut púr-
pura Regis vincta canáli-
bus, allelúja.

Oratio.

Deus, qui beatíssimæ sem-
per Virginis et Geni-
trícis tuæ Mariæ singulári
título Carméli Ordinem de-
corásti: concéde propí-
tius; ut cujus hódie Com-
memoratióem solémni ce-
lebrámus officio, ejus mu-
nítí præsídiis, ad gáudia
sempitérna perveníre me-
reámur. Qui vivis et regnas.

Ad Matutinum.

Invit. Dóminum glóriæ
in nube Carméli mirábi-
lem, * Veníte adorémus.

Ps. Veníte exsultémus.

Hymnus. Quem terra, pon-
tus, sídera.

In I. Nocturno.

Ant. Eleváta est * magni-
ficéntia tua super Cœlos,
María Mater gratiárum.

Psalmi trium Nocturnorum
ut in festis B. M. V. per añum.

Ant. In monte pósuit *
tabernáculum suum: et in
hoc Monte salvábor.

Ant. Quis ascéndet * ad
Montem Dómini? aut quis

stabit in loco sancto isto? Innocens mánibus et mundo corde.

V. Rigans Montem de superióribus suis. R. De fructu óperum suórum satiábitur terra.

In I. Noct. Lect. Ego sapientia. cum sequ. R. R.

R. i. Vidi speciósam ascendéntem désuper rivos aquárum, cujus inæstimábilis odor erat nimis in vestiméntis ejus: * Ecce odor filii mei quasi odor agri pleni, cui benedíxit Dóminus. V. Et ut sensit vestimentórum fragrántiam, dixit: Ecce odor.

R. ii. Ego quasi terebínthus exténderam ramos meos, et flores mei * Fructus honóris et grátiae. V. Sub umbra illíus, quem desideráveram, sedi; et fructus ejus dulcis gútturi meo. Fructus.

R. iii. Ego in altíssimis habitávi: * Et thronus meus in columna nubis. V. Quasi cedrus exaltáta sum in Líbano, et quasi cypréssus in Monte Sion. Et. Glória Patri. Et.

In II. Nocturno.

Ant. Astitit Regina * a dextris tuis in vestitu deauráto, circúmdata varietáte.

Ant. Magnus Dóminus * et laudábilis nimis in civitate Dei nostri, in Monte sancto ejus.

Ant. Gloriósa * dicta sunt de te, Cívitas Dei; amícta lúmine sicut vestiménto.

V. Expándit nubem in protectionem nostram. R. Et ignem, ut luceret nobis.

Lectio iv.

Cum sacra Pentecóstes die Apóstoli cœlitus afflāti, váriis linguis loqueréntur, et invocáto augustíssimo Jesu nómine, mira multa patrarent; viri plúrimi (ut fertur) qui vestigiis sanctórum Prophetárum Eliæ ac Elisæi institerant, et Joánis Baptistæ præcónio ad Christi advéntum comparáti fúerant, rerum veritate perspécta atque probáta, Evangélicam fidem conféstim amplexáti sunt; ac peculiári quodam afféctu, beatissimam Vírginem (cujus collóquiis ac familiaritate felíciter frui potuére) ádeo venerári cœperunt, ut primi ómnium in eo Montis Carméli loco, ubi Eliás olim ascendéntem nubéculam, Vírginis typo insígnem, conspéxerat, eidem puríssimæ Vírgini Sacéllum constrúxerint.

R. Ego sapiéntia effúdi flúmina, et quasi aquæductus exívi de Paradíso:

* Rigábo hortum meum plantatiónum, et inebriábo prati mei fructum. V. Penetrábo inferiôres partes terræ, et illuminábo omnes sperántes in Dómino. Rigábo.

Lectio v.

Ad novum ergo Sacéllum
A sæpe quotidie conveniéntes, rítibus piis, precatiónibus ac laúdibus, beatíssimam Vírginem, velut singulárem Ordinis tutelam colébant. Quamóbrem Fratres Beátæ Mariæ de monte Carmélo passim ab ómnibus appellári cœpérunt; eúmque títulum Summi Pontífices non modo confirmáru[n]t, sed et Indulgéntias peculiáres iis, qui eo título vel Ordinem, vel Fratres singulos nuncupárent, concessére. Nec vero nomenclatúram tantum munificentíssima Virgo tribuit et tutelam: verum et insígne sacri Scapuláris, quod beáto Simóni Anglico præbuit, ut cœlésti hac veste Ordo ille sacer dignoscerétur, et a malis ingruéntibus protegerétur. Ac demum cum olim in Európa Ordo esset ignótus, et ob id apud Honórium tértium

non pauci pro illíus extinctiône instárent: ástitit Honório noctu piíssima Virgo María, planéque jussit, ut Institutum et hómines benígne complecterétur.

R. Ego ex ore Altíssimi prodívi primogénita ante omnem Creatúram: * Et sicut nébula texi omnem terram. V. Feci in Cœlis, ut orirétur lumen indeficiens. Et sicut.

Lectio vi.

Non in hoc tantum sæculo Ordinem sibi tam accéptum multis prærogatívís beatíssima Virgo insignívit; verum et in álio (cum ubíque et poténtia, et misericórdia plúrimum váleat) filios in Scapuláris societátem relátos, qui abstinentíam módicam, præcésque paucas eis præscriptas frequentáru[n]t, ac pro sui status ratióne castitátem coluérunt; matérno plane afféctu, dum igne Purgatórii expiántur, solári, ac in cœléstem pátriam obténtu suo quantocius pie créditur efférre. Tot ergo tantisque beneficiis Ordo cumulátus, solémnem Beatíssimæ Vírginis Coñmemoratióne[m] ritu perpétuo ad ejúsdem Vírginis

glóriam quotánnis celebrándam instituit.

R. Creátor ómnium, et qui creávit me requiévít in tabernáculo meo. * Et in hæreditáte Dómini morábor. V. Tunc præcépit et dixit mihi: In Jacob inhábíta, et in Israël hæreditáre; et in eléctis meis mitte radíces. Et in. Glória Patri. Et in.

In III. Nocturno.

Ant. Mons, in quo beneplácitum est Deo * habitáre in eo: étenim Dóminus habitábit in finem.

Ant. Hæréditas mea * præclára est mihi; hæréditas mea super mel et favum.

Ant. Opéruiť nubes * Montem, et habitávit Glória Dómini super eum, tegens illum nube.

V. Fortitúdo et decor induméntum ejus. R. Byssus et púrpura vestis illius.


Léctio sancti Evangélíi secúndum Joánnem.

Lectio vii. Cap. 19.

In illo témpore: Stabant iuxta crucem Jesu Mater ejus, et soror Matris ejus María Cléophæ, et María Magdaléne. Et reliqua.

Homilia sancti Ambrósii Epíscopi.

Ex Ep. 82. ad Vercell. Eccl. in fin.

 aría mater Dómini ante crucem Fílii stabat. Nullus me hoc dócuit, nisi sanctus Joánnes Evangelista. Mundum álii concússum in passióne Dómini conscripsérunt, cœlum ténebris obdúctum, refugísse Solem, in Paradísum latrónem, sed post piam confessiónem, recéptum. Joánnes dócuit quod álii non docuerunt, quemádmódum in Cruce pósitus Matrem appelláverit, pluris putans, quod victor suppliciórum pietátis officia matri exhibébat, quam quod regnum cœléste donábat. Nam si religiósus est, quod latróni donátur vénia; multo uberióris pietátis est, quod a filio mater tanto afféctu honorátur. Ecce, inquit, filius tuus: Ecce mater tua.

R. Elégi et sanctificávi locum istum: * Ut sit ibi nomen meum, et permáneant óculi mei, et cor meum ibi cunctis diébus. V. Non fecit táliter omni nátióni, et judícia sua non manifestávit eis. Ut.

Lectio viii.

Testabátur de Cruce Christus, et inter ma-

trem atque discipulum dividébat pietátis officia. Condebát Dóminus non solum públicum, sed étiam domésticum testaméntum. Et hoc ejus testaméntum signábat Joánnes, dignus tanto testatóre testis. Bonum testaméntum non pecúniæ, sed vitæ æternæ; quod non atraménto scriptum est, sed spíritu Dei vivi, qui ait: Lingua mea cálamus scribæ velóciter scribéntis. Sed nec María minor, quam matrem Christi decébat. Fugiéntibus Apóstolis ante crucem stabat, et piis spectábat oculis Fílii vúlnera, quia expectábat non pignoris mortem, sed mundi salútem. Aut fortásse quia cognóverat per Fílii mortem mundi redemptiónem. Aula regális étiam sua morte putábat se áliquid público additúram múnere.

R̃. Habitábit in solitúdine judícium, et justítia in Carmélo sedébit: et erit opus justítiæ pax, * Et cultus justítiæ siléntium, et secúritas usque in sempitérnum. Ṽ. Et sedébit pópulus meus in pulchritúdine pacis, et in tabernáculis fidúciæ. Et cultus. Glória Patri. Et cultus.

Lectio ix.

Sed Jesus non egébat adjutóre ad redemptiónem ómnium, qui omnes sine adjutóre servávit. Unde et dicit: Factus sum sicut homo sine adjutório inter mórtuos liber. Suscépit quidem afféctum paréntis, sed non quæsívit altérius auxílium. Hanc imitámini, matres sanctæ, quæ in único Fílio dilectíssimo tantum matérnæ virtútis exémplum édedit. Neque enim vos dulcióres liberos habétis, neque illud Virgo quærébat solátium, quod álium posset generáre fílium.

Te Deum laudámus.

Ad Laudes

et per Horas.

Ant. 1. Mirábiles * elatiónes maris Carméli: mirábilis in hoc monte Dóminus.

Ps. Dóminus regnávit. cum reliquis.

Ant. 2. Addúcam eos * in Montem sanctum meum: et lætificábo eos in Domo oratiónis meæ.

Ant. 3. In me grátia * omnis viæ et veritátis: in me omnis spes vitæ et virtútis.

Ant. 4. Spíritus enim meus * super mel dulcis:

et hæréditas mea super
mel et favum.

Ant. 5. In ómnibus * ré-
quiem quæsívi: et in hæ-
reditáte Dómini morábor.

Capitulum. Eccli. 24.

Ego quasi vitis fructifi-
cávi suavitátem odó-
ris: et flores mei fructus
honóris et honestátis. Ego
mater pulchræ dilectiónis,
et timóris, et agnitiónis, et
sanctæ spei.

Hymnus.

O gloriósa vírginum,
Sublímis inter sídera,
Qui te creávit, párvulum
Lacténte nutris úbere.

Quod Heva tristis ábs-
tulit,

Tu reddis almo gérmine:
Intrent ut astra flébiles,
Cœli reclúdis cárdines.

Tu regis alti jánuā,
Et aula lucis fúlgida:
Vitā datam per Vírginem
Gentes redémtæ plaúdite.

Jesu, tibi sit glória,
Qui natus es de Vírgine,
Cum Patre, et almo Spíritu
In sempitérna sæcula.

Amen.

Y. Mitte nobis auxiliū
de sancto. **R.** Et de Sion
tuére nos.

Ad Bened. Ant. Signum
magnum * appáruit in
cœlo: Múlier amícta sole,

et luna sub pédibus ejus,
et in cápite ejus coróna
stellárum duódecim, alle-
lúja.

Oratio.

Deus, qui beatíssimæ
semper Vírginis et Ge-
nitricis tuæ Mariæ singu-
lári título Carméli Ordí-
nem decorásti: concéde
propítius; ut cujus hódie
Commemoratióem solé-
mni celebrámus officio, ejus
muníti præsídiis, ad gaú-
dia sempitérna pervenire
mereámur. Qui vivis et
regnas.

Ad Tertiam.

Capitulum. Eccli. 24.

Ego quasi vitis fructifi-
cávi suavitátem odó-
ris: et flores mei fructus
honóris et honestátis. Ego
mater pulchræ dilectiónis,
et timóris, et agnitiónis, et
sanctæ spei.

R. br. Rigans Montem *
De superióribus suis. Ri-
gans. **Y.** De fructu ópe-
rum tuórum satiábitur ter-
ra. De. Glória Patri. Ri-
gans.

Y. Expándit nubem in
protectiόnem nostram. **R.**
Et ignem, ut lucéret nobis.

Ad Sextam.

Capitulum. Eccli. 24.

Spíritus meus super mel
Sdulcis, et hæréditas mea

super mel et favum: Memoria mea in generationes sæculorum.

R. br. Expándit nubem * In protectionem nostram. Expándit. V. Et ignem, ut luceret nobis. In. Glória Patri. Expándit.

V. Fortitúdo et decor indumentum ejus. R. Byssus et púrpura vestis illius.

Ad Nonam.

Capitulum. Eccli. 24.

Qui audit me non confundetur; et qui operantur in me non peccabunt. Qui elúcidant me vitam ætérnam habébunt.

R. br. Fortitúdo et decor * Indumentum ejus. Fortitúdo. V. Byssus et púrpura vestis illius. Indumentum. Glória Patri. Fortitúdo.

V. Regína decor Carméli. R. Dedísti nobis signum protectionis tuæ.

In II. Vesperis.

Omnia ut in primis, præter sequentia.

V. Regína decor Carméli. R. Dedísti nobis signum protectionis tuæ.

Ad Magnif. Ant. In Sion firmáta sum * et in Civitate sanctificáta similiter requievi: et radicavi in pópulo honorificáto, et in

plenitúdine Sanctorum de-téntio mea, allelúja.

Oratio. Deus, qui beatíssimæ. ut supra. 43*

Die 20. Julii.

S. Liberatæ Virg. et Mart.

Duplex majus.

Oratio.

Beátæ Liberatæ Virginitis et Mátyris tuæ, quæsumus Dómine, précibus et méritis adjuvémur: ut, quæ pro tui nóminis confessione et pudicitiae defensione in cruce pepéndit, ab inimicorum insidiis sua nos protectione defendat. Per Dóminum.

Et fit comm. præced., deinde S. Margaritæ Virg. et Mart.

Ant. Símile est regnum cœlorum hómini negotiátóri quærénti bonas margaritas: invénta una pretiósá, dedit ómnia sua, et comparávit eam.

V. Diffúsa est grátia in lábiis tuis. R. Propterea benedíxit te Deus in ætérnum.

Oratio.

Indulgéntiam nobis, quæsumus Dómine, beáta Margarita Virgo et Martyr implóret: quæ tibi grata semper exstitit et mérito castitátis, et tuæ professione virtútis. Per Dóminum.

In I. Noct. Lect. Confitébor. de Comm. Virg. 2. loco.

In II. Nocturno.

Lectio iv.

Fúcius Catéllius Sevérus, præses Gallæciæ et Lusitaniæ, et ejus terræ régulus, idolórum cultor, ex Calsia cónjuge, eidem falsæ religiõni dédita, uno partu (ut multárum in Hispânia ecclesiárum fert traditio) novem édedit filias. Quæ cum existimáret, hoc posse contra eam áliquam violáti tori et intemperántis vitæ excitáre suspiciõnem, obstetríci sevère indíxit, ut occúlte illam tot filiárum turbam in flumen projiceret. Illa vero consílium detestáta, in próximum vicum progréssa, novem puéllas tótidem nutrícibus aléndas trádidit, a quibus sacro fonte lustrátæ, Genivéra, Wilgefórtis seu Liberáta, Victória, Eumélia, Germána, Gemma, Mártia, Basilíssa, ac Quitéria nuncupátæ, totas se Deo concéptæ virginitátis voto consecrárunt.

R. Propter veritátem.

Lectio v.

Intérea dira persecútiõ christiánium nomen urgébat, et ad Balchágiam Catéllii sedem progréssa (quæ hódie dicitur Bayóna Tudénsis) cultóres idoló-

rum ímpulit, ut vírgines sacras comprehénderent et Catéllio patri sísterent puniéndas. Qui de génere et religiõne sciscitátus, christiánas et filias suas esse cognóvit. Cum autem ómnia illis régia liberalitáte promitteret ómniaque supplicia júdicis severitáte minarétur, ut eas a stúdio christiánæ religiõnis abdúceret, et matérnæ preces et lácrimæ his ómnibus accéderent, nihilóminus sacrae vírgines omnes in ea, quam suscepérant, fide constántes permansérunt.

R. Dilexísti justitiam.

Lectio vi.

Cum autem pater nil proficeret et in filiárum cædem raperétur furóre, illæ, tamétsi martýrii cupidæ, patris tamen grave peccátum vitáre cupiéntes, ab ejus statuérunt sese potestáte subducere. Quod fecére non simul omnes, sed seórsum áliæ álio dilápsæ, ubi váriis locis martýrium subiérunt. Wilgefórtis vero seu Liberáta cum áliis christiánis in erémum secéssit, ubi aspérime vivens silvéstri cibo semel ad vésperam quotidie reficiebátur; donec comprehénsa íterum ab ímpiis idolórum cultóribus ad sa-

crilegum idolórum cultum et impudicitiam fuit instigáta. Illa vero, nec sorórum nece percúlta nec minis, aut cruciátibus detérrita, tortóribus se læta óbtulit. Et post vária tormentórum génera, in Lusitánia ad Castraleúca, pro fide et pudicitia decértans, in cruce méruit martýrii palmam adipísci, circa añum Dómini centésimum trigésimum nonum. Cujus corpus in amplíssimo templo Seguntíno honorífice cónditum summa cólitur religióne et populórum frequentia.

R̃. Afferéntur Regi.

In III. Nocturno.

Léctio sancti Evangélíi secúndum Matthæum.

Lectio vii. Cap. 13.

In illo témpore: Dixit Jesus discíplis suis parábolam hanc: Símile est regnum cœlórum thesaúro abscondito in agro. Et réliqua.

Homilía sancti Joánnis Chrysóstomi.

Homil. 48. super Matth. c. 13.

Sicut granum sinápis et ferméntum, sic duæ parábolæ istæ thesaúri atque margarítæ parum inter se differunt.

Illud enim ambábus his denotátur, quóniam opóreat prædicatióem evangélíi ómnibus céteris antepónere. Et illis quidem (ferménti dico atque sinápis) magna evangélíi virtus ostendebátur, quæ omníno totum orbem terrarum erat superatúra: hæ vero posterióres sumi esse prétéii significant. Sicut enim sinápis exténditur, sic quasi margaríta pretiosissimum est, ac infinitas exhibet commoditátes ut thesaúrus.

R̃. Hæc est virgo.

Lectio viii.

Nec illud solum dícimus, quia cétera abjiciénda sunt ómnia, et sola prædicatio evangélíi retinénda; verum étiam magno id esse cum gaúdio faciéndum. Sane qui renuntiatióem bonórum facit, is nullam jactúram, sed quæstuosissimam facit mercatúram. Perpéndis quómodo in mundo ábdita atque celáta prædicatio est, et in prædicatióne summa felicitas recóndita? Nisi ergo cunctas res tuas venúmdabis, non emes: nisi curióse quæras, non invénies. Duo hæc quippe nobis ad salutem necessária sunt, sæcu-

lárium rerum contéptus,
et jugis vigilántia.

R. Média nocte.

Lectio ix.

Quærénti enim (inquit)
bonas margarítas, et,
cum invenísset unam præ-
tiosam, véndidit quæcúm-
que habébat, ac emit eam.
Una quippe véritas, nec in
multas scínditur partes, ac
vélti qui margarítam ha-
bet, novit se dívitem esse,
etiámsi áliis ignótum non-
númquam illud sit, cum
parvo in lóculo margaríta
reconditur, sic et in prædi-
cacióné veritátis, qui ei ad-
hærent totóque ánimo il-
lam amplectúntur, opulén-
tos esse non ignórant;
quamvis infidéles, thesaúri-
vim non agnoscéntes, fidé-
lium opes contémnant.

Te Deum laudámus.

In Laudibus fit commemor.
S. Margaritæ Virg. et Mart.

Ant. Veni sponsa Christi:
* áccipe corónam, quam
tibi Dóminus præparávit
in ætérnum.

V. Spécie tua et pulchri-
túdine tua. R. Inténde, pró-
spere procéde, et regna.

Oratio ut in Vesp.

In II. Vesp. comm. sequ. et
S. Praxedis Virg. (Antiph. ex
Laud. V. Spécie tua.)

Die 21. Julii.

**S. Hieronymi Æmi-
liani** Conf.

Duplex.

Omnia ut in Brev. die 20. Julii.
Et fit commem. S. Praxedis
Virg. ut in Brev. hac die.

Die 24. Julii.

Ss. Justæ et Rufinæ
Virg. et Mart.

Duplex.

Omnia de Communi Virginum
et Mart., præter sequentia.

In utrisque Vesp. ad Magnifi-
cat et in Laud. ad Benedictus

V. Adducéntur Regi Vir-
gines post eam. R. Próxi-
mæ ejus afferéntur tibi.

Ant. Prudéntes Virgines
* aptáte vestras lámpades:
ecce sponsus venit, exíte
óbviám ei.

Oratio.

Deus, qui virtútem tuam
in vasis fictilibus étiam
frágilis sexus recóndens
sanctis Virgínibus et Mar-
týribus tuis Justæ et Rufi-
næ mirábilem fidei con-
stántiam tribuísti: da no-
bis eárum patrocíniis in
tui amóre perseveráre, et
ad coeléstem corónam per-
veníre. Per Dóminum.

Et fit com. præced. et S. Chri-
stinæ Virg. et Mart. ut in Bre-
viario hac die.

In I. Nocturno Lectiones de
Scriptura occurrente.

In II. Nocturno.

Lectio iv.

Ex S. Isidoro et Brev. Hisp.

Usta et Rufina soróres, Hispalenses, vírgines castíssimæ, facultátibus paúperes, sed virtútibus locuplétes, cum Diocletíanus in christiános sævíret, fictílium mercimónio sese alébant, et tenuitáte egénos sustentábant. Religióse itaque et in magna concórdia domus suæ curam geréntes vitam inculpátam transigébant. Accidit autem statúto quodam die Hispali Adónia celebrári. In quo festo mulierculæ quædam cum sólitis ejulátibus et clamóribus Salambónæ simulácrum (sic Vénerem Syri vocant) in pompa circumferébant, et ab ómnibus passim in ejus dæmonis cultum áliquid erogári efflagitábant. Quæ cum óbiter a sanctis soróribus stipem postularent nec quidquam extorquerent, una ex eis, quæ idóolum bajulábant, omnes fictílium merces indignabúnda confrégit. Sed sanctæ vírgines, non frívolæ rei detriménto commótæ, sed religiónis zelo succénsæ, nefárium simulácrum a se dejecerunt, quod terræ

illísum et comminútum fictile étiam se probávit.

R. Propter veritátem.

Lectio v.

Re autem ad Diogeniánum provinciæ præsidem deláta, quasi impietatis reas capi et ad se addúci jubet. Quæ cum coram eo consisterent, de religióne interrogátæ, se Christi fámulas et pro ejus nómine mori parátas esse intrépiderespondérunt. Admovéntur ergo vária et horribília cruciátus instruménta, ac vírgines hílares et Christum invocántes equúleo suspénsæ férreis úngulis exarántur. Sed cum in fídei confessióne constántes fessis étiam tortóribus persisterent, in cárcerem tradi et inde áliquot post dies éxtrahi jubéntur, ut se longo itínere in loca ad montes Mariános sita (quo sibi juris dicéndi causa eúndum erat) sequeréntur, existimans ejus itíneris difficultáte eárum constántiam vinci posse. Sed divína virtúte imbecilli séxui vires suggerente, rúpium et móntium prærupta et áspera nudis pédibus magna animórum alacritáte superárunt et incólumi fide Hispalim rediérunt: ubi

cum sævissimis iterum cruciatibus earum fides frustra tentata est. Quorum immanitate et diuturno carceris situ et fame Justa enecta, Deo spiritum redens, ad duplicem coronam evolavit.

R. Dilexisti justitiam.

Lectio vi.

Rufina vero ad alia certamina sanctissimæ sorori superstes, præsidis jussu in arēnam producta (ut sanctus Isidorus refert) ferocissimo leōni objecta est. Qui quasi virtutem cœlestem agnoscere, illam eam et intactam reliquit. Reducta ergo in carcerem, fractis a lictore cervicibus gloriosum martirium in vinculis consummavit. Cujus corpus a carnificibus in eandem arēnam tractum combustum est. Ossa autem a Sabino Hispalēsi episcopo collecta et in suburbano cœmeterio honorifice sepulta sunt cum sororis Justæ corpore, quod e profundo puteo, in quem jussu Diogeniani præcipitatum fuerat, idem sanctus episcopus extraxit.

R. Afferentur Regi.

In III. Nocturno Homilia in Evang. Simile erit regnum cœlorum. de Comm 1. loco.

Lectio ix. de Vigilia S. Jacobi Apost. cujus commemor. fit in Laud. ac comm. S. Christianæ Virg. Mart. ut in Brev. hac die.

Die 25. Julii.

Tunquæ:

S. Jacobi Apostoli.

Tit. Eccles. Cathedral.

Duplex 1. cl. cum Oct.

In I. Vesperis.

Ant. et Cap. de Laud. 51*

Ps. ut in I. Vesp. de Comm. Apostolorum.

Hymnus.



Defensor alme
Hispaniæ,
Jacobe, vindex
hostium,
Tonitruum quem filium
Dei vocavit Filius:

Huc cœli ab altis sedibus
Converte dexter lumina,
Audique læti debitas
Grates tibi quas solvimus.

Grates refert Hispania,
Felix tuo quæ nomine
Te gloriatur jūgiter
Dignata sacris ossibus.

Tu, cæca nox atque impia
Nos cum teneret vanitas,
Lucem salutis primitus
Oris Ibëris impetras.

Tu, bella cum nos cingerent,

Es visus ipso in prælio
Equoque et ense acerrimus
Mauros furētes sternere.

Freti tuo nos pignore,
Largum tuo te múnere
Rogámus omnes, ut tuæ
Spe prótegas præséntiæ.

Deo Patri sit glória,
Ejúsque soli Filio,
Cum Spíritu Paráclito
Et nunc, et omne in sæcu-
lum. Amen.

Y. In omnem terram ex-
ívit sonus eórum. R. Et in
fines orbis terræ verba eó-
rum:

Ad Magnif. Ant. Misit
Heródes rex manus, ut af-
flígeret quosdam de ecclé-
sia: occídít autem Jacóbum
fratrem Joánnis gládio.

Oratio ut ad Laudes. 52*

Ad Matutinum omnia ut in
Breviario præter R. R. sequ.

R. i. Procédens Jesus
juxta mare Galilææ, vidit
duos fratres, Jacóbum Ze-
bedæi, et Joánnem fratrem
ejus, in navi. * Et vocávit
eos; qui statim relíctis ré-
tibus et patre secúti sunt
Dóminum. Y. Erant Jacó-
bus et Joánnes fratres in
navi cum Zebedæo patre
eórum, reficiéntes rétia
sua. Et vocávit.

R. ii. Vocávit ad se Dó-
minus Jacóbum Zebedæi,
et Joánnem fratrem Jacóbi,
et fecit ut essent secum
inter duódecim, et ut mít-
teret eos prædicáre; * Et
impósuit eis nómina Boa-

nérges, quod est filii toní-
trui. Y. In omnem terram
exívit sonus eórum, et in
fines orbis terræ verba eó-
rum. Et impósuit.

R. iii. Cum venísset Je-
sus in domum princípís
synagógæ, * Non permi-
sit intráre secum quem-
quam, nisi Petrum et Ja-
cóbum et Joánnem, et pa-
trem et matrem puéllæ.
Y. Et dixit: Nolíte flere,
non est mórtua puélla, sed
dormit. Non permísit. Gló-
ria Patri. Non permísit.

R. iv. Assúmpsit Jesus
Petrum et Jacóbum et Jo-
ánnem fratrem ejus, et
duxit illos in montem ex-
célsum seórsum: * Et
transfigurátus est ante eos.
Y. Et ecce apparuérunt
illis Móyses et Elías cum
eo loquéntes. Et transfigu-
rátus.

R. v. Potéstis bíbere cá-
licem, quem ego bibo? aut
baptismo, quo ego baptí-
zor, baptizári? dixit Jesus
Jacóbo et Joánni fíliis Ze-
bedæi. * At illi dixerunt
ei: Póssumus. Y. Cálicem
quidem, quem ego bibo,
bibétis, et baptismo, quo
ego baptízor, baptizabí-
mini. At illi.

R. vi. Assúmpsit Jesus
Petrum et Jacóbum et Jo-

ánnem secum, et cœpit pavére et tædere. * Et ait illis: Tristis est ánima mea usque ad mortem. V. Sustinéte hic et vigiláte mecum. Et ait. Glória Patri. Et ait.

R. vii. Misit Heródes rex manus, ut afflígeret quosdam de ecclésia: * Occídít autem Jacóbum fratrem Joánnis gládio. V. Ecce ego mitto ad vos prophétas et sapiéntes et scribas, et ex illis occidétis. Occídít.

R. viii. Iste est, qui ante álios Apóstolos primus plantávit ecclésiám sángine suo: * Cujus corpus in Gallæciam delátum per totum orbem glória illustrátur. V. O sidus, o decus Hispániæ, sancte Jacóbe Apóstole, intercède pro nobis ad Deum, qui te elégit. Cujus. Glória Patri. Cujus.

Ad Laudes

et per Horas.

Ant. 1. Accéssit ad Jesum * mater filiórum Zebedæi cum filiis suis, adorans et petens áliquid ab eo.

Psalm. Dóminus regnávít. cum reliquis.

2. Dic, ut sédeant * hi duo filii mei, unus ad dext-

teram tuam et unus ad sinístram in regno tuo.

3. Potéstis bíbere * cálicem, quem ego bibitúrus sum? Dicunt ei: Póssumus.

4. Cálicem quidem * meum bibétis: sedére autem ad dexteram meam et ad sinístram, non est meum dare vobis, sed quibus parátum est a Patre meo.

5. Quicúmque volúerit * inter vos major fieri, sit vester mínister.

Capitulum. 1. Cor. 4.

Fratres: Puto, quod Deus nos Apóstolos novísimos osténdit, tamquam morti destinátos: quia spectáculum facti sumus mundo, et Angelis et homínibus.

Hymnus.

Jesu salus mortálium,
Nobis ades, dum dicimus
Laudes patróno Hispániæ,
Tuam canéntes glóriam.

Laudándus hic est únice,
Quod primus in certámine
Apóstolis ex ómnibus
Pro te profúdit sánguinem.

Tui beátus plúribus
Notis amóris máximi:
Quod testis usque intérfuit
Recónditis mystériis:

Seu vi poténtis dexteræ
Surgit Jaíri filia,

Quando in patérnis ædi-
bus

Est excitáta ab ínferis.

Seu vultus ut sol splén-
didus,

Et vestis ut nix cándida,
Thabóris alto in vértice
Signum tuæ dant glóriæ:

Seu monte olívis cónsito
Angóris est index tui
Sudor tuo de córpore
Ceu gutta manans sángu-
nis.

Deo Patri sit glória,
Ejúsque soli Fílio,
Cum Spíritu Paráclito,
Et nunc, et omne in sæcu-
lum. Amen.

Y. Annuntiavérunt ópera
Dei. R. Et facta ejus in-
tellexérunt.

Ad Bened. Ant. Visitávit
nos * per sanctum suum
Apóstolum, et fecit salútem
de inimícis nostris, Dómi-
nus Deus noster.

Oratio.

Esto, Dómine, plebi tuæ
sanctificátor et custos:
ut beáti Jacóbi Apóstoli
tui muníta præsídiis, et con-
versatióne tibi pláceat, et
secúra mente desérviat. Per
Dóminum nostrum.

Ad Tertiam.

Capit. Fratres: Puto. 51*

R. br. In omnem terram
* Exívit sonus eórum. In
omnem. Y. Et in fines or-

bis terræ verba eórum. Ex-
ívit. Glória. In omnem.

Y. Constitues eos prín-
cipes super omnem terram.
R. Mémoires erunt nóminis
tui, Dómine.

Ad Sextam.

Capitulum. 1. Cor. 4.

Nos stulti propter Chri-
stum, vos autem pru-
déntes in Christo: nos in-
fírmí, vos autem fortes:
vos nóbiles, nos autem
ignóbiles.

R. br. Constitues eos prín-
cipes, * Super omnem ter-
ram. Constitues. Y. Mé-
moires erunt nóminis tui,
Dómine. Super. Glória
Patri. Constitues.

Y. Nimis honoráti sunt
amíci tui, Deus. R. Nimis
confortátus est principá-
tus eórum.

Ad Nonam.

Capitulum. 1. Cor. 4.

Nam si decem míllia pæ-
dagogórum habeátis in
Christo, sed non multos
patres. Nam in Christo Je-
su per evangélium ego vos
genui.

R. br. Nimis honoráti
sunt, * Amíci tui Deus.
Nimis. Y. Nimis confortá-
tus est principátus eórum.
Amíci. Glória Patri. Ni-
mis honoráti.

V. Annuntiavérunt ópera Dei. R. Et facta ejus intellexérunt.

In II. Vesperis.

Ant. et Capit. de Laud. 51*;
Ps. ex II. Vesp. de Comuni
Apost. Hymnus ut in I. Vesp.

V. Annuntiavérunt ópera Dei. R. Et facta ejus intellexérunt.

Ad Magnif. Ant. O beátum Apóstolum, * qui inter primos eléctus, primus ómnium Apostolórum Dómini cálicem bíbere méruit! O gloriósum Hispániæ regnum, tali pignore ac patróno munitum, per quem fecit illi magna, qui potens est, allelúja.

Deinde fit commem. sequ.

Die 26. Julii.

S. Annæ Matris B. M. V.

Duplex 2. classis.

Sanctæ Marthæ: Tit. Eccles.
Cathedr. et Patr. Princ. Diœc.

Duplex 1. cl. cum Oct.

Omnia ut in Brev. hac die.

Die 27. Julii.

Tunquæ:

Tertia die infra Octavam

S. Jacobi.

Semiduplex.

In I. Nocturno Lectiones de Scriptura occurrente.

In II. Nocturno.

Sermo sancti Augustíni Epíscopi.

Serm. 43. de Sanctis.

Lectio iv.

Si ómnium sanctórum Mártyrum grata nobis debet esse solénnitas, quanto grátior eórum, qui præsentem secúti sunt principem Mártyrum? Si agnórum, quanto magis arietum? Illórum enim filii non generatióne carnis, sed imitatióne virtútis facti sunt omnes, qui postérius usque ad mortem conféssi sunt Christum. His primum Dóminus, cum ad confesiónem sui nóminis hortarétur, non solum se promísit victóriæ coronatórem, sed et certáminis adjutórem: étiam in ipsis et pósteros admonébat, quóniam quod dicébat, scriptum pósteris felinquébat.

R. Assúmpsit... et duxit.

Lectio v.

Illis ergo ait, exhórtans eos: Cum autem addúcent vos ad príncipes et potestátes, nolíte cogitare quid respondeátis, vel quid loquámini: non enim vos estis qui loquámini, sed Spíritus Patris vestri, qui lóquitur in vobis. Meditári vétuit: et confitéri præcé-

pit. Máluit enim auférre præsumptiõnem humanam, et grátiam dare divínam, ut in semetipsis tímidi, et mundo essent audáces. Unde et in Psalmo vox mártirum dicit, quasi ex parte humanæ fragilitátis veréndo: Eripe me de inimícis meis, Deus meus, et ab insurgéntibus in me libera me. Et paulo post de auxilio divíno confidens dicit: Fortitúdinem meam ad te custódiam. R. Potéstis.

Lectio vi.

Supra céteras enim turbas fidélium, nec non antiquórum justórum et Prophetárum eminentes Apóstolos suos volens Dóminus osténdere, dixit ad eos: Beáti óculi, qui vident quæ vos vidétis, et aures quæ aúdiunt, quæ vos audítis: multi enim Prophétæ, et justí voluérunt vidére, quæ vos vidétis, et non vidérunt, et audíre quæ audítis, et non audiérunt. Item álibi: Jam, ait, non dicam vos servos, quia servus nescit quid fáciat dóminus ejus. Vos autem dixi amícos, quia ómnia, quæcúmque audívi a Patre meo, nota feci vobis. Item ait idem álio loco: Quæcúmque alligavéritis super terram, erunt ligáta et in cœ-

lo: et quæcúmque solvéritis super terram, erunt solúta et in cœlo.

R. Assúmsit... et cœpit.

In III. Nocturno.

Lectio sancti Evangélíi secúndum Matthæum.

Lectio vii. Cap. 20.

In illo témpore: Accéssit ad Jesum mater filiórum Zebedæi cum filiis suis, adorans et petens áliquid ab eo. Et réliqua.

Homília S. Hilárii Episcopi.

Cap. 20.

Non sine áliquo mómento rerum ita effectum fuisse existimándum est, ut mater filiórum Zebedæi Dóminus deprecarétur. Numquid et filiis peténdi familiaritas non erat? sed erat gestórum efféctibus prophetándum. Itaque in matre filiórum Zebedæi lex intelligitur, quæ confidentia privilégii sui pro credéntibus ex se pópulis deprecatur: quæ quia supérius audierat primos novíssimos et novíssimos primos futúros; deférri filiis suis orat, ut in Dómini regno unus ad dexteram ejus sédeat, alter ad sinistram. Cui Dóminus respóndit, nescíre eam quid oret. Nihil quidem de glória Apo-

stolorum ambigebatur, et
judicatos eos sermo su-
perior exposuit.

R. Misit Heródes.

Lectio viii.

Dénique in médio sermó-
ne, an cálicem suum
possent bíbere intérogat.
At illi, qui jam martýrii
libertátem constantiámque
retinébant, bibituros se pol-
licéntur. Dóminus collaú-
dans eórum fidem ait, mar-
týrio quidem eos secum
cómpati posse; sed lævæ
ejus ac dexteræ assidere,
áliis a Deo Patre fuisse dis-
pósitum. Et quidem, quan-
tum arbitrámur, ita honor
iste áliis est reservátus,
quod tamen nec Apóstoli
ab eo erunt aliéni, qui in
duódecim patriarcharum
sede considéntes Israélem
judicábunt. Céterum, ut
rátio spirituális intelligén-
tiæ plena esset, pro duóbus
Dóminum mater orávit.
Duæ enim sunt vocatiónes
ex Israél: una discipuló-
rum Joánnis, áltera Apo-
stolorum et pharisæorum.
Ideo igitur pro duóbus orá-
vit, quia Evangélio Christi
hæ vocatiónes géminæ cre-
diderunt. R. Iste est.

Lectio ix. de S. Pantaleone
Mart. et commemor. ejusdem
in Laud. ut in Brev. hac die.

Eadem die.

Sanctæ Marthæ:

Secunda die infra Octavam

S. Annæ.

Semiduplex.

In I. Nocturno Lectiones de
Scriptura occurrente.

In II. Nocturno.

Sermo sancti Gregórii
Nazianzeni.

In Laud. Gorgoniæ circa med.

Lectio iv.

Beáta Anna pudicitíæ
quidem laude ádeo
præstitit, adeoque
non modo omnes ætátis
suæ mulieres, sed étiam
véteres, quæ eo virtútis
génere floruisse dicuntur,
antecelluit, ut, cum in duo
hæc gênera vita nostra
omnis divisa sit, nimirum
in matrimónium et cœli-
bátum (quorum álterum ut
præstantius et divinius, ita
majóris quoque labóris et
perículi; álterum humílius
quidem et abjectius, céte-
rum minóri periculo ob-
noxium); vitátis utriusque
status incómodis, quid-
quid in utróque cómmodi
erat, delégerit, in unúmque
coégerit, altérius nempe
sublimitátem, altérius se-
curitátem: fuerítque citra
supercílium pudíca, cœli-
bátus cómmoda matrimónio
témperans, ac re ipsa os-
téndens, neutrum horum

suapte natúra tale esse, ut nos prorsus vel Deo vel mundo adstringat, vel ab his pénitus nos séparet.

R. Propter veritatem.

Lectio v.

Non enim quia carni conjuncta erat, idcirco a spiritu disjuncta est: nec quia pro capite virum habebat, ideo primarium caput ignoravit: sed mundo naturæque hactenus obsecuta, ut carnis legi, vel ei potius qui hanc carni legem indixit, satisfaceret, totam se postea Deo consecravit. Enimvero divinus Sálomon in Provérbiiis, féminam domi manentem, virumque amantem laudat, quæ honeste in domo versatur, ac muliebria officia virili et strénuo ánimo exséquitur, sempérque ad fusum et colum manus obfirmat, ceteraque ómnia præstat, quæ ille de honesta et indústria matróna prædicavit. Ego vero si ab his rebus laudandæ Annæ argumenta peterem, similiter facerem, ac si ab umbra státuam laudárem, aut ab únguibus leónem, relictis majóribus et excellentióribus.

R. Dilexisti justitiam.

Lectio vi.

Quænam umquam dignior fuit, quæ in públicum se

inférret? quænam tamen rarius visa est, minúsque virórum óculis páuit? quænam óculos æque frænávit? quænam risum ádeo irrísit, ádeo ut vel léviter subrisisse propémódum nímium ipsi viderétur? quænam auribus suis jánuas magis impósuit? quænam rursus eas divíno sermóni magis apertas hábuit? imo quænam mentem linguæ moderatricem magis præfécit ad pronuntiándas Dei justificatiónes? quænam modum ordinémque lábiis suis magis constituit? Unus illi rubor placébat, quem gignit pudor: unus candor, quem parit abstinéntia.

R. Fallax grátia.

In III. Nocturno.

Lectio sancti Evangélíi secúndum Matthæum.

Lectio vii. Cap. 13.

In illo témpore: Dixit Jesus discipulis suis parabolam hanc: Símile est regnum cœlórum thesaúro abscondito in agro. Et reliqua.

De Homilía sancti Gregórii Papæ.

Homilia 11. in Evangelia.

Rursum cœléste regnum negotiátóri hómini símile dicitur, qui bonas margarítas

quærit, sed unam pretiosam invenit, quam videlicet inventam, omnia vendens, emit: quia, qui cœlestis vitæ dulcedinem, in quantum possibilitas admittit, perfecte cognoverit, ea, quæ in terrénis amaverat, libenter cuncta derelinquit; in comparatione ejus vilêscunt omnia, deserit habita, congregata dispêrgit: inardescit in cœlestibus ânimus, nihil in terrénis libet: defôrme conspicitur, quidquid de terrênæ rei placêbat spêcie, quia sola pretiosæ margaritæ clâritas fulget in mente.

R. Os suum.

Lectio viii.

Rursus simile esse regnum cœlorum sagênæ in mare missæ dicitur, ex omni genere piscium congregânti, quæ implêta ad litus educitur, et in vasis boni pisces eliguntur, mali autem projiciuntur foras. Sancta Ecclesiâ sagênæ comparatur, quia et piscatoribus est commissâ, et per eam quisque ad ætérnum regnum a præséntis sæculi fluctibus trahitur, ne in ætérnæ mortis profundo mergatur. Quæ ex omni genere piscium congregat: quia ad peccatorum véniam

sapiéntes et fâtuos, liberos et servos, dívites et pauperes, fortes et infirmos vocat.

R. Regnum mundi.

Lectio ix. de S. Pantaleone Mart. et commem. ejusdem in Laud. ut in Brev. hac die.

Die 29. Julii.

S. Marthæ Virg.

Semiduplex.

Sanctæ Marthæ:

Tit. Eccl. Cath. et Patr. Princ. Dicecesis.

Duplex 1. classis cum Oct.

Omnia ut in Brev. hac die.

Sanctæ Marthæ omittitur com. Ss. Felicis II. Pap. et Soc. Mm.

Die 30. Julii.

Tunquæ:

Sexta de infra Octavam

S. Jacobi.

Semiduplex.

In I. Nocturno Lectiones de Scriptura occurrente.

In II. Nocturno.

Ex Tractâtû S. Augustîni
Epîscopi super Psalmos.

Lectio iv. In Ps. 44.

Pro pâtribus tuis nati sunt tibi filii. Genuêrunt te Apóstoli: ipsi missi sunt, ipsi prædicavêrunt, ipsi patres. Sed numquid nobiscum corporaliter semper esse potuerunt? Etsi unus ipsorum dixit: Cûpio dissôlvi, et es-

se cum Christo: multo magis óptimum est; manére autem in carne necessari-um propter vos: dixit hoc quidem; sed quámdui hic manére pótuit? Numquid usque ad hoc tempus? numquid usque in pósterum? Ergo illórum abscéssu desérta est ecclésia? Absit. Pro pátribus tuis nati sunt tibi filii. Quid est: Pro pátribus tuis nati sunt tibi filii? Patres missi sunt Apóstoli: pro Apóstolis filii nati sunt tibi, constitúti sunt epíscopi.

R. Assúmpsit... et duxit.

Lectio v.

Ilódie enim epíscopi qui sunt per totum mundum, unde nati sunt? Ipsa ecclésia patres illos appellat: ipsa illos génuít, ipsa illos constituit in sédibus patrum. Non ergo te putes desértam, quia non vides Petrum, quia non vides Paulum, quia non vides illos, per quos nata es. De prole tua tibi crevit patrénitas. Pro pátribus tuis nati sunt tibi filii: constitúes eos príncipes super omnem terram. Vide templum regis quam late diffúsum est, ut nóverint vírgines, quæ non adducúntur in templum regis, non se ad istas núptias pertinére. R. Potéstis.

Lectio vi.

Pro pátribus tuis nati sunt tibi filii: constitúes eos príncipes super omnem terram. Hæc est cathólica ecclésia: filii ejus constitúti sunt príncipes super omnem terram: filii ejus constitúti sunt pro pátribus. Agnóscant, qui præcísí sunt: véniant ad unitátem: adducántur in templum regis. Templum suum Deus ubique collocávit, fundaménta prophetárum et Apostolórum ubique firmávit. Filios génuít ecclésia: constituit eos pro pátribus suis príncipes super omnem terram.

R. Assúmpsit... et cœpit.

In III. Nocturno.

Lectio sancti Evangélíi secúndum Matthæum.

Lectio vii. Cap. 20.

In illo témpore: Accéssit ad Jesum mater filiórum Zebedæi cum filiis suis, adorans et petens áliquid ab eo. Et réliqua.

De Homilía sancti Joánnis Chrysóstomi.

Homil. 66. in Matthæum.

Sedére autem a dextris et a sinístris non est meum dare, sed quibus parátum est a Patre meo. Quibus porro præparátum est? Illis vidélicet, qui fulgentíssimis opéribus

evasúri sunt. Idcirco vero dixit: Non est meum dare, sed Patris mei: ne quis infirmum atque impotentem ad hanc ipsum fore retributionem opinétur. Sed quonam modo? Non est meum, inquit, sed quibus parátum est. Verum, ut clarius fiat quod dicimus; exémplo id ante óculos ponámus. Ad editórem igitur múnere atque certáminis, quo multi ad præclári athlétæ cónfluant, duos quosdam ipsi præcípua familiaritáte conjúctos accessisse fingámus, qui amicitia principis freti postulare aúdeant, ut victóres ipsi præcónio declaráti coronéntur. Quibus ille respóndeat: Non est meum id dare, sed quibus labóre atque sudóre præparátum est.

R̃. Misit Heródes.

Lectio viii.

Num igitur quasi non potentem illum id fácere condemnábimus? Nequáquam, sed justítiam ejus admirábimur: et, quóniam non persónam, sed rem respicit, laudábimus. Quemádmódum igitur editiónis múnere atque certáminis principem, non quia non potest, sed quia non vult luctatiónis trásgredi leges et justítiae órđinem contur-

báre, sic útique Christum id dixísse affirmámus. Ita úndique illos compellébat in grátia Dei primum, deinde in labóribus própriis omnem salútem et glóriæ spem repónere. Ideo dixit: Quibus parátum est. Nam si álíi præstantióre videbúntur, si excellentióra quam vos ópera factúri sunt, quómodo illis expúlsis locum eórum vos occupábitis? An quia mei discípuli estis, idcirco étiam si non digni primátu éritis, præmia tamen quoque consecutúros vos arbitrémini? R̃. Iste est.

Lectio ix. de Ss. Abdon et Sennen Mm., et eorum comm. in Laud. ut in Brev. hac die.

Eadem die.

Sanctæ Marthæ:

Quinta die infra Octavam

S. Annæ.

Semiduplex.

In I. Nocturno Lectiones de Scriptura occurrente.

In II. Nocturno.

De Sermóne S. Augustíni
Episcopi.

Sermone 45. de Diversis,
cap. 4.

Lectio iv.



perátur viro suo bona, et non mala in omni témpore. In omni témpore operátur bonum et non malum: nec

sibi, sed viro: ut, quæ vivit, jam sibi non vivat, sed ei, qui mórtuus est pro ómnibus, et resurréxit. Viro ergo operátur bonum, coram Deo operátur bonum: illi servit, illi devóta est: illum diligit, illi placére semper studet et desíderat. Non se ornat, nec propter óculos suos, nec propter óculos aliénos. Non est de sibi placéntibus, non est de sua quæréntibus; operátur enim viro suo. Qui autem sibi operántur, omnes sua quærunt, non quæ Jesu Christi. R̃. Propter.

Lectio v.

Invénienti lanam et linum, fecit útile mánibus suis. Laníficam et liníficam matrónam istam sanctus sermo describit. Quæritur autem a nobis, quid sit lana, quid sit linum. Lanam carnále áliquíd puto, linum spiritalé: interióra sunt enim línea vestiménta, lánea exterióra. Quidquid carne operámur, in promptu est: quidquid spírítu, in secréto. Operári enim carne, et non operári spírítu, quamvis bonum videátur, útile non est: operári autem spírítu, et non operári carne, pigrórum est. Invenis hóminem porrigéntem manum vel eleemósynam paúperi,

nec tamen de Deo cogitántem, sed homínibus placére cupiéntem: lánea vestis vidéri potest; interiorem láneam non habet. Invenis álium dicéntem: Sufícit mihi in consciéntia Deum cólere, quid mihi opus est visibíliter miscéri christiánis? Láneam vult habére sine túnica lánea: non novit, neque comméndat tália ópera mulieris.

R̃. Dilexísti justítiam.

Lectio vi.

Exsúrgit de nóctibus, et dedit escas dómui, et ópera ancíllis. Quid valent noctes? Non eam premunt, non eam in ténebris jacére cogunt. Noctes tribulatiónes sunt; sed cui hæc? Et de nóctibus consúrgit, et in tribulatió nibus próficit. Et dedit escas dómui, in nóctibus præbuit se imitándam; fáciens dócuit quod faciéndum dixit: et tunc dedit escas. Quis cómedat de nocte? Prorsus, et tunc dedit escas: quibus enim dedit, semper esúriunt. Beáti enim, qui esúriunt, et sítiunt justítiam, quia ipsi saturabúntur. A nocte spírítus meus vígilat ad te, Deus. Hæc aliménta noctúrna abúndant in domo mulieris hujus.

R̃. Fallax grátia.

In III. Nocturno.

Lectio sancti Evangelii secundum Matthæum.

Lectio vii. Cap. 13.

In illo tempore: Dixit Jesus discipulis suis parabolam hanc: Simile est regnum cœlorum thesauro abscondito in agro. Et reliqua.

Homilia sancti Joannis Chrysostomi.

Ex Homilia 48. in Matth. circa medium.

Perpēdis, quomodo in mundo abdita, atque celata prædicatio est, et in prædicatione summa felicitas recōdita? Nisi ergo cunctas res tuas venūdabis, non emes: nisi curiōse quæras, non invēnies. Duo hæc quippe nobis ad salutem necessariæ sunt, sæcularium rerum contemptus, et jugis vigilantia. Quærebat enim bonas margaritas; et cum invenisset unam pretiosissimam, vendidit quæcūque habebat, ac emit eam. Una quippe veritas est, nec in multas scinditur partes, ac veluti qui margaritam habet, novit se divitem esse; sic et in prædicatione veritatis, qui ei adhærent, opulētos sese non ignōrant.

R̃. Os suum.

Lectio viii.

Deinde, ne confidamus plurimum, quoniam Evangelium suscepimus, neque opinemur sufficere solum nobis fidem ad salutem: horrōris plenam affert parabolam. Simile est, inquit, regnum cœlorum sagēnæ missæ in mare, et cetera. Hanc autem parabolam non interrogatus, sed sponte atque a seipso ex parte interpretatur, et formidinem magis amplificat. Nam ne, cum advērtis pūtrida foras ejēcta esse, nullum aut parvum ejectionis periculum credas, interpretando subjūnxit: Quia in fornacem immittent; et stridore dentium, doloris magnitudinem expressit. Animadvērtis, quot perditionis viæ? R̃. Regnum.

Lectio ix. de Ss. Abdon et Sennen Mm. et eorum cōmem. in Laudibus præmissa cōmem. Octavæ S. Marthæ Virginis (ŷ. Spēcie tua.) ut in Brev.

FESTA AUGUSTI.

Die 1. Augusti.

Tunquæ:

Octava **S. Jacobi** Apost. Duplex.

Officium ut in Festo.

In I. Nocturno Lectiones de Scriptura occurrente.

In II. Nocturno Lect. Funda-
ménta ejus. de Comm. Apost.
2. loco.

In III. Nocturno.

Léctio sancti Evangélíi se-
cúndum Matthæum.

Lectio vii. Cap. 20.

In illo témpore: Accéssit
ad Jesum mater filiórum
Zebedæi cum filiis suis, ad-
órans et petens áliquid ab
eo. Et réliqua.

Homilía sancti Ambrósii
Epíscopi.

Lib. 2. de Fide ad Gratian., c. 3.

Potéstis bíbere cáli-
cem, quem ego bi-
bitúrus sum? Di-
céntibus autem illis: Pós-
sumus: ait illis Jesus: Cá-
licem quidem meum bibé-
tis: sedére autem ad dék-
teram meam vel ad siní-
stram non est meum dare
vobis, sed quibus parátum
est a Patre meo. Quam pá-
tiens et clemens Dóminus,
quam alta sapiéntia, et bo-
na caritas! Volens enim os-
téndere, quod non perfun-
ctóriam rem áliquam discí-
puli postulárent, sed eam,
quam impetráre non pos-
sent, prærogatívam eis pa-
térnæ honorificéntiæ reser-
vávít, non métuens, ne quid
juri próprio derogáret, qui
non rapínam arbitrátus est
esse se æquálem Deo. Si-

mul díligens discípulos;
quia, sicut habes: Usque in
finem diléxit eos. Nóluit his,
quos díligeret, vidéri quod
péterent denegásse sanctus
et bonus Dóminus, qui mal-
let áliquid dissimuláre de
jure, quam de caritáte de-
pónere. Caritas enim pá-
tiens est, benígna est, non
æmulátur, non inflátur, non
quærit, quæ sua sunt.

R. Misit Heródes.

Lectio viii.

Dénique ut agnoscátis,
non infirmitátis, sed in-
dulgéntiæ esse, quod dixit:
Non est meum dare vobis,
ubi sine matre filii Zebedæi
rogant, nihil de Patre dixit.
Sic enim habes: Non est
meum dare vobis, sed qui-
bus parátum est. Ita Mar-
cus Evangélista pósuit. Ubi
vero mater pro filiis rogat,
hoc est secúndum Matthæ-
um: Non est, inquit, meum
dare vobis, sed quibus pa-
rátum est a Patre meo. Hic
áddidit, a Patre meo, quia
majórem indulgéntiam ma-
térnus poscébat afféctus.
Quod si putant dicéndo:
Quibus parátum est a Pa-
tre meo, quod aut Patri
plus tribuit, aut sibi áliquid
derogávit, dicant, utrum et
illic putent Patri áliquid de-
rogátum, quia dixit in Ev-
angélio Filius de Patre:

Pater non júdicat quemquam. Quodsi sacrilégium putámus dicere quod Pater ita júdícium détulit Fílio, ut ipse non hábeat (habet enim nec potest amittere, quod habet naturaliter divína majéstas), sacrilégium útique æstimáre debémus, quod non potest Fílius dare quidquid aut hómines meréri possunt, aut quævis accípere creatúra, præsertim cum ipse díxerit: Ego ad Patrem vado, et quodcúmque ab eo petiéritis in nómine meo, hoc fáciám.

R. Iste est.

Lect. ix. de Ss. Machabæis et eorum commem. in Laud.

Vesp. a Capit. de sequ., cum comem. præced. et S. Stephani.

Die 2. Augusti.

Sanctæ Marthæ:

Octava

S. Annæ Matris B. M. V.

Duplex.


In I. Nocturno Lectiones de Scriptura occurrente.

In II. Nocturno.

De Sermóne S. Augustini
Epíscopi.

Lectio iv.

Sermone 45. de Diversis. cap. 9.

uplícia pállia fecit viro suo. Jam acclamátis: Credo, quod agnóscitis, quæ sunt duplícia pállia. Laudessunt,

laudes fídei, laudes confesiónis, laudes prædicatiónis. Quare duplícia? Christum laudas, Deum laudas, et hóminem. Duplíciter lauda, simplíciter lauda. Duplíciter, quia homo est et Deus: simplíciter, ut non sis fictus. Confitére Deum, confitére hóminem: lauda Deum in hómine, lauda hóminem in Deo. Téxuit pretiosíssimum illud pállium laudis: In princípío erat Verbum, et Verbum erat apud Deum, et Deus erat Verbum: hoc erat in princípío apud Deum. Téxuit et áliud pállium, propter conversatiónem inter hómines quotidiánam: Verbum caro factum est, et habitávit in nobis.

R. Propter veritátem.

Lectio v.

Hic ergo ista laboriósá, vígilans, sollicita, sevère castigans domum suam, surgens de nóctibus, íntuens lucérnam ne extinguátur, in tribulatióne fortis, nondum recéptis promissis pavens, bráchia sua in fusum confirmans, non pigrum panem mandúcans. Sed post labóres istos quasi paupertátis et necessitátis sæculáris, quid erit, quia in diébus novíssimis lætáta est? Quid erit? Audíte,

propter quam spes árdeat lucérna nostra tota nocte, nunc audíte: Surrexérunt filii ejus, et ditáti sunt. Modo in paupertáte vívimus, in paupertáte vigilámus: et cum mórimur, in paupertáte dormímus: sed surgémus et ditábimur. Quæ illæ divítiæ sunt Angelórum? unam vestem habent lucis: numquam téritur, numquam sordidátur. Si filius es mulieris hujus, atténde quando tibi divítiæ promittántur. Surrexérunt filii ejus, et ditáti sunt, paráti resurrectionis divítias accípere. Noli has amáre, ut mereáris ad illas veníre.

R̃. Dilexísti justítiam.

Lectio vi.

Et vir ejus laudávit eam. Multæ, inquit, filiæ fecérunt poténtiam. Laudes sunt, quibus eam laudat vir ejus. Quæ filiæ, quibus hæc comparátur? Non comparátur. Tu autem superásti. Atténdite, rogo vos, jam in fine lectionis sumus. Multæ filiæ fecérunt poténtias, multæ locútæ sunt linguis, sciérunt ómnia sacraménta, fecérunt virtútes multas, dæmónia exclusérunt, res suas paupéribus distribuérunt, córpora sua ignibus tradidérunt: inflátæ sunt, quia caritátem non habué-

runt. Tu autem superásti et superposuísti omnes, non solum flore, sed et fructu grávida abúndans. Date illi de frúctibus mánuum suárum. Quid date? Veníte benedícti Patris mei. De quibus frúctibus mánuum ejus? Esurivi enim, et dedístis mihi manducáre. Et quod illi deínde negótium erit, finítis labóribus? Et laudétur in portis vir ejus. Ipse erit portus labórum nostrórum, vidére Deum, laudáre Deum.

R̃. Fallax grátia.

In III. Nocturno.

Léctio sancti Evangélii secúndum Matthæum.

Lectio vii. Cap. 13.

In illo témpore: Dixit Jesus discipulis suis parábolam hanc: Símile est regnum cœlórum thesaúro abscondito in agro. Et reliqua.

De Homilía S. Augustíni Epíscopi.

Quæst. ex Matth. quæst. 16.

Ideo omnis scribe doctus in regno cœlórum símilis est hómini patrifamílias, qui profert de thesaúro suo nova et vétera. Utrum ista conclusióne expónere vóluit, quem díxerit thesaúrum in agro absconditum? Quó-

niam sanctæ Scripturæ intelliguntur, quæ nómīne duórum testamentórum novi et vétēris concluduntur: quemádmódu apud álium Evangelistam, gládium bis acútum tali conclusióne vidétur expónere.

R̃. Os suum.

Lectio viii.

An quia in parábolis ista locútus est, et cum quæsisset ab eis, utrum intellexissent, responderunt, se intellexisse? Fortásse ista similitúdine última patrisfamilias proferentis de thesaúro suo nova et vétēra ostēdere vóluit, eum doctum habéndum esse in Ecclēsia, qui étiam scriptúras vétēres parábolis explicátas intelléxit, ab istis novis accípiens régulas: quia et ista Dóminus per parábulas enuntiávit, quamvis ipse Christus esset finis illórum; idest, ut in eo illa vétēra compleréntur.

R̃. Regnum mundi.

Lectio ix. de S. Stephano Papa et Mart. et commemor. ejus in Laudibus præmissa commemor. Octavæ S. Marthæ Virginis (V. Spécie tua.) ut in Brev.

Die 5. Augusti.

S. Mariæ ad Nives.

Duplex majus.

Neo-Pampilone:

Duplex 1. classis cum Octav.

Eadem die.

Sanctæ Marthæ:

Octava **S. Marthæ** Virg.

Duplex.

In I. Nocturno Lectiones de Scriptura occurrente.

In II. Nocturno.

De Epístola S. Hierónymi Presbýteri ad Eustóchium.

De custodia Virginum tom. 1. circa medium.

Lectio iv.

De virginibus, inquit Apóstolus, præceptum Dómini non hábeo. Cur? quia et ipse ut esset virgo, non fuit impérii, sed própriæ voluntátis. Neque enim audiēdi sunt, qui eum uxórem habuisse confingunt; cum de continéntia dísserens, et suádens perpétuam castitátem, intúlerit: Volo autem omnes esse sicut me ipsum. Et infra: Dico autem innúptis et víduis: Bonum est illis, si sic permáneant, sicut et ego. Quare ergo non habet Dómini de virginitáte præceptum? Quia majóris est mercédis, quod non cógitur et offeritur: quia si fuisset virginitas imperáta, núptiæ videbántur ablátæ; et duríssimum erat contra natúram cógere, Angelorúmque vitam ab homínibus extorquere. R̃. Propter.

Lectio v.

Alia fuit in véteri lege felicitas. Ibi dicitur: Beátus, qui habet semen in Sion, et domésticos in Jerúsalem; et: Maledícta stérilis, quæ non paríebat; et: Filii tui sicut novéllæ olivárum in circúitu mensæ tuæ. Vácuus erat orbis, et, ut de týpícis táceam, sola erat benedictio liberórum. Proptérea et Abraham jam senex Cethúrá copulátur, et Jacob mandrágoris redímítur, et conclúsam vulvam in Ecclesiæ figúram Rachel conquéritur. Paulátim vero increscénte ségete, messor immíssus est. Virgo Elías, Eliséus virgo, vírgines multi filii Propheetárum. Jeremíæ dicitur: Et tu ne accípias uxórem. Sanctificátus in útero, captivité propínqua, uxórem prohibétur accípere. Aliis verbis idípsum Apóstolus lóquitur: Exístimo hoc bonum esse propter instántem necessitátem. Quæ est ista necéssitas, quæ aufert gáudia nuptiárum? Tempus breviátum est, in próxímo est Nabuchodónosor.

R̃. Dilexísti justítiam.

Lectio vi.

Inveniebátur ergo, ut díximus, in viris tantum hoc

continéntiæ bonum, et in dolóribus júgiter Heva parturiébat. Postquam vero virgo concépit in útero, et péperit nobis púerum, cujus principátus in húmeros ejus, Deum, fortem, patrem futúri sæculi, solúta maledíctio est. Mors per Hevam, vita per Mariám. Ideóque et dítius virginitátis donum fluxit in féminas, quia cœpit a fémina. Statim ut Fílius Dei ingræssus est super terram, novam sibi famíliam instítuit, ut qui ab Angelis adorabátur in cœlo, habéret Angelos et in terris. Tunc Holoférnis caput Judith cóntinens amputávit: tunc Aman, qui interpretátur iníquitas, suo combústus est igni: tunc primum audítum est: Quæ non est nupta, cógitat quæ sunt Dómini, ut sit sancta córpore et spírítu.

R̃. Afferéntur Regi.

In III. Nocturno.

Léctio sancti Evangélíi secúndum Lucam.

Lectio vii. Cap. 10.

In illo témpore: Intrávit Jesus in quoddam castéllum: et múlíer quædam, Martha nómine, excépit illum in domum suam. Et réliqua.

De Homilía S. Augustíni
Epíscopi.

Serm. 27. de Verbis Dñi, t. 10.

Transit labor multitudinis, et rémanet caritas unitátis. Ergo quod elégit María, non auferétur ab ea: a te autem, Martha, quod elegísti (útique hoc séquitur, útique hoc subintelligitur) a te, quod elegísti, auferétur: sed bono tuo auferétur, ut quod mélius est detur. Auferétur enim a te labor, ut réquies detur. Tu návigas, illa jam in portu est.

R. Hæc est.

Lectio viii.

Vidétis ergo, caríssimi, et quantum árbitror, jam intelligítis in his duábus muliéribus, quæ ambæ fuérunt Dómino gratae, ambæ amábiles, ambæ discípulæ: vidétis ergo, et magnum áliquíd intelligítis, quicúmque intelligítis, quod audíre et scire debétis étiam qui non intelligítis, in his duábus muliéribus duas vitas esse figurátas, præsentem et futúram, laboriósam et quiétam, æumnósam et beátam, temporálem et ætérnam. R. Média nocte.

Lectio ix.

Duæ sunt vitæ: de illis vos copiósius cogitáte. Quid hábeat hæc vita, non

dico mala, non iníqua, non nefária, non luxuriósa, non ímpia; sed laboriósá et ærúmnis plena, timóribus castigáta, tentatiónibus solícita: hanc ipsam innocéntem vitam dico, qualem decébat habére Martham. Hanc ergo, quantum potéstis, inspícite, et de hac, ut dixi, copiósius, quam lóquimur, cogitáte. Vita vero iníqua áberat ab illa domo, nec cum Martha erat, nec cum María: et, si aliquándó fuit, Dómino intránte fugit.

Te Deum laudámus.

Die 6. Augusti.

Transfigurat. D.N.J.C.

Duplex 1. classis cum Octav.

Omnia ut in Breviario eadem die omissa commem. Ss. Xysti et Socior. Mart.

Die 9. Augusti.

S.Emygdii Episc. et Mart.

Duplex.

In I. Vesperis.

Ant. et Capit. de Laud. 73*
Ps. ut in I. Vesp. de Comuni Apostolorum.

Hymnus.

Aúdiat miras óriens cadénsque
Sol tuas laudes celebrésque
palmas,
Præsul Emýgdi, cólumen,
tuæque
Glória gentis.

O jubar cœli rádiis de-
 córum,
 O potens signis, meritísque
 felix,
 Quem Deus gestis adhibére
 suévit
 Grándibus olim.
 Ethnico primum génitus
 parénte,
 Illico nomen súperis dedí-
 sti,
 Pátrii spretis ópibus, beáta
 Regna requírens.
 Miles hinc scriptus Tría-
 dis supérnæ
 Italis infers sacra bella
 plagis,
 Instruis verbo, tribuísque
 mira
 Dona salútis.
 Victor, et dives spóliis,
 deórum
 Templa subvértis, simulá-
 cra et aras,
 Mox feras gentes numerósa
 reddis
 Agmina Christo.
 Sit salus illi, decus atque
 virtus,
 Qui super cœli sólio corú-
 scans,
 Totius mundi sériem gu-
 bérnat
 Trinus, et unus. Amen.
 V. Terra trémuit et quié-
 vit. R. Dum pro nobis de-
 precarétur Emýgdus.
 Ad Magnif. Ant. Emýg-
 dus spíritu oris sui idoló-

rum cultum et templa sub-
 vértit: quos in Christo gé-
 nuit filios, illos fidéliter a
 ruínis terræmótus servávit.

Oratio ut ad Laudes. 74*

Et fit coñem. Octavæ Trans-
 figurat., ac S. Romani Mart. ut
 in Brev.

Ad Matutinum.

Invit. Regem Mártyrum
 Dñm * Veníte adorémus.

Ps. Veníte, exsultémus.

Hymnus.

Imperas saxo, látitans re-
 pénte
 Lympha consúrgit, flúitans
 salúbri
 Fonte baptísmit, populós-
 que lustras
 Flúmine sacro.

Péctoris duros sílices re-
 pélle,
 Sáxeum cordis túmidi ri-
 górem
 Cóntere, ut sordes lacri-
 mósa manans
 Abluat unda.

Non times sævi rábiem
 tyránni,
 Sáanguine effúso, generóse
 Martyr:
 Quin tibi abscíssum caput
 usque ad aras
 Mórtuus effers.

Nunc triumphátor super
 astra regnans,
 Sémitam nobis aditúmque
 monstra:

Súpplīces ductor génitos
supérnis
Sédibus infer.

Annuat cœlo Pater atque
Natus,
Annuat, compar utriúsque
virtus,
Spíritus votis, Deus unus
omni
Témporis ævo. Amen.

In I. Nocturno.

Ant. Circuivit terram, et
perambulávit eam, ut no-
tam fáceret in pópulis gló-
riam Dei.

Psalmi trium Nocturnorum de
Communi unius Mart.

Ant. Virtúte magna red-
débat testimónium summi
Dei et Jesu Christi Dómini
nostri.

Ant. Confúsi sunt, qui
adorábant sculptília, et qui
gloriabántur in simulácris
suis.

Y. Glória et honóre co-
ronásti eum Dómine. R. Et
constituísti eum super ópe-
ra mánuum tuárum.

De libro Ecclesiástici.

Lectio i. Cap. 5.

Ne sequáris in fortitú-
dine tua concupi-
scéntiam cordis tui:
et ne díxeris: Quómodo pó-
tui? aut quis me subjíciet
propter facta mea? Deus
enim víndicans vindicábit.
Ne díxeris: Peccávi, et quid

mihi áccidit triste? Altíssi-
mus enim est pátiens réd-
ditor. De propitiáto pec-
cáto noli esse sine metu,
neque adjícias peccátum
super peccátum. Et ne di-
cas: Miserátio Dómini ma-
gna est, multitudinis pec-
catórum meórum miserébi-
tur. Misericórdia enim et
ira ab illo cito próximant,
et in peccatóres réspicit
ira illíus.

R. Egréssus est de terra
sua et de cognatióne sua:
* Et venit in terram quam
monstráverat illi Deus.
Y. Ut annuntiáret inter
Gentes ópera ejus. Et venit.

Lectio ii. Cap. 10. b.

Inítium omnis peccáti est
supérbia: qui tenúerit il-
lam, adimplébitur maledí-
ctis, et subvértet eum in
finem. Proptérea exhono-
rávit Dóminus convéntus
malórum, et destrúxit eos
usque in finem. Sedes du-
cum superbórum destrúxit
Deus, et sedére fecit mites
pro eis. Radíces géntium
superbárum arefécit Deus,
et plantávit húmiles ex ip-
sis géntibus. Terras gén-
tium evértit Dóminus, et
pérdidit eas usque ad fun-
daméntum.

R. Diréctus est in conver-
siónem Géntium, * Et tulit

abominatiónes impietátis.
 V. Zelo zelátus est pro Dómino Deo. Et tulit.

Lectio iii. Cap. 16. c.

Non dicas: A Deo abscondar, et ex summo quis mei memorábitur? In pópulo magno non agnóscar: quæ est enim ánima mea in tam imménsa creatúra? Ecce cœlum, et cœli cœlórum, abyssus et universa terra, et quæ in eis sunt, in conspéctu illius commovebúntur, montes simul, et colles, et fundamenta terræ; cum conspéxerit illa Deus, tremóre concutiéntur.

R. Elégit abjéctus esse in domo Dei, * Magis quam habitáre in tabernáculis peccatórum. V. Et virtúte magna reddébat testimónium Jesu Christi Dómini nostri. Magis. Glória Patri. Magis.

In II. Nocturno.

Ant. Audiéntes autem Gentes gavísæ sunt, et glorificábant verbum Dei.

Ant. Et cantábant cánticum novum, carmen Deo nostro: Dóminus enim augébat quotidie, qui salvi fíerent.

Ant. Multitúdinis autem credéntium erat cor unum et ánima una.

V. Posuísti Dómine super caput ejus. R. Coronam de lápide pretiósó.

Lectio iv.

Emýgdus, e nobili Francórum prosápia Tréviris natus, anno ætátis vigésimo tertio, paréntibus idolólatris frustra obstantibus, fidem Christi suscepit, et constantissime proféssus est. Cum tribus discipulis Euplo, Germáno et Valentíno vitam duxit. Humánis spreitis oblectaméntis, rebus divinis plénius incumbébat, erga próximum caritátis ardóre æstuábat; idcirco ad procurándam multórum salutem Romam se contulit. Hospítio excéptus in ínsula Tíberis, hópitis filiam per quinquénium immedicábili morbo languéntem baptismo sanávit.

R. A fácie furóris tui Deus conturbáta est omnis terra: * Miserére, et ne fácias consummatiónem. V. Avertátur furor tuus a pópulo tuo. Miserére.

Lectio v.

Mox, óculis cæci coram pópulo signo crucis apértis, a multitúdine, eum filium Apóllinis credénte, in templum Æsculápii rápitur. Ibi Christi servum

se professus, ejus invocatiōe magnum nūmerum ægrorum, nequidquam idōli opem implorantium, valetūdini restituit, aras diruit, Æsculāpii signum confractum in Tiberim projecit. Quibus rebus, et mille trecentorum Gentilium, præter Æsculāpii sacerdotes, conversiōe inde secuta, irritati Posthūmii Titiani præfecti Urbis minas, Angeli mōnitu, declinans, sanctum Marcellum Pontificem adiit, a quo episcopus ordinatus, et Asculum missus est.

R. Montes commovebuntur, et colles contremiscent:
* Misericordia autem mea non recedet a te. V. Et fœdus pacis meæ non movēbitur. Misericordia.

Lectio vi.

Multis in itinere miraculis, ingenti multitudine Christo adjuncta, simul ac Asculum Emýgdus pervenit, dæmones, e simulacris idolorum per cuncta fana ejulātibus editis, peregrinum doloris sui causam indicarunt. Quem cum concitata plebs ad cædem quæreretur, excitus tumultu Polýmius civitatis præses, eum ad se vocatum multis sed irritis verbis, ad Jovis et Angariæ deæ Asculi pa-

trōnæ veneratiōem hortatur, promissis etiā in præmium nūptiis propriæ filiæ Polýsiæ, quam Emýgdus ad Christum conversam baptizavit, et post eam mille et sexaginta homines, educta e saxo per ingens miraculum aquarum copia. His in rabiem actus Polýmius sancto episcopo caput abscidit; quo facto, truncus ejus mirabiliter erectus abjectum humo proprium caput attollens manibus, per spatium tercentorum passuum ad oratorium portavit; inde ad templum maximum translatum est, ubi magna religione Asculani populi et concursu exterorum hanc usque in diem colitur. Incidit ejus beata mors persecutiōe Diocletiani durante.

R. Misericordia tua Domine non recedat a nobis:
* Ut salvet nos, dum terra tremit. V. Eleva brachium tuum: et dextera tua glorificetur in nobis. Ut. Glória Patri. Ut.

In III. Nocturno.

Ant. Sicut pastor gregem suum pavit, et in brachio suo congregavit agnos.

Ant. Tradidit corpus suum in mortem, ideo coronatus possidet palmam.

Ant. In vita sua fecit monstra, et in morte mirabilia operátus est.

℣. Magna est glória ejus in salutári tuo. R. Glóriam et magnum decórem impónes super eum.

Léctio sancti Evangélíi secúndum Lucam.

Lectio vii. Cap. 15.

In illo témpore: Dixit Jesus discíplis suis: Cum audiéritis prælia et seditiões, nolíte terréri: opórtet primum hæc fieri, sed nondum statim finis. Tunc dicébat illis: Surget gens contra gentem, et regnum advérsus regnum. Et terrémótus magni erunt per loca. Et réliqua.

Homilía sancti Gregórii Papæ.

Homilia 1. in Evang.

Dóminus ac Redemptor noster parátos nos inveníre desiderans, senescéntem mundum quæ mala sequántur denúntiat, ut nos ab ejus amóre compéscat. Appropinquántem ejus términum quantæ percussiónes prævéniant, innotéscit: ut si Deum metúere in tranquillitate nólumus, saltem vicinum ejus judícium vel percussiónibus attríti timeámus.

R. Hic est fratrum amátor, et pópuli Israël: * Hic est qui multum orat pro pópulo et univérsa sancta civitáte Jerúsalem. ℣. Ipse intercédát pro nobis ad Dóminum. Hic est qui.

Lectio viii.

Huic étenim lectioni sancti Evangélíi, quam modo vestra fraternitas audívit, paulo supérius Dóminus præmísit, dicens: Exsúrget gens contra gentem, et regnum advérsus regnum: et erunt terrémótus magni per loca, et pestilentíæ et fames. Et quibúsdam interpósitis, hoc, quod modo audístis, adjúnxit: Erunt signa in sole, et luna, et stellis, et in terris pressúra géntium præ confusióne sónitus maris et flúctuum. Ex quibus profécto ómnibus ália jam facta cernimus, ália in próximo ventúra formidámus.

R. Iste sanctus gloriósum sánguinem fudit pro Dómino, amávit Christum in vita sua, imitátus est eum in morte sua: * Et ideo glorificávit eum in cœlis. ℣. Iste sanctus conféssus est Jesum Christum coram homínibus. Et ideo. Glória Patri. Et ideo.

Lectio ix. de Homilia Vigilæ
S. Laurentii, si vero contigerit
alia die celebrari, erit sequens

Lectio ix.

Nam gentem contra gen-
tem exsurgere, earum-
que pressuram terris in-
sistere plus jam in nostris
temporibus cernimus, quam
in codicibus legimus. Quod
terræ motus urbes innume-
ras obruat, ex aliis mundi
partibus scitis quam fre-
quenter audivimus. Pestil-
entias sine cessatione pa-
timur. Signa vero in sole,
et luna, et stellis, adhuc
aperte minime vidimus;
sed quia et hæc non longe
sint, ex ipsa jam æris im-
mutatione colligimus.

Te Deum laudamus.

Ad Laudes

et per Horas.

Ant. 1. Ut cognovit *
Emýgdus, quod magnus
est Dóminus Deus noster
præ omnibus diis, statuit cu-
stodire iudicia iustitiæ suæ.

Ps. Dóminus regnavit.

2. Exiit de domo sua, *
et de cognatione sua, et
venit in terram, quam mon-
straverat illi Deus.

3. In hoc excitavit * illum
Dóminus, ut ostenderet in
eo virtutem suam, et an-
nuntiaret inter Gentes no-
men suum.

4. Intelléctum dedit ei, *
et instruxit in via hac, qua
graderetur, et firmavit su-
per eum oculos suos.

5. Directus est * in con-
versionem Géntium, et tulit
abominationes earum.

Capitulum. Jac. 1. b.

Beatus vir qui suffert ten-
tationem: quoniam cum
probatus fuerit, accipiet co-
ronam vitæ quam repromi-
sit Deus diligentibus se.

Hymnus.

Jesu, corona Mátyrum,
Qui post cruénta prælia
Ad sempiterna præmia
Sanctum vocasti Emýgdium:

Casti cruoris púrpura
Palmæque ovantem nobili,
Inter choros cœlestium
Reples beato lumine:

Nunc ejus ad victorias
Nos somnolentos excita:
Virtutis ad præconia
Sopore mersos libera.

Ut invocatus reddidit
Membris salutem languidis,
Sic labe prorsus criminum
Arcana purget mentium.

Ut editis miraculis,
Aras deorum diruit,
Sic damna præsens arceat,
Quæcumque nobis immi-
nent.

Ut voce quondam sustulit
Cultus nefandos dæmo-
num,

Sic impetret precántibus
Ætérna cœli gáudia.

Tu postulátis ánnue,
Rex magne Jesu Mártý-
rum,

Cum Patre, et almo Spíritu
Regnans per omne sæcu-
lum. Amen.

℣. Ora pro nobis san-
cte Emýgdi. R. Ut digni
efficiámur promissionibus
Christi.

Ad Bened. Ant. O virum
ineffábilem, per quem no-
bis antíqua prodígia Móy-
sis corúscant, cujus nútibus
e saxo aqua baptismatis
Asculáno pópulo emanávit:
per quem evangélica lux
effúlsit: quem triúmphans
excépit cúria cœlestís; illic
pro nobis intercédere di-
gnétur, ut suo mereámur
gaudére consórtio.

Oratio.

Deus, qui beátum Emýg-
dium Mártýrem tuum
atque Pontíficem idolórum
victória et miraculórum
glória decorásti: concéde
propítius: ut, eo interve-
nién-te, malórum spirítuum
fraudes víncere, et coru-
scáre virtútibus mereámur.
Per Dóminum nostrum.

Fit comm. Oct. Transfig.,
Vigil. ac S. Romani Mart.

Ad Horas.

Ant. de Laud. Cap. et R. R.
br. de Comm. unius Mart.

In II. Vesperis.

Si dicendæ sint, omnia ut in
I., et loco ult. Ps. dicitur Ps.
115. Crédidi.

Hymnus. Jesu coróna.

℣. Méritis et précibus
beáti Emýgdii. R. Propí-
tius esto Dómine clero et
pópulo tuo.

Ad Magnif. Ant. O Emýg-
di, Martyr glorióse, quos in
Christo genuísti fílios, et ve-
ræ fidei lacte enutristi, tua,
quæsumus, orátio commén-
det nos indesiné-ter Deo.

Die 11. Augusti.

Sexta die infra Octavam
Transfigur. D. N. J. Chr.

Semiduplex.

Omnia ut in festo præter, se-
quentia.

Et fit comm. Oct. S. Laurentii
et Ss. Tiburtii et Soc. Mm.

In I. Nocturno Lectiones de
Scriptura occurrente.

In II. Nocturno.

**Sermo sancti Augustíni
Epíscopi.**

Serm. 69. de divers.

Lectio iv.

Inspeciénd-a nobis, et
tractánd-a est, carís-
simi, visio, quam
Dóminus demonstrávit in
monte. Ipsa est enim, de
qua díxerat: Amen dico
vobis, quia sunt hic qui-
dam de circumstántibus,

qui non gustábunt mortem, donec vídeant Fílium hóminis in regno suo. Non parva quæstio est. Neque enim ille mons, regnum erat comprehénsus. Quid est mons ei, qui póssidet cœlum? Quod non solum légimus, sed étiam óculis cordis quodámmodo vidémus. Regnum suum dicit, quod multis locis appellat regnum cœlórum: regnum autem cœlórum est regnum Sanctórum.

R. Inebriáti.

Lectio v.

Hoc ut ostenderétur, vidéte, quid factum est. Dóminus ipse Jesus resplénduit sicut sol, vestiménta autem ejus facta sunt cándida sicut nix. Ipse Jesus quidem, ipse resplénduit sicut sol, se lumen esse significans, quod illúminat omnem hóminem veniéntem in hunc mundum. Quod est iste sol óculis carnis, hoc ille óculis cordis: et quod iste cáribus, hoc ille córdibus. Vestiménta autem ejus, Ecclesia ejus. Vestiménta enim, nisi ab indúto continéantur, cadunt. Horum vestimentórum quædam quasi novíssima fimbria Paulus **fuit**. Ipse enim dicit: Ego

enim sum mínimus Apostolórum. *R.* Præcéptor.

Lectio vi.

Móyses et Eliás, idest, lex et Prophétæ, quid valent, nisi cum Dómino colloquántur? Nisi Dómino perhíbeant testimónium, quis leget legem? quis Prophétas? Vidéte quam bréviter hoc Apóstolus ait: Per legem enim cognítio peccáti. Nunc autem sine lege, justítia Dei manifestáta est; ecce sol: testificáta a lege et Prophétis; ecce splendor. Videt hoc Petrus, et humana sápiens tamquam homo: Dómine, bonum est, inquit, nos hic esse. Ut quid inde discéderet ad labóres et dolóres? Habens in Deum sanctos amóres, et ideo bonos mores, bene sibi volébat esse. Ad hæc nihil Dóminus respóndit.

R. Si ministrátio.

In III. Nocturno.

Lectio sancti Evangélíi secúndum Matthæum.

Lectio vii. Cap. 17.

In illo témpore: Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsum seórsum: et transfigurátus est ante eos. Et réliqua.

Homilia sancti Hierónymi Presbýteri.

Lib. 3. Comm. in Matth. c. 17.

Quæritur quómodo post dies sex assumpserit eos et dúxerit in montem excelsum seórsum, cum Lucas Evangelísta octonárium número ponat. Sed fácilis respónsio est: quia hic médii ponúntur dies, ibi primus ádditur et extrémus. Non enim dicitur, post dies octo; sed, die octávo. Duxit illos in montem. Dúcere ad montána discipulos, pars regni est. Ducúntur seórsum, quia multi vocáti, pauci vero elécti. Et transfigurátus est ante eos. Qualis futúrus est témpore judicándi, talis appáruit Apóstolis. *R.* Vocávit.

Lectio viii.

Quod autem dicit, Transfigurátus est ante eos, nemo putet, prístinam eum formam et fáciem perdídisse, vel amisísse córporis veritátem, et assumpsísse corpus vel spiritále vel aéreum: sed quómodo transformátus sit, Evangelísta démonstrat, dicens: Et resplénduit fácies ejus sicut sol, vestiménta autem ejus facta sunt alba sicut nix. Ubi splendor faciéi ostén-

ditur, et candor describitur véstium, non substántia tollitur, sed glória commutátur. Transformátio splendórem áddidit, fáciem non subtráxit. *R.* Deus, qui.

Lectio ix. de Ss. Martyribus Tiburtio et Susanna.

In Laudib. fit comm. Octav. S. Laurentii et Ss. Martyr. Tiburtii et Susannæ.

Eadem die.

Tunquæ:

S. Petri ad Vincula.

Duplex majus.

Omnia ut in Breviario die 1. hujus omissa commemor. Ss. Machabæorum Mart.

Lectio ix. de Ss. Martyr. Tiburtio et Susanna.

Post comm. S. Pauli Apost. commemor. Octav. ac Ss. Mart. Tiburtii et Susannæ.

Eadem die.

Sanctæ Marthæ:

S. Mariæ ad Nives.

Duplex majus.

Omnia ut in Breviario die 5. hujus.

Lectio ix. de Ss. Martyribus Tiburtio et Susanna.

Et fit cõnem. Octavarum ac Ss. Tiburtii et Susannæ Mart.

Die 12. Augusti.

Neo-Pampilone:

Octava Dedicationis

S. Mariæ ad Nives.

Duplex.

In I. Nocturno Lectiones de Scriptura occurrente.

In II. Nocturno.

De Expositione S. Gregorii
Papæ in libros Regum.

In I. Regum 1.



uit vir unus de Ramáthaim Sophim, de monte Ephraïm.

Potest, hujus montis nómine, beatíssima semper virgo María, Dei Génitrix, designári. Mons quippe fuit, quæ omnem eléctæ creatúræ altitúdinem, electiónis suæ dignitaté transcendit. An non mons sublimis María, quæ ut ad conceptiónem æterni Verbi pertíngeret, meritórum vérticem supra omnes Angelórum choros, usque ad sólium Deitátis eréxit? Hujus enim montis præcellentíssimam dignitatém Isaías vaticinans, ait: Erit in novíssimis diébus præparátus mons domus Dómini in vértice móntium. Mons quippe in vértice móntium fuit, quia altitúdo Mariæ supra omnes sanctos refúlsit.

R. Sicut cedrus.

Ex Epístola S. Leónis Papæ
ad Pulchériam Augústam.

Epist. 13. ante med.

Lectio v.

Sacraméntum reconcilia-
tiónis nostræ ante tém-
pora æterna dispositum,

nullæ implébant figuræ, quia nondum supervénerat Spíritus sanctus in Vírginem, nec virtus Altíssimi obumbráverat ei, ut et intra intemeráta viscera, ædificánte sibi Sapiéntia domum, Verbum caro fieret, et forma Dei ac forma servi in unam conveniéntem persónam, Creátor témporum nascerétur in témpore, et per quem facta sunt ómnia, ipse inter ómnia gignerétur. Nisi enim novus homo, factus in similitúdinem carnis peccáti, nostram suscéperet vetustatém, et consubstantialis Patri, consubstantialis esse dignarétur et matri, naturámque sibi nostram solus a peccáto liber uníret, sub iugo diaboli generaliter tenerétur humana captivitas.

R. Quæ est ista.

De Expositione S. Basilii
Epíscopi in Isaíam Pro-
phétam.

In cap. 8. post initium.

Lectio vi.

Accéssi, inquit, ad Prophetíssam, et in útero accépit, et péperit filium. Quod María Prophetíssa fúerit, ad quam próxime accéssit Isaías per prænotiónem spíritus, nemo contradíxerit, qui sit memor

verbórum Mariæ, quæ prophético afflata spiritu elocuta est. Quid enim ait? Magnificat ánima mea Dóminum, et exsultávit spíritus meus in Deo salutári meo: quia respéxit humilitatem ancillæ suæ: ecce enim ex hoc beátam me dicent omnes generatiónes. Quod si ánimus accomodáveris univérsis ejus verbis, non útique per dissídium negáveris eam fuisse Prophetíssam, quod Dómini Spíritus in eam supervenerit, et virtus Altíssimi obumbráverit ei.

R. Ornátam monilibus.

In III. Nocturno.

Lectio sancti Evangélíi secúndum Lucam.

Lectio vii. Cap. 11.

In illo témpore: Loquente Jesu ad turbas, extóllens vocem quædam múlíer de turba dixit illi: Beátus venter, qui te portávit. Et reliqua.

Homília sancti Joánnis Chrysóstomi.

In Joann. c. 2. Homil. 20. circa finem.

Cum audieris mulierem illam dicentem: Beátus venter, qui te portávit, et úbera, quæ tu suxisti; deinde Dóminum respondentem:

Quin imo beáti, qui aúdiunt verbum Dei, et custódiunt illud; ea senténtia dictum existima, non quod matrem negligeret, sed nihil ei utilitátis matris nomen allatúrum osténderet, nisi bonitáte et fide præstáret. Quod si Mariæ nihil sine virtúte matrèna caritas erat profutúra, longe minus nobis patris, fratris, matris, filii bonitas, nisi áliquíd nostrum afferámus.

R. Felix namque.

Lectio viii.

In nullo namque álio, nisi in solis sui ipsíus virtútibus post divínam grátiam de salutè cuípiam sperándum est. Nam si id profutúrum erat per se Mariæ, profuísset étiam Judæis, quorum consanguíneus erat Christus secúndum carnem; profuísset civitatí, in qua natus est; profuísset frátribus. Atqui dum fratres rerum suárum curam habuérent, nihil eis propinquitátis nomen prófuit, sed cum réliquo mundo damnáti erant.

R. Beátam me.

Lectio ix.

Tunc autem admiratióni esse cœpérunt, quando própria claruérent virtúte: pátria vero nihil inde consecúta cécidit, et incéndio

absúpta est; concíves mí-
sere interépti periére;
consanguínei secúndum
carnem nil ad salútem lucrá-
ti sunt, deficiénte virtútis
patrocínio. Verum Apóstoli
ante omnes claríssimi eva-
sérunt, cum se ad veram et
expeténdam ejus familiari-
tatem consuetudinémque
per obediéntiam contulé-
runt. Hinc intelligimus, fide
semper nobis opus esse, et
vita, quæ virtútibus lúceat:
hæc dumtáxat salvos nos
facere póterit.

Te Deum laudámus.

In Laud. fit comm. Octavar.

Die 13. Augusti.

Octava

Transfigurationis D. N. J. Chr.

Duplex.

Omnia ut in Festo, die 6. Aug.
præter sequentia.

In I. Vesp. comm. S. Claræ,
Virg.; deinde Octav. S. Lau-
rentii, postea Ss. Hippolyti et
Cassiani, Mm. ut in Brev.


In I. Nocturno Lectiones de
Scriptura occurrente.

In II. Nocturno.

Sermo S. Cyrilli Episcopi
Alexandrini.

Apud Metaph. post med.

Lectio iv.

rbitrátus fortásse
beátus Petrus ad-
venísse tempus re-

gni Dei, in monte quidem
versári déligit: dicit autem
tria esse faciéndá taberná-
cula, nésciens quid diceret.
Non erat enim tempus con-
summationis sæculi, neque
in præsentí témpore sunt
sancti futúri partícipes spei
eis promíssæ. Cum ergo
dispensátio adhuc esset in
príncipio, et nondum esset
finíta, quómodo erat con-
sentáneum, Christum, qui
vénerat propter caritátem
in mundum, desínere pro
eo velle pati? Nesciébat
ergo Petrus quid diceret.

R. Inebriáti sunt.

Lectio v.

Céterum, præter admirá-
bile et arcánum Christi
glóriæ spectáculum, áliquid
quoque áliud factum est
útile et necessárium, ad
confirmándam in se fidem,
non solis discípulis, sed
étiam nobis ipsis. Désuper
enim ex alto éxstitit vox
Dei et Patris dicéntis: Hic
est Fílius meus diléctus, in
quo mihi bene complácuí,
ipsum audíte. Et dum fa-
cta est, inquit, vox, invén-
tus est solus Jesus. Ecce
præsén-te Móyse Pater ju-
bet sanctis Apóstolis ut
eum aúdíant; quod si eos
voluísset sequi præcépta
Móysis, dixísset: Serváte

legem. Nunc autem ne hoc quidem dicit Deus et Pater. Aberat quidem Móyses, Elías autem non áderat, solus vero erat Christus: jussit ergo ipsum audíre. Ipse est enim finis legis et prophetárum.

R̃. Præceptor.

Lectio vi.

Propterea Judæórum pópulum allocútus est, dicens: Si crederétis Móysi, crederétis útique mihi: ille enim de me scripsit. Quóniam autem et per sapientíssimum Móysen datum præceptum contémnere, et quæ per sanctos prophétas dicta sunt nihil dúcere, perpétuo perseverárunt, jure sunt abalienáti, et exturbáti a bonis quæ promíssa sunt ipsis pátribus. Obediéntia enim mélior est quam sacrificium, et auscultátio quam adeps agnórum, sicut scriptum est, et ita quidem se habent res Judæórum. Nobis autem, qui ejus advéntum agnóvimus, ómnia omníno bona áderunt per ipsum, et in ipso Christo. Per quem, et cum quo, Deo et Patri glória et poténtia, cum sancto Spíritu, in sæcula sæculórum. Amen.

R̃. Si ministrátio.

In III. Nocturno.

Léctio sancti Evangélíi secúndum Matthæum.

Lectio vii. Cap. 17.

In illo témpore: Assúmpsit Jesus Petrum, et Jacóbum, et Joánnem, fratrem ejus, et duxit illos in montem excélsu seórsum: et transfigurátus est ante eos. Et réliqua.

De Homilía S. Ambrósii Epíscopi.

Lib. 7. in Lucam cap. 9.

Hic est Fílius meus diléctus: hoc est, non Elías fílius, non Móyses fílius, sed hic est Fílius, quem solum vidétis; recessérunt enim illi, ubi cœpit Dóminus designári. Vides hanc non solum insipíentium, sed étiam perfectórum, imo étiam coeléstiū fidem esse perféctam, Fílium Dei scire. Sed quóniam hæc jam supra díximus, cognósce nubem istam non fumigántium esse móntium nebulóso humóre concrétam, et coácti áëris calígine píceam, quæ cœlum tenebrárum horróre subtéxat: sed lúcidam nubem, quæ nos non pluviálibus aquis et huméntis alluvióne imbris immádidet, sed de qua mentes hóminum, voce

**Dei omnipotentis emissā,
ros fidei rigāvit.**

R̃. Vocāvit nos.

Lectio viii.

Itaque cum tres essent,
unus est factus. Tres in
principio videntur, unus in
fine. Perfēcta enim fide
unum sunt. Dénique hoc
étiam Dóminus Patrem
orat, ut omnes unum si-
mus. Nec solum Móyses
et Elías in Christo unum
sunt, sed étiam nos unum
corpus sumus Christi. Er-
go, et illi tamquam in uno
cópore, recipiuntur in
Christi corpus, quia et nos
unum érimus in Christo
Jesu. Aut fortássis, quia
lex et prophétæ ex verbo:
quæ autem ex verbo cœ-
pérunt, in verbo désinunt.
Finis enim legis est Chri-
stus, ad justitiam omni cre-
denti. **R̃. Deus, qui.**

Lectio ix. de Ss. Hippolyto
et Cassiano, ut in Brev.

In Laud. fit cōmem. Octavæ
S. Laurentii; deinde Ss. Mart.

In II. Vesp. Commem. sequ.,
deinde Octavæ S. Laurentii,
postea S. Eusebii.

Die 14. Augusti.

Sanctæ Marthæ:

S. Alfonsi M. de Ligorio

Ep. Conf. et Eccl. Doct.

Duplex.

Omnia ut in Brev. die 2. hujus
omissa cōmem. S. Stephani
Papæ et Mart.

Lect. ix. de Homil. Vigil.

Et fit comm. Octav. S. Lau-
rentii. Vigilæ Assumptionis
B. M. V. et S. Eusebii Conf.
(**N. Amāvit**) ut in Breviario
hac die.

Eadem die.

Neo-Pampilone:

S. Claræ Virginis.

Duplex.

Omnia ut in Breviario die
12. hujus.

Lectio ix. de Homil. Vigil.

Et fit comm. Octav. S. Lau-
rentii. Vigilæ Assumptionis
B. M. V. et S. Eusebii Conf.
ut in Brev. hac die.

Die 16. Augusti.

S. Rochi Confessoris.

Duplex.

Sanctæ Fidei Bogotæ:

Duplex majus.

Omnia ut inter festa pro ali-
quibus locis eadem die.

Sanctæ Fidei Bogotæ tamen
in I. Noct. Lect. **Beātus vir.**
de Communi Conf. non Pont.
2. loco.

Die 18. Augusti.

S. Hyacinthi Conf.

Duplex.

Omnia ut in Breviario die
16. hujus.

Lectio ix. de S. Agapito Mart.
ut in Brev. hac die.

In Laudibus comm. Octavæ
Assumpt. et S. Agapiti Mart.

Die 30. Augusti.

S. Rosæ Limanæ Virg.

Patr. Præc. Americ.

Duplex 1. classis cum Oct.

In I. Vesperis.

Antiph. de Laudib. 88*; Ps. de Comm. Virg.

Capitulum.

Sap. 8.

Hanc amávi, et exquisívi a juventúte mea, et quæsívi sponsam mihi eam assúmere, et amátor factus sum formæ illíus, ait Dóminus omnípotens.

Hymnus.

Tellúris omnes incolæ
Rosæ plaudant solémniis:

Ejúsque laudes cóncinant
A solis ortu ad Hesperum.

Ilæc a paréntis úbere
Prævénta donis grátia,
Deoque plena, vándicem
Armávit in se dexteram.

Miris modis innóxios
Afflíxit artus, spíneis
Cinxit coróllis vérticem,
Cibósque felle pólluit.

Nunc læta, pœniténtiæ
Largo potítur præmio:
Novúmque psallit cánticum,

Agni sequens vestígia.

Horum Datóri múnere
Sit laus, decúsque pérpetim:

Qui trinus unus ómnia
Regit Deus per sæcula.
Amen.

V. Spécie tua, et pulchritúdine tua. R. Inténde, prospere procéde, et regna.

Ad Magnif. Ant. Benedícta tu a Deo tuo, Rosa, in omni tabernáculo Jacob: quóniam in omni gente, quæ audierit nomen tuum, super te Deus Israël magnificábitur.

Oratio ut ad Laudes. 88*

Ad Matutinum.

Invitat. Regem sempitérnum, veníte adorémus: *
Qui Rosam cordis sui digne pro méritis coronávit in cœlis.

Ps. Veníte, exsultémus.

Hymnus.

Limána regum civitas
Regále munus édedit:
Rosam Deo gratíssimam,
Cœléstis oræ flósculum.

Vicit nitóre sídera,
Pulsa soli calígine:
Et par beátis méntibus,
Numen gerébat pectore.

Porténta, vel ludíbria
Sævæ stygis non hórruit:
Seditque solitária
Turbam perósa, et sæculum.

Nos, o Beáta, réspice,
Tuis vacántes laúdibus:
Et, expiátis sórdibus,
Duc ad supérna gáudia.

Sit, Christe, Sponse Vir-
ginum,
Tibi, Patrique glória
Cum Spíritu Paráclito
In sæculórum sæcula.
Amen.

In I. Nocturno.

Ant. Rosam tuam, Dó-
mine, minuísti paulo mi-
nus ab Angelis: quia glória,
et honóre coronásti eam.

Psalmi trium Nocturnorum
de Comm. Virg.

Ant. Tamquam sponsus,
procédens de thálamo suo,
in Rosa pósuit taberná-
culum suum.

Ant. Rosa innocens má-
nibus, et mundo corde,
ascéndet in montem Dó-
mini, et stabit in loco
sancto ejus.

V. Spécie tua et pulchri-
túdine tua. R. Inténde, pró-
spere procéde, et regna.

De Cánticis Canticórum.

Lectio i. Cap. 2.

Ego flos campi, et líli-
um convállium. Sic-
ut lílium inter spi-
nas, sic amíca mea inter
fílias. Sicut malus inter li-
gna silvárum, sic diléctus
meus inter filios. Sub um-
bra illíus, quem desiderá-
veram, sedi: et fructus ejus
dulcis gútturi meo. Intro-
dúxit me in cellam viná-
riam, ordinávit in me cari-

tátem. Fulcíte me flóribus,
stipáte me malis, quia amó-
re lángueo. Læva ejus sub
cápite meo, et délixtera il-
líus amplexábitur me. Ad-
júro vos, filiæ Jerúsalem,
per cápreas, cervósque
campórum, ne suscitétis,
neque evigiláre faciátis di-
léctam, quoadúsque ipsa
velit.

R. Atténdite, pópuli, de
longe: Dóminus ab útero
vocávit me: de ventre ma-
tris meæ. * Recordátus est
nóminis mei. V. Magnus
Pastor óvium in ságuine
testaménti ætérni próprias
oves vocat nominátim, et
edúcit eas. Recordátus.

De libro Proverbiórum.

Lectio ii. Cap. 8.

Ego diligéntes me díligo:
et qui mane vígilant
ad me, invénient me. Me-
cum sunt divítiae et glória,
opes supérbæ, et justítia.
Mélior est enim fructus
meus auro, et lápide pre-
tíoso, et genímína mea ar-
génto elécto. In viis justí-
tiæ ámbulo, in médio semi-
tárum judícii, ut ditem di-
ligéntes me, et thesaúros
eórum répleam. Dóminus
possédit me in inítio viá-
rum suárum, ántequam
quidquam fáceret a prin-
cípío. Ab ætérno ordináta

sum, et ex antiquis, antequam terra fieret.

R. Datum est Rosæ nomen melius a filiis et filiabus, nomen novum. * Quod os Dóminæ nominávit. V. Dabo illi cálculum cándidum, et in cálculo nomen novum. Quod.

De libro Ecclesiástici.

Lectio iii. Cap. 39.

Obaudíte me divíni fructus, et quasi rosa plantata super rivos aquarum fructificáte. Quasi Líbanus odórem suavitátis habéte. Floréte flores, quasi lílium, et date odórem, et frondéte in grátiam, et collaudáte cánticum, et benedicíte Dóminum in opéribus suis. Date nómini ejus magnificéntiam, et confitémini illi in voce labiórum vestrorum, et in cánticis labiórum, et cítharis, et sic dicéti in confessióne: Opera Dómini univérsa bona valde.

R. Ego quasi storax, et gálbanus, et quasi Líbanus non incísus vaporávit habitatióem meam: * Quasi bálsamum non mixtum * Odor meus. V. Dedit Indica Rosa odórem suavitátis, et domus impléta est ex odóre unguénti. Quasi. Glória Patri. Odor.

In II. Nocturno.

Ant. Omnis glória Rosæ ab intus in vestítu deauráto, circumamícta varietáte: id eo concupívit rex spéciem ejus.

Ant. Adjúvit Rosam Dóminus mane dilúculo, et in médio cordis ejus non commovébitur.

Ant. Fundaménta Rosæ in móntibus sanctis: et ipse fundávit eam Altíssimus super ómnia tabernácula Jacob.

V. Adjuvábít eam Deus vultu suo. R. Deus in médio ejus, non comovébitur.

Lectio iv.

Ex Actis, et Bulla Beatif.

Primus Americæ Meridionalis flos sanctitátis, virgo Rosa, christiánis paréntibus Limæ progénita, mox ab incunábulis cláruit futúre sanctimóniæ indíciis. Nam vultus infántis, mirabíliter in rosæ effigiem transfigurátus, huic nómini occasiódinem dedit, cui póstea Virgo Deípara cognómen adjécit, jubens, vocári deinceps Rosam a sancta María. Quinquénis votum perpétuæ virginitátis emísit. Adúltior, ne a paréntibus ad nuptias cogerétur, clam síbimet venustíssimam cápi-

tis cæsáriem præscídít. Je-
júniis supra húmánum mo-
dum addícta, íntegras Qua-
dragésimas transégít pane
ábstinens, ac diétim solis
quinque gránulis mali ci-
tríni víctitans.

R. Non conferétur hæc
Rosa tinctis Indiæ colóri-
bus, nec dábitur aurum ob-
rízum pro ea: * Quóniam
omne aurum in compara-
tíone illius aréna est exígua.
V. Glória, et divítiae in do-
mo ejus, et justítia ejus
manet in sæculum sæculi.
Quóniam.

Lectio v.

Hábitu tértii órdisinis san-
cti Domínici assúptó,
prístinas vitæ austeritátes
duplicávit. Oblóngo, as-
perrimóque cilício sparsim
minúsculas acus innéxit:
sub velo corónam, densis
acúleis intrórsus obarmá-
tam, intérdiu noctúque ge-
stávit. Sanctæ Catharínæ
Senénsis árdua premens
vestigia, caténa férrea, trí-
plici nexu circumdúcta,
lumbos cinxit. Léctulum
sibi e truncis nodósis com-
pósuit, horúmque vácuas
commissúras fragmínibus
testárum implévit. Cél-
lulam sibi angustíssimam struxit
in extrémó horti ángulo:
ubi cœléstium contempla-

tióni dédita, crebris disci-
plínis, inédia, vigíliis cor-
púsculum exténuans, at
spíritu vegetáta, larvas dæ-
monum, fréquenti certá-
mine victrix, impávide pro-
trívit, ac superávit.

R. Fecit sibi secrétum
cubiculum in quo clausa
morabátur, et habens su-
per lumbos suos cilícium.
* Jejunábat ómnibus dié-
bus vitæ suæ. V. Virgo
Rosa cogitábat, quæ Dó-
mini sunt: ut esset sancta
córpoze, et spíritu. Jeju-
nábat.

Lectio vi.

Agritúdinum torméntis,
domesticórum insúl-
tibus, linguárum mórsibus
dire agitáta, nondum satis
pro mérito se afflígi quere-
bátur. Per quíndecim años
ad plúsculas horas desola-
tíone spíritus et ariditáte
misérime contabéscens,
forti ánimo tulit agónes
omni morte amarióres. Ex-
índe cœpit supérnis abun-
dáre delíciis, illustrári vi-
siónibus, colliquéscere se-
ráphicis ardóribus. Angelo
tutelári, sanctæ Catharínæ
Senénsi, Vírgini Deíparæ
inter assíduas apparitíones
mire familiáris, a Christo
has voces audíre méruit:
Rosa cordis mei, tu mihi

sponsa esto. Dénique Sponsi hujus paradíso feliciter invéctam, plurimisque ante et post óbítum miráculis corúscam, Clemens décimus Póntifex Máximus sanctárum Vírginum catálogo ritu solémni adscripsit.

R. Benedicta tu, Fília, a Deo excélso: quia non pepercísti ánimæ tuæ propter angústias, et tribulatióem géneris tui: * Sed subvenísti ruínæ: * Ante conspéctum Dei nostri. V. Curásti gentem tuam, et liberásti eam a perditiónem. Sed subvenísti. Glória Patri. Ante conspéctum.

In III. Nocturno.

Ant. Surgénte Rosa, gaudebant campi, et ómnia, quæ in eis sunt: exsultábant ómnia ligna silvárum.

Ant. Exsúltet terra, et læténtur ínsulæ multæ: quia vidérunt omnes pópuli glóriam sanctificatiónis ejus.

Ant. Moveátur mare et plenitúdo ejus, orbis terrárum, et qui hábitant in eo: quia Dóminus in Rosa mirabília fecit.

V. Elégit eam Deus, et præelégit eam. R. In tabernáculo suo habitáre facit eam.

Léctio sancti Evangélíi secúndum Matthæum.

Lectio vii. Cap. 12.

In illo témpore: Dixit Iesus turbis parábolam hanc: Símile est regnum cœlórum grano sinápis, quod accípiens homo seminávit in agro suo. Et réliqua.

Homília sancti Petri Chrysólogi.

In Cap. 13. Matth.

Audístis, fratres, quemádmódu grano sinápis tota regni cœléstis comparáta est magnitúdo. Quærens Christus in cœlo, et in terra, nihil invénit nisi granum sinápis, in quo poténtiam totam supérnæ dominatiónis inclúdat: et illud regnum singularitáte potens, æternitáte felix, divinitáte fulgens, diffúsum toto cœlo, tota terra dilatátum, in grano sinápis coárctat, et cogit angústias. Spes ista est credéntium? Exspectátió ista est fidélium summa? Ista est felicitas vírginum, longis continétiæ labóribus comparáta? Fratres, non fáci le Domínici moveámur in dictis. Nam si infírmum Dei fórtius est homínibus; hoc mínimum Dei tota magnitúdi ne mundi magnifi-

céntius invenitur: si modo hoc granum sinápis nos sic nostris seminémus in méntibus, ut intelligéntiæ nobis magnam in árborem crescat.

R. Diléxit Rosa decórem domus Dei, et locum habitationis glóriæ ejus: ideo* Requiéscet in monte sancto ejus. V. Non discedébat de templo, jejúniis, et obsecrationibus sérvians nocte et die. Requiéscet in monte.

Lectio viii.

Grani ergo sinápis instar est regnum Dei, quod de supérnis affértur verbo, suscípitur auditu, fide séritur, credulité radicátur, spe crescit, confessióne dif-fúnditur, virtúte ténditur, et dilatátur in ramos, ad quos vocat aves cœli, id est, spirituáles sensus, atque in ipsis eas quiéta súscipit mansióne. Véniat hæré-ticus, véniat, quia redeúntibus Ecclésiæ semper patéscit ingræssus. Véniat, aúdiat, et pietáti Domínicæ jam désinat oblatráre. Si cœléstis regni majéstas omnis ad grani sinápis similitúdinem venit, quid quæritur, quod Deus ad hóminem, Dóminus servi descendit ad formam? Sic enim venit, ut tibi totum

per fidem crésceret, cui jam totum defécerat per natúram.

R. Veni de Líbano, Rosa cordis mei, veni de Líbano, Sponsa: * Veni, coronáberis de vértice Sanír, et Hermon. V. Média nocte clamor factus est: Ecce Sponsus venit. Veni. Gló-ria Patri. Veni.

Lectio ix.

Sed atténdite, quia Chri-stus est regnum cœló-rum, qui velut granum si-nápis, in hortum virgínei córporis missus, orbe toto Crucis in árborem crevit, ac tantum dedit fructus sui sapórem, cum téritur pas-sióne, ut quidquid est vitále, suo saporáret, et condíret attáctu. Nam sicut in inte-gritáte grani sinápis virtus habétur occúlta; appáret vero virtus ejus vehemen-tissime si terátur: ita Chri-stus córpore teri vóluit, qui suam nóluit latére virtútem. Et nos fratres, terámus istud granum sinápis ut ejus vim in hac similitúdinem sen-tiámus. Terámus granum illud, ut ora nostra fervén-tia vívida fructu sui sapóris succéndat, et flammétur in pectore: atque nostræ igno-rántiæ totum nobis aúferat sua degustatióne fastídium. Te Deum laudámus.

Ad Laudes

et per Horas.

Ant. 1. Mirábilis in altis
Dóminus, ut sponsam suam
mirificáret, decórem indú-
tus est, præcingens se vir-
túte.

Ps. Dóminus regnávít.

2. In lætítia et exsulta-
tíone sérvíens Deo beáta
Rosa, introívit in átria ejus.

3. Exsultávit Rosa in
velaménto alárum tuárum,
quia suscepit eam délixtera
tua.

4. Benedícat omnis im-
ber, et ros Dómino, qui
Rosam benedictíone irri-
gávit de superióríbus suis.

5. Laudant nomen Dó-
mini aquæ omnes, quæ
super cœlos sunt, ubi Rosa
vernát, plantáta juxta ri-
vos aquárum.

Capitulum. Sap. 8.

Hanc amávi, et exquisívi
a juventúte mea, et
quæsívi sponsam mihi eam
assúmere, et amátor factus
formæ illíus, ait Dóminus
omnípotens.

Hymnus.

Auróra cœlum púrpurat,
Rosísque mane cónco-
lor,
Laudes sacrátæ Vírginis
Rosæ monet nos pângere.

Hanc ergo laudent Angeli,
Et omnis ordo Cœlítum,
Laudent chori mortálíum,
Ubíque gestis ínclýtam.

Hanc primam amóris ví-
ctímam

Admóvit aris India,
Orbis juvámen præpotens,
Exémplar innocéntiæ.

Dat cæcis luce pérfrui,
Solvítque linguæ víncula,
Claudos jacéntes érigit,
Morbis medétur ómnibus.

Jugis tibi laus, Trínitas,
Reddátur omni témpore,
Et cum Rosa nos pértrahe
Ad nuptiále gáudium.

Amen.

¶. Diffúsa est grátia in
lábiis tuis. R. Proptérea
benedíxit te Deus in ætér-
num.

Ad Bened. Ant. O Rosa
odorífera spargens ubíque
virtútum odórem, fac nos
ejus, qua frúeris, lucis,
suavitatisque partícipes.

Oratio.

Bonórum ómnium largi-
tor, omnípotens Deus,
qui beátam Rosam, cœlé-
stis grátiae rore præven-
tam, virginitátis et patien-
tiæ decóre Indis floréscere
voluísti: da nobis fámulis
tuis; ut in odórem suavítá-
tis ejus curréntes, Christi
bonus odor éffici mereá-
mur. Per eúmdem Dñm.

Ad Tertiam.

Capitulum. Sap. 8.

Hanc amávi, et exquisívi
a juventúte mea, et
quæsívi sponsam mihi eam
assumere, et amátor factus
formæ illius, ait Dóminus
omnípotens.

R. br. Spécie tua * Et
pulchritúdine tua. Spécie.
V. Inténde, prospere pro-
céde, et regna. Et. Glória
Patri. Spécie.

V. Adjuvábít eam Deus
vultu suo. R. Deus in mé-
dio ejus, non comóvénitur.

Ad Sextam.

Capitulum. Eccli. 39.

Obaudíte me, divíni fru-
ctus, et quasi rosa plan-
táta super rivos aquárum
fructificáte, quasi Líbanus
odórem suavitátis habéte.

R. br. Adjuvábít eam *
Deus vultu suo. Adjuvábít.
V. Deus in médio ejus,
non commóvénitur. Deus.
Glória Patri. Adjuvábít.

V. Elégít eam Deus, et
præelégít eam. R. In ta-
bernáculo suo habitáre fa-
cit eam.

Ad Nonam.

Capitulum. Eccli. 39.

Floréte, flores, quasi lí-
lium, et date odórem,
et frondéte in grátiam: col-

laudáte cánticum, et bene-
dícite Dóminum in opéri-
bus suis.

R. br. Elégít eam Deus,*
Et præelégít eam. Elégít.
V. In tabernáculo suo ha-
bitáre facit eam. Et præ-
elégít. Glória Patri. Elégít.

V. Diffúsa est grátia in
lábiis tuis. R. Proptérea
benedíxit te Deus in ætér-
num.

In II. Vesperis.

Omnia ut in I. Vesp., præter

V. Diffúsa est. 88*

Ad Magnif. Ant. Rosa
soror nostra bene sit nobis
propter te, et vivat ánima
nostra ob grátiam tui.

Deinde fit commem. sequ.

Domin. post Oct. Assumpt.**Purissimi Cordis
B. M. V.**

Duplex majus.

Omnia ut inter festa pro ali-
quibus locis eadem Domin.

FESTA SEPTEMBRIS.**Die 1. Septembris.**

Tertia die infra Octavam

S. Rosæ Virg.

Semiduplex.

Omnia ut inter festa præter
sequ. Lectiones.

In I. Nocturno Lectiones de
Scriptura occurrente.

In II. Nocturno.

Sermo sancti Ambrósii
Epíscopi.

Liber 1. de Virgine.

Lectio iv.

Ego licet laudatióem non suscepim virginitátis, sed expressiõem; ad rem tamen pertinere árbitor, ut quæ sit ei pátria, quis auctor, appareat. Ac prius ubi sit pátria, definiámus. Si enim ibi est pátria, ubi genitále domicílium; in cœlo profecto est pátria castitátis: itaque hic ádvena, ibi íncola est. Quid autem est cástitas virginális, nisi expers contagiõnis intégritas? Atque ejus auctórem quem póssumus existimáre, nisi immaculátum Dei Fílium, cujus caro non vidit corruptiõem, divínitas non est expérta contagiõnem?

R. Non conferétur.

Lectio v.

Videte igitur, quanta virginitátis mérita sint. Christus ante vírginem, Christus ex vírgine; a Patre quidem natus ante sæcula, sed ex vírgine natus ob sæcula. Illud natúræ suæ, hoc nostræ utilitátis est. Illud erat semper, hoc esse vóluit. Spectáte áliud

virginitátis méritum, Christus virgo virginis sponsus, et si dici potest, Christus virgineæ castitátis. Virginitas enim Christi, non virginitátis est Christus. Virgo est ergo, quæ nupsit, virgo quæ nos suo útero portávit, virgo quæ génuit, virgo quæ próprio lacte nutrit. Sed jam a matre descendámus ad filias.

R. Fecit sibi.

Lectio vi.

De virginibus, inquit Apóstolus, præceptum Dómini non hábeo, consílium autem do. Si Doctor Génitium non hábuit, habere quis pótuit? Et præceptum quidem non hábuit, sed hábuit exémplum: non enim imperári potest virginitas, sed optári. Nam quæ supra nos sunt, in voto magis quam in magistério sunt. Sed volo vos, inquit, sine sollicitúdine esse: nam qui sine uxóre est, sollicitus est quæ Dómini sunt, quomodo pláceat Deo. Et virgo cógitat, quæ Dómini sunt, ut sit sancta córpore et spíritu. Non ego quidem dissuádeo matrimónium, sed virginitátis attéxo beneficium.

R. Benedícta.

In III. Noct. Homilia in Evang. ut in festo.

Lectio ix. de S. Ægidio Abb. ut in Brev. hac die.

In Laud. commem. S. Ægidii Abb. et Ss. Duod. Fratr. Mart. ut in Brev.

Vesp. de sequ., comem. Oct. S. Rosæ Virg.

Die 2. Septembris.

S. Antonini Martyris.

Duplex.

Omnia de Comm. unius Mart., præter sequ.

Oratio.

Omnípotens sempitérne Deus, qui hunc diem beáti Antoníni Mártyris tui solemnitate clarificas: exaudi preces pópuli tui, et præsta; ut, quæ fidéliter expetit, eo suffragante consequi mereatur. Per Dóminum nostrum.

Et fit comem. Oct. S. Rosæ Virg. Ant. Rosa soror. 89* V. Diffúsa est. 88* Oratio. Bonórum ómnium. ibidem.

In I. Nocturno Lectiones de Scriptura occurrente.

In II. Nocturno.

Lectio iv.

Antonínus regáli genere ortus, cum a prima ætate christiánam religiónem cóleret, paréntibus orbátus, a Theodorico pátruo, Tolósæ rege infidéli, Pámíæ (quod est Gállíæ Narbonénsis oppidum) educátus est. Delátus autem ad regem, quod christiánus esset, inde discé-

dens Romam venit. Póstea Salérnum proféctus, ibi duodevigínti annos apud pios et doctos viros in secessu eremítico mansit. Sacris deínde ordinibus initiátus diaconátum suscepit: Quo ex témpore cœpit quamplúrimis clarére miraculis, ita ut cæcis visum, surdis audítum, mutis loquélam restitúeret, váriis languóribus opprésos sanáret, immúndos étiam spíritus ex hóminum corpóribus ejiceret. Hujúsmodi vero miracula vitæ innocentia et púritas comitabantur, nec a verbi Dei prædicatione, étiam cum vitæ discrimine, quando se ei præbébat occasio (cum martýrii cupidíssimus esset) cessábat. In eo múnere cum aliquándo siti laboráret, elevátis ad cœlum óculis Deum precátus, báculo, cui innitebátur, terram percússit, ex qua illico fons emanávit, quo ipse et álíi multi sitim exstinxérunt. R. Honéstum fecit.

Lectio v.

Aliquot post annos ad natále solum revérsus et apátruo susceptus aliquándiu cum eo vixit. Sed íterum, quod christiánus et régíæ majestátis reus esset,

accusátus, in tenebricosum cárcerem (qui spelúnca vocatíva dicebátur) compédibus ligátus, sine cibo et potu, conjícitur. Post septem dies rex cárcerem ádiit, existimans júvenem jam inédia mórtuum fuisse. Quem cum incólumem invenísset, quínimo púerum nóbilem Almáchium pondus vinculórum ejus sustentántem comperísset, id mágicæ arti tríbuens, púerum e rupe præcipitári et beátum Antonínium gravióribus vínculis astríngi jussit. Interim rex in bello périit, puer vero præcipitátus illæsus repértus est, et beátus Antonínus, ab Angelo solútis compédibus (ut alter Petrus) liberátus, libérius cœpit cristiános vinctos in cárcere et extra in fide cathólica confirmáre. Cum autem Theodorico successísset in regnum Gallátius, Antoníni consanguíneus, et majóres in cristiános persecutiónes excitáret, Antonínus apiis viris ab ira regis eréptus Pámiam in solitúdinem secéssit: ubi et Almáchium púerum réperit.

℞. Desidérium.

Lectio vi.

Ibi in spelúnca (quæ Orientális dicebátur) prope fontem simul in oratióni-

bus et jejúniis se exercéntes, ab omni hóminum conversatióne semóti, diu comorátisunt. Illis paulo post quidam Joánnes présbyter divíno instíntu, simul futúrus martyr, adjúngitur. Nam cum venatóres régii ex insperáto eos reperísset et Antonínium cognovísset, ad regem déferunt. Qui ad se perductum Antonínium sic allóquitur: Quæ te deméntia, Antoníne, cepit, ut tui géneris oblítus tuis præstígiis hómines deméntes et regnum nostrum pertúrbes? Cui Antonínus: Non ego, Galláti, quemquam deménto; sed unum Deum, cujus est regnum et impérium, prædico; tuos autem, quos colis, deos lígneos et lapídeos ut falsos et inánes réspuo. His verbis ira inflammátus rex íllico eum cum sóciis cápite plecti et in flumen (cui nomen Arégia) prójici jubet. Eórum córpora, a cristiánis invénta, honorífice cón-dita sunt. Et sancti Antoníni dexter húmerus cum bráchio, qui ínsimul étiam cum cápite, feróci ictu cum ferirétur, abscíssus fúerat, in ecclésia Paléntina, cujus patrónus exsístit, ex multo témpore magna

cum veneratióne asservátur. Ad cujus tactum puer mórtuus, qui multitúdine pópuli, sanctas reliquias subsequéntis, in sinu matris opprèssus fúerat, statim revíxit. Cum étiam Sánctius, Castéllæ primus rex, dum venarétur aprum, qui in antrum confúgerat et cuídam ibídem imágini inhærébat, feríre vellet statímque ei bráchium obriguísset, compérto quod illa esset sancti Antoníni imágo, in cujus honórem locus habebátur, pœnitens facti rex vovit mártýri templum ibi erigere, et illico bráchium prístinæ sanitáti restituítur. Quare eo loco magnificentíssimam ecclésiám sancti Antoníni nómine ædificávit, ædiculam vero antri, ut hódie vísitur, sub ipsa ecclésiá intáctam relíquit.

R̃. Stola jucunditátis.

In III. Nocturno.

Léctio sancti Evangélíi secúndum Joánnem.

Lectio vii. Cap. 12. d.

In illo témpore: Dixit Iesus discíplis suis: Amen, amen dico vobis, nisi granum fruménti cadens in terram mórtuum fúerit, ipsum solum manet. Et réliqua.

Homilía sancti Augustíni Epíscopi.

Tract. 51. in Joann. sub med.

Ipse Dóminus Iesus erat granum mortificándum, et multiplicándum: mortificándum infidelitáte Judæórum, multiplicándum fide populórum. Jam vero exhórtans ad passiónis suæ sectánda vestígia: Qui amat, inquit, ánimam suam, perdet eam. Quod duóbus modis intéllegi potest. Qui amat, perdet: id est, si amas, perdes. Si cupis vitam tenére in Christo, noli mortem timére pro Christo. Item álío modo: qui amat ánimam suam, perdet eam: noli amáre, ne perdas: noli amáre in hac vita, ne perdas in ætérna vita.

R̃. Coróna áurea.

Lectio viii.

Hoc autem, quod postérius dixi, magis habére vidétur evangélicus sensus. Séquitur enim: Et qui odit ánimam suam in hoc mundo, in vitam ætérnam custódit eam. Ergo, quod supra dictum est, qui amat (subintelligitur in hoc mundo), ipse útique perdet: qui autem odit (útique in hoc mundo), in vitam ætérnam ipse custódit eam. Magna

et mira senténtia, quemádmodum sit hóminis in ánimam suam amor, ut péreat, ódium, ne péreat. Si male amáveris, tunc odísti: si bene óderis, tunc amásti. Felíces, qui odérunt custodiéndò, ne perdantamándò.

R̃. Hic est vere.

Lectio ix.

Sed vide ne tibi subrépat, ut teípsum velis interímere, sic intelligéndo, quod debes odísse in hoc mundo ánimam tuam. Hinc enim quidam maligni atque perversi hómines, et in seípsis crudelióres et scleratióres homicidæ, flammis se donant, aquis se præfócant, præcipítio se collidunt, et péreunt. Hoc Christus non dócuit: imo étiam diábolò præcipítium suggerénti respóndit: Redi retro, sáтана: scriptum est: Non

tentábis Dóminum Deum tuum. Petro autem dixit, significans qua morte clarificatúrus erat Deum: Cum esses júnior, cingébas te et ambulábas quo volébas: cum autem senúeris, alter te cinget et feret quo tu non vis. Ubi satis expréssit, non a seípso, sed ab álío debére occídi, qui vestigia séquitur Christi.

Te Deum laudámus.

In Laudib. commem. Octavæ S. Rosæ Virg. Antiph. O Rosa odorífera. Ṽ. Diffúsa est. 88* Oratio. Bonórum ómnium largítor. ibidem.

In II. Vesperis commemor. sequ. et Octavæ S. Rosæ Virg. Ant. Rosa soror. 89* Ṽ. Diffúsa est. 88* Oratio. Bonórum ómnium largítor. ibidem.

Die 3. Septembris.

S. Stephani Regis Conf.

Semiduplex.

Omnia ut in Brev. die 2. Sept. cum comm. Oct. S. Rosæ Virg.



Concordant cum Originalibus.

Ratisbonæ, die 6. Maji 1896.

Dr. Fr. X. Leitner, Vic. in Spirit. Gen.

Index alphabeticus.

	pag.
Alfonsi Mariæ de Ligorio Ep. Conf. et Eccl. Doct. dupl.	81*
14. Aug.	53*
Annæ Matris B. M. V. duplex 2. class. 26. Julii.	63*
— — Octava. dupl. 2. Aug.	
Anniversarium Dedicationis omnium Ecclesiarum Cathedralium Provinciæ. duplex 1. classis cum Octava.	
Domin. II. Julii.	29*
— — Octava. dupl. Dom. III. Julii.	29*
Antonini Mart. dupl. 2. Sept.	91*
Claræ Virg. dupl. 14. Aug.	81*
Corporis Christi. dupl. 1. cl. cum Oct. priv.	18*
Cordis Jesu. dupl. 1. class. Feria VI. post Oct. Corporis Christi.	18*
Cyriaci et Paulæ Virg. Mart. dupl. 18. Junii.	26*
Cyrilli et Methodii Ponf. et Conf. dupl. 11. Julii.	37*
Dominici Calceatensis Conf. dupl. 23. et 29. Maji.	3* 10*
Elisabeth Reginæ Portugalliæ Viduæ. dupl. 8. Julii.	31*
Emygdii Episc. et Mart. dupl. 9. Aug.	67*
Ferdinandi Regis Conf. duplex 1. classis cum Octava.	
30. Maji.	10*
— — Octava. dupl. 6. Junii.	22*
Firmini Ep. Mart. dupl. 7. Julii.	29*
Hieronimi Æmiliani Conf. dupl. 21. Julii.	47*
Hyacinthi Conf. dupl. 18. Aug.	81*
Isidori Agricolæ Conf. dupl. 15. Maji.	1*
Jacobi Apostoli. dupl. 1. cl. cum Oct. 25. Julii.	49*
— — Octava. dupl. 1. Aug.	61*
Joannis Francisci Regis Conf. dupl. 17. Junii.	26*
Joannis Nepomuceni Mart. dupl. 16. Maji.	1*
— — Octava. dupl. 23. Maji.	4*
Justæ et Rufinæ Virg. et Mart. dupl. 24. Julii.	47*
Liberatæ Virg. et Mart. dupl. maj. 20. Julii.	44*
Margaritæ Reginæ Scotiæ Viduæ. dupl. 10. Junii.	23*
Mariæ Annæ a Jesu de Paredes Virg. dupl. 2. Junii.	21*

Mariæ B. V. Auxilium Christianor.	dupl. maj. 24. Maji.	pag. 7*
— — Purissimi Cordis.	dupl. maj. Domin. post Octav.	
Assumptionis.		89*
— — de Chiquinquira.	dupl. maj. 9. Julii.	31*
— — de Monte Carmelo.	dupl. 2. cl. 16. Julii.	37*
— — de Succursu.	16. Junii.	24*
Mariæ ad Nives.	dupl. maj. 5. et 11. Aug.	65* 76*
— — Octava Dedic.	dupl. 12. Aug.	76*
Marthæ Virg.	semid. 29. Julii.	57*
— — Octava.	dupl. 5. Aug.	65*
Michaelis de Sanctis.	dupl. 5. Julii.	29*
Norberti Episc. et Conf.	dupl. 7. Junii.	23*
Petri ad Vincula.	dupl. maj. 11. Aug.	76*
Philippi Nerii Conf.	dupl. 26. Maji.	7*
Rochi Conf.	dupl. 16. Aug.	81*
Rosæ Limanæ Virg. Patr. Præc. Americ.	dupl. 1. class.	
cum Oct. 30. Aug.		82*
Stephani Regis Conf.	semid. 3. Sept.	94*
Torquati et Soc. Episc. et Mart.	dupl. 21. Maji.	1*
Transfigurationis D. N. J. Chr.	dupl. 1. class. cum Oct.	
6. Aug.		67*
— — Octava.	dupl. 13. Aug.	79*
Ubaldi Episc. et Conf.	semid. 22. Maji.	3*





OFFICIA PROPRIA
ECCLESIASTICÆ PROVINCIÆ
SANCTÆ FIDEI NEOGRANATENSIS.
PARS AUTUMNALIS.

FESTA AUGUSTI.

Die 30. Augusti.

S. Rosæ Limanæ Virg.

Patr. Præc. Americ.

Duplex 1. classis cum Oct.

In I. Vesperis.

Antiph. de Laudib. 7*; Ps. de Comm. Virg.

Capitulum.

Sap. 8:

Hanc amâvi, et exquisivi a juventute mea, et quæsiivi sponsam mihi eam assûmere, et amâtor factus sum formæ illius, ait Dóminus omnipotens.

Hymnus.

Tellûris omnes incolæ
Rosæ plaudant solé-
mniis:

Ejúsque laudes cóncinant
A solis ortu ad Hésperum.

Hæc a paréntis úbere
Prævénta donis grátia,
Deoque plena, vindicem
Armávit in se dexteram.

Miris modis innóxios
Afflíxit artus, spíneis
Cinxit coróllis vérticem,
Cibósque felle pólluit.

Nunc læta, pœniténtiæ
Largo potitur præmio:
Novúmque psallit cánti-
cum,

Agni sequens vestígia.

Horum Datóri múnorum
Sit laus, decúsque péper-
tim:

Qui trinus unus ómnia
Regit Deus per sæcula.
Amen.

Ÿ. Spécie tua, et pulchri-
túdine tua. R̃. Inténde, pró-
spere procéde, et regna.

Ad Magnif. Ant. Benedi-
cta tu a Deo tuo, Rosa, in
omni tabernáculo Jacob:

quóniam in omni gente,
quæ audierit nomen tuum,
super te Deus Israël magnificabitur.

Oratio ut ad Laudes. 8*

Ad Matutinum.

Invitat. Regem sempiternum, venite adoramus: *
Qui Rosam cordis sui digne pro méritis coronávit in cœlis.

Ps. Venite, exultemus.

Hymnus.

Limána regum civitas
Regále munus édedit:
Rosam Deo gratíssimam,
Cœléstis oræ flósculum.

Vicit nitóre sídera,
Pulsa soli calígine:
Et par beátis méntibus,
Numen gerébat pectore.

Porténta, vel ludíbria
Sævæ stygis non hórruit:
Sédítque solitária
Turbam perósa, et sæculum.

Nos, o Beáta, respice,
Tuis vacántes laúdibus:
Et, expiátis sórdibus,
Duc ad supérna gáudia.

Sit, Christe, Sponsæ Virginum,
Tibi, Patríque glória
Cum Spíritu Paráclito
In sæculórum sæcula.
Amen.

In I. Nocturno.

Ant. Rosam tuam, Dómine, minuísti paulo mi-

nus ab Angelis: quia glória,
et honóre coronásti eam.

Psalmi trium Nocturnorum
de Comm. Virg.

Ant. Tamquam sponsus,
procédens de thálamo suo,
in Rosa pósuit tabernáculum suum.

Ant. Rosa ínnocens má-nibus, et mundo corde,
ascéndet in montem Dómini, et stabit in loco sancto ejus.

V. Spécie tua et pulchritúdine tua. R. Inténde, prospere procéde, et regna.

De Cánticis Canticórum.

Lectio i. Cap. 2.

Ego flos campi, et lílium convállium. Sicut lílium inter spinas, sic amíca mea inter filias. Sicut malus inter ligna silvárum, sic diléctus meus inter filios. Sub umbra illius, quem desideráveram, sedi: et fructus ejus dulcis gútturi meo. Introduxit me in cellam vináriam, ordinávit in me caritátem. Fulcíte me flóribus, stipáte me malis, quia amore lángueo. Læva ejus sub cápite meo, et dextera illius amplexábitur me. Adjúro vos, filiæ Jerúsalem, per cápreas, cervósque campórum, ne suscitétis, neque evigiláre faciátis di-

léctam, quoadúsque ipsa velit.

R. Atténdite, pópuli, de longe: Dóminus ab útero vocávit me: de ventre matris meæ. * Recordátus est nóminis mei. **V.** Magnus Pastor óvium in ságuine testaménti ætérni próprias oves vocat nominátim, et edúcit eas. Recordátus.

De libro Proverbiórum.

Lectio ii. Cap. 8.

Ego diligéntes me diligo: et qui mane vígilant ad me, invénient me. Mecum sunt divítiæ et glória, opes supérbæ, et justítia. Mélior est enim fructus meus auro, et lápide pretióso, et genímima mea argento elécto. In viis justítiæ ámbulo, in médio semitárum judícii, ut ditem diligéntes me, et thesaúros eórum répleam. Dóminus possédit me in inítio viárum suárum, ántequam quidquam fáceret a principio. Ab ætérno ordinátus sum, et ex antíquis, ántequam terra fieret.

R. Datum est Rosæ nomen mélius a filiis et filiabus, nomen novum. * Quod os Dóminæ nominávit. **V.** Dabo illi cálculum cándidum, et in cálculo nomen novum. Quod.

De libro Ecclesiástici.

Lectio iii. Cap. 39.

Obaudíte me divíni fructus, et quasi rosa plantáta super rivos aquárum fructificáte. Quasi Líbanus odórem suavitátis habéte. Floréte flores, quasi lílium, et date odórem, et frondéte in grátiam, et collaudáte cánticum, et benedicíte Dóminum in opéribus suis. Date nómini ejus magnificéntiam, et confitémini illi in voce labiórum vestrórum, et in cánticis labiórum, et cítharis, et sic dicétis in confessióne: Opera Dómini unívérsa bona valde.

R. Ego quasi storax, et gálbanus, et quasi Líbanus non incísus vaporávit habitatiónem meam: * Quasi bálsamum non mixtum * Odor meus. **V.** Dedit Indica Rosa odórem suavitátis, et domus impléta est ex odóre unguénti. Quasi. **Glória Patri. Odor.**

In II. Nocturno.

Ant. Omnis glória Rosæ ab intus in vestítu deauráto, circumamícta varietáte: id eo concupívit rex spéciem ejus.

Ant. Adjúvit Rosam Dóminus mane dilúculo, et in médio cordis ejus non commovébitur.

Ant. Fundaménta Rosæ in móntibus sanctis: et ipse fundávit eam Altíssimus super ómnia tabernácula Jacob.

Ÿ. Adjuvábít eam Deus vultu suo. R̃. Deus in médio ejus, non comóvêbitur.

Lectio iv.

Ex Actis, et Bulla Beatif.

Primus Americæ Meridionalis flos sanctitatis, virgo Rosa, christiánis paréntibus Limæ progénita, mox ab incunábulis cláruit futúre sanctimóniæ indíciis. Nam vultus infántis, mirábiliter in rosæ effigiem transfigurátus, huic nómini occasiõnem dedit, cui póstea Virgo Deípara cognómen adjécit, jubens, vocári deinceps Rosam a sancta María. Quinquénis votum perpétuæ virginitátis emísit. Adúltior, ne a paréntibus ad nuptias cogerétur, clam sibimet venustíssimam cápitis cæsáriem præscídít. Jéjuniis supra humánum modum addícta, íntegras Quadragésimas transégit pane ábstinens, ac diétim solis quinque gránulis mali citríni víctitans.

R̃. Non conferétur hæc Rosa tinctis Indiæ colóribus, nec dábitur aurum ob-

rízum pro ea: * Quóniam omne aurum in comparatióne illius aréna est exígua. Ÿ. Glória, et divítiae in domo ejus, et justítia ejus manet in sæculum sæculi. Quóniam.

Lectio v.

Hábitu tértii órdis sancti Domínici assúpto, prístinas vitæ austeritátes duplicávit. Oblóngo, asperrimóque cilício sparsim minúsculas acus innéxuit: sub velo corónam, densis acúleis intrórsus obarmátam, intérdiu noctúque gestávit. Sanctæ Catharínæ Senénsis árdua premens vestígia, caténa férrea, tríplici nexu circumducta, lumbos cinxit. Léctulum sibi e truncis nodósis composuit, horúmque vácuas commissúras fragmínibus testárum implévit. Célulam sibi angustíssimam struxit in extrémó horti ángulo: ubi cœléstium contemplatióni dédita, crebris disciplinis, inédia, vigíliis corpúsculum exténuans, at spíritu vegetáta, larvas dæmonum, frequénti certamine victrix, impávide protrívit, ac superávit.

R̃. Fecit sibi secrétum cubículum in quo clausa morabátur, et habens super lumbos suos cilícium.

* Jejunábat ómnibus diébus vitæ suæ. *V.* Virgo Rosa cogitábat, quæ Dómini sunt: ut esset sancta corpore, et spíritu. Jejunábat.

Lectio vi.

Agritúdinum torméntis, domesticórum insúl-tibus, linguárum mórsibus dire agitáta, nondum satis pro mérito se affligi querebátur. Per quíndecim años ad plúsculas horas desolatióne spíritus et ariditate misérime contabéscens, forti ánimo tulit agónes omni morte amarióres. Exínde cœpit supérnis abundáre delíciis, illustrári visiónibus, colliquéscere séráphicis ardóribus. Angelo tutelári, sanctæ Catharínæ Senénsi, Vírgini Deíparæ inter assíduas apparitiónes mire familiáris, a Christo has voces audíre mérui: Rosa cordis mei, tu mihi sponsa esto. Dénique Sponsi hujus paradíso feliciter invéctam, plurimisque ante et post óbitum miráculis corúscam, Clemens décimus Póntifex Máximus sanctárum Vírginum catálogo ritu solémni adscrípsit.

R. Benedícta tu, Fíliá, a Deo excélso: quia non percísti ánimæ tuæ propter

angústias, et tribulatiónem géneris tui: * Sed subvenísti ruínæ: * Ante conspéctum Dei nostri. *V.* Curásti gentem tuam, et liberásti eam a perditiónē. Sed subvenísti. Glória Patri. Ante conspéctum.

In III. Nocturno.

Ant. Surgénte Rosa, gaudébant campi, et ómnia, quæ in eis sunt: exsultábant ómnia ligna silvárum.

Ant. Exsúltet terra, et læténtur ínsulæ multæ: quia vidérunt omnes pópuli glóriam sanctificatiónis ejus.

Ant. Moveátur mare et plenitúdo ejus, orbis terrárum, et qui hábitant in eo: quia Dóminus in Rosa mirabilia fecit.

V. Elégit eam Deus, et præelégit eam. *R.* In tabernáculo suo habitáre facit eam.

Lectio sancti Evangélíi secúndum Matthæum.

Lectio vii. Cap. 12.

In illo témpore: Dixit Jesus turbis parábolam hanc: Símile est regnum cœlórum grano sinápis, quod accípiens homo seminávit in agro suo. Et réliqua.

Homilia sancti Petri
Chrysologi.

In Cap. 13. Matth.

Audistis, fratres, quemadmodum grano sinapis tota regni coelestis comparata est magnitudo. Quærens Christus in coelo, et in terra, nihil invenit nisi granum sinapis, in quo potentiam totam supernæ dominationis includat: et illud regnum singularitate potens, æternitate felix, divinitate fulgens, diffusum toto coelo, tota terra dilatatum, in grano sinapis coarctat, et cogit angustias. Spes ista est credentium? Expectatio ista est fidelium summa? Ista est felicitas virginum, longis continentiae laboribus comparata? Fratres, non facile Dominicis moveamur in dictis. Nam si infirmum Dei fortius est hominibus; hoc minimum Dei tota magnitudine mundi magnificentius invenitur: si modo hoc granum sinapis nos sic nostris seminemus in mentibus, ut intelligentiæ nobis magnam in arborem crescat.

R. Diléxit Rosa decorem domus Dei, et locum habitationis gloriæ ejus: ideo* Requiéscet in monte sancto ejus. V. Non discedé-

bat de templo, jejuniis, et obsecrationibus serviens nocte et die. Requiéscet in monte.

Lectio viii.

Grani ergo sinapis instar est regnum Dei, quod de supernis affertur verbo, suscipitur auditu, fide séritur, crudelitate radicatur, spe crescit, confessione diffunditur, virtute tenditur, et dilatatur in ramos, ad quos vocat aves cœli, id est, spirituales sensus, atque in ipsis eas quieta suscipit mansionem. Veniat hæreticus, veniat, quia redeuntibus Ecclesiæ semper patéscit ingressus. Veniat, audiatur, et pietati Dominicæ jam désinat oblatrære. Si coelestis regni majestas omnis ad grani sinapis similitudinem venit, quid quæritur, quod Deus ad hominem, Dominus servi descendit ad formam? Sic enim venit, ut tibi totum per fidem cresceret, cui jam totum defecerat per naturam.

R. Veni de Libano, Rosa cordis mei, veni de Libano, Sponsa: * Veni, coronaberis de vertice Sanir, et Hermon. V. Média nocte clamor factus est: Ecce Sponsus venit. Veni. Glória Patri. Veni.

Lectio ix.

Sed attendite, quia Christus est regnum cœlorum, qui velut granum sinapis, in hortum virginiei corporis missus, orbe toto Crucis in arborem crevit, ac tantum dedit fructus sui saporem, cum teritur passione, ut quidquid est vitale, suo saporaret, et condiret attactu. Nam sicut in integritate grani sinapis virtus habetur occulta; apparet vero virtus ejus vehementissime si teratur: ita Christus corpore teri voluit, qui suam noluit latere virtutem. Et nos fratres, teramus istud granum sinapis ut ejus vim in hac similitudine sentiamus. Teramus granum illud, ut ora nostra ferventia vivida fructu sui saporis succendat, et flammetur in pectore: atque nostrae ignorantiae totum nobis auferat sua degustatione fastidium.

Te Deum laudamus.

Ad Laudes

et per Horas.

Ant. 1. Mirabilis in altis Dominus, ut sponsam suam mirificaret, decorem indutus est, præcingens se virtute.

Ps. Dominus regnavit. cum reliqu. de Domin.

2. In lætitia et exultatione serviens Deo beata Rosa, introivit in atria ejus.

3. Exsultavit Rosa in velamento alarum tuarum, quia suscepit eam dextera tua.

4. Benedicat omnis imber, et ros Domino, qui Rosam benedictione irrigavit de superioribus suis.

5. Laudant nomen Domini aquæ omnes, quæ super cœlos sunt, ubi Rosa vernat, plantata juxta rivus aquarum.

Capitulum. Sap. 8.

Hanc amavi, et exquisivi. Ha juventute mea, et quæsi vi sponsam mihi eam assumere, et amator factus formæ illius, ait Dominus omnipotens.

Hymnus.

Aurora cœlum purpurat, Rosisque mane concolor,

Laudes sacratæ Virginis Rosæ monet nos pangere.

Hanc ergo laudent Angeli, Et omnis ordo Cœlitum, Laudent chori mortaliū, Ubique gestis inclytam.

Hanc primam amoris victimam

Admovit aris India, Orbis juvenem præpotens, Exemplar innocentiae.

Dat cæcis luce pérfrui,
Solvítque linguæ víncula,
Claudos jacéntes érigit,
Morbis medétur ómnibus.

Jugis tibi laus, Trínitas,
Reddátur omni témpore,
Et cum Rosa nos pértrahe
Ad nuptiále gaúdium.

Amen.

¶ Diffúsa est grátia in
lábiis tuis. R. Proptérea
benedíxit te Deus in ætér-
num.

Ad Bened. Ant. O Rosa
odorífera spargens ubíque
virtútum odórem, fac nos
ejus, qua frúeris, lucis,
suavitatisque participes.

Oratio.

Bonórum ómnium largí-
tor, omnípotens Deus,
qui beátam Rosam, coelé-
stis grátiae rore prævé-
ntam, virginitátis et pati-
entiae decóre Indis floréscere
voluísti: da nobis fámulis
tuis; ut in odórem suavitá-
tis ejus curréntes, Christi
bonus odor éffici mereá-
mur. Per eúmdem Dómi-
num nostrum.

Ad Tertiam.

Capitulum. Sap. 8.

Hanc amávi, et exquisívi
Ha juventúte mea, et
quæsívi sponsam mihi eam
assúmere, et amátor factus
formæ illíus, ait Dóminus
omnípotens.

R. br. Spécie tua * Et
pulchritúdine tua. Spécie.
¶ Inténde, prospere pro-
céde, et regna. Et. Glória
Patri. Spécie.

¶ Adjuvábít eam Deus
vultu suo. R. Deus in mé-
dio ejus, non coñovébitur.

Ad Sextam.

Capitulum. Eccli. 39.

Obaudíte me, divíni fru-
ctus, et quasi rosa plan-
tata super rivos aquárum
fructificáte, quasi Líbanus
odórem suavitátis habéte.

R. br. Adjuvábít eam *
Deus vultu suo. Adjuvábít.
¶ Deus in médio ejus,
non commovébitur. Deus.
Glória Patri. Adjuvábít.

¶ Elégít eam Deus, et
præelégít eam. R. In ta-
bernáculo suo habitáre fa-
cit eam.

Ad Nonam.

Capitulum. Eccli. 39.

Floréte, flores, quasi lí-
lium, et date odórem,
et frondéte in grátiam: col-
laudáte cánticum, et bene-
dícite Dóminum in opéri-
bus suis.

R. br. Elégít eam Deus, *
Et præelégít eam. Elégít.
¶ In tabernáculo suo ha-
bitáre facit eam. Et præ-
elégít. Glória Patri. Elégít.

V. Diffúsa est grátia in lábiis tuis. **R.** Proptérea benedíxit te Deus in ætérnum.

In II. Vesperis.

Omnia ut in I. Vesp., præter

V. Diffúsa est. 8*

Ad Magnif. Ant. Rosa soror nostra bene sit nobis propter te, et vivat ánima nostra ob grátiam tui.

Deinde fit commem. sequ.

FESTA SEPTEMBRIS.

Die 1. Septembris.

Tertia die infra Octavam

S. Rosæ Virg.

Semiduplex.

Omnia ut inter festa præter sequ. Lectiones.

In I. Nocturno Lectiones de Scriptura occurrente.

In II. Nocturno.

Sermo sancti Ambrósii
Epíscopi.

Liber 1. de Virgine.

Lectio iv.

Ego licet laudatióem non suscēperim virginitátis, sed expresiÓnem; ad rem tamen pertinére árbitor, ut quæ sit ei pátria, quis auctor, appáreat. Ac prius ubi sit pátria, definiámus. Si enim ibi est pátria, ubi genitále domicílium; in cœlo pro-

fécito est pátria castitátis: itaque hic ádvena, ibi íncola est. Quid autem est cástitas virginális, nisi ex-pers contagiÓnis intégri-tas? Atque ejus auctórem quem pÓssumus existimá-re, nisi immaculátum Dei Fílium, cujus caro non vi-dit corruptiÓnem, divínitas non est expérta contagiÓ-nem?

R. Non conferétur.

Lectio v.

Vidéte igitur, quanta vir-ginitátis mérita sint. Christus ante vírginem, Christus ex vírgine; a Pa-tre quidem natus ante sæ-cula, sed ex vírgine natus ob sæcula. Illud natúræ suæ, hoc nostræ utilitátis est. Illud erat semper, hoc esse vóluit. Spectáte áliud virginitátis méritum, Chri-stus virgo vírginis sponsus, et si dici potest, Christus virgíneæ castitátis. Virgí-nitas enim Christi, non vir-ginitátis est Christus. Vir-go est ergo, quæ nupsit; virgo quæ nos suo útero portávit, virgo quæ genuit, virgo quæ próprio lacte nu-trívit. Sed jam a matre de-scendámus ad fílias.

R. Fecit sibi.

Lectio vi.

De virgínibus, inquit Apó-stolus, præcéptum Dó-

mini non hábeo, consílium autem do. Si Doctor Génitium non hábuit, habére quis pótuit? Et præcéptum quidem non hábuit, sed hábuit exéplum: non enim imperári potest virgíntas, sed optári. Nam quæ supra nos sunt, in voto magis quam in magistério sunt. Sed volo vos, inquit, sine sollicitúdine esse: nam qui sine uxóre est, sollicitus est quæ Dómini sunt, quómodo pláceat Deo. Et virgo cógitat, quæ Dómini sunt, ut sit sancta córpore et spírítu. Non ego quidem dissuádeo matrimónium, sed virginitátis attéxo beneficium.

R̃. Benedícta.

In III. Noct. Homilia in Evang. ut in festo.

Lectio ix. de S. Ægidio Abb. ut in Brev. hac die.

In Laud. commem. S. Ægidii Abb. et Ss. Duod. Fratr. Mart. ut in Brev.

Vesp. de sequ., coñem. Oct. S. Rosæ Virg.

Die 2. Septembris.

S. Antonini Martyris.

Duplex.

Omnia de Comm. unius Mart. præter sequ.

Oratio.

Omnípotens sempitérne Deus, qui hunc diem beáti Antoníni Mártiris tui

solemnitáte claríficas: exaúdi preces pópuli tui, et præsta; ut, quæ fidéliter expetit, eo suffragánte cónsequi mereátur. Per Dóminum nostrum.

Et fit coñem. Oct. S. Rosæ Virg. Ant. Rosa soror. V. Dif-fusa est. 9* Oratio. Bonórum ómnium. 8*

In I. Nocturno Lectiones de Scriptura occurrente.

In II. Nocturno.

Lectio iv.

Antonínus regáli gé-nere ortus, cum a prima ætáte christíanam religiónem cóleret, paréntibus orbátus, a Theodoríco pátruo, Tolósæ rege infidéli, Pámíæ (quod est Gállíæ Narbonénsis óppidum) educátus est. Deláto autem ad regem, quod christíanus esset, inde discédens Romam venit. Póstea Salérnum proféctus, ibi duodevigínti annos apud pios et doctos viros in seccéssu eremítico mansit. Sacris deínde ordínibus ini-tiátus diaconátum suscepit. Quo ex témpore cœpit quamplúrimis clarére miráculis, ita ut cæcis visum, surdis audítum, mutis lo-quélam restitúeret, váriis languóribus opprèssos sanáret, immúndos étiam spírítus ex hóminum corpóri-

bus ejiceret. Hujusmodi vero miracula vitæ innocentia et puritas comitabantur, nec a verbi Dei prædicatione, etiam cum vitæ discrimine, quando se ei præbebat occasio (cum martyrii cupidissimus esset) cessabat. In eo munere cum aliquando siti laboraret, elevatis ad cælum oculis Deum precatus, baculo, cui innitebatur, terram percussit, ex qua illico fons emanavit, quo ipse et alii multi sitim exstinxerunt.

R. Honestum fecit.

Lectio v.

Aliquot post annos ad natæ solum reversus et a patruo susceptus aliquamdiu cum eo vixit. Sed iterum, quod christianus et regiae majestatis reus esset, accusatus, in tenebricosum carcerem (qui spelunca vocata dicebatur) compedibus ligatus, sine cibo et potu, conjicitur. Post septem dies rex carcerem adiit, existimans juvenem jam inedia mortuum fuisse. Quem cum incolumem invenisset, quinimo puerum nobilem Almachium pondus vinculorum ejus sustentantem comperisset, id magicæ arti tribuens, puerum e rupe precipitari et beatum Antoninum

num gravioribus vinculis astringi jussit. Interim rex in bello periit, puer vero precipitatus illæsus repertus est, et beatus Antoninus, ab Angelo solutis compedibus (ut alter Petrus) liberatus, liberior cepit christianos vinctos in carcere et extra in fide catholica confirmare. Cum autem Theodorico successisset in regnum Gallatius, Antonini consanguineus, et majores in christianos persecuciones excitaret, Antoninus a piis viris ab ira regis ereptus Pamiæ in solitudinem secëssit: ubi et Almachium puerum reperit.

R. Desiderium.

Lectio vi.

Ibi in spelunca (quæ Orientalis dicebatur) prope fontem simul in orationibus et jejuniis se exercētes, ab omni hominum conversatione semoti, diu commorati sunt. Illis paulo post quidam Joannes presbyter divino instinctu, simul futurus martyr, adjungitur. Nam cum venatores regii ex insperato eos reperissent et Antoninum cognovissent, ad regem deferunt. Qui ad se perductum Antoninum sic alloquitur: Quæ te demētia, Antonine, cepit, ut tui generis

oblitus tuis præstigiis homines dementes et regnum nostrum perturbes? Cui Antoninus: Non ego, Galati, quemquam demento; sed unum Deum, cujus est regnum et imperium, prædico; tuos autem, quos colis, deos ligneos et lapideos ut falsos et inanes respondo. His verbis ira inflammatus rex illico cum cum sociis capite plecti et in flumen (cui nomen Arégia) projici jubet. Eorum corpora, a christianis inventa, honorifice condita sunt. Et sancti Antonini dexter humerus cum brachio, qui insimul etiam cum capite, feroci ictu cum feriretur, abscissus fuerat, in ecclesia Palentina, cujus patronus existit, ex multo tempore magna cum veneratione asservatur. Ad cujus tactum puer mortuus, qui multitudine populi, sanctas reliquias subsequens, in sinu matris oppressus fuerat, statim revixit. Cum etiam Santicus, Castellæ primus rex, dum venaretur aprum, qui in antrum confugerat et cuidam ibidem imagini inhærebat, ferire vellet statimque ei brachium obriguisset, comperto quod illa esset sancti Antonini

imago, in cujus honorem locus habebatur, penitens facti rex vovit martyri templum ibi erigere, et illico brachium pristinae sanitati restituitur. Quare eo loco magnificentissimam ecclesiam sancti Antonini nomine ædificavit, ædiculam vero antri, ut hodie visitur, sub ipsa ecclesia intactam reliquit.

R. Stola jucunditatis.

In III. Nocturno.

Lectio sancti Evangelii secundum Joannem.

Lectio vii. Cap. 12. d.

In illo tempore: Dixit Jesus discipulis suis: Amen, amen dico vobis, nisi granum frumenti cadens in terram mortuum fuerit, ipsum solum manet. Et reliqua.

Homilia sancti Augustini
Episcopi.

Tract. 51. in Joann. sub med.

Ipsa Dominus Jesus erat granum mortificandum, et multiplicandum: mortificandum infidelitate Judæorum, multiplicandum fide populorum. Jam vero exhortans ad passionis suæ sectanda vestigia: Qui amat, inquit, animam suam, perdet eam. Quod duobus modis intél-

ligi potest. Qui amat, perdet: id est, si amas, perdes. Si cupis vitam tenere in Christo, noli mortem timere pro Christo. Item alio modo: qui amat animam suam, perdet eam: noli amare, ne perdas: noli amare in hac vita, ne perdas in æterna vita.

R. Coróna aúrea.

Lectio viii.

Hoc autem, quod posterius dixi, magis habere videtur evangélicus sensus. Séquitur enim: Et qui odit animam suam in hoc mundo, in vitam æternam custodit eam. Ergo, quod supra dictum est, qui amat (subintelligitur in hoc mundo), ipse útique perdet: qui autem odit (útiq̃ue in hoc mundo), in vitam æternam ipse custodit eam. Magna et mira senténtia, quemádmódum sit hóminis in animam suam amor, ut péreat, ódium, ne péreat. Si male amáveris, tunc odisti: si bene óderis, tunc amásti. Felices, qui odérunt custodiéndo, ne perdant amándo.

R. Hic est vere.

Lectio ix.

Sed vide ne tibi subrépat, ut teípsum velis interímere, sic intelligéndo, quod debes odísse in hoc mundo

ánimam tuam. Hinc enim quidam maligni atque perversi hómines, et in seipsis crudelióres et sceleratióres homicidæ, flammis se donant, aquis se præfócant, præcipítio se collidunt, et péreunt. Hoc Christus non dócuit: imo étiam diáboló præcipítium suggerénti respóndit: Redi retro, sá-tana: scriptum est: Non tentábis Dóminum Deum tuum. Petro autem dixit, significans qua morte clarificatúrus erat Deum: Cum esses júnior, cingébas té et ambulábas quo volébas: cum autem senúeris, alter te cinget et feret quo tu non vis. Ubi satis expréssit, non a seípso, sed ab alio debére occídi, qui vestígia séquitur Christi.

Te Deum laudámus.

In Laudib. commem. Octavæ S. Rosæ Virg. Antiph. O Rosa odorífera. *Ÿ.* Diffúsa est. et Oratio. Bonórum ómnium largítor. 8*

In II. Vesperis commemor. sequ. et Octavæ S. Rosæ Virg. Ant. Rosa soror. *Ÿ.* Diffúsa est. 9* Oratio. Bonórum ómnium largítor. 8*

Die 3. Septembris.

S. Stephani Regis Conf.

Semiduplex.

Omnia ut in Brev. die 2. Sept. cum comm. Oct. S. Rosæ Virg.

Die 4. Septembris.

Sexta die infra Octavam

S. Rosæ Virg.

Semiduplex.

Omnia ut in festo præter sequ. Lectiones.

In I. Nocturno Lectiones de Scriptura occurrente.

In II. Nocturno.

Sermo sancti Augustini
Episcopi.

De sancta Virginit. cap. 2.

Lectio iv.

Cum universa Ecclesia virgo sit desponsata uni viro Christo, sicut dicit Apostolus, quanto digna sunt honore membra ejus, quæ hoc custodiunt, etiam in ipsa carne, quod tota custodit in fide, quæ imitatur matrem viri et Domini sui? Nam Ecclesia quoque et virgo et mater est. Cujus enim integritati consulumus, si virgo non est? aut cujus prolem alloquimur, si mater non est? Maria corporaliter caput hujus corporis peperit; Ecclesia spiritaliter membra illius capitis parit. In utraque virginitas fecunditatem non impedit, in utraque fecunditas virginitatem non adimit.

R. Non conferetur.

Lectio v. Cap. 13.

Virginalis autem integritas, et per piam conti-

nentiam ab omni concubitu immunitas, Angelica portio est, et in carne corruptibili incorruptionis perpetuæ meditatio. Cedat huic omnis fecunditas carnis, omnis pudicitia conjugalis. Illa non est in potestate, ista non est in æternitate. Fecunditatem carnalem non habet liberum arbitrium, pudicitiam conjugalem non habet cælum. Profecto habebunt magnum aliquid præter ceteros in illa communi immortalitate, qui habent aliquid jam non carnis in carne.

R. Fecit sibi.

Lectio vi. Cap. 27.

Sequimini Agnum quocumque ierit, scripsit ille de vobis. Quo ire putamus hunc Agnum? quo nemo eum sequi vel audeat vel valeat, nisi vos virgines. Quo putamus eum ire? in quos saltus et prata? Ubi, credo, sunt grandia gaudia; non gaudia sæculi hujus vana, insaniæ mendaces, nec gaudia, quæ in ipso regno Dei ceteris non virginibus erunt, sed a ceterorum omnium gaudiorum sorte distincta. Gaudium virginum Christi, est de Christo, in Christo, cum Christo, post Christum, per

Christum, propter Christum. Gáudia própria vírginum Christi non sunt éadem non vírginum, quamvis Christi; nam sunt áliis ália, sed nullis tália. **Ite in hæc, sequimini Agnum, quia et Agni caro útique virgo. Sequimini virginitáte cordis et carnis, quocúmque ferit. Quid est eum sequi, nisi imitári?**

R. Benedícta.

In III. Nocturno Homilia in Evangel. ut in festa.

Vesp. de sequ., comm. Octavæ S. Rosæ.

Die 5. Septembris.

S. Victorini Ep. et Mart.

Duplex.

Sanctæ Fidei Bogotæ:

Patron. minus princ

Duplex majus.

Omnia de Comm unius Mart., præter sequ.

Oratio. Deus qui nos.

In I. Nocturno Lectiones de Scriptura occurrente.

Sanctæ Fidei Bogotæ: In I. Noct. Lect. A **Miléto.** de Comuni.

In II. Noct. **Príncipes persecúti.** de Comm. 2. loco.

In III. Nocturno Lectiones de Homilia in Evang. Si quis vult. de Comm. unius Mart. 2. loco.

Et fit commem. Oct. S. Rosæ Lim. Virg.

Die 6. Septembris.

Octava **S. Rosæ** Virg.

Duplex.

Omnia ut in festo, præter sequentia.

In I. Nocturno Lectiones de Scriptura occurrente.

In II. Nocturno.

Lectio iv.

Injúrias, et derisiones a quocúmque illátas beáta Rosa non solum æquanímiter, et cum gáudio excipiébat, sed, multo majóribus se dignam existimans, culpas, quæ sibi imputabántur, extóllere et amplificáre solébat, ac si rea ómnium criminum foret, et ab ómnibus déspecti atque afflígi mererétur. Nihil autem moléstius ferébat, quam próprias laudes, quas non solum innáta sibi modéstia, animíque demissione, tamquam indébitas, respuébat, sed iis auditis, quasi acutíssimo gládio transverberáta, misero ejulátu, ac lácrimis se gravissime torquéri indicábat. Si qua advérsitas, si qua calámitas domi vel foris contingébat, hanc illa suis delictis sério adscribébat, et se ómnium infelicíssimam peccatricem íntimo cordis afféctu réputans, hoc íti-

dem ab aliis credi, anxie desiderabat.

R. Non conferetur.

Lectio v.

Morbos celabat, quibus assidue vexabatur, ne sibi remedia, vel solatia adhiberentur. Nocturno tempore, nec aeris intemperiem timens, nec frigoris asperitatem, saepe per hortum longam, magnique ponderis crucem humeris ferens, nudis pedibus ambulabat. Vita Virginis Rosae continuum martyrium, eo atrocius, quo magis prolixum fuit. Quod si aliquando superiorum imperio acerrimas sui castigationes, aut intermittere, aut moderari cogebatur, illorum praecipto statim obediens, alia sibi tormenta inferabat, iis excogitandis ingeniosa, in tolerandis constantissima.

R. Fecit sibi.

Lectio vi.

Cilicium nacta, ex acutis equorum setis dense contextum, et infra genua protensum, infixis acubus, diu gestavit, donec iussa illud depondere, saccum villosum, et crassum pro indusio induit, cujus pondere, et scabritie gravata, ad singulos membrorum

motus incredibili doloreangebatur. Ut laesi Numinis iram placaret, poenas, peccatoribus infligendas, ab innocuo suo corpore exigebat, se flagellis dirissime cadens, ut illis misericordiam impetraret. Ne vero pedibus, ad quos nec cilicium, nec verbera pertinebant, suum deesset supplicium, eos nudos succensi clibani flammis exponebat, et inde erumpente ardoris vi, saevissime excruciebat, adeo, ut in ea a planta pedis usque ad verticem capitis nihil a poenis vacaret.

R. Benedicta tu.

In III. Nocturno Homilia in Evang. ut in festo.

In II. Vesp. comm. sequ.

Die 7. Septembris.

S. Laurentii Justiniani

Episc. et Confess.

Semiduplex.

Omnia ut in Brev. die 5. hujus.

Die 9. Septembris.

S. Petri Claver Conf.

Duplex 2. classis.

Omnia ut inter festa pro aliis quibus locis eadem die, ommissa comm. Oct. Nativ. B. M. V.

Lectio ix. de S. Gorgonio Mart. et ejusdem commem. in Laudibus tantum.

In II. Vesp. comm. sequ. tant.

Die 15. Septembris.

Pasti:

B. Mariæ V. de Rupe.

Duplex 2. classis.

Omnia ut in festis B. M. V. per annum.

Lectio ix. et comm. in Laud. tantum de S. Nicomede Martire ut in Breviario hac die.

In II. Vesp. commem. sequ. et Ss. Euphemie et Soc. Mm.

Die 25. Septembris.**S. Mariæ de Cervellione** Virginis.

Duplex.

Omnia ut inter festa pro aliqu. locis die 22. Sept.

Die 28. Septembris.**Beati Simonis de Roxas** Conf.

Duplex.

Omnia de Comm. Conf. non Pont., præter sequ.

Oratio.

Deus, cujus caritas in corde beati Simonis diffusa eximio in sanctissimam Filii tui Genitricem cultu et assiduis misericordie operibus enituit: illius intercessione concede; ut eodem caritatis fervore succensi et beatæ Mariæ Virginis tutela protecti tuam misericordiam consequamur. Per eundem Dominum nostrum.

Et fit commem. præced.

In I. Nocturno Lectiones de Scriptura occurrente.

In II. Nocturno.

Lectio iv.



Vallisoléti in urbe Castellæ veteris natus est Simon parentibus piis æque ac nobilibus. Ab ejus ortu statim licuit videre quoddam futuræ sanctitatis indicium. Puer namque infans ubi balbutire cœpit, prima fere auditus est hæc verba proferre: Ave Mariâ. Quod ut audientibus mirum accidit, ita argumento fuit, eximium olim divinæ matris cultorem clientemque fore. Præsagium affirmavit eventus. Magna illi vel adolescëntulo pietas, mira in capessendis exsequendisque religionis officiis alacritas ac diligentia: studium vero colendæ Virginis tantum, ut jam tum eas angelicæ salutationis voces, in quas primum solverat linguam, sibi maxime familiares redderet et tertio quoque verbo usurparet. Elucebat præsertim amor erga pauperes plane admirabilis, ut ipso eorum aspectu commoveretur, nec continere se posset, quin cibos illis clam sibi detractos et ipsa interdum indumenta tribueret. Talis cum esset adolescens jam-

que multum in litteris profecisset. incensus sanctioris vitæ desiderio Christi crucem inter fratres sanctissimæ Trinitatis redemptionis captivorum in eadem civitate amplexus est.

R. Honestum fecit.

Lectio v.

Tirocinii ac studiorum spâtiis cum laude confectis, vitam deinceps reliquam fratribus vel docendis vel gubernandis impendit. Magister proinde appellatus, et tum pluribus provinciæ Castellanæ cœnobiiis, tum toti demum provinciæ rector impositus. Suis porro ita præfuit, ut morum inter eos gravitatem sanctitatemque ad legum normam atque optima quæque studia proveheret, paternum alióquin exercens impérium, neque tam potestate quam exemplo singulos ad officium impellens. Quæ dum agit domi, nihil intérea minus proximorum salutis prospiciebat foris, idque tum divini verbi tum sacrarum confessionum ministério, actibusque aliis caritatis, quibus naviter insistens incredibile dictu est quam multos a vitiis ad frugem, vel étiam ad perfectionem

christianæ vitæ perdúxerit. Præter hæc famélicos mendicorum greges quotidie ab insita misericordia cogebat pascebátque, large omnia subministrante providéntia cœlesti, cujus sæpe beneficio insperatam accipiebat annonam. Eorum præcipuam sumebat curam, qui inter bárbaros Mahometanos catenis onusti degunt, hisque redimendis ampla pecuniarum subsidia corrogabat. At sibimetipsi vacabat imprimis, studebátque ut fieret in dies sanctior. Ob id spiritum oratione assidua rerumque cœlestium meditatione excolébat, corpus cilicio, flagris, cibi potúsque parcitate dirum in modum ex-cruciabat.

R. Amavit eum.

Lectio vi.

Philippo tertio regi ejusque cónjugi Margaritæ apprime carus ob sanctimonie opinionem fuit. Datus regis liberis adolescentiæ institutor, id munus gessit egrégie; sed oblátas a rege dignitates constanter répulit. Isabellæ reginæ a confessionibus, eoque nómine magno apud aulicos honóre hábitus. Nosocomia tamen carceresque vinctorum frequen-

täre, ægrótis vocántibus diu noctúque præsto esse, egénis aliménta dividere, calamitósissimis ómnibus opitulári perréxit usque ad extrémum, ut vulgo pater paúperum vocitarétur. Multas vitiórum pestes e pópulo sústulit, et augéndo beátæ Virginitatis cultui assidue inténtus cum ália multa perfécit, cum celeberrimam sodalitatem, quam vocant ab Ave Mariá, Matriti instituit ac late propagándam curávit. Ejúsdem cura et indústria sanctissimum Mariæ nomen inter Trinitários officio próprio celebrári cœptum est. Illum vicissim Virgo beatissima multis maximisque ornávit beneficiis. Inter quæ illud a Deo impetrásse fertur, ut multas post pugnas omnis tandem in eo, qui victor semper eváserat, pravæ libidinis sensus exstinctus manéret. Dono tandem prophetiæ, curationum grátia miraculisque plúribus clarus, qua prorsus prænuntiáverat die, súbita vi morbi opprèssus occúbuit, annos natus duos supra septuaginta. Elátus est fúnere honorificentíssimo, eumdémque illi honórem per dies continénter duódecim præcipui civitátis órdenes præ-

stitére. Cum vero crebri ad ejus sepúlchrum concúrsus fierent et novis subinde miraculis venerábilis viri fama inclarésceret, illum Clemens décimus tértius beatorum fastis adscrípsit.

R. Iste homo.

In III. Noct. Homil. in Evang. Nolite timére. de Comm. 2. loco. Vesp. de sequ. cum comem. præced.

FESTA OCTOBIS.

Dominica II. Octobris.
Maternitatis B. M. V.

Duplex majus.

Omnia ut inter festa pro ali-
quibus locis eadem Domin.

Dominica III. Octobris.
Puritatis B. M. V.

Duplex majus.

Omnia ut inter festa pro ali-
quibus locis eadem Domin.

Die 3. Octobris.
S. Wenceslai Ducis et Martyris.

Semiduplex.

Omnia ut in Brev. die 28. Sept.

Die 5. Octobris.
S. Froylani Ep. et Conf.

Duplex.

Omnia de Comuni Conf. Pont.,
præter sequ.

Oratio.

Deus, qui beátum Froy-
lánium monástici insti-

túti propagándi stúdio decorásti, et ex erémo ad episcopále munus coelésti indício vocátum miráculis clarum effecísti: concéde propítius; ut, cujus patrocinio gloriámur, ejus instruámur exémplic. Per Dóminum nostrum.

Et fit comem. Ss. Placidi et Soc. Mm. ut in Brev. hac die.

In I. Nocturno Lectiones de Scriptura occurrente.

In II. Nocturno.

Lectio iv.

Froylánus, Lucæ, quæ regni Gallæciæ nóbilis est civitas, piis æque ac nobilibus paréntibus décimo nostræ redemptionis sæculo natus, a prima ætate futúræ sanctitátis spécimen dedit. Nam piæ matris ópera educátus, adhuc adoléscens, mundi illécebris contéptis majorisque perfectionis desiderio illéctus, vix octódecim annos natus monásticam vitam proféssus est. Quare primum in quemdam diocésis Legionénsis abditiórem locum sese recípiens, deínde ad Sutríni montis radices ædiculam sibi éxstruens, ibíque orationi, jejúniis, jugíque córporis castigatióni vacans, in coeléstium contemplatiónem rerum dies noctésque sua-

víssime præteribat. Brevi tanta ejus sanctitátis fama percrebuit, ut multis ad eum concurréntibus sub régula sancti Benedícti monastérium ædificáre compúlsus fúerit. Quos inter discípulos Attilánum monastérii a se ædificáti priórem instituit, qui póstea, Zamorénsis factus epíscopus, eam diocésim sanctíssime gubernávit: eúmque post mortem Urbánus secúndus in sanctórum número rétulit.

R. Invéni David.

Lectio v.

Nec mirum Froyláni sanctitatem ab ómnibus agnósci et ubíque prædicári, quam vel bruta animalia quodámodo persensisse videbántur. Sævum síquidem lupum multis spectántibus coëgisse fertur juménti loco substitui, ut libros prædicatióni necesarios deférret, sicque pœnas lúeret, quod aséllum eidem serviéntem ministério ferox dilaniásset. Idcirco Ramírus tértius, qui difficíllimis iis temporibus Legionénse regnum administrábat, res suas pene excisas agnóscens, Froylánum accérsit, eíque ingéntem vim pecuniárum

elargitus, potestatem de-
dit erigendi ubicumque vel-
let monasteria in suo re-
gno, ut inde monachi pro
ejusdem regni liberatione
ab armis Saracenorum fer-
ventes ad Deum preces ef-
funderent. Tot tantisque
opibus tam pie oblatis
Froylanus Tabarense mo-
nasterium edificavit, aliis-
que permultis circa Aestolae
fluvium instauratis de-
mum celebre illud apud
Morérolam excitavit, ubi
ducentis circiter monachis
congregatis ipse praefuit
piumque Ramiri regis de-
siderium explévit.

R. Pósui adiutorium.

Lectio vi.

Veremundo secundo re-
gnante, qui Ramiro tér-
tio succésserat, Froylanus
ex monacho, rénuens licet
et invitus, Legionensis epí-
scopus renunciatus, dum
consecraretur, sub colum-
bae e caelo venientis specie
Spíritum sanctum accipere
visus est. Postquam autem
sexdecim circiter annis con-
créditas sibi oves praedica-
tione et exemplo sanctís-
sime gubernasset, praenun-
tiato sui obitus die ad coe-
lestem patriam quinto No-
nas Octóbris anno sexto
post millésimum evolávit.
Multae ejus sacri corporis

translationes ob temporum
difficultatem fieri debuérunt:
quarum postréma,
cum a Morérolae cénobio
máxima ejusdem sacri cór-
poris pars ad Legionensem
ecclesiam, cui praefuerat,
transferrétur, insígni fuit
miráculo illustrata; nam
per totam viam homines,
animantes, ipsaeque arbores
melleo liquóre maduerunt.
Itaque tam in Morérolae
monasterio, quam in Legio-
nensi ecclesia usque ad no-
stram aetatem magna cum
veneratione dictum sacrum
corpus sic divisum colitur:
ecclesia vero Legionensis
tantum pastorem, a quo
innúmera accépit beneficia,
ut praecipuum patrónum
veneratur.

R. Iste est, qui.

In III. Nocturno Homilia in
Evang. Homo peregre. de Com-
muni Conf. Pont. 1. loco.

Lectio ix. et commemor. de
Ss. Placido et Soc. Mart. ut in
Breviario.

Vesp. a cap. de sequ. comm.
praeced.

Die 10. Octobris.

S. Ludovici Bertrandi
Confessoris Patr. Princ.
Ditionis.

Duplex 1. cl. cum Oct.

In I. Vesperis.

Ant. de Laud. 27* Ps. ut in
I. Vesp. de Communi Apost.

Capitulum. Apoc. 14.

Vidi álterum Angelum volántem per médium cœli, habéntem Evangélium ætérnum, ut evangelizáret sedéntibus super terram, et super omnem gentem.

Hymnus.

Dum Ludovíci glória
Corúscat inter sídera,
Fecúnda Sanctórum parens
Det júbilos Valéntia.

Immo parens Ecclésia
Lætis canóra vóci bus
Grates ubíque pèrsonet
Pro Núminis cleméntia.

Hæc Ludovíci párvuli
Primam rigans infántiam,
Prævenit in dulcédine
Lacténtis innocéntiam.

Hæc jugis illi præfuit
Ad usque vitæ vésperam,
Armisque pœniténtiæ
Perdúxit ad victóriam.

Sit laus Patri cum Fílio,
Simúlque sancto Flámini:
Laus sit polórum civibus
In týmpanis et cýmbalis.

Amen.

V. Ora pro nobis, beáte
Ludovíce. R. Ut digni efficiámur
promissionibus Christi.

Ad Magnif. Ant. O novi
mundi lampas præfúl gida,
sancte Ludovíce, qui Indis
Evangélium Christi nun-
tiádo, Apostolórum gló-

riæ consors fieri meruísti!
semper pius exorátor ad-
sis pro nobis apud Deum,
qui te elégit.

Oratio. Deus, qui. ut ad
Laud. 28*

Ad Matutinum.

Invit. Jubilémus magno
Regi, conditóri sæculó-
rum: * In quo vivit Ludo-
vícus, consors glóriæ San-
ctórum.

Ps. Veníte, exsultémus.

Hymnus.

Noctúrna cœli lúmina
Suspiriórum cónsčia,
Quæ Ludovícus ætheri
Mittébat inter vérbera:

Plagas cruéntas dicite,
Flagélla, sulcos, vúlnera,
Quæ Sanctus ultro pró-
prium

Vibrábat in corpúsculum.

Fluxit paviménto cruor,
Cellæ madébat ámbitus,
Postquam supína lígneus
Luxárat ossa léctulus.

Sed tunc flagéllis lívidum
Supérna lux circúmdabat:
Divæque binæ débilem
Castis levábant bráchiis.

Laus et perénnis glória
Deo Patri cum Fílio,
Et utriúsque Spíritu,
In sempitérna sæcula.

Amen.

In I. Nocturno.

Ant. Tamquam lignum
secur decúrsus aquárum,

Ludovicus orbi novo fructum dedit in tempore suo.

Psalmi trium Nocturnorum ut in Comm. Conf.

Ant. Fremuerunt gentes, simulacra cadunt inania, dum predicans Indis pandit Christi magnalia.

Ant. Non timebat millia populi se circumdantis, non saxa, clavas, jacula, zelus evangelizantis.

V. Amavit eum Dominus et ornavit eum. R. Stulam glorie induit eum.

De Epistola secunda beati Pauli Apostoli ad Corinthios.

Lectio i. Cap. 5.

Scimus enim quoniam si terrestris domus nostra huius habitationis dissolvatur, quod aedificationem ex Deo habemus, domum non manufactam, aeternam in coelis. Nam et in hoc ingemiscimus, habitationem nostram, quae de caelo est, superindui cupientes: si tamen vestiti, non nudi inveniamur. Nam et qui sumus in hoc tabernaculo: ingemiscimus gravati: eo quod nolumus exspoliari, sed supervestiri, ut absorbeatur quod mortale est, a vita.

R. Ecce servus meus, suscipiam eum: electus

meus, complacuit sibi in eo anima mea: * Dedi spiritum meum super eum. V. Bonum est viro, cum portaverit jugum Domini ab adolescentia sua. Dedi.

Lectio ii.

Audentes igitur semper, scientes quoniam dum sumus in corpore, peregrinamur a Domino: (per fidem enim ambulamus, et non per speciem) audemus autem, et bonam voluntatem habemus magis peregrinari a corpore, et praesentes esse ad Dominum. Et ideo contendimus sive absentes, sive praesentes placere illi. Omnes enim nos manifestari oportet ante tribunal Christi, ut referat unusquisque propria corporis, prout gessit, sive bonum, sive malum.

R. Omnis quidem disciplina in praesenti videtur non esse gaudii, sed mœroris: at postea: * Fructum pacatissimum reddit exercitatis per eam. V. Posui vestimentum meum cilicium, et operui in jejuniis animam meam. Fructum.

Lectio iii.

Scientes ergo timorem Domini hominibus suademus, Deo autem manifesti sumus. Spero autem et in

consciéntiis vestris manifestos nos esse. Non iterum commendamus nos vobis, sed occasiōnem damus vobis gloriādi pro nobis: ut habeátis ad eos, qui in facie gloriāntur, et non in corde. Sive enim mente excēdimus, Deo: sive sóbrii sumus, vobis. Cáritas enim Christi urget nos.

R. Ecce odor filii mei sicut odor agri pleni, cui benedixit Dóminus. * Incurvéntur ante te filii matris tuæ. V. Deus odórem notítiæ suæ manifestat per nos: quia Christi bonus odor sumus Deo. Incurvéntur. Glória Patri. Incurvéntur.

In II. Nocturno.

Ant. Scitóte quia Dóminus Sanctum suum mirificávit: invocántis cor húmile in tribulatióne dilatávit.

Ant. Justi clamórem intélligens Rex æternæ majestátis, Ludovicum coronávit scuto bonæ voluntátis.

Ant. Dóminus, ut destruat ultiórem et inimicum, perfécit sui nóminis laudem per Ludovicum.

V. Justum dedúxit Dóminus per vias rectas. R. Et osténdit illi regnum Dei.

Lectio iv.

Ludovicus Bertrándus, Valentíæ in Hispánia Tarracónénsi honéstis piisque paréntibus natus, ab ipsa pene infántia, sanctitátis ac pœniténtiæ tirocínium inchoávit. Exácta puerítia, interdum nuda cubábat humo, noctes sæpe ducébat insómnēs, ac in pietátis et caritátis officia sédulus incumbébat. Mundi contémpu, ac religiósæ vitæ ardóre succensus, paréntum artes, quibus eum a sancto propósito dimovére conabántur, mira constántia superávit. Sui tandem voti compos efféctus, Prædicatórum Ordini nomen dedit: ubi brevi tantum profécit, ut vel provectióribus ipsis, quamvis tiro, fúerit exémplo. Emíssa professióne, mirum quot et quantis virtútum incrementis priórem vitæ ratióne cumúlárit. Jejúniis, flagéllis, cilíciis, vigiliisque carnem domans, mentem jugi oratiónis pábulo nutriébat: ex quo tantum intérnæ ánimí modestiæ ac puritátis hauriébat, ut vel in ejus óculis ac vultu appareret.

R. Linguae in signum sunt non fidélibus, sed infidélibus: grátias ago Deo meo,

quod * Omnium vestrum lingua loquor. V. Dedit mihi Dóminus linguam mercédem meam: in ipsa laudábo eum: apérui os meum, et locútus sum. Omnium.

Lectio v.

Adhuc júvenis, novitiórum præfèctus institutioni, eos ad omnem verbo et exémplo sanctimóniam efformábat. Ad occidentáles Indos evangélicus prædicátor missus, quamvis uno tantum Hispánico uterétur idiómate, eum tamen diversæ atque inter se dissitæ nationes, sua véluti loquéntem lingua, singulæ audiébant: ex quibus inúmeros ad christiánam fidem addúxit. Ibique venénium, non semel sibi a Bárbaris propinátum, innóxie hausit. Públicam vitiórum objurgatióem, tamquam in se unum directam, nóbilis quidam ultúrus, mortem Ludovíco inténtat, cum strictus in eum sclopus in Crucifixi formam repénite convértitur. Quo miraculo nefárius aggrésor permótus, ad sancti viri pedes provolútus, tanti facínoris véniam eníxe deprecáur.

R. Annuntiávit in géntibus, et audítum fecit: levá-

vit signum crucis in pópulis: confúsa sunt sculptília, * Superáta sunt idóla eórum. V. Quod ergo tu signum facis ut videámus, et credámus tibi? Superáta.

Lectio vi.

Humilitáte ac patiéntia insignis, illud idéntidem usurpábat: Dómine, hic ure, hic seca, hic non parcas, ut in ætérnum parcas. Prophético afflátus spiritu, multa prædixit. Ignem signo crucis exstínxit, tempestátem sedávit, ferárum ímpetus cohíbuit, mórtuis vitam, cæcis visum, claudis gressum, surdis réddidit audítum. Tandem durióris pœnitentiæ labóribus fractus, in morbum incidit, sacrisque mystériis rite expiátus, migrávit in cœlum, séptimo Idus Octóbris, año millésimo quingentésimo octogésimo primo, ætátis vero suæ quinquagésimo quinto. Quem multis étiam post óbitum miraculis clarum, Paulus Quintus Beatorum, Clemens vero Dêcimus Sanctórum número adscripsit. Ejus demum festum Alexánder Octávus, instánte rege Cathólico, ab univérso ditiónis ipsíus clero sæculári, sub ritu Dúplici celebrándum decrevit, sanctúmque Confessórem

novi regni Granaténsis Patrónum Apostólica auctoritate declarávit.

R. Castigo corpus meum, et in servitútem rédigo: * Ne forte cum áliis prædicáverim, ipse réprobus efficiar. V. Dómine, hic ure, hic seca, hic non parcas, ut in ætérnum parcas. Ne forte. Glória Patri. Ne forte.

In III. Nocturno.

Ant. Ingréssus sine mácula, et operátus justítiam, in montis tabernáculo jam pössidet lætítiam.

Ant. In benedictiónibus dulcédinis prævéntus, nunc cordis desidério perfrúitur conténtus.

Ant. In dolo jurávit némini, cavens a culpárum sorde: ascéndit in montem Dómini, ínnocens mánibus et mundo corde.

V. Justus ut palma florébit. R. Sicut cedrus Líbani multiplicábitur.

Léctio sancti Evangélíi secúndum Marcum.

Lectio vii. Cap. 16.

In illo témpore: Dixit Jesus discipulis suis: Eúntes in mundum univérsum, prædicáte Evangélium omni creatúræ. Et réliqua.

Homília sancti Gregórii Papæ.

Homilia 29. in Evang. post initium.

Potest omnis creatúra nómine, omnis natio Géntium designári. Ante enim dictum fúerat: In viam Géntium ne abiéritis: nunc autem dicitur: Prædicáte omni creatúræ: ut scílicet prius a Judæa Apostolorum repúlso prædicatio, tunc nobis in adjutórium fíeret, cum hanc illa ad damnatiónis suæ testimónium superba repulísset. Sed cum discipulos ad prædicándum Véritas mittit, quid áliud in mundo facit, nisi grana séminis spargit? Et pauca grana mittit in sémine, ut multárum méssium fruges recipiat ex nostra fide.

R. Consiliátus sum ut fácerem sapiéntiam, et in faciéndó eam confirmátus sum: * Zelátus sum bonum, et non confúndar. V. Si adhuc homínibus placérem, Christi servus non essem. Zelátus.

Lectio viii.

Neque étenim in univérso mundo tanta fidélium messis exsúrgeret, si de manu Dómini super rationálem terram illa elécta

grana prædicantium non venissent. Séquitur: Qui crediderit, et baptizatus fuerit, salvus erit; qui vero non crediderit, condemnabitur. Fortásse unusquisque apud semetípsum dicat: Ego jam credidi, salvus ero. Verum dicit, si fidem opéribus tenet. Vera etenim fides est, quæ in hoc, quod verbis dicit, móribus non contradicit. Hinc est enim, quod de quibúsdam falsis fidélibus Paulus dicit: Qui confiténtur se nosse Deum, factis autem negant.

R. Non perimus, semper mortificationem Jesu circumferentes, * Ut et vita Jesu manifestetur in corpore nostro. V. Da mihi, Dómine, ut ego móriar pro te, sicut tu dignatus es mori pro me. Ut et vita.

Lectio ix.

Signa autem eos, qui credituri sunt, hæc sequéntur: In nómine meo dæmónia ejicient: linguis loquéntur novis: serpéntes tollent: et si mortíferum quid biberint, non eis nocébit: super ægros manus impónent, et bene habébunt. Numquidnam, fratres mei, quia ista signa non fácitis, mínime créditois? Sed hæc necessariá in exórdio Ecclesiæ fuérunt. Ut enim ad

fidem crésceret multitúdo credéntium, miráculis fuerat nutriénda. Quia et nos, cum arbústa plantámus, támdiu eis aquam infúndimus, quousque ea in terra jam coaluisse videámus; et si semel radicem fixerint, irrigatio cessábit. Hinc est enim, quod Paulus dicit: Linguæ in signum sunt non fidélibus, sed infidélibus.

R. Indue te decóre ejus, quæ a Deo tibi est, sempitérnæ glóriæ: Deus enim osténdet splendórem suum in te, et impónet mitram cápiti * Honóris ætérni. V. Conscidisti saccum meum, et circumdedisti me lætítia: ut cantet tibi glória mea. Honóris. Glória Patri. Honóris.

Ad Laudes

et per Horas.

Ant. 1. Mirábilem in altis * Dóminum Ludovíce dum affáris, repénte silent mirábiles elatiónes maris.

Ps. Dóminus regnávít. cum reliquis.

2. In tali servo * Dóminum laudent grandes et pusilli: átria ejus in hymnis confitémini illi.

3. Ad te de luce vígilans; * sitívit ánima ejus, suspirans, et ingéminans: O Deus Deus meus!

4. Carmen trium puerorum * flamma camini timuit: flammæ quoque vi signorum Ludovicus cohibuit.

5. Ignis, grando, * nix, belluæ, spiritusque procellarum sæpe non ausa tangere Ludovicum Deo carum.

Capitulum. Apoc. 14.

Vidi alterum Angelum volantem per medium coeli, habentem Evangelium æternum, ut evangelizaret sedentibus super terram, et super omnem gentem.

Hymnus.

En Ludovici laudibus Aurora laxat purpuram:

Nox atra condit pallium,
Festivus albescit dies.

Sic Ludovicus Indiis
Noctis tenebras dispulit,
Idola fregit, et cruce
Stetit feroces tigrides.

Bis ob fidem sævissimi
Hæsit veneni pocula:
Sedavit undas æquoris,
Ignique fixit litem.

Heróicis virtutibus
Ideâ factus Ordini:
Efflans ad astra spiritum,
Exhalat ore lumina.

Sit Trinitati jûgiter
Laus et perennis gloria,

Quæ Ludovici fûlgida
Resplendet in victória.
Amen.

Y. Justus germinabit sicut lilium. R. Et florébit in æternum ante Dóminum.

Ad Bened. Ant. Dóminus Deus Israël visitavit plebem suam, in terris Indiarum mittens ei puerum suum, qui præiret ante faciem Dómini parare vias ejus.

Oratio.

Deus, qui beátum Ludovicum Confessorem tuum, per corporis mortificationem, et fidei præconium Sanctorum glóriæ coæquasti: præsta; ut quod fide profitemur, pietatis operibus jûgiter impleamus. Per Dóminum.

Ad Tertiam.

Capit. Vidi alterum. ut supra.

R. br. Amavit eum Dóminus, * Et ornavit eum. Amavit. Y. Stulam glóriæ induit eum. Et. Glória Patri. Amavit.

Y. Os justi meditabitur sapiéntiam. R. Et lingua ejus loquétur judícium.

Ad Sextam.

Capitulum. 2. Cor. 12.

Tametsi nihil sum: signa tamen Apostolatus mei facta sunt super vos in omni

patiéntia, in signis, et prodigiis, et virtútibus.

R̃. br. Os justi * Meditábitur sapiéntiam. Os. Ṽ. Et lingua ejus loquétur iudícium. Meditábitur. Glória Patri. Os.

Ṽ. Lex Dei ejus in corde ipsíus. R̃. Et non supplantabúntur gressus ejus.

Ad Nonam.

Capitulum. Rom. 1.

Pro Jesu Christo accépi-mus grátiam, et Apostolátum ad obediéndum fidei in ómnibus géntibus, in quibus estis et vos vocáti Jesu Christi.

R̃. br. Lex Dei ejus * In corde ipsíus. Lex. Ṽ. Et non supplantabúntur gressus ejus. In. Glória. Lex.

Ṽ. Justum dedúxit Dóminus per vias rectas. R̃. Et osténdit illi regnum Dei.

In II. Vesperis.

Omnia ut in I. Vesperis, 21* præter sequentia.

Ad Magnif. Ant. Respéxit Dóminus humilitátem servi sui, per quem esuriéntes Indos implévit bonis: et ex hoc beátum hunc dicent omnes generatiónes.

Infra Octavam

pro comem. S. Ludovici.

Ad Bened. Ant. Laudábit ánimam suam, et in Deo

honorábitur: in multítudine electórum habébit laudem, et inter benedíctos benedicétur.

Ṽ. Justus germinábit.

Ad Magnif. Ant. Dóminus Deus ejus erat cum eo, et magnificávit eum in excélsu: confortátus est in regno suo.

Ṽ. Ora pro nobis.

Oratio ut supra. 28*

Die 11. Octobris.

S. Francisci Borgiæ

Confessoris.

Semiduplex.

Omnia ut in Breviario die 10. hujus cum comem. Octav. S. Ludovici, ut supra.

Vesp. de sequ., commemor. præced. et Octavæ S. Ludovici Conf. ut supra.

Die 12. Octobris.

B. M. V. de Columna.

Duplex majus.

Omnia ut in festis B. M. V. per annum. exceptis Lect. sequ.

In II. Nocturno.

De Sermóne S. Augustini Epíscopi.

Serm. 18. de Sanctis.

Lectio iv.

Adest nobis, dilectíssimi, optátus dies commemoratiónis beátæ ac venerábilis semper Vírginis Mariæ: ideo cum summa exsultatióne gaúdeat terra nostra, tantæ



Virginis illustrata solemnitate. Hæc est enim flos campi, de qua ortum est pretiosum lilium convallium, per cujus partum mutatur natura protoplastorum, deletur et culpa. Precisum est in ea illud Hevæ infelicitatis elogium, quo dicitur: In dolore paries filios tuos: quia ista in lætitia Dominum peperit. Heva luxit, ista exsultavit. Heva lachrymas, Maria gaudium in ventre portavit: quia illa peccatorem, ista edidit innocentem.

R. Sicut cedrus.

Lectio v.

O beata Mater, quis tibi digna valeat jura gratiarum, ac laudum præconia rependere, quæ singulari tuo assensu mundo succurristi perduto? Accipe itaque quascumque exiles, quascumque meritis tuis impares gratiarum actiones: et cum susceperis vota, culpas nostras orando excusa. Admiste nostras preces intra sacrarium exauditionis, et reporta nobis antidotum reconciliationis. Accipe quod offerimus, redona quod rogamus, excusa quod timemus: quia tu es spes unica peccatorum. Per te speramus veniam deli-

ctorum, et in te, beatissima, nostrorum est expectatio præmiorum.

R. Quæ est.

Lectio vi.

Et profecto sperandum nobis ac præcipue lætandum est, quibus insigni beneficio peculiarem summet obtinendi patrocinii fiduciam clementissima Virgo concessit. Ut enim pia et antiqua traditio habet, cum Jacobus Apostolus, Major nuncupatus, divino consilio in Hispaniam appulisset, et aliquamdiu Cæsaraugustæ substitisset, ipsi cum aliquot discipulis noctu ad Ibéri fluminis ripam oranti, beata Virgo, dum adhuc in humanis ageret, apparuit, ibique ut sacellum extrueret, eidem injunxit. Quare nihil cunctatus Apostolus, discipulis opem ferentibus, ædiculam Deo in ipsius Virginis honorem dicavit. Huic autem procedentibus sæculis amplius et augustius templum accessit, quod a simulacro Deiparæ, pilæ e marmore superstante, atque ibidem maxima totius regni pietate, ac frequentia venerato, a Columna olim acceptum nomen hisce quoque temporibus retinet. Utque debitus Deo cultus, ac fervens

jam erga Virginem populorum devotio uberior in dies incrementum accipiat, Clemens duodécimus Póntifex Máximus per universas regi cathólico subiectas ditiones ejusdem commemoratiónis officium die duodécima Octóbris celebrári indúlsit.

R. Ornátam monilibus.

In III. Noct. Lect. de Homil. in Evangel. Loquente Jesu. ut in Festis B. M. V.

In Laudib. commemor. Octav. S. Ludovici.

In II. Vesp. comm. sequ. et Octavæ S. Ludovici Conf.

Die 15. Octobris.

S. Teresiæ Virginis.

Duplex.

(Juxta Decret. 21. Julii 1870.)

Si I. Vesperæ dicendæ sint integræ, Antiphonæ erunt

In I. Vesperis.

Ant. 1.

Nelo zeláta sum pro honórespon-
si mei Jesu Christi,
sti, qui dixit mihi:
ut vera sponsa meum
zelábis honórem.

Ps. Dixit Dóminus. cum reliquis de Communi Virg.

2. Vulnerásti cor meum,
Dómine, ardénti cúspide
caritátis tuæ.

3. Clavo dexteræ tuæ
subarrhásti me, Dómine:

et tamquam sponsam decorásti me coróna.

4. Fulcíte me flóribus,
stipáte me malis; quia amore lángueo.

5. Mihi absit gloriári,
nisi in cruce Dómini nostri
Jesu Christi, per quem
mihi mundus crucifixus
est, et ego mundo.

Capitulum. Sap. 7.

Optávi, et datus est mihi
sensus: et invocávi, et
venit in me spíritus sapi-
éntiæ: et præpósui illam
regnis et sédibus, et divi-
tias nihil esse duxi in
comparatióne illius.

Hymnus.

Regis supérni núntia,
Domum patérnam dé-
seris,
Terris Terésa bárbaris
Christum datúra, aut sán-
guinem.

Sed te manet suávior
Mors, pœna poscit dúlcior:
Divíni amoris cúspide
In vulnus icta cóncides.

O caritátis víctima!
Tu corda nostra cóncrema,
Tibíque gentes créditos
Avérni ab igne libera.

Sit laus Patri cum Fílio,
Et Spíritu Paráclito,
Tibíque, sancta Trínitas,
Nunc, et per omne sæcu-
lum. Amen.

Y. Obliviscere pópulum tuum, et domum patris tui. R. Et concupíscet rex decórem tuum.

Ad Magnif. Ant. Quæsívi in sponsam mihi eam asúmere. Doctrix enim est disciplínæ Dei, et eléctrix óperum illíus.

Oratio.

Exáudi nos, Deus salutaris noster: ut sicut de beátæ Teresíæ Vírginis tuæ festivitáte gaudémus; ita cœléstis ejus doctrínæ pábulo nutriámur, et piæ devotiónis erudiámur afféctu. Per Dóminum.

Et fit commem. præced. et Octavæ S. Ludovici Conf.

Ad Matutinum.

Invitat. Regem Vírginum Dóminum * Veníte adorémus.

Ps. Veníte, exsultémus.

Hymnus.

Hæc est dies qua cándidæ Instar colúmbæ, cœlitum

Ad sacra templa spíritus
Se tránstulit Teresíæ.

Sponsíque voces áúdiit:
Veni, soror, de vértice
Carméli ad Agni núptias:
Veni ad corónam glóriæ.

Te, sponse Jesu, Vírginum
Beáti adórent órdenes,

Et nuptiáli cántico
Laudent per omne sæculum. Amen.

In I. Nocturno.

Ant. Quæ est ista, quæ ascéndit per desértum, sicut vírgula fumi, ex aromátibus myrrhæ et thuris?

Psalmi de Comuni Virg.

Ant. En diléctus meus lóquitur mihi: surge, própera amíca mea, colúmba mea, et veni.

Ant. Revértere, revértere Sunamítis: revértere, revértere ut intueámur te.

Y. Fiat cor meum immaculátum in justificatióibus tuis. R. Ut non confúndar.

De libro Sapiéntiæ.

Lectio i. Cap. 7. et 8.

Optávi, et datus est mihi sensus: et invocávi, et venit in me spíritus sapiéntiæ: et præpósui illam regnis et sédibus, et divítias nihil esse duxi in comparatióne illíus. Nec comparávi illi lápidem pretiósus: quóniam omne aurum in comparatióne illíus, aréna est exígua, et tamquam lutum æstimábitur argéntum in conspéctu illíus. Super salútem et spéciem diléxi illam, et propósui pro luce

habére illam: quóniam inextinguibile est lumen illius. Venérunt autem mihi ómnia bona páriter cum illa, et innumerábilis honestas per manus illius, et lætáta sum in ómnibus: quóniam antecedébat me ista sapiéntia, et ignorábam quóniam horum ómnium mater est. Quam sine fictióne dídici et sine invidia commúnico, et honestátem illius non abscondo. Infinitus enim thesáurus est homínibus: quo qui usi sunt, participes facti sunt amicitiae Dei, propter disciplinæ dona commendáti.

R. Habitábit in solitúdine iudícium, et justítia in Carmélo sedébit. Et erit opus justítiæ, pax, * Et cultus justítiæ siléntium, et securitas usque in sempiternum. V. Et sedébit pópulus meus in pulchritúdine pacis, et in tabernáculis fidúciæ. Et.

Lectio ii.

Omnium enim ártifex dócuit me sapiéntia: est enim in illa spíritus intelligentiæ, sanctus, únicus, múltiplex, subtilis, disertus, móbilis, incoinquinátus, certus, suávis, amans bonum, acútus, quem nihil vetat, benefáciens, humánuus, benígnus, stábilis, cer-

tus, secúrus, omnem habens virtútem, ómnia prospiciens, et qui cápiat omnes spíritus, intelligíbilis, mundus, subtilis. Omnibus enim móbilibus móbilius est sapiéntia: attingit autem ubique propter suam munditiam. Vapor est enim virtutis Dei, et emanátio quædam est claritátis omnipoténtis Dei sincéra: et ideo nihil inquinátum in eam incurrit. Candor est enim lucis æternæ, et spéculum sine mácula Dei majestátis, et imágo bonitátis illius. Et cum sit una, ómnia potest: et in se pérmanens, ómnia innovat et per nátióes in ánimas sanctas se transfert, amicos Dei et prophétas constituit.

R. Diffúsa est grátia in lábiis tuis. * Proptérea benedixit te Deus in ætérnum. V. Spécie tua et pulchritúdine tua, inténde, prospere procéde, et regna. Proptérea.

Lectio iii.

Neminem enim diligit Deus, nisi eum qui cum sapiéntia inhábitat. Est enim hæc speciósior sole, et super omnem dispositiõem stellárum, luci comparáta invenítur prior. Illi enim succédit nox, sapiéntiam autem non vincit ma-

lítia. Attingit ergo a fine usque ad finem fórtiter, et dispónit ómnia suávitèr. Hanc amávi et exquisívi a juventúte mea, et quæsívi sponsam mihi eam assúmèrè, et amátor factus sum formæ illíus. Generositátem illíus gloríficat, contubérnium habens Dei: sed et ómnium Dóminus diléxit illam: doctrix enim est disciplínæ Dei, et eléc-trix óperum illíus. Et si divítiae appetúntur in vita, quid sapiéntia locuplétius, quæ operátur ómnia? Si autem sensus operátur; quis horum, quæ sunt, magis quam illa est ártifex? Et si justitiam quis díligit: labóres hujus magnas habent virtútes: sobrietátem enim et prudéntiam docet et justitiam, et virtútem, quibus utilíus nihil est in vita homínibus.

R. Audi filia, et vide, et inclína aurem tuam: * Quia deinceps ut vera sponsa meum zelábis honórem. V. Sponsábo te mihi in justitia, et judicio, et in misericórdia, et in miseratiónibus. Quia. Glória Patri. Quia.

In II. Nocturno.

Ant. Vidi Dóminum, qui dedit corónam decóris in capite meo.

Ant. Induit me Génitrix Dómini vestiméntis salutis: et datum est mihi, ut coopériar býssino splendénti et cándido.

Ant. Ego autem in Dómino gaudébo: et exultábo in Deo Jesu meo.

V. Sitívit in te ánima mea. R. Quam multipliciter tibi caro mea.

Lectiones II. Nocturni ut in Breviario die 15. Octobris.

R. iv. Dixit mihi Dóminus meus: ne tíneas filia: * Non rápiet te quisquam de manu mea. V. Neque mors, neque vita, neque creatúra ália póterit me seperáre a caritatè Dei. Non.

R. v. Gaudens gaudébo in Dómino et exultábit ánima mea in Deo meo; quia induit me vestiméntis salutis: * Et induménto justitiæ circúmdedit me. V. Quasi sponsam decorátam coróna, et quasi sponsam ornátam monílibus suis. Et.

R. vi. Regnum mundi et omnem ornátum sæculi contémpsi propter amórem Dómini mei Jesu Christi: * Quem vidi, quem amávi, in quem crédidi, quem díléxi. V. Eructávit cor meum verbum bonum: dico ego ópera mea Regi. Quem. Glória Patri. Quem.

In III. Nocturno.

Ant. Glória Líbani data est ei, decor Carméli et Saron, ipsi vidébunt glóriam Dómini, et decórem Dei nostri.

Ant. Dómine, prævenísti eam in benedictiónibus dulcédinis: posuísti in cápite ejus corónam de lápide pretiósio.

Ant. Os suum aperuit sapiéntiæ, et lex cleméntiæ in lingua ejus.

Y. Deus præcínxit me virtúte. R. Et pósuit immaculátam vitam meam.

Lectio sancti Evangélíi secúndum Matthæum.

Lectio vii. Cap. 11.

In illo témpore: Respóndens Jesus, dixit: Confiteor tibi, Pater, Dómine cœli et terræ, quia abscondísti hæc a sapiéntibus et prudéntibus, et revelásti ea párvulis. Et réliqua.

Homilía sancti Ambrósii Epíscopi.

Ex libro 7. in Luc. cap. 10. prope fin.

Aperítur cœléste mystérium, quod placúerit Deo, ut párvulis magis quam prudéntibus istíus mundi suam grátiam reveláret. Quod Apóstolus Paulus stylo plenióre digéssit dicens: Noñe

stultam fecit Deus sapiéntiam hujus mundi? Nam quóniam in Dei sapiéntia non cognóvit hic mundus per sapiéntiam Deum; plácuit Deo per stultítiam prædicatiónis salvos fácere credéntes. Párvulum ergo accipiámus, qui se exaltáre non nóverit, et phalerátis sermónibus artem suæ jactáre prudéntiæ: quod philosophi pleríque faciunt.

R. Habitáre fecit eam Deus stérilem in domo: * Matrem filiórum lætántem. Y. Cibávit eam pane vitæ et intelléctus, et aqua sapiéntiæ salutáris potávit illam. Matrem filiórum.

Lectio viii.

Párvulus erat qui dixit: Dómine non est exaltátum cor meum, neque eláti sunt óculi mei; neque ambulávi in magnis, neque in mirábilibus super me. Et ut scires párvulum hunc non ætáte, non sensu fuisse, sed humilitáte sua, et quadam declinatióne jactántiæ, áddidit: Sed exaltávi ánimam meam. Vides quam excélsus fúerit hic párvulus, quanto virtútum sublimis vértice? Tales nos párvulos vult esse Apóstolus, cum dicit: Si quis vidétur sápiens esse inter vos in hoc sæculo, stultus fiat, ut

sit sapiens. Sapiéntia enim hujus mundi stultítia est apud Deum.

R. Tu glória Jerúsalem, tu lætítia Israël, tu honoríficéntia pópuli nostri: quia fecísti viríliter, et confortátum est cor tuum: ídeo et manus Dómini confortábit te: * Et eris benedícta in ætérnum. V. Surrexérunt filii ejus et beatíssimam prædicavérunt. Et eris benedícta. Glória Patri. Et eris benedícta.

Lectio ix.

Pulchérissimus coñéctitur de fide locus, quando ómnia sibi trádita dicit a Patre suo. Cum ómnia legis, omnipoténtem agnóscis: non decolórem, non degénerem Patris. Cum trádita legis, Fílium confitéris, cui per natúram ómnia uníus substántiæ jure sunt própria, non dono colláta per grátiam. Addidit: Nemo scit, quis est Fílius, nisi Pater: et quis est Pater, nisi Fílius, et cui volúerit Fílius reveláre. Ut scias autem, quia sicut Fílius Patrem, quibus vult revélat, étiam Pater revélat, quibus vult, Fílium: audi dicéntem ipsum Dóminum Jesum, cum laudáret Petrum, quod eum Fílium Dei esse con-

fessus sit: Beátus es Simon Bar-Jona: quia non caro et sanguis revelávit tibi, sed Pater meus, qui in cœlis est.

Te Deum laudámus.

Ad Laudes

et per Horas.

Ant. 1. Hæc est virgo sapiens * et una de número prudentum.

Ps. Dóminus regnávít.

2. Date ei * de fructu mánuum suárum, et laudent eam in portis ópera ejus.

3. Sitívit in te, * Dómine, ánima sponsæ tuæ, et lætáta est in his, quæ dicta sunt illi.

4. Trahe me: * post te currémus in odórem unguentórum tuórum, óleum effúsum nomen tuum.

5. Lætáre Terésia * in eo, qui te fecit, quóniam benedíxit Dóminus filiis tuis et ádipe fruménti sátiat te.

Capitulum.

Sap. 7.

Optávi, et datus est mihi sensus: et invocávi, et venit in me spíritus sapiéntiæ: et præpósui illam regnis et sédibus, et divitias nihil esse duxi in comparatióne illíus.

Hymnus.

Regis supérni núntia,
Domum patrénam dé-
seris,
Terris Terésa bárbaris
Christum datúra, aut sán-
guinem.

Sed te manet suávior
Mors, pœna poscit dúlcior:
Divíni amóris cúspide
In vulnus icta cóncides.

O caritátis víctima!
Tu corda nostra cóncre-
ma,
Tibíque, gentes créditos
Avérni ab igne líbera.

Sit laus Patri cum Fílio,
Et Spíritu Paráclito,
Tibíque, sancta Trínitas,
Nunc, et per omne sœcu-
lum. Amen.

Y. Adjuvábít eam Deus
vultu suo. R. Deus in
médio ejus non commo-
vébitur.

Ad Bened. Ant. Pone me
ut signáculum super cor
tuum, quia fortis est ut
mors diléctio: dura sicut
inférnus æmulátio: lámpa-
des ejus, lámpades ignis
atque flammárum.

Oratio.

Exáudi nos, Deus salu-
táris noster: ut sicut
de beátæ Terésíæ Vírginis
tuæ festivitáte gaudémus;
ita coeléstis ejus doctrínæ
pábulo nutriámur, et piæ

devotiónis erudiámur af-
féctu. Per Dóminum.

Et fit commem. Oct. S. Lau-
dovici Conf.

Ad Tertiam.

Capit. Optávi, et datus
est. ut supra. 36*

R. br. Tibi dixit cor me-
um. * Exquisívit te fácies
mea. Tibi dixit. Y. Fáciem
tuam Dómine requíram.
Exquisívit. Glória Patri.
Tibi dixit.

Y. Anima mea exsultábit
in Dómino. R. Et delectá-
bitur super salutári suo.

Ad Sextam.

Capitulum. Sap. 7.

Super salutem et spéciem
diléxi illam, et propósui
pro luce habére illam: quó-
niam inexstinguibile est
lumen illius.

R. br. Anima mea * Ex-
sultábit in Dómino. Ani-
ma. Y. Et delectábitur su-
per salutári suo. Exsul-
tábit. Glória Patri. Anima.

Y. Apud me orátio Deo
vitæ meæ. R. Dicam Deo:
suscéptor meus es.

Ad Nonam.

Capitulum. Sap. 7.

Venérunt autem mihi ó-
mnia bona páriter cum
illa, et innumerábilis ho-
néstas per manus illius, et
lætata sum in ómnibus:

quóniam antecedébat me ista sapiéntia.

R. br. Apud me orátio * Deo vitæ meæ. Apud me. V. Dicam Deo: suscéptor meus es. Deo. Glória Patri. Apud me.

V. Passer invénit sibi domum. R. Et turtur nidum sibi, ubi ponat filios suos.

In II. Vesperis.

Ant. 1. Fíliæ Jerúsalem nuntiáte dilécto meo, quia amóre lángueo.

Psalmi de Comm. Virg.

2. Diléctus meus mihi, et ego illi, qui páscitur inter lília.

3. Floréte flores quasi lílium, et date odórem et frondéte in grátiam.

4. Fíat cor meum immaculátum in justificatióibus tuis, ut non confúndar.

5. Gaudeámus, et exultémus, et demus glóriam ei, quia venérunt núptiæ Agni.

Capitulum et Hymnus ut in I. Vesp. 31*

V. Elégit eam Deus, et præelégit eam. R. In tabernáculo suo habitáre facit eam.

Ad Magnif. Ant. Sapiéntiam ejus enarrábunt gentes, et laudem ejus enuntiábit Ecclésia.

Et fit cõnem. Octavæ S. Ludovici Conf.

Die 16. Octobris.

Septima die infra Oct.

S. Ludovici Bertrandi

Confessoris.

Semiduplex.

Omnia ut in festo præter sequentia.

In I. Nocturno Lectiones de Scriptura occurrente.

In II. Nocturno.

Sermo sancti Bernárdi Abbátis.

Serm. 1. de S. Victore.

Lectio iv.

Sancti Ludovici vita et glória speciális, non tam ad glóriam, quam ad virtútem próvocat omnes, qui recto sunt corde. Non recti plane, sed perversi est ánimi, ante quærere glóriam, quam exercére virtútem, et velle coronári, qui legítimè non certáverit. Vanum est vobis, inquit, ante lucem surgere. Ita est. Frustra ad celsitudinem nítitur glóriæ, qui prius non cláruit virtúte. Frustra fátuæ vírgines sponso óbviám surgunt, quarum lámpades exstinguúntur; et ideo fátuæ, quia vácuís gloriántur lámpádibus, virtútis óleum non habéntes.

R. Linguae in signum. 24*

Lectio v.

Virtus, gradus ad glóriam; virtus mater gló-

riæ est. Fallax glória et vana est pulchritúdo, quam illa non parturívit. Sola est, cui glória jure debétur, et secúre impénditur. Sancto Ludovíco nec virtus, nec glória deest; sed quem ádmodum ambæ res, et quo órdine in hómine proces-
sérunt, id óperæ prétium intuéri. Habémus enim, dilectíssimi, in vita Ludovíci et quod digne mirémur, et quod salúbriter imitémur. Tútius sane æmulánda solidióra, quam sublimióra, et quæ magis virtútem red-
óleant, glóriam minus. Studeámus proínde móribus conformári, cui in mirábilibus similári, etsi vólumus, non valémus.

R̃. Annuntiávit. 25*

Lectio vi.

Æmulémur in viro sóbrium victum, devótum afféctum; æmulémur mansuetúdinem spíritus, castimóniam córporis, oris custódiam, ánimi puritátem, pónere frænum iræ et modum linguæ, dormíre párcius, oráre frequéntius, commonére nosmetípsos psalmis, hymnis et cánticis spirituálibus, diébus júngere noctes, et divínis laúdibus occupári, æmulémur charísmata melióra. Æmulémur, inquam, quod

éxstitit liberális in paúperes, pátiens ad peccántes, benígnus ad omnes. Hoc enim mélius. In his forma est, cui imprimámur: in miráculis glória, a qua reprimámur. Illa lætíficent, ista ædíficent; móveant illa, iste promóveant.

R̃. Castígo corpus. 26*

In III. Nocturno Lect. ut in die festi.

Die 17. Octobris.

Octava **S. Ludovici
Bertrandi** Conf.

Duplex.

Omnia ut in die festi. 21*

In I. Nocturno Lectiones de Scriptura occurrente.

In II. Nocturno.

Ex Bulla Canonizationis.

Lectio iv.

Apostólico zelo succensus beátus Ludovícus, ad occidentáles Indos repugnántibus licet frátribus et amícis, iter arrípuít, quod non absque miráculo confécit. Précibus a Deo obtínuit, ut pátria lingua usus, ab Indis sine intérprete intelligerétur. Vigílias, sitim, famem, æstum, et frígora in hoc ministério ferens, plúrimos vocávit ad fidem. Visus est sæpius in itinere a via secédens, duris se flagéllis cædere. Feras sibi óbvias

signo crucis mansuefecit. Stérilem árborem moménto pomíferam fecit, fontémque ex radice ejus elícuit.

R̃. Linguae in signum. 24*

Lectio v.

Tubáram a Superióribus missus, ut gentes illas Dei cognitióne imbúeret, et sacris initiáret, eórum ómnium infidélium conversiónem fusis ad Deum precibus obtínuit. Dæmonem ibi mentíto hábitu eum a sancto ministério dehortántem detéxit, ac dedit in fugam. Idolórum lucos succéndit, státuas commínuit, profános sacerdótes sacro baptísmate tinxit. Tanta apud bárbaros illos grátia et auctoritáte váluit, ut furéntes illos sola præséntia sedárit; íique vicíssim abeúntem illum amaríssime fléverint.

R̃. Annuntiávit. 25*

Lectio vi.

In coenóbio Valéntiæ Superiórú jussu, invítus licet, Prior constitútus in cella sancti Vincéntii Ferrerii, régimen ipsi comméndans, ab ejus imágine, coram qua genufléxus orábat, se inclinánte mérui amplexu honorári. Ut studiórú exercítia accuráte perficeréntur, sédulo invigilá-

bat; cúpiens Religiósos in sanctis aut erudítis exercitatióibus semper occupári: eorúmque proptérea e clauastro éxitum, urgéte dumtáxat necessitáte permittébat. Ostio cubículi sui Apostólicam illam senténtiam, cujus observantíssimus fuit, inscribí vóluit: Si homínibus placérem, servus Christi non essem.

R̃. Castigo corpus. 26*

In III. Nocturno Lect. ut in die festi.

Die 21. Octobris.

Ss. Ursulae et Soc.

Virg. et Mart.

Duplex.

Omnia ut inter festa pro aliquibus locis, eadem die.

Die 22. Octobris.

S. Mariæ Salome Vid.

Duplex.

Omnia de Comm. nec Virg. nec Mart., præter sequentia.

Oratio.

Dómine Jesu, pro cujus amore beáta Salóme inter primas tibi fidéles ómnia dimísit et te sepúltum venerári curávit: concede propítius; ut ejus imitatióne tecum consepúlti æternæ resurrectionis partícipes éffici mereámur: Qui vivis et regnas.

Et fit commemor. præced. Ant. Prudentes. V. Adducéntur.

In I. Nocturno Lectiones de Scriptura occurrente.

In II. Nocturno.

Lectio iv.

Salóme, uxor Zebedæi, et perillústrium Apostolorum Jacóbi majóris et Joánnis Evangelistæ spectábilis mater, una fuit ex primis sanctis muliéribus devotíssimis Christi sequácibus, quæ tanta elúxit fide, ut ætáte licet longæva, et omni destitúta solátio, libénter adhuc paterétur líberos illos, a quibus únicum sperábat auxiliúm, abesse sibi, ut Christo adhærèrent, et tẽmpore prædicatiónis suæ eĩdem astárent. Rogánte tamen ipsa Christum Jesum, ut filiis suis primas sedes in regno daret, interrogávit Christus ejus filios, num cálicem, quem bibitúrus esset, bíbere et ipsi potuissent. Illisque parátos sese exhibéntibus Christus inquit: Cálicem meum bibétis; sedére autem ad dexteram meam vel sinístram non est meum dare vobis, sed quibus parátum est a Patre meo.

R̃. Propter veritátem.

Lectio v.

Fuit étiam beáta Salóme una ex illis muliéribus,

quæ insígne fidei suæ spécimen dedérunt, cum Jesum Christum ad Calvárium tendéntem et in patibulum crucis elátum comitátæ sunt. Una étiam fuit, quæ comparátis aromátibus ad condiéndum corpus Christi sub auróram dominicæ diéi ad ejus monuméntum accédens Angelum ibi vidit fulgénti fácie et cándida veste super lápidem sepúlchri sedéntem, a quo primum audívit Jesum resurrexisse, et digna insuper fuit, ut ab Angelo una cum áliis duábus muliéribus eligerétur in nuntiam mystérii resurrectionis Christi, monitúra discipulos, ut in Galiléam pèrgerent, si eum vellent redivívum vidére.

R̃. Dilexísti justitiam.

Lectio vi.

Proficiscénti beátæ Salóme una cum sóciis suis ad Angeli mandátum impléndum occúrrit Jesus in itinere redivívus, et benigníssimum eis Ave dixit. Cujus quidem glorióso aspéctu primum pertérrita, mox recreáta, se humi prostérnens eum adorávit, et quem flagrantíssimi amoris desidério paulo ante quæsíverat, sed non invénerat, non solum vidére tunc at-

que audire, verum étiam et propriis manibus pedes ejus tenere meruit. His cœlestibus donis ditata, constans in fide, spe dives, caritate potens, persecutiões invicta superans, usque in finem perseverans, ad cœlestia regna migravit.

R. Fallax grátia.

In III. Nocturno.

Lectio sancti Evangelii secundum Matthæum.

Lectio vii. Cap. 20.

In illo tempore: Accessit ad Jesum mater filiorum Zebedæi cum filiis suis, adorans et petens aliquid ab eo. Et reliqua.

Homilia sancti Fulgentii
Episcopi.

Serm. de filiis Zebedæi.

Qui sedet super Chérubim, apparet coram Ephraïm et Benjamin et Manásse. Hoc audierat et legendo didicerat beata mater filiorum Zebedæi, et intelléxit Dominum super Chérubim sedentem, quia magnam possidet dignitatem. Accedit illuminanda: adorat ut ancilla. Postulat non dona terréna, sed vota cœlestia. Dominus est enim cœlorum, a quo cœléste flágitat desidérium. Dic, inquit, ut sedeant hi duo filii mei,

unus ad dexteram tuam, et alter ad sinistram tuam in regno tuo. Dic, inquit, in verbo tuo, et effectus proficit voto meo. Dixisti, et factum est cœlum. Dic, et parabitur filiis meis thronus, claritudo thronorum. O mulier conditione! Sed, quia mater es pietate, humanam supergressa es dignitatem. Christus de cruce predicabat, et illa imperium cognoscebat. Ille dicebat: Ecce ascendimus Ierosolymam, et filius hominis tradetur, ut crucifigatur: et illa interpellatrix accesserat dulcium filiorum. O mulier filiorum beata! Sanctorum meritum precessisti beatorum, et honorem prætergressa es Angelorum: non tibi sufficit, quia filios tuos feci excelsos predicatores, quos inopes nutrieras piscatores? Post retia cœlum, post hamum evangelium, post navicellam postulans thronum?

R. Os suum.

Lectio viii.

Domini étiam vox est monentis, terréntis, idque firmántis. Vigiláte, inquit, et oráte, ut digni efficiámini effúgere ómnia. quæ ventúra sunt, et stetis ante Filium hominis. Et

tu filiis tuis thronos póstulas majestátis! Da véniam, mater, admirántes ista dicimus, non culpántes. Noli, inquit beáta mater, noli tamquam impossibílium me cúpidam judicáre. Dóminus mihi tríbuit istam ávidam voluntátem, qui regni sui diligit violéntos; et solos odit, qui potentári cúpiunt super egénos. Regnum, inquit, coelórum vim pátitur, et qui vim faciunt diripiunt illud. Quia hoc dignátur amáre, hoc ab eo ausa sum postuláre. Ab illo audívi: Pétite, et accipiétis; quærite, et inveniétis; pulsáte, et aperiétur vobis. Dum patet, pulso: dum accípere licet, peto: dum tempus est, quæro. Audívi étiam dictum: Quærite Dóminum, dum inveníri potest, ne tunc quærátis, quando inveníri non potest.

R. Regnum mundi.

Lectio ix.

Modo, modo, dum in forma appáret servi, dum pátiens est usque ad mortem crucis: dum privátum gerit vultum, et necdum incénsæ sunt ab illo scintillæ carbónum. Céterum, cum cœperint præcedere veniéntem Angelum tubæ, et voce magna quan-

do virtútes coeli commovebúntur, interpellátio ibi quid faciet mulieris? Dum commovébitur ignis in circúitu ejus et tempésta válida, mea quid præváleant desidéria? Pótero ad ígnem accédere thronum congregátis ad judícium legiónibus peccatórum? Ideo modo videns eum in ista humilitáte istam prærípere cúpio sponsiónem; sed Dóminum meum aúdiam respondéntem: Dic jam, Dómine, ut sédeant tecum filii mei in latéribus regni tui.

Te Deum laudámus.

Vesp. a Capit. de sequ. commemor. præced.

Die 23. Octobris.

S. Petri Paschasii

Episc. et Mart.

Duplex.

Omnia de Comm. unius Mart., præter sequ.

Oratio.

Deus, humílium consolátor et fidélium fortitúdo, cujus caritátis ardóre Martyr et Póntifex beátus Petrus ætáte téneros et sexu frágles ab impiórum captivitate própria servitúte redémit: ejus, quæsumus, subsidiis ab omni nos absólve fragilitátis humanæ reátu; ut ad cuncta caritátis ópera reparémur,

et, quos vénia féceris innocéntes, auxilio fácias effícaces. Per Dóminum.

Et fit commem. præced.

In I. Nocturno Lectiones de Scriptura occurrente.

In II. Nocturno.

Lectio iv.

Petrus, cognomento Paschásius, Valéntiæ, dum sub Maurórum jugo tenerétur, cristiánis paréntibus natus, liberalibus ártibus sacrisque disciplínis eruditus, inter canónicos ecclésiæ Valentínæ adscríbitur. Mox erogátis in paúperes amplissimis redítibus, ut se totum pietáti convérteret, órđinem beátæ Mariæ de mercéde redemptionis captivórum ingréditur, in quo sub ipso sancto Petro Nolásco magistro ádeo exactam vivéndi ratióne instituit, ut jejúniis et mortificationíbus exémpar ómnibus esset.

R̃. Honéstum fecit.

Lectio v.

Deinde sacram theologi-
am magno auditórum profectu públice dócuit. Quare Jacóbus primus, Aragóniæ rex, ejus doctrínæ fama permótus, illum in filii sui Sánctii archiepiscopi Toletáni, qui et eídem órđini nomen dede-

rat, in præceptórem et directórem, colláto ab Urbáno quarto título episcopátus Granaténsis, delégit. Quo in múnere ita se gessit, ut órđinem suum Toléti et álibi mirífice propagáverit, donec defúncto Sánctio ad Giennénsem ecclésiám ómnibus votis præfícitur. In ejus vero regímine dum óvium sibi creditárum salúti sédulo invígilat, a Mauris captus in vínculis Granátæ jam septuagenárius detinétur.

R̃. Desidérium ánimæ.

Lectio vi.

Verum in tanto vitæ dis-
crimine, ærúmnis et calamitatibus pressus, summa constántia cathólicam religióne tuéri fidelésque in ergástulis míserè deténtos ópibus et pecúniis in própriam libertátem plúries parátis juvat: ac púeros et féminas in ánimæ discrimen ob ætátis vel sexus imbecillitátem proclíves contépta própria salute redémit. Cumque inter infidéles ipsos non prætermítteret cathólicam religióne propugnáre ac Sarcenórum erróres doctíssimis commentáriis confutáre, ipsum Granátæ, dum sacra operátur, obtruncári rex mahometánus jubet.

Mátyris sui sanctitátem multis Deus miráculis illustrávit, diúque a fidélibus veneratióne hábitum Clemens décimus Póntifex Máximus ecclesiástici cultus decréto decorávit.

R. Stola jucunditátis.

In III. Nocturno Homilia in Evang. Si quis vult post me venire. de eodem Comm. 2. loco.

Vesp. de sequ., commemor. præced.

Die 24. Octobris.

S. Raphaëlis Archang.

Duplex majus.

Omnia ut inter festa pro aliquibus locis eadem die.

In II. Vesp. commem. sequ. et Ss. Chrysanthi et Dariæ Mm.

Die 25. Octobris.

Ss. Servandi et Germani Mart.

Duplex.

Omnia de Comuni plurim. Mart., præter sequ.

Oratio.

Omnípotens sempitérne Deus, qui sanctis fratribus Servando et Germano miráblem fidei constantiam tribuísti: concéde propítius; ut, qui tantórum Mátyrum patrocínio fruimur, eórum perpétua intercessióne roborémur. Per Dóminum.

Et fit comm. Ss. Chrysanthi et Dariæ Mm. Ant. Vestri capilli. V. Exsultábunt.

Oratio.

Beatórum Mátyrum tuórum Dómine Chrysanthi et Dariæ, quæsumus, adsit nobis orátio: ut, quos venerámur obséquo, eórum pium júgiter experiámur auxilium. Per Dóminum nostrum.

In I. Nocturno Lectiones de Scriptura occurrente.

In II. Nocturno.

Lectio iv.

Ex Martyr. et Brev. Hisp.

Servándus et Germánus fratres patre Marcéllo Legionénsi, viro non solum mátyrio, sed et felíci duódecim filiórum sóbole præcláro, matre Nona sanctíssima femina nati sunt. Hi ab ipsis incunábulis christíanam religiónem cum sanctíssimis móribus a piis paréntibus alte imbibérunt. In ea ergo sanctísque ejus officiis sese strénue exercéntes Christi glóriam noménque palam confitebántur. Sæviénte autem eo témpore persecutiónis in christíanos procélla, comprehénsi et ad præsidem addúcti generósa libertáte christíanos se proféssi sunt. Rogáti ut desisterent et thura diis offérrent, sic salvos et magnis honóribus auctos fore, re-

spondérunt: sibi in Christo satis honóris et divitiárum repósitum esse, eíque ut Deo vero, non falsis simulácris, cultum delatúros. Irátus iudex eos váriis et exquisitis cruciátibus torqueri iubet. Sed non pótuit constántem júvenum índolem a propósito dimovére. Fundáti enim erant supra firmam petram, et invícti patris et tot domésticis exémpis confirmáti. Magna ergo cum glória ex eo certámíne confessórum título reportárunť.

R̃. Sancti tui.

Lectio v.

Pace ínterim ecclésiæ red-
dita multo libérius Christum profitebántur. Multos ex impietáte ad fidem reducébant, álios in ea confirmábant. In idóla et nefária Géntium sacra apérte ac libere invehebántur, ea ubicúmque invénta profligánda curábant: multis fortitúdinem fidei admirántibus, et eórum exémpum sequéntibus, quod viros sanctíssimos in Christi nómine dámones e corpóribus obséssis ejícere, ægris sanitátem réddere, et multis áliis miráculis inclaréscere vidérunt. Novo autem imperatórum edicto íterum ecclésiæ pace turbáta, Chri-

sti athlétæ íterum ad provincíæ præsidem rapiúntur. Qui eos flagris sævissimis cædi et férreis pectínibus excarnificári iubet. Nec sic tamen alte ínsitam fidem ex illórum ánimis evéllit; imo in média tormentórum acerbítate magno cum gaúdio et Christi laudes et idolórum infámi-
am prædicábant.

R̃. Vërbera carníficum.

Lectio vi.

Decrévit autem præses
ejus causæ cognitió-
nem reférre ad vicárium
præfècti prætórii, qui tunc
erat in provincia Tingitána. Arrépto ergo longo et difficili itinere sanctos fratres secum pèrgere iubet, qui nudis pédibus, gravi catenárum ónere impediti, moléstis et contuméliis máximis affècti, fame siti-
que pene enecáti eum sequúntur. Quas incommoditátes ærumnásque æquíssimis ánimis pro Christo feréndas duxérunt, et eo quidem libéntius, quod eas ipsas et Marcéllus pater et fratres Hemethérius et Celledónius, eo ipso itinere et eádem de causa ántea ducti, suo exémplo ipsis leviores fecíssent. Pervéntum tandem est ad vicum

Gaditáni convéntus, nómine Ursoniánum, in quo, cum alláta esset Viatóris vicárii senténtia, secúri percússi in cœlum migráru[n]t décimo Kaléndas Novémbris. Germáni corpus (ut refert sanctus Isidórus) Gádibus sepúltum, póstea Eméritam transportátum est. Corpus autem Servándi Híspalim translátum inter sanctas vírgines Justam et Rufínam recónditum est. Cujus reliquiæ in Híspalénsi ecclésiá hódie religiósè asservántur, et in hierothéca per anniversáriam ambórum celebritátem pópulo ostendúntur.

R. **Tamquam aurum.**

In III. Nocturno Homilia in Evang. **Descéndens.** de eodem Communi 2. loco

R. viii. **Hæc est vera.**

Lectio ix. (ex duabus una) de Ss. Chrysantho et Daria Mart. ut in Brev. hac die et eorum comm. In Laud. Ant. Istórum est. V. **Lætámini.**

Oratio ut supra.

In II. Vesp. comm. sequ. et S. Evaristi Papæ et Mart.

Die 26. Octobris.

S. Hedwigis Viduæ.

Semiduplex.

Omnia ut in Brev. die 17. hujus.

Lectio ix. et comm. S. Evaristi Papæ et Mart., ut in Bre. viario hac die.

Vesp. de sequ. cum com. præc.

Die 27. Octobris.

S. Fructi Confessoris.

Duplex.

Omnia de Communi Conf. non Pont., præter sequ.

Oratio.

Adesto, Dómine, pópulo tuo: ut beáti Fructi Confessoris tui mérita præclára suscípíens, ad impetrándam misericórdiam tuam semper ejus patrocíniis adjuvétur. Per Dóminum.

Et fit commem. præced.

In I. Nocturno Lectiones de Scriptura occurrente.

In II. Nocturno.

Lectio iv.

Fructus, civis Segoviénsis, mundi fúgiens illécebras, peccáta quibus implicáta erat Hispánia perhorréscens, amplíssimo património paupéribus distribúto in vastam erémum terrítorii Septempubicénsis secéssit. Ubi a sæculi curis abstráctus angélicam vitam duxit, duobúsque frátribus Valentíno et Engrátia comítibus adhibitis monásticam vitam mirífice excóluit. Vix dici potest, quæ et quanta sit loci aspéritas. Solum enim accipítribus pérvia, juníperis reférta, Oasim magnam vel Líbyæ solitúdu[n]es rédolet.

Ibi vigíliis, jejúniis et oratióibus inténtus, pro suis et totíus pópuli peccátis assíduè Dóminum deprecabátur. Corporéque longa inédia, cilício et chameúnia in servitútem spíritus redácto, in máximam coeléstium pervénit contemplatiónem.

R. Honéstum fecit.

Lectio v.

Quibus et áliis præcláris virtútibus auctus, Deo diléctus, homínibus carus, Saracénis fidei inimícis infénsus esse cœpit, quos ille zelo fidei accénsus a nefária Mahométi secta ópere et sermóne avértere conabátur. At illi, univérsa jam austráli Hispânia vastáta, réliquas civitátes, templa, ipsam religióem, populabúndi, imménso eum occidéndi flagrántes desidério, ad paúperem ejus célula accessérunt. Ille autem divína fultus virtúte, martýrii cupidíssimus, illis óbviám factus (Deo sic volén-te) non solum ictus impiórum evásit, sed rupis interruptióne, (quæ adhuc íntegra perseverat) elúsit; júreque cum prophéta oc-cínuit: Non timébo millia pópuli circumdántis me, quia Dóminus suscéptor meus. R. Amávit eum.

Lectio vi.

Multis ergo pro Christo exáctis labóribus, tandem plenus diérum provectæque ætátis, añum agens septuagésimum tértium, octávo Kaléndas Novémbris, anno salutis septingéntésimo décimo quinto obdormívit in Dómino. Cujus mors quamplúrimis est nobilitáta miráculis. Multi enim a váriis languóribus deténti ejus intercessióne prístinam salutem adépti sunt. Inter quæ illud est mirábile, quod múlter, quæ devotiónis ergo mónachis monastérii (quod ex célula sancti viri munificéntia régia eréctum est) inserviébatur, ob zelotyíam viri ex altíssimo loco præceps data incólumis et illæsa eváserit, magníficans Deum, qui gloriósus est in sanctis suis. Unde factum est, ut recépta ex Mauris ínclita civitas Segoviénsis et post multa témporum currícula quasi jure postlimínii in cathedrám restitúta, sub Callíxto secúndo anno Dómini millésimo centésimo vigésimo tértio eum titulárem sibi ascriberet, de tantóque patróno gloriétur. Cujus auspíciis ingéntia a Dómino quo-

tidie percépit benefícia, quem decet glória et impérium in sæcula sæculórum. Amen.

R. Iste homo.

In III. Nocturno.


Léctio sancti Evangélíi secúndum Matthæum.

Lectio vii. Cap. 19. d.

In illo témpore: Dixit Petrus ad Jesum: Ecce nos relíquimus ómnia, et secúti sumus te: Quid ergo erit nobis: Et réliqua.

Homília sancti Bernárdi Abbátis.

Declaratio de evangelii hujus verbis.

rbitror verba lectiónis hujus ea esse, de quibus ad immortálem sponsum a finibus terræ clamat Ecclésia: Propter verba labiórum tuórum ego custodívi vias duras. Hæc nempe sunt verba, quæ contéptum mundi in univérso mundo et voluntáriam persuasére homínibus paupertátem. Hæc sunt, quæ mónachis claustra replent, déserta anachorétis. Hæc, inquam, sunt verba, quæ Ægýptum spóliant, et óptima quæque ejus vasa diripiunt. Hic sermo vivus et éfficax, convértens ánimas felici

æmulatióne sanctitátis, et veritátis promissióne fidéli.

R. Iste est qui.

Lectio viii.

Nam et mundus transit et concupiscéntia ejus; et relínquere hæc magis expedit quam relínqui. Ecce, inquit, relíquimus ómnia, et secúti sumus te: nimírum, quia exsultávit ut gigas ad curréndam viam, nec curréntem sequi pót-erat onerátus. Sed nec inútilis commutatio pro eo, qui super ómnia est, ómnia reliquísse. Nam et simul cum eo donántur ómnia, et, ubi apprehénderis eum, erit unus ipse ómnia in ómnibus, qui pro ipso ómnia reliquérunt. Omnia sane díxerim, non tantum possessiones, sed étiam cupiditátes, et eas máxime. Plus enim concupiscéntia mundi, quam substántia nocet.

R. Sint lumbi.

Lectio ix. de Vigilia Ss. Simonis et Judæ Apostol. ut in Brev. hac die.

Si alia die celebretur, ix. Lectio erit sequens.

Lectio ix.

Age ergo, qui relínquere a univérsa dispónis, te quoque inter relinquenda narráre meménto. Imo vero máxime et principáliter ábnege temetípsum, si de

liberas sequi eum, qui exinanivit propter te semetipsum. Pone gravissimam sarcinam, pone asinariam molam, terrenam molem. Pone illa quinque, non hominum plane iuga, sed boum, quæ tibi insipienter emisti. Alioquin sequi sponsum et venire ad nuptias spirituâles, quinarîa hac pressus et opprêssus corporis sensualitate, non poteris: sed etsi novissime vèneris et pulsâveris, minime profecto aperiétur tibi.

Te Deum laudâmus.

In Laud. fit commemor. Vigil., Ant. ad Bened. et V. de Feria occurrente ut in Psalterio.

Oratio ut in Brev. hac die.

Vesp. de sequ., comm. præc.

Die 29. Octobris.

S. Narcissi Episcopi
et Martyris.

Duplex.

Omnia de Comm. unius Mart., præter sequentia.

Oratio.

Deus, qui beatum Narcissum, Mártirem tuum atque Pontíficem, illústri laúrea decorásti, ejúsque corpus admirábili integritate clarificas: concède propítius; ut ejus deprecatione tuo muníti præsidio incorrupta gáudia felicitátis æternæ consequámur. Per Dóminum.

In I. Nocturno Lectiones de Scriptura occurrente.

In II. Nocturno.

Lectio iv.

Sanctíssimus Pater, et Episcopus noster Narcíssus, quo tēmpore fervébat Diocletiáni persecútio, in Rhætiam provinciam, divino mónitu, cum Felíce diácono suo profectus, Augústam Vindelicórum áppulit. Quo cum pervenísset, ad Afræ domicílium divértit. Afra vero, etsi méretrix, comperto tamen eum esse christianórum episcopum, Dei spírítu commóta, resípuit, et ad illíus pedes se abjécit. Bono autem ánimo esse jussa, cum Narcísso et Felíce in oratióne pernoctávit. Circa autem noctis gallicínium, cum lumen candélæ exstinctum esset, oránte Narcísso, lux e cœlo delápsa diversórium occupávit. Orto jam sole, Narcíssum et Felicem occultávit Afra, et indagatóres ab infidélibus missos elúsit. Pulso póstea inde dæmone, qui semel iterúmque se vidéndum præbúerat, multa patrâta sunt a Narcísso miracula, quibus Afram, et ejus ancillas, Dignam, Eunómiam, et Eutrópiam, Hilariámque ejus matrem ad fi-

dem convértit, et salutári aqua perfúdit.

R. Honéstum fecit.

Lectio v.

In ea urbe aliquámdiu cum Felíce commorátus Narcíssus, multos ad christiánam religiónem alléxit, et consecráta in Dei cultum Hiláriæ domo, et Dionýsio, ántea Zózimo, Afræ avúnculo, ad sacerdotium evécto, et epíscopo creáto, post novem menses in excoléndis ínibi ánimis consúptos, revérsus est Gerúndam, atque ibi, tamquam in legítimo solo, íntegrum triénnum pósuit in amplificánda Christi fide. Quo ex labóre collégit ubérrimos fructus. Sed cum adhuc eo témpore Diocletíani crudélitas ubíque terrárum in Ecclésiám sævíret, sanctíssimus póntifex, dum sacris operarétur, graviter in gútture, húmero, ac sura vulnerátus, martýrii palmam obtínuit, quarto Kaléndas Novémbris, anno circíter ducentésimo nonagésimo séptimo.

R. Desidérium ánimæ.

Lectio vi.

Ejus corpus a christiánis subdúctum, in eódem templo, ubi passus ipse est, religióse asservátur, quod olim sancta María extra

muros dicebátur, póstea vero in honórem sancti Felícis Mártiris Africáni dicátum est. Cláruit multis miráculis, præsértim prodigiósa quadam integritáte ad hodiérnum usque diem, rubescénte étiam nunc circa talum eo cruóre, qui e vulnere deflúxit. Fuit étiam illud celebérrimum, quando sub Petro Arragóniæ rege, capta per Philippum, Galórum regem, Gerúnda, emíssa sunt divínitus ex Narcíssi túmulo ultrícum muscárum exámina, quæ mortiferis acúleis, édita íngénti strage, violáti per summum nefas templi ac sepúlchri víndices exstítére. *R.* Stola jucunditátis.

In III. Nocturno.

Lectio sancti Evangélíi secúndum Joánnem.

Lectio vii. Cap. 12.

In illo témpore: Dixit Jesus discípulis suis: Amen, amen dico vobis, nisi granum fruménti cadens in terram mórtuum fúerit, ipsum solum manet. Et réliqua.

Homília sancti Joánnis Chrysóstomi.

Homília 65. in Joánnem.

Quid signat granum fruménti, nisi cadens mórtuum fú-

erit? De cruce loquitur, ne perturbarentur. Cum gentiles accesserunt, tunc mortuum esse hoc inquit, maxime populos adducet, et mei augébit præcónium. Inde cum non ita verbis persuaderet, rerum experientia id aggréditur, inquiens, hoc in fruménto contingere, ut mórtuum majórem fructum áfferat. Quod si hoc in semínibus evenit, multo magis in me. Sed non intellexérunt discipuli, quid diceret; ideo fréquénter idem répetit Evangelísta, excúsans quod póstmodum fugérunt.

R̃. Coróna aúrea.

Lectio viii.

Talem de resurrectione disputans ratióem Paulus étiam áttulit. Quam igitur habébunt excusatióem, qui resurrectionem non credunt, cum in semínibus et in plantis quotidie hoc videámus, ac étiam in nostro génere? Primum enim corrúmpi semen opórtet, inde fieri generatióem. Omnino autem, cum Deus áliquid facit, nulla opus est ratióem. Quómódo nos ex nihilo fecit? Hoc ad christiános dico, qui se dicunt crédere Scriptúris. Ego autem et áliud dicam ex

humánis ratióibus. Alii malítiam, álii virtútem sectántur: sed malítiæ sectatórum multi felíciter in últimam pervenérunt senectútem, virtútis autem e contra. R̃. Hic est vere.

Lectio ix.

Quómódo ergo pro méritis unusquisque accípiet? Quando? Certe, inquiunt; sed córpora non resúrgent. Nonne áúdiunt Paulum dicéntem: Opórtet autem corruptibile hoc indúere incorruptiόem? Neque ánimam intélligit, quippe quæ non corrúmpitur: et resurrectiό de mórtuo dicitur: Cécidit autem corpus. Quare vero córporis resurrectiόem negas? An non possíbilis Deo est? Quod dícere, suñæ améntiæ est. An non decet? Quamóbrem? Ut corruptibile, quod et labóris est et mortis párticeps, in præmiis comunicet.

Te Deum laudámus.

FESTA NOVEMBRIS.

Dominica II. Novembris.
Patrocínii B. Mariæ V.

Duplex majus.

Omnia ut inter festa pro ali-
quibus locis eadem Domin.

Die 3. Novembris.

**Ss. Innumerabilium
Mart. Cæsaraugustano-
rum.**

Duplex.

Omnia de Communi plurim.
Mart. præter sequentia.

Oratio.

Respice, quæsumus Dó-
mine, familiam tuam:
et præsta; ut sanctorum
Innumerabilium Mártyrum
intercessióne muníta ab
omni sit culpa defénsa.
Per Dóminum.

Deinde fit commem. Octavæ
omnium Sanctorum.

In I. Nocturno Lectiones de
Scriptura occurrente.

In II. Nocturno.

Lectio iv.

Innumerábiles Márty-
res Cæsaraugustáni
eo témpore passi
sunt, quo impius Daciánus
a Diocletiáno et Maximiáno
imperatóribus in Hispáni-
am missus est, ut christiá-
num nomen deléret. Qui
Cæsaraugústam urbem in-
grédiens tyránnicum edí-
ctum promulgári jubet, ne
quis Jesum cóleret: qui
vero contra jussa fáceret,
gravi supplicio plecterétur.

R. Sancti tui.

Lectio v.

Cum nec minis nec sup-
pliciis mentes christia-
norum a veri Dei cultu

avértere posset Daciánus,
jubet christiános omnes ab
urbe expélli, ut eos ex oc-
cúltis locis súbito prosilién-
tes armatórum cúnei truci-
dárent. Facto præcónio sa-
cer omnis christianórum
convéntus ovánter exsílum
ampléctitur, longe secum
mélius agi putans, si in fe-
rárum recéssibus, quam
inter idóla vana cum ímpiis
homínibus habitáret. Pro-
grediénte dénique utriús-
que sexus innúmera turba
ab iníquis satellítibus tru-
cidáta est. Verum nondum
sánguine christianórum ex-
saturátus præses, jubet ja-
céntium córpora in unum
cóngeri.

R. Vérbera carníficum.

Lectio vi.

Et ut tamquam criminósi
puníri videréntur, o-
mnes diversórum scélerum
reos, qui in cárcerum er-
gástulis tenebántur, intérfici
jussit, et illórum córpo-
ra christianórum corpóri-
bus congésta aggregári, et
ómnia simul ignibus cre-
mári. Sed divíno nutu sic
separáta sunt, ut mátyrum
cíneres, velut fruménti cán-
dida massa, in portiúncu-
las conglobáti fúerint: áliis
vento spargéndis remanén-
tibus. Visuntúrque hódie

mártýrum cándidi globi nítórem sanguíneum sacrárum victimárum apérte demonstrántes.

R̃. Tamquam aurum.

In III. Nocturno Homilia in Evangel. **Hæc mando vobis.** ut in Festo Ss. Apost. Simonis et Judæ die 28. Oct. cum R̃R̃. de Comm. plurim. Mart.

In Laudib. fit comm. Octavæ omnium Sanctorum. **V. Lætámini.**

Vesp. a Capit. de sequ., commemor. præced. Oct. omnium Sanctorum.

V. Exsúltent justi in conspéctu Dei. R̃. Et delecténtur in lætítia.

Postea comm. Ss. Mart. Vitalis et Agricolæ ut in Breviario hac die.

Die 5. Novembris.

B. Martini de Porres

Confessoris.

Duplex.

Omnia de Comuni plurimor. Mart., præter sequentia.

Oratio.

Deus, humílium celsitúdo, qui beátum Martínum Confessórem tuum ad cœléstia regna transíre fecisti: ejus méritis, et intercessióne concéde; nos ejus humilitátem ita imitári in tērris, ut cum ipso exaltári mereámur in cœlis. Per Dóminum nostrum.

Et fit commem. præced. et Oct. omnium Sanctorum.

In I. Nocturno Lectiones de Scriptura occurrente.

In II. Nocturno.

Lectio iv.

Martínus Mimæ in América meridionali ex nóbili parénte Joáñne de Porres, et Anna Velásquez, anno reparátæ salútis millésimo quingentésimo septuagésimo nono ortum hábuit. Ab ineúnte ætáte, miro morum candóre, futúræ exímie sanctitátis indícia præbuit. Virtútes enim modéstie, humilitátis, ac in paúperes liberalitátis, puerítiam ejus ómnibus admirábilem reddidérunt. Adoléscens vero, júgiter cum eo erga próximos, præsertim ægrótos, adolévít cõmiserátio: ideóque arti chirúrgicæ omne impéndit stúdiũ, ut absque ullo emolumento sanitátem impertíret, quod ei sæpíssime pro voto cessit. Cáritas Dei ut magis magisque in corde suo diffunderétur, mundi honóres, et oblectaménta abhórrens, patérnæ domus oblítus, Tértium sancti Patriárchæ Domínici órđinem amplécti, ac inter láicos operários recenséri eníxe postulávit, quod ei ex senténtia páriter succéssit. Absolúto tyrocinio, summa ómnium ad-

miratióne, ac solénnibus votis nuncupátis, quis enarráre póterit quo stúdio, qua solértia omnígenas, quæ religiósus perféctum constituunt, virtútes cólere, et prósequi conténderit? Humilitátem ádeo diligébat, ut vilióra, et abjectióra quæque cœnóbii officia semper in delíciis habúerit obíre, peccatórem máximum se appellári, flexis génibus pedes eórum deosculári, qui maledíctis eum oneráre audébant.

R̃. Honéstum fecit.

Lectio v.

Quamvis ab spontánea vel levi ánimæ mácula remótus, numquam désiit assíduis jejúniis carnem suam excruciare, cilíciis, et caténis férreis diro modo cruentáre, ut rectíssime ásseri possit quod mortificatió-nem Jesu in suo córpore circumféreret. Tanto in divínium humánæ salútis Reparatórem æstuábat amóre, ut aliquándo visus sit ante imáginem Jesu Christi e cruce pendéntis précibus inténtus, sublátus a terra ad eum evoláre, tamquam plaga láteris ejus adhuc sánguinem scaturísset, admótis lábiis eam súgere, et máxima avidi-

táte satiári voluísset. Nil igitur mirum si ex hoc perénni divíni amóris fonte inebriátus, nónnisi de cœléstibus loquerétur, quibus et suum et aliórum corda inflammáre ardentíssime exoptábat. Martýrii palmæ cupidíssimus, Japóni et Sinárum impéria pétete in optátis habébat, ut inter hostíles ethnicórum manus, profúso ságuine, Christi hóstia éffici mererétur. Hac vero inexplébili in Deum caritáte, singulos cujúsque conditionis hómines complectebátur, et máxime ægrótos, et præsér-tim moriéntes, quibus ó-mnia consolatiónis officia ex corde præstáre studébat. Quum vero pátriæ suæ tam miránda caritátis arguménta præbéret, uno eodémque témpore compassívi amóris igne incén-sus erga míseros captívos in Africa degéntes, miro prorsus prodígio sápius illic adesse visus est, ut eos confortáret, providéret, eorúmque captivitátis caténas dissólveret. Accidit ut quum unus ex illis génere Hispánu, postquam Martino auxiliánte, libertátem recuperávit Júliæ Cæsaráe, non post multum témporis spátium, Limæ

eum vidisset, grati ánimí sensu commótus, ceu insígnem suum liberatórem salutáverit, et accéptum beneficium, Martíno reluctánte, ómnibus prædicáre non destíterit.

R. Amávit eum.

Lectio vi.

Veheménter angebátur nothos vidére puérulos, aliósque líberos paréntibus orbátos máximis óbrui malis, quibus reparándis, Limæ, ut ad pietátem, et honestátem institueréntur, percélebre collégium ad hoc excitándum curávit. Eo quoque procéssit ejus humanitátis sensus, ut vel bruta ipsa animália suam óperam salutárem curámque continénter fúerint expérta. Deus vero tam excellentem servi sui caritátem supérnis donis mirum in modum exornáre sibi complácuit. Divíno hinc lúmine collustrátus, et futúra prædixit, et córdium abscondita cognóvit, et dæmonum artes, furentésque ímpetus detéxit, ac profligávit, et licet rudis et ignárus, gravíssimas theológicas quæstiónes sic dirimébat, ut vel ipsi doctíssimi viri admiraréntur, ejúsque sapiéntiam divínitus hauríam celebrárent. Dignus

prætérea a Deo rédditus, ut cum cœlítibus collóquia habéret, multis coruscáret miráculis, et tandem extrémum ætérnæ suæ retributiónis diem appropinquáre cognósceret, quem plúries ei clare manifestum fecit. Morbo itaque diútino corréptus, ut omnes cœnóbii religiósi sibi moriénti adéssent eníxe postulávit, a quibus, de cunctis ab eo accéptis offénsis, véniam pétíit. Defíxis dein in Crucifíxi imágine óculis, quam præ mánibus tenébat, ad ea verba Sýmboli, quod astántes recitábant: Verbum caro factum est, imágine Crucifíxi in pectore depósita, seréna fronte, hilaríque vultu innocéntem ánimam réddidit Creatóri, anno millésimo sexcentésimo trigésimo nono, tértio Nonas Novémbris, anno ætátis suæ sexagésimo. Multis vivens, et post óbitum miráculis cláruit. Quibus rite ágnotis, ac probátis, Gregórius décimus sextus Póntifex Máximus illum beatórum albo accénsuit, ejúsque festum cum Offício et Missa in univérso Prædicatórum Ordine, et Limána diocési celebrári concessit.

R. Iste homo.

In III. Nocturno Homilia in
Evang. **Confíteor tibi Pater.** de
Comm. Abbat. 2. loco.

In Laud. et II. Vesp. comm.
Octavæ.

Die 13. Novembris.
Ss. Stanislai Kostkæ
Confessoris.

Duplex.

Omnia ut inter festa pro ali-
quibus locis eadem die.

Die 15. Novembris.
S. Gertrudis Virginis.

Duplex.

Officium ut in Brev. hac. die.
(Ex decret. S. R. C. die 12.
Jun. 1896.)

Die 16. Novembris.
S. Eugenii Ep. et Mart.

Duplex.

Omnia de Comm. unius Mart.,
præter sequ.

Oratio.

Deus, qui præsentem di-
dem beati Eugénii Már-
tyris tui atque Pontificis
martýrio consecrásti: præ-
sta propítius; ut, cujus án-
nua celebritáte lætámur,
ejus méritis donum tuæ
grátiae consequámur. Per
Dóminum nostrum Jesum
Christum Fílium tuum: Qui
tecum vivit.

In I. Nocturno Lectiones de
Scriptura occurrente.

In II. Nocturno.

Ex Brev. Mart. et Hist. antiqu.
et vita Gerardi Abb. Brunon.,
in qua multa dic. de miraculis
S. Eugenii.

Habetur apud Surium 1. 5.

Lectio iv.

Eugénius, Dionýsii
Areopagitæ discipu-
lus, primus Tole-
tánus episcopus fuit. Qui
Dionýsio magistro suo ad
Gálliam erudiéndam reli-
cto, ipse ad Hispániam ev-
angélii luce illustrándam
proféctus, in íntima pro-
vínciæ delátus Tolétum ve-
nit. Ubi plúrimos filios
Jesu Christo péperit, pa-
rénsque ecclésiæ Toletánæ
atque institutor fuit. Quam
ecclésiám a se fundátam ut
magis stabilíret et commu-
nicátis consíliis amplificá-
ret, ad Dionýsium rédiit in
Gálliam. Quo témpore Do-
mitiáno imperatóre secún-
dam in christiános perse-
cutiónem movénte, a Sisínii
præfécti satellítibus com-
prehénsus, ad Díolum (quod
óppidum non longe a Lu-
tétia Parisiórum abest) de
fide sua interrogátus, Chri-
stum verum et solum Deum
se pia mente cólere magna
libertáte proféssus est. Qua
in confessióne ab impietá-
tis mínistris gládio percús-
sus, martýrio coronátur

décimo séptimo Kaléndas
Decémbris.

R̃. Honéstum fecit.

Lectio v.

Corpus Eugénii, ne a christiánis honóre afficeretur, in lacum Marcásium, ei loco propínquum ubi occisus est, a gentilibus proijctum, multis sæculis láuit: donec beátus Dionýsius Areopagíta Hercóldum quemdam virum nóbilem gravi morbo opprèssum per quiétém admónuit, ut fratribus suis ac condiscípulis Eugénii corpus ex Marcásio lacu, ubi adhuc jacébat, extráctum honésto loco collocáret. Sanitáti restitútus Hercóldus conféstim divína jussa exséquitur: in ignóbili loco nóbile corpus invenit íntegrum prorsus atque incorrúptum: in Díolo óppido magnífice cóndidit, ubi étiam templum hac de causa consecrátum est. Inde novo item miráculo in ecclésiám sancti Dionýsii ad Lutétiam Parisiórum póstea translátum est.

R̃. Desidérium ánimæ.

Lectio vi.

Nam cum pópuli ex Díolo solémni supplicatiónum pompa Dei placándi causa ad ædem divi Dionýsii aliquándó profécti essent, corpúsque Eugénii

magna veneratióne secum detulíssent, ut eo vidélicet deprecatóre cómpotes voti a Deo fierent, atque omni re divína confécta domum redíre et sacratíssimas Eugénii reliquias reférre vellent, divínitus factum est, ut immóbiles consisterent, nulláque vi de loco ubi erant dimovéri possent. Quocírca pro compérto hábitum est, Dei esse voluntátem, ut tunc quidem Eugénii corpus in eo potíssimum templo honorarétur, ubi Dionýsii corpus jacébat. Itaque Diolénsibus de amísso thesaúro mœróre afféctis, mónachi cœnóbii sancti Dionýsii, pro Dei múnere læti, fáciie corpus Eugénii movérunt, et in sacélo paráto honorífice collocárunť: ubi claríssimis célebre signis magna finitimórum populórum religióne támdiu cultum est, quousque singulári Dei beneficio ecclésiæ Toletánæ, quam ipse fundáverat et primus epíscopus réxerat, post mille quingéntos ferme annos rédditum est.

R̃. Stola jucunditátis.

In III. Noct. Homil. in Evang. Nisi granum fruménti. ut in Festo S. Antonini Martyr. dic 2. Sept. 12*

In II. Vesp. comm. sequ.

Die 19. Novembris.

S. Elisabeth Viduæ.

Duplex.

Omnia ut in Brev. hac die.

Sanctæ Fidei Bogotæ:

Patr. princ. Archidiece.

Duplex 1. classis cum Oct.

Omnia de Communi nec Virginum, nec Martyrum, præter sequentia.

Oratio.

Tuorum corda fidelium,
Deus miserator, illustra:
et beatæ Elisabeth
precibus gloriosis, fac nos
prospera mundi despiciere;
et cœlesti semper consolatione
gaudere. Per Dominum nostrum.

In I. Nocturno Lectiones
Mulierem fortem. de eodem
Communi.

In II. Nocturno.

Lectio iv.

Elisabeth, Andréæ regis
Hungariæ filia,
ab infántia Deum
timere cœpit, et crescens
ætate crevit etiam devotione.
Hæc postea Ludovico
Lantgrávio Hássiæ et Thuringiæ
in conjugem copulata, etsi ea,
quæ sui viri erant, curaret,
non minus tamen, quæ Dei sunt,
sédula exsequebátur. Nocturno
namque tempore a latere
viri surgens orationibus et
genuflexionibus occupabatur,

sicque, dum esset vir in
accubitu suo, nardus ejus
dabat sanctitatis odorem.
Et licet extérius indueretur
regalibus, ne terréni viri
oculos offéndere videretur,
intérius tamen sub cilicii tégmine
cœlestem sponsum gerébat
abscónditum. Diébus singulis
pietatis officio dédita, viduis,
pupillis, ægrótis, cárcerum
inclúsis ergástulis, et egéntibus
singulis singulária subventionis
remédia ministrabat. Cujusdam
etiam pauperis, gravi capitis
languore corrépti, quasi filii
curam gerens, capillos ejus
manu tondébat própria, caput
frequenter in pomárii secréto
lavans, ut oculos fugeret
ancillarum. Cum Teutóniam
gravis urgéret inédia,
captata viri abséntia,
domus suæ fruménta egéntibus
erogávit.

R. Propter veritatem.

Lectio v.

Postquam autem a lege
viri soluta est, depóstitis
glóriæ sæculáris exúviis
ordinem pœniténtium beati
Francisci ingrèssa, vilis
túnica decóre vestitur, ac
divitiarum contémpta jactántia
et generositáte paréntum,
nobilíssimis orta natalibus
se mundo facit

ignóbilem, ut nobilitarétur in cœlis, pro coróna susci- piens cínere, et cilícium pro fáschia pectoráli. Pallé- bant ora jejúniis, abstinén- tiæ tenuitáte confécta, et jam mártýrem adhuc vi- véntem caro præmórtua testabátur. Dum autem die quadam defixis in cœlum óculis contemplatióni va- cáret, ut quasi de humánæ conversatiónis consórtio vi- derétur abstrácta, Dei Fí- lium dulcem Jesum ad se inclinátum cœlis paténti- bus vidit, inter ália sibi consolatiónis leniménta di- céntem: Si tu vis esse me- cum, ego ero tecum, et a te nullátenuis separábor.

R̃. Dilexísti justítiam.

Lectio vi.

Tunc sump̃tibz propriis nóbile hospitále con- strúxit, ampla possessiõe dotátum, suáque pretiõsa monília et grandem pecú- niæ quantitátem eidem loco liberáliter est elargíta. In quo recéptam multitudinem paúperum corporáli visitá- bat obséquio, affluénter eis necessariá subministrans, pedes eórum et cápita in- credibili humanitáte laván- do, et leprosoꝝ úlcerá etiám adspéctu horribília cápitis sui velo mundándo.

Deínde propinquórum de- stitúta suffrágio castris et possessiõnibus céteris spo- liátur. Sed ipsa miseratiõ- nis solítæ non oblíta lanam mánibus operabátur et li- num, de sui labóris impén- dio nudos paúperum hú- meros vestitúra. Cumque in his ac plúrimis áliis sanctis opéribus usque ad finem vitæ perseverásset, domésticis suis prædicens óbitum suum, Deo spíritum réddidit, anno Dómini mil- lésimo ducentésimo trigé- simo primo, tertiodécimo Kaléndas Decémbris. Sa- crum autem corpus ipsius post sanctæ ánimæ sepa- ratiõe statim cœpit plú- rimis et máximis coruscáre miráculis. Quibus audítis et certa fide compértis Dóminus Papa Gregórius nonus eam sanctórum col- légio adnumerávit.

R̃. Fallax grátia.

In III. Nocturno.

Léctio sancti Evangélíi se- cúndum Matthæum.

Lectio vii. Cap. 13. f.

In illo témpore: Dixit Je- sus discíplis suis pará- bolam hanc: Símile est regnum cœlórum thesaúro abscondito in agro. Et ré- liqua.

Homilía sancti Gregórii
Papæ.

Homil. 11. in Evang.

Cœlorum regnum, fratres carissimi, idcirco terrénis rebus símile dicitur, ut ex his quæ ánimus novit, surgat ad incógnita quæ non novit: quátenus exémplo visibílium se ad invisibília rápiat, et per ea quæ usu dídicit, quasi confricátus incaléscat: ut per hoc quod scit notum diligere, discat et incógnita amáre. Ecce enim regnum cœlorum thesaúro abscóndito in agro comparátur: quem qui invenit homo, abscóndit, et præ gaúdio illius vadit, et vendit univérsa quæ habet, et emit agrum illum.

R. Os suum apérui sapiéntiæ et lex cleméntiæ in lingua ejus: considerávit sémitas domus suæ, * Et panem otíosa non comédit.

V. Gustávit, et vidit quia bona est negotiátio ejus: non exstinguétur in nocte lucérna ejus. Et panem.

Lectio viii.

Qua in re hoc quoque nó tándum est, quod invéntus thesaúrus abscónditur, ut servétur: quia stúdiúm cœléstis desidérii a malignis spirítibus custo-

dire non sùfficit, qui hoc ab humánis laúdis non abscóndit. In præsénti ét enim vita quasi in via sumus, qua ad pátriam pér-gimus. Maligni autem spíritus iter nostrum quasi quidam latrúnculi óbsident. Deprædári ergo desíderat, qui thesaúrum públice portat in via. Hoc autem dico, non ut próximi ópera nostra bona non vídeant, cum scriptum sit: Videant ópera vestra bona, et gloríficent Patrem vestrum, qui in cœlis est: sed ut per hoc quod ágimus, laudes extérius non quæramus. Sic autem sit opus in público, quátenus intención máneat in occúlto: ut et de bono ópere próximis præbeámus exémplum, et tamen per intenciónem, qua Deo soli placére quærimus, semper optémus secrétum.

R. Regnum mundi et omnem ornátum sæculi contépsi propter amórem Dómini mei Jesu Christi: * Quem vidi, quem amávi, in quem crédidi, quem diléxi. **V.** Eructávit cor meum verbum bonum: dico ego ópera mea regi. Quem. Glória Patri. Quem.

Lectio ix.

Thesaúrus autem cœléste est desidérium: ager

vero, in quo thesaurus absconditur, disciplina studii cœlestis. Quem profecto agrum, venditis omnibus, comparat, qui voluptatibus carnis renuntians, cuncta sua terrœna desideria per disciplinæ cœlestis custodiam calcatur: ut nihil jam, quod caro blanditur, libeat; nihil quod carnalem vitam trucidat, spiritus perhorrescat.

Te Deum laudamus.

Die 25. Novembris.

S. Catharinæ Virg. Mart.

Duplex.

Omnia ut in Brev. hac die.

Vesperæ a Cap. de Oct. comm. præced. et S. Petri Alexandr. Episc. Mart.

Neo-Carthag.

Patronæ Præc. Dicec.

Duplex 1. class. cum Oct.

Omnia ut in Breviario; at in I. Noct. Lect. De virginibus. de Comm. Virg. 1. loco.

Die 26. Novembris.

Sanctæ Fidei Bogotæ:

Octava **S. Elisabeth** Vid.

Duplex.

Omnia ut in Festo, præter sequentia.

A Capitulo de Octava (ut in I. Vesp. festi.). Et fit commem. præc. et S. Petri Alexandrini Ep. et Mart. ut in Brev. hac die.

In I. Nocturno Lectiones de Scriptura occurrente.

In II. Nocturno.

De Sermone S. Augustini
Episcopi.

Serm. 54. de divers. cap. 12.

Lectio iv.

Duplicia pália fecit viro suo. Jam acclamatis: Credo, quod agnoscitis, quæ sunt duplicia pália. Laudes sunt, laudes fidei, laudes confessionis, laudes prædicationis. Quare duplicia? Christum laudas, Deum laudas, et hominem. Dupliciter lauda, simpliciter lauda. Dupliciter, quia homo est et Deus: simpliciter, ut non sis fictus. Confitere Deum, confitere hominem: lauda Deum in homine, lauda hominem in Deo. Tèxuit pretiosissimum illud pállium laudis: In principio erat Verbum, et Verbum erat apud Deum, et Deus erat Verbum: hoc erat in principio apud Deum. Tèxuit et aliud pállium, propter conversationem inter homines quotidianam: Verbum caro factum est, et habitavit in nobis.

R. Propter veritatem.

Lectio v.

Hic ergo ista laboriosa, vigilans, sollicita, severe castigans domum suam, surgens de noctibus,

intuens lucernam ne exstinguatur, in tribulatione fortis, nondum receptis promissis pavens, brachia sua in fusum confirmans, non pigrum panem manducans. Sed post labores istos quasi paupertatis et necessitatis saecularis, quid erit, quia in diebus novissimis laetata est? Quid erit? Audite, propter quam spem ardeat lucerna nostra tota nocte, nunc audite: Surrexerunt filii ejus, et ditati sunt. Modo in paupertate vivimus, in paupertate vigilamus: et cum morimur, in paupertate dormimus: sed surgemus et ditabimur. Quae illae divitiae sunt Angelorum? unam vestem habent lucis: numquam teritur, numquam sordidatur. Si filius es mulieris hujus, attende quando tibi divitiae promittantur. Surrexerunt filii ejus, et ditati sunt, parati resurrectionis divitias accipere. Noli has amare, ut merearis ad illas venire.

R. Dilexisti justitiam.

Lectio vi.

Et vir ejus laudavit eam. Multae, inquit, filiae fecerunt potentiam. Laudes sunt, quibus eam laudat vir ejus. Quae filiae, quibus haec comparatur? Non compa-

ratur. Tu autem superasti. Attendite, rogo vos, jam in fine lectionis sumus. Multae filiae fecerunt potentias, multae locutae sunt linguis, sciuerunt omnia sacramenta, fecerunt virtutes multas, daemonia excluserunt, res suas pauperibus distribuerunt, corpora sua ignibus tradiderunt: inflatae sunt, quia caritatem non habuerunt. Tu autem superasti et superposuisti omnes, non solum flore, sed et fructu gravis abundans. Date illi de fructibus manuum suarum. Quid date? Venite benedicti Patris mei. De quibus fructibus manuum ejus? Esurivi enim, et dedistis mihi manducare. Et quod ille deinde negotium erit, finitis laboribus? Et laudetur in portis vir ejus. Ipse erit portus laborum nostrorum, videre Deum, laudare Deum.

R. Fallax gratia.

In III. Nocturno.

Lectio sancti Evangelii secundum Matthaeum.

Lectio vii. Cap. 12.

In illo tempore: Dixit Jesus discipulis suis parabalam hanc: Simile est regnum coelorum thesauro abscondito in agro. Et reliqua.

De Homilía S. Augustíni
Epíscopi.

Quæstio ex Matth., quæst. 16.

Ideo omnis scribe doctus in regno cœlorum similis est homini patrifamilias, qui profert de thesauro suo nova et vëtera. Utrum ista conclusiõne expõnere vóluit, quem dixerit thesaurum in agro absconditum? Quoniam sanctæ Scripturæ intelliguntur, quæ nómíne duorum testamentorum novi et vëteris concluduntur: quemadmodum apud alium Evangelistam, gládium bis acútum tali conclusiõne videtur expõnere.

R. Os suum.

Lectio viii.

An quia in parabolis ista locútus est, et cum quæsisset ab eis, utrum intellexissent, responderunt, se intellexisse? Fortasse ista similitudine última patrifamilias proferentis de thesauro suo nova et vëtera ostendere vóluit, eum doctum habendum esse in Ecclesiá, qui étiam scripturas vëteres parabolis explicatas intelléxit, ab istis novis accipiens régulas: quia et ista Dóminus per parabolas enuntiávit, quamvis ipse Christus esset finis

illorum; idest, ut in eo illa vëtera complerentur.

R. Regnum mundi.

Lectio ix. et commemor. in Laudibus de S. Petro Episc. Mart. ut in Breviario.

Vesp. de sequ., comm. S. Joseph Sponsi B. M. V. et præc.

Die 27. Novembris.

In Desponsat. B. M. V.

cum S. Joseph.

Duplex majus.

Ant. de Laudib. 67*: Psalmi, Capitul., Hymnus et reliqua hic non propria ut in Festis B. M. V.

V. Desponsatio est hodie sanctæ Mariæ Virginis. R. Cujus vita inclýta cunctas illústrat ecclésiás.

Ad Magnif. Ant. Gloriosæ Virginis Mariæ Desponsationem digníssimam recolámus, quæ et Genitricis dignitatem obtínuit, et virginálem pudicitiam non amisit.

Oratio ut infra ad Laud. 68*

Et fit commemor. S. Joseph Sponsi B. M. V.

Ant. Exsurgens Joseph a somno, fecit sicut præcepit ei Angelus Dómini, et accepit conjugem suam.

V. Constituit eum dominum domus suæ. R. Et principem omnis possessionis suæ.

Oratio.

Sanctíssimæ Genitricis tuæ Sponsi, quæsumus

Dómine, méritis adjuvémur: ut quod possibilitas nostra non óbtinet, ejus nobis intercessióne donétur.

Deinde fit commem. præced.
In fine Hymn. dicitur:

**Jesu, tibi sit glória,
Qui natus es de Vírgine.**

Ad Matutinum.

Invitat. Desponsatióem Vírginis Mariæ celebrémus, * Christum ejus Fílium adorémus Dóminum.

Ps. Veníte exsultémus.

Hymn. Quem terra.

In I. Noct. Lect. Osculétur me. ut in Brev. in festo Nativ. B. M. V. die 8. Sept. cum R̃R̃. sequ.

R̃. i. Hódie desponsáta est beáta Virgo María ex progénie David: * Per quam salus mundi credéntibus appáruit, cujus vita gloriósa lucem dedit sáculo. V. Desponsatióem beátæ Mariæ Vírginis cum gaúdio celebrémus. Per quam.

R̃. ii. Beatíssimæ Vírginis Mariæ Desponsatióem devotíssime celebrémus: * Ut ipsa pro nobis intercédât ad Dóminum Jesum Christum. V. Cum jucunditáte Desponsatióem beátæ Mariæ Vírginis devotíssime celebrémus. Ut.

R̃. iii. Gloriósæ Vírginis Mariæ Desponsatióem digníssimam recolámus: * Cu-

jus Dóminus humilitátem respéxit, quæ Angelo nuntiánte concépit Salvatórem mundi. V. Beatíssimæ Vírginis Mariæ Desponsatióem devotíssime celebrémus. Cujus. Glória. Cujus.

In II. Nocturno.

**Sermo sancti Bernárdi
Abbatis.**

Ex Homil. 2. super Missus est.

Lectio iv.

Oportébat a príncipe mundi aliquámdiu celári divíni consilii sacraméntum: non quod Deus, si palam opus suum fácere vellet, impedíri posse ab illo metúeret: sed quia ipse, qui non solum poténter, sed étiam sapiénter quacúmque vóluit, fecit, sicut in ómnibus opéribus suis quasdam rerum vel téporum congruéntias propter órdinis pulchritúdinem serváre consuévít: ita in hoc quoque tam magnífico ópere suo, nostræ vidélicet reparatiónis, non tantum poténtiam suam, sed et prudéntiam osténdere vóluit.

R̃. Desponsátio gloriósæ Vírginis Mariæ ex sémine Abrahæ, ortæ de tribu Juda, clara ex stirpe David, * Cujus vita ínclýta cunctas illústrat ecclésias.

¶. Hódie desponsáta est beáta Virgo María ex progénie David. Cujus.

Lectio v.

Convéniens ergo erat, ut suáriter quoque ómnia, coeléstia scilicet et terréna, dispóneret, quátenus et illic dejiéiens inquérum, reliquos in pace firmáret; et hic debelláturus invídim, nobis prius suæ humilitátis et mansuetúdinis valde necessárium exémpulum relínqueret: sicque mirábili fieret moderámíne sapiéntiæ, ut et suis suávis, et hóstibus fortis apparéret.

¶. Cum jucunditáte Desponsatióem beátæ Mariæ celebrémus: * Ut ipsa pro nobis intercédát ad Dóminum Jesum Christum. ¶. Corde et ánimo Christo canámus glóriam in hac sacra solemnitáte præcélsæ Genitrícis Dei Mariæ. Ut.

Lectio vi.

Quid enim prodésset diabolum a Deo vinci, nobis manéntibus supérbis? Necessário igitur desponsáta est María Joseph, quando per hoc et a cánibus sanctum absconditur, et a sponso virginitas comprobátur, et Virginitas tam verecúndiæ párcitur, quam famæ providétur. Quid sa-

piéntius? quid dignius divína providéntia? Uno tali consílio secrétis coeléstibus et admittitur testis, et excluditur hostis, et íntegra servátur fama Virginitas Matris.

¶. Desponsatio tua, Dei Génitrix Virgo, gáudium annuntiávit univérso mundo: * Ex te enim ortus est sol justítiæ, Christus Deus noster: * Qui solvens maledictiόem, dedit benedictiόem: et confúndens mortem, donávit nobis vitam sempitérnam. ¶. Benedicta tu in mulieribus, et benedíctus fructus ventris tui. Ex. Glória Patri. Qui.

In III. Nocturno.

Lectio sancti Evangélii secúndum Matthæum.

Lectio vii. Cap. 1. c.

Cum esset desponsáta mater Jesu Mariá Joseph, ántequam convenírent, invénta est in útero habens de Spíritu sancto. Et reliqua.

Homília sancti Hierónymi Presbýteri.

Lib. 1. Comment. in cap. 1. Matth.

Quare non de simplici vírgine, sed de desponsáta concípi-tur? Primum, ut per gene-

rationem Joseph, origo Mariæ monstraretur: secundo, ne lapidaretur a Judæis ut adultera: tertio, ut in Ægyptum fugiens haberet solatium. Martyr Ignatius etiam quartam addidit causam, cur a desponsata conceptus sit: Ut partus, inquam, ejus celaretur diabolo, dum eum putat non de virgine, sed de uxore generatum.

R. Beátam me dicent omnes generationes: * Quia fecit mihi Dóminus magna, qui potens est, et sanctum nomen ejus. V. Et misericórdia ejus a progénie in progénies timéntibus eum. Quia fecit.

Lectio viii.

Anquam convenirent, inventa est in útero habens de Spíritu sancto. Non ab álío inventa est, nisi a Joseph, qui pene licéntia maritali futuræ uxóris ómnia nóverat. Quod autem dicitur: Antequam convenirent; non séquitur ut póstea convenerint: sed Scriptúra quod factum non sit, osténdit.

R. Felix namque es sacra Virgo Mariá, et omni laude digníssima: * Quia ex te ortus est sol justitiæ,
* Christus Deus noster.

V. Ora pro pópulo, intéveni pro clero, intercède pro devóto femíneo sexu: sentiant omnes tuum juvamen, quicúmque célebrant tuam sanctam Desponsationem. Quia. Glória. Christus.

Lectio ix.

Joseph autem vir ejus, cum esset justus, et nollet eam tradúcere, voluit occulte dimittere eam. Si quis fornicariæ conjungitur, unum corpus efficitur, et in lege præceptum est, non solum reos, sed et cóncios criminum obnoxios esse peccáti: quómodo Joseph, cum crimen celaret uxóris, justus scribitur? Sed hoc testimónium Mariæ est, quod Joseph sciens illius castitatem, et admirans quod evénerat, celat siléntio, cujus mysterium nesciebat.

Ad Laudes

et per Horas.

Ant. 1. Desponsatio * gloriósæ Virginis Mariæ, ex sémine Abrahæ, ortæ de tribu Juda, clara ex stirpe David.

Ps. Dóminus regnavit.

2. Desponsatio est hódie * sanctæ Mariæ Virginis, cujus vita ínclita cunctas illústrat ecclésias.

3. Regáli ex progénie *
 María exórta refúlget: cu-
 jus précibus nos adjuvári
 mente et spírítu devotíssí-
 me póscimus.

4. Corde et ánimo * Chri-
 sto canámus glóriam in hac
 sacra solemnitáte præcélsæ
 Genitrícis Dei Mariæ.

5. Cum jucunditáte * De-
 sponsatióem beátæ Mariæ
 celebrémus, ut ipsa pro
 nobis intercédât ad Dómi-
 num Jesum Christum.

Capit. Ab initio.

Hymnus. O gloriósa.

Y. Desponsátio est hó-
 die sanctæ Mariæ Vírginis.
 R. Cujus vita ínclýta cun-
 ctas illústrat ecclésiás.

Ad Bened. Ant. Despon-
 satióem hodiérnam perpé-
 tuæ Vírginis Genitrícis Dei
 Mariæ solémniter celebré-
 mus, qua celsitúdo throni
 procéssit, allelúja.

Oratio.

Fámulis tuis, quæsumus
 Dómine, cœléstis grá-
 tiæ munus impertíre: ut,
 quibus beátæ Vírginis par-
 tus éxstitit salútis exór-
 dium, Desponsatióis ejus
 votíva solémnitas pacis
 tribuat incrementum. Per
 Dóminum nostrum.

Deinde fit comm. S. Joseph
 Sponsi B. M. V.

Ant. Ipse Jesus erat incí-
 piens quasi annórum tri-
 gínta, ut putabátur fílius
 Joseph.

Y. Os justi meditábitur
 sapiéntiam. R. Et lingua
 ejus loquétur judícium.

Oratio. Sanctíssimæ Ge-
 nitricis. ut supra. 64*

Ad Horas.

Ant. sumuntur de Laud. ut
 supra; Capit. et R. R. br. ut in
 festis B. M. V. per annum.

In II. Vesperis.

Ant. de Laudib.; Ps., Capit. et
 Hymn. ut in Festis B. M. V.

Y. Desponsátio est hó-
 die sanctæ Mariæ Vírginis.
 R. Cujus vita ínclýta cun-
 ctas illústrat ecclésiás.

Ad Magnif. Ant. Despon-
 sátio tua, Dei Génitrix Vir-
 go, gaúdium annuntiávit
 unívérso mundo: ex te
 enim ortus est sol justitiæ,
 Christus Deus noster: qui
 solvens maledictiόem, de-
 dit benedictiόem: et con-
 fúndens mortem, donávit
 nobis vitam sempitérnam.

Deinde fit comm. S. Joseph.

Ant. Ecce fidélis servus
 et prudens, quem constituit
 Dóminus super familiam
 suam.

Y. Glória et divítiae in do-
 mo ejus. R. Et justítia ejus
 manet in sæculum sæculi.

Postea comm. sequ.

Die 28. Novembris.**S. Didaci** Confessoris.

Semiduplex.

Omnia ut in Breviario die
13. hujus. (m. t. v.)

Sanctæ Fidei Bogotæ:

S. Silvestri Abbatis.

Duplex.

Omnia ut in Breviario die
26. hujus (m. t. v.) omissa com.
S. Petri Alexandrini.In II. Vesp. comm. sequ. et
S. Saturnini Mart.**Die 29. Novembris.**

Sanctæ Fidei Bogotæ:

S. Didaci Confessoris.

Semiduplex.

Omnia ut in Breviario die
13. hujus. (m. t. v.)Lectio ix. de Vigilia S. An-
dreæ Apost.In Laudibus fit commem. Vi-
gilie. Antiph. et V. de Feria
occurr. ut in Psalterio. Oratio.
Quæsumus omnipotens Deus.
Deinde commem. S. Saturnini
Mart. ut in Brev. hac die.

Vesp. de sequ. sine comm.

Eadem die.

Neo-Carthag.

Quinta die infra Octavam

S. Catharinæ Virg.

Semiduplex.

In I. Nocturno Lectiones de
Scriptura occurrente.**In II. Nocturno.**Tres Lectiones S. Cypriani.
Nunc nobis ad virgines. ut in
Comuni Virginum secundo loco.**In III. Nocturno.****Lectio sancti Evangelii se-
cundum Matthæum.**

Lectio vii. Cap. 25.

In illo tempore: Dixit Je-
sus discipulis suis pará-
bolam hanc: Símile erit
regnum cœlorum decem
virginibus: quæ accipién-
tes lámpades suas, exiérunt
óbviā sponso et sponsæ.
Et réliqua.**De Homilia sancti Joánnis
Chrysóstomi.**

Homilia 79. in Matth.

Post ingéntes labóres,
post increíbles
sudóres et acérri-
mas pugnas, post trophæa,
quæ de natúræ rábie sta-
tuérunt, resúrgunt cum de-
décore, et lampádibus eá-
rum exstinctis, terram ad-
spiciéntes recédunt. Nihil
sane tenebrósius est, quam
virginitas óleo carens: un-
de sic vulgo multi immise-
ricórdes tenebrósos solent
appelláre. Quid ígitur ex
virginitáte lucrátæ sunt,
quæ nec sponsum quidem
vidérunt, nec saltem ad
pulsándum usque pervené-
runt, sed terríbile illud
verbum audivére: Abíte,
nescio vos? R. Hæc est.

Lectio viii.

Quod cum ipse díxerit,
nihil áliud quam ge-

hénna et intolerábilis cruciátus relínquitur: imo vero étiam, gehénna, istud verbum grávius est: hoc verbum operántibus étiam iniquitátem dixit: Vigiláte, quia nescítis diem neque horam: crebro id répetit, ut ignorántiam éxitus ab hac vita útilem esse osténdat. Ubi sunt ergo qui per totam vitam desidía torpéscunt, et quando a nobis admonéntur, respondére non dúbitant, ómnia se paupéribus moriéndi témpore relictúros?

R. Média nocte.

Lectio ix. de Vigilia S. Andree Apost.

In Laudibus fit comem. Vigiliæ. Antiph. et V. de Feria occurr. ut in Psalterio. Oratio. Quæsumus omnipotens Deus. Deinde commem. S. Saturnini Mart. ut in Brev. hac die.

Vesp. de sequ. sine comm.

FESTA DECEMBRIS.

Die 1. Decembris.

Neo-Carthag.

Septima die infra Octavam
S. Catharinæ Virginis
et Mart.

Semiduplex.

In I. Nocturno Lectiones de Scriptura occurrente.

In II. Nocturno.

Sermo sancti Fulgéntii
Episcopi.

Epist. 3. ad Probam, cap. 4.

Lectio iv.

Tam magnum Deus voluit esse bonum virginitátis, ut illud non aliunde, sed ex vocabulo dignarétur nominare virtútis. Virginis itaque si quis velit diligéter considerare vocabulum, ex virtútis invéniet nómine derivátum. Virgo enim dicitur, quasi virágo. Viráginem vero Scriptúra sancta non ob aliud vocátam dicit, nisi quia de viro sumpta est. Dixitque Adam: Hoc nunc os ex óssibus meis, et caro de carne mea: hæc vocabitur virágo, quóniam de viro sumpta est. Itaque cum virginis nomen ex nómine viri descénderit, quis dúbitet, quod vir a virtúte vocátus sit?

R. Propter veritátem.

Lectio v.

Et quia, sicut Paulus docet, illa ómnia in figura facta sunt nostri, profecto in illa vírgine, quæ ex viri fiébat costa, futura jam tunc præfigurabátur Ecclésia, quæ vere de viro sumpta, et de quo sumpta, illi conjúncta, inde habet in veri-

táte virtútem, unde habet verum viráginis nomen. Propter quod hanc viráginem, idest vírginem, quæ de viro sumpta est, non solum vírginis, sed étiam viri nómine Paulus non dúbitat appelláre. Ait enim fidélibus: Despóndi enim vos uni viro vírginem castam exhibére Christo: Christus est quippe vir, de quo hæc virgo sumpta est.

R. Dilexísti iustítiam.

Lectio vi.

Týpice itaque a viro dicitur Vírginis vocábulum, quia nomen a Christo dicitur Christiánum. Christus enim Dei virtus est et Dei sapiéntia, ex quo est Ecclésia, quæ virgo in fide et caritate persístens, et sapiéntiam póssidet et virtútem. Quæ cum in diversis membris suis hábeat donatiónes, secúndum grátiam quæ data est ei, différentes, majórem tamen grátiam donatiónis in illis membris accépit, in quibus ita spiritaliter virgo dicitur, ut étiam corpóreæ virginitátis integritáte potiátur. In his enim, in quibus sic fidem custódit rectam, ut étiam carnem ab omni concúbitu resérvet intáctam, quanto plenió-

rem habet virginitátem, tanto plénius et perféctius ejúsdem virginitátis póssidet nomen.

R. Afferéntur.

In III. Nocturno.

Léctio sancti Evangélii secúndum Matthæum.

Lectio vii. Cap. 25.

In illo témpore: Dixit Jesus discipulis suis parábolam hanc: Símile erit regnum cœlórum decem virgínibus: quæ accipiéntes lámpades suas, exiérunt óbviám sponso et sponsæ. Et réliqua.

De Homilía S. Augustíni Epísco-pi.

Serm. 23. de Verbis Domini, cap. 4.

Alias dixit prudéntes, álias stultas. Unde de intuémur? unde discernimus? De óleo. Aliquid magnum significat óleum, et valde magnum. Putas non cáritas est? Quæréndo dicimus, non senténtiam præcipítamus. Unde mihi videátur per óleum cáritas significári, dicam vobis. Apóstolus dicit: Adhuc supereminentiórem vobis viám demónstro. Si linguis hóminum loquar et Angelórum, caritátem autem non hábeam, factus sum æraméntum so-

nans, aut cýmbalum tinniens. Ipsa est superéminens via, idest caritas, quæ mérito óleo significátur: omnibus enim humóribus óleum superéminet.

R. Hæc est.

Lectio viii.

Quid ergo, fratres? Jam disceptámus de quinque virgínibus prudéntibus et quinque fátuis. Voluérent óbviā ire sponso. Quid est, ire óbviā sponso? Corde ire, exspectāre ejus advéntum. Sed ille tardábat. Dum tardat ille, dormiérunt omnes. Quid est somnus iste? Ne forte tardānte sponso, quóniam abúndat iníquitas, refrigéscat caritas multórum? Sícine intellectúri sumus istum somnum? Non mihi placet: quia sunt ibi prudéntes. Et útique quando dixit Dóminus: Refrigéscet caritas multórum; subjécit et ait: Qui autem perseveráverit usque in finem, hic salvus erit. Non ergo eis obrépsit frigus caritátis, non in eis refríguit caritas, sed fervet usque in finem.

R. Média nocte.

Lectio ix.

Est álius somnus, quem nemo evádit. Non recordámini Apóstolum di-

céntem: De dormiéntibus autem nolo vos ignoráre, fratres: idest, de his qui mórtui sunt? Fátua sit virgo, prudens sit virgo, somnum mortis omnes patiúntur. Ad novíssimā tubam surgent omnes. Prudéntes autem illæ tulérunt óleum secum in vasis suis: stultæ vero illæ non tulérunt óleum secum. Ibi óleum, magnum óleum. De dono Dei est hoc óleum. Tu ergo tecum porta, intus porta. Ubi videt Deus, ibi porta testimónium consciéntiæ tuæ: qui autem ámbulat ad testimónium aliénū, óleum non portat secum.

Te Deum laudámus.

Die 2. Decembris.

Neo-Carthag.:

Octava

S. Catharinæ Virg. Mart.

Duplex.

In I. Nocturno Lectiones de Scriptura occurrente.

In II. Nocturno.

De Epístola S. Hierónymi Presbýteri ad Eustóchium.

De custod. Virg. t. 1. circa med.

De virgínibus, inquit Apóstolus, præceptum Dómini non hábeo. Cur? quia et ipse ut esset virgo, non fuit impérii, sed propriæ voluntá-

tis. Neque enim audiendi sunt, qui eum uxorem habuisse configunt; cum de continéntia dísserens, et suádens perpétuam castitatem intúlerit: Volo autem omnes esse sicut me ipsum. Et infra: Dico autem innúptis et víduis: Bonum est illis, si sic permáneant, sicut et ego. Quare ergo non habet Dómini de virginitate præcéptum? Quia majóris est mercédis, quod non cógitur et offér-tur: quia si fuisset virginitas imperáta, núptiæ videbántur ablátæ; et duríssimum erat contra natúram cógere, Angelorúmque vitam ab homínibus extor-quére.

R. Propter veritatem.

Lectio v.

Alia fuit in véteri lege felicitas. Ibi dicitur: Beátus, qui habet semen in Sion, et domésticos in Jerúsalem; et: Maledícta stérilis, quæ non pariébat; et: Fílii tui sicut novellæ olivárum in circúitu mensæ tuæ. Vácuus erat orbis, et, ut de týpícis táceam, sola erat benedíctio liberórum. Proptérea et Abraham jam senex Cethúrá copuláitur, et Jacob mandrágoris redímítur, et conclúsam vul-

vam in Ecclésiæ figúram Rachel conquéritur. Paulátim vero increscénte ségete, messor immíssus est. Virgo Elías, Eliséus virgo, vírgines multi filii Prophetárum. Jeremíæ dicitur: Et tu ne accípias uxórem. Sanctificátus in útero, captivité propínqua, uxórem prohibétur accípere. Aliis verbis id ipsum Apóstolus lóquitur: Existimo hoc bonum esse propter instántem necessitatem. Quæ est ista necessità, quæ aufert gáudia nuptiárum? Tempus breviátum est, in próximo est Nabuchodónosor.

R. Dilexisti justitiam.

Lectio vi.

Inveniebátur ergo, ut diximus, in viris tantum hoc continéntiæ bonum, et in dolóribus júgiter Heva parturiébat. Postquam vero virgo concépit in útero, et péperit nobis púerum, cujus príncipátus in húmeros ejus, Deum, fortem, patrem futúri sæculi, solúta maledíctio est. Mors per Hevam, vita per Mariám. Ideóque et dítius virginitátis donum fluxit in féminas, quia cœpit a fémina. Statim ut Fílius Dei ingræssus est super terram, novam

sibi familiam instituit, ut qui ab Angelis adorabatur in cœlo, haberet Angelos et in terris. Tunc Holoférnis caput Judith continens amputavit: tunc Aman, qui interpretatur iniquitas, suo combustus est igni: tunc primum auditum est: Quæ non est nupta, cogitat quæ sunt Domini, ut sit sancta corpore et spiritu.

R. Afferentur Regi.

In III. Nocturno.

Lectio sancti Evangelii secundum Matthæum.

Lectio vii. Cap. 25.

In illo tempore: Dixit Jesus discipulis suis parabolam hanc: Simile erit regnum cœlorum decem virginibus: quæ accipientes lampades suas, exierunt obviam sponso et sponsæ. Et reliqua.

De Homilia S. Augustini Episcopi.

Serm. 23. de Verbis Domini, cap. 8.

Intendat itaque caritas vestra. Sapientium lampades ardebant de oleo æterno, de conscientie securitate, de interiore gloria, de intima caritate. Ardebant tamen et illarum fatuarum. Quare tunc ardebant? quia non

déerant laudes hominum. Postea vero quam surrexerunt, idest in resurrectione a mortuis, cœperunt aptare lampades suas, idest parare, Deo operum suorum reddere rationem. Et quia tunc nemo est qui laudet, omnis homo causæ suæ vacat: non erant qui oleum venderent, cœperunt deficere lampades.

R. Hæc est.

Lectio viii.

Circa finem, cap. 10.

Clausum est ostium. Et quid illis dictum est: Non novi vos. Non illas novit, qui omnia novit? Quid ergo est: Non novi vos? Improbo vos, reprobo vos: in arte mea non vos agnosco: ars mea nescit vitia. Hoc est autem magnum, et nescit vitia, et iudicat vitia: nescit faciendo, iudicat arguendo. Sic ergo non novi vos. Ierunt, intraverunt quinque prudentes. Sint in vobis quinque prudentes, ad istam prudentiam quinary numeri pertinentes. Veniet enim hora, et quando nescimus, veniet. Sic clausit Evangelium: Vigilate, quia nescitis diem neque horam.

R. Média nocte.

Lectio ix.

Corde vígila, fide vígila, spe vígila, caritáte vígila, opéribus vígila: et quando córpore dormíeris, véniet tempus ut surgas. Cum autem surréxeris, præpara lámpades. Tunc non exstinguántur; tunc in interióre consciéntiæ óleo vegeténtur; tunc sponsus ille incorpóreis nexibus amplectátur; tunc te in-

trodúcat in domum, ubi numquam dórmias, ubi numquam possit tua lampas exstingui. Hódie vero laborámus, et lámpades nostræ inter ventos sæculi hujus tentationésque flúctuant: sed árdeat in rubóre flamma nostra, ut ventus tentatiónis aúgeat ignem pótius, quam exstinguat.

Te Deum laudámus.



Concordant cum Originalibus.

Ratisbonæ, die 30. Martii 1896.

Dr. Fr. X. Leitner, Vic. in Spirit. Gen.

Index alphabeticus.

	pag.
Antonini Mart. dupl. 2. Sept.	10*
Catharinæ Virg. Mart. dupl. 25. Nov.	62*
— — Octava. dupl. 2. Dec.	72*
Didaci Conf. semid. 28. 29. Nov.	69*
Elisabeth Viduæ. dupl. 19. Nov.	59*
— — Octava. dupl. 26. Nov.	62*
Eugenii Episc. Mart. dupl. 16. Nov.	57*
Francisci Borgiae Conf. semid. 11. Oct.	29*
Froylani Episc. Conf. dupl. 5. Oct.	19*
Fructi Conf. dupl. 27. Oct.	47*
Gertrudis Virg. dupl. 15. Nov.	57*
Hedwigis Viduæ. semid. 26. Oct.	47*
Innumerabilium Mm. Cæsaraugustanor. dupl. 3. Nov.	53*
Laurentii Justiniani Episc. Conf. semid. 7. Sept.	16*
Ludovici Bertrandi Conf. dupl. 1. cl. cum Oct. 10. Oct.	21*
— — Octava. dupl. 17. Oct.	39*
Mariæ B. V. de Columna. dupl. maj. 12. Oct.	29*
— — de Rupe. dupl. 2. cl. 15. Sept.	17*
— — Desponsat. cum S. Joseph. dupl. maj. 27. Nov.	64*
— — Maternitatis. dupl. maj. Dom. II. Oct.	19*
— — Patrocinii. dupl. maj. Dom. II. Nov.	52*
— — Puritatis. dupl. maj. Dom. III. Oct.	19*
Mariæ de Cervellione Virg. dupl. 25. Sept.	17*
Mariæ Salome Viduæ. dupl. 22. Oct.	40*
Martini de Porres Conf. dupl. 5. Nov.	51*
Narcissi Episc. Mart. dupl. 29. Oct.	50*
Petri Claver Conf. dupl. 2. cl. 9. Sept.	16*
Petri Paschasii Episc. Mart. dupl. 23. Oct.	43*
Raphaëlis Archang. dupl. maj. 24. Oct.	45*
Rosæ Limanæ Virg. Patr. Præc. Americ. dupl. 1. class. cum Oct. 30. Aug.	1*
— — Octava dupl. 6. Sept.	16*
Servandi et Germani Mm. dupl. 25. Oct.	45*
Silvestri Abbat. dupl. 28. Nov.	69*
Simonis de Roxas Conf. dupl. 28. Sept.	17*
Stanislai Kostkæ Conf. dupl. 13. Nov.	57*
Stephani Regis Conf. semid. 3. Sept.	13*
Teresiæ Virg. dupl. 15. Oct.	31*
Ursulæ et Sociar. Virg. et Mart. dupl. 21. Oct.	40*
Victorini Episc. Mart. dupl. 5. Sept.	15*
Wenceslai Ducis et Mart. semid. 3. Oct.	19*

ANTIPHONÆ ET RESPONSORIA

IN FESTIS IX LECTIONUM

S. CATHARINÆ SENENSIS

VIRGINIS

ORDINIS PRÆDICATORUM.

ANTIPHONÆ.

1. Admirabilem Dei nostri cleméntiam contemplári máxima Catharínæ constántia nos semper efficiet.

2. Misericórdia summa erga egénos atque aegrótos summópere affécta, ipsórum aerúmna deflére haec Virgo solébat.

3. Christiános quidem tanta caritáte prosequébatur, ut eórum amóre incénsa diu noctúque flagráret.

4. Mirificam vírginis Catharínæ caritátem quis non admirétur, quae nihil praeter Christum amáre pótuit?

5. Vúlnerum enim sui aetérni Sponsi simulácra in corpore suo ferre mérui.

6. Perpétuae laudi haec praemia Vírgini sanctae procul dúbio erunt: fiet síquidem posteritáti nótiór.

7. Nulla unquam delébit obliuio beneficia, quae sunt erga hómines, Catharínæ.

8. Semper sancte haec virgo vixit; felix óbiit: beáta in caelo regnábít in aetérnum.

9. Aetérnum haec virgo assecúta est praemium: et caeléstium rerum vere párticeps effécta Christo frúitur.

ORD. PRAED.

RESPONSORIA.

R. i. Catharína virgo Jesu Christo virginitátem perpétuam dicávit. Cujus sponsa sanctíssima illico effécta est.

V. Mariám autem Vírginem adhuc puélla exorávit, ut Fílii sui ancílla fíeret. Cujus.

R. ij. Virtútis atque aetérnum probitátis munus Catharína sectáta, ea quae corpore mortáli videréntur ornátui, Omnésque mundi fastus abégit. V. Christo namque nostro se pénitus dedit. Omnésque.

R. iij. Summis est enim virgo Catharína efferénda láudibus: Quóniam sanctíssimum vivéndi modum vírgínibus osténdit. V. Immortálem quidem vitam caelo mérito adépta est. Quóniam. Glória Patri. Quóniam.

R. iv. Divínam haec virgo vitam semper dégere visa est: Et divínium dénique consecúta est praemium. V. A corpore illécebris fórtiter abhórruit. Et.

R. v. Felix ea Virgo est, quae Jesu Christo Dómino pro víribus óbsequens; Múnera sibi praeparat aetérna. V. Spretis autem humánae

vitae mortálibus rebus. Mú-
nera.

R). vj. Praeconia tuárum
laudum, Catharina virgo, tua
pietáte minóra esse fatémur :
Quóniam ómnium virtútum
génere praedita, humánas lau-
des exsúperas. ✠ Divínis enim
ubíque láudibus celebránda
videris. Quóniam. Glória Pa-
tri. Quóniam.

R). vij. Nihil huic Vírgini
sátius, nihílque dígnius in
rerum natúra visum est, quam
Jesu Christi praecépta, ✠ Et
vitam aetérnam ómnibus per-
suadére. ✠ Dedit enim sem-

per óperam revocáre pérdi-
tos. Et.

R). viij. Sapiéntia atque do-
ctrína haec Virgo reférta, có-
dices nonnúllos cóndidit edi-
dítque : ✠ Ut veram vivéndi ra-
tiónem ómnibus osténderet.
✠ His illa humánas fragilés-
que res spérnere suádet Ut.

R). ix. Vitam Catharinae in-
nocentíssimam mirácula illa
notíssimam efficiunt, Quae
vivens atque vita functa lí-
quido osténdit. ✠ Curávit
aegrótos, vitam mórtuis restí-
tuit, et id genus multa fecit.
Quae. Glória Patri. Quae.

DIE VI. MARTII.

IN FESTO

S. M. N. COLETÆ VIRG.

Duplex j. classis.

Omnia de Communi Virginum præter sequentia.

AD VESPERAS.

Añā. 1. Sitivit in Dóminum ánima mea, in terra ínvia et inaquósa.

2. Sicut lilium inter spinas, sic amica mea inter filias.

3. Surge, própera, amica mea, colúmba mea, et veni.

4. Ego Dilécto meo, et ad me convérsio ejus.

5. Vidérunt eam filiæ, et in odórem cucurrérunt unguentórum suórum.

Capitulum. Judith 15.

HECISTI viriliter et confortátum est cor tuum, eo quod castitatem amáveris, ideo et manus Dómini confortávit te, et ideo eris benedicta in ætérnum.

Hymnus.

SURGE, o colúmba, et præpeti

Penna lutósas désere Terras, ad astra scándito, Te namque Jesus ávocat.

Stola corúscans cándida Frontémque cincta liliis, Agnum sequéris, cánticum Dictúra in ævum virginum.

VERNA ORD. S. CLARÆ.

In valle nos hac éxsules, Sponsum peténtes cœlicum,

Tui trahénste mystici Unguénti odóre, cúrrimus.

Fac nos, precámur, lámpades

Gestáre semper fúlgidas; Omnes ad Agni núptias Simus parátæ ut ingredi.

Qui lilia inter pásceris, Tu vota, Christe, súscipe; Ut te fruámur ánnue Per cuncta semper sæcula. Amen.

V. Ora pro nobis, beáta mater nostra Coléta. **R.** Ut digni efficiámur promissionibus Christi.

Ad Magnificat, Añā. Egrédere de terra tua, et de cognatione tua, et fáciam te in gentem magnam.

Oratio.

DOMINE Jesu Christe, qui beátam Colétam Virginem tuam cœlestibus donis cumulásti; tribue, quæsumus: ut ejus virtutes æmulántes in terris, gáudiis cum ipsa perfruámur ætérnis. Per Dóminum.

In Quadrag. fit commemor. Feriæ.

AD MATUTINUM.

Invitatorium. Christum regem, qui coronat virgines, venite adorémus. Ps. Venite exsultémus.

Hymnus.

VIRGINUM splendor,
columen, corona,
Virgo cui Mater Genitor-
que virgo,
Christe, delátas oriénte
sole

Súscipe laudes.

Tu tibi sponsam téneris
ab annis

Integram vitæ sócias Colé-
tam ;

Illa despéctis adamátque
amántem

Omnibus unam.

Corpus ut castum tibi
servet, artus

Férreis molles crúciat ca-
ténis ;

Gaudet insómnes, prece te
fatigans,

Dúcere noctes.

Páuperem pauper séqui-
tur, relictis

Terra quas offert ópibus ;
recéssus

Mox petit sacros, cúpiens
supérnis

Coetibus addi.

Sit decus Patri genitæ-
que Proli,

Et tibi compar utriúsque
virtus

Spiritus semper, Deus unus
omni

Témporis ævo.

Amen.

In primo Nocturno.

Añã. Diléxi cordis mundi-

tiam, et hábui amicum re-
gem.

Añã. Diléctus meus lóqui-
tur mihi, surge, colúmba
mea, et veni.

Añã. Invéni quem diligit
ánima mea ; ténuí eum,
nec dimittam.

V. Diléctus meus mihi, et
ego illi. R. Qui páscitur
inter lília.

De libro Ecclesiastici. C. 51.

Lectio j.

QUUM adhuc júnior es-
sem, priúsqvam ober-
rárem, quæsívi sapién-
tiam palam in oratióne
mea. Ante templum postu-
lábam pro illa, et usque in
novíssimis inquíram eam.
Et efflóruit tamquam præ-
cox uva : lætátum est cor
meum in ea. Ambulávit pes
meus iter rectum, a juven-
túte mea investigábam eam.
Inclinávi módice aurem
meam, et excépi illam.
Danti mihi sapiéntiam da-
bo glóriam. Consiliáta sum
enim, ut fácerem illam :
zeláta sum bonum et non
confúndar.

R. Veni, elécta mea.

Lectio ij.

COLLUCTATA est ánima
mea in illa, et in facién-
do eam confirmáta sum.
Animam meam diréxi ad
illam, et in agnitióne invéni
eam. Possédi cum ipsa cor
ab initio, propter hoc non
derelinquar. Dedit mihi
Dóminus linguam mercé-
dem meam, et in ipsa lau-

dábo eum. Appropriáte ad me, indócti, et congregáte vos in domum disciplinæ : quid adhuc retardátis ? et quid dicitis in his ? ánimæ vestræ sitiunt vehemén-ter.

R. Diffúsa est grátia.

Lectio iij.

APERUI os meum et locúta sum. Comparáte vobis sine argénto, et collum vestrum subjícite jugo, et suscipiat ánima vestra disciplinam: in próximo est enim inveníre eam. Vidéte óculis vestris, quia módicum laborávi, et invéni mihi multam réquiem. Assúmíte disciplinam in multo número argénti, et copíosum aurum possidéte in ea. Lætétur ánima vestra in misericórdia ejus et non confundémini in laude ipsíus. Operámini opus vestrum ante tempus, et dabit vobis mercédem vestram in témpore suo.

R. Spécie tua.

In secundo Nocturno.

Añá. Pósui te ut eas et fructum áfferas, et fructus tuus máneat.

Añá. Ne tíneas a fácie hóminum, quia tecum ego sum dicit Dóminus.

Añá. Adolescéntulæ dilexérunt te, current in odórem unguentórum tuórum.

V. Glorífica me in obediéntia confessiónis tuæ.

R. Et glorificábor in te in conspéctu omnis pópuli.

Lectio jv.

PICARDIÆ civitas Cornébeja diocésis Ambianénsis, sanctæ Colétæ natalibus ex matre stérili, et sexagenária illústriseffecta est. Hæc ab ineunte ætate cœpit ardéntius cólere officia caritátis : ita ut quidquid habére póterat, hiláriter paupéribus largirétur. Oratióni assidue vacans, solitária loca quærébat, ténerum ibi corpúsculum affligens jejúniis carnem spirítui subjiciens, caténa férrea cilicióque numquam aut raro depósitis, humi cubans, cum eam necessarius somnus occupábat. Quartumdécimum ætátis annum agens, oratiónibus impetrávit a Dómino, ut corpus suum, quod exíguum remanébat, súbito ad justam magnitudinem excrevít : ac vultus venústas, ne forte alicui occasiónem præbéret delinquéndi, in térreum colórem mutarétur. A dæmónibus frequénter lacessíta, diversisque apparitiónibus exagitáta, vulneribúsq; toto corpore laceráta, ab oratíone tamen numquam recedébat : in qua sæpe in éxtasim rapta, Angelórum visióne et collóquio potiebátur.

R. Propter veritátem.

Lectio v.

ACULTATIBUS paupéribus distribútis, Tér-

tii Ordinis sancti Francisci régulam professa, novas præcedéntibus austeritâtes superâddens, vitam plane cœlestem aggressa est, nudis semper pedibus, étiam hiemis témpore, incédens, et continuis jejúniis corpus suum pene conficiens. Tum se ad restaurândam Moniálium sanctæ Claræ plúribus in locis colápsam disciplinam, a Deo varíe admónita, destinári cognóvit: cui humíliter diu relúctans, linguæ oculorúmque usu depéredito tandem voluntáti divínæ sese subjicere coácta est. Utróque autem sensu mox in íntegrum restitúto, divíno Spírítu affláta, Apostólicæ Sedis adíre præsentiam decrevit, ut a summo Pontífice prædictum opus executioni mandándi facultátem expósceret. A quo, benedictióne accépta, susceptóque prædictæ reformatiónis mandáto, in pátriam rédiens, tantum opus alácri-ter inchoávit.

R. Dilexisti justitiam.

Lectio vj.

QUM autem summo stúdio, tam antiquis monastériis reformándis, quam novis exstruéndis incúmbet, ingruéntes difficultâtes admirábili constántia superávit. Paupertátis semper studiosíssima fuit, única túnica, eáque distri-cta conténta, angustissi-

mam cellam in ángulo habens, nulla supellétili instrúctam, præter stramineum saccum, qui ei pro léctulo erat. Caritáte, paciéntia, humilitáte, mansuetúdine, ceterisque virtútibus decoráta, dono étiam prophetiæ illústris, ábdita fidei mystéria divínus edócta, ita penetrávit, ut de his altíssime dísereret. Multis tandem, et máximis patrátis miráculis, morte sua ante biénnum præcógnota, ómnibus Sacraméntis munita, hortatísque soróribus ad regulárem disciplinam, obdormívit in Dómino, pridie Nonas Mártii, anno millésimo quadringentésimo quadragésimo séptimo. Gandávi in Flándria in Monastério a se ædificáto, in quo sacrae ejus Reliquiæ assídua fidélium veneratióne colúntur. Eam dénique Pius Séptimus Póntifex Máximus, nono Kaléndas Júnii, anno octingentésimo séptimo supra millésimum, novis ritéque probátis prodigiis coruscántem, solémni pompa Sanctórum albo recénsuit.

R. Afferéntur Regi.

In tertio Nocturno.

Añã. Desiderat ánima mea ad te Deus; quando véniam et apparébo ante faciém Dómini?

Añã. Veni de Líbano, sponsa mea, veni coronáberis.

Ana. Séquitur Agnum quocúmque ierit, et cantat cánticum novum.

V. Cor meum et caro mea.

R. Exsultavérunt in Deum vivum.

Léctio sancti Evangélii secúndum Matthæum.

Lectio vii. Cap. 25.

IN illo témpore : Dixit Jesus discipulis suis parábolam hanc : Simile erit regnum cœlórum decem virgínibus, quæ accipiéntes lámpades suas exiérunt óbviám sponso et sponsæ. Et réliqua.

Homília sancti Augustini Episcopi.

Serm. 23. de Verbis Dñi.

QUÆ sint decem virgínes, quarum sint quinque prudéntes et quinque stultæ, non fáci le indagári potest. Verúmtamen secúndum ea, quæ cóntinet ipsa léctio, quam caritati vestræ hódie vólui recitári, quantum mihi Dóminus intelléctum donáre dignátur, non mihi vidétur ista parábola vel similitúdo ad eas solas pertinére, quæ própria et excellentióri sanctitate virgines in Ecclesiá nominántur, quas, étiam usitatióre vocábulo Sanctimoniáles appelláre consuévimus : sed, nisi fallor, hæc similitúdo ad univérsam Ecclesiám pértinet. Quamvis etsi illas solas intelligerémus, quæ Sanctimoniáles vocántur numquid

decem sunt ? Absit, ut tanta virgínium multitúdo ad tam exiguum númerum revocétur.

R. Hæc est virgo.

Lectio viij.

INTELLIGAMUS ergo, carissimi, et ad omnes nos, idest, ad univérsam ómnino Ecclesiám pertinére istam parábolam, non ad solos præpósitos, nec ad solas plebes ; sed prorsus ad omnes. Quare ergo quinque et quinque virgínes ? Istæ quinque et quinque virgínes omnes omnino sunt ánimæ Christianórum. Sed ut dicámus vobis, quod Deo inspiránte sentimus, non qualescúmque ánimæ, sed tales ánimæ, quæ habent cathólicam fidem, et habére vidéntur bona ópera in Ecclesiá Dei : et tamen ex ipsis quinque sunt prudéntes et quinque fátuæ. Quare ergo appellátæ sunt quinque, et quare virgínes, prius videámus. Omnis ánima in córpore ideo quínario númeró censétur, quia quinque sénsibus útitur : Quí ergo se abstinet ab ilícito visu, ab ilícito auditu, ab ilícito odorátu, ab ilícito gustátu, ab ilícito tactu propter ipsam integritátem, virgínis nomen accépit.

R. Média nocte.

Lectio ix.

S ergo ab illicitis abstinentia bona est, unde

virginitas nomen accépit, et ópera bona laudabilia sunt, quæ significántur lampádibus; quare quinque admittúntur, et quinque repellúntur? Ipsas vírgines et feréntes lámpades, alias dixit prudéntes, alias stultas. Unde intuémur? Unde discernimus? De óleo. Aliquid magnum significat óleo, et valde magnum. Putas, non caritas est? Quæréndo dicimus, non senténtiam præcipítamus. Unde mihi videátur óleo caritas significáta, dicam vobis. Apóstolus dicit: Adhuc supereminentiorem vobis viam demónstro. Si linguis hóminum loquar et Angelórum, caritátem autem non hábeam, factus sum æraméntum sonans, aut cymbalum tinniens. Ipsa est superéminens via, idest, caritas, quæ mérito óleo significátur. Omnibus enim humóribus óleo superéminet. Caritas nunquam cadit.

Te Deum laudámus.

AD LAUDES.

Antiphonæ et Capitulum ut in j. Vesperis.

Hymnus.

MATRI voléntes inclytæ Laudem canámus, vírgines: Laudem canéntes réspice O sponse Christe ab æthere.

Coléta, morbos vince-re,

Potens, medére méntibus; Circumeúntis dæmonis Tuére nos a fráudibus.

Ut cum repénite vénerit Sponsus, sequámur; gáudiis

Cum matre ovánte filíæ Ævo fruámur pérpeti.

Te, sponse Jesu vírginum,

Beáti adórent órdenes;

Et nuptiáli cántico

Laudent per omne sæculum. Amen.

V Sub umbra illius, quem desideráveram, sedi. **R.** Et fructus ejus dulcis gútturi meo.

Ad Benedictus, Añã. Ca-sta generátio, incoquina-tórum certáminum vincens præmia, in perpétuum coronáta triúmphat.

Oratio. Dómine Jesu, ut in j. Vesperis.

In Quadrag. fit comm. Feriæ.

Ad Tertiam.

Capitulum ut in j. Vesp.

R. br. Deus Cordis mei.

Deus. **V.** Et pars mea,

Deus in ætérnum. Cordis.

Glória. Deus. **V.** Fascícu-

lus myrrhæ Diléctus meus

mihi. **R.** Inter úbera mea

commorábitur.

Ad Sextam.

Capitulum. Eccli 1.

DILECTIO Dei honorábilis sapiéntia, quibus autem apparúerit in visu, diligunt eam in visióne et in agnitióne magnálium suórum.

R. br. Fasciculus myrrhæ.
 Diléctus meus mihi. Fasci-
 culus. **V.** Inter úbera mea
 commorábitur. Diléctus.
Gloria. Fasciculus. **V.** Ego
 Dilécto meo. **R.** Et ad me
 convérsio ejus.

Ad Nonam.

Capitulum. Prov. 8.

NUNC ergo audíte me :
 beáti qui custódiunt
 vias meas ; audíte di-
 sciplinam et estóte sapién-
 tes.

R. br. Ego Dilécto meo.

Ego. **V.** Et ad me convér-
 sio ejus. Dilécto. **G**loria.
 Ego. **V.** Dixi : tu es spes
 mea. **R.** Pórtio mea in ter-
 ra vivéntium.

IN II. VESPERIS.

**Omnia ut in primis præ-
 ter sequentia.**

Ad Magnificat. Añã. Tu
 honorificéntia pópuli no-
 stri, quia confortátum est
 cor tuum eo quod castitá-
 tem amáveris.

**Et fit comm. seq., et in
 Quadrag. comm. Feriæ.**

the first of these is the fact that the
the second is the fact that the
the third is the fact that the
the fourth is the fact that the
the fifth is the fact that the
the sixth is the fact that the
the seventh is the fact that the
the eighth is the fact that the
the ninth is the fact that the
the tenth is the fact that the
the eleventh is the fact that the
the twelfth is the fact that the
the thirteenth is the fact that the
the fourteenth is the fact that the
the fifteenth is the fact that the
the sixteenth is the fact that the
the seventeenth is the fact that the
the eighteenth is the fact that the
the nineteenth is the fact that the
the twentieth is the fact that the
the twenty-first is the fact that the
the twenty-second is the fact that the
the twenty-third is the fact that the
the twenty-fourth is the fact that the
the twenty-fifth is the fact that the
the twenty-sixth is the fact that the
the twenty-seventh is the fact that the
the twenty-eighth is the fact that the
the twenty-ninth is the fact that the
the thirtieth is the fact that the
the thirty-first is the fact that the
the thirty-second is the fact that the
the thirty-third is the fact that the
the thirty-fourth is the fact that the
the thirty-fifth is the fact that the
the thirty-sixth is the fact that the
the thirty-seventh is the fact that the
the thirty-eighth is the fact that the
the thirty-ninth is the fact that the
the fortieth is the fact that the
the forty-first is the fact that the
the forty-second is the fact that the
the forty-third is the fact that the
the forty-fourth is the fact that the
the forty-fifth is the fact that the
the forty-sixth is the fact that the
the forty-seventh is the fact that the
the forty-eighth is the fact that the
the forty-ninth is the fact that the
the fiftieth is the fact that the
the fifty-first is the fact that the
the fifty-second is the fact that the
the fifty-third is the fact that the
the fifty-fourth is the fact that the
the fifty-fifth is the fact that the
the fifty-sixth is the fact that the
the fifty-seventh is the fact that the
the fifty-eighth is the fact that the
the fifty-ninth is the fact that the
the sixtieth is the fact that the
the sixty-first is the fact that the
the sixty-second is the fact that the
the sixty-third is the fact that the
the sixty-fourth is the fact that the
the sixty-fifth is the fact that the
the sixty-sixth is the fact that the
the sixty-seventh is the fact that the
the sixty-eighth is the fact that the
the sixty-ninth is the fact that the
the seventieth is the fact that the
the seventy-first is the fact that the
the seventy-second is the fact that the
the seventy-third is the fact that the
the seventy-fourth is the fact that the
the seventy-fifth is the fact that the
the seventy-sixth is the fact that the
the seventy-seventh is the fact that the
the seventy-eighth is the fact that the
the seventy-ninth is the fact that the
the eightieth is the fact that the
the eighty-first is the fact that the
the eighty-second is the fact that the
the eighty-third is the fact that the
the eighty-fourth is the fact that the
the eighty-fifth is the fact that the
the eighty-sixth is the fact that the
the eighty-seventh is the fact that the
the eighty-eighth is the fact that the
the eighty-ninth is the fact that the
the ninetieth is the fact that the
the ninety-first is the fact that the
the ninety-second is the fact that the
the ninety-third is the fact that the
the ninety-fourth is the fact that the
the ninety-fifth is the fact that the
the ninety-sixth is the fact that the
the ninety-seventh is the fact that the
the ninety-eighth is the fact that the
the ninety-ninth is the fact that the
the hundredth is the fact that the

DIE XIII. MARTII.

IN DIE OCTAVA

S. COLETÆ, VIRG. II. ORD.

Duplex minus.

Inj. Nocturno Lectiones,
De virginibus, de Comm.

In secundo Nocturno.
De Epístola sancti Hieró-
nymi Presbyteri ad Eu-
stóchium.

*De Custodia virginitatis,
Tomo I. circa medium.*

Lectio iv.

DE virginibus, inquit
Apóstolus, præcé-
ptum Dómini non hábeo.
Cur? quia et ipse ut esset
virgo, non fuit impérii, sed
propriæ voluntátis. Neque
enim audiendi sunt, qui
eum uxórem habuisse con-
fingunt, cum de continéntia
disserens, et suádens per-
pétuam castitatem intúle-
rit: Volo autem omnes esse
sicut meípsum; et infra:
Dico autem innúptis et ví-
duis: Bonum est illis, si
sic permáneant, sicut et
ego. Quare ergo non habet
Dómini de virginitate præ-
ceptum? quia majóris est
mercédis quod non cógitur,
et offértur: quia si fuisset
virginitas imperáta, núptiæ
videbántur ablátæ; et du-
rissimórum erat contra natú-
ram cógere, Angelorúmque
VERNA ORD. S. CLARÆ.

vitam ab homínibus extor-
quere.

R. Propter veritatem.

Lectio v.

ALIA fuit in véteri lege
felicitas. Ibi dicitur:
Beátus qui habet se-
men in Sion, et domésticos
in Jerúsalem, et: Maledi-
cta stérilis quæ non pariebat;
et: Filii tui sicut novellæ
olivárum in circúitu mensæ
tuæ. Vácuus erat orbis et,
ut de typicis táceam, sola erat
benedictio liberórum. Propterea
et Abraham jam senex Cetúræ
copulátur, et Jacob mandrágoris
redimitur; et conclusam vulvam
in Ecclesiæ figuram Rachel
conquératur. Paulátim vero
increscénte ségete, messor
immissus est. Virgo Elías,
Eliséus virgo, vírgines multi
filii Prophetárum. Jeremiæ
dicitur: Et tu ne accípias
uxórem. Sanctificátus in útero,
captivitate propínqua, uxórem
prohibétur accipere. Aliis
verbis idípsum Apóstolus
lóquitur: Exístimo hoc bonum
esse propter instántem ne-

cessitatem. Quæ est ista necessitas, quæ aufert gaudia nuptiarum? Tempus breviatum est, in proximo est Nabuchodonosor.

R. Dilexisti iustitiam.

Lectio vj.

INVENIEBATUR ergo, ut diximus, in viris tantum hoc continentiae bonum, et in doloribus iugiter Eva parturiebat. Postquam vero Virgo concepit in utero, et peperit nobis puerum cujus principatus in humeros ejus, Deum fortem, Patrem futuri sæculi soluta maledictio est. Mors per Evam, vita per Mariam. Ideoque et ditius virginittatis donum fluxit in feminas, quia cepit a femina. Statim ut Filius Dei ingressus est super terram, novam sibi familiam instituit, ut qui ab Angelis adorabatur in cælo, haberet Angelos et in terris. Tunc Holofernis caput Judith continens amputavit: tunc Aman, qui interpretatur iniquitas, suo combustus est igni: tunc primum auditum est: Quæ non est nupta, cogitat quæ sunt Domini, ut sit sancta corpore et spiritu.

R. Afferentur Regi.

In tertio Nocturno.

Lectio sancti Evangelii secundum Matthæum.

Lectio vij. Cap. 25.

IN illo tempore: Dixit Jesus discipulis suis

parabolam hanc: Simile erit regnum cælorum decem virginibus, quæ accipientes lampades suas, exierunt obviam sponso et sponsæ. Et reliqua.

De Homilia S. Augustini Episcopi.

Serm. 23. de Verb. Dom. Cap. 8.

INTENDAT itaque caritas vestra. Sapientium lampades ardébant de oleo interno, de conscientie securitate, de interiore gloria, de intima caritate. Ardébant tamen et illarum fatuarum. Quare tunc ardébant? quia non deerant laudes hominum. Postea vero quam surrexerunt, id est, in resurrectione a mortuis, cœperunt aptare lampades suas, id est, parare Deo operum suorum reddere rationem. Et quia tunc nemo est qui laudet, omnis homo causæ suæ vacat: non erant qui oleum venderent, cœperunt deficere lampades.

R. Hæc est virgo sapiens.

Lectio viij.

CLAUSUM est ostium. Et quid illis dictum est, Non novi vos? Non illas novit, qui omnia novit? Quid ergo est, Non novi vos? Improbo vos, reprobo vos: in arte mea non vos agnosco: ars mea nescit vitia. Hoc est autem magnum, et nescit vitia, et iudicat vitia: nescit facien-

do, júdicat arguendo. Sic ergo non novi vos. Iérunt, intravérunt quinque prudéntes. Sint in vobis quinque prudéntes, ad istam prudéntiam quínarii númeri pertinéntes. Véniet enim hora, et quando nescimus, véniet. Sic clausit Evangelium : Vigiláte, quia nescítis diem neque horam.

R. Média nocte clamor.

Lectio ix. de Homil. Fer.

Si hoc festum transferratur in diem non habentem Lectionem nonam, erit sequens

Lectio ix.

QORDE vígila, fide vígila, spe vígila, caritáte vígila, opéribus vígila : et

quando córpore dormieris, véniet tempus ut surgas. Cum autem surrlexeris, præpara lámpades. Tunc non exstinguántur, tunc in interióre consciéntiæ óleo vegeténtur : tunc sponsus ille incorpóreis nexibus amplectátur, tunc introducat in domum, ubi numquam dórmias, ubi numquam possit tua lampas exstingui. Hódie vero laborámus, et lámpades nostræ inter ventos sæculi hujus tentatiónesque flúctuant : sed ardeat in rubóre flamma nostra, ut ventus tentatiónis áugeat ignem pótius, quam exstinguat.

Te Deum laudámus.

Appendix ad usum Fratrum Minorum S. Francisci Capuccinorum Provinciae Belgicae.

DIE XII. NOVEMBRIS.

Gandavi.

S. Livini, Episc. et Mart.

Patroni Civitatis.

Duplex j. classis.

Omnia de Communi unius
Mart. [19] præter sequen-
tia.

Oratio. *Infirmi-tatem.*

In j. Nocturno, Lectiones,
A Miléto, de Communi. [21]

IN II. NOCTURNO.

Lectio iv.

LIVINUS nóbili gènere a-
pud Hibérno-Scotos na-
tus, etiámnun puer, non mo-
do supra ætatem exímia pie-
tate conspicuus, verum etiá
áliis virtútibus clarus fuit.
Adolescéntior præceptóribus
usus est primum Benígnio sa-
cerdóte, deínde sancto Augu-
stíno Anglórum apóstolo. A
quo sacerdotio insignístus,
tanta cum laude in eo órdine
versátus est, ut eum concí-
ves haud multo post ad epi-
scopátum évehi exoptárint,
quod munus rege populóque
compellente tandem suscé-
pit, et magno cum fructu an-
nos áliquot administrávit.
Póstmodum, cum Sylváno
archidiáconò vices suas de-
mandáset, apud éxteras gen-
tes Christum prædicáre et
infidèles ad christiánam fi-

dem convértere aggréssus
est.

Rj. *Honéstum fecit.*

Lectio v.

OCEANO itaque transmísso,
una cum discípulis Foil-
láno, Helía et Kiliáno, apud
Morínos atque hodiérnæ
Flándriæ Occidentális incol-
las ex itinere sparsit divíni
verbi sémina. Ingréssus cœ-
nóbium Gandavénse, a beato
Amándo fundátum, humáni-
ter a Florbéрто abbáte fratri-
búsque excéptus est, anno
sexcentésimo quinquagésimo
quinto. Ubi quum beátum
Bavónem, recens defúntum,
magnis coruscántem mirácu-
lis inveníret, memóriam viri
celebérrimam et præsentia
sanctitátis testimónia admi-
rátus, trigínta contínuos dies
super ejus sépúlchrum Mis-
sárum solémnia celebrávit.
Inde prædicatiónis causa ad
vária hodiérnæ Flándriæ
Brahantiæque loca proféctus
complúres ad Christi fidem
verbo, exémplo et miráculis
convértit.

Rj. *Desidérium animæ.*

Lectio vj.

QUUM ibi in pago Hau-
them hospitaretur, ubi
præsértim missis a Florbéрто
abbáte cibis sustentabátur,
Caphrahíldis hóspitis suæ fi-
lio Ingelbéрто multis annis

BREV. CAPUCC. BELG. P. I.

I

lúmine privato visum restituit, aliisque complúribus sanitatem spiritualem impetravit. Parátus ómnia et mortem ipsam pro Christo pèrpeti, exsectionem sustinuit linguæ suæ, quæ mox tamen ei restituta fuit. Instántis sui martyrii vates, Escham Alosthénsis territórii pagum ádiit, ut incolæ paganismi ténebris adhuc involútus Evangelii luce illustráret. Quo comperto, nefárii quidam homines eum persecúti sunt, ac multis vulnéribus saucium capite truncárun, pridie Idus Novémbris, anno sexcentésimo quinquagésimo séptimo. Eódem die Caphrahildis, pia matróna, cum Brítio infánte, quem Livínus de sacro fonte suscéperat, ob Sancti defensionem trucidáta est. Hæc seórsum, infans vero eódem, quo Livínus, lóculo in Hauthem sepelitur.

R. Stola jucunditátis.

In iij. Nocturno, Homilia in Evang. Si quis vult post me veníre, ij. loco. [30]

DIE VI. DECEMBRIS.

Anghia.

S. Nicolai, Episc. et Conf.

Patroni Civitatis.

Duplex j. classis.

Lectiones j. Nocturni, **Fi.**
délis sermo, de Comm. j. loco. [56] Reliqua ut in Breviario, eadem die. 625.

In ij. Vesperis fit com. sequentis et Feriæ.

DIE XXVI. DECEMBRIS.

S. STEPHANI PROTOMARTYRIS.

Fit commemoratio Omnium SS. Martyrum post

commem. Octavæ Nativitatis Domini.

AD I. VESPERAS.

Añã. Istórum est enim regnum coelórum, qui contempserunt vitam mundi, et pervenerunt ad præmia regni, et laverunt stolas suas in sanguine Agni.

ÿ. Lætámini in Dómino, et exultáte justi. R. Et gloriámini omnes recti corde.

AD LAUDES.

Añã. Vestri capilli capitis omnes numeráti sunt : nolíte timére : multis passéribus meliôres estis vos.

ÿ. Exultábunt sancti in glória. R. Lætábúntur in cubilibus suis.

AD II. VESPERAS.

Añã. Gaudent in coelis animæ Sanctórum, qui Christi vestigia sunt secúti : et quia pro ejus amore sanguinem suum fuderunt, ideo cum Christo exultant sine fine.

ÿ. Exultábunt Sancti in glória. R. Lætábúntur in cubilibus suis.

Oratio.

DEUS, qui nos ánnua Sanctórum Mártýrum tuórum commemoratióne lætíficas : concéde propstius, ut quorum gaudémus méritis, accendámur exémpis. Per Dñm.

DIE VIII. JANUARI.

Bruxellis.

S. Gudulæ, Virginis, Patronæ Civitatis.

Duplex j. classis.

Omnia de Comm. Virg. [85] præter sequentia.

Oratio. **Exáudi.**

Et fit com. Epiph. in Vesperis et Laudibus.

In j. Nocturno, Lectiones
de Comm. j. loco. [88]

IN II. NOCTURNO.

Lectio iv.

GUDULA, patre Witgéro, matre Amelbérga, piis ac nobilibus paréntibus in Bélgio nata est circa médium sæculi séptimi, Sigebértō Secúndo Austrásiæ Rege. Illam de sacro fonte suscepit beáta Gertrúdis, et ejus mater spírítu effécta, eam sub disciplína monástica Nivéllis píssime educávit. Hujus salutáribus mónitis Gúdula quum sæculi illécebris renuntiáset, totam se Dei obsequio et famulátui mancipávit. Crescénte ætáte, crecébat morum probitáte omníque virtútum génere magis semper elucébat. Mórtua sancta Gertrúde, ex Nivellénsi óppido in domum patérnam revérsa est, ubi contínuis oratióibus, vigiliis et jejúniis inténta, corpus in servitútem redégit, ac matúram de hoste maligno victóriam reportávit.

Rj. Propter veritátem.

Lectio v.

ERAT in confínio villa quædam Mortsélla nómine, in qua sancti Salvatóris Oratórium constrúctum erat. Hunc locum de nocte, ne ab homínibus viderétur, cum pedíssequa nudis étiam pedibus crebro repetébat, ibíque in preces et lácrymas effúsa, divínis contemplatióibus vacábat. Huic devotióni insídiens commúnis hóminum hostis lucérnam, quam noctis causa fe-

rébat ancílla, extínxit. Sed pia virgo oratiónis ardóre lumen restítuit. Post tandem et claríssima virtútum exercítia, instánte vitæ término, pane coelésti refécitur, quo corroboráta, inter oratiónes et divína suspíria, ánimam Deo réddidit sexto Idus Januárii anni septingentésimi duodécimi, Pipíno Senióre Austrásiæ régimen tenénte.

Rj. Dilexísti justítiam.

Lectio vj.

SACRUM Vírginis corpus primo reconditur in vico Ham, ex quo Mortséllam póstea translátum est stúdio píssimi Imperatóris Cároli Magni, qui sacrárum Vírginum monastérium in honórem sanctæ Gúdulæ ibídem constrúxit. Dum sequénti sæculo Mortsélla cum ipso cœnóbio a Normánnis vastáta fuit, corpus sanctæ Gúdulæ Capramóntem, versus Leódium, deportátum est, unde sæculo décimo per Cárolem, Lotharíngiæ Ducem, Bruxéllas relátum, et in sancti Gauderíci ecclésia depósitum fuisse vétera monuménta testántur. Ex hoc dénique loco, cura Lambértil Secúndi Cómitis Lovaniénsis, médio sæculi undécimi ad collegiátam Basílicam sancti Michaélis sacræ Relíquiæ per Cameracénsem Episcopum translátæ sunt; in quo splendidíssimo templo, a sancta Gúdula deinceps nuncupáto, quievérunt usque ad sæculi décimi sexti annum septuagésimum nonum, quo hærétiци per totum Bélgium impúne gras-

sántes illas sacrílegis máni-
bus dispersérunt.

R. Afferéntur Regi.

In iij. Nocturno Homilia
in Evang. Símile erit regnum
cœlórum decem virgínibus.
[94]

DIE XXV. JANUARI.

In Diacési Leodiensi.

In Conversione S. Pauli, Ap.
Titularis Eccl. Cathedralis.
Duplex j. classis.

Omnia ut in Breviario, ea-
dem die. 708.

DIE IX. APRILIS.

Montibus.

S. Waldetrudis, Viduæ, Pa-
tronæ Civitatis.

Duplex j. classis.

Omnia de Comm. nec Virg.
nec Mart. [99] præter se-
quentia.

Oratio.

BEATÆ Waldetrúdis so-
lemnitátem celebrán-
tes, tuam, Dómine, deprecá-
mur cleméntiam : ut ejus
pia intercessióne, a cunctis
nos reátibus absólvas. Per
Dóminum.

In j. Nocturno, Lectiones
Mulíferem fortem. [100]

IN II. NOCTURNO.

Lectio iv.

SANCTA Waldetrúdis, Wal-
bérti et Bertíllie filia,
simúlque sanctæ Aldegúndis
soror natu major, tempóri-
bus Dagobérti Francórum
regis flóruit. A paréntibus
religióne commendábilibus
pie educáta, nóbili viro e
præcípui aulæ Dagobérti
procéribus Madelgário, có-
miti Hannóniæ, qui, post
conversiónem, Vincéntii no-

men accépit, núptui trádicta
fuit, ex quo proles hábuit
sanctum Landericum, san-
ctas Aldetrúdem et Madel-
bértam, quæ post sanctam
Aldegúndem Malbódio mo-
nastério præfuérunt, et Den-
tilinum púerum, qui in albis
óbiit. Inter indeféssas conju-
gális status curas et sollicitú-
dines, religiosíssima Walde-
trúdis, solis æternórum de-
sidériis inhians, ab ómnibus
sæculi delíciis et immoderá-
to terrenárum rerum appetí-
tu constánter temperávit. Piis
eleemosynárum opéribus, vi-
gíliis, oratióibus et jejúniis
assídue inténta erat. Magna
ínsuper de die in diem a beá-
to Autbértio Cameracénsi
Epísopo, et a sancto Ghis-
léno abbáte Cellæ Apostoló-
rum, quos impénse in Dómi-
no colébat, virtútum et me-
ritórum capiébat incremén-
ta. Horum edócta mónitis,
cum nihil præter cœléstia
spiráre didicísset, cónjugem
suum ad amórem Dei, et cœ-
léstis pátriæ desidérium, ac
castimóniam conservándam,
quotídie salutíferis sermóni-
bus excitáre curábat, et igne
charitátis quo ipsa suáriter
flagrábat, illíus mentem ac-
céndere satagébat.

R. Propter veritátem.

Lectio v.

SED et omnípotens Deus,
qui hæc, occúltá dispen-
satióne, in corde famulæ suæ
misericórditer suggerébat,
étiam ut fierent, poténter ad-
júvit : nam Madelgárius, di-
vína inspiratióne compúlsus
renúntians thori commérciis,
ad monastérium quod Altus

Mons dicitur, concitus perrexit, ibique, monástico habitu suscepto, in sanctis actibus temporalem huius vitae cursum perégit. Waldetrudis autem adhuc in saeculári habitu posita, vigorem tamen animi in nullo relaxans, propriae domus curam gerébat. Interea vir Dei Ghislénus, qui in locis desertis habitabat, circa fluvium cujus vocabulum est Hagna, Divino mōnitus instinctu, ad eam, exhortationis grátia, crebro venire consueverat, et verbi Dei pábulo illius mentem reficere curabat. Cum vero illam sanctae conversationis habitum ardentem quærere cognovisset, montem illi quemdam, qui Castrilocus dicebatur, quique in superiori parte deserti quod ipse habitabat situs, a saeculárium habitaculis procul remotus, spinarum et veprium densitate nemorosus atque incultus erat, designavit, et ut, sacro velamine accepto, in eo sibi cellulam construi faceret, sollicita admonitione persuasit.

R). Dilexisti iustitiam.

Lectio vij.

HÆC non distulit opere perficere, quod sibi per famulum suum Deus dignatus erat demonstrare. Ad beatissimum virum Autbertum Episcopum accessit: ut sacrum velamen accipere mereretur petiit, et impetravit. Tum in humili cellula, quam cum oratorio in prædicti montis latere sibi construi fecerat, se reclusit, ibique virgines genere nobiles, sed

Christi humilitate et paupertate multo nobiliores effectas, congregavit; quibus præfuit in magna sanctitate, eis eximiae conversationis exempla indesinenter præbens. Ibidem eam antiquus humani generis inimicus, variis artibus et insidiis aliquamdiu impetivit; sed illum, grátia Dei confortata, generose debellavit; ac deinceps victricem famulam suam misericors Deus magnis consolationibus multaque pace remuneravit. Denique meritis cumulata, quinto Idus Aprilis anni sexcentésimi octogésimi sexti, migravit ad Dominum. In vita et post mortem multis virtutum signis effulsit. Quiéscit Montibus Hannoniæ in celebri Basilica quæ etiamnum ejus nomine insignitur. Tamquam titularis Patrona ejusdem civitatis colitur.

R). Fallax grátia.

IN III. NOCTURNO.

Lectio sancti Evangelii secundum Matthæum.

Lectio vij. Cap. 13.

IN illo tempore: Dixit Jesus discipulis suis parabolam hanc: Simile est regnum cœlorum thesauro abscondito in agro. Et reliqua.

Homilia sancti Gregorii Papæ.

Hom. 11. in Evangelia, post initium.

QUELESTE regnum negotiatori homini simile dicitur, qui bonas margaritas quærit, sed unam pretiosam invenit, quam videlicet inventam, omnia vendens, emit; quia, qui cœlestis vitæ

dulcédinem, in quantum possibílitas admittit, perfecté cognóverit, ea quæ in terrénis amáverat libénter cuncta derelínquit : in comparatióne ejus viléscunt ómnia, déserit hábita, congregáta dispérgit, inardéscit in coeléstibus ánimus, nihil in terrénis libet, defórme conspícitur quidquid de terrénæ rei placébat spécie, quia sola pretiósæ margaritæ cláritas fulget in mente.

R). Os suum apéruit.

Lectio viij.

RURSUS, símile esse regnum coelórum sagénæ in mare missæ dícitur, ex omni génere pískium congregánti, quæ impléta ad littus edúcitur, et in vasis boni pisces eligúntur, mali autem projiciúntur foras. Sancta Ecclésia sagénæ comparátur : quia et piscatóribus est commissa, et per eam quisque ad ætérnum regnum a præséntis sæculi flúctibus tráhitur, ne in ætérnæ mortis profúnda mergátur. Quæ ex omni génere pískium cón-

gregat ; quia ad peccatórum véniam sapiéntes et fátuos, líberos et servos, dívites et páuperes, fortes et infirmos vocat. Unde per Psalmístam Deo dícitur : Ad te omnis caro véniet.

R). Regnum mundi.

In Quadrag. nona Lectio de Homilia Feriæ. Extra Quadrag. ut sequitur :

Lectio ix.

QUÆ sagéna, scilicet Ecclésia, tunc universáliter replétur, quum in fine suo humáni géneris summa concluditur. Quam edúcant, et secus littus sedent ; quia sicut mare sæculum, ita sæculi finem significat littus maris. In quo scilicet fine, boni pisces in vasis eligúntur : mali autem projiciúntur foras ; quia et elécti quique in tabernácula ætérna recipiúntur, et intérni regni luce pérdita, ad exteriorés ténebras réprobi pertrahúntur.

Te Deum laudámus. 15.

In Quadrag., comm. Feriæ.

Quum omnia in his Officiis propriis Ordini Minorum Capuccinorum in Belgio concessis, diligenti facta collatione per Veñlem Dñum Cañcum G. Van Caster a Nobis ad hoc deputatum, cum originalibus fideliter concordare reperta sint, permittimus ut evulgentur.

Mechliniæ, die 9 Februarii 1889.

+ PETRUS LAMBERTUS, ARCHIEPUS MECHLINIEN.

scatena
i flatus
vires e
infren
zohar
omni

127
(12)

et Ex
arab
i ma
viam
tunc
i qua
a se
lita
huc
lignu
tenu
rean
vite
huc

13

Appendix ad usum Fratrum Minorum S. Francisci Capuccinorum Provinciae Belgicae.

DIE XXI. JUNII.

In Diœcesi Namurcensi.

S. Albani, Martyris, Diœcesis
Patroni.

Duplex j. classis.

Omnia de Communi unius
Mart. [19] præter sequentia.

Oratio.

DEUS, qui hodierna die
beatum Albánum virtú-
te constantiæ in sua passiône
roborásti: præsta quæsumus;
ut cujus gloriósum marty-
rium celebrámus in terris,
ejus felíci consórtio perfruá-
mur in cœlis. Per Dóminum.

In j. Nocturno Lectiones,
Fratres: Debitóres, de Comm.
Jur. Mart., [34] cum R. de
Comm. unius Martyris.

IN II. NOCTURNO.

Lectio iv.

ALBANUS Présbyter cum
suo magistro Theoné-
sto Epíscopo Philippénsi in
Macedónia impiórum potén-
tia ab Episcopáli sede pulso,
exul Romam proféctus, inde
in Gálliam ut Christi fidem
asséret destinátus; per Tús-
ciam et Ligúriam iter aggrés-
sus, ubique prædicans, tan-
dem Mogúntiam Pastóre de-
stitútam pervénit. Illic occa-
sióne nactus catholicam
propugnândi fidem, Arianó-
rum perfídiam gládio spíri-
tus, qui est verbum Dei, con-

vincere et retúndere studé-
bat.

R. Honéstum fecit.

Lectio v.

ACCIDIT autem ut Albá-
nus quo erat ingénii
ardóre et facúndiæ vehemén-
tia, aliquánto ácrius in hæré-
ticos inveherétur, eósque va-
lidíssimis constríngeret argu-
méntis, quibus mutos et elín-
gues, coram frequénti pópulo
reddíderat, atque inde per-
fidórum in se iram, ac rábiem
concitáret. Quare magno fu-
róre ad pœnam e médio fra-
trum raptus, et multis est in-
júriis affectus. Quorum cru-
delitáte nihil ille motus, in
fide cathólica tamquam col-
úmna immóbilis pérstitit,
donec inter divérsos clamó-
res et stúdia pópuli, verbéri-
bus gravíssime mulctátus,
extra civitátem ejéctus, capi-
tálem accépit senténtiam.

R. Desidérium ánimæ,

Lectio vj.

SIC placens Deo hóstia ef-
féctus Albánus, post-
quam ad locum supplicii per-
vénit génibus flexis, mente
in Deum erécta, nudam spi-
culatóri præbuit cervícem,
eádém ánimi fortitúde et
constántia, qua veram Chri-
sti fidem contra pertinacíssi-
mos hostes propugnáverat.
Demum mirándum illud fidé-
li traditióne refértur prodí-

REV. CAPUCC. BELG. P. II.

I

gium, revólsum a cervíce caput, lingua adhuc in Dei laudes exultánte, Mártyrem suis mánibus sustulísse, firmóque gressu ad locum sepultúræ sibi a Deo destinátum pertulísse. In martyrii loco insígne eréctum fuit cœnóbium sub título sancti Albáni, quem tamquam suum Patrónum Ecclesiá, Cívitas, et univérsa Diocésis Namurcénsis summa colit veneratióne.

ñ. Stola jucunditátis.

In iij. Nocturno, Homilia in Evang. Nihil est opértum, de Comm. unius Mart. iij. loco. [31]

DIE XXIX. JUNII.

SS. Petri et Pauli, Apost.

Fit comm. Omnium SS. Apost.

AD I. VESPERAS.

Aña. Tradent enim vos in concíliis et in synagógis suis flagellábunt vos, et ante reges et præsides ducémini propter me, in testimónium illis et géntibus.

γ. In omnem terram exívit sonus eórum. ñ. Et in fines orbis terræ verba eórum.

AD LAUDES.

Aña. Vos qui reliquistis ómnia et secúti estis me, cén-tuplum accipiétis, et vitam ætérnam possidébitis.

γ. Annuntiavérunt ópera Dei. ñ. Et facta ejus intellexérunt.

AD II VESPERAS.

Aña. Estóte fortes in bello, et pugnáte cum antíquo serpente: et accipiétis regnum ætérnum, allelúia.

γ. Annuntiavérunt ópera

Dei. ñ. Et facta ejus intellexérunt.

Oratio.

DEUS, qui nos per beátos Apóstolos tuos ad agnitíonem tui nóminis veníre tribuísti: da nobis eórum glóriam sempitérnam et proficiéndo celebráre, et celebrándo proficere. Per Dñum.

DIE I. JULII.

In Archidiocesi Mechliniensi.

S. Rumoldi Episc. et Mart.

Mechl. Civit. et Archidioc.

præcipui Patroni.

Duplex j. classis.

Omnia de Comm. unius Mart. [19] præter sequentia.

Ad Magnificat, in utrisque Vesperis et ad Benedictus in Laudibus.

γ. Ora pro nobis, sancte Rumólde. ñ. Ut digni efficiámur promissionibus Christi.

Aña. O amátor castitátis, defénsor veritátis, Christi Martyr et Póntifex, Rumólde, pro nobis apud Deum intercéde: serva Clerum ac plebem, et locum tuo sángine sacrátum ab hoste indésinenter defénde.

Oratio.

OAJESTATI tuæ nos, quæsumus Dómine, beáti Rumóldi, Mártyris tui atque Pontíficis, supplicatio veneránda concíliet: ut qui incessánter pro nostra fragilitáte delínquimus, assíduis ejus précibus expiémur. Per Dóminum.

Et fit com. diei Oct. S. Joannis Baptistæ.

In j. Nocturno Lectiones.

A Miléto, de Comm. unius Mart. j. loco. [2]

IN II. NOCTURNO.

Lectio iv.

RUMOLDUS Episcopus in Scótiæ parte, quæ nunc Hibernia dicitur, natus, pátria, paréntibus ac stématis successióne relictis, ministérium Christi cadúcis et peritúris ómnibus rebus antepósuit. Perfectionis síquidem stúdio alléctus, Romam proféctus est, ut Apostolorum límina invíseret et religiósá loca præsens venerarétur, nullo interim in itínere verbi Dei prædicándi prætermittens occasiónem. Romæ commorátus Apostolorum et Mártyrum sepúlchra indesinénter frequéntans, eórum certámina ita ánimo suo repræsentábát, ut martyrii incénsus ardóre, totus in illíus desidérium raptus fuérit.

℞. Honéstum fecit.

Lectio v.

VERUM divínitus admónitus, ut in Gállíæ partes descénderet, obténta Pontíficis benedictióne, Mechlíniam venit, ubi ab Adóne cómite benigne excéptus, non multo post ipsíus cónjugi fœcunditátem prædixit. Suscéptam inde prolem baptísmate initiávit, Libérti ei nómine impósito; quem póstea submersum ad vitam revocávit. Ob tantum benefícium paréntes partem terræ grato ánimo obtulérunt Rumóldo, qui in ea monastérium inchoávit, quod subsequéntibus sæculis in canonicórum collégium fuit immutátum.

℞. Desidérium animæ.

Lectio vj.

RUMOLDUS Christi fidem Mechlíníæ et vicínis in locis tanto stúdio ac labóre indeféssó plantávit, ut Mechlíníensium Apóstolus mérito habeátur. Qui quum religióni magis semper illic propagándæ insisteret, tandem a duóbús sicáriis, quorum alter a præsule de adultério reprehendebátur, in cápite grávitè vulnerátus, vitam martyrio consummávit. Corpus ejus, ut crimen celárent, ídem homicídæ in aquam demersérunt, sed divíno désuper radiántelúmine, ab Adóne cómite aquis extráctum, in æde sancti Stéphaní cónditum, deínde ad ecclésiám, quæ nunc Metropolitána est, translátum fuit.

℞. Stola jucunditátis.

In ij. Nocturno *Homilia in Evang. Si quis vult, de Comuni ij. loco.* [3o]

In Laudibus fit com. diei Oct. S. Joannis Baptistæ.

In ij. Vesperis fit com. sequentis, et diei Octavæ S. Joannis Baptistæ tantum.

DIE XXIX. JULII.

S. Marthæ Virginis.

Duplex.

ex Decr. S. R. C. 11 Sept. 1888.

Omnia ut in Breviario, 624.

DIE XV. SEPTEMBRIS.

In Diacesi Tornacensi.

Translationis S. Eleutherii, Episc. Tornacensis, Conf. et Diœcesis Tornac. Patroni.

Duplex j. classis.

AD VESPERAS.

Añ. 1. Sacérdos magnus Eleuthérius in vita sua suf-

fúlsit domum, et in diébus suis corroborávit templum.

Psalmi de Dominica : 109. loco ultimi Ps. Laudáte Dóminum, omnes gentes. 113.

2. Curávit gentem suam et liberávit eam a perditione.

3. Præváluit amplificáre civitátem, et adéptus est glóriam in conversatióne gentis.

4. Quasi stella matutína in médio nébulæ, sic fúlgidus in médiis erroris ténebris splenduit Eleuthérius.

5. Quasi olíva in Ecclésia nostra pullulávit Eleuthérius, et tamquam cypréssus in altitúdinem se éxtulit.

Capitulum. *Eccli.* 50.

Ecce sacérdos magnus, qui in vita sua suffúlsit domum, et in diébus suis corroborávit templum : templi étiam altitúdo ab ipso fundáta est, duplex ædificátió et excélsi parietes templi.

Hymnus.

DEPOSTAS húmili Blandí-
nii loco
Patris reliquias Nérvia víde-
rat ;
Augústis vóluit Vírginis ædi-
bus

Tandem pígnora réddere.

Balduínus, pópulis huc co-
mitántibus,

Lætus carpit iter, presbyteri
canunt,

Cives exhilárat sarcína, mílites
Strictis énsibus émicant.

Ægre Blandínii plebs tulit
ábripi

Custódem, aggréditur férvida
bájulos

Ut pignus répetat : cuncta
furóribus

Turgens, turbínibus re-
plet.

Immissis jáculis ímpetit ún-
dique

Sacras exúvias, sed revolán-
tibus

Ipsísmet jáculis in temerá-
rios,

Coelum crímina vándicat.

Auctóres scéleris vúlnerē
plúrimo

Percússi, próprii flúmine sán-
guinis

Immérsi, péreunt et mánibus
suis

Debent fúnera própria.

Oblítus vétēris críminis,
Inclyte,

Plebi exténde manum, gráta-
que Póntifex

Offer vota Deo, nostra piácula
Sacro ut sáanguine díluat.

Nobis, summa Trias, parce
precántibus,

Da servi méritis sídera scán-
dere,

Ut tandem líceat nos tibi pér-
petim

Gratum prómere cánticum.
Amen.

ÿ. Gloriósus appáruit in
conspéctu Dómini. R. Pro-
ptérea decórem índuit eum
Dóminus.

Ad Magnificat, Añna. O fidé-
lem Sacerdótem, qui dum se
pro suis offerébat hóstiam,
et suum Sanguini Christi sán-
guinem miscébat, Christum
imitátus pro percussóribus
Deum exorábat, ipsósque
tamquam filios diligébat, a
quibus mortem ipse patiebá-
tur, allelúia.

Oratio.

DEUS, qui transláto ad ci-
vitátem Tornacénsem
beáti Eleuthérii Patris nostri
córpo, Ecclésiæ nostræ in-
æstimábilem thesáurum pro-

vidisti; concède propitius, ut collátis in nos misericórdiæ tuæ divítiis, ad summa tandem æternæ beatitúdinis bona transferámur. Per Dóminum.

Comm. Octavæ Nativ. B. M. V. ut in j. Vesperis.

AD MATUTINUM.

Invitatorium. Christum Pastorem et Episcopum animarum nostrarum, qui Pontificem nobis dedit Eleutherium, Veníte, adorémus.

Psalm. Veníte, exultémus. 2.

Hymnus.

TURBA languentum gemit, hic jacéntes

Tíbias ægre trahit, hic treméntes

Cóntrahit nervos, álius solúta

Bráchia vibrat.

Mille morborum species, salútem

Nulla queis unquam medicína fecit,

Ossibus tactis fúgiunt, recépto

Róbore primo.

Obviam sacro lóculo catérva

Facta cæcorum, veneráta

plaustrum

Læta, sanátis óculis repénite,

Lúmine gaudet.

Cívitas sensit redúcem paréntem

Rebus afflíctis cito restitútis

Hinc et optátis, precibúsque nullis

Défuit unquam.

Sit decus Patri, parilique Proli,

Et tibi, virtus utriúsque compar

Spiritus, trinus Deus unus omni

Témporis ævo. Amen.

IN I. NOCTURNO.

Añã. Beátus vir qui mandáta secútus est Eleuthérii, et ex ejus cáthedra veritátem accépit, ut pestiléntes fúgeret erróres.

Psalmi de Communi Conf. Pont. [47]

Añã. Quod verbo dócuit firmávit exémplo, et utrúmque secúta sunt mirácula.

Añã. Cæci vident, claudi ámbulant, leprósi mundántur, mórtui resúrgunt. Christi servum, per quem hæc facta sunt, honorémus.

✠. Amávit eum Dóminus et ornávit eum. ✠. Stolum glóriæ índuit eum.

De libro Ecclesiástici.

Lectio j. Cap. 50.

ECCE sacérdos magnus, qui in vita sua suffúlsit domum, et in diébus suis corroborávit templum. Templi étiam altitúdo ab ipso fundáta est, duplex ædificátio et excélsi parfetes templi. In diébus ipsíus emanavérunt pútei aquárum, et quasi mare adimpléti sunt supra modum. Qui curávit gentem suam, et liberávit eam a perditíone. Qui præváluit amplificáre civitátem, qui adéptus est glóriam in conversatióne gentis: et ingrèssum domus et átrii amplificávit.

✠. Medárdus púero Eleuthério prædíxit quod foret cívium suórum pater, et párvulum Christus ad se veníre jussit. ✠. Per quem tandem nobis innótuit. ✠. Fidélis servus et prudens quem constítuit Dóminus super famíliam suam. Per.

I.

Lectio ij.

QUASI stella matutina in medio nébulæ, et quasi luna plena in diébus suis lucet. Et quasi sol refúlgens, sic ille effúlsit in templo Dei. Quasi arcus refúlgens inter nébulas glóriæ, et quasi flos rosárum in diébus vernis, et quasi lília quæ sunt in tránsitu aquæ, et quasi thus rédolens in diébus æstátis. Quasi ignis effúlgens, et thus ardens in igne. Quasi vas auri sólídum, ornátum omni lápide pretiósó. Quasi olíva púlulans, et cypréssus in altitúdinem se extóllens, in accipiéndó ipsum stólam glóriæ, et vestíri eum in consummationém virtútis.

R. Gentes Eleuthérius docébat, mores eárum ad Evangelíi normam instruébat : Hærétricos hómines confundébat. V. Potens fuit ópere et sermóne. Hærétricos.

Lectio iij.

IN ascénsu altáris sancti, glóriam dedit sanctitátis amíctum. In accipiéndó autem partes de manu sacerdótum, et ipse stans juxta aram. Et circa illum coróna fratrum : quasi plantatio cedri in monte Líbano, sic circa illum steterunt quasi rami palmæ, et omnes filii Aaron in glória sua. Oblátio autem Dómini in máribus ipsórum, coram omni synagóga Israël : et consummatione fungens in ara, amplificáre oblationem excélsi regis, porréxit manum suam in libatione, et libávit de ságuine uvæ. Effúdit in fundaménto altáris odórem divínus excélso príncipi.

R. Pastor bonus qui ánimam suam ponébat pro óvibus suis : Et pro grege suo mori semper erat parátus. V. Quod infirmum fuit consolidávit, quod ægrótum sanávit, quod confráctum alligávit, quod abjectum redúxit, quod perferat quæsívit. Et. Glória Patri. Et.

IN II. NOCTURNO.

Añá. In Eleuthério líberi facti sunt a dæmonis servitúte cives nostri.

Añá. Fidélis servus et prudens, qui Christi Divinitatem ab hæresum erróribus vindicávit.

Añá. Errántes oves Pastor redúxit ut fieret unum ovile et unus pastor.

V. Elégit eum Dóminus sacerdotem sibi. R. Ad sacrificándum ei hóstiam laudis.

Lectio iv.

ELEUTHERIUS, a fine sæculi noni, quo corpus ejus e túmulo ab Heydilóne Epíscopo Tornacénsi fúerat elevátum Blandínii, ibídem conflúentibus catervátim fidélibus, invocabátur, quum anno millésimo sexagésimo quarto, Balduíno Epíscopo, Clero et pópulo Tornacénsi visum est sacrum pignus ad Basílicam Cathedrālem, tamquam ad locum digniorem et tutiorem, esse transferéndum. Octávo igitur Kaléndas Septembris dicti anni, Epíscopus, præeúnte Clero univérso, et sequéntibus ómnium Ordinum viris ac muliéribus, processit Blandínium : unde sanctas Relíquias, cívibus eas húmeris suis gestántibus, so-

lémni pompa tránstulit in Basílicam sanctæ Maríæ. Tráditur autem quod Blandiniénsibus, cæterisque vicinórum vicórum incolis, ægre feréntibus sibi tantum ábripi thesáurum, cum ex iis quidam duræ cervícis gérulos sancti féretri ágmine facto adorfrí, et sagittárum imbre ausi fuissent impétere, resiliéntibus jáculis ímpetu magno in auctóres scéleris, quidam insectántium vulneráti, quidam cæcitáte percússi, multi relícti sunt in via semiánimes.

R. Undecim míllia hóminum baptísimo tinxit Eleuthérius: Regnum coelórum implévit ruinásque angelórum reparávit. Ite, docéte omnes gentes, baptizántes eos in nomine Patris, et Fílli, et Spíritus Sancti. Regnum.

Lectio v.

OCCURRENTES vícenti quinque paralytici sanctis Relíquiis, ad eárum contáctum sanáti sunt; et in diébus illis septem quoque cæci visum recepérunt. Quam vero grata Dómino fúerit ea Translatió, crebra quæ per ejus intercessiónem Deus ibi mirácula operátur, jugis quoque qua tuétur defendítque Ecclésiám opitulátur, pridem docuérunt et in dies testántur ac docent: Deo ita ordinánte, ut qui, persecutióne grassánte Blandínii latens gregis sui curam gésserat, eáque deínde sedáta, palam Tornáci verbo et exémplo præfúerat, Blandínii primo laténtem et humiliórem sepultúram habéret, ac pós-

modum Tornáci conspícuo atque eminentióre loco quiesceret. Translatiónis autem hujus Festívitatis per dies octo consequéntes ágitur. Centum vero et octogínta tribus post annis, die Domínica, octávo Kaléndas Septémbris Pontificátus Innocéntii Quarti Papæ anno quinto, regnánte christianíssimo Francórum rege sancto Ludovíco, áltera Translatió facta est, quum Odo, Epíscopus Tusculánu, et Apostólicæ Sedis Legátus, lóculum beáti Eleuthérii apéruit, et invéntum est corpus, et caput avúlsum a córpore. Tumque translátum est sacrum pignus de vétéri féretro in novum, præséntibus Wáltero Tornacénsium, et Guiárdo Cameracénsium Epíscopis, Decáno, Archidiáconis et plúribus áliis Canónicis, multis Abbátibus, magnáque Cleri et pópuli multitudíne; allátis quoque ex diversis conventuálibus Ecclésiis, ob reveréntiam sancti Eleuthérii, plúribus Sanctórum corpóribus ad tantæ Festívitátis celebritátem.

R. Ætérni Verbi Divinitátis assértor, qui hostes devícit, Gloriámque Christo Tornáci restítuit. Omnis qui solvit Jesum, ex Deo non est; ideóque ipsum Deum prædicávit. Gloriámque.

Lectio vj.

QUOD féretrum ópere atque antiquitaté valde pretiósus, sed sanctíssimo quod cóntinet depósito longe pretiósus, dum in Gállia et Bélgio, exeúnte sæculo décimo octávo, templa Dómini

omniaque pietatis monuménta devastaréntur, impiórum furóri ab áliquot viris, Fide ac Religióne commendabílibus, non sine magno vitæ perículo substractum, in loco secréto religiósè servátum est. Post autem cultus públici restitutiónem, Franciscus Joséphus, Episcopus Tornacénsis, instauráta jam Ecclésia Cathedráli, novóque Altári Majóri consecráto, indícta per civitátem solénni supplicatióne, ad locum ubi sacrae Patróni Relíquiæ per septem fere annos absconditæ remanserant, cum toto Clero et copiósa pópuli multitúdine processit. Sacrum féretrum intáctum recognóscens, illud augústa cum pompa et ingénti ómnium gáudio, Basílicæ suæ réddidit, nudipésque invéxit, die décima quarta Septémbris anni millésimi octingentésimi quarti.

R). Tribúni filiam a dæmone vexátam liberávit mortuámque suscitávit, ut ad baptísmi grátiam pervéniret. Ut univérsi glorificárent Deum vitæ necisque Dóminum. ✠ O bonus Pastor, qui misericórdia motus, suis étiam ingrátis opem impendébat! O vere Ecclésiæ princeps qui dæmónibus imperábat! Ut. Glória Patri. Ut.

IN III. NOCTURNO.

Añna. Moriámur mundo, moriéntis Eleutherii confessoris martyrio vivificáti.

Añna. Elevémus ad Deum corda nostra, dum mirábilem recogitámus Eleutherii cörporis elevatióem.

Añna. A vítiis ad virtútem transferámur, transláti ad nos Eleutherii précibus et intercessiönibus confirmáti.

✠. Tu es sacérdos in ætérnum. R). Secúndum órđinem Melchisedech.

Lectio sancti Evangélíi secúndum Matthæum.

Lectio vij. Cap. 25.

IN illo témpore : Dixit Jesus discíplulis suis parabolam hanc : Homo péregre proficiscens, vocávit servos suos, et trádidit illis bona sua. Et réliqua.

Homilía sancti Hierónymi Presbyteri.

Lib. 4. Comment. in Matth. ad cap. 25.

HOMO iste Paterfamilias haud dúbium quin Christus sit, qui ad Patrem post Resurrectiönem victor ascéndens, vocátis Apóstolis doctrínam Evangélicam trádidit, non pro largitáte et parcitáte álteri plus et álteri minus tribuens, sed pro accipiéntium víribus : quómodo et Apóstolus eos qui sólídum cibum cápere non póterant, lacte potásse se dicit. Dénique et illum qui de quinque taléntis decem fécerat, et qui de duóbus quátuor, símili recépít gáudio, non consíderans lucri magnitúdinem, sed stúdií voluntátem.

R). Cruénto vúlnerè cápiti ab Acéphalis inflicto, martyrii palmam obtínuít : sed suo martyrio supérstes, Animam suam obtulit et post quinque hebdómadas pósuit. ✠. Testaméntum suum confirmávit Deus super caput ejus. Animam.

Lectio viij.

Post multum vero témporis venit Dóminus servórum illórum et pósuit ratiónem cum eis. Grande témpus est inter Ascensiónem Salvatóris et secúndum ejus advéntum. Si autem Apóstoli redditóri sunt ratiónem, quid nos opórtet fácere? Ait illi Dóminus ejus : Euge serve bone, et fidélis, quia super pauca fuísti fidélis. Utríque servo, ut ante jam dixi, et qui de quinque taléntis jam decem fécerat, et qui de duóbus quátuor, idem Patrístamílias sermo blandítur. Et notándum quod ómnia quæ in præsentí habémus, licet magna videántur, et plúrima, tamen comparatióne futurórum parva et pauca sunt: Intra, inquit, in gáudium Dómini tui, et súscipe, quæ nec óculus vidit nec auris audívit, nec in cor hóminis ascenderunt. Quid autem potest majus dari fidéli servo, quam esse cum Dómino et vidére gáudium Dómini sui?

R. Gáudeat Ecclésia tanti Præsulis spóliis ditáta. Elevátus curávit infirmos, suscitávit mórtuos. Translátus ad nos secúros reddit unívessos. **V.** Asportáte ossa mea vobíscum de loco isto. Elevátus. Glória Patri. Translátus.

Lectio ix.

PECUNIA ergo et argéntum prædicatio Evangélij est, et sermo Divínus, qui dari débuit nummuláriis et trapezítis, id est, vel cæteris Doctóribus, quod fecerunt et Apóstoli, per síngulas pro-

víncias Presbyteros et Episcopos ordinátes : vel cunctis credéntibus, qui possunt pecúniám duplicáre et cum usúris réddere, ut quidquid sermóne didicerant, ópere explérent. Tóllitur autem taléntum, et datur ei qui decem talénta fécerat : ut intelligámus, licet in utriúsque labóre æquále sit gáudium Dómini, hoc est, et ejus qui quinque in decem duplicáverat, et ejus qui duo in quátuor, tamen majus debéri præmium ei qui plus in Dómini pecúniá laborárit. Unde dicit et Apóstolus : Presbyteros honóra qui vere Presbyteri sunt : máxime qui labórant in verbo Dei.

Te Deum laudámus. 14.

AD LAUDES,

et per Horas.

Aññ. 1. Stetit juxta aram circa Eleuthérium coróna fratrum, quasi plantatio cedri in Líbano.

Ps. Dóminus regnávít, de Dominica. 15.

2. Exclamémus et audítam faciámus vocem magnam in memóriam Patris nostri coram Deo.

3. Deus noster fecit nobiscum secúndum suam misericórdiam per servum suum Eleuthérium.

4. Iterémus oratiónem nostram, voléntes osténdere virtútem, quam in nobis fecit per Eleuthérium Dóminus.

5. Doctrínám sapiéntiæ et disciplínæ scripsit Pater noster in córdibus nostris : beátus qui in istis versátur bonis.

Capitulum. *Eccl.* 5o.

Ecce sacerdos magnus qui
in vita sua suffulsit do-
mum, et in diebus suis corro-
boravit templum : templi
etiam altitudo ab ipso fun-
data est, duplex ædificatio et
excelsi parietes templi.

Hymnus.

Post diuturnos pietatis
annos,
Grata plebs rursus stúduit
paternum,
Editis votis, meliøre corpus
Cõdere cippo.
Wálterus templum subit in-
fulatus,
Nervios aris monet advolu-
tos
Ut procul sanctis ádytis re-
cedat

Turba profána.

Dum cibus cunctos jubet ab-
stinere,
Corde contritos cineri incu-
bare,
Ipse dein Cœlum precibus
fatigans
Numen adorat.
Lux adest Roma reserare
missus
Oddo qua sacrum státuit se-
púlchrum :
Prisca de effóssis redivíva
virtus

Ossibus exit.

Sentit ex imis pópulus me-
dúllis
Férvido accénsos ánimos
amóre :
Quin petræ templi sáliunt, ut
ipsas
Vivere credas.

O Pater, nostros rélevans la-
bóres,
Perge Tornácum régere aus-
picato,

Ut tuos plenis miserátus ul-
nis

Excipe natos.

Sit decus Patri, genitæque
Proli,

Et tibi compar utriúsque vir-
tus

Spíritus, semper Deus unus
omni

Témporis ævo. Amen.

✧ Pósuí adjutórium super
poténtem. R. Et exaltávi elé-
ctum de plebe mea.

Ad Benedictus, Añã. Mi-
rábilis Deus in sanctis suis,
servum suum Eleuthérium
latebras quærentem et humi-
liári cupientem miraculis il-
lústrat, et tamquam Apósto-
lum célebrem reddit, allelúia.

Oratio.

DEUS, qui translátio ad ci-
vitátem Tornacensem
beáti Eleutherii Patris nostri
corpore, Ecclesiæ nostræ in-
æstimáblem thesáurum pro-
vidísti ; concède propítius, ut
collátis in nos misericórdiæ
tuæ divítiis, ad summa tan-
dem æternæ beatitúdinis bo-
na transferámur. Per Dómi-
num.

Et fit comm. Oct. Nativ.
B. M. V.

AD TERTIAM.

Ana. Exclamémus.

Capitulum. Ecce sacerdos,
ut supra.

R. br. Amávit eum Dómi-
nus, et ornávit eum.* Alle-
lúia, allelúia. Amávit. ✧. Sto-
lam glóriæ induit eum. Al-
lelúia, allelúia. Glória Patri.
Amávit.

✧. Elégit eum Dóminus sa-
cerdotem sibi, allelúia. R. Ad
sacrificándum ei hóstiám lau-
dis, allelúia.

AD SEXTAM.

Añā. Deus noster.

Capitulum. *Eccli.* 50.

QUASI stella matutina in medio nēbulæ, et quasi luna plena in diēbus suis lu-
cet. Et quasi sol refūlgens,
sic ille effūlsit in templo
Dei.

Rj. br. Elégit eum Dómi-
nus sacerdotē sibi. Alle-
lúia, allelúia. Elégit. ⁊. Ad
sacrificāndum ei hóstiam lau-
dis. Allelúia, allelúia. Glória
Patri. Elégit.

⁊. Tu es sacérdos in ætér-
num, allelúia. Rj. Secūndum
órdinem Melchisedech, alle-
lúia.

AD NONAM.

Añā. Doctrinam.

Capitulum. *Eccli.* 50.

QUANUS suas extulit in om-
nem congregatióem
filiórum Israël dare glóriam
Deo a lábiis suis et in nómi-
ne ipsíus gloriári.

Rj. br. Tu es sacérdos in æ-
térnum. Allelúia, allelúia.
Tu. ⁊. Secūndum órđinem
Melchisedech. Allelúia, alle-
lúia. Glória Patri. Tu.

⁊. Justum dedúxit Dóminus
per vias rectas, allelúia. Rj.
Et osténdit illi regnum Dei,
allelúia.

IN II. VESPERIS.

Omnia ut in primis : et lo-
co ultimi Ps. Meménto Dó-
mine David. 118.

Ad Magnificat, Añā. Dúpli-
ci ædificatióne sacérdos E-
leuthérius nostram eréxit Ec-
clésiā ; ejus méritis et tem-
pli surrēxit altitúdo, et nostræ
ad Christum evéctæ sunt áni-
mæ : dúplici étiam laude ip-

sus memóriam recolámus,
allelúia.

Comm. Oct. Nativ. B. M.
V. et sequentis tantum.

DIE XVII. SEPTEMBRIS.

In Diœcesi Leodiensi.

S. Lamberti Episc. et Mart.,
Patroni Diœcesis.
Duplex j. classis.

IN I. VESPERIS.

Añæ et Capitulum de Lau-
dibus.

Psalmi de Dñica, 109. et
loco ultimi, Psalm. Laudáte
Dóminum, omnes gentes. 113.
Hymnus.

HYMNUM cantémus grátiae
Christo, qui rex est gló-
riæ,

Et Mártiris victóriam
Ducámus ad memóriam.

Adsunt sacra solémnia
Quibus docet Ecclesiā,
Qua sit virtúte præditus
Lambértus Martyr ínclytus.

Invíctus in certámine
Athléta Christi nómine
Fidem sincéram ténuít,
Et charitáte mícuit.

Dum minístros nequítiae,
Nec parcens aulæ régiae,
Salúbriter redárguit,
Christi Martyr occúbuit.

Sic pro gregis regímine
Suo perfúsus sánguine,
Triúmphans cum lætítia
Pergit ad lucis átria.

Hoc præstet summa Déitas,
In unitáte Trínitas,
Ut nos Lambérti méritis
Coeli fruámur gaudiis.

Amen.

⁊. Glória et honóre coro-
násti eum, Dómine. Rj. Et
constituísti eum super ópera
mánuum tuárum.

Ad Magnificat, Añā. Lætare, et lauda Deum, Légia, de Patróni tui Lambérti præsentia, cujus ságuine consecrári, cujus corpore ditári meruísti. O amátor castitátis! O defénsor veritátis! Christi Martyr et sacérdos Lambérte, pro nobis apud Deum intercede.

Oratio.

INTERCESSIO, quæsumus Dómine, beáti Lambérti, Mártiris tui atque Pontíficis, tuam nobis non désinat placáre justítiam, et nostrum tibi devótum efficere famulátum. Per Dóminum.

AD MATUTINUM.

Invitatorium. Deum unum et Trinum qui beátum hódie coronávit Lambértum, Veníte, adorémus.

Ps Veníte, exultémus. 2.

Hymnus Hymnum cantémus ut in j. Vesperis.

IN I. NOCTURNO.

Añā. Lambértus in puerítia formósus et nóbilis, electus in gente et progénie sua.

Psalmi trium Nocturnorum de Comm. unius Mart. [20]

Añā. Spíritus sapiéntiæ, et humilitátis grátia in ejus vultu resplendébat.

Añā. Pontificáli Officio suscepto, timóre Dómini replétus, ópera bona quotidie multiplicábat.

ŷ. Glória et honóre coronásti eum, Dómine. R. Et constituísti eum super ópera mánuum tuárum.

Lectiones, A Miléto, de Comm. unius Mart. [21]

R. j. Gloriósus Martyr Lambértus et ætérno Regi sacérdos dilectíssimus, Insígni ex prosápia Trajecténsi vico éxstitit oriúndus. ŷ. Puer quidem strénuus nitebátur totis víribus fieri vir perfectus. Insígni.

R. ij. Sanctus Lambértus parvipendébat præsentia, véluti devóverat a puerítia.

Æstimans pro níhilo ómnia præter id quod erat ætérnæ salútis grátia. ŷ. Coeléstibus ánimo inhærens, sese in holocáustum Dómino mactábat, Æstimans.

R. iij. Sanctum Dómine Lambértum ditátum honóribus sanctimóniæ, coetus fidélium páriter congregátus Episcopum sibi fieri acclamávit. ŷ. Regális étiam cel sitúdo ac prócerum multitúdo. Episcopum. Glória Patri. Episcopum.

IN II. NOCTURNO.

Añā. Angélicam conversatiónem duxit in labóribus, in jejúniis, in vigíliis, in oratiónibus, in charitáte.

Añā. Cum auctoritáte géntibus prædicábat, apostólicam normam in doctrína divína servans.

Añā. In Christi charitáte secúrus, Evangélii luce errántium corda replébat et ad viam veritátis adducébat.

ŷ. Posuísti, Dómine, super caput ejus. R. Corónam de lápide pretióso.

Lectio iv.

LAMBERTUS, illústri prosápia Trajecti ad Mosam oriúndus, a púero sacris lítteris per prudentíssimos

magistros imbútus fuit. Ætate matúrior, sancto Theodárido, Epíscopo Tungrénsi, ut divínis dogmátibus plénius erudirétur, a patre commendátus est, tantámque grátiam in conspéctu Pontíficis inveníre méruit, ut quasi fílium, et quoad sibi licéret, successorém Lambértum designáret. Post cujus necem, Francórum Rege Childeríco probánte, uno pópuli consílio in Tungrénsi episcopátu successit, cum ómnium ánimos charitate, castitate, sapiéntia, ac rerum divinárum stúdio sibi conciliáset.

R. Almífluus Præsul Dómini Lambértus, sortítus culmen sacerdotií perpétui, stúduit pietátis augére ópera, Qui pontificáli auctus erat ínfula.
V. Mactábat omni die holocaustum Dómino, non ex pécóre aliéno, sed ex córpore próprio. Qui.

Lectio v.

AHLDERICO, apud quem summo in honóre fuit, interfécto, Lambértus invídorum et politicórum conspiratióne de sede episcopáli, sub annum sexcentésimum septuagésimum quartum dejectus, septénio in monasterio Stabulénsi exulávit. Quo elápsa, própriæ sedi per Pipínus Ansegísi fílium, Austrásiæ Príncipem, magno cum honóre restitúitur. Inde laxátam exílii témpore ecclesiásticam disciplínam reformávit; et martyrii cúpidus ad Taxándros, seu Campínæ íncolas, Brabántos aliósque iis finítimos pópulos, adhuc paganísimi erroribus édúctos, digrés-

sus, eos jugi prædicatióne et admirábili patiéntia ad Christum convértit, vere horum Apóstolus. Omnibus deínde boni pastóris pártibus egrégie perfúctus est. Verbis pondus addébant exémpia virtútum, liberalitátis præsertim erga páuperes, præcláræ quoque modéstie in véstium domúsque apparátu, quem nihil a vulgári distáre voluit. Sanctus in omni conversatióne, plures genere illústres, posteaque sanctos, atque in his Landrádam Vírginem, Odam, ducis Aquitániæ víduam, et Hubértum, sibi in episcopátu successorém, ad sæculi contéptum indúxit.

R. Lambértus Christi athléta cleménter ferens cuncta, Præsulátus liquit sceptrum, commendans curam óvium ei qui lavit baptísmate, ac redémit ságuine. **V.** Cumque discéderet vir mitíssimus, omnis eum pópulus lamentabátur. Præsulátus.

Lectio vj

AUM Lambértus zelo religiónis ductus regni primátes increpáret, et in eórum flagítia inveherétur, ínno-cens ipse a nocéntibus apud oratórium sanctórum Mátyrum Cosmæ et Damiáni, in vico Leódio, ubi Pontificátus sui ínítio sanctum Theodárdum, decessórem suum, sepelíerat, expánsis in modum crucis bráchiis orans, hasta transverberátus, aulam regni coeléstis perpétuo victúrus intrávit décimo quinto Kaléndas Octóbris, sub Rege Francórum Childebérto, hujus nóminis tértio, Pipíno su-

pradicto Austrásiæ regnum moderante. Sancti Mátyris corpus patrno sepúlchro in ecclésiám sancti Petri Mosæ Trajéctovicínam illátum fuit. Cum autem oratórium Leodiénsē frequéntibus a Deo miraculis illustrarétur, inde décimo tértio post anno incorruptum, divíno mónitu, a sancto Hubérto ejus successorē redúctum fuit ad locum martyrii, in quo Patróno suo Leodiénses póstea celeberrimam dedicavérunt Ecclésiám Cathedrálē, ad finem sæculi décimi octávi impiórum má nibus solo æquatam, sacræ exúviæ e pátria ob rerum perturbationem abdúctæ, ac tandem Hambúrgo, ubi per novem et ámplius annos latitábant, Leódium réduces, piíssimo cum fidélium plausu, Kaléndis Januárii, anno milésimo octingentésimo quarto, in hodiérnam Ecclésiám Cathedrálē, quondam Collegiátam sancti Pauli, translátæ, ínibi públicæ veneratióni expósitæ quiéscunt. Leodiénsis et plúrium aliárum per Germániam et alias províncias Ecclesiárum Patróni título gaudet sanctus Lambértus. Ejus cápitis pars Romam translátæ, et in Basílica Príncipis Apostolorum collocáta religiósē servátur.

℞. Sacérdos Dei mitíssimus ardébat plane intérius flamma Parácliti Spíritus ; Idcirco extérius frígoris contémpsit cruciátus. ☿. Cœlum ejus páuit précibus, et orátio ad supérnos pervénit auditus. Idcirco. Glória Patri. Idcirco.

IN III. NOCTURNO.

Añā. Cursum consúm-mans, corónam justítiæ expectábat : ante óculos ejus semper dies última versabátur.

Añā. Bráchia sua in similitúdinem crucis exténdens, et oratióem cum lácrymis fundens, corpus suum ad terram prosternébat.

Añā. Felíci cruóre membris perfúsus, beátum réddidit spíritum, ad cujus famulátum Angeli præstant obséquium.

☿. Magna est glória ejus in salutári tuo. ℞. Glóriam et magnum decórem impónes super eum.

Lectio sancti Evangélii secundum Joánnem.

Lectio vij. Cap. 10. b.

IN illo témpore : Dixit Jesus Pharisæis : Ego sum Pastor bonus. Bonus pastor ánimam suam dat pro óvibus suis. Et réliqua.

Homília sancti Joánnis

Chrysóstomi.

Hom. 59. in Joannem.

MAGNUM quiddam, dilectíssimi, magnum, inquam, est Ecclésiæ prælatio, et quæ multa índiget sapiéntia et fortitúidine, qualem Christus propósuit : ut ánimam pro óvibus ponámus, et nunquam illas deserámus ; ut lupo generósē resistámus. Hæc enim inter pastórem et mercenárium est differéntia : alter próprie, contémpis óvibus ; alter, sua contémpta, óvium semper salutí invígilat. Pastóris ergo exémplo demonstráto, deceptóres duos méminit, furem mactántem

et rapiéntem oves ; et mercenárium permitténtem, neque defendéntem commissas.

R. Iste miles eméritus, vir præ máxima tribulatióne purgátus, óvium suárum vóci bus attóllitur. Et in Cáthedra pontificáli decénter relocátur. V. In corde illíus sincéritas et legis plenitúdo, in ore ipsíus véritas erat et pulchritúdo. Et.

Lectio viij.

Quo superiorí témpore Ezéchiél his verbis insectátus est : Væ pastóribus Israel : nonne pascébant semetipsos ? nonne greges pascúntur a pastóribus ? Sed illi contrárium faciébant ; quod máximæ malítiæ genus est, et plurimórum causa malórum. Idcirco inquit : Neque quod abjectum erat, reducébant : neque quod perierat, quærebant : neque confráctum alligábant, neque infirmum consolidábant : quóniam se, non gregem, pascébant. Idem et Paulus áliis verbis significat : Omnes quæ sua sunt, quærunt, non quæ Jesu Christi.

V. Pretiósus Dómini sacerdos Lambértus frúitur gaudens et exúltans societáte Apostolórum, glorificatióne Prophetárum, confessi óne Mártýrum, cohæreditáte Confessorum, integritáte Vírginum : Obtínétque palmam perénis glóriæ et stolam jucunditátis æternæ. V. Exánimes artus nec liquit cœlica virtus : monstrávit pópulis quantæ fúerit bonitátis. Obtínétque. Glória Patri. Obtínétque.

Si fuerit Feria Quatuor Temporum, Lectio ix. dicitur de Homilia Feriæ, cum com. ejus in Laudibus tantum. Alias ut sequitur.

Lectio ix.

VERUM ab utróque se dissideére osténdit Christus : ab illis quidem, qui in aliórum perníciam véniunt, cum dicat, se propterea vénisse, ut vitam habérent, et abundantius habérent : ab his autem, qui oves a lupis rapi negligébant, dicéndo se propter eas ánimam pónere, ne oves perírent. Nam cum Judæi ipsum interímere vélent, non propterea déstitit a doctrína, neque credéntes trádidit, sed pérstitit et pér tulit mortem : ideo frequénter inquit : Ego sum pastor bonus. Quæ cum nullo niti testimonio videréntur (quod enim póneret ánimam suam, non multo post re monstrátum est : quod autem vitam habérent, et abundantius habérent, eventúrum erat in futuro sæculo), álterum ab áltero confirmat.

Te Deum laudámus. 14.

AD LAUDES,

et per Horas.

Añ. 1. Erat vere dignus beátus Lambértus, rectam habens conversatió nem cum omnibus, allelúia.

Ps. Dóminus regnávit, cum reliquis de Dominica. 15.

2. Consílium et opus suum semper ad Deum convertébat : cor ejus et pedes dirécti erant ad evangelizándam pacem.

3. Lambértus Christi Mar-

tyr, coronátus triúmphat, victóriæ palmam tenens : Abrahamæ sinu recéptus, exúltat cum Christo in coeléstibus regnis, alleluia.

4. Magnum triúmphum méruit in sæcula Lambértus, qui fulget in virtútibus.

5. Laudémus Dóminum in beáti Antístitis Lambérti méritis gloriósis: ad sepúlchrum ejus ægri véniunt et sanántur.

Capitulum. 1. *Mach.* 2.

VIR iste in tentatióne invéntus est fidélis. In témpore angústiae suæ custodívit mandátum. Accépit testaméntum sacerdotií æterni. Consecútus est sedem regni in sæcula.

Hymnus.

NOVUM melos decantémus In Lambérti nómine,
Votum mentis ordinémus Cum vocáli cármine,
Ut condigne resonémus Coelítum melódiæ.

Post decéssum Confessóris,
Sub anno tredécimo,
Ipsi dare vas honóris
Plácuit Altíssimo,
Et levári ossa foris
Cum decóre máximo.

Aperítur monuméntum
Gloriósi córporis,
Nullum passi detriméntum
Vetustáte témporis,
Sed illæsum est invéntum
Os cum membris cæteris.

Plebs fidélis jucundétur
Hódie Leódií :
Sacrum festum venerétur
Mártiris exímii,
Ut et nobis suffragétur
Ope patrocinií.

O Lambérte, consecrátam
Terram a te prímítus,

Sanguinéque dedicátam,
Serva tuis précibus,
Atque gregem congregátum

Hic in tuis láudibus.

Amen.

℣. Justus ut palma florébit.

℞. Sicut cedrus Líbani multiplicábitur.

Ad Benedictus, Añá. Sacérdos et Póntifex, et virtútum ópifex, pastor bone in pópulo, Lambérte Martyr, ora pro nobis Dóminum : tu serves clerum et plebem, tuóque sacrátum ságuine deféndas semper ab hoste locum.

Oratio.

INTERCESSIO, quæsumus Dómine, beáti Lambérti, Mártiris tui atque Pontíficis, tuam nobis non désinat placáre justítiam, et nostrum tibi devótum effícere famulátum. Per Dóminum.

AD TERTIAM.

Añá. Consílium et opus.

Capitulum. Vir iste, ut supra.

℞. br. Glória et honóre • Coronásti eum, Dómine. Glória et. ℣. Et constituísti eum super ópera mánuum tuárum. Coronásti. Glória Patri. Glória et.

℣. Posuísti, Dómine, super caput ejus. ℞. Corónam de lápide pretióso.

AD SEXTAM.

Añá. Lambértus Christi Martyr.

Capitulum. *Eccli.* 24.

IN ecclésiis Altíssimi apériet os suum, et in conspéctu virtútis illius gloriábitur, et in médio pópuli sui exaltábitur, et in plenitúdine

sancta admirábitur, et in multitudine electórum habébit laudem, et inter benedíctos benedicétur.

R. br. Posuísti, Dómine, Super caput ejus. Posuísti. V. Corónam de lápide pretióso. Super. Glória Patri. Posuísti.

V. Magna est glória ejus in salutári tuo. R. Glóriam et magnum decórem impónes super eum.

AD NONAM.

Añã. Laudémus Dóminum.

Capitulum. Sap. 10.

Justum Dóminus a pereúntibus ímpiis liberávit, et edúxit illum a delícto suo. Et dedit illi virtútem continéndi ómnia, et conservávit sine queréla, et in filii misericórdia fortem custodívit.

R. br. Magna est glória ejus. In salutári tuo. Magna est. V. Glóriam et magnum decórem impónes super eum. In. Glória Patri. Magna.

V. Justus ut palma florébit. R. Sicut cedrus Líbani multiplicábitur.

IN II. VESPERIS.

Omnia ut in j. Vesperis. Psalmi de Dñica, 109. et loco ultimi, Ps. Crédidi. 113.

V. Justus ut palma.

Et fit com. sequentis, Añã propria.

DIE XXIX. SEPTEMBRIS.

Bruxellis.

In Dedicatione S. Michaelis, Archangeli, Patroni Civitatis.

Duplex. j. classis.

Omnia ut in Breviario, eadem die. 793.

DIE I. OCTOBRIS.

In Diœcesi Tornacensi.

S. Piati, Presb. et Mart. Diœcesis Tornacen. Apost. et Patroni.

Duplex j. classis.

IN I. VESPERIS.

Omnia de Comm. unius Mart. [19] præter sequentia.

Capitulum. Ephes. 4.

OBSECO vos in Dómino, ut digne ambulétis vocatióne, qua vocáti estis, cum omni humilitáte, et mansuetúdine, cum patiéntia, supportántes ínvicem in charitáte, sollíciti serváre unitátem spíritus in vínculo pacis.

Hymnus.

Ad nos Piátum Christíadum Pater Cunctas per orbem júribus íntegris

Gentes gubérnans, Benevén-to

Mittit, amans, miseránsque Belgas.

Quem magna magnis orta paréntibus

Effúdit orbi mater; at áltior Virtúte calcat non retórtus Clara domus generísque signa.

Sic blandiéntes divítias spuit,

Est arca egéno dextra páuperis,

Unóque panno penulátus Ad ségetem venit expeditus.

Justis ovándo Gállia gáudiis

Excépit illum cum Dionysio,

Lucróque ditátus cupíto Innúmeros péperit renátos.

Laus Trinitáti sacra per-
énniter :

Divísa non sit glória Númi-
nis ;

Nato, Paracléto, Patríque,
Una tribus tribuátur uni.

Amen.

†. Glória et honóre coro-
násti eum, Dómine. R. Et
constituísti eum super ópera
mánuum tuárum.

Ad Magnificat. Añ. Tor-
nácum a Christi Vicário mis-
sus sacérdos Piátus, trigínta
virórum míllia, mulierúm-
que ac puerórum multítudi-
nem innúmeram dócuit, et
baptizávit, in nómine Patris
et Fílii et Spíritus Sancti,
allelúia.

Oratio.

OMNIPOTENS et miséricors
Deus, qui hujus diéi sa-
cram venerandámque lætí-
tiam nobis in beáti Piáti
Mártyris tui passióne fecísti :
præsta, quæsumus, ut quos
ejus prædicatióne ad lumen
veritátis vocáre dignátus es,
eósdem tríbuas ipsíus sem-
per protectiόne deféndi. Per
Dóminum.

AD MATUTINUM.

Invitat. Christum Regem
Mártyrum, qui patiéntem
hódie firmávit Piátum, *Ve-
níte, adorémus.

Psalm. Veníte, exultémus. 2.

Hymnus.

ARDET furéntis præsidis
ímpia
Contra Piátum Núminis hó-
stiam

Vindícta ; sævit, carcerí-
que

Máncipat ac ténebris relín-
quit.

Sed lux seréna splendíor
die

Antri fugátis nóctibus ábstu-
lit

Horrórem, et immánem ne-
fándi

Barbáriem répulit tyránni.

Placáta non est últio præ-
sidis.

Rursus prehénsus, cómpe-
de, vínculis

Affligit, et nervo ungu láque
Vérberat et lácerat Piátum.

Laus Trinitáti sacra pe-
rénniter :

Divísa nonsit glória Núminis:
Nato, Paracléto, Patríque,

Una tribus tribuátur uni.
Amen.

IN I. NOCTURNO.

De Epístola beáti Pauli Apó-
stoli ad Ephésios.

Lectio j. Cap. 4.

OBSECO vos in Dómino,
ut digne ambulétis vo-
catiόne, qua vocáti estis, cum
omni humilitáte, et mansue-
túdine, cum patiéntia, sup-
portántes ínvicem in charitá-
te, solliciti serváre unitátem
spíritus in vínculo pacis.
Unum corpus, et unus spíri-
tus, sicut vocáti estis in una
spe vocatiόnis vestræ. Unus
Dóminus, una fides, unum
baptísma. Unus Deus et Pa-
ter ómnium, qui est super
omnes, et per ómnia, et in
ómnibus nobis. Unicusque
autem nostrum data est grá-
tia secúndum mensúram do-
natiόnis Christi.

R. Piátus ad Tornacénses
missus, vere fuit Apóstolus,
qui única conténtus túnica.
† Expedíus cucúrrit ad
Christum. †. Quicúmque

Spíritu Dei agúntur, hi sunt filii Dei. Expedíus.

Lectio ij.

ET ipse dedit quosdam quidem Apóstolos, quosdam autem Prophétas, álios vero Evangélistas, álios autem pastóres et doctóres, ad consummationem sanctorum in opus ministérii, in ædificationem corporis Christi: donec occurrámus omnes in unitatem fidei, et agnitionis Fílii Dei, in virum perfectum, in mensuram ætatis plenitudinis Christi: ut jam non simus párvuli fluctuantes, et circumferámur omni vento doctrinæ in nequítia hominum, in astútia ad circumventionem erroris. Veritatem autem faciéntes in charitate, crescámus in illo per ómnia, qui est caput Christus.

R. Abiit in longínqua Piátus, nec ulla perícula aut infirmitas aspéritas, ulli morbi vel egéstas eum retardáruunt. Qui Apostólicum habébat ánimus. ✠. Quis eum separáset a charitate Christi? An tribulatio, an angústia, an fames, an nuditás, an periculum, an persecutio, an gládus? Qui.

Lectio iij.

Hoc igitur dico, et testificor in Dómino, ut jam non ambulétis, sicut gentes ámbulant in vanitate sensus sui, ténebris obscurátum habéntes intelléctum, alienáti a vita Dei, per ignorántiam quæ est in illis, propter cæcitatem cordis ipsórum, qui desperántes, semetipsos tradidérunt impudicítiæ, in ope-

rationem immundítiæ omnis, in avaritiam. Vos autem non ita didicístis Christum, si tamen illum audístis, et in ipso edócti estis, sicut est veritas in Jesu: depónere vos secundum pristinam conversationem veterem hominem, qui corrumpitur secundum desidéria erroris. Renovámini autem spíritu mentis vestræ, et induíte novum hominem, qui secundum Deum creátus est in justítia, et sanctitate veritátis.

R. Innúmeram hominum multitudinem ad Christum convertit Piátus, Et edóctas gentes sacro regenerávit lavacro. ✠. Qui ergo receperunt sermónes ejus, baptizáti sunt: et præter mulieres et púeros, appósita sunt virórum circiter triginta mília. Et. Glória Patri. Et.

IN II. NOCTURNO.

Lectio iv.

PIATUS, Benevénti claris paréntibus oriúndus, puer lítteris imbútus totum se Christo súbdidit. In adúlta ætate constitútus, contempsit mundi glóriam, et única eaque símplici veste sibi reserváta, cætera in páuperum usus erogávit. Romam, Deo disponénte, profectus, inde a Románo Pontífice cum beáto Dionysio et sóciis ejus directus est in Gállias ad prædicándam fidem Christi, ubi Tornáci primo, ac deínde in locis vicínis ministérium suum implévit.

R. Líbere Christum confessus est Piátus. Nec minántis Præsidis furórem tí-

mult. ⁊. Prædicavit Christum crucifixum Dei virtutem et Dei sapientiam. Nec.

Lectio v.

TRIGINTA virorum milia, ac præterea mulierum et parvulorum multitudinem pene innúmeram undis salutaribus abluit. Mansuetus erga omnes, durus erat in seipsum. Cum vero delatum fuisset præsidi tantam fidelium copiam Christo subditam fuisse per Piati prædicationem, jussit eum comprehendendi. Comprehensus, post carcerem, compedes, verbera, cæteraque superata tormenta, cæso capite Tornaci martyrium consummavit, Kalendis Octobris, in persecutione Maximiani.

R. Coniectus in vincula sanctus Piatus, non desistebat Christum prædicare : Volēbat enim omnes esse sicut seipsum, exceptis vinculis suis. ⁊. Gaudēbat quia dignus habitus fuerat pro nomine Jesu contumeliam pati, nec cessabat evangelizare Christum Jesum. Volēbat.

Lectio vj.

SEPULTUS est Seclini, quod est Flāndriæ municipium in territorio Medanentēsi, eo loco ubi nunc Ecclesia sub ejus invocatione constructa conspicitur : et dum sepulturæ mandarētur, odor gratissimus emanavit. Ibidem post trecētos quinquaginta circiter annos, beatus Eligius, Episcopus Tornacensis, grandi labore et instantia sanctum Martyris corpus invenit ; clavosque prolixos ex eodem ablatos in

argumentum monstravit : et sicut Martyrem decuit, illud eleganter composuit, ac mausoleum urbane desuper fabricavit. Hodiēdum in Ecclesia Secliniēsi multa cum veneratione asservantur sacre beati Piati reliquiae, nuperrime a reverendis Præsulibus Cameracēsi, Tornacēsi et Gandēsi, solēmniter recognitæ.

R. Tanto furōre concitatus est Præses, ut post omnia a Piato superata tormenta, securi tandem ei caput abstulerit. Et erat ei mori lucrum. ⁊. Desiderium habebat dissolvi et esse cum Christo. Et. Glória Patri. Et.

IN III. NOCTURNO.

Lectio sancti Evangelii secundum Joannem.

Lectio vij. Cap. 12.

IN illo tempore : Dixit Jesus discipulis suis : Amen, amen dico vobis, nisi granum frumenti cadens in terram, mortuum fuerit, ipsum solum manet. Et reliqua.

Homilia sancti Augustini Episcopi.

Ex libro 50 Hom. tom. 10.

Homil. 37.

QUO, fratres charissimi, cum Divina lectio legeretur, audivimus Dominum dicentem : Qui amat animam suam, perdet illam. Huic sententiæ quasi contrarium videtur esse quod ait Apostolus : Nemo unquam carnem suam odio habuit. Si ergo nemo est qui carnem suam oderit : quanto magis nemo est qui oderit animam suam !

Multum quippe ánima carni præpónitur, quia ipsa est habitátrix, caro habitáculum. Et ánima dominátur, caro autem servit. Anima supérrior est, caro subjécta est. Si ergo nemo unquam carnem suam ódio hábuit : quis est qui ánimam suam óderit ?

R. Dum féretro inclúsum est Piáti mártiris corpus et Seclínii sepúltum, suavíssimus inde odor emanávit, Quo adstántes recreáti, profúsis gáudiis omnes glorificavérunt Deum. ⁊. Trádidit semetípsum oblatiónem et hóstiám Deo in odórem suavitátis. Quo.

Lectio viij.

PROPTER hoc non parvam quæstióem nobis intulit præsens Evangélica lectio, ubi audívimus : Qui amat ánimam suam, perdet illam. Periculósum est hómini ánimam amáre ne perdat. Sed si proptérea periculósum est ut ames ánimam tuam ne péreat ánima tua, ideo non debes illam amáre, quia non vis illam perfré. Si autem non vis illam perfré, amas illam. Quid est hoc : si amo, perdo ? Ergo non amem, ne perdam. Sed quia timeo pérdere, ideo non amo, útique ego quod timeo.

R. Magno labóre conquistata et invénta ossa mártiris Piáti honorífico sepúlchro suis mánibus fabricáto cóndidit sanctus áurifex Elígius, Et ea pópuli veneráti sunt. ⁊. Exaltáta sunt ossa humiliáta, et unum ex eis non contrítum est. Et. Glória Patri. Et.

Lectio ix.

DICIT et álibi Dóminus : Quid prodest hómini si totum mundum lucrétur, ánimæ vero suæ detriméntum patiátur ? Ecce quia sic est amánda ánima, ut lucro totíus mundi præferátur, et tamen obsérvet qui ánimam amat, quia si amat perdet illam. Non vis pérdere eam ? noli illam amáre. Sed si non vis eam pérdere, non potes eam non amáre. Sunt ergo qui perversé ánimam suam amant, et hoc vult Dei sermo corrígere, non ut óderint ánimam suam, sed ut recte diligant. Male enim diligéndo perdunt eam, et fit quiddam magnum quasi præpósterum et contrárium. Sed ita tamen fit, ut si díligas eam perversé, perdas illam ; si óderis illam recte, consérves illam.

Te Deum laudámus. 14.

AD LAUDES.

Capitulum. *Ephes.* 4.

OBSEURO vos in Dómino, ut digne ambulétis vocatióne, qua vocáti estis, cum omni humilitáte, et mansuetúdine, cum paciéntia, supportántes ínvicem in charitáte, solliciti serváre unitátem spíritus in vínculo pacis.

Hymnus.

RIDET sceléstum carníficem, Deo

Sese sacérdos ímmolat innocens,

Victísque torméntis amóre

Fórtior est gládio tyránni.

Tandem ad Supérnas spíritus it domos,

Cervíce dempta. Vos date lília

Quos lavit undis, et parénti

Justa piis ánimis reférte.

Gaudens recépto corpore
victimæ,

Vicina læti turba Seclínii
Devóta portávit sepúlchro
Fusus, ovans celebríque
plausu.

O terra tantis culta labó-
ribus,

O tincta tanto ságuine, spem
cape,

Exémpla Patris subsecútos
Glória suscípíet patérna.

Laus Trinitáti sacra perén-
niter :

Divísa non sit glória Númi-
nis ;

Nato, Paracléto, Patríque,
Una tribus tribuátur uni.

Amen.

✠ Justus ut palma florébit.

℞. Sicut cedrus Líbani mul-
tiplicábitur.

Ad Benedictus, Añá. Piá-
tus Tornáci Apóstolus, vere
a nobis honorándus, Evan-
gélíi semen in agrum Domí-
nicum seminávit, et fructum
rétulit centésimum, allelúia.

Oratio.

OMNIPOTENS et miséricors
Deus, qui hujus diéi sa-
cram venerandámque lætí-
tiam nobis in beáti Piáti Már-
tyris tui passióne fecísti: præ-
sta, quæsumus, ut quos ejus
prædicatióne ad lumen veri-
tátis vocáre dignátus es, eós-
dem tribuas ipsíus semper
protectiόne deféndi. Per Dó-
minum.

AD TERTIAM.

Añá. Qui séquitur me.

Capit. Obsecro vos, ut supra.

℞. br. Glória et honóre
coronásti eum, Dómine, * Al-
lelúia, allelúia. Glória. ✠. Et
constituísti eum super ópe-

ra mánuum tuárum. Alle-
lúia, allelúia. Glória Patri.
Glória.

✠. Posuísti, Dómine, super
caput ejus, allelúia. ℞. Coró-
nam de lápide pretiόso, alle-
lúia.

AD SEXTAM.

Añá. Qui mihi minístrat.

Capitulum. *Ephes. 4.*

Et ipse dedit quosdam
quidem Apóstolos, quos-
dam autem Prophétas, álios
vero Evangelístas, álios au-
tem pastóres et doctóres,
ad consummationem sanctó-
rum in opus ministérii, in æ-
dificatiόnem corpóris Chri-
sti.

℞. br. Posuísti, Dómine,
super caput ejus, * Allelúia,
allelúia. Posuísti. ✠. Corónam
de lápide pretiόso. Allelúia,
allelúia. Glória Patri. Posuf-
sti.

✠. Magna est glória ejus
in salutári tuo, allelúia. ℞.
Glóriam et magnum decórem
impónes super eum, alle-
lúia.

AD NONAM.

Añá. Volo pater.

Capitulum. *Ephes. 4.*

Affluéntes, et circum-
ferámur omni vento doctrí-
næ in nequítia hóminum, in
astútia ad circumventiόnem
erróris. Veritátem autem fa-
ciéntes in charitáte, crescá-
mus in illo per ómnia, qui
est caput Christus.

℞. br. Magna est glória e-
jus in salutári tuo, * Allelúia,
allelúia. Magna. ✠. Glóriam
et magnum decórem impónes
super eum. Allelúia, allelúia.
Glória Patri. Magna.

ŷ. **Justus ut palma florébit,**
allelúia. R. **Sicut cedrus Lí-**
bani multiplicábitur, alle-
lúia.

IN II. VESPERIS.

Omnia ut in primis ; et lo-
cúltimi, Psalm. **Crédidi.**

ŷ. **Justus.**

Ad Magnificat, Aña. **Sacér-**
dos seípsum Piátus óbtulit
hóstiam Dómino, qui eum
suscépit in odórem suavitá-
tis, allelúia.

Commem. sequentis.

DIE I. OCTOBRIIS.

In Diœcesi Gandavensi.

S. Bavonis, Conf. Eccl. Ca-
thedr. Titularis, ac Diœc.
præcipui Patroni.

Duplex j. classis.

IN I. VESPERIS.

Añæ et Capitulum de Lau-
dibus.

Psalmi de Dñica, 109. et
loco ultimi, Ps. **Laudáte Dó-**
minum omnes gentes. 113.

Hymnus.

BAVONEM méritis tollat ho-
nóribus
Gandávum célebrí nóbilis
urbs viro ;
Cujus vita sacris ínclýta mó-
ribus

Ad Christum pópulos vo-
cat.

Bavónem sócio fœdere cón-
cinat,

Quo quondam emíscuit vín-
dice cívitas

Harlémum, médiis tuta pe-
rículis,

Nec præsénte cadens ma-
lo.

Bavo Christíferis ígnibus
æstuans,

Tu nobis spéculum fórma-
que præmicas,
Exémpló célebrí dum præis
et sacros

Virtútum stímulos mo-
ves.

Te, Patróne, piis gréssibus
ásseclæ

Ad Christum séquimur, tu
tibi déditos

Constánti fámulos auxílio fo-
ve

Rebus tutor in ásperis.

Quidquid præcípiti Styx
vomit álveo,

His, te dante, procul fínibus
éxulet :

Virtus advéniat, labis et ín-
scia

Vitæ cándida púritas.

Sanctæ sit Trádi laus pia
júgiter,

Quam mundi trépídans ín-
cola, póplite

Ínflexo, célebrat : cujus in
ómnia

Perstat glória sæcula.

Amen.

ŷ. Ora pro nobis, sancte
Bavo. R. Ut digni efficiámur
promissiόνibus Christi.

Ad Magnificat, Aña. Bavo,
pater et Patróne, prece blan-
da Jesum mone, ut nos ser-
vos éruat, et tuto portu stá-
tuat.

Oratio ut infra ad Laudes.

AD MATUTINUM.

Invitatorium. Regem Con-
fessórum Dóminum, Vení-
te, adorémus.

Ps. Veníte, exultémus. 2.

Hymnus.

ANNUO nobis revolúta
cursu

Festa lux salve : tibi nunc
vacámus,

Rite solvéntes veneránda ma-
gno

Festa Bavóni.

Ille post tædas thálami ju-
gális,

Et datam bellis víridem ju-
véntam,

Tyro jam Christi, nova bel-
la, cœlo

Auspice, cepit.

Sæculo major, vitisq̃ue
sæcli,

Dona fortúnæ, patriósque
census,

Fœnus imménsum líquido
datúris

Crédidit astris.

Inde, ne mentem mémo-
rem bonórum

Ventus infláret populáris
auræ,

Exteras longe, generósus
exul,

Fugit in oras.

Flandra qua Scaldis vada
concolóri

Pérluit viro, sociásque Lisæ
Excipit lymphas, viridánte

ripa

Cónstitit hospes.

Hic cavæ primum pene-
trále fagi,

Mox larem cellæ ténuis sub-
ívit;

Lapsa quo crebro gémitu
piáre

Témpora posset.

Egit hic luces dapis indi-
géntes:

Noctis insómnes vigilávit ho-
ras,

Semper inténtus super astra
certo

Téndere cursu.

Laus sit excélso Súperum
Parénti,

Qui suum ditat méritis Ba-
vónem,

Cóncinant sparsæ per utrúm-
que solem

Cármina gentes. Amen.

IN I. NOCTURNO.

Añá. Sanctus Bavo viam
Evangélicæ perfectiónis in-
gréssus, cunctis se mundi ex-
pedívit néxibus.

Psalmi de Comm. Conf.
non Pont. [63]

Añá. Fáciens sibi sácculos,
qui non veteráscunt, tempo-
ráles divítias in cœléstes the-
sáuros felíciter commutávit.

Añá. A sancto Amándo
Pontífice Christi glóriam plé-
nius edóctus, cléricáli militíæ
adscríptus est, ut soli Christo
crucifíxo militáret.

ŷ. Amávit eum Dóminus,
et ornávit eum. &. Stolam
glóriæ índuit eum.

Lectiones, Beátus vir, 1j.
loco. 72]

&. j. Juxta verbum viri Dei,
novi velut Eliséi, suscitátur
mórtuus: * Unde fides robo-
rátur resurrectiónis, datur
spes vitæ credéntibus. ŷ. Su-
per corpus reclinátus, orat
lácrymans Beátus, ut vitam
recípiat. Unde.

&. ij. Vénditum dum con-
templátur, servum Bavo de-
precátur, crimen flagris vín-
dicet: * Sic in Christi chari-
táte ardet Sanctus, ut beáte
cuncta pœnis díluat. ŷ. Ante
servum provolútus, pie lácry-
mans, obtútus rigat, pœnas
flágitans. Sic.

&. iij. Sanctus Bavo stá-
dium altiórís perfectiónis in-
gréssus, omnem carnis inso-
léntiam dístricto rigóre fre-
návit, * Quia virtus desidérii
spirituális, mentem ejus nul-

li voluptatí cédere permísit.
 ✠. Ut hóminem renováret interiorem, incessanter affligébat exteriorem. Quia. Glória Patri. Quia.

IN II. NOCTURNO.

Ána. Quocúmque divíni sator géminis præibat Amándus, illuc Bavo studébat subsequi, et verbi Dei dulcédine repleri.

Ána. Grátiae coeléstis illéctus néctare, et Christi ineffábiliter succensus amore, Sanctórum coenóbia circumvit, ut potíssima quæque ad imitándum edisceret.

Ána. Fúgiens mundum, mansit in solitúdine, et in delíciis meditabátur ætérnis.

✠. Os justí meditábitur sapientiam. R. Et lingua ejus loquétur júdicium.

Lectio iv.

ALOYNUS, cognométo Bavo, ex régia Austrasiórum Príncipum stirpe procreátus, patre Agilúlfó Hasbaniæ Cómite (quí Carolo-mánni, patris Pipini a Landa, Majóris Domus, patruélis erat): matre vero Adeltrúde, ab infántia religiósè sub pia paréntum disciplína educátus est. Júvenis matrimónio junctus illústri filiae Adilónis Cómitis, ex ea filiam Agletrúdem, insígni sanctimónia commendátam, procreávit. Póstea vero Francórum, Austrasiæque Regum (quibus cognatióne jungebátur) in mútuas cædes proruéntium bellis diu agitatús; cum post Brunichíldis Regínæ tristem éxítum, summa rerum ad Clothárium Regem devolúta

BREV. CAPUCC. BELG. P. II.

fúisset, sanctióri vitæ, propósitum ampléxus est. Contémptis ígitur ópibus ac honóribus sæculi, a sancto Amándó Tungrórum Epíscopo Christi glóriam plénius edóctus, deinceps certa ánimí deliberatióne, soli Christo crucifixo militáre státuit: in quo propósito cum nóbili ac pia uxóre, sanctáque filia Agletrúde, aliquándiu vixit, ómnium virtútum stúdio incúmbens; donec uxóre mórtua, afflánte Spírítu sancto, quæ matúro ánimo deliberáverat, religiósè ac perfécte adimplévit.

R. Sub divínis Officiis in Deum veheménter inténtus, in angústa specu orábat eréctus, Expánsis má nibus Crucifixi formam in se exprimens. r. Píis desidériis afféctus constánter dicébat, non esse condígnas passiónes ad futúram glóriam, quæ revelábitur in nobis. Expánsis.

Lectio v

PECUNIAM itaque et thesauros suos in páuperes distríbuens, terras omnes, ac prædia, quæ in Austrasiæ agro alibique plúrima possidébat, in píos usus cóntulit. Præclárum quoque monastérium pro Clero sæculári, in loco Ganda (quod ab eo póstea denominátum est) ad Scaldis ac Légiae confluentiam, eódem sancto Amándó promovénte, in honórem beáti Petri Apostolórum Príncipis, magnífice extrúxit, egregièque dotávit. Rebus suis pie prudentérque dispósitis, matúro sancti Amándi consílio, ab

eódem clericáli miltiæ adscríbitur : in qua, sanctíssimis exercítiis piissimórum virórum exémpa secútus, de virtúte in virtútem progrédiens, ad solitáriæ vitæ delicias toto ánimo anhelábat. Cóncaum ígitur fagum in e-rémo vicína pro habitáculo elégit : ubi sacco et cilicio indútus, cibis silvéstribus conténtus, in oratióibus ac divínis meditatióibus suávem aliquámdiu vitam duxit : donec Mónachis Clero Gandénsi substitútis, divulgátam de se famam, populíque concúrsum declináre cúpiens, ad locum conversiósni suæ redívit.

R. Mortificans membra sua super terram, contra spirituáles nequítias in coe'stibus pugnábat, dicens : Increpet in te Deus, Satan ; Increpet in te Deus, qui elégit Jerúsalem. **V.** Diabólicas tentatióes, et monstruósas præstígas invícta fidei fortitúdine superábat, dicens. Increpet.

Lectio vj.

IN coenóbium revérsus, ac exiguæ cellæ sibi constructæ a sancto Amándo reclusus, perfectíssime mortificatióni incúbens, in specu quadam, quæ stantem hóminem ægre cápere posset, oratióibus ac meditatióibus Deo militans, seípsum exercébat. Proximórum ínterim ad eum concurréntium salúti, in componéndis discórdiis, ac quotidíana Ecclesiárum sollicitúdine, assidue invigilans, biénnium et ámplius in summa vitæ austeritáte ac sanctitáte transégit, donec

plenus bonórum óperum ac meritórum, a Deo evocátus, vitam hanc temporálem cum æténa felíciter commutávit, Kaléndis Octóbris, anno Dómini sexcentésimo trigésimo primo. Cujus imitatióne, sanctæ Gertrúdis et Begga, Pípi nobilíssimi Ducis fíliæ, ejúsque consanguinæ, sanctióri vitæ se addixerunt. Multi prætérea príncipes viri ac foeminae, ipsíus exémpum secúti, religiósne ac sanctitáte claruérunt.

R. Glória Dómini super caput justí in forma vivíficæ crucis apparuit ; ipse autem flagránter exclamávit : **Hæc mea retribútió est, Crucifixo militávi, Crucis glóriam agnósko. V.** Vox desuper ad eum facta est : Gaude et exúlta, Bavo, quia merces tua copiósa est in cœlis. **Hæc. Glória Patri. Crucifixo.**

IN III. NOCTURNO.

Ana. O virum ineffáblem, in quo divína mirácula glóriósne corúscant !

Ana. Prægustáta supérnæ suavitátis dulcédine, intuebátur concíves Angelos, et ánimam suam Dómino commendábat.

Ana. Sancte Bavo, pater bone, tu pro nobis in agóne, cum cœlésti conciónne, apud Deum ádvoca.

V. Lex Dei ejus in corde ipsíus. **R.** Et non supplantábuntur gressus ejus.

Lectio sancti Evangélii secundum Matthæum.

Lectio vij. Cap. 19.

IN illo témpore : Dixit Petrus ad Jesum : Ecce nos

reliquimus omnia, et secuti sumus te : quid ergo erit nobis ? Et reliqua.

Homilia sancti Bernardi
Abbatis.

In declam. super Evang. Ecce nos reliquimus omnia.

ARBITROR verba lectionis hujus ea esse, de quibus ad immortalē Sponsū a finibus terræ clamat Ecclesia : Propter verba labiorum tuorum custodisti vias duras. Hæc namque sunt verba, quæ contemptum mundi in universo mundo, et voluntariam hominibus persuadere paupertatem. Hæc sunt, quæ monachis claustra replent, deserta anachoretis. Hæc, inquam, sunt verba, quæ Ægyptum spoliant, et optima quæque ejus vasa diripiunt. Hic sermo vivus et efficax, convertens animas felici emulatione sanctitatis, et veritatis promissione fideli.

R. Dum beatum sanctus Bavo traderet spiritum, levatis in cælum manibus dixit : * Vale servorum Dei Ecclesia, Christus adest : egrèdere in occursum ejus anima mea. †. Angelica recreatus præsèntia, et totis viribus in Deum intentus, ait. Vale.

Lectio vii].

DIXIT enim Simon Petrus ad Jesum : Ecce nos reliquimus omnia. Bene, optime, et non ad insipientiam tibi. Nam et mundus transit, et concupiscentia ejus : et relinquere hæc magis expedit quam relinquere. Ecce, inquit, nos reliquimus omnia, et secuti sumus te. Nimis frum quia exultavit ut gigas ad currē-

dam viam, nec currētem sequi poterat oneratus. Sed nec inutilis commutatio, pro eo, qui super omnia est, omnia reliquisse. Nam et simul cum eo donantur omnia : et, ubi apprehenderis eum, erit unus ipse omnia in omnibus, qui pro ipso omnia reliquerunt.

R. Exultemus in hac sacra beati Bavonis solemnitate : Quia factus est gloriosus cœli senator : * Ubi pro nobis erit perpetuus interventor. †. Hódie collocatus est in gloria, et thronum meruit inter eos, qui cum Christo hunc mundum sunt judicaturi. Quia. Glória Patri. Ubi.

Lectio ix.

OMNIA sane dixerim, non tantum possessiones, sed etiam cupiditates, et eas maxime. Plus enim concupiscentia mundi, quam substantia nocet ; et hæc fugiendarum causa divitiarum præcipua est, quod aut vix, aut nunquam sine amore valeant possideri. Limosa siquidem, et glutinosa nimis, non modo exterior, verum etiam interior substantia nostra videtur : et facile cor humanum omnibus, quæ frequentat, adhæret. Age ergo, qui relinquere universa disponis, te quoque inter relinquenda numerare memento : imo vero maxime et principaliter abnega temetipsum, si deliberas sequi eum, qui exinanivit propter te semetipsum.

Te Deum laudamus. 14.

AD LAUDES,

et per Horas.

Añã. 1. Dum viri sanctissimi

mi Bavónis ex hoc sæculo tránsitus instáret, coeléstis illum Spíritus in spécie colúm-bæ visitávit.

Psalm. Dóminus regnávit, cum reliquis. 15.

2. Glória Dómini super eum in forma vivíficæ crucis appáruit, et vox de cœlo facta est : Gaude et exúlta, Bavo, quóniam merces tua copíosa est in coelis.

3. Inténdens in cœlum vidit glóriam Dei, et ait : Hæc mea retribútio est : Crucífíxo militávi, Crucis glóriam agnósco.

4. Oculis ac mánibus in cœlum semper inténtus, ardénter cupiēbat dissólvi, et esse cum Christo, allelúia.

5. Angélica recreátus præséntia, Vale, ait, servórum Dei Ecclésia : Christus adest; egrédere in occúrsum ejus, ánima mea.

Capitulum. *Philip. 3.*

FRATRES : Quæ mihi fuerunt lucra, hæc arbitrátus sum propter Christum detriménta. Verúmtamen exístimo ómnia detriméntum esse propter eminéntem sciéntiam Jesu Christi Dómini mei : propter quem ómnia detriméntum feci.

Hymnus.

OMAGNE rerum Cónditor,
Qui, quidquid orbe cláuditur,

Potén-te regis délix-tera,
Intén-de votis súpplicum.

Dum pronanox jam péllitur
Primo diéi spícúlo,
Dispélle noctem, méntibus
Quæ densa nostris íncubat.

Tui Bavónis, pérpetim
Nos ire per vestígia

Fac, et salútis trámitem
Gradu sequi non dévio.

Fac, nos Bavónis æmulos
Carnem domáre lúblicam,
Sensus ligáre tránsfugos,
Mentémque cœlo tóllere.

Prurígo ne nos óccupet
Insaniéntis sæculi ;
Nec taminátis fílius
Molem gerámus móribus.

Deo Patri sit glória,
Qui nos cruóre Fílii,
Sanctóque lotos Spíritu,
Bavónis ornet præmio. Amen.

✠. Justus germinábit sicut líl-ium. R. Et florébit in ætérnum ante Dóminum.

Ad Benedictus. Añna. Præliátor Dómini Bavo invictísimus, ómnium virtútum perfectióne probátus, et sanctíssime consummátus hódie triúmphans migrávit in cœlum, et cum Christo gaudet in ætérnum, allelúia.

Oratio.

DEUS, qui beátum Bavónem Confessórem tuum, calcáto mundo, crucífíxo Fílio tuo militáre tribuísti : da nobis, quæsumus, ejus patrocinio ab ómnibus hóstibus prótegi ; et post peráctam felíciter hujus vitæ milítiam, ætérna glória coronári. Per eúmdem Dóminum.

AD TERTIAM.

Añna. Glória Dómini.

Capitulum, Fratres : Quæ mihi, ut supra.

R. br. Amávit eum Dóminus, * Et ornávit eum. Amávit. ✠. Stolum glóriæ índuit eum. Et ornávit. Glória Patri. Amávit.

✠. Os justí meditábitur sapiéntiam. R. Et lingua ejus loquétur judícium.

AD SEXTAM.

Aña. Inténdens.

Capitulum. *Eccli.* 39.

Iustus cor suum tradidit ad vigilandum dilúculo ad Dóminum, qui fecit illum, et in conspéctu Altíssimi deprecábitur.

R. br. Os justí* Meditábitur sapiéntiam. Os.†. Et lingua ejus loquétur judícium. Meditábitur. Glória Patri. Os.

†. Lex Dei ejus in corde ipsíus. R. Et non supplantabúntur gressus ejus.

AD NONAM.

Aña. Angélica.

Capitulum. *Sap.* 10.

Iustum dedúxit Dóminus per vias rectas, et osténdit illi regnum Dei, et dedit illi sciéntiam sanctorum: honestávit illum in labóribus, et complévit labóres illíus.

R. br. Lex Dei ejus In corde ipsíus. Lex.†. Et non supplantabúntur gressus ejus. In. Glória Patri. Lex.

†. Justum dedúxit Dóminus per vias rectas. R. Et osténdit illi regnum Dei.

IN II. VESPERIS.

Omnia ut in primis.

Ad Magnificat, Aña. O remédium salútis in via, beáte Bavo, tuis nos précibus Deo reconcília: esto nobis patrónus in cœli cúria, ubi justí stabunt cum fidúcia.

Commem. sequentis.

DIE I. OCTOBRIS.

S. Remigii, Episc. et Conf.

Duplex.

ex Decreto S. R. C. xxvij.

Nov. 1883.

Omnia ut in Breviario 813.

DIE XIV. OCTOBRIS.

In Diœcesi Brugensi.

S. Donatiani, Episc. et Conf.

Eccl. Cathedr. et Diœc. Patr.

Duplex j. classis.

Omnia de Comm. Conf.

Pont. [45] præter sequentia.

Oratio. Da quæsumus.

In j. Nocturno Lectiones, Fidélis sermo, de Comm. j. loco. [48]

IN II. NOCTURNO.

Ex Surio, Marlot. in Hist. Rhem. et antiq. Registris Eccl. Cath.

Lectio iv.

DONATIANUS patre, ut ferunt, Cornélio, nóbili Románo, et Lucínia, in Gálíis natus est. In tantum autem crevit in eo cum ætáte vitæ sanctióri méritum, ut dignus fúerit, qui ad archiepiscopális dignitátis fastígium sublimarétur. Est in Gállia Bélgica ecclésia Rheménsis antiquíssima et celebérrima, cui plures sanctitáte conspícuí Episcopi ex órdine præfuérunt. Ad hanc regéndam séptimo, vel, ut álíi volunt, octávo loco assúptus est Donatiánus, subrogátus sancto Materniáno. Quo in múnere se talem præstitit, ut beáto Vivéntio, aliisque, qui in eódem eum cúlmine secúti sunt, extíterit vivéndi spéculum, et sanctæ conversatiónis exémpLAR. Et sane quam spectátæ virtútis fúerit, quantóque stúdio incubúerit, ut divíni verbi pábulum óvibus suis non deéssset, cónjici potest ex glorióso Confessóris título, quo in Dyptíhcis ecclesiásticis insignitur; ex verbis quoque sancti Hie-

rónymi, qui scribens adversus Vigilantium, et istius ætatis Galliæ Episcoporum se præbens encomiasten, ait : Gallia monstra non habuit, sed viris semper fortibus et eloquentissimis abundavit.

Rj. Inveni David.

Lectio v.

Ex his vero, qui invincibili strenuitate et eloquentia Gallicanam ecclesiam tantopere illustrarunt, extitit utique Donatianus : qui et hanc laudem, et egregie facta in pascendis Christi óvibus mira sanctitate cumulavit. Quin et Rhemensis Archiepiscopi epístola, ad Balduinum Férreum cum sacro ejus corpore in Flándriam missa, prædicat Donatianum miræ sanctitatis virum, pium exauditorem, et promptissimum apud Deum intercessorem, tam sæcularibus angustis occupatis, quam peccatorum sceléribus detentis : quod nostris, inquit, temporibus, miraculorum insignibus satis evidenter comprobatum est. Verúm tamen acta ejus et præcipuæ vitæ circumstantiæ non satis explorata sunt ; eo quod, Wándalis sæculo quinto Gállias devastantibus, eadem cum multis aliis perire contigerit, sed ad æternam memoriam scripta sunt in cœlis.

Rj. Pósuí adjutoriúm.

Lectio vj.

POSTQUAM igitur prædisset pastor egregius annis viginti novem, mercedem labórum recepturus a Dómino, ad cœlestem patriam migravit circa médium

quarti sæculi, pridie Idus Octóbris. Corpus ejus in ecclesia sancti Agricolæ sepultum, quæ sancti Nicásii, unius successorum ejus, nómine nunc appellatur, váriis refúlsit miraculis. Deínde autem per Cárolum Calvum, Francórum regem, in amicitiae et protectionis suæ tesseram, ac Rhemórum Archiepiscopum, ad Balduinum Férreum, Flándriæ cómitem, píssimo dono, missum, ac summa veneratióne susceptum, Thorálti primum tantisper depósitum est ; et demum in Burgo Brugénsi, ad sacéllum Mariæ Vírginis : quod idem Balduíus in sancti Donatiáni basilicam magnificéntius eréxit, vário signórum splendóre, ejúsdem Sancti méritis, decorátam. Atque ita factum est, ut beatíssimus Póntifex, ingénti populórum gáudio, ipsíus civitátis, et quæ nunc est diocesis Brugénsis eléctus Patrónus, magna religióne colátur, ut totíus tractus marítimi exímíus Tuteláris.

Rj. Iste est qui ante.

IN III. NOCTURNO.

Lectio sancti Evangélii secundum Matthæum.

Lectio vij. Cap. 25.

In illo tempore : Dixit Jesus discipulis suis parabólam hanc : Homo pérégre proficiscens, vocávit servos suos, et trádedit illis bona sua. Et reliqua.

Homíliá S. Gregórii Papæ.

Homíliá 9. in Evang.

SCIENDUM est, quod nullus piger ab hac talénti ac-

ceptione securus est. Nullus namque est, qui veraciter dicat: Taléntum mínime accépi, non est unde orationes pónere cogar. Talénti enim nómine cuilibet pauperi étiam hoc ipsum reputábitur, quod vel mínimum accépit. Alius namque accépit intelligentiam, prædicationis ministerium debet ex talénto. Alius terrénam substantiam accépit, erogationem talénti debet ex rebus. Alius nec internórum intelligentiam, nec rerum affluentiam accépit, sed tamen didicit artem, qua páscitur; ipsa ars ei in talénti acceptióne reputábitur. Alius nihil horum assecutus est, sed tamen fortásse familiaritatis locum apud dívitem méruit; taléntum profecto familiaritatis accépit. Si ergo ei nihil pro indigentibus loquitur, pro talénti retentióne damnábitur.

R). Amávit eum.

Lectio viij.

HABENS ergo intelléctum, curet omnino, ne táceat. Habens rerum affluentiam, vígilet, ne a misericórdiæ largitate torpéscat. Habens artem, qua régitur, magnópere stúdeat, ut usum atque utilitatem illíus cum próximo partiátur. Habens loquendi locum apud dívitem, damnationem pro reténto talénto timeat, si cum valet, non apud eum pro pauperibus intercédit. Taléntum quippe ab unoquoque nostrum venturus Iudex exiget quantum dedit. Ut ergo de talénti sui ratióibus, redeunte Dómino, quisque se-

cúrus sit, cum tremóre penset quotidie, quid accépit. Ecce namque jam juxta est, ut ille, qui péregre profectus est, rédeat: quasi quippe péregre ábiit, qui scilicet de hac terra, in qua natus est, longe discessit. Sed profecto revértitur, ut de taléntis ratiónes ponat: quia si a bona actióne torpéscimus, de ipsis donis, quæ contulit, nos distríctius júdicat.

R). Sint lumbi.

Lectio ix.

CONSIDEREMUS ergo, quæ accépimus, atque in eórum erogatióne vigilémus. Nulla nos a spiritali ópere terréna cura impédiat; ne, si in terra taléntum abscónditur, talénti Dóminus ad iracúndiam provocétur. Piger etenim servus, cum jam culpas iudex exáminat, taléntum de terra levat: quia sunt plerique, qui tunc se a terrénis desidériis, vel opéribus súbtrahunt, quando jam per animadversionem Júdicis ad ætérnum supplícium trahúntur. Ante ergo de talénti nostri ponénda ratióne vigilémus; ut, cum jam Iudex ad feriéndum ímminet, lucrum nos, quod fécimur, excúset.

Te Deum laudámus. 14.

In ij. Vesperis com. sequentis.

DIE III. NOVEMBRIS.

Leodii.

S. Huberti, Episc. et Conf., Patroni Civitatis.

Duplex j. classis.

Omnia de Communi Conf. Pont. [45] præter sequentia.

AD VESPERAS,

Hymnus.

HYMNUS laudis decantétur
Christo Regi glóriæ :
Illi nostrum præsentétur
Organum melódiæ,
Quem Hubértus intuétur
Reveláta fácie.

Aulæ pompam abdicávit
Lambérto consílio :
Se divíno dedicávit
Hubértus obséquio,
Et in Christi vigilávit
Sédulus officio.

Hunc Patrónum attollámus
Per laudum præcónia ;
Ei grata studeámus
Offerre servítia,
Ut adesse sentiámus
Ejus patrocínia.

O Hubérte, pietátem
Morum nobis tríbue :
Salutárem sanitátem
Infirmiss restítue,
Orans summam bonitátem
Pro illis contíne.

Benedícta sit majéstas
Creatóris ómnium,
Cujus virtus et potéstas
Non habet inítmium ;
Qui Hubérto tuum præstas
Juge contubérnium.

Amen.

†. Amávit eum Dóminus
et ornávit eum. R. Stolum
glóriæ índuit eum.

Ad Magnificat, Añá. O
quam venerándus es, egré-
gie Conféssor Christi, qui
terréna contempsísti, et mo-
do victor fulges in cœlis. Te
súpplices exorámus, ut inter-
cédas pro nobis ad Dómi-
num Jesum Christum.

Oratio.

DEUS, qui perénnem gló-
riam sanctíssimi Con-

fessóris tui atque Pontíficis
Hubérto animæ contulísti :
præsta quæsumus ; nos ejus
apud te ita patrocíniis adju-
vári, ut cum eo vitam possi-
deámus ætérnam. Per Dómi-
num.

AD MATUTINUM.

Hymnus. Hymnus laudis,
ut in j. Vesperis.

In j. Nocturno, Lectiones,
Fidélis sermo, de Comuni.
[48]

IN II. NOCTURNO.

Lectio iv.

HUBERTUS, ex Aquitániæ
Príncipum régia stirpe
natus, primo vitæ témpore
mundi vanitátibus addíctus
fuisse perhibétur. Qui póstea
in Austrásiam véniens, supér-
na grátia mutáto consílio,
totum se Deo vovit, et beáto
Lambérto, Tungrénsi epíscopo,
tamquam magístro perféctæ
conversiónis adipiscéndæ
causa se submísit, ac tan-
ti Patris instructióne, hortá-
tu et exémplo vitam arctió-
rem in cœnóbio Stabulénsi
aliquándiu egit ; cui deínde
per martyrium sublato in
episcopátu Tungrénsi succés-
sit. Pontificáli dignitáte in-
signítus, statim ea, quæ ex
temporálibus bonis sibi su-
pérerant in pios usus erogá-
vit.

R. Invéni David.

Lectio v.

ITAQUE rejécta temporá-
lium cura non solum gre-
gi suo invigiláre, sed víribus
ómnibus ovíle Christi adau-
gére satégit. Martyrium an-
hélaus Arduénnæ, tum bár-

baræ genti, Evangelium indefessus prædicavit, eamque Christo lucrificavit. Tum et Taxandros atque Brabantos, jam sancti Lamberti opera ad fidem Christianam conversos vita, sacris concionibus et miraculis in ea corroboravit. Templis idolorum ubique subversis, multæ Christianorum ritu ecclesiæ Huberti cura ædificatæ aut restitutæ et amplissimis munéribus exornatæ fuerunt. Sancti decessoris sui corpus Mosæ Trajecto Légiā redúxit, et in Basílica, quam in martyrii ejus loco funditus ampliaverat, tumulavit. Constans insuper traditio est, eundem domicílio, quod post plures suos antecessores episcopos, urbe Tungrénsi ab Hunnis devastata, Mosæ Trajecto habuerat, Leodium cujus civitatis fundamenta posuit, translato Sedem pontificiam in ea fixisse, sigillumque publicum hac inscriptione : Sancta Légia Romænæ Ecclesiæ filia notatum dedisse.

19. Pósui adjutórium.

Lectio vj.

DIEI sui óbitus anno ante eam íntegro præscius, ad illum summa pietate se præparavit ; et trigésima die præeunte, ante sepúlchrum beáti Lamberti oratióni diutius incúbuit. Inde progrédiens ad Basílicam Príncipis Apostolorum quam ipse considerat, ibique denuo Deum humíllime precátus, bráchiis solo exténsis designávit locum, quem in sepultúram suam parári demandávit. Mox profectus in Brabántiam, ut

novam ibi ecclésiā consecraret, Sacris peractis, febre corrípitur, et in villa sua Furæ-Ducum non procul Bruxellis decúbuit. In agóne dæmonis artes, Psalmo nonagésimo, adhíbita aqua lustráli, elúsit. Dénique Symbolo fidei recitáto, inter Oratiónis Domínicæ verba senectúte bona plenus, vita cessit anno Dómini septingentésimo vigésimo séptimo, Leodiúmque redúctus, delécto ibídem túmulo rédditur. Sancti Huberti corpus incorrúptum décimo sexto post anno a Floribérto, ejus successóre, elevátum, públicæ fidélium veneratióni expósitum fuit, quod denuo illæsum anno vigésimo quinto sæculi noni sub Walcāndo episcopo Leodiénsi ad monastérium Andáinum sancti Huberti nómine póstmódum nuncupátum, transfér-tur, ubi perénni miraculorum glória fulget, eórum præcipue salúte qui rabidorum animálium morsu infécti sunt, quales jam inde a sæculo nono, immíssa in frontem Stolé sancti Huberti partícula sanátos fuisse fide digna ejúsdem sæculi monuménta testántur.

19. Iste est qui.

IN III. NOCTURNO.

Léctio sancti Evangelíi secundum Matthæum.

Lectio vij. Cap. 25.

In illo témpore : Dixit Jesus discipulis suis parabolam hanc : Homo péregre proficíscens, vocávit servos suos, et trádedit illis bona sua. Et reliqua.

Homilfa sancti Joánnis
Chrysóstomi.*Serm. vij. in Genesim.*

Non solum ea réddere jubémur quæ recépimus, sed et Dómino duplicata afferre. Quamquam si ea custodíre tantum jussum nobis esset, multa sollicitúdine ac stúdio res indigéret. Cum vero ut étiam multiplicéntur, nobis Dóminus imperárit, cógita quantum labóris et curæ sit a nobis cui ea commissa sunt, conferéndum. Ideo quidam, cui commissa fúerant talénta quinque; non tótidem obtulit, sed duplicata. Nam illa quidem benignitátis erant Dómini: sed opórtuit étiam servum suum exhibére diligéntiam. Similiter et is, cui duo talénta crédita fúerant, ália duo lucrátus est, atque idcirco pari eum Dóminus honóre dignátus est.

R. Amávit eum.

Lectio viij.

PROVENTUS haud idem est, et merces est éadem. Quid ita? Quóniam non eórum quæ oblata sunt quantitatem, sed eórum virtutem qui negotiati fúerant, attendébat Deus. Nam utérque pro virili quæ suarum pártium erant præstíterat. Res autem oblatae non multiplicatae fúerant aut imminútæ, vel ob illús ignáviam, vel ob diligéntiam istús; sed pro depóstiti diversitate ille quinque accépit, et obtulit ália quinque; hic accépit duo, et obtulit duo; neque quod ad stúdiu áttinet, inférior éxistit: síquidem et hic duplícia,

et ille duplícia lucrátus est crédita; is vero qui unum accéperat, simplex illud obtulit, quam ob causam est étiam castigátus.

R. Sint lumbi vestri.

Lectio ix.

AUBISTIS ergo quantum illos máneat supplícium qui ex domínici pecúniis negotiati non fúerint. Ergo et custodiámus et negotiémur, et multum ex eis lucrum exhibeámus. Neque dicat áliquis: Idióta sum, discípulus sum, verbum doctrínæ non hábeo, cum imperstus sim, et nullus prétéii: taméti enim idióta sis, licet discípulus, licet unum tibi taléntum sit crédito, negotiáre ex eo quod tibi commissum est, et eámdem cum doctóre mercédem accípies.

Te Deum laudámus. 14.

AD LAUDES,

Hymnus.

RESPIREMUS in beáti
Huberti memória,
Celebrémus illibáti
Præsulis solémnia,
Consurgámus excitati
In ejus præcónia.

Militáre concupívit
In adolescéntia,
Jugum Christi post subívit,
Spreta mundi glória:
Hunc Lambértus erudívit
Coeléstí sciéntia.

Gregi suo prædicávit
Spem supérnæ glóriæ,
Dóminus quam præparávit

Dono suo grátia;
Pópulum sic informávit
Verbo sapiéntia.

Magnus fuit consolator
Horum quibus prae fuit,
Oppressorum sublevator,
Illis numquam defuit,
Infirmorum visitator,
Quibus semper adfuit.

O Huberte, Pastor vere,
Morum viva regula,
Quem, donante summo Re-
ge,

Collaudant miracula ;
Hostis impetra cavere
Nos prudenter iacula.

Amen.

7. Justum deduxit Dominus
per vias rectas. R. Et
ostendit illi regnum Dei.

Ad Benedictus, Añā. Iste
est de sublimibus caelorum
præpotentibus unus, quem
manus Domini consecravit :
cujus nos meritis adjuvari
supplices deprecamur.

IN II. VESPERIS.

Hymnus, Añā ad Magnifi-
cat et Oratio ut in j. Ve-
speris.

Et fit com. sequentis tan-
tum.

DIE XII. NOVEMBRIS.

Gandavi.

S. Livini, Episc. et Mart.,

Patroni Civitatis.

Duplex j. classis.

Omnia de Communi unius
Mart. [19] præter sequentia.

Oratio. Infirmis.

In j. Nocturno, Lectiones;
A Miléto, de Communi. [21]

IN II. NOCTURNO.

Lectio iv.

LIVINUS nobili genere a-
pud Hibérno-Scotos na-
tus, etiamnum puer, non mo-
do supra ætatem eximia pie-

tate conspicuus, verum etiam
aliis virtutibus clarus fuit.
Adolescentior præceptoribus
usus est primum Benigno sa-
cerdote, deinde sancto Augu-
stino Anglorum apostolo. A
quo sacerdotio insignitus,
tanta cum laude in eo ordine
versatus est, ut eum concil-
ia haud multo post ad epi-
scopatum evehi exoptarent,
quod munus rege populoque
compellente tandem suscep-
it, et magno cum fructu an-
nos aliquot administravit.
Postmodum, cum Sylvano
archidiacono vices suas de-
mandasset, apud externas gen-
tes Christum prædicare et
infideles ad christianam fi-
dem convertere aggressus est.

R. Honestum fecit.

Lectio v

OCEANO itaque transmissio,
una cum discipulis Foil-
lano, Hella et Kiliāno, apud
Morinos atque hodiernæ
Flāndriæ Occidentalis incol-
as ex itinere sparsit divini
verbi semina. Ingressus cœ-
nobium Gandense, a beato
Amādo fundatum, humani-
ter a Florbérto abbate fratri-
busque exceptus est, anno
sexcentesimo quinquagesimo
quinto. Ubi quum beatum
Bavonem, recens defunctum,
magnis coruscantem miracu-
lis inveniret, memoriam viri
celeberrimam et præsentia
sanctitatis testimonia admi-
ratus, triginta continuos dies
super ejus sepulchrum Mis-
sorum sollemnia celebravit.
Inde prædicationis causa ad
varia hodiernæ Flāndriæ
Brabantiaque loca profectus

complures ad Christi fidem verbo, exemplo et miraculis convertit.

Æ. Desiderium animæ.

Lectio vj.

QUUM ibi in pago Hautthem hospitarétur, ubi præsertim missis a Florbérto abbáte cibis sustentabátur, Caphrahíldis hóspitis suæ filio Ingelbérto multis annis lúmine priváto visum restituit, aliisque complúribus sanitátem spirituálem impetrávit. Parátus ómnia et mortem ipsam pro Christo perpéti, exseciónem sustínuit linguæ suæ, quæ mox tamen ei restitúta fuit. Instántis sui martyrii vates, Escham Alosthénsis terrítorii pagum ádiit, ut incolás paganísmi téné-

bris adhuc involútos Evangelíi luce illustráret. Quo compérto, nefárii quidam hómines eum persecúti sunt, ac multis vulnéribus saucium cápite truncáru(n)t, prídie Idus Novémbris, anno sexcentésimo quinquagésimo séptimo. Eódem die Caphrahíldis, pia matróna, cum Brítio infánte, quem Livínus de sacro fonte suscepérat, ob Sancti defensiónem trucidáta est. Hæc seórsum, infans vero eódem, quo Livínus, lóculo in Hautthem sepelstúr.

Æ. Stola jucunditátis.

In iij. Nocturno, Homilia in Evang. Si quis vult post me veníre, ij. loco. [30]

In ij. Vesperis fit com. sequentis tantum.

Quum omnia in his Officiis propriis Ordini Minorum Capuccinorum in Belgio concessis, diligenti facta collatione per Veñilem Dñum Cañcum G. Van Caster a Nobis ad hoc deputatum, cum originalibus fideliter concordare reperta sint, permittimus ut evulgentur.

Mechliniæ die 9 Februarii, 1889.

PETRUS LAMBERTUS, ARCHIEPUS MECHLINIEN.

DIE XXXI. MARTII

IN FESTO

B. JOANNÆ TOLOSANÆ

VIRG. ORD. CARMELITARUM

Introitus. Psalm. 44.

DILEXISTI justitiam,
et odisti iniquitatem :
propterea unxit te Deus
Deus tuus, óleo lætitiæ
præ consórtibus tuis. Ps. *ibid.*
Eructávit cor meum verbum
bonum : dico ego ópera mea
regi. *ŷ.* Glória Patri.

Oratio.

DEUS qui nobis in beáta
Joánnæ Virgine tua mi-
rum poenitentiæ et caritátis
exemplum exhibuisti ; concède
quæsumus : ut ejus imitationi
júgiter inhærentes, quæ dili-
géntibus te præmia promisisti
feliciter consequámur. Per Dó-
minum.

Lectio Epistolæ beáti Pauli
Apóstoli ad Corinthios.

2. Cor. 10. d. et 11.

FRATRES : Qui gloriátur
in Dómino gloriétur. Non
enim qui seípsum comméndat,
ille probátus est : sed quem
Deus comméndat. Utinam su-
stinerétis módicum quid insi-
piéntiæ meæ, sed et supportáte
me : æmulor enim vos Dei
æmulatione. Despóndi enim vos
uni viro virginem castam ex-
hibére Christo.

Graduale. Ps. 44. Spécie tua,
et pulchritúdine tua, inténde,
prósperè procéde, et regna. *ŷ.*
Propter veritátem, et mansue-
túdinem, et justítiam : et dedú-
cet te mirabiliter dextera tua.

Allelúia, allelúia. *ŷ.* Addu-
céntur Regi vírgines post eam :
próximæ ejus afferéntur tibi in
lætítia. Allelúia.

Post Septuagesimam, omis-
sis Allelúia, et versu sequenti,
dicitur :

Tractus. Ps. 44. Audi, filia,
et vide, et inclína aurem tuam :
quia concupívit rex spéciem
tuam. *ŷ.* Vultum tuum depre-
cabúntur omnes dívites plebis :
filiæ regum in honóre tuo. *ŷ.*
Adducéntur regi vírgines post
eam : próximæ ejus afferéntur
tibi. *ŷ.* Afferéntur in lætítia, et
exsultatióne : adducéntur in
templum regis.

Tempore Paschali omittitur
Graduale, et ejus loco dici-
tur :

Allelúia, allelúia. *ŷ.* Addu-
céntur regi vírgines post eam :
próximæ ejus afferéntur tibi in
lætítia. Allelúia. *ŷ.* Spécie tua,
et pulchritúdine tua inténde,
prósperè procéde, et regna. Al-
lelúia.

✕ Sequéntia sancti Evangélíi
secúndum Matthæum.

Matth. 25.

IN illo témpore : Dixit Jesus
discípulis suis parábolam
hanc : Simile erit regnum cœ-
lórú decem vírginibus, quæ
accipiéntes lámpades suas, ex-
iérunt óbviám sponso et spon-
sæ. Quinque autem ex eis erant
fátuæ, et quinque prudéntes :
sed quinque fatuæ, accéptis

lampádibus, non sumpsérunt óleum secum : prudéntes vero accepérunt óleum in vasis suis cum lampádibus. Moram autem faciente sponso, dormitavérunt omnes et dormiérunt. Média autem nocte clamor factus est : Ecce sponsus venit ; exite óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixerunt : Date nobis de óleo vestro ; quia lámpades nostræ exstinguúntur. Respondérunt prudéntes, dicéntes : Ne forte non sufficiat nobis, et vobis, ite pótius ad vendéntes, et émite vobis. Dum autem irent émere, venit sponsus : et quæ parátæ erant, intravérunt cum eo ad núptias, et clausa est jánuá. Novíssime vero véniunt et réliquæ vírgines dicéntes : Dómine, Dómine, áperi nobis. At ille respóndens, ait : Amen dico vobis, néscio vos. Vigiláte

ítaque, quia nescítis diem, neque horam.

Offertorium. Ps. 44. Filiæ regum in honóre tuo, ástitit regina a dextris tuis in vestitu deauráto circúmdata varietáte.

Secreta.

ACCEPTA tibi sit, Dómine, sacrátæ plebis oblátio, pro tuórum honóre Sanctórum : quorum se méritis de tribulatióne percepisse cognóscit auxiliúm. Per Dóminum.

Communio. Matth. 25. Quinque prudéntes vírgines accepérunt óleum in vasis suis cum lampádibus : média autem nocte clamor factus est : Ecce sponsus venit, exite óbviám Christo Dómino.

Postcommunio.

SATIASTI, Dómine, familiam tuam munéribus sacris : ejus, quæsumus, semper interventióne nos réfove ; cujus solémnia celebrámus. Per Dóminum.

Imprimi potest.

Mechliniæ, die 14 Augusti 1896.

† PETRUS LAMBERTUS, CARD. GOOSSENS.
Archiep. Mechlinien.

DIE XXXI. MARTII

B. JOANNÆ TOLOSANÆ

VIRG. ORD. CARMELITARUM

Duplex

Omnia de Comm. Virg.
præter sequentia.

Oratio.

DEUS qui nobis in beata Joánnæ Virgine tua mirum pœnitentiæ et charitatis exemplum exhibuisti : concède quæsumus ; ut ejus imitationi jûgiter inhærentes, quæ diligentibus te præmia promisisti feliciter consequamur. Per Dóminum.

In j. Noct. Lectiones De virginibus, de Communi.
In secundo Nocturno.

Lectio iv.

JOANNA virgo, ineunte sæculo décimo tertio, Tolósæ nobilissimis orta paréntibus, adhuc puellula morum suavitate ac pietate ita præfulsit, ut ómnium admirationem sibi conciliáret, et qualis esset futura sanctimóniæ satis osténderet. Succrescente ætate tantum in ea adáuctum est desidérium christiánæ perfectiónis, ut nihil ipsi sátius esset, quam sanctórum recólere gesta eorúmque exémpia sibi sectánda propónere, ac studiosissime sequi. Concépto inde propósito de terrénis

VERNA CARM.

divítiis et sæculi oblectaméntis prorsus abjiciéndis, ut se Deo húmilem ancillam pénitus dicáret, lætissima occasiõnem arripuit, qua Fratres Beátæ Mariæ de Monte Carmélo ex Palæstina adveniéntes sedem Tolósæ posuérunt, ut sanctiorem vivendi ratiõnem sub eorúm institutione, fervénti ánimo aggredérétur. Ideo eorúmdem Fratrum vicinam ecclésiám adíre, sacris interésse, divínis frequénter réfici sacraméntis, et ómnia devotiõnis officia piissime perágere summa cura satagébat.

R. Propter veritatem.

Lectio v.

QUUM autem beátus Simon Stókius, Generális Carmelitárum Moderátor, Tolósam ad suos visitandos venisset, Joánnæ hábitum Ordinis iterátis précibus impetrávit ; atque ab eodem ingénti cum gáudio suscepit ; ac votum póstea castitátis emittens Ordinis regulam íntegre firmitérque observándam promísit. Quamóbrem majóri stúdio severiõris vitæ palæstram aggréssa, in ea brevi ádeo

profecit, ut sanctimóniæ exemplum ab ómnibus haberétur. Humilitáte, paciéntia, sénsuum custódia, còrporis afflictatiónibus fuit admirábilis. Tanto vero erga sponsum Jesum ferebátur afféctu, ut Ipsius cruci suffixi imáginem, uti librum continuo legéndum ac meditándum, manu gérere, sæpíssime osculári, et copioso lacrymárum imbre irroráre in summis delíciis habéret. Sed et erga próximos amóre succénsa, páuperum inópiæ sublevándæ, infirmis curándis, derelictis tuéndis afflictisque solándis nullo unquam témpore déstitit.

R. Dilexisti justitiam.

Lectio vj.

EXIMIA Joannæ caritas in eo máxime enítuit, quod suis civibus ab errórum, qui adhuc inter Tolosátes perniciosíssime grassabántur, contagióne tuéndis, eisdémque in cathólica fide et pietáte firmándis, totis víribus, supra feminei sexus conditiónem strénue adlaborávit. In piam enim a sacro scapulari sodalitátem paulo ante mirabiliter institútam, plu-


ra hóminum millia adlégit, et véluti áciem ordinátam, hæreticórum ac judæórum impie obsisténtium conátibus effícaciter oppósuit. Tértii páriter Carmelítici órdinis vivéndi formam ita promovit fovítque, ut ejúsdem apud suos véluti institútrix hábita fúerit. Hisce virtútum et insignis erga Deum et próximum caritátis opéribus ac méritis cumuláta, tandem piússima virgo suáriter obdormívit in Dómino pridie kaléndas aprílis anno millésimo ducentésimo octogésimo sexto, ejúsque corpus in ecclésia Carmelitárum religiosíssime cónditum fuit. Mox vero ad Joannæ sepúlchrum, ejus sanctitátis fama perducti, convenérunt cives et peregrini ad ejus apud Deum opem implorándam ac sacras exúvias devóto cultu venerándas. Quem quidem cultum públicum ecclesiásticum ad hæc usque témpora perseverántem Leo Papa Décimus tértius ex Sacrórum Rítuum Congregatiónis consúlto ratum hábuit et confirmávit.

R. Afferéntur Regi.

Imprimatur

Mechliniæ, die 14 Augusti 1896.

† PETRUS LAMBERTUS, *CARD. GOOSSENS,
Archiep. Mechlinien.



PROPRIUM SANCTORUM MEXICANORUM.

PARS HIEMALIS.

Die 1. Decembris.

S. Eligii Conf. et Episc.
Noviomensis.

Duplex.

Omnia de Comuni Conf. Pont.,
præter sequ.

Oratio.

Tribue nobis, quæsumus Dómine, singulárem sancti Eligii, Confessoris tui atque Pontificis, caritátem imitari, ut illius mérita in spíritu et veritáte celebrémus. Per Dóminum nostrum Jesum Christum Fílium tuum: Qui tecum vivit.

In I. Nocturno Lectiones de
Scriptura occurrente.

In II. Nocturno.

Lectio iv.

Eligius Lémovick a cathólicis piisque paréntibus religiósè educátus, auri laborándi artem adoléscens dídicit. Mánuum labóres cum pietátis opéribus mire conjúgens, quidquid témporis a labóre supérerat, in divínis frequentándis officiis, in sacrórum librórum audiénda lectione, inque ea atténto ánimo recolénda insumébat. Ætáte autem ac sanctórum sciéntia proficiens, christiánas virtútes impénsius excóluit: suum enim corpus oratione et jejúniis in mentis servitútem

redégit, seque totum rediméndis captívis, deténtis cárcere solándis, et egenórum sublevándæ inópiæ dedit. Hinc tantus ad eum paúperum concúrsus, ut quærénti domum Elígii dicerétur: Ubi paúperum cœtum conspéxeris, illic et Elígium repéries. Harum virtútum præstántia Francórum régibus Clotário, ejúsque filio Dagobérto, appríme carus fuit, quorum tamen grátia, vel ut indigéntes juvâret, vel ut divínam promovéret glóriam, solúmmodo utebátur.

R. Invéni David.

Lectio v.

Ad Armoricórum regem Apacis componéndæ causa missus a Dagobérto, reges ambos felíci fœdere sociávit. Regáli ejúsdem Dagobérto munificéntia adjútus Solemniacénse in Lemovícibus cœnóbium cón-didit, Parísiiis tercéntum puellárum ascetérium, aliúque póstea Noviómi eréxit, exáctam in singulis constitúens vivéndi disciplínam; cujus fervor, ne umquam tepésceret, exémplo juxta stúduit et verbo. Plúrima diversis temporibus auro, argénto, gemmis ornávit sepúlchra san-

ctórum, et mausoléum imprimis mártiris Dionýsii miro artificio decorávit. De Ecclésiæ disciplína solícitus simoníacam labem, quæ altas in Gállia radices égerat, junctis cum Audóeno stúdiis exstirpávit; effecítque cum eo, ne quis deinceps epíscopus eligerétur, nisi qui integritáte morum céteris præfulgéret.

R. Pósuí adjutórium.

Lectio vi.

Tamquam Aaron ad cleri honórem vocátus, etsi pro singulári sua ánimi de-missióne rénuens, sacris tamen initiátur, atque Novioménsi præfícitur ecclésiæ. Quo in múnere omnes perfecti præsulis partes fidéliter adimplévit. Nam commissas sibi Christi oves in omni sciéntia ac doctrína erudíre, atque in omni patiéntia redargúere numquam cessávit. Inopum gregem quotidie pavit, sólitus étiam illórum sordes elúere. Orthodoxæ veritátis hostes pervígili cura detéxit, illorúmque nefários conátus elúsit. Idolólatras, non qui suam modo incolébant diocésim, sed étiam álios quamplúrimos ad veri Dei cognitió-nem et cultum addúxit, at-

que eorum fana subvertit. Cabilonénsi interfuit synodo anno a Virginis partu sexcentésimo quinquagésimo circiter celebratæ. Demum prophetiæ dono clarus, miraculorum fama insignis, septuagenarius plácide obdormivit in Dómino, ejusque corpus summa fidélium veneratióne cónditum est in sepúlchro, quod Deus miraculis gloriósum réddidit.

R. Iste est qui.

In III. Nocturno.


Lectio sancti Evangélii secundum Matthæum.

Lectio vii. Cap. 25.

In illo témpore: Dixit Jesus discipulis suis parabolam hanc: Homo pégre proficiscens. Et reliqua.

Homilia sancti Gregórii Papæ.

Homilia in Evang.

ullus piger ab hac talénti acceptione secúrus est. Nullus namque est, qui veráciter dicat: Taléntum mínime accépi; non est, unde ratiónes pónere cogar: talénti enim nómine, cuilibet pauperi étiam hoc ipsum reputábitur, quod vel mínimum accépit. Alius namque accépit intelligéntiam; prædi-

cationis ministérium debet ex talénto. Alius terrénam substántiam accépit; erogatiónem talénti debet ex rebus. Alius nec internórum intelligéntiam nec rerum affluéntiam accépit, sed tamen didicit artem, qua páscitur: ipsa ars ei in talénti acceptione reputáitur. Alius nihil horum assecútus est, sed tamen fortásse familiaritátis locum apud dívitem mérui, taléntum profecto familiaritátis accépit. Si ergo nihil ei pro indigéntibus loquitur, pro talénti retentione damnáitur.

R. Amávit eum.

Lectio viii.

Habens ergo intelléctum, curet omnino ne táceat: habens rerum affluéntiam, vígilet ne a misericórdiæ largitate torpéscat; habens artem qua régitur, magnópere stúdeat ut usum atque utilitátem illius cum próximo partiátur: habens loquéndi locum apud dívitem, damnatióem pro reténto talénto timeat, si, cum valet, non apud eum pro paupéribus intercédit: tantum quippe ab unoquoque nostrum ventúrus iudex éxiget, quantum dedit. Ut ergo de talénti sui

rationibus, redeunte Domino, quisque securus sit, cum tremore penset quotidie quid accipit. Ecce namque jam juxta est, ut ille qui peregre profectus est, redeat: quasi quippe peregre abiit, qui de hac terra, in qua natus est, longe discessit; sed profecto revertitur, ut de talentis rationes ponat, quia si a bona actione torpescimus, de ipsis donis quae contulit, nos districtius judicat.

R. Sint lumbi.

Lectio ix.

Consideremus ergo quae accipimus, atque in eorum erogatione vigilemus. Nulla nos a spirituáli opere terréna cura impédíat, ne, si in terra talentum absconditur, talenti Dominus ad iracundiam provocetur. Piger etenim servus, cum jam culpas iudex examinat, talentum de terra levat: quia sunt plerique, qui tunc se a terrénis desideríis vel opéribus subtrahunt, quando jam per animadversionem iudicis ad aeternum supplicium trahuntur. Ante ergo de talenti nostri ponenda ratione vigilemus, ut, cum jam iudex ad feriendum immi-

net, lucrum nos quod fecimus excuset.

Te Deum laudamus.

Die 12. Decembris.

B. M. V. de Guadalupe

Mexic. primariæ Patr.

Duplex 1. cl. cum Oct.

Omnia ut in festis B. M. V. per annum, præter sequ.

In I. Vesperis.

Ant. et Capit. de Laud. 10*

V. Non fecit taliter omni nationi. R. Et iudicia sua non manifestavit eis.

Ad Magnificat Antiph.

Blégi et sanctificávi locum istum, ut sit ibi nomen meum, et permáneant óculi mei et cor meum ibi cunctis diébus.

Oratio ut infra ad Laud. 11*

Ad Matutinum.

Hymnus.

Præclára custos Vírginum,
Intácta Mater Núminis,
Coeléstis aulæ jánuá,
Spes nostra, coeli gáudium.

Inter rubéta lílium,
Colúmba formosíssima,
Virga e radíce gérmíans
Nostro medélam vúlneri.

Turris draconí impérvia,
Amíca stella náufragis,

Tuere nos a fraudibus,
Tuæque luce dirige.

Erroris umbras discute,
Syrtis dolosas amove,
Fluctus tot inter, deviiis
Tutam reclude semitam.

Jesu, tibi sit gloria,
Qui natus es de Virgine,
Cum Patre et almo Spiritu,
In sempiterna sæcula.

Amen.

In I. Nocturno.

Ant. 1. A solis ortu *
usque ad occasum, ma-
gnum est nomen meum in
gentibus.

2. Ego in altissimis * ha-
bitavi, et thronus meus in
columna nubis.

3. Inventa sum * a non
querentibus me; palam ap-
parui iis, qui me non inter-
rogabant.

Y. Notum fecit Dominus
salutare suum. R. In con-
spectu gentium revelavit
gloriam suam.

De libro Ecclesiastici.

Lectio i.

Cap. 24.

Ego ex ore Altissimi
prodigi, primogé-
nita ante omnem
creaturam. Ego feci in
coelis ut oriretur lumen in-
deficiens, et sicut nebula
texi omnem terram. Ego
in altissimis habitavi, et
thronus meus in columna
nubis. Gyrum coeli cir-

cuivi sola, et profundum
abyssi penetravi, in flucti-
bus maris ambulavi, et in
omni terra steti, et in omni
populo, et in omni gente
primatum habui: et omni-
um excellentium et humi-
lium corda virtute calcavi:
et in his omnibus requiem
quaesivi, et in hereditate
Domini morabor. Tunc
præcepit et dixit mihi Cre-
ator omnium: et qui creavit
me requievit in tabernaculo
meo et dixit mihi: In Jacob
inhabita, et in Israël hære-
ditare, et in electis meis
mitte radices.

R. Vidi speciosam sicut
columbam ascendentem de-
super rivos aquarum: cu-
jus inestimabilis odor erat
nimis in vestimentis ejus:
* Et sicut dies verni cir-
cumdabant eam flores ro-
sarum, et lilia convallium.

Y. Quæ est ista, quæ as-
cendit per desertum sicut
virgula fumi ex aromati-
bus myrrhæ et thuris? Et
sicut.

Lectio ii.

Ab initio, et ante sæcula
creata sum, et usque
ad futurum sæculum non
desinam, et in habitatione
sancta coram ipso ministravi.
Et sic in Sion firmata
sum, et in civitate sancti-
ficata similiter requievi, et

in Jerúsalem potestas mea. Et radicavi in populo honorificato, et in parte Dei mei hereditas illius, et in plenitudine Sanctorum detentio mea. Quasi cedrus exaltata sum in Libano, et quasi cyprissus in monte Sion: quasi palma exaltata sum in Cades, et quasi plantatio rosae in Jericho. Quasi oliva speciosa in campis, et quasi platanus exaltata sum juxta aquam in plateis. Sicut cinnamomum et balsamum aromatizans odorem dedi: quasi myrrha electa dedi suavitatem odoris: et quasi storax, et galbanus, et ungula, et gutta, et quasi Libanus non incisus vaporavi habitationem meam, et quasi balsamum non mixtum odor meus.

R. Quæ est ista quæ ascendit sicut aurora consurgens, pulchra ut luna, electa ut sol, * Terribilis ut castrorum acies ordinata? V. Filia Sion, tota formosa et suavis es, pulchra ut luna, electa ut sol. Terribilis.

Lectio iii.

Ego quasi terebinthus extendi ramos meos, et rami mei honoris et gratiæ. Ego quasi vitis fructificavi suavitatem odoris: et flores mei fructus honoris et ho-

nestatis. Ego mater pulchre dilectionis, et timoris, et agnitionis, et sanctæ spei. In me gratia omnis viæ et veritatis: in me omnis spes vitæ et virtutis. Transite ad me, omnes, qui concupiscitis me, et a generationibus meis implerini. Spiritus enim meus super mel dulcis, et hereditas mea super mel et favum. Memoria mea in generationes sæculorum. Qui edunt me, adhuc esurient: et qui bibunt me, adhuc sitient. Qui audit me, non confundetur: et qui operantur in me, non peccabunt. Qui elucidant me, vitam æternam habebunt.

R. Quæ est ista, quæ processit sicut sol, et formosa tamquam Jerúsalem? * Viderunt eam filiae Sion, et beatam dixerunt, et reginæ laudaverunt eam. V. Et sicut dies verni circumdabant eam flores rosarum, et lilia convallium. Viderunt eam. Glória Patri. Viderunt eam.

In II. Nocturno.

Ant. 1. Signum magnum * apparuit in cælo: mulier amicta sole, et luna sub pedibus ejus.

2. Populus qui ambulabat * in tenebris, vidit lu-

cem magnam; habitantibus in regione umbræ mortis, lux orta est eis.

3. Vidérunt omnes * témini terræ salutáre Dei nostri.

V. Introibimus in tabernaculum ejus. R. Adorabimus in loco ubi steterunt pedes ejus.

Lectio iv.

Anno a reparata salute millésimo quingentésimo trigésimo primo, Deipara Virgo Joánni Dídacó, pio rudique neóphyto, Méxici in colle Tepejacénsi, uti antiqua et constanti traditione mandátur, sese videndam præbuit, eúmque peramanter álloquens, Episcopum adíre, ipsique ædem ínibi sibi sacram excitandam nuntiáre jussit. Rei veritatem solérter exploráturus, responsiónem distulit Joánes de Zumárraga, loci Antistes: ac neóphyto, Beatissimæ Vírginis adspéctu imperióque rursus permóto, legationémque lácrymis et précibus iteránti, præcépit, ut signum, quo magnæ Dei matris ostenderétur voluntas, enixe pétaret.

R. Signum magnum apparuit in cælo, mulier amicta sole et luna sub pedibus ejus, * Et in cápite ejus corona duódecim stellárum.

V. Fundaménta ejus in montibus sanctis, diligit Dñs portas Sion super ómnia tabernacula Jacob. Et in cápite.

Lectio v.

Dum viam a colle Tepejacénsi remotiorem neóphytus arriperet, et Méxicum, ne pátruo letháli morbo corrépto extrémadeessent sacraménta, Sacerdótem advocáturus conténderet, eidem benigníssima Virgo tértio occúrrit; mœrentem de pátrui sanitáte certiorem facit; rosasque pulchérrimas, contra loci hyemisque asperitatem, recens obórtas, in ejus pállio compósitas, Episcopó deferri injúngit. Mandátis obséquitur Dídacus, cujus in pállio, rosis coram Episcopó effúsis, Mariæ sanctæ imágo qua prorsus spécie in colle prope urbem sese exhibúerat, mirum in modum depícta conspícitur. Tanto percúlso prodígio religiósam cives effigiem in Episcopáli sacélo rite asservándam curant: quæ, paulo post, solémni pompa ad ædem in colle Tepejacénsi exstructam transláta, insígni génitium cunctárum veneratióne præfúlget.

R. Quæ est ista, quæ progréditur quasi auróra con-

súrgens: * Pulchra ut luna, elécta ut sol? V. Quasi arcus refúlgens inter nébulas glóriæ, et quasi flos rosárum in diébus vernis. Pulchra ut luna.

Lectio vi.

Magnífico deinceps ex cépta templo, cui Canonicórum Collégium Románi Pontífices ad divíni cultus splendórem addidérunt, Mexicánæ gentis pietátem in Deíparam summóperè adaúxit; ingentíque abhinc quátuor sæculis cólitur populórum ac miraculórum frequéntia. Quapropter Eam uti præsentissimum advérsus públicas privatásque calamitátes præsidium Archiepiscopus Mexicánus ceteríque illárum regiónum Antístites, ómnium órdinum consensióne, in primáriam adlegérunt univérsæ Mexicánæ Natiónis Patrónam, ritéque eléctam Benedíctus décimus quartus auctoritáte apostólica declarávit, atque Officiúm et Missam sub título Beátæ Vírginis Guadalupénsis recitári concéssit. Leo vero décimus tértius iterátis Mexicanórum Præsulum petitióibus benígne ánnuens, novíssimum hoc officium, ex Sacrórum Rítuum Congregatiónis consúlto, recitári in-

dúlsit, Virginisque Effígiem prodigiis atque cultu célebrem aúrea coróná, suo nómine et jussu, solémni ritu condecorári decrevit. Quam quidem quarto idus Octóbris anno millésimo octingentésimo nonagésimo quinto, coram Episcopis fere ómnibus Reipublicæ et áliis bene multis ex réliquis Américæ pártibus, máxima incolárum advenarúmque frequéntia et gratulatióne, Archiepiscopus Mexicánus pretiosíssimam impósuit.

R. Elégi et sanctificávi locum istum; * Ut sit ibi nomen meum, et permáneant óculi mei, et cor meum ibi cunctis diébus. V. Non fecit táliter omni natióni, et judícia sua non manifestávit eis. Ut sit. Glória Patri. Ut sit.

In III. Nocturno.

Ant. 1. Tabernáculum Dei * María, in médio Civitátis ejus, et non commóvetur.

2. Egréssa es * in salutem pópuli tui, in salutem cum Christo tuo.

3. Gloriósa dicta sunt * de te, Civitas Dei: fundávit te Dóminus in móntibus sanctis.

V. Fílii tui de longe vénient. R. Et fíliæ tuæ de látere surgent.

Léctio sancti Evangélíi secúndum Lucam.

Lectio vii. Cap. 1.

In illo témpore: Exsúrgens María ábiit in montána cum festinátione, in civitátem Juda. Et intrávit in domum Zachariæ, et salutávit Elísabeth. Et réliqua.

Homilía sancti Bernárdi Abbátis.

De verbis Apoc. cap. 12. ad fin.

Mirabátur Elísabeth persónam veniéntis, dicens: Unde hoc mihi, ut véniat Mater Dómini mei ad me? Com-mendábat et vocem salutántis, adjiciens: Ut facta est vox salutatiónis tuæ in aúribus meis, exsultávit in gáudio infans in útero meo: et beatificábat fidem credéntis: Beáta, inquiens, quæ credidisti. Magna quidem præcónia; sed et devóta humilitas nihil sibi passa retinére, in eum magis univérsa refúdit, cujus in se beneficia laudabántur.

R̃. Felix namque es, sacra Virgo María, et omni laude digníssima: * Quia ex te ortus est sol justítiæ, Christus Deus noster. Ṽ. Ora pro pópulo, intéveni pro clero, intercède pro devoto femíneo sexu: séntiant omnes tuum juvámen, quicúmque célebrant tuam sanctam festivitátem. Quia.

Lectio viii.

Tu, inquit, magnificas Matrem Dómini, sed magnificat ánima mea Dóminum. In voce mea filium pérhibes exsultásse in gáudio, sed exsultávit spíritus meus in Deo salutári meo: et ipse quoque tamquam amícus sponsi gaudet ad vocem sponsi. Beátam esse dicis, quæ crédidi; sed credulitátis et beatitúdinis causa respéctus est supérnæ pietátis; ut ex hoc magis beátam me dicant omnes generatiónes, quia ancíllam húmílem et exíguam respéxit Deus. Verúmtamen numquid putámus, fratres, Elísabeth sanctam in eo quod per spíritum útique loquebátur errásse? Absit. Beáta plane quam respéxit Deus, et beáta quæ credidit. Hic enim magnus divínæ respectiÓnis éxstitit fructus.

R̃. Beátam me dicent omnes generatiónes: * Quia fecit mihi Dóminus magna qui potens est, et sanctum nomen ejus. Ṽ. Et misericórdia ejus a progénie in progénies timéntibus eum. Quia. Glória Patri. Quia.

Lectio ix.

Ineffábili síquidem artificio Spíritus supervénienstantæ humilitáti magnánimitas tanta in secretário virgínei cordis accéssit, ut

quod videlicet nec humilitas tanta minúerit magnanimitatem, nec magnanimitas tanta humilitatem. Sed cum in sua æstimatione tam humilis esset, nihilominus et in promissionis credulitate magnánimis, ut quæ nihil aliud quam exiguum sese reputabat ancillam, ad inscrutabile sacramentum nullatenus se dubitaret electam, et veram Dei et hominis Genitricem crederet mox futuram. Jam te, Mater misericordiæ, per ipsum sincerissimæ tuæ mentis affectum tuis jacens provoluta pèdibus luna, mediatricem sibi apud solem justitiæ constitutam, devotis supplicationibus interpellat, ut in lumine tuo videant lumen, et solis gratiam tuo mereatur obtentu, quam vere amavit præ omnibus, et ornávit stola glóriæ induens, et coronam pulchritudinis ponens in capite tuo. Te Deum.

Ad Laudes

et per Horas.

Ant. 1. Quæ est ista * quæ processit sicut sol, et formosa tamquam Jerúsalem.

Ps. Dñs regnavit. cum rel.

2. Vidérunt eam * filia Sion vernantem in floribus rosarum, et beatissimam prædicavérunt.

3. Flores apparuerunt * in terra nostra: te laudamus, Sancta Dei Génitrix.

4. Cantáte ei * cánticum novum: annuntiáte inter gentes glóriam ejus.

5. Tu glória * Jerúsalem, tu lætítia Israë!, tu honorificentia pópuli tui.

Capitulum. Prov. 8.

Beátus homo qui audit me, et qui vígilat ad fores meas quotidie, et observat ad postes ostii mei. Qui me invenerit, invéniet vitam, et háuriet salutem a Dómino.

Hymnus.

Ex S. Anselmo, Episc. Cantuar.

Alma Parens, omni carens Corruptelæ mácula, Quam elégit qui confrégit Diræ mortis víncula.

Clemens! præsta ut qui festa

Tua gaudent cólere, Gratuléntur et læténtur, Veræ lucis lumine.

Primum quidem nobis fidem

Tuis auge précibus, Spe labéntes firma mentes, Caritáte róborá.

Mater Dei! nostræ spei Causa et exórdium, Aufer bella et flagélla, Famem, pestem, gládium.

Egenórum et vinctórum Consoláre gémitum: Fave votis, dans ægrótiis Optátum remédium.

Pax et quies nostros dies
Fácient lætíssimos:
Inimicos fac amícos,
Seda malos hómines.

O María, Mater pia,
Tuum da subsidium
Ut regnémus et laudémus
Tuum semper Fílium.

Pater Deus, Fili Deus,
Deus Alme Spíritus,
Per ætérna nos gubérna
Sæcula, Deus Trínitas.

Amen.

V. Omnis terra adóret te,
et psallat tibi. R. Psalmum
dicat nómini tuo.

Ad Bened. Ant. Quasi ar-
cus refúlgens inter nébu-
las glóriæ, et quasi flos ro-
sárum in diébus vernis.

Oratio.

Deus qui sub beatíssimæ
Vírginis Mariæ singu-
lári patrocínio constitútos
perpétuis beneficiis nos cu-
mulári voluísti: præsta sup-
plicibus tuis; ut cujus hó-
die commemoratióne lætá-
mur in terris, ejus conspé-
ctu perfruámur in cœlis.
Per Dóminum.

Ad Primam in R. br. di-
citur V. Qui natus es de
María VírGINE.

Ad Tertiam. Capit. Beá-
tus homo. ut supra. 10*

In II. Vesperis.

Omnia ut in I. præter sequ.

Ad Magnif. Ant. Leva in
circúitu óculos tuos et vide:
omnes isti congregáti sunt,
venérunt tibi: filii tui de
longe vénient, et filiæ tuæ
de látere surgent.

Die 17. Decembris.

Sexta die infra Octavam
B.M.V. de Guadalupe.

Lect. I. Noct. de Script. occ.

In II. Nocturno.

Sermo S. Bernárdi Abbátis.
Serm. in cap. 12 Apocalypsis.

Lectio iv.

Novum fecit Dóminus
super terram, ut mú-
lier circúmdaret vi-
rum, nec álium quam Chri-
stum, de quo dicitur: Ecce
vir, Oriens nomen ejus. No-
vum quoque fecit in cœlo,
ut mulier sole appareret
amícta. Dénique et coro-
návít eum, et vicíssim ab
eo méruit coronári. Egre-
dímini, filiæ Sion, et vidéte
regem Salomónem in dia-
démate, quo coronávít eum
matersua. Verum hoc álias.
Interim sane ingredímini
magis, et vidéte Regínam
in diadémate, quo coroná-
vit eam Fílius suus. In cá-
pite, inquit, ejus coróna
stellárum duódecim.

R. Signum magnum. 7*

Lectio v.

Dignum plane stellis coronári caput, quod et ipsis longe clárius micans, ornet eas pótius, quam ornétur ab eis. Quidni corónent sídera, quam sol vestit? Sicut dies verni circúmdabant eam flores rosárum, et lília convállium. Nímírum læva sponsi sub cápite ejus, et jam dextera illíus amplexátur eam. Quis illas æstimet gemmas, quis stellas nóminet, quibus Maríæ régium diadéma compáctum est?

R. Quæ est. 8*

Lectio vi.

Quid ergo sidereum micat in generatióne Maríæ? Plane quod ex régibus orta, quod ex sémine Abrahæ, quod generósa ex stirpe David. Si id parum videtur, adde, quod generatióni illi ob singuláre privilégium sanctitátis divínitus nóscitur esse concéssa, quod longe ante eísdem pátribus cœlitis repromíssa, quod mýsticis præfiguráta miráculis, quod oráculis prænuntiáta prophéticis. Hanc enim sacerdotális virga, dum sine radíce flóruit: hanc Gedeónis vellus, dum in médio siccæ áræe máduit, hanc in Ezechiélis visióne Orientális porta, quæ

nulli umquam páuit, præsignábat.

R. Elégi. 8*

In III. Nocturno.

Léctio sancti Evangélíi secúndum Lucam.

Lectio vii. Cap. 1. d.

In illo témpore: Exsurgens Maríá, ábiit in montána cum festinatióne, in civitátem Juda: et intrávit in domum Zachariæ, et salutávit Elísabeth. Et reliqua.

De Homilía S. Ambrósii Epíscopi.

Vides non dubitásse Maríam, sed credidísse, et ideo fructum fidei consecútam? Beáta, inquit, quæ credidísti. Sed et vos beáti, qui audítis et créditis: quæcúmque enim credíderit ánima, et cóncipit, et génerat Dei verbum, et ópera ejus agnóscit. Et ait Maríá: Magnificat ánima mea Dóminum. Sit in síngulis Maríæ ánima, ut magníficet Dóminum: sit in síngulis spíritus Maríæ, ut exsúltet in Deo. Nam etsi secúndum carnem una mater est Christi, secúndum fidem tamen ómnium fructus est Christus.

R. Felix namque. 9*

Lectio viii.

Omnis enim ánima cón-
cipit Dei Verbum, si
tamen immaculáta, et im-
múnis a vítiis, intemeráto
castimóniam pudóre custó-
diat. Quæcúmque ígitur ta-
lis esse potúerit ánima, ma-
gnificat Dóminum, sicut
ánima Mariæ magnificávit
Dóminum, et exsultávit
spíritus ejus in Deo salu-
tári suo. Non quod Dó-
mino áliquid humana voce
possit adjúngi, sed quia
magnificátur in nobis. Sed
Mariæ quo persóna mélior,
eo prophetia plénior.

R. Beátam me dicent. 9*

Lectio ix.

Nec otíosum vidétur,
quod et ante Joánnem
Elisabeth prophétat, et Ma-
ria ante Dómini ortum: ser-
punt enim jam tentaménta
salútis humanæ. Nam sicut
peccátum a muliéribus cœ-
pit; ita étiam bonum a mu-
liéribus inchoátur: ut fé-
minæ quoque muliébria ó-
pera deponéntes, infirmi-
táti renúntient; et ánima
quæ non habet sexum, ut
Maria quæ nescit errórem,
religióso imitétur stúdio
castitátem.

Te Deum laudámus.

Die 19. Decembris.

Octava

**B.M. V. de Guadalupe
Mexicanæ.**

Duplex.

Omnia ut in Festo, exceptis
Lectionibus.

In I. Nocturno.

De Cánticis Canticórum.

Lectio i. Cap. 2.

Ego flos campi, et líli-
um convállium. Sic-
ut lílium inter spi-
nas, sic amíca mea inter
fílias. Sicut malus inter
ligna silvárum, sic diléctus
meus inter filios. Sub um-
bra illíus, quem desiderá-
veram, sedi; et fructus
ejus dulcis gútturi meo. In-
trodúxit me in cellam viná-
riam, ordinávit in me cari-
tátem. Fulcíte me flóribus,
stipáte me malis: quia amó-
re lángueo. Læva ejus sub
cápite meo, et délixtera il-
líus amplexábitur me. Ad-
júro vos, filíæ Jerúsalem,
per cápreas cervósque cam-
pórum, ne suscitétis, neque
evigiláre faciátis diléctam
quoadúsque ipsa velit.

R. Vidi speciósam sicut
colúmbam ascendéntem dé-
super rivos aquárum: cu-
jus inæstimábilis odor erat
nimis in vestiméntis ejus:
* Et sicut dies verni cir-
cúmdabant eam flores ro-

sárum, et lília convállium. *Y.* Quæ est ista, quæ ascéndit per desértum sicut vírgula fumi ex aromátibus myrrhæ et thuris? Et sicut.

Lectio ii.

Vox dilécti mei, ecce iste venit sáliens in móntibus transáliens colles: símilis est diléctus meus cáprea, hinnulóque cervórum. En ipse stat post paríetem nostrum, respiciens per fenéstras, prospiciens per cancellos. En diléctus meus loquitur mihi: Surge, própera, amíca mea, colúmbea mea, formósa mea, et veni. Jam enim hiems tránsiit, imber ábiit, et recéssit. Flores apparuérunt in terra nostra, tempus putatiónis advénit: vox túrturis audíta est in terra nostra: ficus prótulit grossos suos: víneæ floréntes dedérunt odórem suum.

R. Quæ est ista, quæ ascéndit sicut auróra consúrgens, pulchra ut luna, elécta ut sol, * Terribilis ut castrórum ácies ordináta? *Y.* Fília Sion, tota formósa, et suávis es, pulchra ut luna, elécta ut sol. Terribilis.

Lectio iii.

Surge, amíca mea, speciósá mea, et veni: colúmbea mea in foramínibus

petræ, in cavérna macériæ, osténde mihi fáciem tuam; sonet vox tua in aúribus meis: vox enim tua dulcis, et fácies tua decóra. Cápite nobis vulpes párvulas, quæ demoliúntur víneas: nam vínea nostra flóruit. Diléctus meus mihi, et ego illi, qui páscitur inter lília, donec adspíret dies, et inclinéntur umbræ. Revérte-re: símilis esto, dilécte mi, cáprea, hinnulóque cervórum super montes Bether.

R. Quæ est ista, quæ processit sicut sol, et formósa tamquam Jerúsalem? * Vidérunt eam filiæ Sion, et beátam dixerunt, et reginæ laudavérunt eam. *Y.* Et sicut dies verni circúdbant eam flores rosárum, et lília convállium. Vidérunt. Glória Patri. Vidérunt.

In II. Nocturno.

Sermo S. Cyrílli Epíscopi Alexandríni.

Homil. contra Nestorium.

Lectio iv.

Hilarem video cœtum Sanctórum ómnium, qui convenérunt promptis ánimis, a sancta et Dei Matre María semper Vírgine convocáti. Laus et glória sit tibi, san-

cta Trinitas, quæ omnes nos ad hanc celebritatem convocasti. Sit etiam tibi, sancta Dei Mater, laus. Tu enim es pretiosa margarita orbis terrarum: tu lampas inextinguibilis, corona virginitatis, sceptrum orthodoxæ fidei, templum indissolubile, continens eum qui nusquam contineri potest, Mater et Virgo, per quam benedictus, qui venit in nomine Domini, in sanctis Evangelii nominatur.

R. Signum magnum apparuit in cælo, mulier amicta sole et luna sub pedibus ejus, * Et in capite ejus corona duodecim stellarum. **V.** Fundamenta ejus in montibus sanctis, diligit Dominus portas Sion super omnia tabernacula Jacob. Et in.

Lectio v.

Per te Trinitas sanctificatur, per te crux pretiosa celebratur, et adoratur in toto orbe terrarum. Per te exultat cælum, lætantur Angeli et Archangeli, fugantur dæmones, et homo ipse ad cælum revocatur. Per te omnis creatura idolorum errore detenta, conversa est ad agnitionem veritatis, et fideles homines ad sanctum ba-

ptisma pervenerunt, atque in toto orbe terrarum constructæ sunt ecclesiæ.

R. Quæ est ista, quæ progrèditur quasi aurora consurgens: * Pulchra ut luna, electa ut sol? **V.** Quasi arcus refulgens inter nébulas gloriæ, et quasi flos rosarum in diebus vernis. Pulchra.

Lectio vi.

Te adjutrice, gentes veniunt ad poenitentiam. Quid plura? Per te unigenitus Dei Filius vera illa lux effulsit sedentibus in tenebris, et umbra mortis: per te prophætæ prænuntiaverunt, per te Apostoli salutem gentibus prædicaverunt. Quisnam poterit tuarum laudum præconia explicare, Maria Mater, et Virgo? Hanc, fratres dilectissimi, celebrémus, ejus Filium Ecclesiæ Sponsum immaculatum adorantes: cui honor, et gloria in sæcula sæculorum. Amen.

R. Elégi et sanctificavi locum istum; * Ut sit ibi nomen meum, et permaneant oculi mei, et cor meum ibi cunctis diebus. **V.** Non fecit taliter omni nationi, et iudicia sua non manifestavit eis. Ut. Gloria Patri. Ut.

In III. Nocturno.

Lectio sancti Evangelii secundum Lucam.

Lectio vii. Cap. 1.

In illo tempore: Exsurgens Maria, abiit in montana cum festinatione in civitatem Juda. Et intravit in domum Zachariae et salutavit Elisabeth. Et reliqua.

De Homilia Venerabilis Bedae Presbyteri.

Ex comment. in Luc. l. 1. c. 3.

Verum audiamus verba quae Virgo dixit, si forte ex his valeamus aliquantulum dignoscere, quid intus habuerit. Audita ergo responsione Elisabeth, quae eam beatam inter mulieres praedicavit, Matrem Domini sui cognominavit, fide fortem laudavit, ad cuius ingressum se ipsam cum filio Spiritu sancto replendam esse signavit; non amplius tacere potuit dona quae perciperat, sed quae semper animo gererat, ubi aptum tempus invenit, etiam devota oris professione patefecit.

R. Felix namque es, sacra Virgo Maria, et omni laude dignissima: * Quia ex te ortus est sol iustitiae, Christus Deus noster. V. Ora

pro populo, interveni pro clero, intercede pro devoto femineo sexu: sentiant omnes tuum juvamen, quicumque celebrant tuam sanctam festivitatem. Quia ex te ortus.

Lectio viii.

Namque, ut virginalem decubat pudorem, acceptum divinitus oraculum aliquamdiu silentio tangebatur; arcenum mysterii celestis in sui pectoris abdito venerabatur occultum; expectabat reverenter, donec ipse donorum distributor, quid sibi doni specialis tribuisset, quid secreti revelasset, quandocumque vellet, ostenderet. At postquam eadem quae sibi erant charismata praestita, per alios, Spiritu revelante esse patefacta cernebat, mox ipsa etiam thesaurum coeli, quem in corde servabat, aperuit. Ait ergo: Magnificat anima mea Dominum: et exsultavit spiritus meus in Deo salutari meo.

R. Beata me dicent omnes generationes: * Quia fecit mihi Dominus magna qui potens est, et sanctum nomen ejus. V. Et misericordia ejus a progenie in progenies timentibus eum. Quia. Gloria Patri. Quia.

Lectio ix.

Quibus profecto verbis primo dona sibi specialiter concessa confitetur: deinde generalia Dei beneficia, quibus generi humano in æternum consulere non desistit, enumerat: quæ cum omnibus perfectis verba recte convéniant, máxime tamen ea beatam Dei Genitricem proferre decébat, quæ mériti privilegio singularis spirituáli ipsius dilectione flagrâbat, cujus corporáli conceptione gaudébat. Quæ sequéntibus quoque verbis, quam vilia de se ipsa senserit, docet, et quod omne quidquid boni mériti hábuit, hoc supérna grátia largiente percéperit, dicens: Quia respexit humilitátem ancillæ suæ.

Te Deum laudámus.

Die 31. Decembris.

S. Hilariae Martyris, cujus corpus asservatur in metropolit. Eccles. Mexicana.

Duplex.

Omnia de Communi Mart. non Virg., ordine sequi.

Oratio. Deus, qui inter cetera.

In I. Nocturno Lectiones de Scriptura occurrente.

In II. Nocturno Lect. Ego máxime. de Comm. 2. loco.

In III. Nocturno Homilia in Evang. Simile est regnum cœlorum thesauro. de Comm.

Commemoratio Octav. in Laudibus.

Domin. III. post Epiphan.

B. M. V. de Bethlehem.

Dummodo illa non incidat in Domin. Sept. vel Sexag.

Duplex majus.

Ad Vesperas.

Ant. 1. Ascendit Joseph a Galilæa, de civitate Nazareth in Judæam, in civitatem David, quæ vocatur Bethlehem, ut profiteretur cum Mariâ.

Ps. Dixit Dominus. cum reliquis ut in Festis B. M. V.

2. Compléti sunt dies Mariæ, ut páreret Filium suum primogénitum, et pannis eum involvit, et reclinávit eum in præsepio.

3. Transeámus usque Bethlehem, et videámus hoc verbum, quod factum est, quod Dominus osténdit nobis.

4. Et venérunt festinantes: et invenérunt Mariam, et Joseph, et infántem positum in præsepio.

5. Mariâ autem conservábat omnia verba hæc, cónferens in corde suo.

Capitulum. Eccli. 24.

Ego quasi vitis fructificávi suavitatem odóris, et flores mei fructus honoris, et honestátis. Ego Ma-

ter pulchræ dilectionis, et timoris, et agnitionis, et sanctæ spei.

Hymn. Ave maris stella.

V. Post partum, Virgo, inviolata permansisti. R. Dei Génitrix, intercède pro nobis.

Ad Magnif. Ant. O admirabile commercium! Creator generis humani, animatum corpus sumens, de Virgine nasci dignatus est: et procedens homo sine semine, largitus est nobis suam deitatem.

Oratio ut infra ad Laudes. 24* Commem. Dominicæ.

Ad Complet. et alias Horas in fine Hymnorum dicitur:

Jesu, tibi sit gloria,
Qui natus es de Virgine.

Ad Matutinum.

Invit. Sancta María, Dei Génitrix, Virgo,* Intercède pro nobis.

Ps. Veníte, exultémus.

Hymnus. Quem terra.

In I. Nocturno.

Ant. Benedicta tu in mulieribus, et benedictus fructus ventris tui.

Psalmi trium Nocturnorum ut in Festis B. M. V.

Ant. Sicut myrrha electa odorem dedisti suavitatis, sancta Dei Génitrix.

Ant. Benedicta, filia, tu a Domino: quia per te fru-

ctum vitæ communicavimus.

V. Spécie tua, et pulchritudine tua. R. Inténde, prospere procéde, et regna.

De Canticis Canticorum.

Lectio i. Cap. 2.

Ego flos campi, et lilium convallium. Sicut lilium inter spinas, sic amica mea inter filias. Sicut malus inter ligna silvarum, sic dilectus meus inter filios. Sub umbra illius, quem desideraveram, sedi; et fructus ejus dulcis gutturi meo. Introduxit me in cellam vinariam, ordinavit in me caritatem. Fulcite me floribus, stipate me malis, quia amore langueo. Læva ejus sub capite meo, et dextera illius amplexabitur me. En dilectus meus loquitur mihi: Surge, propera, amica mea, columba mea, formosa mea, et veni. Jam enim hiems transiit, imber abiit, et recessit. Flores apparuerunt in terra nostra, tempus putationis advénit: vox turturis audita est in terra nostra; ficus protulit grossos suos: vineæ floréntes dedérunt odorem suum.

R. Omagnum mysterium, et admirabile sacramentum, ut animalia viderent

Dóminum natum, jacén-
tem in præsépio! * Beáta
Virgo, cujus víscera meru-
erunt portáre Dóminum
Christum. V. Ave María
grátia plena, Dóminus te-
cum. Beáta.

Lectio ii.

Surge, amíca mea, spe-
ciósa mea, et veni, co-
lúmba mea, in foraminibus
petræ, in cavérna macériæ:
osténde mihí faciém tuam,
sonet vox tua in aúribus
meis: vox enim tua dulcis,
et faciés tua decóra. Cápíte
nobis vulpes párvulas, quæ
demoliúntur véneas: nam
vénea nostra flóruit. Dilé-
ctus meus mihi, et ego illi,
qui páscitur inter lília, do-
nec adspíret dies, et incli-
néntur umbræ. Revértere,
símilis esto, dilécte mi, cá-
preæ, hiñulóque cervórum
super montes Bether. Ad-
júro vos, filiæ Jerúsalem,
per cápreas, cervósque
campórum, ne suscitétis,
neque evigiláre faciátis di-
léctam, donec ipsa velit.
Quæ est ista quæ ascéndit
per désertum, sicut vírgula
fumi ex aromátibus myr-
rhæ et thuris, et unívsi
púlveris pigmentárii?

R. Confirmátum est cor
Virginis in quo divína my-
stéria, Angelo nuntiánte,
concépit; tunc speciósum

forma præ filiis hóminum
castis suscepit viscéribus:
* Et benedícta in ætérnum,
Deum nobis prótulit, et hó-
minem. V. Domus pudíci
péctoris templum repén-
te fit Dei: intácta nésciens
virum, verbo concépit fi-
lium. Et.

Lectio iii.

En léctulum Salomónis
sexagínta fortes ám-
biunt ex fortíssimis Israél,
omnes tenéntes gládios, et
ad bella doctíssimi: unius-
cujúsque ensis super femur
suum propter timóres no-
ctúrnos. Férculum fecit sibi
rex Sálomon de lignis Lí-
bani: colúmnas ejus fecit
argénteas, reclinatórium
aúreum, ascénsus purpú-
reum; média caritáte con-
strávit propter filias Jerú-
salem. Egredímini, et vi-
déte, filiæ Sion, regem
Salomónem in diadémate,
quo coronávit illum mater
sua in die desponsatiónis
illíus, et in die lætitiæ cor-
dis ejus. Quam pulchra es,
amíca mea, quam pulchra
es! Oculi tui columbárum,
absque eo quod intrínse-
cus latet. Capílli tui sicut
greges caprárum, quæ a-
scendérunt de monte Gá-
laad. Duo úbera tua, sicut
duo hínnuli cápree gemélli,
qui pascúntur in líliis.

R. Benedícta, et venerábilis es, Virgo María, quæ sine tactu pudóris invénta est Mater Salvatóris: * Jacébat in præsépio, et fulgébat in cœlo. V. Dómine, audívi audítum tuum, et tímui; considerávi ópera tua, et expávi, in médio duórum animálium. Jacébat in præsépio. Glória Patri. Jacébat in præsépio.

In II. Nocturno.

Ant. Speciósá facta es, et suávis in delíciis tuis, sancta Dei Génitrix.

Ant. Pulchrióra sunt úbera tua vino, et odor vestimentórum tuórum super ómnia arómata.

Ant. Sicut lætántium ómnium nostrum habitátio est in te, sancta Dei Génitrix.

V. Adjuvábít eam Deus vultu suo. R. Deus in médio ejus, non commovébítur.

Sermo sancti Leónis Papæ.

Serm. 1. de Nativitate Domini.

Lectio iv.

Virgo régia Davidicæ stirpis elígitur, quæ sacro gravidánda foetu, divínam, humanámque prolem prius concíperet mente quam corpore: et ne supérni ignára consílii ad inusitátos pavéret

affátus, quod in ea operándum erat a Spíritu sancto, collóquio discit angélico, nec damnum credit pudóris Dei Génitrix mox futúra. Cur enim de concepciónis novitáte despéret, cui efficiéntia de Altíssimi virtúte promíttitur? Confirmátur credéntis fides étiam præeúntis attestatióne miráculi, donatúrque Elísabeth inopináta fœcúnditas, ut qui concéptum déderat stérili, datúrus non dubitarétur et Vírgini. Verbum igitur Dei, Deus, Dei Fílius, qui in princípío erat apud Deum, per quem facta sunt ómnia, et sine quo factum est nihil; propter liberándum ab æténa morte hóminem factus est homo.

R. Beáta víscera Mariæ Vírginis, quæ portavérunt æténi Patris Fílium: et beáta úbera, quæ lactavérunt Christum Dóminum; * Qui pro salúte mundi de Vírgine nasci dignátus est. V. Dies sanctificátus illúxit nobis: veníte gentes, et adoráte Dóminum. Qui.

Lectio v.

Serm. 2. de Nativitate Domini.

Adveníentibus ergo temporíbus, dilectíssimi, quæ redemptióni hóminum fúerant præstitúta, ingréditur hæc ínfima Jesus Chri-

stus Dóminus noster de cœlésti sede descéndens, et a patérna glória non recédens, novo órđine, nova nativitate generátus. Novo órđine, quia invisibilis in suis, visibilis factus est in nostris; incomprehensibilis, voluit comprehendí, ante témpora manens esse cœpit ex témpore: universitátis Dóminus servílem formam obumbráta majestátis dignitate suscepit; impassibilis Deus non dedignátus est homo esse passibilis, et immortalis mortis légitibus subjacere. Nova autem nativitate génitus est, concéptus a virgine, natus ex virgine, sine patérnæ carnis concupiscéntia, sine matérnæ integritátis injúria: quia futúrum hóminum Salvatórem talis ortus decébat, qui et in se habéret humánæ substántiæ natúram, et humánæ carnis inquinaménta nescíret. Auctor enim in carne nascéntis Deus est, testánte Archángelo ad beátam Mariám Virginem: Quia Spíritus sanctus supervéniet in te, et virtus Altíssimi obumbrábit tibi: ideóque quod nascétur ex te sanctum, vocábitur Fílius Dei.

R. Nesciens Mater Virgo virum, péperit sine dolore,

* Salvatórem sæculórum, ipsum Regem Angelórum sola Virgo lactábat úbere de cœlo pleno. V. Domus pudíci pectoris templum repénite fit Dei: intácta nésciens virum, verbo concépit Fílium. Salvatórem.

Lectio vi.

O rígo dissímilis, sed natúra consímilis: humano usu et consuetúdine, quod crédimus, caret; sed divína potestáte subnixum est, quod virgo concéperit, quod virgo pepérerit, et virgo permánserit. Non hic cogitétur parientis conditio, sed nascéntis arbitrium, qui sic homo natus est, ut volébat et póterat. Si veritátem quæris humánæ natúræ, cognósce matériam: si ratióem scrutáris originis, virtútem confitère divínam. Venit enim Dóminus Jesus Christus contágia nostra auferre, non pépeti; nec succumbere vítiis, sed medéri. Venit, ut omnem languórem corruptiónis, et univérsa vúlnera sordéntium curáret animárum: propter quod opórtuit, ut novo nascerétur órđine, qui novam impollútæ sinceritátis grátiam humánis corpóribus inferébat. Opórtuit enim, ut primam Genitricis integritá-

tem nascens incorruptio custodiret, et complacitum sibi claustrum pudoris, et sanctitatis hospitium divini Spiritus virtus infusa servaret, quæ statuerat dejecta erigere, confracta solidare, et superandis carnis illécebris multiplicatam pudicitiae donare virtutem: ut virginitas, quæ in aliis non poterat salva esse generando, fieret in aliis imitabilis et confitendo, et renascendo.

R. Beatissima Virgo Maria, hortus conclusus, fons signatus, Regina Angelorum, Domina mundi, * Per quam Deus descendit in terras, ut homines ascendere mererentur ad cælos.
 V. Ad te clamamus, exsules filii Evæ: recordare nostri, sanctissima Virgo. Per. Glória Patri. Per.

In III. Nocturno.

Ant. Gaude, Maria Virgo, cunctas hæreses sola interemisti in universo mundo.

Ant. Pulchra es et decora, filia Jerúsalem, terribilis ut castrorum acies ordinata.

Ant. Post partum, Virgo, inviolata permansisti: Dei Génitrix, intercède pro nobis.

V. Elégit eam Deus et præelégit eam. R. In ta-

bernáculo suo habitare facit eam.

Lectio sancti Evangelii secundum Lucam.

Lectio vii. Cap. 2.

In illo tempore: Pastores loquebantur ad invicem: Transeamus usque Bethlehem, et videamus hoc verbum, quod factum est, quod Dominus ostendit nobis. Et reliqua.

Homilia sancti Ambrósii
Episcopi.

Lib. 2. in cap. 2. Luc.

Vides festinare pastores. Nemo enim cum desidia Christum requirit. Vides pastores Angelo credidisse: et tu Patri, Filio et Spiritui sancto, Angelis, Prophetis et Apostolis credere non vis? Vide quam signanter Scriptura singulorum libet momenta verborum. Festinant, inquit, Verbum videre. Etenim cum caro Domini videtur, Verbum videtur quod est Filius.

R. Benedicta, filia, tu a Domino, quia per te fructum vitæ communicavimus: * Sola sine exemplo placuisti Domino nostro Jesu Christo. V. Nostras deprecationes ne despicias in necessitatibus nostris, et a periculis cunctis libera

nos, sancta Dei Génitrix. Sola.

Lectio viii.

Non mediócre fidei tibi hoc videátur exémp-
plum, non vilis persóna
pastórum. Certe quo ví-
lior ad prudéntiam, eo pre-
tiosior ad fidem. Non gy-
mnásia choris reférta sa-
piéntum, sed plebem Dó-
minus simplicem requisí-
vit, quæ phaleráre audíta
et fucáre nescíret. Simpli-
citas enim quæritur, non
ambítio desiderátur. ¶ Nec
contemnéndá putes quasi
vília verba pastórum. A
pastóribus enim María fi-
dem cólligit. A pastóribus
pópulus ad Dei reverén-
tiam congregátur. Miráti
étiam sunt, omnes qui au-
diérunt, de iis quæ dice-
bántur a pastóribus ad ip-
sos. María autem conser-
vábát ómnia verba hæc,
cónferens in corde suo.
Discámus sanctæ Vírginis
in ómnibus castitátem, quæ
non minus ore pudíca quam
córpoze, arguménta fidei
conferébat in corde.

R. Beáta es, María Dei
Génitrix, patróna et auxi-
liátrix nostra et omni lau-
de digníssima, * Ex qua
ortus est sol justítiæ Chri-
stus Deus noster, per quem
salváti et redépti sumus.

V. Ipsa est stella ex Jacob,
cujus rádius univérsum or-
bem illúminat. Ex. Glória
Patri. Ex.

Lectio ix. de Dominica.

Ad Laudes

et per Horas.

Ant. 1. Beáta es, * Virgo
María, Dei Génitrix, quæ
credidísti Dómino: perfé-
cta sunt in te, quæ dicta
sunt tibi.

Ps. Dóminus regnávít. cum
reliquis.

2. Beáta víscera Mariæ *
Vírginis, quæ portavérunt
ætérni Patris Fílium, et
beáta úbera, quæ lactavé-
runt Christum Dóminum.

3. Rubum, quem viderat
* Móyses incombústum,
conservátam agnóvimus tu-
am laudábilem virginitá-
tem: Dei Génitrix, inter-
céde pro nobis.

4. Germinávit radix Jes-
se, * orta est stella ex Ja-
cob, Virgo péperit Salva-
tórem: te laudámus, Deus
noster.

5. Ecce María * génuit
nobis Salvatórem, quem
Joánnes videns exclamávit
dicens: Ecce Agnus Dei, ec-
ce qui tollit peccáta mundi.

Capitulum. Eccli. 24.

Ego quasi vitis fructifi-
cávi suavitátem odóris,
et flores mei fructus honó-

ris et honestátis. Ego Mater pulchræ dilectiónis, et timóris, et agnitiónis, et sanctæ spei.

Hymnus. O gloriósa.

℣. Benedícta tu in muliéribus. ℞. Et benedíctus fructus ventris tui.

Ad Bened. Ant. Quando natus es ineffábiliter ex Vírgine, tunc implétæ sunt Scriptúræ: sicut plúvia in vellus descendísti, ut salvum fáceres genus humánum: te laudámus, Deus noster.

Oratio.

Deus, qui pro nobis ex intácto beátæ Mariæ Vírginis útero Béthlehem nasci voluísti: tríbue, quæsumus; ut ad percipiéndum reparatiónis nostræ fructum Genitrícis tuæ méritis ac précibus adjuvémur. Qui vivis et regnas.

Commem. Dominicæ.

Ad Primam.

In ℞. br. dicitur: Qui natus es de María Vírgine.

Ad Tertiam.

Capit. Ego quasi. 23*

℞. br. Spécie tua, * Et pulchritúdine tua. Spécie tua. ℣. Inténde, prospere procéde, et regna. Et. Glória Patri. Spécie.

℣. Adjuvábít eam Deus vultu suo. ℞. Deus in mé-

dio ejus, non commovébítur.

Ad Sextam.

Capitulum. Eccli. 24.

Transíte ad me omnes qui concupíscitis me, et a generatióibus meis implémini. Spíritus enim meus super mel dulcis, et hæréditas mea super mel et favum. Memória mea in generatióes sæculórum.

℞. br. Adjuvábít eam * Deus vultu suo. Adjuvábít. ℣. Deus in médio ejus, non commovébítur. Deus. Glória Patri. Adjuvábít.

℣. Elégít eam Deus, et præelégít eam. ℞. In tabernáculo suo habitáre facit eam.

Ad Nonam.

Capitulum. Eccli. 24.

Qui audit me, non confundétur, et qui operántur in me, non peccábunt. Qui elúcidant me, vitam ætérnam habébunt.

℞. br. Elégít eam Deus, * Et præelégít eam. Elégít. ℣. In tabernáculo suo habitáre facit eam. Et. Glória Patri. Elégít.

℣. Diffúsa est grátia in lábiis tuis. ℞. Proptérea benedíxit te Deus in ætérnum.

In II. Vesperis.

Antiph., Psalmi, Capit. et Hymn. ut in I. Vesperis.

V. Dignare me laudare te, Virgo sacrata. **R.** Da mihi virtutem contra hostes tuos.

Ad Magnif. Ant. Ave clementiæ Mater, consolatrix afflictorum, salus infirmorum. Tu gloria Jerúsalem, tu lætitia Israël, tu honorificentia populi nostri. O María, Virgo prudentissima, ora pro nobis ad Dóminum.

Commem. Dominicæ.

Die 30. Januarii.
Beati Sebastiani
Valfré Confess.

Duplex.

Omnia de Communi Conf. non Pont., præter sequ.

Oratio.

Da nobis, quæsumus Dómine, ita pro animarum subsidio in tua dilectione manere, sicut beátum Sebastianum Confessorem tuum ad multorum salutem novum tibi sacerdotem fidélem suscitasti. Per Dóminum nostrum.

In I. Nocturno Lectiones de Scriptura occurrente.

In II. Nocturno.

Lectio iv.

Sebastiánus Valfré in oppido Verdúno Albæ Pompéjæ diocesis humilibus, sed piis parentibus natus, a prima æ-

tate haud dubia exhibuit futuræ sanctitatis argumenta. Elúxit quippe in púero præclara quædam bonæ, ac religiósæ mentis índoles, quæ eum ad christiánam abstinéntiam, ac pauperum misericórdiam mirífice attrahébat. In sortem Dómini vocátus, quum omnes, quæ sibi adversaréntur, difficultátes superásset, adhuc adolescens Ecclésiæ ministériis sese addíxit. Majóre mox desidério flagrans totum se Deo, et animarum salutí devovéndi, Congregatió-nem Oratórii Augústæ Taurinórum ingressus est: quam vix incœptam, et adhuc male firmam, stúdio ac diligéntia plane constituit. Ad sacerdotium deinde evéctus, sacræ theologiæ laúream promérui, et in collégium doctorum cooptátus est. His adjumentis instrúctus, et sancti Philíppi Nérii præsertim vestigia premens, id unum toto vitæ cursu spectávit, ut omni ope unius promovéret Dei cultum, et in proximorum utilitátes totus incumberet. In nosocomiis, in gymnásiis, in sanctimoniálíum cœnóbiis, in statióibus mílitum, in carcéribus, in sóntium tri-

rémibus, in officínis, in agris, in platéis et urbis viis, dénique in ipsa regis aula singulórum juvándis ánimis sédulam ac perpétuam impéndit óperam.

R. Honéstum fecit.

Lectio v.

Admirábilis vero éxstitit in púeris et plebe erudiéndá christiánæ fidei præcéptis; quod onus sustínuit ad ætátem últimam tanta cum alacritáte, quasi tum primum sacerdotii stádium esset ingressus. Idem in Judæos præstitit atque hæréticos, quorum multos vel Christo adjúnxit, vel comunióni restítuit. Confessárii múnere assíduus, plúrimos a peccáti servitúte solútos, ad libertátem filiórum Dei tradúxit; quodcúmque genus hóminum lenitáte, et cleméntia allíciens, atque ómnibus ómnia factus, ut omnes Christo lucrifáceret. Inopitulándis, qui extrémó supplicio afficeréntur, miræ fuit a Deo efficiénciæ dono ornátus. Nec minus grátia enítuit, ægrótos ac mortí próximos noctu diúque invísens; cuius exímiam pietátem divína sæpe prodígia prosecúta sunt. Eódem juvándi próximos stúdio, puéllas, quarum pudicítia periclitarétur

ob inópiam rei familiáris, in tuto pósuit. Pérditas féminas a quæstu córporis ad continéntiam convértit, eisque, ne egestátis prætéxtu íterum prolaberéntur, vitæ subsidia comparávit. Dénique in paúperes et omne miserórum genus ita fuit effúsus, ut prope porténti loco habeátur tantam pecúniæ vim potuisse corrogári, quantam ipse unus in iis sustentándis collocávit. Quæ sane admiránda viri cáritas non Augústæ Taurinórum septa límitibus se contínuit, sed ad singulas Gállia Cisalpínæ, et Sabaúdiæ provincias pervásit; quo factum est, ut ómnibus his locis commúnis Paréntis nómine appellarétur. R. Amávit eum.

Lectio vi.

In hac tam vária atque inténta apostólicæ vitæ sollicitúdine, stúdiúm orándi contemplándique numquam intermísit: ita ut viderétur, tantis labóribus defatigátus, idéntidem in Dei recordatióne, et quasi ampléxu acquiescere. Sanctíssimam Salvatóris nostri Matrem tenérissimo amóris sensu venerabátur, eámque ut álíi veneraréntur stудиóse curábat. Castitátem in omni vita prætulit sin-

gulárem, quam abstinéntia, et córporis afflictatiónibus sevère custodiébat. Supérnis quoque donis a Deo ditátus, multa, partim áb-dita apérui; partim longe a conspéctu remóta monstrávit; partim étiam multo post futúra prædíxit. Talis cum esset, ita de se demísse humilitérque sentiébat, ut ex firma ánimi persuasióne créderet, se mortálium ómnium ínfimum in Oratórii Congregatióné retinéri alíorum indulgéntia, et caritáte. Archiepiscopátum vero Taurinénsem magna ánimi contentióné a rege sibi delátum rejécit, ejúsque confessárii munus, quod invítus suscepérat, abdicávit: quærebátque modis ómnibus níhili se a quocúmque fieri, sæpe tarditátem ingénii præferens, et géneris humilitátem plus nímio augéndo, aut prope inculcádo. Demum sénio ac labóribus debilitátus, et Ecclésiæ sacraméntis reféctus, mortem, quam ante prædíxerat, Augústæ Taurinórum óbiit tértio Kaléndas Febrúarii anno millésimo septingentésimo decimo, ætátis suæ añum agens primum supra octogésimum: quem Gregórius decimus sextus Póntifex Má-

ximus, virtútibus et miráculis conspícuum solémni ritu in beatórum númerum adscrípsit. **R.** Iste homo.

In III. Nocturno Homilia in Evangel. Sint lumbi. de Comuni Conf. non Pont. 1. loco.

Die 3. Februarii.

S. Blasii Episc. et Mart.,
Patroni min. princip.

Mexicanæ.

Duplex majus.

Omnia de Comuni unius Mart.
ordine sequ.

Oratio. Deus, qui nos.

In I. Noct. Lect. A Miléto. de Comuni.

In II. Noct. Lect. iv. **Blásius.**
ut in Brev. Lect. v. **Triumphá-**
lis, et vi. **Coronáta.** de Comm.

In III. Noct. Hom. in Evang.
Si quis vult. de Com. 2. loco.

Angelopoli et ubicumque
concessum fuerit

Duplex.

Omnia de Comuni unius Mart.,
præter sequentia.

Oratio ut supra; sed Lect.
I. Noct. de Script. occurr.

Lectiones II. Noct. ut in eod.
Festo in fine Breviarii.

In III. Nocturno Homilia in
Evang. **Si quis vult post me**
venire. de Comm. 2. loco.

Die 5. Februarii.

S. Philippi a Jesu Patr.
princ. ac Mart. Mexicani.

Duplex 1. cl. cum Oct.
in civitate et diœc. Mexicana.

In diœc. vero suffraganeis

Duplex majus.

Omnia de Comuni unius Mart.,
præter sequentia.

Oratio.



Deus, qui inter primos Japóniæ Mártýres beátum Philíppum, cruci alligátum, triplicique lancea confóssum, primum ómnium martýrio coronásti: concéde propítius; ut ejúsdem nos suffúlti patrocínio cum illo páriter coronémur in cœlis. Per Dóminum.

Ad Matutinum.

Hymnus.

Salve, triumphális pugil,
Decus novi orbis máximum,

Qui morte fecísti tua
Beatiórem pátriam.

Athléta princeps Méxici,
Trophæa celsa mártýrum,
Dignámque cœlo laúream
Tu primus infers pátriæ.

Quidquid juvéntus férvida
Peccáverat licéntia,
Libénter in mortem ruens
Sancta expiásti víctima.

Tui fac ut nos æmuli,
Dolóre cordis íntimo,
Jugique pœniténtia
Nostra eluámus crímina.

Deo Patri sit glória,
Ejúsque soli Fílio,
Sanctóque item Paráclito,
Per omne semper sæculum.
Amen.

In I. Nocturno.

De libro Tobíæ.

Lectio i. Cap. 10.



Flebat igitur mater ejus irremediabilibus lácrymis, atque dicebat: Heu, heu me, fili mi! ut quid te mísimus peregrinári, lumen oculórum nostrórum, báculo senectútis nostræ, solátium vitæ nostræ, spem posteritátis nostræ? Omnia simul in te uno habéntes, te non debúimus dimítere a nobis. Cui dicebat Tobías: Tace, et noli turbári, sanus est fílius noster: satis fidélis est vir ille, cum quo mísimus eum. Illa autem nullo modo consolári pótérat, sed quotidie exsiliens circumspiciébat, et circuibat vias omnes per quas spes remeándi videbátur, ut procul vidéret eum, si fieri posset, veniéntem.

R. Iste sanctus.

Lectio ii. Cap. 13.

Apériens autem Tobías sénior os suum, benedixit Dóminum, et dixit: Magnus es, Dómine, in ætérnum, et in ómnia sæcula regnum tuum: quóniam tu flagéllas, et salvas: dedúcis ad ínferos, et redúcis: et non est qui effúgiat manum tuam. Confitémini Dómino,

fílii Israël, et in conspéctu géntium laudáte eum: quóniam ideo dispérsit vos inter gentes quæ ignórant eum, ut vos enarrétis mirabilia ejus, et faciátis scire eos, quia non est álius Deus omnípotens præter eum. Ipse castigávit nos propter iniquitátes nostras, et ipse salvábit nos propter misericórdiam suam. Adspícite ergo quæ fecit nobíscum, et cum timóre et tremóre confitémini illi: regémque sæculórum exaltáte in opéribus vestris.

R̃. Justus germinábit.

Lectio iii.

Ego autem in terra captivitátis meæ confitébor illi: quóniam osténdit maiestátem suam in gentem peccatricem. Convertímini itaque peccatóres, et fácite justítiam coram Deo, credéntes quod fáciat vobíscum misericórdiam suam. Ego autem et ánima mea in eo lætábimur. Benedícite Dóminum omnes elécti ejus: ágite dies lætitiæ, et confitémini illi. Jerúsalem civitas Dei, castigávit te Dóminus in opéribus mánuum tuárum. Confíte-re Dómino in bonis tuis, et bédedic Deum sæculórum, ut reédificet in te tabernáculum suum, et ré-

vocet ad te omnes captivos, et gaúdeas in ómnia sæcula sæculórum.

R̃. Iste cognóvit.

In II. Nocturno.

Lectio iv.

Philíppus de las Casas, sive a Jesu, Méxici Hispánis paréntibus natus, ea adoléscentis vivébat libertáte ac licéntia, ut ipsismet paréntibus ideo prope esset exósus: quod ita illíus púpugit ánimum, divína simul grátia illustrátum, ut Franciscánum institútum arrípere statúerit. Sumpto tamen hábitu, nec satis gnarus quam árduum cum cállido hoste iniísset certámen, cessit illíus illécebris, abiitque e Religióne. Ea inconstántia tantum dolórem paréntibus áttulit, ut, ne ipsórum perpétuo vulneráret obtútum, in Chinam eum negotiatiónis ergo ablegárint. Aliquánto post témpore, cogitántem quam periculósam in libertáte, pátria procul, vitam ágeret, quæque in Religióne (Deo quoque ad ea ruminánda impellénte) vidísset ac reliquísset bona, novus ardor accéndit et hæc postlimínio repeténdi, et toto ánimo divíni Spíritus instinctibus

obsequendi. Manilam ergo, nescio cujus negotii causa, profectus, eo absoluto, ambit denuo religiosum habitum, et impetrat in coenobio sanctae Mariae de Angelis patrum Minorum Excalceatorum: ubi egregia approbatione, peracto tyrocinio, solennia demum vota professus est.

R̃. Honestum fecit.

Lectio v.

Hujus mutationis perlato Mexicum nuntio, vehementer exhilarati parentes, supremum ordinis in India praesidem, quem commissarium generalem appellant (is tunc Mexici erat) obsecrant, filium sibi in seraphico illo habitu videre ut per eum liceat. Lubens piis parentibus ea in re gratificatus commissarius, scripsit in Philippinas, ut confestim Mexicum Philippus mitteretur. Ea causa navem sancti Philippi tutelae creditam atque insignitam nomine conscendit: quae vi tempestatis convulsa, et in Urandum Tuzzani regni portum ejecta, ipse brevi portum aeternae beatitudinis laurea martyrii redimitus tenuit. Omen Philippo martyrii fuit, quod dum procellis

jactaretur in qua is erat sancti Philippi navis, ea parte coeli quae Japonem respiciebat, vidit crucem candidam, figura expressam simili earum in quas dein sublati martyres fuere; post in sanguineum colorem mutasse itidem ad horae quadrantem; demum nigra nube obvolutam. Omini respondit eventus. Nam saeviente in Japonia adversus christianae fidei praecones persecutione, beatus Philippus in vincula conjectus, et cum aliis sociis fuit morte damnatus.

R̃. Desiderium animae.

Lectio vi.

Perductus itaque cum ceteris in triumphalem campum, paratam sibi crucem positam humi genibus amplexatus, in hac prorupit verba: O fortunatam navem! O felicem sancti Philippi galeonem! O jacturam mihi minime damnosam, sed omni lucro quaestuosior! Ei cruci, dum transversarium lignum inseritur, cui qui pendet utcumque insideat, fallente mensura, quam solo fortasse intuitu faber colligerat, demissius aliquanto positum est, quam ut in niti beatus Martyr posset.

Quamóbrem erécta cruce, cui sancti viri alligáta férreis vínculis bráchia, collum ac tibiæ erant, ita sub-sédit póndere suo corpus, ut ea numélla quæ guttur stringébat, pene suffocarétur: magno igitur fervóre animi Jesu! Jesu! inclámat. Quo animadvérso iudex, priúsqvam strangularetur, configi lánceis jubet: atque ita primus ómnium tríplici lánceæ ictu palmam martýrii obtínuit, qui post-rémus in Japóniam vénerat. De eódem, et de viginti quinque martýrii sóciis Urbánus octávus Póntifex Máximus, Offícium recitari et Missam respectíve celebrári concessit. Ipsíus autem beáti Philíppi glória magna devotíone Méxici cólitur, dicáto in illíus honórem templo, et Capuccinárum vírginum insígni cœnóbio.

R. Stola jucunditátis.

In III. Nocturno.

Léctio sancti Evangélíi secúndum Matthæum.

Lectio vii. Cap. 16.

In illo témpore: Dixit Jesus discipulis suis: Si quis vult post me veníre, abneget semetípsum, et tollat crucem suam, et sequá-tur me. Et réliqua.

Homília sancti Bernárdi Abbátis.

In Vigil., et in die S. Andreæ Apost.

Mérito crucis amatórem venerántur, qui cúmque sunt servi crucis; sed ab his ampliorem jure devotíonem éxigit, qui speciálius proposuerunt tóllere crucem suam. Vobis hæc et de vobis dico, fratres mei, qui non surda aure audístis illam evangélicam tubam: Qui non bájulat crucem suam et séquitur me, non potest meus esse discipulus. Parátí estóte, totam ánimi diligéntiam huic adhibéte solemnítati, et corde magno celebráteeam: quia magnus omníno consolatiónis thesáurus repósitus est in ea, si fúerit qui fódíat et scrutétur.

R. Coróna aúrea.

Lectio viii.

Certe et crux pretiósa est, et crux amári potest, et crux habet exsultatiónem. Ita est. Si fúerit qui cólligat semper lignum crucis, vitam gérminat, fructificat jucunditátem, óleum lætitiæ stillat, bálsamum sudat spirituálium charísmatum. Non est silvéstris arbor, lignum vitæ est apprehen-

déntibus eam. Arbor fructífera, arbor salutífera est: alióquin quómodo Dómini eam occupáret terram? Illam dico pretiosíssimam glebam, quæ clavórum est infixa radicibus.

R. Hic est vere Martyr.

Lectio ix.

Nos cum beáto Philíppo necesse habémus tóllere crucem nostram, imo cum eo, quem ipse secútus est, Dómino Salvatóre. Inde enim sic lætabátur, inde exsultábat, quod non solum pro eo, sed étiam cum eo mori viderétur, et complantári similitúdini mortis ejus, ut compátiens étiam conregnáret. Cum quo ut simul crucifigámur et nos, atténtius aúribus cordis audiámus vocem dicéntis: Qui vult veníre post me, ábneget semetípsum, et tollat crucem suam, et sequátur me. Ac si dicat: Qui me desíderat, se despíciat: Qui vult fácere voluntátem meam, discatfrán-gere suam.

Te Deum laudámus.

Ad Laudes

Hymnus.

Philippe, Martyr inclyte,
Jesu fidélis ássecla,
Quem prætulísti nómine
Ad usque vis mortem sequi.

Confóssus hasta tríplici,
Fusóque rorans sáanguine,
Disténtus exspirans cruce
Jesu refers imáginem.

Sodálium tu mártýrum
Primóris es et sígnifer,
Agménque ducens cœlitum
Prior profúndissáanguinem.

Audi precántum civium
Voces, piásque lácrymas,
Ductórque noster sédibus
Nos tu beátis ínsere.

Virtus, honor, laus, glória
Patri sit atque Fílio,
Sancto simul Paráclito
Nunc et per omne sæculum.
Amen.

Die 12. Februarii.

Octava

S. Philippi a Jesu Mart.

Omnia ut in Festo, præter sequentia.

In I. Nocturno Lectiones de Scriptura occurrente.

In II. Nocturno Lect. **Príncipes.** de Communi unius Mart. 2. loco.

In III. Nocturno.

Léctio sancti Evangélíi secúndum Matthæum.

Lectio vii. Cap. 16.

In illo témpore: Dixit Jesus discípulis suis: Si quis vult post me veníre, ábneget semetípsum, et tollat crucem suam, et sequátur me. Et réliqua.

Homília sancti Augustíni Epíscopi.

Serm. 47 de diversis.

Durum vidétur et grave, quod Dóminus imperávit; ut si quis eum vult sequi, ábneget seípsum: sed non est durum, nec grave quod ille ímperat, qui ádjuvat, ut fiat quod ímperat. Nam et illud verum est quod ei dicitur in Psalmo: Propter verba labiórum tuórum ego custodívi vias duras. Quidquid enim durum est in præcéptis, ut sit lene, cáritas facit. Nóvimus quanta ipse amor facit. Quid autem est, Neget se? Non præsumat de se, séntiat se hóminem, et respíciat dictum Prophéticum: Maledíctus omnis, qui spem suam ponit in hómine: subdúcat se sibi, sed non deórsum versus: subdúcat se sibi, ut háreat Deo.

R̃. Coróna áurea.

Lectio viii.

Tollat crucem suam, et sequátur me. Quo sequéndus est Dóminus? quo iit, nóvimus: resurréxit enim, et ascéndit in cœlum: illo sequéndus est. Plane desperándum non est, quia ipse promísit, non quia homo áliquid potest. Jam quare desperémus, si mem-

bra illíus cápitis sumus? Bonum est illo eum sequi, sed vidéndum est, qua: ét-enim verba ista Dóminus Jesus non tunc dicébat, quando a mórtuis jam resurréxerat: nondum erat passus, ventúrus erat ad crucem, ventúrus ad ex-honoratióem, ad contumélias, ad flagélla, ad spinas, ad vúlnera, ad insultatiónes, oppróbria, mortem. Quasi exasperáta est via: pigrum te facis, non vis sequi: Séquere. Nam quis non velit ire ad exaltatióem? omnes deléctat celsitúdo, sed humílitás gradus est.

R̃. Hic est vere.

Lectio ix.

Quid est: Tollat crucem suam? Ferat quidquid moléstum est; sic me sequátur. Cum enim cœperit me móribus et præcéptis meis sequi; multos habébit contradictóres, multos habébit prohibitóres, multos habébit dissuasóres, et hos de ipsis quasi comítibus Christi. Cum Christo ambulábant, qui cæcos clamáre prohibébant. Sive ergo minas, sive blandiménta, sive quaslibet prohibitiónes, si sequi vis, in crucem verte: tólera, porta, noli succúmbere. Vidéntur

his verbis Dómini exhortáta martýria. Si persecutio est; nonne pro Christo debent cuncta conténni? Amátur mundus, sed præponátur, a quo factus est mundus.

Te Deum laudámus.

Die 13. Februarii.

S. Catharinæ de Ricciis
Virginis.

Duplex. Angelopoli.

Omnia ut in fine Breviarii.

Die 14. Februarii.

S. Gelasii Mart. cujus Reliquia asservat. in Alma Metrop. Eccles.
Duplex.

Oratio. **Præsta, quæsumus.** de Comm. 2. loco.

In I. Nocturno Lectiones de Scriptura occurrente.

In Quadrag. **Fratres: Debitores.** de Comm. plur. Mart. cum R̃q̃. de Comm. unius Mart.

In II. Nocturno Lect. **Principes.** de Comm. 2. loco.

In III. Nocturno Homilia in Evang. **Nihil est opértum.** de eodem Comm. 3. loco.

Feria VI. post Cineres.

V Vulnerum D. N. J. C.

Duplex majus.

In I. Vesperis.

Ant. et Capit. de Laud., 42*
Ps. 1. **Crédidi.** 2. **Ad Dóminum cum tribulárer.** ut in Vesperis Feriæ II. 3. **Eripe me.** 4. **Dómine clamávi.** 5. **Voce mea.** ut in Vesperis Feriæ VI.

Hymnus.

Pange, lingua, gloriósi
Laúream certáminis,
Et super crucis trophæo
Dic triúmphum nóbilem,
Quáliter Redémptor orbis
Immolátus vícerit.

De paréntis protoplásti
Fraude factor cóndolens,
Quando pomi noxiális
In necem morsu ruit:
Ipse lignum tunc notávit,
Damna ligni ut sólveret.

Hoc opus nostræ salútis
Ordo depopóscerat,
Multifórmis proditóris
Ars ut artem fálleret,
Et medélam ferret inde,
Hostis unde læserat.

Quando venit ergo sacri
Plenitúdo témporis,
Missus est ab arce Patris
Natus orbis Cónditor;
Atque ventre virgináli
Carne amíctus pródiit.

Vagit infans inter arcta
Cónditus præsépia:
Membra pannis involúta
Virgo Mater álligat,
Et Dei manus, pedésque
Stricta cingit fáscia.

Sempitérna sit beátæ
Trinitáti glória,
Æqua Patri, Filióque,
Par decus Paráclito:
Uníus, Triníque nomen
Laudet univérsitas.

Amen.

V. Vidébunt, in quem transfixérunt. R. Et dolébunt super eum, ut in morte primogéniti.

Ad Magnif. Ant. Dum in cruce pendéret unigénitus Dei Fílius, et ab ómnibus subsannarétur, Mater ejus Virgo María ipsum verum Deum et hóminem cóndolens venerabátur.

Oratio ut in Laud. 43*

Deinde commem. Feriæ.

Ad Matutinum.

Invit. Christum in cruce confixum, quinque plagis vulnerátum, * Veníte, adorémus.

Hymnus. Pange, lingua. ut supra. 34*

In I. Nocturno.

Ant. Quis est iste qui venit de Edom, tinctis véstibus de Bosra?

Ps. In Dómino confído. in III. Noct. de Communi unius Mart.

Ant. Quare rubrum est indumentum tuum, et vestimenta tua sicut calcántium in torculári?

Ps. Dómine quis. ibidem.

Ant. Tórcular calcávi solus, et de géntibus non fuit vir mecum.

Ps. Dómini est terra. ut in II. Noct. de Comm. plur. Mart.

V. Fodérunt manus meas, et pedes meos. R. Dinumeravérunt ómnia ossa mea.

De Isaia Prophéta.

Lectio i. Cap. 53.

Quis crédidit auditui nostro? et bráchi-um Dómini cui revelátum est? Et ascéndet sicut virgúltum coram eo, et sicut radix de terra sitiénti. Non est spécies ei, neque decor; et vídimus eum, et non erat aspéctus, et desiderávimus eum: despéctum, et novíssimum virórum, virum dolórum, et sciéntem infirmitátem, et quasi absconditus vultus ejus et despéctus: unde nec reputávimus eum. Verelanguóres nostros ipse tulit, et dolóres nostros ipse portávit: et nos putávimus eum quasi leprósum, et percússum a Deo, et humiliátum. Ipse autem vulnerátus est propter iniquitátes nostras, attrítus est propter scélera nostra: disciplína pacis nostræ super eum, et livóre ejus sanáti sumus.

R. Gratificávit nos Deus in dilécto Fílio suo: * In quo habémus redemptiónem per ságuinem ejus in remissionem peccatórum. V. Ecce venit plenitúdo témporis, in quo misit Deus Fílium suum in terras. In.

Lectio ii.

Omnes nos quasi oves errávimus, unusquis-

que in viam suam declinavit, et posuit Dominus in eo iniquitatem omnium nostrum. Oblatus est quia ipse voluit, et non aperuit os suum: sicut ovis ad occisionem ducetur, et quasi agnus coram tondente se obmutescet, et non aperiet os suum. De angustia, et de iudicio sublatus est: generationem ejus quis enarrabit? Quia abscissus est de terra viventium: propter scelus populi mei percussus eum. Et dabit impios pro sepultura, et divitem pro morte sua: eo quod iniquitatem non fecerit, neque dolus fuerit in ore ejus. Et Dominus voluit contedere eum in infirmitate.

R. Nos qui aliquando eramus longe, facti sumus prope per sanguinem Jesu Christi: * Ipse est pax nostra, qui fecit utraque unum. V. A Domino factum est istud, et est mirabile in oculis nostris. Ipse.

Lectio iii. Cap. 63.

Quis est iste qui venit de Edom, tinctis vestibus de Bosra? Iste formosus in stola sua, gradiens in multitudine fortitudinis suae. Ego, qui loquor justitiam, et propugnator sum ad salvandum. Quare ergo rubrum est indumentum

tuum, et vestimenta tua sicut calcantium in torculari? Torcular calcavi solus, et de gentibus non est vir mecum: calcavi eos in furore meo, et conculcavi eos in ira mea, et aspersus est sanguis eorum super vestimenta mea, et omnia indumenta mea inquinavi. Dies enim ultionis in corde meo, annus redemptionis meae venit. Circumspexi, et non erat auxiliator; quaesivi, et non fuit qui adjuvaret.

R. In primogenito ex mortuis complacuit omnem plenitudinem divinitatis inhabitare, et per eum reconciliare omnia in ipsum, * Pacificans per sanguinem crucis ejus, sive quae in coelis, sive quae in terris sunt. V. Ipse est caput corporis Ecclesiae, in omnibus primatum tenens. Pacificans. Gloria. Pacificans.

In II. Nocturno.

Antiph. Foderunt manus meas et pedes meos; dinumeraverunt omnia ossa mea.

Psalmus 21.

Deus Deus meus respice in me: quare me dereliquisti? * longe a salute mea verba delictorum meorum.

Deus meus clamabo per diem, et non exaudies: * et

nocte, et non ad insipiéntiam mihi.

Tu autem in sancto hábitas, * laus Israël.

In te speravérunt patres nostri: * speravérunt, et liberásti eos.

Ad te clamavérunt, et salvi facti sunt: * in te speravérunt, et non sunt confúsi.

Ego autem sum vermis, et non homo: * oppróbrium hóminum, et abjéctio plebis.

Omnes vidéntes me, derisérunt me: * locúti sunt lábiis, et movérunt caput.

Sperávit in Dómino, erípiat eum: * salvum fáciat eum, quóniam vult eum.

Quóniam tu es, qui extraxísti me de ventre: * spes mea ab ubéribus matris meæ. In te proyéctus sum ex útero:

De ventre matris meæ Deus meus es tu, * ne discéseris a me:

Quóniam tribulátio próxima est: * quóniam non est qui ádjuvet.

Circumdedérunt me vítuli multi: * tauri pingues obsederunt me.

Aperuérunt super me os suum, * sicut leo rápiens et rúgiens.

Sicut aqua effúsus sum, * et dispérsa sunt ómnia ossa mea.

Factum est cor meum tamquam cera liquéscens * in médio ventris mei.

Aruit tamquam testa virtus mea, et lingua mea adhæsit faucibus meis: * et in púlverem mortis deduxísti me.

Quóniam circumdedérunt me canes multi: * concílium malignántium obsédit me.

Foderunt manus meas et pedes meos: * dinumeravérunt ómnia ossa mea.

Ipsi vero consideravérunt et inspexérunt me: * divisérunt sibi vestiménta mea, et super vestem meam miserunt sortem.

Tu autem Dómine ne elongáveris auxílium tuum a me: * ad defensiónem meam cónspecte.

Erue a frámea Deus ánimam meam, * et de manu canis únicam meam.

Salva me ex ore leónis: * et a córnibus unicórnium humilitátem meam.

Narrábo nomen tuum fratribus meis: * in médio ecclésiæ laudábo te.

Qui tímétis Dóminum, laudáte eum: * univérsum semen Jacob glorificáte eum.

Tímeat eum omne semen Israël: * quóniam non sprexit, neque despéxit deprecaciónem paúperis:

Nec avértit fáciem suam a me: * et cum clamárem ad eum, exaudívit me.

Apud te laus mea in ecclésia magna: * vota mea reddam in conspéctu tímentium eum.

Edent paúperes, et saturabúntur: et laudábunt Dóminum qui requírunť eum: * vivent corda eórum in sǎculum sǎculi.

Reminiscéntur et converténtur ad Dóminum * univérſi fines terræ:

Et adorábunt in conspéctu ejus * univérſæ familiæ Géntium.

Quóniam Dómini est regnum: * et ipse dominábítur Géntium.

Manducavérunt et adoravérunt omnes pingues terræ: * in conspéctu ejus cadent omnes qui descéndunt in terram.

Et ánima mea illi vivet: * et semen meum sérviet ipsi.

Annuntiábitur Dómino generátio ventúra: * et annuntiábunt cœli justítiam ejus pópulo qui nascétur, quem fecit Dóminus.

Ant. Fodérunt manus meas et pedes meos; dinumeravérunt ómnia ossa mea.

Ant. A planta pedis usque ad vérticem non est in eo sánitas.

Psalmus 65.

Jubiláte Deo, omnis terra, psalmum dícite nómini ejus: * date glóriam laudi ejus.

Dícite Deo, quam terribília sunt ópera tua Dómine! * in multitúdine virtútis tuæ mentiéntur tibi inimíci tui.

Omnis terra adóret te, et psallat tibi: * psalmum dicat nómini tuo.

Veníte, et vidéte ópera Dei: * terribilis in consiliis super filios hóminum.

Qui convértit mare in áridam, in flúmine pertransibunt pede: * ibi lætábimur in ipso.

Qui dominátur in virtúte sua in ætérnum, óculi ejus super Gentes respíciunt: * qui exásperant non exalténtur in semetipsis.

Benedícite Gentes Deum nostrum: * et audítam fácite vocem laudis ejus.

Qui pósuit ánimam meam ad vitam: * et non dedit in commotiónem pedes meos.

Quóniam probásti nos, Deus: * igne nos examinásti, sicut examinátur argéntum.

Induxísti nos in láqueum, posuísti tribulatiónes in dorso nostro: * imposuísti hómines super cápita nostra.

Transívimus per ignem et aquam: * et eduxísti nos in refrigérium.

Introíbo in domum tuam in holocaústis: * reddam tibi vota mea, quæ distinxérunt lábia mea.

Et locútum est os meum, * in tribulatióne mea.

Holocaústa medulláta offeram tibi cum incénso aríetum: * offeram tibi boves cum hircis.

Veníte, audíte, et narrábo, omnes qui tímétis Deum, * quanta fecit ánimæ meæ.

Ad ipsum ore meo clamávi, * et exaltávi sub lingua mea.

Iniquitátem si aspéxi in corde meo, * non exaudiet Dóminus.

Propterea exaudivit Deus, * et atténdit voci deprecationis meæ.

Benedíctus Deus, * qui non amóvit oratióem meam, et misericórdiam suam a me.

Ant. A planta pedis usque ad vérticem non est in eo sánitas.

Ant. Vulnus et livor, et plaga tumens non est circumligáta, nec curáta medicámine, neque fota óleo.

Psalmus 75.

Notus in Judæa Deus: * in Israël magnum nomen ejus.

Et factus est in pace locus ejus: * et habitatio ejus in Sion.

Ibi confrégit poténtias arcuum, * scutum, gládium, et bellum.

Illúminans tu mirabíliter a móntibus ætérnis: * turbáti sunt omnes insipiéntes corde.

Dormiérunt somnum suum: * et nihil invenérunt omnes viri divitiárum in mánibus suis.

Ab increpatione tua Deus Jacob, * dormitavérunt qui ascendérunt equos.

Tu terribilis es, et quis résistet tibi? * ex tunc ira tua.

De cœlo audítum fecísti judícium: * terra trémuit et quíevit.

Cum exsúrgeret in judícium Deus, * ut salvos fáceret omnes mansuétos terræ.

Quóniam cogitatio hóminis confitébitur tibi: * et reliquiæ cogitationis diem festum agent tibi.

Vovéte, et réddite Dómino Deo vestro, * omnes qui in circúitu ejus affértis múnera.

Terríbili et ei qui aufert spíritum princípum, * terríbili apud reges terræ.

Ant. Vulnus et livor, et plaga tumens non est cir-

cumligáta, nec curáta medicámine, neque fota óleo.

℣. Vere languóres nostros ipse tulit. ℞. Et dolóres nostros ipse portávit.

De Sermóne S. Bernárdi
Abbátis.

Lib. de Pass. Domini cap. 41.

Lectio iv.

Captus ergo Jesus post plúrimas illusiónes tam Judæórum, quam géntium: post sánguinis plures effusiónes, clavis immítibus mánibus simul, et pédibus perforátur: et confígitur ligno crucis Salvátor noster mitísimus Jesus. Intuére et respice rosam passiónis sanguíneæ, quómodo rubet in indícium ardentíssimæ caritátis. Conténdunt pássio et caritas: illa ut plus ardeat, ista ut plus rubeat.

℞. Per mortem destrúxit Jesus eum qui mortis habébat impérium, * Ut liberáret eos qui timóre mortis obnoxii erant servitúti. ℣. Unde débuit per ómnia frátribus assimilári, ut misericors fieret. Ut.

Lectio v.

Vide, quómodo hoc flore rosæ florúerit óptima vitis nostra, rubicúndus Jesus. Vide totum corpus,

sícubi rosæ sanguíneæ florem non invénias. Inspice manum unam et áleram, si florem rosæ non invénias in utráque. Inspice pedem unum et álerum, numquid non rósei? Inspice láteris apertúram, quia nec illa caret rosa, quamvis ipsa subrúbea sit propter mixtúram aquæ; quia, sicut narrat Evangelista, cum unus militum láncea latus ejus perforásset, exívit sanguis et aqua.

℞. Per hóminem mors, et per hóminem resurrectio mortuórum: * Et sicut in Adam omnes peccavérunt, ita in Christo omnes vivificabúntur. ℣. Novíssime autem inimica destruétur mors. Et.

Ex eódem divo Bernárdo.

Serm. de Passione Domini.

Lectio vi.

Respice, Dómine sancte Pater, de sanctuário tuo et de excélso coelórum habitáculo: et intuére hanc sacrosáctam hóstiã, quam tibi offert magnus Póntifex noster, sanctus puer tuus Dóminus Jesus, pro peccátis fratrum suórum; et esto placábilis super multitudíne malítiæ nostræ. Cognósce, Pater, tunicam filii tui Joseph. Heu! fera péssima

devorávit eum, et conculcávit in furóre suo vestiméntum ejus. Ecce, quinque scissúras lamentábiles in eo reliquit.

R. Vidémus Jesum propter passióem mortis glória et honóre coronátum,* Ut pro ómnibus gustáret mortem. V. Decébat eum qui multos filios in glóriam addúxerat, auctórem salutis eórum per passióem consummári. Ut. Glória Patri. Ut.

In III. Nocturno.

Ant. Quid sunt plagæ istæ in médio mánuum tuárum?

Ps. Cantáte. cum reliqu. ut in III. Noct. de Comm. Virg.

Ant. His plagátus sum in domo eórum, qui me diligébant.

Ant. In amaritúdine sermo meus est; et manus plagæ meæ aggraváta est super gémitum meum.

V. Ipse vulnerátus est propter iniquitátes nostras.

R. Attrítus est propter scélera nostra.

Lectio sancti Evangélíi secundum Joánnem.

Lectio vii. Cap. 19.

In illo témpore: Sciens Iesus quia ómnia consummáta sunt, ut consummarétur Scriptúra, dixit: Sítio. Et reliqua.

Homilia S. Cyrilli Episcopi Alexandríni.

Lib. 12. Comm. in Joann.

Cum ab immánibus Judæis omnis in Christum expléta esset impietas, nec quidquam jam ad summam crudelitátem reliquum esset; ad extrémum caro Christi sanctíssima próprium quiddam ac naturále rursus patitur. Multis enim ac váriis dolóribus exsiccáta, siti torquétur. Graves síquidem dolóres magnam ad sitim comóvéndam vim habent, naturáli quodam et inexplicábili calóre húmidum consuméntes, et ígneis ardóribus præcórdia uréntes.

R. Manifestáta est grátia Dei per illuminatióem Salvatóris nostri Jesu Christi: * Qui destrúxit mortem, illuminávit autem vitam in incorruptiόnem. V. Liberávit, et vocávit nos vocatiόne sua sancta per grátiam, quæ data est nobis in Christo. Qui.

Lectio viii.

Consummátum esse, ait, impietátis Judáicæ modum, et impoténtem sæviéndi ánimum. Quid enim Judæi intentátum reliquerunt, aut quid non extrémæ crudelitátis adhibuérunt?

Quod supplicii aut contumeliæ genus prætermiserunt? Quamobrem jure: Consummatum est, ait: sed hora jam eum ad prædicandum spiritibus, qui apud inferos erant, invitante (advénit enim, ut mortuorum ac vivorum dominaretur) ipsam pro nobis mortem suscepit, et communem hanc naturæ nostræ passionem sustinuit in carne sua.

R. Dignus es, Dómine, accipere librum, et aperire signacula ejus, quoniam occisus es, et redemisti nos Deo * In sanguine tuo. V. Fecisti enim nos Deo nostro regnum, et sacerdotes. In. Glória Patri. In.

Lectio ix. de Homil. Feriæ.

Ad Laudes

et per Horas.

Ant. 1. Vere languores nostros * ipse tulit, et dolores nostros ipse portavit.

Ps. Dóminus regnavit. cum reliquis.

2. Ipse autem * vulneratus est propter iniquitates nostras: attritus est propter scelera nostra.

3. Alligavit Dóminus * plagam populi sui, et percussuram ejus sanavit.

4. Omnis qui transibit, * stupébit super omnes plagas ejus.

5. () vos omnes, * qui transitis per viam, attendite et videte, si est dolor sicut dolor meus.

Capitulum. Isaïæ. 53.

Christus vulneratus est propter iniquitates nostras; attritus est propter scelera nostra; cujus livore sanati sumus.

Hymnus.

Lustra sex qui jam perégit

Tempus implens corporis,
Sponte libera Redemptor
Passióni deditus,
Agnus in crucis levatur
Immolandus stipite.

Felle potus ecce languet,
Spina, clavi, lancea
Mite corpus perforarunt;
Unda manat, et cruor:
Terra, pontus, astra, mundus,

Quo lavantur flumine!

Crux fidelis inter omnes
Arbor una nobilis:
Silva talem nulla profert
Fronde, flore, germine:
Dulce ferrum, dulce lignum
Dulce pondus sustinent.

Flecte ramos, arbor alta,
Tensa laxa viscera,
Et rigor lentescat ille,
Quem dedit nativitas;
Et superni membra regis
Tende miti stipite.

Sola digna tu fuisti
Ferre mundi victimam:

Atque portum præparare
Arca mundo naufrago,
Quam sacer cruor perunxit
Fusus Agni corpore.

Sempiterna sit beata
Trinitati gloria;
Æqua Patri, Filioque,
Par decus Paráclito:
Unius, Trinique nomen
Laudet universitas. Amen.

℣. Vidébunt, in quem
transfixerunt. ℞. Et dolé-
bunt super eum, ut in mor-
te primogéniti.

Ad Bened. Ant. Unus mí-
litum lancea latus ejus apé-
ruit, et continuo exívit san-
guis et aqua.

Oratio.

Deus, qui unigéniti Fílii
tui passióne, et per
quinque vúlnera ejus sán-
guinis effusióne, humánam
natúram peccáto pérditam
reparásti: tribue nobis,
quæsumus; ut qui ab eo
suscépta vúlnera venerá-
mur in terris, ejúsdem pre-
tiosíssimi sánguinis fru-
ctum cónsequi mereámur in
cœlis. Per eúndem Dñm.

Et fit commemoratio Feriæ.

Ad Tertiam.

Capit. Christus. 42*

℞. br. Foderunt manus
meas, * Et pedes meos.
Foderunt. ℣. Dinumeravé-
runt ómnia ossa mea. Et.
Glória Patri. Foderunt.

℣. O vos omnes, qui
transítis per viam. ℞. At-
téndite et vidéte dolórem
meum.

Ad Sextam.

Capitulum. Isaia 50.

Fáciem meam non avérti
Ab increpántibus, et
conspuéntibus in me: Dó-
minus Deus auxiliátor me-
us, et ideo non sum con-
fusus.

℞. br. Vere languóres no-
stros * Ipse tulit. Vere.
℣. Et dolóres nostros ipse
portávit. Ipse. Glória Pa-
tri. Vere.

℣. Disciplína pacis no-
stræ super eum. ℞. Et li-
vóre ejus sanáti sumus.

Ad Nonam.

Capitulum. Isaia 53.

Trádidit Christus in mor-
tem ánimam suam, et
cum scelerátis reputátus
est, et ipse peccáta multó-
rum tulit, et pro transgres-
sóribus rogávit.

℞. br. Ipse vulnerátus
est * Propter iniquitátes no-
stras. Ipse. ℣. Attritus est
propter scélera nostra.
Propter. Glória Patri. Ipse.
℣. Oblátus est, quia ipse
vóluit. ℞. Et non apéruit
os suum.

In II. Vesperis.

Ant., Ps., Capit., Hymnus et
℣. ut in I. Vesperis.

Ad Magnif. Ant. Ego sum vestra redemptio; manus meæ, quæ vos fecerunt, clavis confixæ sunt: propter vos flagellis cæsus sum; spinis coronatus sum; aquam petii pendens, et acetum porrexerunt; in escam meam fel dederunt, et in latus lanceam: mortuus, et sepultus resurrexi, vobiscum sum, et vivo in æternum.

Die 21. Februarii.

S. Angelæ Mericiæ

Virginis.

Duplex. Angelopoli.

Omnia de Comuni Virg., præter sequentia.

Oratio.

Deus, qui novum per beatam Angelam sacrarum virginum collegium in Ecclesia tua florere voluisti: da nobis ejus intercessionem angelicis moribus vivere; ut, terrenis omnibus abdicatis, gaudiis perfrui mereamur æternis. Per Dominum nostrum.

In I. Nocturno Lectiones de Scriptura occurrente.

In Quadrag. De virginibus. de Comm. Virg. 1. loco.

In II. Nocturno.

Lectio iv.



Angela Mericia, Decentiani, Veronensis diocesis oppi-

do ad lacum Benacum in ditione Veneta, piis orta parentibus, a prima ætate virginitatis liliū, quod perpetuo servare statuerat, sedula sepsit. Ab omni muliebri ornatu abhorrrens, egregiam vultus formam, pulchramque cæsariem studiose foedavit, ut cœlesti dumtaxat animarum Sponso placeret. In ipso autem adolescentiæ flore parentibus orbata, austerioris vitæ desiderio in desertum locum aufugere tentavit, sed ab avunculo prohibita, novit præstare domi quod in solitudine non licuit. Cilicio ac flagellis frequenter usa, carnem non nisi infirma valetudine, vinum in Nativitatis et Resurrectionis Dominicæ tantum celebritate, complures vero dies nihil omnino degustavit. Orationi dedita brevissimum humi carpēbat somnum. Dæmonem vero sub lucēntis angeli forma sibi illudere conāntem, agnōvit prōtinus et conjecit in fugam. Tandem paternis bonis abdicatis, et habitum ac regulam tertiū ordinis sancti Francisci amplēxa, evangelicam paupertatem virginitatis laudi conjunxit.

R. Propter veritatem.

Lectio v.

Nullum pietatis officium erga próximos omittens, pauperibus, quicquid sibi ex emendicato victu superesset, largiebatur: libenter ministrabat ægratis: pluraque cum magna sanctitatis fama peragravit loca, ut vel solatio esset afflictis, vel reis veniam impetraret, vel infensos invicem reconciliaret animos, vel e vitiorum cœno sceleratos revocaret. Angelorum pane, quem unice esuriebat, frequentissime refecta, tanta caritatis vi ferebatur in Deum, ut sæpius extra sensus raperetur. Sacra Palæstinæ loca summa cum religione obivit: quo in itinere et visum, quem ad Cydonias appulsa oras amiserat, eodem regressa recuperavit, et barbarorum captivitatem ac naufragium imminens divinitus evasit. Romam denique, firmam Ecclesiæ petram, veneratūra, et amplissimæ Jubilæi vniæ percupida, sedente Clemente septimo, accessit: quam Summus Pontifex allocutus, ejusdem sanctimoniæ suscepit et commendavit summo opere: nec ab Urbe ipsam abire ante permisit, quam alio cœlitus vocatam agnovit. **R̃.** Dilexisti.

Lectio vi.

Brixiam itaque, ubi domum ad sanctæ Aphræ templum conduxit, reversa, novam ibi virginum societatem, sicut cœlesti voce ac visione mandatum sibi fuerat, sub certa disciplina, sanctisque vivendi regulis constituit, quam sanctæ Ursulæ invictæ virginum ducis patrocínio ac nomine insignivit: eam vero perennem futuram morti proxima prædixit. Tandem prope septuagenaria dives meritis evolavit in cœlum sexto Kalendas Februarii anni millésimi quingentésimi et quadragésimi, cujus cadáver per ipsos triginta dies inhumatum, flexibile ac vivo simillimum perseveravit. Demum in sanctæ Aphræ templo inter ceteras, quibus illud abundat, sanctorum reliquias reposito, plurima ad ejus sepulchrum agi statim cœpere miracula: quorum fama late diffusa non Brixie modo et Decentiáni, sed alibi etiam, vulgo cœpit nuncupari beata, ejusque imago aris imponi; imo sanctus ipse Carolus Borromæus, non multis post annis dignam, quæ ab apostolica Sede in sanctarum virginum album referreretur, Brixiam

xiæ palam asséruiť. Cultum vero illi jam diu a pópulis exhibítum, et tum locórum ordináriis probátum, tum plúribus étiam Summórum Pontíficum indúltis munitum, Clemens Papa tertiusdecimus solémni decréto ratum hábuit ac confirmávit. Eam tandem, novis miráculis rite probátis insígnem, Pius Papa séptimus, solémni canonizatióne in Vaticána basilíca perácta, die vigésima quarta Maji, anno milésimo octingentésimo séptimo, sanctárum víginum catálogo adscrípsit.

R. Afferéntur regi.

In III. Nocturno Homilia in Evangel. Símile erit regnum cœlórum decem víginibus. de Comm. Virg.

Die 22. Februarii.

**S. Margaritæ de Cor-
tona** Virginis.

Duplex. Angelopoli.

Omnia ut inter festa pro ali-
quibus locis die 26. Febr., sed
Ant. ad Bened. de Communi.

Die 28. Februarii.

S. Emygdii Ep. et Mart.

Duplex. Angelopoli.

Omnia de Communi unius
Mart. præter sequentia.

Oratio.

Deus, qui beátum Emýg-
dium Mártirem tuum
atque Pontíficem, idolórum

victória et miraculórum
glória decorásti: concéde
propítius; ut eo interveni-
énte malórum spirítuum
fraudes víncere et coru-
scáre virtútibus mereámur.
Per Dóminum.

In I. Nocturno Lectiones de
Scriptura occurrente.

In Quadrag. A Miléto.

In II. Nocturno.

Lectio iv.

Emýgdus, e nóbili
Francórum prosá-
pia Tréviris natus,
anno ætátis vigésimo tértio,
paréntibus idolólatris fru-
stra obstántibus, fidem
Christi suscepit, et con-
stantíssime proféssus est.
Cum tribus discíplis Eu-
plo, Germáno et Valentíno
vitam duxit: humánis spre-
tis oblectaméntis, rebus di-
vínis plénius incumbébat,
erga próximum caritátis
ardóre æstuábat; idcírco
ad procurándam multórum
salútem Romam se cón-
tulit; hospítio excéptus in
ínsula Tíberis, hósptis fi-
liam per quinquénium im-
medicábili morbo languén-
tem baptísimo sanávit.

R. Honéstum fecit.

Lectio v.

Mox, óculis cæci coram
pópulo signo crucis
apértis, a multitudíne, eum
fílium Apóllinis credénte,

in templum Æsculápii ráp-
pitur. Ibi Christi servum
se proféssus, ejus invoca-
tione magnum número æ-
grórum, nequídquam idóli-
opem implorántium, vale-
túdini restítuit, aras díruit,
Æsculápii signum confrá-
ctum in Tíberim projécit.
Quibus rebus, et mille tre-
centórum gentilium, præter
Æsculápii sacerdótes, con-
versióne inde secúta, irri-
táti Posthúmii Titiani præ-
fécti Urbis minas, Angeli
mónitu declínans, sanctum
Marcéllum Pontíficem ádiit,
a quo epíscopus ordinátus,
et Asculum missus est.

R. Desidérium ánimæ.

Lectio vi.

Multis in itinere mirácu-
lis ingénti multitúdine
Christo adjúcta, simul ac
Asculum Emýgdus pervé-
nit, dáemones, e simulácris
idolórum per cuncta fana
ejulátibus éditis, peregrí-
num dolóris sui causam
indicárunt. Quem cum con-
citáta plebs ad cædem quæ-
reret, éxcitus tumúltu Po-
lýmius civitátis præses eum
ad se vocátum multis, sed
irritis verbis, ad Jovis et
Angáriæ deæ Asculi pa-
trónæ veneratióem hortá-
tur, promíssis étiam in
præmium núptiis próprie

filiae Polýsiæ, quam Emýg-
dius ad Christum convér-
sam baptizávit, et post eam
mille et sexaginta hómi-
nes, edúcta e saxo per in-
gens miráculum aquárum
cópia. His in rábiem actus
Polýmius sancto epíscopo
caput abscídit. Quo facto,
truncus ejus mirábiliter
eréctus abjéctum humo pró-
prium caput attóllens máni-
bus per spátium trecentó-
rum pássuum ad oratóri-
um portávit; inde ad tem-
plum máximum translátum
est, ubi magna religióne
Asculáni pópuli, et concúr-
su exterórum hanc usque
in diem cólitur. Incidit ejus
beáta mors persecutióne
Diocletiáni duránte.

R. Stola jucunditátis.

In III. Nocturno.

Léctio sancti Evangélíi se-
cúndum Lucam.

Lectio vii. Cap. 21. b.

In illo témpore: Dixit Je-
sus discípulis suis: Cum
audiéritis prælia et sediti-
ones, nolíte terréri: opórtet
primum hæc fieri, sed non-
dum statim finis. Tunc di-
cébat illis: Surget gens
contra gentem, et regnum
advérsus regnum. Et ter-
ræmótus magni erunt per
loca. Et reliqua.

Homília S. Gregórii Papæ.

Homil. 1. in Evangelia.

Dóminus ac Redēptor noster parátos nos inveníre desiderans, senescētem mundum quæ mala sequántur denúntiat, ut nos ab ejus amore compéscat. Appropinquántem ejus términum quantæ percussiónes præveniant, innotéscit: ut si Deum metúere in tranquillitáte nólumus, saltem vicinum ejus judícium vel percussiónibus attríti timeámus.

R̃. Coróna áurea.

Lectio viii.

Huic étenim lectioni sancti Evangelii, quam modo vestra fraternitas audívit, paulo supérius Dóminus præmísit, dicens: Exsúrget gens contra gentem, et regnum advérsus regnum: et erunt terrémótus magni per loca, et pestiléntiæ et fames. Et quibúsdam interpósitis, hoc, quod modo audístis, adjúnxit: Erunt signa in sole, et luna, et stellis, et in terris pressúra géntium præ confusióne sónitus maris et flúctuum. Ex quibus profécto ómnibus ália jam facta cernimus, ália in próximo ventúra formidámus.

R̃. Hic est vere.

Lectio ix.

Nam gentem contra gentem exsúrgere, earúmque pressúram terris insistere, plus jam in nostris tempóribus cernimus, quam in codícibus légimus. Quod terrémótus urbes innúmeras óbruat, ex áliis mundi pártibus scitis quam frequénter audívimus. Pestiléntias sine cessatiónepátimur. Signa vero in sole, et luna, et stellis, adhuc apérte mínime vídimus: sed quia et hæc non longe sint, ex ipsa jam áëris immutatiónecollígimus.

Te Deum laudámus.

Die 2. Martii.

S. Barthol. Gutierrez
Martyris.

Omnia de Comm. unius Mart., præter sequentia.

Oratio.

Præsta, quæsumus, omnipotens Deus: ut qui beáti Bartholomæi, Mátyris tui natalítia cólimus, intercessiónē ejus in tui nóminis amore roborémur. Per Dóminum.

In I. Noct. Lect. de Script. occ.

In Quadrag. Fratres: **Debitorés.** de Comm. plur. Mart.

In II. Nocturno.

Lectio iv.

Bartholomæus Gutierrez ex honesta familia Mexicana, dum

Angelópolis tirónibus Eremitarum sancti Augustini præerat, ad majora animarum lucra quærenda, Japoniam transmeavit; ubi tanta alacritate verbum Dei disseminare cœpit, ut ingentem paganorum multitudinem ad Christum converteret, e quorum numero non pauci martyrii coronam assecuti sunt. Quamobrem jussu imperatoris captus, post diuturnum carcerem aliud longum atque inauditum supplicii genus una cum beatis Vincentio a sancto Antonio et Francisco a Jesu Augustiniani Discalceatis invicta constantia toleravit. Nam ad Ungenum montem prope Arimam deducti triginta dies æstuantis aquæ sulphuræ jactu, quæ nedum pustulas in cute excitabat, verum etiam carnes corrodebat, excruciatum identidem fuere. Tandem Nangasacui tertio Nonas Septembris anni millésimi sexcentésimi trigésimi secundi lento igne consumpti sunt, et eorum reliquæ, ne a christianis colligerentur, in mare demersæ. Isti una cum aliis martyribus sive cœnobitis sive sæcularium cœtu, in totum quinque ac bis centum a Pio nono an-

no millésimo octingentésimo sexagésimo séptimo Nonis Júlîi, cum sæcularia Apostolorum Principum solémnia ageréntur, in beatorum album relati sunt.

R. Honéstum fecit.

De expositione S. Ambrósii Episcopi in Psalmum centésimum décimum octávum.

Serm. 21.

Lectio v.

Principes persecuti sunt me gratis: et a verbis tuis trepidavit cor meum. Bene hoc Martyr dicit, quod injuste persecutionem tormenta sustineat: qui nihil rapuerit, nullum violentus opprèsserit, nullius sanguinem fuderit, nullius torum putaverit esse violandum: qui nihil legibus debeat, et graviora latronum sustinere cogatur supplicia: qui loquatur juste, et non audiatur: qui loquatur plena salutis, et impugnetur: ut possit dicere, Cum loquebar illis, impugnabant me gratis. Gratis igitur persecutionem patitur, qui impugnatur sine crimine: impugnatur ut noxius, cum sit in tali confessione laudabilis: impugnatur quasi veneficus, qui in nomine Domini gloriatur, cum pie-

tas virtutum omnium fundamentum sit.

R. Desiderium animæ.

Lectio vi.

Vere frustra impugnatur, qui apud impios et infidos impietatis arcèssitur, cum fidei sit magister. Verum qui gratis impugnatur, fortis debet esse et constans. Quomodo ergo subtexuit: Et a verbis tuis trepidavit cor meum? Trepidare infirmitatis est, timoris atque formidinis. Sed est etiam infirmitas ad salutem, est etiam timor sanctorum. Timete Dominum, omnes sancti ejus: et, Beatus vir, qui timet Dominum. Qua ratione beatus? Quia in mandatis ejus cupit nimis. R. Stola jucunditatis.

In III. Nocturno.

Lectio sancti Evangelii secundum Matthæum.

Lectio vii. Cap. 10. d.

In illo tempore: Dixit Jesus discipulis suis: Nolite arbitrari, quia pacem venerim mittere in terram: non veni pacem mittere, sed gladium. Et reliqua.

Homilia sancti Hieronymi Presbyteri.

Lib. 1. in Matth. cap. 10.

Supra dixerat: Quod dico vobis in tenebris, dicite in lú-

mine: et quod in aure auditis, prædicæ super tecta. Nunc infert, quid post prædicationem sequatur. Ad fidem Christi totus orbis contra se divisus est: unaquæque domus et infidèles et credentes habuit, et propterea bellum missum est bonum, ut rumperetur pax mala. Tale quid et in Génesi adversus rebelles homines, qui moti fuerant de oriente, et turrem extruere festinabant, per quam coeli alta penetrarent, fecisse scribitur Deus, ut divideret linguas eorum.

R. Coróna aurea.

Lectio viii.

Veni enim separare hominem adversus patrem suum. Hic locus prope iisdem verbis in Michæa Propheta scribitur. Et notandum, ubicumque de veteri testamento testimonium ponitur, utrum sensus tantum an sermo consentiat. Qui amat patrem aut matrem plus quam me, non est me dignus. Qui ante præmiserat, Non veni pacem mittere, sed gladium, et dividere homines adversus patrem et matrem, nurum et socrum; ne quis pietatem religioni anteferreret, subjicit dicens: Qui amat patrem aut matrem plus quam

me. Et in Cántico légimus Canticórum: Ordinávit in me caritátem. Hic ordo in omni afféctu necessárius est: ama post Deum patrem, ama matrem, ama filios. *R.* Hic est vere.

Lectio ix.

Ordo pulchérissimus: ad prædicatióem mittit, docet perícula non timénda, afféctum súbjicit religiói. Aurum supra túlerat, æs de zona excússerat. Dura Evangelistárum condítio. Unde ergo sumptus, unde victus necessariá? Austeritátem mandatórum spe témperat promissórum: Qui récipit, ínquiens, vos, me récipit: et qui me récipit, récipit eum, qui me misit: ut in suscipiéndis Apóstolis unusquisque credéntium Christum se suscepísse arbitrétur.

Te Deum laudámus.

Die 6. Martii.

S. Coletæ Virginis.

Duplex. Angelopoli.

Omnia de Communi Virginum, præter sequ.

Oratio.

Dómine Jesu Christe, qui beatám Colétam víginem tuam coeléstibus donis cumulásti: tríbue, quæsumus; ut ejus virtútes æmulánte in terris, ætérnis

gaúdiis cum ipsa perfruámur in coelis. Qui vivis.

In I. Nocturno Lectiones de Scriptura occurrente.

In Quadrages. De virgínibus. de Comm. 1. loco.

In II. Nocturno.

Lectio iv.

Picárdiæ civitas Corbéja diocécis Ambianénsis, beatæ Colétæ natalibus ex matre stérili et sexagenária illústris effécta est. Hæc ab ineúnte ætáte cœpit ardéntius cólere officia caritátis, ita ut quidquid habére pótérat, hiláriter paupéribus largirétur. Oratiói assidue vacans, solitária loca quærébat, ténerum ibi corpúsculum affligens, jejúniis carnem spirítui súbjiciens, caténa férrea cilicióque numquam aut raro depósitis, humi cubans, cum eam necessárius somnus occupábat. Quartumdécimum ætátis annum agens, oratióibus impetrávit a Dómino, ut corpus suum, quod exíguum remanébat, súbito ad justam magnitudinem excréverit, ac vultus venústas, ne forte alicui occasiόem præbéret delinquéendi, in térreum colórem mutarétur. A dæmónibus fréquenter laccessíta, diversísque apparitióibus

exagitata, vulneribusque toto corpore lacerata, ab oratione tamen numquam recedebat, in qua sæpe in éxtasim rapta, Angelorum visione et colloquio potiebatur.

R. Propter veritatem.

Lectio v.

Facultatibus pauperibus distributis, tertii ordinis sancti Francisci regulam professsa, novas præcedentibus austeritates superaddens, vitam plane cœlestem aggressa est, nudis semper pedibus etiam hiemis tempore incedens, et continuis jejuniis corpus suum pene conficiens. Tum se ad restaurandam monialium sanctæ Claræ pluribus in locis collapsam disciplinam, a Deo varie admonita, destinari cognovit: cui humiliter diu reluctans, linguæ oculorumque usu depêdito, tandem voluntati divinæ sese subjicere coacta est. Utrôque autem sensu mox in integrum restituto, divino Spiritu afflata, Apostolicæ Sedis adire præsentiam decrevit, ut a Summo Pontifice prædictum opus executioni mandandi facultatem exposceret. A quo benedictione accepta, susceptoque prædictæ reformationis man-

dato, in patriam rediens tantum opus alacriter inchoavit.

R. Dilexisti justitiam.

Lectio vi.

Cum autem summo studio, tam antiquis monasteriis reformandis quam novis extruendis incumbere, ingruentes difficultates admirabili constantia superavit. Paupertatis semper studiosissima fuit, unica tunica, eaque detrita, contenta, angustissimam cellam in angulo habens nulla supellæctili instructam, præter stramineum saccum, qui ei pro lectulo erat. Caritate, patientia, humilitate, mansuetudine, ceterisque virtutibus decorata, dono etiam prophetiæ illustris, abdita fidei mysteria divinitus adocta ita penetravit, ut de his altissime dissere-ret. Multis tandem et maximis patris miraculis, morte sua ante biennium præcognita, omnibus sacramentis munita, hortatisque sororibus ad regularem disciplinam, obdormivit in Domino pridie Nonas Martii, anno millésimo quadringentésimo quadragésimo séptimo, Gandavi in Flándria in monasterio a se ædificato, in quo sacre ejus reliquiæ assidue

fidélium veneratióne colúntur. Eam dénique Pius séptimus, Póntifex Máximus, nono Kaléndas Júnii anno octingentésimo séptimo supra millésimum, novis ritéque probátis miráculis coruscántem, solémni pompa sanctórum albo recénsuit.

R. Afferéntur regi.

In III. Noct. Hom. in Evang. **Simile erit regnum coelórum decem virgínibus.** de Coñ. 1. loco.

Lectio ix. de Homil. Feriæ et ejus commem. in Laud.

Die 9. Martii.

S. Catharinæ Bonon.

Virginis.

Duplex. Angelopoli.

Omnia de Communi Virginum, præter sequentia.

Oratio.

Concede nos fámulos tuos, Deus, beátæ Catharinæ Virginis suffrágiis adjuvári: cujus odóre unguentórum tráhimur ad tua sancta lætántes. Per Dóminum.

In I. Noct. Lect. De virgínibus, extra Quadr. de Scriptura occurrente.

In II. Nocturno.

Lectio iv.

Catharina virgo, Bonóniæ nobílibus paréntibus Joáñne Ferrariénsi ex illústri Vigriórum famíliá, et Benvenúta Bononiénsi orta est. Hanc beáta Dei Génitrix María

patri per visum prænuntiávit in festo Nativitátis suæ, véluti fulgentíssimum solem nascitúram. Quare ab incunábulis Dei benedictióne prævénta, vitæ innocéntiam cum pietáte perpétuo servávit. Vigésimum annum agens a matre Ferráriam perdúcta, in monastério Córporis Christi religiósus sanctæ Claræ hábitum sumpsit. Quo in loco ut lampas ardens céteris splendéscere, et virtútum ómnium spécimen præbere cœpit. Humílitas tanta ei ínerat, ut vilióra semper et lácera induménta cáperet, abjectióra officia exhibéret. Caritáte erga omnes afficiebátur máxima. Nil vitábat, nil prætermittébat, quin fovéret omnes sublevarétque, præsertim infirmas, in quibus moníalis caput sánie tabefáctum nedum contíngere et mánibus abstérgeré, sed et lingua língere sápius non horrúerit.

R. Propter veritátem.

Lectio v.

Tanta erga errántes affécta erat cómisératióne, ut suam ipsíus ánimam Deum precaréTUR in inférno exúri, dúmmoDO illórum ánimæ ab incéndio (si fieri posset), eriperéntur. Obediéntiæ virtúte sic eminé-

bat, ut semel tentata sese in flammam iniecisset, nisi statim revocata ab illa se eruisset. Orationi assidua, Sponsi sui amore flagrans, summa spiritus dulcedine potiebatur. Quare arcana cordium et secreta coelestia saepe ei sunt revelata. Cui et sanctus Thomas Cantuariensis manum deosculandam, et beatus Franciscus stigmata visenda aliquando praeberunt. Animam Joannis, episcopo Ferrariensis, in coelum euntem, veluti stellam coruscantem, moniali quae tunc aderat, ostendit. Aliquando in Missa, dum sacerdos Praefationem perficeret, Angelorum concantum ter Sanctus canentium, mira suavitate audivit; qui si diutius, ut ipsa retulit, perdurasset, procul dubio corpore resoluta foret. Fratrem in viam salutis reduxit. Sororis animam in coelum euntem vidit: multa prophetico spiritu praedixit.

R. Dilexisti justitiam.

Lectio vi.

Cum autem Bononienses, etiam fama sanctitatis ejus permoti, monasterium Bononiae in honorem Corporis Christi erexissent, ex Ferrariensi monasterio beata Catharina una cum

quindecim monialibus Bononiam, ut illud monasterium regeret, mittitur. Quod quidem illa et virginum numero, et regulari disciplina auxit. Cumque octo et viginti annos adversa valetudine probata, postremum diem sibi imminere praevideret, convocatis sororibus monita salutis dedit. Sumptis deinde sacramentis, invocato Jesu nomine, beatam efflavit animam quinquagesimo aetatis suae anno. Honorifice sepulto ejus corpore, mirificus odor e sepulchro fragrare coepit, et illuc concurrentes plurimi infirmi sanati sunt. Post dies decem et octo exhumatum corpus inventum est incorruptum, et magno odore fragrans. Quod in ecclesiam delatum, ibi religiose asservatur integrum et multis clarum miraculis. Eam vero Clemens undecimus sollemni ritu sanctorum catalogo adscripsit.

R. Afferentur regi.

In III. Nocturno.

Lectio sancti Evangelii secundum Matthaeum.

Lectio vii. Cap. 25.

In illo tempore: Dixit Jesus discipulis suis parabolam hanc: Simile erit re-

gnum cœlorum decem virginibus, quæ accipientes lâmpades suas, exierunt obviam sponso et sponsæ. Et reliqua.

Homilia S. Basilii Episcopi.

Homilia 13. ad Baptist., circa finem.

Vide, ne quando te pœniteat malorum consiliorum, cum nulla pœnitentiæ utilitas exsistit. Refrænet te virginum exemplum. Illæ oleum in vasis non habentes, cum ipsas cōgredi cum sponso oportebat, tunc tandem senserunt rerum necessariarum negligentiam. Quapropter etiam fâtuas Evangelium ipsas appellavit, quod tempus usus olei in circumeundo ac apparatu consumentes, non animadvertērunt quod seipsas a sponsi hilaritate excluderent. ¶ Itaque et tu vide ne annum ex anno, et menses ex mēsis, et diem ex die differens, et non accipiens oleum luminis alimentum, incidas aliquādo in diem quam non exspectas: quando deficiet te de cetero vivendi processus, et consilii inopia et tribulatio immitigabilis fuerit.

R̃. Hæc est virgo.

Lectio viii.

Nemo te inanibus verbis decipiat; instabit enim tibi repentina pernicies, et mors ad procellæ similitudinem aderit. ¶ Veniet angelus tristis abducens violenter, et trahens animam peccatorum vinculis alligatam et frequenter se convertentem ad ea quæ hic sunt, lugentem sine voce, instrumento lamentationum de cetero concluso. O quam teipsum dilaniabis! O quantum ingemisces! frustra pœnitentiam ob mala consilia agens, ubi videris hilaritatem iustorum ob splendidam donorum distributionem; et tristitiam peccatorum in tenebris profundissimæ relegationis.

R̃. Média nocte.

Lectio ix. de Homilia Feriæ, cujus commemor. in Laudibus.

Extra Quadrag. Lectio viii. incipitur ad verba: Itaque et Lectio ix. ad: Veniet.

Feria Sexta
ante festum S. Joseph.
Ss. Spineæ Coronæ
D. N. J. C.

Duplex majus. Angelopoli.

Hoc Officium incidere non potest ante Dom. I. Quadrag., nisi Domin. Paschatis incidat in diem 25. Aprilis, quo casu occurrente, legatur ex parte Verna.

Index alphabeticus.

Angelæ Mericiæ Virg. duplex. 21. Febr.	pag. 44*
Bartholomæi Gutierrez Mart. duplex. 2. Martii.	48*
Blasii Episc. et Mart., Patr. min. princip. Mexicani. dupl. majus. 3. Febr.	27*
Catharinæ Bononiensis Virg. duplex. 9. Martii.	53*
Catharinæ de Ricciis Virg. duplex. 13. Febr.	34*
Coletæ Virg. duplex. 6. Martii.	51*
Eligii Conf. et Episc. Noviomensis. duplex. 1. Dec.	1*
Emygdii Episc. et Mart. duplex. 28. Febr.	46*
Gelasii Mart. duplex. 14. Febr.	34*
Hilariæ Mart. duplex. 31. Dec.	17*
Margaritæ de Cortona Virg. duplex. 22. Febr.	46*
Mariæ B. V. de Bethlehem. duplex majus. Domin. III. post Epiph.	17*
— — de Guadalupe Mexic. prim. Patr. dupl. 1. cl. cum cum Oct. 12. Dec.	4*
— — Octava. duplex. 19. Dec.	13*
Philippi a Jesu Patr. princip. ac Martyr. Mexicani, dupl. 1. class. cum Octava in civitat. Mexic., in dioc. vero suffrag. duplex majus. 5. Febr.	27*
— — Octava. duplex. 12. Febr.	32*
Sebastiani Valfré Conf. duplex 30. Jan.	25*
Spineæ Coronæ Ss. D. N. J. C. duplex majus. FERIA VI. ante festum S Joseph.	55*
Vulnerum Quinque D. N. J. C. dupl. majus. FERIA VI. post Cineres.	34*

ADPROBATIO.

Revisione peracta omnia cum originalibus concordant.
In fidem etc.

Ex Secretaria Sacrorum Rituum Congregationis hac die
24. Novembris 1880.


Pro **R. P. D. Placido Ralli**, Secretario.

Joannes Canonicus Ponzi, Substitutus.

I m p r i m a t u r.

Ratisbonæ, die 21. Maji 1895.

Dr. **Fr. X. Leitner**, Vic. in Spirit. Gener.



PROPRIUM SANCTORUM MEXICANORUM.

PARS VERNA.

Die 13. Februarii.
S. Catharinæ de Ricciis
Virginis.

Duplex. Angelopoli.
Omnia ut inter Officia pro
aliquibus locis eadem die.

Die 14. Februarii.
S. Gelasii Mart. cujus Reliquia
asservat. in Alma
Metrop. Eccles.

Duplex.
Omnia de Comuni unius Mart.
Oratio. Præsta, quæsumus. de
Comm. 2. loco.

Et fit comm. Feriæ.
In I. Nocturno Lect. Fratres:
Debitores. de Comm. plur. Mart.
cum R. R. de Comm. unius Mart.

In II. Nocturno Lect. Prin-
cipes. de Comm. 2. loco.

In III. Nocturno Homilia in
Evang. Nihil est opertum. de
eodem Comm. 3. loco.

Lectio ix. de Homilia et com-
mem. Feriæ in Laud.

Die 21. Februarii.
S. Angelæ Mericiæ
Virginis.

Duplex. Angelopoli.
Omnia ut in Breviario die
31. Maji.

In I. Noct. Lect. De virgini-
bus. de Comm. 1. loco.

Lectio ix. de Homilia et com-
mem. Feriæ occur.

Die 22. Februarii.
**S. Margaritæ de Cor-
tona Virginis.**

Duplex. Angelopoli.
Omnia ut inter festa pro ali-
quibus locis die 26. Febr., sed
Ant. ad Bened. et Magnificat
de Communi.

Die 28. Februarii.

S. Emygdii Ep. et Mart.

Duplex. Angelopoli.

Omnia de Communi unius
Mart. præter sequentia.

Oratio.



eus, qui beátum
Emýgdium Már-
tyrem tuum at-
que Pontíficem,
idolórum victória et mira-
culórum glória decorásti:
concéde propítius; ut eo
interveniéntem malórum spi-
rituum fraudes vincere et
coruscáre virtútibus mereá-
mur. Per Dóminum.

Et fit comm. Feriæ.

In I. Nocturno Lectiones. A
Miléto. de Comm. unius Mart.

In II. Nocturno.

Lectio iv.

Emýgdus, e nóbili
Francórum prosá-
pia Tréviris natus,
anno ætátis vigésimo tértio,
paréntibus idolólatris fru-
stra obstantibus, fidem
Christi suscepit, et con-
stantíssime professus est.
Cum tribus discipulis Eu-
plo, Germáno et Valentíno
vitam duxit: humanis spre-
tis oblectaméntis, rebus di-
vínis plénius incumbébat,
erga próximum caritátis
ardóre æstuábat; idcirco
ad procurándam multórum
salútem Romam se cón-
tulit; hospítio excéptus in

ínsula Tíberis, hóspitis fi-
liam per quinquénnum im-
medicábili morbo languén-
tem baptísimo sanávit.

R̃. Honéstum fecit.

Lectio v.

Mox, óculis cæci coram
pópulo signo crucis
apértis, a multitudíne, eum
fílium Apóllinis credénte,
in templum Æsculápii rá-
pitur. Ibi Christi servum
se professus, ejus invoca-
tíone magnum númerum æ-
grórum, nequídquam idóli
opem implorántium, vale-
túdini restítuit, aras diruit,
Æsculápii signum confrá-
ctum in Tíberim projéct.
Quibus rebus, et mille tre-
centórum gentílium, præter
Æsculápii sacerdótes, con-
versíone inde secúta, irri-
táti Posthúmii Titiáni præ-
fécti Urbis minas, Angeli
mónitu declínans, sanctum
Marcéllum Pontíficem ádiit,
a quo epíscopus ordinátus,
et Asculum missus est.

R̃. Desidérium animæ.

Lectio vi.

Multis in itínere mirácu-
lis ingénti multitudíne
Christo adjúcta, simul ac
Asculum Emýgdus pervé-
nit, dæmones, e simulácris
idolórum per cuncta fana
ejulátibus éditis, peregrí-
num dolóris sui causam
indicárun. Quem cum con-

citata plebs ad cædem quæreret, excitus tumultu Polymius civitatis præses eum ad se vocatum multis, sed irritis verbis, ad Jovis et Angariæ deæ Asculi patrônæ venerationem hortatur, promissis etiam in præmium nuptiis propriæ filiæ Polysis, quam Emýgdus ad Christum conversam baptizavit, et post eam mille et sexaginta homines, educta e saxo per ingens miraculum aquarum copia. His in rabiem actus Polymius sancto episcopo caput abscidit. Quo facto, truncus ejus mirabiliter erectus abjectum humo proprium caput attollens manibus per spatium trecentorum passuum ad oratorium portavit; inde ad templum maximum translatum est, ubi magna religione Asculani populi, et concursu exterorum hanc usque in diem colitur. Incidit ejus beata mors persecutione Diocletiani durante.

R. Stola jucunditatis.

In III. Nocturno.

Lectio sancti Evangelii secundum Lucam.

Lectio vii. Cap. 21. b.

In illo tempore: Dixit Jesus discipulis suis: Cum audieritis prælia et seditio-

nes, nolite terreri: oportet primum hæc fieri, sed nondum statim finis. Tunc dicebat illis: Surget gens contra gentem, et regnum adversus regnum. Et terræmotus magni erunt per loca. Et reliqua.

Homilia S. Gregorii Papæ.

Homil. 1. in Evangelia.

Dominus ac Redemptor noster paratos nos invenire desiderans, senescentem mundum quæ mala sequantur denuntiat, ut nos ab ejus amore compescat. Appropinquantem ejus terminum quantæ percussiones præveniant, innotescit: ut si Deum metuere in tranquillitate nolumus, saltem vicinum ejus judicium vel percussiónibus attriti timeamus.

R. Coróna aurea.

Lectio viii.

Huic etenim lectioni sancti Evangelii, quam modo vestra fraternitas audivit, paulo superius Dominus præmisit, dicens: Exsurgat gens contra gentem, et regnum adversus regnum: et erunt terræmotus magni per loca, et pestilentis et fames. Et quibusdam interpositis, hoc, quod modo audistis, adjunxit:

Erunt signa in sole, et luna, et stellis, et in terris presúra géntium præ confusióne sónitus maris et flúctuum. Ex quibus profécto ómnibus ália jam facta cérnimus, ália in próxímo ventúra formidámus.

R. Hic est vere.

Lectio ix. de Homilia et commem. Feriæ.

Te Deum laudámus.

Die 2. Martii.

S. Barthol. Gutierrez

Martyris.

Duplex.

Omnia de Comm. unius Mart., præter sequentia.

Oratio.

Præsta, quæsumus, omnipotens Deus: ut qui beáti Bartholomæi, Mártiris tui natalítia cólimus, intercessióne ejus in tui nóminis amóre roborémur. Per Dóminum.

Et fit comm. Feriæ.

In I. Nocturno Lectiones Fratres: Debitóres. de Communi plur. Mart.

In II. Nocturno.

Lectio iv.

Bartholomæus Gutiérriz ex honésta familia Mexicána, dum Angelópolis tirónibus Eremitárum sancti Augustini præerat, ad majóra animá-

rum lucra quærénda, Japóniam transmeávit; ubi tanta alacritáte verbum Dei dissemináre cœpit, ut ingéntem paganórum multitudinem ad Christum converteret, e quorum número non pauci martýrii coronam assecúti sunt. Quamóbrem jussu imperatóris captus, post diutúrnum cárcerem áliud longum atque inaudítum supplicii genus una cum beátis Vincentio a sancto António et Francisco a Jesu Augustiniánis Discalceátis invícta constántia tolerávit. Nam ad Ungénium montem prope Arímam dedúcti trigínta dies æstuántis aquæ sulphúreæ jactu, quæ nedum pústulas in cute excitábat, verum étiam carnes corrodebat, excruciáti idéntidem fuére. Tandem Nangasáquii tértio Nonas Septémbris anni millésimi sexcentésimi trigésimi secúndi lento igne consúpti sunt, et eórum reliquiæ, ne a cristiánis colligeréntur, in mare demérsæ. Isti una cum áliis martýribus sive cœnobítis sive sæculárium cœtu, in totum quinque ac bis centum a Pio nono anno millésimo octingentésimo sexagésimo séptimo Nonis Júlii, cum sæculária

Apostolorum Principum
solémnia ageréntur, in be-
atorum album reláti sunt.

R. Honéstum fecit.

De expositiône S. Ambrósii
Epíscopi in Psalmum centé-
simum décimum octávum.

Serm. 21.

Lectio v.

Príncipes persecúti sunt
me gratis: et a verbis
tuis trepidávit cor meum.
Bene hoc Martyr dicit, quod
injúste persecutióem tor-
ménta sustíneat: qui nihil
rapúerit, nullum violéntus
opprésserit, nullíus sángu-
inem fúderit, nullíus torum
putáverit esse violándum:
qui nihil légibus débeat, et
gravióra latrónum susti-
nére cogátur supplicia: qui
loquátur juste, et non au-
diátur: qui loquátur plena
salútis, et impugnétur: ut
possit dícere, Cum loqué-
bar illis, impugnábant me
gratis. Gratis ígitur perse-
cutiόem pátitur, qui impu-
gnátur sine crimine: impu-
gnátur ut nóxius, cum sit
in tali confessiόe laudá-
bilis: impugnátur quasi ve-
néficus, qui in nómine Dó-
mini gloriátur, cum píe-
tas virtútum ómnium fun-
daméntum sit.

R. Desidérium ánimæ.

Lectio vi.

Vere frustra impugnátur,
qui apud ímpios et in-
fidos impietátis arcéssitur,
cum fidei sit magíster. Ve-
rum qui gratis impugnátur,
fortis debet esse et con-
stans. Quómodo ergo sub-
téquuit: Et a verbis tuis tre-
pidávit cor meum? Trepí-
dáre infirmitátis est, timó-
ris atque formídinis. Sed
est étiam infirmitas ad sa-
lútem, est étiam timor san-
ctórum. Timéte Dóminum,
omnes sancti ejus: et, Beá-
tus vir, qui timet Dóminum.
Qua ratiόe beátus? Quia
in mandátis ejus cupit ni-
mis. *R.* Stola jucunditátis.

In III. Nocturno.

Léctio sancti Evangélii se-
cúndum Matthæum.

Lectio vii. Cap. 10. d.

In illo témpore: Dixit Je-
sus discípulis suis: No-
líte arbitrári, quia pacem
vénerim mittere in terram:
non veni pacem mittere,
sed gládium. Et réliqua.

Homília sancti Hierónymi
Presbýteri.

Lib. 1. in Matth. cap. 10.

Supra díxerat: Quod
dico vobis in téne-
bris, dícite in lú-
mine: et quod in aure au-
dítis, prædicáte super tecta.

Nunc infert, quid post prædicationem sequatur. Ad fidem Christi totus orbis contra se divisus est: unaquæque domus et infidèles et credentes habuit, et propterea bellum missum est bonum, ut rumperetur pax mala. Tale quid et in Génesi adversus rebelles homines, qui moti fuerant de oriente, et turrem extruere festinabant, per quam cœli alta penetrarent, fecisse scribitur Deus, ut divideret linguas eorum.

R. Coróna aúrea.

Lectio viii.

Veni enim separare hominem adversus patrem suum. Hic locus prope iisdem verbis in Michæa Propheta scribitur. Et notandum, ubicumque de veteri testamento testimonium ponitur, utrum sensus tantum an sermo consentiat. Qui amat patrem aut matrem plus quam me, non est me dignus. Qui ante præmiserat, Non veni pacem mittere, sed gladium, et dividere homines adversus patrem et matrem, nurum et socrum; ne quis pietatem religioni anteferreret, subjicit dicens: Qui amat patrem aut matrem plus quam me. Et in Cántico legimus Canticorum: Ordinavit in

me caritatem. Hic ordo in omni affectu necessarius est: ama post Deum patrem, ama matrem, ama filios. R. Hic est vere.

Lectio ix. de Homilia et commem. Feriæ.

Te Deum laudamus.

Die 6. Martii.

S. Coletæ Virginis.

Duplex. Angelopoli.

Omnia de Communi Virginum, præter sequ.

Oratio.

Domine Jesu Christe, qui beatam Colétam virginem tuam cœlestibus donis cumulasti: tribue, quæsumus; ut ejus virtutes æmulantes in terris, æternis gaudiis cum ipsa perfruamur in cœlis. Qui vivis.

Et fit comm. Feriæ.

In I. Noct. Lect. De virginibus. de Comm. 1. loco.

In II. Nocturno.

Lectio iv.

Ricardiæ civitas Corbéja diocesis Ambianensis, beatæ Coletæ natalibus ex matre sterili et sexagenaria illustris effecta est. Hæc ab ineunte ætate cepit ardentius colere officia caritatis, ita ut quidquid habere poterat, hilariter pauperibus largiretur. Orationi assidue vacans, solitaria loca

quærébat, ténerum ibi corpúsculum affligens, jejúniis carnem spiritui subjiciens, caténa férrea cilicióque numquam aut raro depóstitis, humi cubans, cum eam necessarius somnus occupábat. Quartumdécimum ætátis annum agens, orationibus impetrávit a Dómino, ut corpus suum, quod exíguum remanébat, súbito ad justam magnitudinem excréverit, ac vultus venústas, ne forte alicui occasionem præberet delinquéndi, in térreum colórem mutaréetur. A dæmónibus frequénter lacessíta, diversísque apparitióibus exagitáta, vulneribúsque toto córpore laceráta, ab oratióne tamen numquam recedébat, in qua sæpe in éxtasim rapta, Angelórum visióne et collóquio potiebátur.

R. Propter veritatem.

Lectio v.

Facultátibus paupéribus distribútis, tértii órdis sancti Francisci régulam professa, novas præcedéntibus austeritátes superáddens, vitam plane cœlestem aggréssa est, nudis semper pédibus étiam hiemis témpore incédens, et contínuis jejúniis corpus suum pene conficiens. Tum

se ad restaurándam moniálium sanctæ Claræ plúribus in locis collápsam disciplinam, a Deo várie admónita, destinári cognóvit: cui humíliter diu relúctans, linguæ oculorúmque usu depéredito, tandem voluntáti divínæ sese subjicere coácta est. Utróque autem sensu mox in íntegrum restitúto, divíno Spíritu affláta, Apostólicæ Sedis adíre præsentiam decrevit, ut a Summo Pontífice prædictum opus exsecutióni mandándi facultátem expósceret. A quo benedictiône accépta, susceptóque prædictæ reformatiónis mandáto, in pátriam rédiens tantum opus alácritér inchoávit. R. Dilexísti.

Lectio vi.

Cum autem summo stúdio, tam antiquis monastériis reformándis quam novis exstruéndis incúmberet, ingruéntes difficultátes admirábili constántia superávit. Paupertátis semper studiosíssima fuit, única túnica, eáque detrita, contenta, angustissimam cellam in ángulo habens nulla supelléctili instrúctam, præter stramíneum saccum, qui ei pro léctulo erat. Caritáte, paciéntia, humilitáte, mansuetúdine, ceterisque

virtútibus decoráta, dono étiam prophetiæ illústris, ábdita fidei mystéria divínitus edócta ita penetrávit, ut de his altissime disséret. Multis tandem et máximis patrátis miráculis, morte sua ante biénnum præcógnota, ómnibus sacraméntis muníta, hortatísque soróribus ad regulárem disciplínam, obdormívit in Dómino pridie Nonas Mártii, anno millésimo quadringentésimo quadragésimo séptimo, Gandávi in Flándria in monastério a se ædificáto, in quo sacrae ejus reliquiæ assídua fidélium veneratióne colúntur. Eam dénique Pius séptimus, Póntifex Máximus, nono Kaléndas Júnii anno octingentésimo séptimo supra millésimum, novis ritéque probátis miráculis coruscántem, solémni pompa sanctórum albo recensuit.

R. Afferéntur regi.

In III. Noct. Hom. in Evang. Símile erit regnum coelórum decem virgínibus. de Coñ. 1. loco.

Lectio ix. de Homil. Feriæ et ejus commem. in Laud.

Die 9. Martii.

S. Catharinæ Bonon.

Virginis.

Duplex. Angelopoli.

Omnia de Communi Virginum, præter sequentia.

Oratio.

Concéde nos fámulos tuos, Deus, beátæ Catharinæ Virgínis suffrágiis adjuvári: cujus odóre unguentórum tráhimur ad tua sancta lætántes. Per Dóminum.

Et fit comm. Feriæ.

In I. Noct. Lect. De virgínibus. extra Quadr. de Scriptura occurrente.

In II. Nocturno.

Lectio iv.

Catharina virgo, Bononiæ nobilibus parentibus Joanne Ferrariensi ex illústri Vigriorum familia, et Benvenuta Bononiensi orta est. Hanc beata Dei Genitrix Maria patri per visum prænuntiavit in festo Nativitatis suæ, véluti fulgentissimum solem nascituram. Quare ab incunabulis Dei benedictione præventa, vitæ innocentiam cum pietate perpétuo servavit. Vigésimum annum agens a matre Ferrariam perducta, in monastério Corporis Christi religiosum sanctæ Claræ habitum sumpsit. Quo in loco ut lampas ardens céteris splendescere, et virtutum omnium spécimen præbere cœpit. Humilitas tanta ei inerat, ut vilióra semper et lácera indumenta cáperet, abjectióra officia exhiberet.

Caritáte erga omnes afficiébatur máxima. Nil vitábat, nil prætermittébat, quin fovéret omnes sublevarét-que, præsertim infirmas, in quibus moniális caput sánie tabefáctum nedum contingere et mánibus abstér- gere, sed et lingua língere sæpius non horrúerit.

R. Propter veritátem.

Lectio v.

Tanta erga errántes affécta erat comiseratióne, ut suam ipsius ánimam Deum precaré- tur in inférno exúri, dúmmo- do illórum ánimæ ab incéndio (si fieri posset), eriperéntur. Obediéntiæ virtúte sic eminébat, ut semel tentáta sese in flammam iniecisset, nisi statim revocáta ab illa se eruisset. Orationi assídua, Sponsi sui amóre flagrans, summa spíritus dulcedine potiebá- tur. Quare arcána córdium et secréta cœléstia sæpe ei sunt reveláta. Cui et sanctus Thomas Cantuariénsis manum deosculándam, et beátus Franciscus stigmata visénda aliquánd- o præbuérunt. Animam Joánnis, epíscopo Ferrariénsis, in cœlum eúntem, véluti stellam coruscántem, moniáli quæ tunc áderat, osténdit. Aliquánd- o in Mis-

sa, dum sacérdos Præfatió- nem perficeret, Angelórum concéntum ter Sanctus canéntium, mira suavité audívit; qui si diútius, ut ipsa rétulit, perdurásset, procul dúbio córpore resolúta foret. Fratrem in viam salutis redúxit. Soróris ánimam in cœlum eúntem vidit: multa prophético spíritu prædixit.

R. Dilexísti justítiam.

Lectio vi.

Cum autem Bononienses, étiam fama sanctitátis ejus permóti, monastérium Bonóniæ in honórem Córporis Christi erexissent, ex Ferrariénsi monastério beáta Catharina una cum quíndecim moniálibus Bonóniam, ut illud monasté- rium régeret, mittitur. Quod quidem illa et vírginum número, et regulári disci- plína auxit. Cumque octo et vigínti annos advér- sa valetúdine probáta, postré- mum diem sibi imminére prævidéret, convocátis so- róribus mónita salutis de- dit. Sumptis deínde sacra- méntis, invocáto Jesu nó- mine, beátam efflávit áni- mam quinquagésimo ætátis suæ anno. Honorífice sepúlto ejus córpore, miríficus odor e sepúlchro fra-

gráre cœpit, et illuc concurréntes plúrimi infirmi sanáti sunt. Post dies decem et octo exhumátum corpus invéntum est incorruptum, et magno odóre fragrans. Quod in ecclésiám delátum, ibi religiósè asservátur íntegrum et multis clarum miráculis. Eam vero Clemens undécimus solémni ritu sanctórum catálogo adscripsit.

R̃. Afferéntur regi.

In III. Nocturno.

Lectio sancti Evangelii secúndum Matthæum.

Lectio vii. Cap. 25.

In illo témpore: Dixit Jesus discipulis suis parabolam hanc: Símile erit regnum cœlórum decem virgínibus, quæ accipiéntes lámpades suas, exiérunt óbviám sponso et sponsæ. Et réliqua.

Homilía sancti Basilíi
Epíscopi.

Homilia 13. ad Baptist., circa finem.

Vide, ne quando te pœniteat malórum consiliórum, cum nulla pœniténtiæ utilitas exsistit. Refrænét te vírginum exéplum. Illæ óleum in vasis non habéntes, cum ipsas cóngredi cum spon-

so oportébat, tunc tandem sensérunt rerum necessariárum negligéntiam. Quapropter étiam fátuas Evangelium ipsas appellávit, quod tempus usus ólei in circumeúndo ac apparátu consuméntes, non animadvertérunt quod seipsas a sponsi hilaritáte excluderent. Itaque et tu vide ne annum ex anno, et menses ex ménsibus, et diem ex die differens, et non accipiens óleum lúminis aliméntum, incidas aliquándo in diem quam non expéctas: quando deficiet te de cétero vivéndi procéssus, et consílii inópia et tribulatio immitigábilis fúerit.

R̃. Hæc est virgo.

Lectio viii.

Nemo te inánibus verbis decípiat; instábit enim tibi repentiná pernícies, et mors ad procéllæ similitúdinem áderit. Véniet ángelus tristis abdúcens violénter, et trahens ánimam peccatórum vínculis alligátam et fréquénter se converténtem ad ea quæ hic sunt, lugéntem sine voce, instruménto lamentatiónum de cétero conclúso. O quam teípsum dilaniábis! O quantum ingemísces! frustra pœniténtiam ob mala con-

slia agens, ubi videris hilaritatem justorum ob splendendam donorum distributionem; et tristitiam peccatorum in tenebris profundissimæ relegationis.

R̃. Média nocte.

In Quadrag. Lectio ix. de Homilia Feriæ, cum comm. ejusdem Feriæ in Laudibus.

**Feria Sexta
ante festum S. Joseph.
Ss. Spineæ Coronæ
D. N. J. C.**

Duplex majus. Angelopoli.

In I. Vesperis.

Ant., Capit., Hymnus et V. de Laud. 16*; Ps. ut in I. Vesp. de Comm. Apost.

Ad Magnif. Ant. O bone Jesu, quid tibi et Coronæ spineæ? Nos peccavimus, et tu luis! Nos debuímus, et tu solvis!

Oratio ut ad Laud. 17*.

Et fit comm. Feriæ.

Ad Matutinum.

Invitat. Coronam spineam Christi Redemptoris * Veníte, adorémus.

Ps. Veníte, exsultémus.

Hymnus.

Deus tuorum militum
Sors, et coroná, præ-
mium,
Tuæ coronæ méritum
Confer medélam ómnium.

Tua coroná spinea
Tuos coronet áurea,
Tua nobis humilitas
Pœnas repéllat débitas.

Tuæ coronæ mysticæ
Suscépto patrocínio,
Júbilus vocis méllicæ
Concurrat mentis gáudio.

Qui tanto diadémate
Nos honórat in stádio,
Cum utriúsque Pneúmate
Sit laus Patri cum Filio.

Amen.

In I. Nocturno.

Ant. Qui peccátum non fecit; nec invéntus est dolus in ore ejus, ecce iníque spinis coronátur.

Ps. 1. Beátus vir. ut in I. Nocturno de Coñ. unius Mart. Pont.

Ant. Salvávit Leo coronátus de tribu Juda quod leo rúgiens devorávit.

Ps. 2. Quare fremuérunt. ibid.

Ant. Spinas nostrórum peccatórum in suo cápite portávit, ut peccátis mórtui, justitiæ vivámus.

Ps. 4. Cum invocárem. ibid. ut in II. Noct.

V. Posuísti, Dómine, coronam triumphálem. R̃. Super caput ejus.

De Isaia Prophéta.

Lectio i. Cap. 28.

Væ coronæ supérbiæ,
ébriis Ephraím, et
flori decidénti, gló-
riæ exsultationis ejus, qui

erant in vértice vallis pinguissimæ, errantes a vino. Ecce válidus et fortis Dóminus, sicut ímpetus grándinis; turbo confríngens, sicut ímpetus aquárum multárum inundántium, et emisárum super terram spatiósam. Pédibus conculcábitur coróna supérbiæ ebriórurum Ephraïm.

R̃. Próprio Fílio suo non pepércit; sed pro ómnibus nobis spinis coronándum trádedit illum: * Quia diléxit nos. Ṽ. Mílites plecténtes corónam de spinis imposuérunt cápiti ejus. Quia.

Lectio ii.

Et erit flos decídens glóriæ exsultatiónis ejus, qui est super vérticem vallis pínguium, quasi temporáneum ante maturitátem autúmni; quod cum aspéxerit videns, statim ut manu tenúerit, devorábit illud. In die illa erit Dóminus exercítuum coróna glóriæ, et sertum exsultatiónis resíduo pópuli sui: et spíritus judícii sedénti super judícium, et fortitúdo reverténtibus de bello ad portam. Verum hi quoque præ vino nesciérunt, et præ ebrietáte erravérunt: sacérdos, et prophéta nesciérunt præ ebrietáte, absórpti sunt a vino.

R̃. Vidéte, omnes pópuli, et ululáte regem Judæórum, imo ómnium supernórum et infernórum. * Quam dire a matre sua, imo novérca, coronátum. Ṽ. Plángite, et péctora vestra contúndite ob tale immane factum, et vidéte. Quam.

Lectio iii.

Idcirco hæc dicit Dóminus Deus: Ecce ego mittam in fundaméntis Sion lápidem, lápidem probátum, angulárem, pretiósus in fundaménto fundátum. Qui credíderit, non festínet. Et ponam in pøndere judícium, et justitiam in mensúra: et subvértet grando spem mendáci: et protectiõem aquæ inundábunt. Et delébitur fœdus vestrum cum morte, et pactum vestrum cum inférno non stabit.

R̃. Egredímini, fíliæ Jerúsalem, et vidéte vérticem regis, * Et fratris vestri coróna scírpea aculeáta amáre cruentátum. Ṽ. Plángite, et flete super vos, et super fílios vestros. Et. Glória Patri. Et.

In II. Nocturno.

Ant. Ecce Agnus Dei immaculátus: a planta pedis

usque ad vérticem cápitis
non est sánitas in eo.

Ps. 5. Verba mea. ut in II. No-
cturno de Comm. unius Mart.

Ant. Sicut ovis ad spíne-
am corónam ductus est:
disciplina pacis nostræ su-
per eum, et livóre ejus sa-
nátí sumus.

Ps. 8. Dómine, Dóminus no-
ster. ibid.

Ant. Sicut agnus trádidit
in mortem ánimam suam,
et cum scelerátis reputátus
est.

Psalmus 12.

U^squequo Dómine obli-
viscéris me in finem? *
Usquequo avértis fáciem
tuam a me?

Quámdiu ponam consília
in ánima mea, * dolórem
in corde meo per diem?

Usquequo exaltábitur ini-
mícus meus super me? *
réspice, et exaúdi me Dó-
mine Deus meus.

Illúmina óculos meos ne
umquam obdórmiam in
morte: * nequándo dicat
inimícus meus: Præválui
advérsus eum.

Qui tríbulant me, exsul-
tábunt si motus fúero: *
ego autem in misericórdia
tua sperávi.

Exsultábit cor meum in
salutári tuo: cantábo Dó-
mino qui bona tríbuit mihi:

* et psallam nómini Dómi-
ni altíssimi.

Ant. Sicut agnus trádidit
in mortem ánimam suam,
et cum scelerátis reputátus
est.

¶. Tuam corónam adorá-
mus Dómine. R. Tuum glo-
riósum recólimus triúm-
phum.

Lectio iv.

Quemádmódum adna-
túræ ópera in uno
córpoze multa sunt
membra divérsis áctibus
accommodáta, ita ad artis
opus vária instruménta ad-
hibéri solent, síngula síngulátim
suas operatiónes habéntia. Igitur ad redem-
ptiónem nostram sumi ar-
tíficis Dómini nostri Jesu
Christi, ejúsque eminentís-
simæ artis operatióne, út-
pote consummatíssimam,
consentáneum est multa in-
struménta accessisse. Fué-
runt enim vestes, funes,
coróna, flagélla, columna,
clavi, arúndo, spóngia, lán-
cea, línteum, et sepúlchrum.
Quæ ut suo témpore nostræ
redemptiόνis óperi síngu-
látim síngula accessérunt;
ita suam quoque dignitá-
tem et veneratiónis ratió-
nem accepérunt a Dómino
Jesu Christo, quando ad
ejus contáctum perveníre
meruérunt.

R. Pópule meus, quid feci tibi? aut quid moléstus fui tibi, pópule stulte et insipiens, ut spinis caput meum perforáres? respónde mihi: * Quia edúxi te de terra Ægýpti, et de domo serviéntium liberávi te? V. Meménto, quæso, quæ fécerim tibi. Quia.

Lectio v.

Sicut enim quæ venenósa, Scontagiósa vel rábida tangunt, contaminántur et fiunt morbósa; ita quæ vitæ et salútis æternæ fontem artificémque in vivificándi ac salvándi artificio tetigérunt, salubritátem, majestátem, venerationisque ratiónem conquisivisse perpétuam non abs re créditur. Non itaque coronæ matériam venerámur neque formam, nisi quod eam rex eminentíssimæ virtútis, verus homo et verus Deus, úsui sibi esse constituit in eo certámine, quod cum humáni géneris hoste decertávit.

R. Generátio prava, atque perversa: * Hæccine reddis Dómino et regi tuo? V. Quóties vólui congregáre filios tuos, quemádmodum gallína cóngregat pullos suos sub alas, et nolúisti! Hæccine.

Lectio vi.

Et inter cétera dominicæ passiónis instruménta spinea coroná, qua Christi caput excruciatum est, fervénti devotióne et magno honóre colénda est, quæ divinum caput non solum áttigit, sed apérui: non modo penetrávit, sed ejus sanguíne máduit, estque perlóta. Talem itaque dantes Judæi coronam, dum quid agant non intélligunt, magnum índicant sacraméntum. Qui omnes peccatórum spinas confringere venit, spinas in cápite portat, ut peccáta mundi in suo corpore se ferre demónstret.

R. Posuisti in cápite Jesu coronam non argénteam candóris et decóris, non aúream fulgóris et honóris, sed spineam dedécoris et mœróris: * Væ tibi, Judæa pérfida. V. Circumdedisti caput ejus quasi regem sponsum decorátum coroná. Væ. Glória Patri. Væ.

In III. Nocturno.

Ant. Vere languóres nostros ipse tulit et dolóres nostros ipse portávit.

Ps. 4. Dómine, quis habitábit. ut in III. Nocturno de Comm. unius Mart.

Ant. Coronátus est propter iniquitátes nostras, at-

tritús est propter scélera nostra.

Ps. 20. Dómine, in virtúte tua. ut in III. Noct. de Comm. unius Mart.

Ant. Defle vírginis fílium diadémate spíneo coronátum, non aperiéntem os suum.

Psalmus 64.

Te decet hymnus Deus in Sion: * et tibi reddétur votum in Jerúsalem.

Exaúdi orationem meam: * ad te omnis caro véniet.

Verba iniquórum prævaluerunt super nos: * et impietátibus nostris tu propitiáberis.

Beátus, quem elegísti, et assumpsísti: * inhabitábit in átriis tuis.

Replébimur in bonis domus tuæ: * sanctum est templum tuum, mirábile in æquitáte.

Exaúdi nos Deus salutáris noster, * spes ómnium finium terræ, et in mari longe.

Præparans montes in virtúte tua, accíntus poténtia: * qui contúrbas profúndum maris sonum flúctuum ejus.

Turbabúntur Gentes, et timébunt qui hábitant términos a signis tuis: * éxitus matutíni, et vespere delectábis.

Visitásti terram, et inebriásti eam: * multiplicásti locupletáre eam.

Flumen Dei replétum est aquis, parásti cibum illórum: * quóniam ita est præparátio ejus.

Rivos ejus inébria, multiplica genímína ejus: * in stillicídiis ejus lætábitur gérmíans.

Benedices coronæ anni benignitátis tuæ: * et campi tui replebúntur ubertáte.

Pinguéscent speciósa déserti: * et exsultatíone colles accingéntur.

Indúti sunt arietes óvium, et valles abundábunt fruménto: * clamábunt, étenim hymnum dicent.

Ant. Defle vírginis fílium diadémate spíneo coronátum, non aperiéntem os suum.

℣. Fuit coroná spínea in cápíte Jesu. ℞. Et diadéma glóriæ.

Léctio sancti Evangélíi sécúndum Joánnem.

Lectio vii. Cap. 19.

In illo témpore: Apprehéndit Pilátus Jesum, et flagellávit. Et mílites plecténtes coronam de spinis, imposuerunt cápiti ejus. Et réliqua.

Homilia sancti Bernárdi Abbátis.

Ex Serm. de Passione Domini.

Expergiscere nunc, ánima mea, excútere de púlvere, et contempláre virum hunc memorábilem, quem in spéculo evangélici sermónis quasi præséntem intuéris. Atténde, ánima mea, quis est iste qui ingréditur habens imáginem quasi regis? Et nihilóminus servi despectíssimi confusióne replétus coronátus incédit, sed ipsa étiam ejus coroná cruciátus est illi, et mille punctúris speciósus caput ejus devúlnerat.

R. Ne lætéris inimíca, super me qui cécdi: * Consúrgam dilúculo. V. Cum sédero in ténebris, Dóminus, lux mea. Consúrgam.

Lectio viii.

Regáli púrpura indúitur; sed pótius in ea despícutur, quam honorátur. Sceptrum in manu gestat, sed eo ipso caput ejus reveréndum feritur. Adórant coram ipso póstitis in terra génibus, et regem clamant et contínuo sputis amábiles ejus genas sublíniunt, máxillam palmis et honorábile collum exórnant. Vide, ánima, quáliter vir iste per ómnia constuprátur et spér-

nitur: sub crucis ónere dorsum incurváre vidétur, et tuam ipse portáre ignomíniam.

R. Clama, ne cesses, annúntia pópulo Judæórum scélera eórum: * Quasi tuba exálta vocem tuam. V. Dóminum Regem et Messíam suum flagellavérunt, spinis coronavérunt, crucifixerunt, latus perfodérunt, et morti tradidérunt. Quasi. Glória Patri. Quasi.

Lectio ix. de Homilia Feriæ.

Ad Laudes

et per Horas.

Ant. 1. Caput draconis * confóditur, cum caput Christi cingitur coroná spinárum.

Psalmi de Dominica.

2. Coroná rubens * Jesu Nazaréni, quæ fit ad ignomíniam, convértitur in glóriam.

3. Coronam vitæ * méruit, qui spinis coronátur: exsólvit quæ non rápuit, injúste morti datus.

4. Christo Regi glóriæ * hódie jubilémus, qui post coronam spineam coronam confert aúream.

5. Spina rubens * qua coronátur Dóminus, per crucis éxitum cœlum fecit pèrvium.

Capitulum. Cant. 3.

Egredimini et videte, filiæ
Sion, regem Salomó-
nem in diadémate, quo co-
ronávit illum mater sua, in
die desponsationis illius, et
in die lætitiæ cordis ejus.

Hymnus.

Ætérne Rex altissime,
Reddens coronas pér-
ditas,

Da Coronæ sanctissimæ
Laudes proférre débitas.

Coróna Christi cápitis
Membra coronat hódie
Honóribus exhibitis:
Concórdet vox lætitiæ.

Sertum signat victóriam,
Qua Christus mortem éx-
pulit,

Spinæ nostram misériam,
Quam caput nostrum sú-
tulit.

Vitæ coronam réperit
Coróna mortis ánxix:
Quo mors solúta déperit,
Datur triúmphus grátix.

Qui tanto diadémate
Nos honórat in stádio,
Cum utriúsque Pneúmate,
Sit laus Patri cum Fílio.

Amen.

Y. Tuam coronam adorá-
mus Dñe. R. Tuum glorió-
sum recólimus triúmphum.

Ad Bened. Ant. Inter ve-
pres Abrahæ demonstrátus
est áries hærens córnibus,

in quo Christus figurabátur
séntibus coronándus.

Oratio.

Præsta, quæsumus omni-
potens Deus: ut qui in
memóriam passiõis Dó-
mini nostri Jesu Christi
Corónam ejus spineam ve-
nerámur in terris, ab ipso
glória et honóre coronári
mereámur in cœlis. Qui te-
cum vivit et regnat.

Et fit comm. Feriæ.

Ad Tertiam.

Capit. Egredimini et vi-
dete. ut supra.

R. br. Posuisti Dómine *
Corónam triúphálem. Po-
suisti. Y. Super caput ejus.
Corónam. Glória Patri.
Posuisti.

Y. Tuam coronam adorá-
mus Dómine. R. Tuum
gloriósum recólimus tri-
úmphum.

Ad Sextam.

Capitulum. Apoc. 6.

Vidi, et ecce equus albus,
et qui sedébat super il-
lum, habébat arcum, et da-
ta est ei coroná, et exívit
vincens, ut vínceret.

R. br. Tuam coronam *
Adorámus Dómine. Tuam.
Y. Tuum gloriósum recó-
limus triúmphum. Adorá-
mus. Glória Patri. Tuam.

Y. Fuit coroná spinea in
cápite Jesu. R. Et diadéma
glóriæ.

Ad Nonam.

Capitulum. Isaïæ 28.

In die illa erit Dóminus
exercítuum coróna gló-
riæ, et sertum exsultatió-
nis resíduo pópuli sui.

R̃. br. Fuit coróna spínea
* In cápite Jesu. Fuit. Ṽ. Et
diadéma glóriæ. In cápite.
Glória Patri. Fuit.
Ṽ. Posuísti Dómine co-
rónam triumphálem. R̃. Su-
per caput ejus.

In II. Vesperis.

Omnia ut in I. Vesperis.

Ad Magnif. Ant. Arcam,
mensam, et altáre coróna
ambit aúrea, et sculptúra
cinxit mare sacerdotum
æneum, quæ nunc signífi-
cant clare Christi diadéma
spíneum.

Et fit commem. Feriæ.

Feria VI.

post Dom. IV. Quadrag.

**Pretiosiss. Sanguinis
D.N.J.C.**

Duplex majus.

In I. Vesperis.Ant. de Laud. 23*, Psalmi ut
in I. Vesp. de Comm. Apost.

Capitulum. Hebr. 9.



Ecce ratres: Taberná-
culum et ómnia
vasa ministérii
sánguine aspér-
sit Móyses; et ómnia pene
in sánguine secúndum le-

gem mundántur, et sine
sánguinis effusióne non fit
remissio.

Hymnus.

Máximus Redémptor or-
bis

Morte vitam cóntulit:
Qui nec argénto cadúco,
Sed nec auro lábili,
Córporis tamen sacráti
Nos redémit sánguine.

Mitis Agnus immolátur
Omnium pro crimine:
Ne quod arte fabricátum
Conditóris éxstitit,
Dirus hostis possidéret,
Qui malum suggésserat.

Magna præstat immolátus
Dux salútis ómnium;
Complet excéssum, fidéles
Quem prophétæ dixerant:
Nostra tunc peccáta solvit,
Nos tyránno líberans.

Misit infans carne scissus,
Misit orans sánguinem:
Misit et flagélla passus,
Orbe punctus spíneo:
Dum manus, pedes latús-
que

Pandit, offert sánguinem.

Laus, honor, virtus su-
préma

Conditóri máchinæ,
Quam Pater suñus gubér-
nat,

Natus, atque Spíritus,
Omnibus Deus coléndus
Sæculórum sæculis. Amen.

Y. Redemísti nos Dómine. R. In ságuine tuo.

Ad Magnif. Ant. Sanguis Christi, qui per Spíritum sanctum semetípsum obtulit imaculátum Deo, emundábit consciéntiam nostram ab opéribus mórtuis, ad serviéndum Deo vivénti.

Oratio ut ad Laudes. 24*
Et fit comm. Feriæ.

Ad Matutinum.

Invitat. Christum Dei Fílium, qui suo nos redémít ságuine, * Veníte adorémus.

Ps. Veníte, exsultémus.

Hymnus.

Sanguis olim victimárum,
Quem vetus lex obtulit,
Féderis novi sacrátum
Nuntiábat ságuinem:
Quo redémpti, sanctitátem
Assequámur spíritus.

Lex amóris postulábat
Differéntem víctimam,
Offerens ubi sacérdos
Esset idem víctima:
Seque clemens immoláret
In medélam críminum.

In crucem Redémptor actus,

Nostra delet crímina:
Quando pro salúte mundi
Ex sacráto corpore
Uberes rivi cruóris
Copióse prófluunt.

Perforátur namque clavis,
Et latus disrúmpitur:

Unde sacraménta manant,
Labe quæ nos ábluunt:
Hinc caput nostræ salútis
Confitémur ságuinem.

Laus, honor, virtus suprema
Conditóri máchinæ,
Quam Pater summus gubernat,
Natus, atque Spíritus,
Omnibus Deus coléndus
Sæculórum sæculis. Amen.

In I. Nocturno.

Ant. Accípiens ságuinem
Móyses, omnem pópulum
aspérsit, dicens: Hic sanguis testaménti, quod mandávit ad vos Deus.

Psalmi trium Nocturnorum ut inter festa pro aliquibus locis eadem Feria.

Ant. Quare rubrum est induméntum tuum, et vestiménta tua sicut calcántium in torculári?

Ant. In ságuine testaménti tui emisísti vinctos tuos de lacu, in quo non est aqua.

Y. Redemísti nos Dómine. R. In ságuine tuo.

De libro Exodi.

Lectio i. Cap. 12.

Dixit Dóminus ad Móysen, et Aaron in terra Ægypti: Loquímini ad univérsum coetum filiórum Israël, et dícite eis: Décima die men-

sis hujus tollat unusquisque agnum per familias, et domos suas. Erit autem agnus absque mácula, másculus, añculus: juxta quem ritum tollétis et hædum. Et servábitis eum usque ad quartamdécimam diem mensis hujus: immolabitque eum univérſa multitúdo filiórũ Israhël ad vésperam. Et sument de sanguine ejus, ac ponent super utrúmque postem, et in superlimináribus domórũ, in quibus cómedent illum.

R. Gratificávit nos Deus in dilécto Fílio suo, in quo habémus redemptionem, * Per sanguinem ejus. V. Remissionem peccatórum secundum divítias grátie ejus, quæ superabundávit in nobis. Per sanguinem.

Lectio ii.

Transíbo per terram Ægýpti nocte illa, percutiámque omne primogénitum in terra Ægýpti ab hómine usque ad pecus: et in cunctis diis Ægýpti fáciam judícia, ego Dóminus. Erit autem sanguis vobis in signum in ædibus in quibus éritis: et vidébo sanguinem, et transíbo vos: nec erit in vobis plaga dispérdens quando percússero terram Ægýpti. Habébitis autem hunc diem in

monuméntum: et celebrábitis eum solémnem Dómino in generatió nibus vestris cultu sempitérno.

R. Non corruptibilibus auro, vel argénto redempti estis de vana vestra conversatióne patrénæ traditiónis: * Sed pretiósó sanguine quasi agni immaculáti Christi. V. Ex corde invicem dilígite, renáti non ex sémine corruptibili. Sed.

Lectio iii.

Vocávit autem Móyses omnes senióres filiórũ Israhël, et dixit ad eos: Ite tolléntes ánimál per familias vestras, et immoláte Phase. Fasciculúmque hysópi tígite in sanguine qui est in límine, et aspérgite ex eo superlimináre et utrúmque postem: nullus vestrum egrediátur óstium domus suæ usque mane. Transíbit enim Dóminus percútiens Ægýptios: cumque viderit sanguinem in superliminári et in utróque poste, transcendet óstium domus, et non sinet percussórem ingredi domos vestras et lædere.

R. Christus peccáta nostra pértulit in córpore suo super lignum, ut peccátis mórtui, justítie vivámus: * Cujus livóre sanáti estis. V. Erátis enim sicut oves

errantes, sed conversi estis nunc ad pastorem animarum vestrarum. Cujus. Glória Patri. Cujus.

In II. Nocturno.

Ant. Justificati in sanguine Christi, salvi erimus ab ira per ipsum.

Ant. Pretio empti estis: nolite fieri servi hominum.

Ant. Dedit semetipsum Jesus Christus pro nobis, ut nos redimeret ab omni iniquitate.

℣. Beati qui lavant stolas suas. ℞. In sanguine Agni.

Sermo sancti Joannis

Chrysostomi.

Homilia ad Neophytos.

Lectio iv.

Multis sanguinis Christi audire virtutem? Redeamus ad ejus exemplum, et priorem typum recordemur, et pristinam scripturam narremus. In Ægypto nocte media Ægyptiis Deus plagam decimam minabatur, ut eorum primogenita deperirent, quia primogenitum ejus populum detinebant. Sed ne amata plebs Judæorum una cum illis periclitaretur, quia unus locus continerat universos, remedium discretionis inventum est. Proinde exemplum mirabile, ut discas in veritate

virtutem. Ira divinæ indignationis sperabatur, et domos singulas mortifer circumibat. Quid igitur Moyses? Occidite, inquit, agnum aniculum, et sanguine ejus linite januas.

℞. Ipse est caput corporis Ecclesiæ: * Ut sit in omnibus ipse primatum tenens. ℣. Quia complacuit per eum reconciliare omnia in ipsum, pacificans per sanguinem crucis ejus, sive quæ in terris, sive quæ in cælis sunt. Ut sit.

Lectio v.

Quid ais, Moyses? Sanguis ovis rationalem hominem liberare consuevit? Valde, inquit; non eo quod sanguis est, sed quia dominici sanguinis per eum demonstratur exemplum. Nam sicut regnantium statuae, quæ sine causa sunt et sermone, nonnumquam ad se confugiētibz hominibus anima et ratione decoratis subvenire consueverunt, non quia sunt ære confectæ, sed quia retinent imaginem principalem: ita et sanguis ille, qui irrationalis fuit, animas habentes homines liberavit, non quia sanguis fuit, sed quia hujus sanguinis ostendebat adventum.

R. Cum essétis aliquándo alienáti, et inimíci sensu in opéribus malis: * Nunc reconciliávit vos Christus in corpore carnis suæ per mortem. V. Ut exhibéret vos sanctos et immaculátos, et irreprehensibiles coram ipso. Nunc.

Lectio vi.

Angelus igitur ille vastátor cum liníto postes atque áditus pervidéret, transjécit gressus, et non est ausus intráre. Nunc ergo si viderit inimícus non póstibus impósitum ságuinem typi, sed fidélium ore lucéntem ságuinem veritátis, Christi templi póstibus dedicátum, multo magis se súbtrahet. Si enim Angelus cessit exémplo, quanto magis terrébitur inimícus, si ipsam perpéxerit veritátem?

R. Dignus es, Dómine, accíperere librum, et aperíre signácula ejus: quóniam occísus es, et redemísti nos Deo * In ságuine tuo. V. Et fecísti nos Deo nostro regnum, et regnábimus super terram. In. Glória Patri. In.

In III. Nocturno.

Ant. Vos qui aliquándo erátis longe, facti estis prope in ságuine Christi.

Ant. Habéntes fidúciam in intróitu sanctórum in ságuine Christi, accedámus in plenitúdine fidei.

Ant. Vestítus erat veste aspérsa ságuine, et vocabátur nomen ejus Verbum Dei.

V. Dealbavérunt stolas suas in ságuine Agni. R. Ideo sunt ante thronum Dei.

Léctio sancti Evangélíi secúndum Joánnem.

Lectio vii. Cap. 19.

In illo témpore: Sciens I Jesus, quia ómnia consummáta sunt, ut consummarétur Scriptúra, dixit: Sítio. Et réliqua.

Homília sancti Joánnis Chrysóstomi.

Hom. 45. et 48. in Matth.

Ubique demonstráre adnítitur, novam hanc mortem fuisse. Siquidem in potestáte moriéntis erat, ne priúsqvam ipse vellet et ómnia impléta essent, morerétur. Ideo dicébat: Potestátem hábeo ponéndi ánimam meam, et potestátem hábeo iterum suméndi eam. Sciens ergo ómnia consummáta, ait: Sítio: étiam hoc verbo prophetíam implens. Tu autem adstántium pra-

vitatem intéllege: nam licet innúmeros habeámus inimicos, qui nos gravissime persecúti sint, cum tamen intérimi eos vidémus, fléctimur misericórdia: hi vero nihil moti, magis efferántur et irrident, acetúmque in spóngia pórrigunt, ut bibat tamquam reus: nam propter hoc hyssópum ádditur, quo gustáto, mórtuus est. Vides quam non perturbáte, et quam poténter ómnia transigéntem.

R. Passus est Christus se ab iníquis comprehénderi, et impías sæviéntium in se manus admísit: * Ut ejus sanguis prétium posset credéntium fieri. **V.** Cohibuit in se poténtiam deitátis, ut ad glóriam perveníret passionis. Ut.

Lectio viii.

Cum ómnia consummáta cessent, inclináto cápite trádidit spíritum; hoc est, expirávit. Atqui non post inclinátum caput expirátur, sed post expirationem caput inclinátur: hic autem contra áccidit: per quod osténdit Evangelísta eum esse ómnium Dóminum. Judæi autem camélum devorántes et cúlicem excolántes, tantum nefas ausi, de die consúltant. Quóniam parascéve erat, ut non re-

manérent in cruce córpora sábbato, rogavérunt Pilátum, ut frangeréntur eórum crura. Vides quanti sit véritas: per ea quæ illi faciunt, prophetia implétur: ália enim ex hoc manifestáta est. Venérunt ergo mílites, et aliórum fregérunt crura, non Christi; sed ad Judæórum grátiam conciliándam latus ejus lancea aperuérunt, et mórtuo adhuc insúltant. O péssimam voluntátem! O scelestíssimam! Noli tamen perturbári, dilectíssime: quæ enim malo illi ánimo patrárunt, veritáti consentiébant; prophetia enim hinc impléta est, dicens: Vidébunt, in quem transfixérunt.

R. Invitátur ad paradísi divítias pópulus christiánus: * Igneam enim illam rhomphæam, qua vitæ régio erat inclúsa, sacer Christi sanguis exstínxit. **V.** Cunctis regenerátis ad amíssam pátriam patefactus est réditus. Igneam. Glória Patri. Igneam.

Lectio ix. de Homilia Feriæ.
Te Deum laudámus.

Ad Laudes

et per Horas.

Ant. 1. Christum propósuit * Deus propitiatórem per fidem in sángine ipsíus.

Ps. Dóminus regnávít. cum reliquis.

2. Jesus, ut sanctificáret * per suum ságuinem pópulum, extra portam passus est.

3. Sanguis Jesu Christi * Filii Dei emúndat nos ab omni peccáto.

4. Venit per aquam * et ságuinem Jesus Christus, non in aqua solum, sed in aqua et ságuine.

5. Christus diléxit nos, * et lavit nos a peccátis nostris in ságuine suo.

Capitulum. Hebr. 9.

Fratres: Tabernáculum et ómnia vasa ministérii ságuine aspérsit Móyses; et ómnia pene in ságuine secúndum legem mundántur, et sine ságuinis effusione non fit remissio.

Hymnus.

Ocelse rerum Cónditor,
Salútis auctor ómnium,
Tu nos sacráto ságuine
Omni repúrgas crímine.

Nos anguis ille cállidus
Antíquus hostis stráverat:
Primum nitórem méntium
Caligo culpæ démpserat.

Sacro tamen de corpore
Summi valóris ságuinem
Fundis, Redémptor, áffatim,
Omnémque labem díluís.

Repélle quidquid ímprobum

Intérna cordis íncít;
In nos refúnde, quæsumus,
Tui vigórem ságuinis.

Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæculum. Amen.

¶. Empti estis pretio magno. R. Sanguine Christi.

Ad Bened. Ant. Christus non per ságuinem hircórum aut vitulórum, sed per próprium ságuinem introívit semel in sancta, æténa redemptióne invénta.

Oratio.

Omnípotens sempitérne Deus, qui ságuine Fílii tui placári et nos rédimi voluísti: concéde nobis, quæsumus, salútis nostræ pretium ita recólere; ut et nunc véniam, et in ætérnum glóriam cónsequi valeámus. Per Dóminum.

Et fit comm. Feriæ.

Ad Tertiam.

Capit. Fratres: Tabernáculum. ut supra.

R. br. Dealbavérunt stolas suas * In ságuine Agni. Dealbavérunt. ¶. Ideo sunt ante thronum Dei. In ságuine Agni. Glória Patri. Dealbavérunt.

¶. Empti estis pretio magno. R. Sanguine Christi.

Ad Sextam.

Capitulum. Hebr. 9.

Si sanguis hircórum et taurórū inquinátos sanctificat ad emundatióem carnis: quanto magis sanguis Christi emundábit consciéntiam nostram ab opéribus mórtuis, ad serviéndum Deo vivénti?

R. br. **Empti estis * Prétio magno. Empti.** V. **Sanguine Christi. Prétio. Glória Patri. Empti.**

V. **Justificáti in sanguine ipsíus.** R. **Salvi érimus ab ira per ipsum.**

Ad Nonam.

Capitulum. Apoc. 12.

Projectus est accusátor fratrum nostrórum, et ipsi vicérunt eum propter sanguinem Agni.

R. br. **Justificáti * In sanguine ipsíus. Justificáti.** V. **Salvi érimus ab ira per ipsum. In. Glória Patri. Justificáti.**

V. **Christus lavit nos a peccátis nostris.** R. **In sanguine suo.**

In II. Vesperis.

Omnia ut in I. Vesperis.

V. **Christus lavit nos a peccátis nostris.** R. **In sanguine suo.**

Ad Magnif. Ant. **Accessistis ad Sion montem, et civitátem Dei vivéntis, Jérusalem coeléstem, et testa-**

ménti novi mediatórem Jesum, et sanguíinis aspersiónem mélius loquéntem quam Abel.

Et fit commem. Feriæ.

Die 22. Martii.

S. Joseph ab Arimathæa Confess.

Duplex.

Omnia de Communi Conf. non Pont., præter sequ.

Oratio.

Deus, qui nos beáti Joséphi Confessoris tui ánnua solemnitáte lætificas: concéde propítius; ut cujus natalítia cólimus, étiam actiónes imitémur. Per Dóminum nostrum.

Et fit commem. Feriæ.

In I. Nocturno Lectiones **Justus si morte.** de Comm. Conf. non Pont. 1. loco.

In II. Nocturno.

Lectio iv.

Ex S. Joann. Chrys. in Matth. c. 27.

Hic erat Joseph, qui quamvis prius occultarétur, rem tamen post mortem Christi súbiit árduam; non enim ignóbilis quidem erat, neque ignótus, sed ex concílio unus, atque insignis. Unde fortitúdo ejus máxime admiránda est, cum propter amórem Jesu pérículum mortis suscepérit, et universórum se ódio tra-

diderit. Exánime quippe corpus Jesu péttere ausus; non ante déstitit, quam impetrávit; nec solum ánimum ejus, quia petit, et sepúlchro trádidit, sed quia in novo, atque suo sepelivit monuménto, cognóscimus: quæ res non témere áccidit, sed divínitus fuit dispensáta, ne álium, non Christum surrexísse, suspício fieret.

R̃. Honéstum fecit.

Lectio v.

Serm. Ven. Bedæ Presb. Lib. 4, in Matth. cap. 27.

Joseph ab Arimathæa dives refértur, non de jactántia Scriptóris, qui virum nóbilem, atque ditíssimum, réferat, Jesu fuisse discipulum; sed ut osténdat causam, quare a Piláto corpus Jesu potúerit impetráre; accépto corpore Jesu, invólvit illud síndone munda, et ex simplice sepultúra Dómini, ambítio divitum condemnátur, qui ne in túmulis quidem possunt carére divítiis, quamquam et hoc significet, quod ille in síndone munda invólvat Jesum, qui pura eum mente suscepit.

R̃. Amávit eum.

Lectio vi.

Joseph ab Arimathæa (ipsa est Ramáthaim civi-

tas Elcánæ, et Samuélis in regiónē Jannítica juxta Dióspolim) accéssit ad Pilátum, et pétit corpus Jesu: magnæ quidem iste dignitátis ad sæculum, sed majóris apud Deum mériti, fuisse laudátur, ut per justítiam meritórum sepeliéndō corpore Domínico dignus foret, et per nobilitátem poténtiæ sæculáris, idem corpus accíperē posset; non enim quilibet et ignótus ad præsidem accédere, et crucifixi corpus póterat impetráre.

R̃. Iste homo.

In III. Nocturno.

Lectio sancti Evangélii secúndum Matthæum.

Lectio vii. Cap. 27.

In illo témpore: Cum sero factum esset, venit quidam dives ab Arimathæa nómine Joseph. Et réliqua.

Homília sancti Ambrósii
Epíscopi.

Serm. 52. de Sepulchro Domini nostri Jesu Christi.

Rétinet vestra diléctio, fratres, quod álibi díximus: Quia non minor glória est, quod túmulus Joseph suscitáverit Dóminum, quam quod sanctæ Mariæ úterus procreárit; sed fortásse quis dicat: Quæ comparátio ventris ac

túmuli, cum illa ex íntimis viscéribus edíderit fílium, hic autem solúmmodo locum præstíterit sepultúræ? at ego dico non minórem, ex hoc scílicet, Joseph afféctum fuisse, quam Mariæ, síquidem illa útero Dóminum, hic corde concépit.

R. Iste est, qui.

Lectio viii.

Illa Salvatóri membrórum suórum secrétum præstitit; hic secrétum sui corpóris non negávit: illa Dóminum pannis invólvit, cum natus est; hic línteis, cum recéssit: illa perúnxit beátum corpus óleo; hic aromátibushonorávit. Convéniunt ergo sibi obséquia, cónvenit et afféctus: unde necessárium est, et méritum ex hoc saltem conveníre, nisi quod Angelus Mariám ad obséqium ad-mónuit; Joseph autem sola justítia persuásit.

R. Sint lumbi.

Lect. ix. de Homil. et comem. Feriæ.

Te Deum laudámus.

Die 23. Martii.

S. Victoriani Martyris.

Duplex. Angelopoli.

Omnia de Communi unius Mart. juxta varietatem temp., præter sequentia.

Et fit comm. Feriæ.

In Quadrag. In I. Nocturno Lect. Fratres: Debitóres. de

Communi plurim. Mart. cum R.R. de Comm. unius Mart.

In II. Nocturno Lectiones. Triumphális. de Communi 1. loco.

In III. Nocturno Lectiones de Homilia in Evangelium. Nolite arbitrári. ut in festo S. Bartholomæi Gutierrez, p. 5* hujus Proprii.

Lectio ix. de Homil. et comem. Feriæ.

Si festum transferatur in tempus paschale, erunt Lectiones in I. Nocturno de Scriptura occurrente.

In II. Nocturno. Dignum et congruum. de Comm. 1. loco temp. paschali.

In III. Nocturno de Homil. in Evang. Nolite arbitrári. ut in festo S. Barthol. Gutierrez, p. 5* hujus Proprii cum R.R. de Comm. Mart. temp. pasch.

Die 26. Martii.

Commemorationis

Ss. Reliquiarum quæ as-servantur in Eccl. cathedr.

Angelopolitana.

Duplex.

Omnia de Communi plur. Martyrum pro varietate temp. præter sequ.

Oratio.

Deus, qui hanc sacrosántam Ecclésiám tot voluísti Sanctórum decorári reliquiis: concéde nobis fámulis tuis; ut quorum memóriam venerámur in terris, eórum consórtio perfruámur in cœlis. Per Dóminum nostrum.

Alia Oratio pro Ordine B. M. de Mercede.

Oratio.

Auge in nobis Dómine resurrectionis fidem, qui in sanctorum tuorum reliquiis mirabilia operáris: et fac nos immortalis glóriæ participes, cujus in eorum cineribus pignora venerámur. Per Dóminum.

Et fit comm. Fer. in Quadr.

In I. Noct. Lect. de Scriptura occurrente.

In Quadrag. Fratres: Debitores. de Comuni plur. Mart. I. loco.

In II. Nocturno.

Ex Tractátu S. Joánnis Damascéni de fide orthodoxa.

Lib. iv. cap. 16.

Lectio iv.

Christus Dóminus sanctorum reliquias velut salutíferos fontes præbuit, ex quibus plúrima nobis benefícia manant, suavissimúmque unguéntum prófluit. Nec vero quisquam huic sermóni fidem détrahat; nam si aqua in deserto ex áspera et sólida rupe, atque ex ásini maxilla ad sedándam Samsónis sitim, Deo ita volente, prosiliit, erítne cur cuiquam incredibile videátur, ex Mártyrum reliquiis suáve unguéntum scaturíre? Mínime certe; iis quidem, quibus Dei poténtia honórque, quo Sanctus suos afficit, perspéctus et explo-

rátus est. Atque illud quidem véteri lege comparátum erat, ut quisquis mórtuum contigísset, immúndus censerétur; verum hi in mortuorum número mínime habéndi sunt.

R. Sancti tui. vel Lux perpétua.

Lectio v.

Ex quo enim ipsamet vita ac vitæ Auctor inter mórtuos adscriptus est, eos, qui in spe resurrectionis fideique erga eum diem extrémum clausérunt, mórtuos haudquáquam appellámus. Qui enim mórtuum corpus mirácula édere queat? Per eos dæmones expellúntur, morbi profligántur, ægróti sanántur, cæci prospíciunt, leprósi mundántur, tentatiónes ac mœrôres discutiúntur, ac denique omne donum óptimum a Patre lúminum, eorum ópera, ad eos qui fide mínime dúbia póstulant, descendit. Quid non labóris suscípias, ut patrónum quemdam nanciscáris, qui te mortáli regi offerat, ac tuo nómine ad eum verba fáciat? An non igitur hi honorándi sunt, qui totius humáni géneris patrónos se profiténtur, ac Deo nostra causa súpplicant?

R. Vërbera carnificum.
vel In servis suis.

Lectio vi.

Honorándi certe, et quidem ita, ut in eórum nómine templa Deo exstruamus, dona offeramus, eórum memóriam colamus, atque in ea spirituáliter oblectémur; quo nimirum lætítia nostra iis, a quibus invitámur, cóngruat, ne, dum eos cólere et demeréri studémus, offendámus pótius et irritémus. Quibus enim rebus Deus cólitur, iisdem quoque servi ipsíus oblectántur: quibus autem Deus offénditur, iisdem étiam ipsíus mílites offénduntur. Quocírca in psalmis, et hymnis, et cántibus spirituálibus, et compunctióne, et eórum, qui in egestáte versántur, commiseratióne, quibus obséquiiis Deus potíssimum conciliátur, sanctos colamus; státuas ipsis et visibiles imágenes erigámus; imo ipsi virtútibus eórum imitándis hoc consequámur, ut vivæ eórum státuæ atque imágenes simus.

R. Tamquam aurum. vel Fíliæ Jerúsalem.

In III. Nocturno Homilia in Evang. Descéndens Jesus. de Comuni 2. loco; etiam tempore pasch., cum **R.R.** de eodem tempore.

In Quadr. Lect. ix. de Hom. Feriæ et ejus comm. in Laud.

Die 6. Aprilis.

Beatæ Julianæ Corneliensis Virg.

Duplex.

Omnia ut inter festa pro aliquibus locis, die 5. Aprilis.

Die 20. Aprilis.

S. Agnetis de Monte Politiano Virginis.

Duplex.

Omnia de Coñ. Virg., præter sequentia.

Oratio.

Deus, qui beatam Agnetem Virginem tuam cœlesti rore sæpe perfundere, et orationis ejus loca diversis enatis floribus decorare dignatus es: concede propitius; ut ejus precibus perpetuo tuæ benedictionis rore conspersi æternitatis fructus percipere mereámur. Per Dóminum.

In I. Nocturno Lectiones de Scriptura occurrente.

In II. Nocturno.

Lectio iv.



Agnetis de Monte Politiano ordinis sancti Domínici virginis integerrimæ nativitatem faces divinitus accensæ in cubículo matris illustrarunt. Claustrale institutum amplexa est nono

ætátis anno: et quintum-
décimum necdum egréssa,
Summi Pontíficis jussu mo-
niálibus invíta præficitur.
Ejus léctulus nuda humus,
cervícal saxum fuit: et
quíndecim annos in pane
et aqua jejunávit. Sæpe in-
ter orándum, nec major
annis quatuórdecim, a terra
cúbito tollebátur: ejúsque
pállium roris cándidi gut-
tis, quæ crucis effígiem sín-
gulæ referébant, resperge-
bátur: ac locus, ubi génua
fixisset, súbito pulchérri-
mis flóribus ornabátur.

R. Propter veritátem.

Lectio v.

A sacra Deípara Jesum
orans excépit: eúmque ali-
quámdiu sinu compléxa,
párvulam crucem tenui filo
nexam ab ejúsdem collo
detráxit. Terram quoque
Christi sángine in passió-
ne fuso cruentátam divíni-
tus accépit, ac frustum pel-
vis, ubi ipse infántulus Je-
sus a Virgine Matre fuit
ablútus. Sed et sancti Apó-
stoli Petrus et Paulus par-
tículis suárum véstium eám-
dem pro magno múnere do-
nárunt. Sæpius eidem An-
gelus Eucharístiam sua ma-
nu porréxit.

R. Dilexísti justítiam.

Lectio vi.

Virtútibus et miráculis il-
lústris, ac pretiósá vir-
ginitátis coróna redimíta
migrávit in cœlum, anno
millésimo trecentésimo dé-
cimo séptimo. Cum sancta
Catharína Senénsis, quæ a
Deo præmónita jam ántea
fúerat, parem se glóriam
cum sancta Agnéte in cœ-
lis habitúram, ejus corpus
íntegrum atque incorrú-
ptum sepúlchro servátum
invíseret, ac ejus pedes de-
osculári vellet; Agnes ál-
terum pédem éxtulit ad os
usque Catharínæ: quæ cum
álío étiam témpore revér-
sa, se ad caput Agnéti demí-
sisset, manna instar nivis
toto illo loco plúere cœpit.
Dénique ipsam beátam vír-
ginem Agnétem miráculis
claram, Benedictus déci-
mus tértius órdis Prædi-
cátórum, sanctárum vírgi-
num número adscrípsit.

R. Afferéntur regi.

*In III. Nocturno Homilia in
Evang. Símile erit regnum cœ-
lórúm decem virgínibus. de
Communi Virg. 1. loco.*

Die 21. Aprilis.

S. Maximi Mart., cujus
reliqu. asservatur in Alma
Eccles. Angelopolitana.

Duplex. Ibid.

Omnia de Comm. unius Mart.
temp. Pasch.

Oratio.

Præsta, quæsumus omnipotens Deus: ut qui beāti Máximi Mártiris tui natalítia cólimus, intercessióne ejus in tui nóminis amore roborémur. Per Dóminum nostrum.

In I. Nocturno Lectiones de Scriptura occurrente.

In II. et III. Noct. Lect. de Comuni unius Mart. temp. Pasch. 1. loco.

Si celebretur extra tempus Pasch. Lect. II. Noct. Triumphális; III. Noct. Homilia. Si quis vult. de Comm. 2. loco.

Die 24. Aprilis.

S. Boni Latronis Conf.

Duplex.

Omnia ut inter festa pro aliquibus locis eadem die.

Sabbato

ante Domin. III. post Pascha.

Gaudiorum B. M. V.

Duplex 2. cl. Angelopoli.

In I. Vesperis.

Ant., Ps., Capit. et Hymn. ut in Festis B. M. V. ritu Pasch.

℣. **Dignáre me laudárete, Virgo sacráta, allelúja.**
℞. **Da mihi virtútem contra hostes tuos, allelúja.**

Ad Magnif. Ant. **Regína cœli lætáre, allelúja: quia quem meruísti portáre, allelúja: resurrexit, sicut dixit, allelúja: ora pro nobis Deum, alleluja.**

Oratio.

Concède nos fámulos tuos, quæsumus Dómine Deus, perpétua mentis et cóporis sanitate gaudére: et gloriósa beátæ Mariæ semper Vírginis intercessióne, a præsentí liberári tristítia, et ætérna pérfrui lætítia. Per Dóminum.

Ad Matutinum.

Invitat. **Sancta María Dei Génitrix Virgo, * Intercéde pro nobis, allelúja.**

Ps. **Veníte, exsultémus.**

Hymnus, Antiph., Psalmi et ℣℥. Noct., ut in Festis B. M. sub una Ant., cui additur Allelúja.

In I. Nocturno.

De Cánticis Canticórum.

Lectio i. Cap. 5.

Véniat diléctus meus in hortum suum, et cómedat fructum pomórum suórum. Veni in hortum meum soror mea sponsa, méssui myrrham meam cum aromátibus meis: comédi favum cum melle meo, bibi vinum meum cum lacte meo: comédite, amíci, et bíbite, et inebriámini, caríssimi. Ego dórmio, et cor meum vígilat: Vox dilécti mei pulsántis: Aperi mihi, soror mea, amíca mea, colúmba mea, immaculáta mea, quia caput meum plenum est rore, et cincínni

mei guttis nóctium. Péssulum óstii mei apérui dilécto meo: at ille declináverat, atque transierat.

R̃. Sancta et immaculáta.

Lectio ii. Cap. 5. et 6.

Quo ábiit diléctus tuus, o pulchérissima mulierum? Quo declinávit diléctus tuus, et quærémus eum tecum? Diléctus meus descendit in hortum suum ad aréolam arómatum, ut pascátur in hortis, et lília cólligat. Ego dilécto meo, et diléctus meus mihi, qui páscitur inter lília. Pulchra es, amíca mea, suávis, et decóra sicut Jerúsalem: terríbilis ut castrórum ácies ordináta. Avérte óculos tuos a me, quia ipsi me avoláre fecérunt. Capílli tui sicut grex caprarum, quæ apparuérunt de Gálaad. Dentes tui sicut grex óvium, quæ ascendérunt de lavácro, omnes geméllis fœtibus, et stérilis non est in eis.

R̃. Congratulámini.

Lectio viii. Cap. 8.

Quis mihi det te fratrem meum sugéntem úbera matris meæ, ut invéniam te foris, et deósculer te, et jam me nemo despíciat? Apprehéndam te, et ducam in domum matris meæ: ibi

me docébis, et dabo tibi póculum ex vino condito, et mustum malórum granatórum meórum. Læva ejus sub cápite meo, et dextera illius amplexábitur me. Adjúro vos, filíæ Jerúsalem, ne suscitétis, neque evigiláre faciátis diléctam, donec ipsa velit. Quæ est ista, quæ ascendit de desérto, delíciis áffluens, inníxa super diléctum suum? Sub árbore malo suscitávi te: ibi corrúpta est mater tua, ibi violáta est génitrix tua.

R̃. Beáta es Virgo.

In II. Nocturno.

Sermo sancti Augustíni
Epíscopi.

In Assumpt. B. M. V. Serm. 2.

Lectio iv.

Loquámur áliquíd, fratres, in laúdibus sacratíssimæ Vírginis. Sed quid nos tantílli? Quid accióné pusilli? Quid in ejus laúdibus referémus, cum etsi ómnium nostrum membra verteréntur in linguas, eam laudáre sufficeret nullus. Altior cœlo est, de qua lóquimur; abýsso profúndior, cui laudes dicere conámur. Hæc est enim, quæ sola méruit Mater et Sponsa vocári: hæc primæ matris damna resól-

vit: hæc hómini pérdito redemptiónem addúxit. Mater enim géneris nostri pœnam intulit mundo; Génitrix Dómini nostri salútem édedit mundo. Auctrix peccati Heva, auctrix mériti María. Heva occidendo óbuit, María vivificando prófuit: illa percússit, ista sanávit.

R. Sicut cedrus.

Lectio v.

Hæc enim mirábili atque inæstimábili modo ómnium rerum et suum péperit Salvatórem. Quæ hæc Virgo tam sancta, ad quam venire dignarétur Spíritus sanctus? Quæ tam speciósas, ut eam sibi Deus elígeret sponsam? Quæ tam casta, ut esse posset Virgo post partum? Hæc est Dei templum, fons ille signátus, et porta in domo Dei clausa: ad hanc namque, ut dixi, Spíritus sanctus descéndit: hanc virtus Altíssimi obumbrávit. Hæc est immaculáta cóitu, fœcúnda partu, virgo lactans, Angelórum et hóminum cibum nútriens. Mérito namque beáta singulári a nobis præcónio extóllitur, quæ singuláre comércium mundo præbuit. Dénique tantum se ad cœli fastigia sublevávit, ut Verbum in

principio apud Deum de supérna cœli arce susciperet. R. Quæ est ista.

Lectio vi.

O felix María, et omni laude digníssima! O Virgo Dei Génitrix gloriósa! O sublimis puérpera, cujus visceribus auctor cœli terræque commíttitur. O felícia óscula lacténtis lábiis impréssa! Cum inter crebra indícia reptántis infántiæ, útpote verus ex te fílius tibi Matri allúderet, cum verus ex Patre Dóminus imperáret. Nam auctórem tuum ipsa concípiens, edidisti in témpore Redemptórem, quem habébas ante témpora conditórem. O felix puerpérium, lætábile Angelis, optábile Sanctis, necessárium pérditis, cóngruum profligátis! Qui post multas assúptæ carnis injúrias, et ad últimum verberátus flagris, potátus felle, affixus patíbulo, ut te veram Matrem osténderet, verum se hóminem patiéndum monstrávit.

R. Ornátam monílibus.

In III. Nocturno.

Léctio sancti Evangélíi secúndum Joánnem.

Lectio vii. Cap. 19. e.

In illo témpore: Stabant iuxta crucem Jesu Mater

ejus, et soror Matris ejus
María Cléophæ et María
Magdaléne. Et réliqua.

Homilia sancti Joánnis
Chrysóstomi.

Homilia 84. in Joannem.

Christus crucifíxus
Matrem suam discí-
pulo comméndat:
erúdiens nos ad últimum
usque spíritum, paréntum
curam habéndam. Cum in-
tempestive ab ea appellá-
tus est, inquit: Quid mihi
et tibi múlíer? Et álibi:
Quæ est Mater mea? Hic
imménsam caritátem ostén-
dit, et comméndat eam discí-
pulo quem diligébat. Ite-
rum nomen suum modéste
súbticet Joánnēs; nam si
se jactáre voluísset, quam
ob rem diligerétur, expo-
súisset. Credíbile enim est
magnam esse et admirán-
dam. Qua autem grátia
nihil áliud dicit Joánni, ne-
que eum consolátur? Quod
intempestívum erat: præ-
tèrea non parvo eum ho-
nóre his verbis afficiébat,
neque parvum præséntiæ
sue præmium capiébat.

R̃. Felix namque.

Lectio viii.

Tu autem considéra, quo
modo crucifíxus ómnia
sine áliqua perturbatióne
transégit. Discípulo Ma-

trem commendávit, pro-
phetías implévit, latróni
spem bonam dedit. Atqui
ántequam crucifigerétur,
sudávit, perturbátus est,
tímuit. Quid hoc sibi vult?
Nihil dúbii, nihil non ma-
nifestum. Illic enim natúræ
imbecillitas, hic potéstas
demonstráta est. Prætèrea
his nos duóbus ádmonet,
ut licet ante malis pertur-
bémur, non tamen abstinén-
dum est quin ea subeámus:
et cum in certámen descén-
dimus, ómnia facília et lé-
via putánda sunt. Nolimus
ergo mortem formidáre.
Insitus est ánimæ naturá-
liter vivéndi amor: sed in
nobis est, vel hoc vínculum
sólvere et eam minúere
cupiditátem; vel ligáre et
vehementiorem effícere.

R̃. Beátam me.

Lectio ix.

Stabant autem mulieres
juxta crucem: et sicut
imbecillior sexus tunc fór-
tior apparuit, ita ómnia re-
formávit. Ipse matrem com-
méndans, inquit: Ecce fili-
us tuus. O honórem quem
discípulo tribuit! Cum enim
jam obíret, Matris curam
discípulo relíquit. Nam cum
par esset útpote Matrem
dolére et protectionem quæ-
rere, mérito dilécto com-
méndat: cui étiam inquit:

Ecce Mater tua. Hoc dixit, ut dilectione devincerentur. Quo cognito, discipulus eam secum adduxit. Sed cur non alius cuiuspiam mulieris meminit, cum adessent? Admonens quiddam amplius matribus tribuendum. Ut enim cum spiritualia impediunt parentes, nec cognoscendi quidem sunt: ita cum nihil impediunt, merito omnia his sunt tribuenda, et omnibus praeferendi: quia genuerunt, quia educarunt, quia innumeras pro ipsis moléstias subierunt.

Te Deum laudamus.

Ad Laudes et per Horas omnia ut in Festis B. M. V. præter sequ.

In Laudibus. **V. Diffusa est grátia in lábiis tuis, allelúja. R. Propterea benedixit te Deus in ætérnum, allelúja.**

Ad Bened. Ant. **Regína cœli lætare, allelúja: quia quem meruísti portare, allelúja: resurrexit, sicut dixit, allelúja: ora pro nobis Deum, allelúja.**

In II. Vesp. omnia ut in I.

Dominica IV. post Pascha.

Octava

Patrocinii S. Joseph.

Duplex.

Omnia ut in festo, præter sequentia.

In I. Nocturno Lectiones de Scriptura occurrente.

In II. Nocturno.

Sermo Sancti Augustíni Epíscopi.

Lib. I. de Nupt. et Conc. c. 11.

Lectio iv.

Non falláciter ab Angelo dictum est ad Joseph: Noli timere accipere Mariam conjugem tuam. Conjux vocatur ex prima fide desponsationis, quam concubitu nec cognoverat, nec fuerat cogniturus: nec perierat, nec mendax manserat conjugis appellatio, ubi nec fuerat, nec futura erat ulla carnis commixtio. Erat quippe illa Virgo: ideo et sanctius et mirabilius jucunda suo viro, quia etiam foecunda sine viro, prole dispar, fide compar. Propter quod fidele conjugium parentes Christi vocari ambo meruerunt, et non solum illa mater, verum etiam ille pater ejus, utrumque mente, non carne. Sive autem ille pater sola mente, sive illa mater et carne, parentes tamen ambo humilitatis ejus, non sublimitatis, infirmitatis, non divinitatis.

R. Dedisti mihi protectionem salutis tuæ et dextera tua suscepit me: * Protector meus et cornu salutis

meæ et susceptor meus, allelúja. V. Ego protector tuus sum et merces tua magna nimis. Protector.

Lectio v.

Neque enim mentitur Evangelium, ubi legitur: Et erat pater ejus et mater mirantes super his, quæ dicebantur de illo. Et alio loco: Et ibant parentes ejus per omnes annos in Jerusalem. Item paulo post: Et dixit mater ejus ad illum: Fili quid fecisti nobis sic? Ecce pater tuus et ego dolentes quærebamus te. At ille, ut ostenderet habere se præter illos patrem, qui eum genuit præter matrem, respondit eis: Quid est, quod me quærebátis? Nesciebátis, quia in his, quæ Patris mei sunt, oportet me esse? Et rursum ne hoc dicto parentes illos negasse putaretur, Evangelista secutus adjunxit: Et ipsi non intellexerunt verbum, quod locutus est ad illos, et descendit cum eis, et venit Nazareth, et erat subditus illis. Quibus subditus, nisi parentibus? Quis autem subditus, nisi Jesus Christus, qui cum in forma Dei esset, non rapinam arbitratus est, esse se æqualem Deo?

R. Státuet filios suos sub tégmine illius et sub ramis ejus morabitur; protegétur sub tégmine illius a fervore: * Et in glória ejus requiescet, allelúja. V. Speráte in eo omnis congregatio pópuli, effúndite coram illo corda vestra. Et.

Lectio vi.

Cur ergo illis subditus, qui longe infra formam Dei erant, nisi quia semetipsum exinanivit formam servi accipiens, cujus formæ parentes erant, sed profecto nec ipsius formæ servi parentes ambo essent, nisi inter se étiam sine carnis commixtione conjuges essent: unde et séries generationum, cum parentes Christi connexione successionis commemorantur, usque ad Joseph potius, sicut factum est, fuerat perdúcenda: ne in illo conjugio virili sexui, utique potiori fieret injuria, cum veritati nihil periret, quia ex semine David, ex quo venturus prædictus est Christus, et Joseph erat et María. Omne itaque nuptiarum bonum implétum est in illis parentibus Christi, proles, fides, sacramentum. Prolem cognoscimus ipsum Dominum Jesum: fidem, quia nullum

adultérium: sacraméntum,
quia nullum divórtium.

R. Si consistant.

In III. Nocturno.


Léctio sancti Evangélíi se-
cúndum Lucam.

Lectio vii. Cap. 3. c.

In illo témpore: Factum
est autem, cum baptiza-
rétur omnis pópulus, et
Jesu baptizáto et oránte,
apértum est cœlum. Et ré-
liqua.

Homilía sancti Augustíni
Epíscopi.

Serm. 36. de temp. Bapt. Chr.

atális hódie alter est
quodam modo Sal-
vatóris. Nam eís-
dem eum signis, eisdem mi-
ráculis cognóscimus géni-
tum, sed nunc majóri my-
stério baptizátum. Ait enim
Deus: Hic est Fílius meus
diléctus, in quo mihi com-
plácuí. Præclárior plane
est secúnda, quam prima
nativitas. Illa enim sine
teste siléntio Christum gé-
nuit, ista cum divinitátis
professione Dóminum ba-
ptizávit. Ab illa se Joseph,
qui pater putabátur, excú-
sat: in hac se pater, qui
credebátur, insínuat. Ibi
labórat suspiciónibus ma-
ter, quia professiúi déerat
pater: hic honorátur Géni-

trix, quia divínitas Fílium
protestátur. Honorátior, in-
quam, secúnda, quam pri-
ma nativitas. Siquidem pa-
ter hic Deus majestátis in-
scríbitor, illic Joseph árti-
fex æstimátur. Et licet in
utráque Dóminus per Spí-
ritum sanctum et natus sit
et baptizátus, tamen hono-
rátior est, qui de cœlis cla-
mat, quam qui in terris la-
bórat.

R. Joseph, fili David, noli
timére accípere Mariám
cónjugem tuam: quod enim
in ea natum est, de Spíritu
sancto est; páriet autem fí-
lium, * Et vocábis nomen
ejus Jesum, allelúja. Y. Ip-
se enim salvum faciet pó-
pulum suum a peccátis eo-
rum. Et vocábis.

Lectio viii.

Joseph ergo faber in ter-
ris pater putabátur esse
Dómini Salvatóris, nec ab
hoc ópere Deus, qui vere
est Pater Dómini nostri
Jesu Christi, exclúditur:
nam est et ipse faber. Ipse
enim est ártifex, qui hujus
mundi máchinam non so-
lum mirábili, sed étiam in-
effábili poténtia fabricávit.
Tamquam sápiens archi-
téctus cœlum sublimitáte
suspendit, terram mole fun-
dávit, mária cálculis alli-

gávit. Ipse est ártifex, qui ad mensúram quamdam supérbiæ depónit fastigia, humilitátis extrémá sublímat; ipse est ártifex, qui in nostris móribus præcídít supérflua ópera, utilia quæque consérvat. Ipse est ártifex, cujus secúrim ad radicem nostram pósitam Joánnes Baptísta comminátur, ut omnis arbor, quæ normam justæ discretiónis excésserit, excísa radícitus tradátur incéndio, quæ autem mensúram veritátis habúerit, coelésti fábricæ deputétur.

R. Surge et áccipe púerum et matrem ejus et fuge in Ægýptum: * Et esto ibi, usque dum dicam tibi, allelúja. V. Ut adimplerétur quod dictum est a Dómino per prophétam dicéntem: Ex Ægýpto vocávi filium meum. Et esto ibi. Glória Patri. Et esto ibi.

Lectio ix. de Homil. Domin. IV. post Pascha, cujus cõnem. in Laudibus.

Feria IV.

post Dom. Ascensionis Dñi.

B. M. V. de Luce Patronæ princ. Diœc. Leonensis.

Duplex 1. cl. cum Oct.

Omnia ut in Festis B. M. V. per annum, præter sequ.

In I. Noct. Lect. Ego sapiéntia.

In II. Nocturno.

Homilía sancti Cyrilli Epíscopi Alexandríni.

Homilia contra Nestorium.

Lectio iv.

Filarem vídeo cœtum Sanctórum ómnium, qui convenérunt promptis ánimis, a sancta et Dei Matre María semper Vírgine convocáti. Laus et glória sit tibi, sancta Trínitas, quæ omnes nos ad hanc celebritátem convocásti. Sit étiam tibi, sancta Dei Mater, laus. Tu enim es pretiósá margaríta orbis terrárum: tu lampas inextinguibilis, coróná virginitátis, sceptrum orthodóxæ fidei, templum indissolúbile, cõtinens eum qui nusquam continéri potest: Mater et Virgo, per quam benedíctus, qui venit in nómine Dómini, in sanctis Evangéliis nominátur.

R. Sicut cedrus.

Lectio v.

Per te Trínitas sanctificátur: per te crux pretiósá celebrátur et adorátur in toto orbe terrárum. Per te exsúltat cœlum, lætántur Angeli et Archángeli, fugántur dæmones, et homo ipse ad cœlum revocátur. Per te omnis creatúra,

idolórum errore deténta, convérta est ad agnitióem veritátis, et fidéles hómines ad sanctum baptísma pervénérunt, atque in toto orbe terrárum constructæ sunt ecclésiæ.

R. Quæ est ista.

Lectio vi.

Te adjutríce, gentes véniunt ad pœniténtiam. Quid plura? Per te unigénitus Dei Fílius, vera illa lux, effúlsit sedéntibus in ténebris et umbra mortis. Per te Prophétæ prænuntiáru[n]t, per te Apóstoli salútem géntibus prædicáru[n]t. Quisnam póterit tuárum laudum præcónia explicáre, María mater et virgo? Hanc, fratres dilectíssimi, celebrémus, ejus Fílium Ecclésiæ sponsum immaculátum adorántes: cui honor et glória in sæcula sæculórum. Amen.

R. Ornátam.

In III. Nocturno.

Lectio sancti Evangélíi secúndum Lucam.

Lectio vii. Cap. 2. f.

In illo témpore: Cum redírent, remánsit puer Jesus in Jerúsalem, et non cognovérunt paréntes ejus. Et réliqua.

Homília sancti Bernárdi Abbátis.

Homil. 1. de Laud. Virg. Matr.

Deum et Dóminum Angelórum María suum Fílium appellat, dicens: Fili, quid fecísti nobis sic? Quis hoc aúdeat Angelórum? Súfficit eis, et pro magno habent, quod cum sint spíritus ex conditióne, ex grátia facti sint et vocáti Angeli, testánte David: Qui facit Angelos suos spíritus. María vero matrem se agnóscens, majestátem illam, cui illi cum reveréntia sérvíunt, cum fidúcia suum nuncupat Fílium: nec indignátur nuncupári Deus, quod esse dignátus est. Nam paulo post subdit Evangelísta: Et erat súbditus illis. Quis? quibus? Deus homínibus? Deus, inquam, cui Angeli súbditi sunt, cui Principátus et Potestátes obédiunt, súbditus erat Maríæ.

R. Felix namque.

Lectio viii.

Miráre utrúmlibet, et élige quod ámplius miréris, sive Fílii benigníssimam dignatióem, sive Matris excellentíssimam dignitátem. Utrínque stupor, utrínque miraculum. Et quod Deus féminæ obtémperet,

humilitas absque exemplo: et quod Deo femina principetur, sublimitas sine socio. In laudibus Virginum singulariter canitur, quod sequuntur Agnum quocumque ierit. Quibus ergo laudibus iudicas dignam, quae etiam praestit? Disce, homo, obedire: disce, terra, subdisce, pulvis, obtemperare. De Auctore tuo loquens Evangelista: Et erat, inquit, subditus illis. Erubescere, superbe cinis: Deus se humiliat, et tu te exaltas? Deus se hominibus subdit, et tu dominari gestiens hominibus, tuo te praeponis Auctori?

R. Beatum me dicent.

Lectio ix.

Felix Maria, cui nec humilitas defuit, nec virginitas! Et quidem singularis virginitas, quam non temeravit, sed honoravit foecunditas. Et nihilominus specialis humilitas, quam non abstulit, sed extulit foecunda virginitas: et incomparabilis prorsus foecunditas, quam virginitas simul comitatur et humilitas. Quid horum non mirabile? quid non incomparabile? quid non singulare? Mirum vero, si non haesitas, in horum ponderatione, quid tua iudices digni-

us admiratione, utrum videlicet potius stupenda sit foecunditas in Virgine, an in Matre integritas: sublimitas in prole, an cum tanta sublimitate humilitas: nisi quod indubitanter horum singulis praefenda sunt simul cuncta, et incomparabiliter excellentius est atque felicius omnia percipisse quam aliqua. Et quid mirum, si Deus, qui mirabilis cernitur et legitur in Sanctis suis, mirabiliorem se exhibuit in matre sua? Veneramini ergo, conjuges, in carne corruptibili carnis integritatem: vos, sacrae virgines, in Virgine foecunditatem. Imitamini, omnes homines, Dei Matris humilitatem.

Te Deum laudamus.

Die 16. Maji.

S. Joannis Nepomuceni
Martyris.

Duplex 2. cl. cum Oct.

Omnia ut inter festa pro aliquibus locis eadem die 2. loco.

Die 23. Maji.

Octava
S. Joannis Nepomuceni
Martyris.

Duplex.

Omnia ut in die, praeter sequi
In 1. Nocturno Lectiones de Scriptura occurrente.

In II. Nocturno.

Sermo sancti Joánnis
Chrysóstomi.

De peccat. non evulg. Serm. 57.

Lectio iv.

Non hæc medicamentorum istorum præcipua laus est, quod animas sanent, quod temporis longinquitate non corrumpantur, quod a morbis non vincantur, quod eorum utilitas gratis propòsita sit, quod ex æquo divitibus et pauperibus pateat medicina; sed et aliud quidpiam nihilo minus his boni habent. Quodnam illud tandem est? quod nos ad hanc medici officinam venientes non divulgamus. Nam illi quidem, qui ad profanas medicorum officinas abeunt, multos habent vulnorum spectatores; hic vero non ita fit, sed cum innúmeros videamus ægròtos, occulte illos curamus. Neque enim in médium adductis peccatoribus, eorum deinde peccata divulgamus.

R. Instans orationi et ministèrio verbi, hortabatur omnes in propòsito cordis permanere in Dòmino: * Quia erat vir bonus, et plenus Spìritu sancto, allelúja. V. Et apponebatur multa turba Dòmino. Quia erat.

Lectio v.

Hoc vero non mediocriter illis prodest. Nam cum vulgi existimationi simus addicti, quàm diu quidem latere nos putamus, qui mali sumus, fieri meliores studemus: postquam autem omnibus innotuimus, et solatium illud ex occultatione perdidimus, eo magis imprudentes ac negligentes evadimus. Et quemadmodum, quæ deteguntur ulcera, semperque frígido aëri exponuntur, acerbiora fiunt: ita quoque anima peccati rea, si coram multis ob ea, quæ deliquit, reprehendatur, imprudentior evadit. Ne igitur hoc accideret, clam vos sermo curavit.

R. Dispèrsit, dedit pauperibus: * Justitia ejus manet in sæculum sæculi, allelúja. V. Beátus qui intèlligit super egènum et pauperem. Justitia.

Lectio vi.

Atque ut intelligatis, admodum útilem hanc occultam esse medendi rationem, audite, quid Christus dicat: Si peccáverit in te frater tuus, córripi eum. Et non dixit: Inter te et civitatem, neque inter te et pópulum: sed inter te et ipsum solum. Sit sine tésti-

bus accusatio, inquit, ut facilius fiat mutatio in melius. Magnum ergo bonum est, si non publice fiat cohortatio: sufficit conscientia, sufficit incorruptus ille iudex. Non ita tu peccatorem reprehendis, ut ipsius conscientia (quippe quod asperior illa sit accusator), neque delicta ejus accuratius nosti. Noli ergo vulnus vulneribus addere, dum auctorem peccati divulgas: sed semotis arbitris admonitionem adhibeto.

R. Ego scio.

In III. Nocturno.

Lectio sancti Evangelii secundum Matthaeum.

Lectio vii. Cap. 11.

In illo tempore: Cum audisset Joannes in vinculis opera Christi, mittens duos de discipulis suis, ait illi: Tu es, qui venturus es, an alium expectamus? Et reliqua.

Homilia sancti Joannis Chrysostomi.

In var. Matth. loc. Hom. 16.

Ivenit, inquit, Joannem et alligans posuit eum in carcere. Herodes, te petit causa, te arguunt vincula, te carcer accusat, te divulgat producta in publicum poena. Joannes injuriatur: causam

custodiae qui requirit, in te invenit, quod puniat, et in Joanne, quod doleat. Joannes orbi notus, fama virtutis cognitus, celebratissimus sanctitate, dum attrahit ad se inquisitores injuriae, facit, ut tuus cunctis innotescat incestus: agit, ut te habeat confusio publica, quam corrigere non valuit secreta corruptio et privata. Herodem Joannes monitis, non accusatione pulsavit, utpote amator castitatis, quem corrigere voluit, non perire. Sed Herodes, facibus libidinis ardens, perire maluit, quam redire.

R. Cum corripere ab illo de omnibus malis quae fecit rex, adjecit et hoc: * Et inclusit Joannem in carcere, alleluja. V. Laboro usque ad vincula, quasi male operans: sed verbum Dei non est alligatum. Et.

Lectio viii.

Odiosa fit semper libertas. Nam virtus contraria vitiis, sacrilegis exosa sanctitas, inimica castitas impudicis, corruptis integritas poena, luxuriosis adversa frugalitas, crudelibus dura semper misericordia, impiis pietas non ferenda. Probat hoc Evangelista,

cum dicit: Dicébat Joánnes: Non licet tibi accipere uxórem Philíppi fratris tui. Ecce unde Heródes furit: malos qui monet, offéndit, incúrrit ódium, qui árguit criminósos. Dicébat Joánnes, quod erat legis, quod justítiæ, quod erat salutis: certe quod erat non ódii, sed amóris. Ecce qualem consecúsus est ab ímpio pro pietáte mercédem.

R. Réddidit Deus justo mercédem labórum suórum, et dedúxit illum in via mirábili: * Et fuit illi in velaménto diéi, et in luce stellárum per noctem, allelúja. **V.** Transvéxit illum per aquam nímiā; inimícos autem illíus demérsit. Et. **G**loria Patri. Et.

Lectio ix.

Volens, inquit, occídere eum, tímuit pópulum. Fácile déviat a justítia, qui in causis non Deum, sed hómines formídat. Hic timor peccáandi differt facultátem, non aufert voluntátem. Unde étiam, quos suspéndit a crimine, avidióres reddit ad crimen: et æstuat ánimo, quoúsque perfíciat, quod cógitat malum. Solus enim Dei est timor, qui nocéntes córrigit, fugat crimína, innocéntiam ser-

vat, pérpetem tríbuit facultátem.

Te Deum laudámus.

Die 26. Maji.

S. Philippi Nerii Conf.

Duplex 2. classis.

In I. Vesperis.

Ant. de Laudibus 48*; Ps. ut in I. Vesperis de Communi Apostolorum.

Capitulum. Rom. 5. c.

Caritas Dei diffúsa est in córdibus nostris per inhabitántem Spíritum ejus in nobis.

Hymnus.

Pangámus Nério débita cántica,
Quem supra nítidi sídera vérticis
Virtus, et méritum sústulit ínclytum
Captúrum pia gaúdia.

Hic uri súbitis dum videt ignibus
Ædes, quas hábitat, flétibus ábstinet,
Flammas cum pénitus quíverit hórridas
Paucis víncere lácrimis.

Oblátum pátrui munus, et aúreos
Nummos magnánimus calcat, et ímpiger
Romam digréditur, quam magis ómnibus
Illústrem facit úrbibus.

Noctes sub spécubus, cór-
pora Mártyrum
Quas implent, vígilat sédu-
lus íntegras;
Ex ipsis sátagens díscere
mórtuis
Normam, qua bene víveret.
Almæ sit Tríadi glória
pérpetim,
Quam cœlum, bárathrum
térrique súscipit:
Quæ nobis Nérii det prece
júgia
Dulcis gaúdia pátriæ.

Amen.

℣. Deus virtútum réspice
de cœlo, et vísita víneam
istam, allelúja. ℞. Et pér-
fice eam, quam plantávit
délixtera tua, allelúja.

Ad Magnif. Ant. Domus
mea, domus oratiónis vocá-
bitur: dicit Dóminus, alle-
lúja.

Oratio ut ad Laud. 49*

Ad Matutinum.

Invitat. Veníte, adorémus
Regem regum, * Qui in
domum oratiónis nos con-
gregávit, allelúja.

Ps. Veníte, exsultémus.

Hymnus.

Noctu dum Nérius fércu-
la paúperi
Gestans præcípitat, pénni-
ger Angelus
Tecto significat, quáliter
éxcidat
Numquam férvida caritas.

Orántis pénetrans cordis
in íntimum

Laxávit spátium Spíritus
ímpete

De cœlo véniens, esset ut
hóspiti

Imménso locus ámplior.

Ponti de médio gúrgite
naúfragum

Tractúrus vétulum, sub
pede vórtices

Durávit flúidos, et prope
túrbidum

Convértit mare in áridam.

Tractans exánimis mem-
bra puélluli

In lucem révocat, mox ju-
bet émori,

Donátus Dómini múnere
clávibus

Vitæ, mortis et ínferi.

Almæ sit Tríadi glória
pérpetim,

Quam cœlum, bárathrum
térrique súscipit:

Quæ nobis Nérii det prece
júgia

Dulcis gaúdia pátriæ.

Amen.

In L. Nocturno.

Ant. Quid mihi est in
cœlo, et a te quid vólui su-
per terram Deus meus?
allelúja.

Psalmi trium Nocturnorum ut
in Comm. Conf. non Pont.

℣. Tibi dixit cor meum,
exquisívit te fácies mea,
allelúja. ℞. Fáciem tuam,
Dómine, requíram, allelúja.

De libro Ecclesiástici.

Lectio i. Cap. 51.

Laudábo nomen tuum
 assidue et collaudá-
 bo illud in confes-
 sione, et exaudita est oratio
 mea. Et liberásti me de
 perditione, et eripuísti me
 de tempore iniquo. Pro-
 pterea confitebor, et lau-
 dem dicam tibi, et benedi-
 cam nómini Dómini. Cum
 adhuc júnior essem, prius-
 quam oberrárem, quæsívi
 sapiéntiam palam in ora-
 tione mea. Ante templum
 postulábam pro illa, et us-
 que in novíssimis inquíram
 eam. Et efflóruit tamquam
 præcox uva, lætátum est
 cor meum in ea. Ambulá-
 vit pes meus iter rectum,
 a juventute mea investigá-
 bam eam. Inclinávi módice
 aurem meam et excépi il-
 lam. Multam invéni in
 meípso sapiéntiam, et mul-
 tum proféci in ea.

R. Replétus Spíritu san-
 cto beátus Philíppus ascen-
 sionessuas dispósuit in cor-
 de suo: * Et totis viscéribus
 diligébat Deum, allelúja.
V. Dedit ei Spíritus Dómini
 sapiéntiam, et prudéntiam
 multam nimis, et latitúdi-
 nem cordis. Et.

Lectio ii.

Danti mihi sapiéntiam
 dabo glóriam. Consi-

liátus sum enim, ut fácerem
 illam: zelátus sum bonum,
 et non confúndar. Collu-
 ctáta est ánima mea in illa,
 et in faciéndó eam confir-
 mátus sum. Manus meas
 exténdi in altum, et insi-
 piéntiam ejus luxi. Ani-
 mam meam diréxi ad illam,
 et in agnitione invéni eam.
 Possédi cum ipsa cor ab
 initio: propter hoc non de-
 relínquar. Venter meus
 conturbátus est quæréndo
 illam: propterea bonam
 possidébo possessionem.
 Dedit mihi Dóminus lin-
 guam mercédem meam
 et in ipsa laudábo eum.

R. Spíritus sanctus a thro-
 no procedens, illíus cor pe-
 netrávit, * Novo sanctifica-
 tionis signo, allelúja. **V.** Ad-
 vénit ignis divínus, confrín-
 gens, urens, et illúminans;
 et tribuit ei charísmatum
 dona. Novo.

Lectio iii.

Appropiáte ad me indócti,
 et congregáte vos in
 domum disciplinæ. Quid
 adhuc retardátis? et quid
 dicitis in his? Animæ ve-
 stræ sítiunt veheménter.
 Apérui os meum, et locútus
 sum: Comparáte vobis sine
 argénto, et collum vestrum
 subjícite jugo, et suscípiat
 ánima vestra disciplinam:
 in próximo est enim inve-

níre eam. Vidéte óculis vestris, quia módicum laborávi, et invéni mihi multam réquiem. Assúmíte disciplínám in multo número argénti, et copiósus aurum possidéte in ea. Lætétur ánima vestra in misericórdia ejus, et non confundémini in laude ipsíus. Operámini opus vestrum ante tempus, et dabit vobis mercédem vestram in témpore suo.

R. Amóre vulnerátus languébat júgiter, dicens: * Quis me separábit a caritáte? allelúja. V. Certus sum enim, quia neque mors, neque vita póterit me separáre a caritáte Dei, quóniam ipse in me manet et ego in eo. Quis. Glória Patri. Quis.

In II. Nocturno.

Ant. Quam dilécta tabernácula tua, Dómine! concupíscit, et déficit ánima mea in átria Dómini, allel.

V. Unam pétii a Dómino, hanc requíram, allelúja. R. Ut inhábitem in domo Dómini, allelúja.

Lect. ut in Brev. in eod. Festo.

R. iv. Oculis et mánibus in coelum semper inténtus * Invíctum ab oratióne spíritum non relaxábat, allelúja. V. Clamans clamábat ad Dóminum: quando véniam, et apparébo ante fáciem Dei? Invíctum.

R. v. Obitum suum longe ante præscívit dixítque fratribus: * Cúpio dissólvi, et esse cum Christo, allelúja. V. Interióra mea intra me efferbuérunt absque ulla réquie. Cúpio.

R. vi. Hódie Philíppus migrávit a sáculo, gemma sacerdotum, * Per quem in coelo vivéntem tanta miracula corúscant, allel. V. O virum ineffáblem, nec labóre victum nec morte vincéndum! Per quem. Glória Patri. Per quem.

In III. Nocturno.

Ant. Congregáte illi sanctos ejus, qui órdinant testaméntum ejus super sacrificia, allelúja.

V. Meménto congregatiónis tuæ, allelúja. R. Quam possedísti ab inítió, allelúja.

Lectio sancti Evangélii secúndum Lucam.

Lectio vii. Cap. 12.

In illo témpore: Dixit Jesus discíulis suis: Sint lumbi vestri præcíncti, et lucérnæ ardéntes in má nibus vestris. Et réliqua.

Homilía sancti Ambrósii Episcopi.

Lib. 8. in Luc.

Beáti servi illi, quos, cum vénerit Dóminus, invénerit vigi-

lántes. In superióribus vigiláre nos vóluit, per ómnia exspectántes moménta Dómini Salvatóris advéntum; ne, dum áliquis remíttit, et negligít, et de die in diem ópera sua differt, iudícii futúri die, vel própria morte prævéntus méritum suæ commendatiónis amíttat. Et illa quidem in omnes præcépti forma generális: (quod si díxerit servus ille in corde suo, moram facit Dóminus meus veníre); verum sésies sequéntis exémplici dispensatóribus, hoc est, sacerdotibus vidétur esse propósita, quo sciant sibi gravem in futúrum pœnam esse subeúndam, si sæculáribus inténti delíciis, familiam Dómini plebéque commíssam sibi gubernáre negléxerint. Ille autem servus, qui cognóvit voluntátem Dómini sui, et non præparávit, et non fecit secúndum voluntátem ejus, vapulábit multis.

R. Domus mea domus oratiónis vocábitur: * In ea omnis, qui petit, áccipit: et qui quærit, invenit; et pulsánti aperiétur, allelúja. **V.** Lætificábo eos in domo oratiónis. In ea.

Lectio viii.

Sed quia exíguus est proféctus, et parva meritó-

rum grátia supplicii metu ab erróre revocári, majorque prærogativa caritátis et amoris est; Dóminus ad promeréndam sui grátiam stúdia nostra ácuit, et acquiréndæ cupiditate divinitátis inflámmat, dicens: Ignem veni mittere in terram; non útique illum ignem consumptórem bonórum, sed bonæ voluntátis auctórem, qui aúrea Domínicæ domus vasa meliorat, fœnum vero consumit, et stípulam, ac sæculária ómnia mundi voluptáte concréta, perituræque opus carnis exúrit; ille ignis divínus, qui flammigerábat in óssibus Prophetárum, sicut sanctus Jeremías dixit, qui factus est sicut ignis ardens flammígerans in óssibus meis. Est enim ignis Dómini, de quo dictum est: Ignis ante eum ardébit.

R. Obsecro itaque, filii, oratiónes fieri, postulatiónes, et gratiárum actiões pro ómnibus: * Et diligite decórem domus Dei, allelúja. **V.** Manéte in vocatióne, atténdite lectioni, exhortatióni, et doctrínæ; conversatióne inter gentes habéte bonam. Et. Glória Patri. Et.

Lectio ix.

Sint autem lumbi vestri præcincti, et lucernæ ardentes, et ideo quia nox est dies hujus vitæ, lucerna est necessaria. Hunc ignem in se étiam et Amaon, et Cléophas a Dómino missum esse testántur, dicentes: Nonne cor nostrum ardens erat in via, cum aperíret nobis Scriptúras? Evidénte itaque docuérunt, qualis istíus ignis sit operátio, qui secréta cordis illuminat. Et ideo fortásse Dóminus in igne ventúrus est, ut resurrectionis tempore vítia univérsa consummat, suíque conspéctu desideria cómpleatsingulórum, meritorúmque, et mysteriórum lumen accéndat.

Te Deum laudámus.

Ad Laudes

et per **Horas.**

Ant. 1. De excélso * misit ignem in óssibus meis, et erudívit me, allelúja.

Ps. Dóminus regnávít. cum reliquis.

2. Concáluit cor meum * intra me, et in meditatióne mea exardéscet ignis, allelúja.

3. Cor meum, * et caro mea exsultavérunt in Deum vivum, allelúja.

4. Factus est * in corde

meo quasi ignis exæstuans, et deféci ferre non sústiens, allelúja.

5. Defécit caro mea, * et cor meum, Deus cordis mei, et pars mea Deus in ætérnum, allelúja.

Capitulum. Rom. 5. c.

Cáritas Dei diffúsa est in córdibus nostris per inhabitántem Spíritum ejus in nobis.

Hymnus.

Cælórum Dómino dum
sacra múnera
Libábat Nérius, sápius ádvols
Tellúrem rápido córpore
déserit
Christo fiat ut óbvius.

Illi non rútilans púrpura
principum
Sacrórum tégumen, non
rubra pílei
Majéstas plácuit, cui placet
única
Vestis cándida víginum.

Egrótus Mariæ dans pia
bráchia
Collo Virgíneo, fertur in
áera
Intro ceu cúperet posse
cubículum
Duci matris in árduum.

Corpus desérui, cum Deus hóstiæ
Fertur sub níveæ tégmíne
cónditus,

Prudens in pátriam pérgerere
spléndido

Nolens absque viático.

Almæ sit Tríadi glória
pérpetim,

Quam cœlum, bárathrum,
térrique súscipit:

Quæ nobis Nérii det prece
júgia

Dulcis gáudia pátriæ.

Amen.

V. Cáritas Dei diffúsa est
incórdibus nostris, allelúja.

R. Per Spíritum sanctum,
qui datus est nobis, allelúja.

Ad Bened. Ant. Ilæc est
cáritas Dei, ut mandáta
ejus custodiámus, et man-
dáta ejus grávia non sunt,
allelúja.

Oratio.

Deus, qui beátum Philip-
pum Confessórem tu-
um sanctórum tuórum gló-
riasublimásti: concéde propi-
tius; ut cujus solemnitáte
lætámur, ejus virtútum pro-
ficiámus exémplo. Per Dó-
minum nostrum.

Ad Tertiam.

Capit. Cáritas Dei. 48*

R. br. Nunc manent fides,
spes, cáritas; tria hæc. *
Allelúja, allelúja. V. Major
autem horum est cáritas.
Allelúja. Glória. Nunc.

V. Sectámini caritátem,
allelúja. R. Æmulámini spi-
rituália, allelúja.

Ad Sextam.

Capit. 1. Joa. 3.

Qui víderit fratrem suum
necessitátem habére, et
claúserit víscera sua ab
eo, quómodo cáritas Dei
manet in eo?

R. br. Filíoli mei, non di-
ligámus verbo, neque lin-
gua. * Allelúja, allel. V. Sed
ópere, et veritáte. Allelúja.
Glória Patri. Filíoli.

V. In hoc cognóscimus,
allelúja. R. Quóniam ex
veritáte sumus, allelúja.

Ad Nonam.

Capitulum. 1. Cor. 13.

Cáritas pátiens est, bení-
gna est, non æmulátur,
non agit pérperam, non
inflátur, non est ambitiósá,
non quærit quæ sua sunt,
sed quæ Jesu Christi.

R. br. In hoc scimus, quó-
niam cognóvimus eum, si
mandáta ejus observémus.
* Allelúja, allelúja. V. Qui
dicit se nosse eum et man-
dáta ejus non custódit, men-
dax est. Allelúja. Glória
Patri. In hoc.

V. Qui autem servat ver-
bum ejus, allelúja. R. Vere
in hoc cáritas Dei perfécta
est, allelúja.

In II. Vesperis.

Omnia ut in I. Vesp. præter
sequentia.

V. Meménto congregatió-
nis tuæ, allelúja. R. Quam

possedisti ab initio, allelúja.

Ad Magnif. Ant. Veníte filii, audíte me, timórem Dómini docébo vos, allel.

Oratio ut supra ad Laud.

Die 10. Junii.

S. Primitivi Mart., *cujus corpus asservatur in hac Metropolitana Ecclesia.*

Duplex. Mexici.

Omnia de Comuni unius Mart., tempore paschali.

Oratio.

Præsta, quæsumus omnipotens Deus: ut qui beáti Primitívi Mátyris tui natalítia cólimus, intercessióne ejus in tui nóminis amóreroborémur. Per Dñm.

In I. Nocturno Lectiones de Scriptura occurrente.

In II. Noct. Dignum et congruum. de Comm. unius Mart. temp. pasch. 1. loco.

In III. Nocturno.

Lectio sancti Evangélíi secúndum Matthæum.

Lectio vii. Cap. 16.

In illo témpore: Dixit Jesus discipulis suis: Nolíte arbitrári quia pacem vénerim mittere in terram: non veni pacem mittere, sed gládium. Et réliqua.

Homilía S. Hilárii Episcopi.

Canon 10.



uæ ista divísio est? inter prima enim legis præcepta ac-

cépimus: Honóra patrem tuum et matrem tuam; et ipse Dóminus ait: Pacem meam do vobis, pacem meam relínquo vobis. Quid sibi vult missus pótius gládus in terram, et separátus a patre fílius, et fília a matre, et nurus advérsus socrum, et hóminis doméstici ejus inimíci? Igitur exínde pública auctóritas impietáti proferétur. Ubique ódia, ubique bella, et gládus Dómini inter patrem et fílium, et inter fíliam matrémque desævians.

R. Ego sum vitis.

Lectio viii.

Gládus telórum ómnium telum acutíssimum est, in quo sit jus potestátis, et judícii sevéritas, et animadvérsio peccatórum. Et hujus quidem teli nómine nóvi Evangélíi prædicatió-nem appellátam frequens in Prophétis auctóritas est. Dei igitur verbum nuncupátum meminérimus in gládio: qui gládus missus in terram est, id est, prædicá-tio ejus hóminum córdibus infúsa. Fitque gravis in domo una dissénsio, et doméstica novo hómini erunt inimíca: quia ille per verbum Dei divísus ab illis, manére et intérior et extérior, id est, et corpus et

ánima, in spíritus novitáte
gaudébit,

R. Cándidi facti.

Lectio ix.

Pergit deinde eodem præ-
ceptórum et intelligén-
tiæ decúrsu. Nam postea-
quam relinquenda ómnia,
quæ in sæculo carissima
sunt, imperáverat, adjécit:
Qui non áccipit crucem
suam, et séquitur me, non
est me dignus: quia qui
Christi sunt, crucifixerunt
corpus cum vítiis et con-

cupiscéntia. Et indignus
est Christo, qui non cru-
cem suam, in qua compá-
timur, commórimur, con-
sepelímur, conresúrgimus,
accípiens, Dóminum sit
secútus, in hoc sacramén-
to fidei spíritus novitáte
victúrus.

Te Deum laudámus.

Die 15. Junii.

Ss. Viti et Soc. Martyrum
celebratur post Festum Ss. Tri-
nitatis.



Typographus Lectori.

Lectiones III. Nocturni in Evang. Nolíte arbitrári,
quæ passim pro uno Mart. non Pont. legendæ sunt, in-
veniuntur pag. 5*.



ADPROBATIO.

Revisione peracta omnia cum originalibus concordant.
In fidem etc.

Ex Secretaria Sacrorum Rituum Congregationis hac die
24. Novembris 1880.

Pro **R. P. D. Placido Ralli**, Secretario
Joannes Canonicus Ponzi, Substitutus.



Imprimatur.


Ratisbonæ, die 11. Juli 1895.

Dr. Fr. X. Leitner, Vic. in Spirit. Gener.

Ratisbonæ 1896. Typis Friderici Pustet.

Index alphabeticus.

Agnetis de Monte Politiano Virg. dupl. 20. Aprilis.	pag. 29*
Angelæ Mericiæ Virg. dupl. 21. Febr.	1*
Bartholomæi Gutierrez Mart. duplex. 2. Martii.	4*
Boni Latronis. duplex. 24. Aprilis.	31*
Catharinæ Bononiensis Virg. duplex. 9. Martii.	8*
Catharinæ de Ricciis Virg. duplex. 13. Febr.	1*
Coletæ Virg. duplex. 6. Martii.	6*
Emygdii Episc. et Mart. duplex. 28. Febr.	2*
Gelasii Mart. duplex. 14. Febr.	1*
Joannis Nepomuceni Mart. duplex 2. classis cum Oct.	
16. Maji.	40*
— — Octava. duplex. 23. Maji.	40*
Joseph ab Arimathæa Conf. duplex. 22. Martii.	25*
Joseph Patrocinii Octava. dupl. Dom. IV. post. Pascha.	35*
Julianæ Cornelionen. Virg. dupl. 6. Aprilis.	29*
Mariæ B. V. Gaudiorum. duplex 2. classis. Sabbato ante	
Dominicam III. post Pascha.	31*
— — de Luce. dupl. 1. class. cum Oct. Feria IV. post	
Dominicam Ascensionis Domini.	38*
Margaritæ de Cortona Virg. duplex. 22. Febr.	1*
Maximi Mart. duplex. 21. Aprilis.	30*
Philippi Nerii Conf. dupl. 2. class. 26. Maji.	43*
Primitivi Mart. duplex. 10. Junii.	50*
Reliquiarum Ss. Commem. duplex. 26. Martii.	27*
Sanguinis pretiosissimi D. N. J. C. dupl. maj. Feria VI.	
post. Domin. IV. Quadrag.	18*
Spineæ Coronæ Ss. D. N. J. C. dupl. majus. Feria VI.	
ante Festum S. Joseph.	11*
Victoriani Mart. duplex. 23. Martii.	27*
Viti et Soc. Mart. duplex. 15. Junii.	51*





PROPRIUM SANCTORUM MEXICANORUM.

PARS ÆSTIVA.

Die 16. Maji.

S. Joānis Nepomuceni
Martyris.

Duplex 2. cl. cum Oct.

Omnia ut inter festa pro ali-
quibus locis eadem die 2. loco.

Die 23. Maji.

Octava **S. Joānis Nepo-
muceni** Martyris.

Duplex.

Omnia ut in die, præter sequ.

In I. Nocturno Lectiones de
Scriptura occurrente.

In II. Nocturno.

Sermo sancti Joānnis
Chrysóstomi.

De peccat. non evulg. Serm. 57.

Lectio iv.

Non hæc medica-
mentórum istó-
rum præcipua
laus est, quod
ánimas sanent, quod tém-

poris longinquitáte non cor-
rumpántur, quod a morbis
non vincántur, quod eórum
utílitas gratis propósita sit,
quod ex æquo divítibus et
paupéribus páteat medicí-
na; sed et áliud quídpíam
níhilo minus his boni ha-
bent. Quodnam illud tan-
dem est? quod nos ad hanc
médicti officínam veniéntes
non divulgámus. Nam illi
quidem, qui ad profánas
medicórum officínas áb-
eunt, multos habent vúlne-
rum spectatóres; hic vero
non ita fit, sed cum innú-
meros videámus ægrótos,
occúlte illos curámus. Ne-
que enim in médium ad-
dúctis peccatóribus, eórum
deínde peccáta divulgámus.
R. Instans oratióni et mi-
nistério verbi, hortabátur

omnes in propósito cordis permanere in Dómino: * Quia erat vir bonus, et plenus Spíritu sancto. V. Et apponebátur multa turba Dómino. Quia erat.

Lectio v.

Hoc vero non mediócri-
ter illis prodest. Nam
cum vulgi existimatióni si-
mus addícti, quámdui qui-
dem latere nos putámus,
qui mali sumus, fieri me-
lióres studémus: postquam
autem ómnibus innotuimus,
et solátium illud ex occul-
tatióne perdídimus, eo ma-
gis imprudéntes ac negli-
géntes evádimus. Et quem-
ádmodum, quæ detegúntur
úlceras, sempérque frígido
aéri exponúntur, acerbiora
fiunt: ita quoque ánima
peccáti rea, si coram mul-
tis ob ea, quæ delíquit, re-
prehendátur, imprudéntior
evádit. Ne igitur hoc accí-
deret, clam vos sermo cu-
rávit.

R. Dispérsit, dedit paupé-
ribus: * Justítia ejus manet
in sæculum sæculi. V. Beá-
tus qui intélligit super egé-
num et pauperem. Justítia.

Lectio vi.

Atque ut intelligátis, ad-
modum útilem hanc oc-
cultam esse medéndi rati-
ónem, audíte, quid Chri-
stus dicat: Si peccáverit in

te frater tuus, córripe eum.
Et non dixit: Inter te et
civitátem, neque inter te et
pópulum: sed inter te et
ipsum solum. Sit sine tésti-
bus accusátio, inquit, ut fa-
cílíor fiat mutatió in mélius.
Magnum ergo bonum est,
si non públice fiat cohór-
tatio: súfficit consciéntia,
súfficit incorruptus ille ju-
dex. Non ita tu peccató-
rem reprehéndis, ut ipsius
consciéntia (quippe quod
aspérior illa sit accusátor),
neque delícta ejus accurá-
tius nosti. Noli ergo vulnus
vulnéribus áddere, dum
auctórem peccáti divúlgas:
sed semótis árbitris admo-
nitiónem adhibéto.

R. Ego scio.

In III. Nocturno.

Léctio sancti Evangélíi se-
cúndum Matthæum.

Lectio vii. Cap. 11.

In illo témpore: Cum au-
dísset Joánnes in víncu-
lis ópera Christi, mittens
duos de discípulis suis, ait
illi: Tu es, qui ventúrus
es, an álium exspectámus?
Et réliqua.

Homília sancti Joánnis
Chrysóstomi.

In var. Matth. loc. Hom. 16.

Ténuit, inquit, Joán-
nem et álligans pó-
suit eum in cárcere.

Heródes, te petit causa, te árguunt víncula, te carcer accúsat, te divúlgat prodúcta in públicum pœna. Joánnes injuriátur: causam custódiæ qui requírit, in te ínvenit, quod púniat, et in Joánnē, quod dóleat. Joánnes orbi notus, fama virtútis cógnitus, celebratissimus sanctitáte, dum átrahit ad se inquisitóres injúriæ, facit, ut tuus cunctis innotéscat incéstus: agit, ut te hábeat confúsió pública, quam corrígere non váluit secréta corréptio et priváta. Heródem Joánnes mónitis, non accusatióne pulsávit, útpote amátor castitátis, quem corrígere vóluit, non períre. Sed Heródes, fácibus libídinis ardens, períre máluit, quam redíre.

R. Cum corripérétur ab illo de ómnibus malis quæ fecit rex, adjécit et hoc: * Et inclúsit Joánnem in cárcere. **V.** Labóro usque ad víncula, quasi male óperans: sed verbum Dei non est alligátum. Et.

Lectio viii.

Odiósa fit semper libértas. Nam virtus contrária vitiósis, sacrilegis exósa sánctitas, inimíca cástitas impudícis, corrúptis intégritas pœna, luxuriósis ad-

vérsa frugálitas, crudélibus dura semper misericórdia, ímpiiis píetas non ferénda. Probat hoc Evangelísta, cum dicit: Dicébat Joánnes: Non licet tibi accípere uxórem Philíppi fratris tui. Ecce unde Heródes furit: malos qui monet, offéndit, incúrrit ódium, qui árguit criminósos. Dicébat Joánnes, quod erat legis, quod justítiæ, quod erat salútis: certe quod erat non ódii, sed amóris. Ecce qualem consecútus est ab ímpio pro pietáte mercédem.

R. Réddidit Deus justo mercédem labórum suórum, et dedúxit illum in via mirábili: * Et fuit illi in velaménto diéi, et in luce stellárum per noctem. **V.** Transvéxit illum per aquam nímiā; inimícos autem illíus demérsit. Et. **G**lória Patri. Et.

Lectio ix.

Volens, inquit, occidere eum, tímuit pópulum. Fácile déviat a justítia, qui in causis non Deum, sed hómines formídat. Hic timor peccándi differt facultátem, non aufert voluntátem. Unde étiam, quos suspéndit a crimine, avidióres reddit ad crimen: et æstuat ánimo, quoúsque perfíciat, quod cógitat malum. Solus

enim Dei est timor, qui
nocentes corrigit, fugat
crimina, innocentiam ser-
vat, perpetem tribuit facul-
tatem.

Te Deum laudamus.

Die 26. Maji.

S. Philippi Nerii Conf.

Duplex 2. classis.

In I. Vesperis.

Ant. de Laudibus 10*; Ps. ut
in I. Vesperis de Communi Apo-
stolorum.

Capitulum. Rom. 5. c.



aritas Dei diffusa
est in cordibus
nostris per in-
habitantem Spi-
ritum ejus in nobis.

Hymnus.

Pangamus Nério debita
cántica,
Quem supra nitidi sidera
vérticis
Virtus, et méritum sústulit
ínclytum
Capturum pia gaúdia.

Hic uri súbitis dum videt
ígnibus
Ædes, quas hábitat, fléti-
bus ábstinet,
Flammas cum pénitus quí-
verit hórridas
Paucis vincere lácrimis.

Oblátum pátrui munus, et
aúreos
Nummos magnánimus cal-
cat, et ímpiger

Romam digréditur, quam
magis ómnibus
Illústrem facit úrbibus.

Noctes sub spécubus, cór-
pora Mártyrum
Quas implent, vígilat sédu-
lus íntegras;
Ex ipsis sátagens díscere
mórtuis
Normam, qua bene víveret.
Almæ sit Tríadi glória
pérpetim,
Quam cœlum, báraithrum
térrique súscipit:
Quæ nobis Nérii det prece
júgia
Dulcis gaúdia pátriæ.
Amen.

γ. Deus virtútum réspice
de cœlo, et vísitá véneam
istam. R. Et pérfice eam,
quam plantávit délixtera
tua.

Ad Magnif. Ant. Domus
mea, domus oratiónis vocá-
bitur: dicit Dóminus.

Oratio ut ad Laud. 11*

Ad Matutinum.

Invitat. Veníte, adorémus
Regem regum, * Qui in
domum oratiónis nos con-
gregávit.

Ps. Veníte, exsultémus.

Hymnus.

Noctu dum Nérius fércu-
la paúperi
Gestans præcípat, pénni-
ger Angelus

Tecto significat, quáliter
éxcidat

Numquam férvida caritas.

Orántis pénetrans cordis
in íntimum

Laxávit spátium Spíritus
ímpete

De coelo véniens, esset ut
hóspiti

Imménso locus ámplior.

Ponti de médio gúrgite
naúfragum

Tractúrus vétulum, sub
pede vórtices

Durávit flúidos, et prope
túrbidum

Convértit mare in áridam.

Tractans exánimis mem-
bra puélluli

In lucem révocat, mox ju-
bet émori,

Donátus Dómini múnere
clávibus

Vitæ, mortis et inferi.

Almæ sit Tríadi glória
pérpetim,

Quam coelum, bárathrum
térrique súscipit:

Quæ nobis Nérii det prece
júgia

Dulcis gaúdia pátriæ.

Amen.

In I. Nocturno.

Ant. Quid mihi est in
coelo, et a te quid vólui su-
per terram Deus meus?

Psalmi trium Nocturnorum ut
in Comm. Conf. non Pont.

Ant. Ut fácerem voluntá-

tem tuam, Deus meus, vó-
lui; et legem tuam in mé-
dio cordis mei.

Ant. Mandáta tua, Dómi-
ne, desiderábam: meditatio
cordis mei in conspéctu tuo
semper.

V. Tibi dixit cor meum,
exquisívit te fácies mea.

R. Fáciem tuam, Dómine,
requíram.

De libro Ecclesiástici.

Lectio i. Cap. 51.

Elaudábo nomen tuum
assidue et collaudá-
bo illud in confes-
sióne, et exaudíta est oratio
mea. Et liberásti me de
perditíone, et eripuísti me
de témpore iníquo. Pro-
ptérea confitébor, et lau-
dem dicam tibi, et benedí-
cam nómini Dómini. Cum
adhuc júnior essem, priús-
quam oberrárem, quæsívi
sapiéntiam palam in ora-
tióne mea. Ante templum
postulábam pro illa, et us-
que in novíssimis inquíram
eam. Et efflóruit tamquam
præcox uva, lætátum est
cor meum in ea. Ambulá-
vit pes meus iter rectum,
a juventúte mea investigá-
bam eam. Inclinávi módice
aurem meam et excépi il-
lam. Multam invéni in
meípso sapiéntiam, et mul-
tum proféci in ea.

R. Replétus Spíritu sancto beátus Philíppus ascensiónessuas dispósuit in corde suo: * Et totis viscéribus diligébat Deum. V. Dedit ei Spíritus Dómini sapiéntiam, et prudéntiam multam nimis, et latitúdinem cordis. Et.

Lectio ii.

Danti mihi sapiéntiam dabo glóriam. Consi-liátus sum enim, ut fácerem illam: zelátus sum bonum, et non confúndar. Colluctáta est ánima mea in illa, et in faciéndó eam confir-mátus sum. Manus meas exténderé in altum, et insi-piéntiam ejus luxi. Ani-mam meam diréxi ad illam, et in agnitióne invéni eam. Possédi cum ipsa cor ab inítio: propter hoc non derelínquar. Venter meus conturbátus est quæréndo illam: proptérea bonam possidébo possessionem. Dedit mihi Dóminus lin-guam mercédem meam et in ipsa laudábo eum.

R. Spíritus sanctus a thro-no procédens, illíus cor pe-netrávit, * Novo sanctifica-tiónis signo. V. Advénit ignis divínus, confríngens, urens, et illúminans; et trí-buit ei charísmatum dona. Novo.

Lectio iii.

Appropiáte ad me indócti, et congregáte vos in domum disciplínæ. Quid adhuc retardátis? et quid dícitis in his? Animæ vestræ sítiunt veheménter. Apérui os meum, et locútus sum: Comparáte vobis sine argénto, et collum vestrum subjícite jugo, et suscípiat ánima vestra disciplínam: in próximo est enim inveníre eam. Vidéte óculis vestris, quia módicum laborávi, et invéni mihi multam réquiem. Assúmite disciplínam in multo número argénti, et copiósum aurum possidéte in ea. Lætétur ánima vestra in misericórdia ejus, et non confundémini in laude ipsíus. Operámini opus vestrum ante tempus, et dabit vobis mercédem vestram in témpore suo.

R. Amóre vulnerátus languébat júgiter, dicens: * Quis me separábit a caritáte? V. Certus sum enim, quia neque mors, neque vita póterit me separáre a caritáte Dei, quóniam ipse in me manet et ego in eo. Quis. Glória Patri. Quis.

In II. Nocturno.

Ant. Quam dilécta tabernácula tua, Dómine! con-

cupiscit, et déficit ánima mea in átria Dómini.

Ant. Quemádmódum desiderat cervus ad fontes aquárum, ita desiderat ánima mea ad te, Deus.

Ant. Sitívit ánima mea ad Deum fortem, vivum, quando véniam, et apparébo ante fáciem Dei?

V. Unam petíi a Dómino, hanc requíram. R. Ut inhábitem in domo Dómini.

In II. Nocturno.

Lectio iv.

Philíppus Nérius, piis honestisque paréntibus Floréntiæ natus, ab ipsa ineúnte ætáte non obscura dedit futúræ sanctitátis indícia. Adoléscent, ampla pátrui hæreditáte dimíssa, Romam se cóntulit; ubi philosophía ac sacris lítteris eruditus, totum se Christo dicávit. Ea fuit abstinentia, ut sæpe jejúnus trídium permánserit. Vigíliis et oratióibus inténtus, septem Urbis eccléas frequénter vísitans, apud cœmetérium Callísti in cœléstiũ rerum contemplatióne pernoctáre consuévit. Sacerdos ex obediéntia factus, in animárum salute procuránda totus fuit; et in confessiõibus audiéndis ad extrémum us-

que diem perseverans, in-números pene filios Christo péperit; quos verbi Dei quotidiano pábulo, sacramentórum frequentia, oratióis assiduitáte, aliisque piis exercitatiõibus enutríri cúpiens, Oratórii congregatióem instituit.

R. Oculis et mánibus in cœlum semper inténtus
* Invíctum ab oratióne spíritum non relaxábat.
V. Clamans clamábat ad Dóminum: quando véniam, et apparébo ante fáciem Dei? Invíctum.

Lectio v.

Caritate Dei vulnerátus languébat júgiter, tantóque cor ejus æstuábat ardóre, ut cum intra fines suos continéri non posset, illíus sinum, confráctis atque elátis duábus cóstulis, mirábiliter Dóminus ampliáverit. Sacrum vero fáciens, aut fervéntius orans, in áëra quandóque sublátus, mira úndique luce fulgére visus fuit. Egénos et paúperes omni caritátis officio prosequébátur: dignus, qui et Angelo in specie paúperis eleemósynam erogáret; et dum egéntibus noctu panem deférret, in foveam lapsus, inde páriter ab Angelo incólumis eriperétur. Humilitáti addi-

ctus, ab honóribus semper abhórruit, atque ecclesiásticas dignitátes, étiam primárias, non semel ultro delátas, constantíssime recusávit.

R. Obitum suum longe ante præscívit dixítque fratribus: * Cúpio dissólvi, et esse cum Christo. V. Interióra mea intra me efferbuérunt absque ulla réquie. Cúpio.

Lectio vi.

Prophetiæ dono fuit illústris, et in animórum sénsibus penetrándis mirífice enítuit. Virginitátem perpétuo illibátam servávit: idque assecútus est, ut eos, qui puritátem cólerent, ex odóre, qui vero secus, ex foetóre dignósceret. Abséntibus intérdum appáruit, íisque periclitántibus opem tulit. Ægrótos plúrimos et morti próximos sanitáti restituit. Mórtuum quoque ad vitam revocávit. Cœléstium spírituum, et ipsíus Deiparæ Vírginis frequénter fuit apparitíone dignátus, ac plurimórum ánimas splendóre circumfúsas in cœlum conscéndere vidit. Dénique anno salutis millésimo quingentésimo nonagésimo quinto, octávo Kaléndas Júnias, in quem diem incíderat festum Cór-

poris Christi, Sacro máxima spíritus exsultatíone perácto, ceterisque functiónibus explétis, post médiám noctem, qua prædíxerat hora, octogenárius obdormívit in Dómino. Quem Gregórius décimus quintus miráculis clarum in sanctórum númerum rétulit.

R. Hódie Philíppus migrávit a sáculo, gemma sacerdotum, * Per quem in cœlo vivéntem tanta mirácula corúscant. V. O virum ineffábilem, nec labóre victum nec morte vincéndum! Per quem. Glória Patri. Per quem.

In III. Nocturno.

Ant. Congregáte illi sanctos ejus, qui órdinant testaméntum ejus super sacrificia.

Ant. Benedictiónem dabit legislátor, ibunt de virtúte in virtútem; vidébitur Deus deórum in Sion.

Ant. Qui hábitant in domo tua, Dómine, in sáculo sæculórum laudábunt te.

V. Meménto congregatiónis tuæ. R. Quam possedísti ab infítio.

Lectio sancti Evangélíi secúndum Lucam.

Lectio vii. Cap. 12.

In illo témpore: Dixit Jesus discípulis suis: Sint

lumbi vestri præcincti, et lucernæ ardentes in manibus vestris. Et reliqua.

Homilia sancti Ambrósii
Episcopi.

Lib. 8. in Luc.

Beati servi illi, quos, cum venerit Dominus, invenerit vigilantes. In superioribus vigilare nos voluit, per omnia expectantes momenta Domini Salvatoris adventum; ne, dum aliquis remittit, et negligit, et de die in diem opera sua differt, iudicii futuri die, vel propria morte præventus meritum suæ commendationis amittat. Et illa quidem in omnes præcepti forma generalis: (quod si dixerit servus ille in corde suo, moram facit Dominus meus venire); verum series sequentis exempli dispensationibus, hoc est, sacerdotibus videtur esse propòsita, quo sciant sibi gravem in futurum poenam esse subeundam, si sæcularibus intenti deliciis, familiam Domini plebemque commissam sibi gubernare neglexerint. Ille autem servus, qui cognovit voluntatem Domini sui, et non præparavit, et non fecit secundum voluntatem ejus, vapulabit multis.

R. Domus mea domus orationis vocabitur: * In ea omnis, qui petit, accipit: et qui quaerit, invenit; et pulsanti aperiètur. V. Lætificabo eos in domo orationis. In ea.

Lectio viii.

Sed quia exiguus est profectus, et parva meritorum gratia supplicii metu ab errore revocari, majorque prærogativa caritatis et amoris est; Dominus ad promerendam sui gratiam studia nostra acuit, et acquirendæ cupiditate divinitatis inflamat, dicens: Ignem veni mittere in terram; non utique illum ignem consumptorem bonorum, sed bonæ voluntatis auctorem, qui aurea Dominiæ domus vasa meliorat, fœnum vero consumit, et stipulam, ac sæcularia omnia mundi voluptate concreta, perituræque opus carnis exurit; ille ignis divinus, qui flammigerabat in omnibus Prophetarum, sicut sanctus Jeremias dixit, qui factus est sicut ignis ardens flammigerans in omnibus meis. Est enim ignis Domini, de quo dictum est: Ignis ante eum ardèbit.

R. Obsecro itaque, filii, orationes fieri, postulatio-

nes, et gratiárum actiões pro ómnibus: * Et diligite decórem domus Dei. V. Manéte in vocatióne, atténdite lectioni, exhortatióni, et doctrinæ; conversatióne inter gentes habéte bonam. Et. Glória Patri. Et.

Lectio ix.

Sint autem lumbi vestri præcincti, et lucernæ ardentes, et ideo quia nox est dies hujus vitæ, lucerna est necessariá. Hunc ignem in se étiam et Amaon, et Cléophas a Dómino missum esse testántur, dicentes: Nonne cor nostrum ardens erat in via, cum aperíret nobis Scriptúras? Evidenter itaque docuerunt, qualis istius ignis sit operatio, qui secréta cordis illuminat. Et ideo fortásse Dóminus in igne ventúrus est, ut resurrectionis tempore vítia univérsa consumat, suíque conspéctu desideria cómpleatsingulorum, meritorúmque, et mysteriorum lumen accéndat.

Te Deum laudámus.

Ad Laudes

et per Horas.

Ant. 1. De excéso * misit ignem in óssibus meis, et erudívit me.

Ps. Dóminus regnávít.

2. Concáluit cor meum * intra me, et in meditatióne mea exardéscet ignis.

3. Cor meum, * et caro mea exsultavérunt in Deum vivum.

4. Factus est * in corde meo quasi ignis exæstuans, et deféci ferre non sústiens.

5. Defécit caro mea, * et cor meum, Deus cordis mei, et pars mea Deus in ætérnum.

Capitulum. Rom. 5. c.

Cáritas Dei diffúsa est in córdibus nostris per inhabitántem Spíritum ejus in nobis.

Hymnus.

Cœlórum Dómino dum
sacra múnera
Libábat Nérius, sæpius ádvols
Tellúrem rápido córpore
déserit
Christo fiat ut óbvius.

Illi non rútilans púrpura
príncipum
Sacrórum tégumen, non
rubra pílei
Majéstas plácuit, cui placet
única
Vestis cándida víginum.

Ægrótus Mariæ dans pia
bráchia
Collo Virgíneo, fertur in
áëra

Intro ceu cúperet posse
cubículum

Duci matris in árduum.

Corpus desérui, cum De-
us hóstiæ

Fertur sub níveæ tégmine
cónditus,

Prudens in pátriam pérgeret
spléndido

Nolens absque viático.

Almæ sit Tríadi glória
pérpetim,

Quam cœlum, bárathrum,
térrique súscipit:

Quæ nobis Nérii det prece
júgia

Dulcis gaúdia pátriæ.

Amen.

Y. Cáritas Dei diffúsa est
in córdibus nostris. R. Per
Spíritum sanctum, qui da-
tus est nobis.

Ad Bened. Ant. Hæc est
cáritas Dei, ut mandáta
ejus custodiámus, et man-
dáta ejus grávia non sunt.

Oratio.

Deus, qui beátum Philíp-
pum Confessórem tu-
um sanctórum tuórum gló-
riasublimásti: concéde pro-
pítius; ut cujus solemnitate
lætámur, ejus virtútum pro-
ficiámus exémplo. Per Dó-
minum nostrum.

Ad Tertiam.

Capit. Cáritas Dei. 10*

R. br. Nunc manent fides,
spes, cáritas * Tria hæc.

Y. Major autem horum est
cáritas. Tria Glória. Nunc.

Y. Sectámini caritátem.

R. Æmulámini spirituália.

Ad Sextam.

Capit. 1. Joañ. 3.

Qui viderit fratrem suum
necessitátem habére, et
claúserit víscera sua ab
eo, quómo do cáritas Dei
manet in eo?

R. br. Filíoli mei, * Non
diligámus verbo, neque lin-
gua. Filíoli. Y. Sed ópere,
et veritáte. Non. Glória
Patri. Filíoli.

Y. In hoc cognóscimus.

R. Quóniam ex veritáte
sumus.

Ad Nonam.

Capitulum. 1. Cor. 13.

Cáritas pátiens est, bení-
gna est, non æmulátur,
non agit pérperam, non
inflátur, non est ambitiósas,
non quærit quæ sua sunt,
sed quæ Jesu Christi.

R. br. In hoc scimus, quó-
niam cognóvimus eum, *
Si mandáta ejus observé-
mus. In. Y. Qui dicit se
nosse eum et mandáta ejus
non custódit, mendax est.
Si. Glória Patri. In hoc.

Y. Qui autem servat ver-
bum ejus. R. Vere in hoc
cáritas Dei perfécta est.

In II. Vesperis.

Omnia ut in I. Vesp. præter
sequentia

V. **Meménto congregatió-**
nis tuæ. R. **Quam posse-**
disti ab iníitio. .

Ad Magnif. Ant. **Veníte**
filii, **audíte me, timórem**
Dómini docébo vos.

Die 10. Junii.

S. Primitivi Mart., cujus
corpus asservatur in hac
Metropolitana Ecclesia.

Duplex. Mexici.

Omnia de Communi unius
Mart., præter sequ.

Oratio.

Præsta, quæsumus omni-
potens Deus: ut qui
beáti Primitívi Mártiris tui
natalítia cólimus, interces-
sióne ejus in tui nóminis a-
móreroborémur. Per Dñm.

In I. Nocturno Lectiones de
Scriptura occurrente.

In II. Noct. Lect. **Triumphá-**
lis. de Comm. 1. loco.

In III. Nocturno.

Léctio sancti Evangélíi se-
cúndum **Matthæum.**

Lectio vii. Cap. 16.

In illo témpore: **Dixit Je-**
sus discípulis suis: **No-**
líte arbitrári quia pacem
vénerim mittere in terram:
non veni pacem mittere,
sed gládium. Et réliqua.

Homília S. Hilárii Epíscopi.
Canon 10.



Uæ ista divísio est?
inter prima enim
legis præcépta ac-

cépimus: **Honóra patrem**
tuum et matrem tuam; et
ipse **Dóminus** ait: **Pacem**
meam do vobis, **pacem me-**
am relínquo vobis. **Quid**
sibi vult missus pótius glá-
dius in terram, et separá-
tus a patre filius, et filia a
matre, et nurus advérsus
socrum, et hóminis domé-
stici ejus inimici? **Igitur**
exínde pública auctóritas
impietáti proferétur. **Ubí-**
que ódia, ubique bella, et
gládus **Dómini** inter pa-
trem et fílium, et inter fíli-
am matrémque desæviens.

R. **Coróna aúrea.**

Lectio viii.

Gládus telórum ómnium
telum acutissimum est,
in quo sit jus potestátis, et
judícii sevéritas, et animad-
vérsio peccatórum. Et hu-
jus quidem teli nómine nó-
vi **Evangélíi** prædicatió-
nem appellátam frequens
in **Prophétis** auctóritas est.
Dei igitur verbum nuncu-
pátum meminérimus in glá-
dio: qui gládus missus in
terram est, id est, prædicá-
tio ejus hóminum córdibus
infúsa. Fitque gravis in
domo una dissénsio, et do-
méstica novo hómini erunt
inimíca: quia ille per ver-
bum **Dei** divísus ab illis,
manére et intérior et ex-
térieur, id est, et corpus et

ánima, in spíritus novitáte gaudébit. R. Hic est vere.

Lectio ix.

Pergit deinde eodem præceptorum et intelligentiæ decursu. Nam posteaquam relinquenda omnia, quæ in sæculo carissima sunt, imperáverat, adjécit: Qui non accipit crucem suam, et sequitur me, non est me dignus: quia qui Christi sunt, crucifixerunt corpus cum vitiis et concupiscéntia. Et indignus est Christo, qui non crucem suam, in qua compátimur, commórimur, consepelímur, conresúrgimus, accípiens, Dóminum sit secútus, in hoc sacraménto fidei spíritus novitáte victúrus.

Te Deum laudámus.

Die 15. Junii.

Ss. Viti et **Soc.** Martyrum quorum Reliquia asservatur in hac Metrop. Eccl.

Duplex. Mexici.

Omnia de Comuni plur. Mart. præter sequentia.

Oratio.

Da Ecclésiæ tuæ, quæsumus Dómine, sanctis Martíribus tuis Vito, Modesto atque Crescéntia intercedéntibus, superbe non sápere, sed tibi plácita humilitáte proficere; ut prava

despiciens, quæcúmque re-cta sunt, libera exerceat caritáte. Per Dóminum.

In I. Nocturno Lectiones de Scriptura occurrente.

In II. Noct. Lect. iv. et v. ut in Brev. Lect. vi. Quotiescúmque. de Comm. 1. loco.

In III. Nocturno.

Lectio sancti Evangélii secundum Lucam.

Lectio vii. Cap. 10.

In illo témpore: Dixit Jesus discípulis suis: Qui vos audit, me audit; et qui vos spernit, me spernit. Et réliqua.

Homília Venerábilis Bedæ Presbýteri.

Lib. 3. in Luc. 10. cap. 42.

Ut in audiéndo quisque vel spernéndo Evangélii prædicatóre, non viles quasque persónas, sed Dóminum Salvatórem, imo ipsum Patrem spernere se vel audire dísceret, ait: Qui vos audit, me audit; et qui vos spernit, me spernit; qui autem me spernit, spernit eum, qui me misit. Quia proculdúbio in discípulo magister audítur, et in filio pater honorátur. Potest et ita intélli: Qui non facit misericórdiam uni de frátribus meis mínimis, nec mihi facit; quia et ipse pro his

formam servi, et pauperis habitum suscepit.

R. Propter testamentum.

Lectio viii.

Reversi sunt autem septuaginta duo cum gaudio dicentes: Domine, etiam demonia subiciuntur nobis in nomine tuo. Bene quidem confessi sunt, deferentes honorem nomini Christi; sed quia infirma adhuc fide gaudabant in virtutibus, vide quid audiunt. Et ait illis: Videbam satanam sicut fulgur de caelo cadentem. Non modo video, sed prius videbam, quando corruit. Quod autem ait: Sicut fulgur, vel praecipitem de supernis ad ima lapsum significat, vel quia dejectus adhuc transfigurat se in angelum lucis.

R. Sancti mei.

Lectio ix.

Ecce dedi vobis potestatem calcandi supra serpentes et scorpiones, hoc est, omne genus immundorum spirituum de obsessis corporibus ejiciendi. Quamvis et ad litteram rectissime possit accipi: siquidem et Paulus a vipera invasus, nihil adversi patitur; et Joannes, ut historia tradit, hausto veneno non laeditur. Hoc sane inter serpentes, qui dente, et scorpiones,

qui cauda nocent, distare arbitror: quod serpentes aperte saevientes, scorpiones clanculo insidiantes, vel homines vel daemones significant. Serpentes, qui inchoandis virtutibus venena pravae persuasionis obijciunt: scorpiones, qui consummatas virtutes ad finem vitiare contendunt. Verumtamen in hoc nolite gaudere; quia spiritus ejicere sicut et virtutes alias facere, interdum non est ejus meriti qui operatur, sed invocatio nominis Christi hoc agit. Te Deum.

Die 16. Junii.

S. Joann. Franc. Regis.

Duplex.

Omnia ut inter festa pro aliquibus locis, eadem die.

Die 22. Junii.

S. Paulini Episc. et Conf.

Duplex.

Mexici et Angelopoli.

Omnia de Comm. Conf. Pont., praeter sequ.

Oratio. **Da, quaesumus.**

In I. Nocturno Lectiones de Scriptura occurrente.

In II. Noct. Lect. iv. et v. ipsius Sancti ut in Breviario. Lectio vi. **Sermo sancti Maximi.** de Comm. 1. loco.

In III. Noct. Hom. in Evang. **Nolite timere.** de Comm. Conf. non Pont. 2. loco, sed R. vii. **Amavit eum.**

~~~~~

**Feria VI.**

post Oct. Ss. Petri et Pauli Ap.

**Pretiosiss. Sanguinis  
D. N. J. C.**

Duplex 2. classis.

**In I. Vesperis.**

Ant. de Laud. 21\*, Psalmi ut  
in I. Vesp. de Comm. Apost.

Capitulum. Hebr. 9.

**F**ratres: Taberná-  
culum et ómnia  
vasa ministérii  
sánguine aspér-  
sit Móyses; et ómnia pene  
in sánguine secúndum le-  
gem mundántur, et sine  
sánguinis effusióne non fit  
remissio.

Hymnus.

**M**áximus Redemptor or-  
bis

Morte vitam cóntulit:  
Qui nec argénto cadúco,  
Sed nec auro lábili,  
Córporis tamen sacráti  
Nos redémit sánguine.

Mitis Agnus immolátur  
Omnium pro crimine:  
Ne quod arte fabricátum  
Conditóris éxstitit,  
Dirus hostis possidéret,  
Qui malum suggésserat.

Magna præstat imólátus  
Dux salútis ómnium;  
Complet excéssum, fidéles  
Quem prophétæ dixerant:  
Nostra tunc peccáta solvit,  
Nos tyránno liberans.

Misit infans carne scissus,  
Misit orans sánguinem:  
Misit et flagélla passus,  
Orbe punctus spíneo:  
Dum manus, pedes latús-  
que  
Pandit, offert sánguinem.

I. aus, honor, virtus su-  
préma  
Conditóri máchinæ,  
Quam Pater summus gu-  
bérnat,  
Natus, atque Spíritus,  
Omnibus Deus coléndus  
Sæculórum sæculis.  
Amen.

Y. Redemísti nos Dómi-  
ne. R. In sánguine tuo.

Ad Magnif. Ant. Sanguis  
Christi, qui per Spíritum  
sanctum semetípsum óbtu-  
lit imáculátum Deo, emun-  
dábit consciéntiam nostram  
ab opéribus mórtuis, ad  
serviéndum Deo vivénti.

Oratio.

**O**mnípotens sempitérne  
Deus, qui sánguine Fílii  
tui placári et nos rédimi  
voluísti: concéde nobis,  
quæsumus, salútis nostræ  
prétium ita recólere; ut et  
nunc véniam, et in ætérnum  
glóriam cónsequi valeá-  
mus. Per Dóminum.

**Ad Matutinum.**

Invit. Christum Dei Fí-  
lium, qui suo nos redémit

ságuine, \* Veníte adorémus.

Ps. Veníte, exsultémus.

Hymnus.

Sanguis olim victimárum,  
Quem vetus lex obtulit,  
Fœderis novi sacrátum  
Nuntiábat ságuinem:  
Quo redémpti, sanctitátem  
Assequámur spíritus.

Lex amoris postulábat  
Differéntem víctimam,  
Offerens ubi sacérdos  
Esset idem víctima:  
Seque clemens immoláret  
In medélam criminum.

In crucem Redemptor actus,

Nostra delet crimina:  
Quando pro salúte mundi  
Ex sacráto corpore  
Uberes rivi cruóris  
Copióse prófluunt.

Perforátur namque clavis,  
Et latus disrumpitur:  
Unde sacraménta manant,  
Labe quæ nos ábluunt:  
Hinc caput nostræ salútis  
Confitémur ságuinem.

Laus, honor, virtus suprema  
Conditóri máchinæ,  
Quam Pater summus gubernat,  
Natus, atque Spíritus,  
Omnibus Deus coléndus  
Sæculórum sæculis.  
Amen.

In I. Nocturno.

Ant. Accípiens ságuinem  
Móyses, omnem pópulum  
aspérsit, dicens: Hic sanguis testaménti, quod mandávit ad vos Deus.

Psalmi trium Nocturnorum ut in festo Pretios. Sanguinis Dom. I. Julii in Breviario.

Ant. Quare rubrum est indumentum tuum, et vestimenta tua sicut calcántium in torculári?

Ant. In ságuine testaménti tui emisísti vinctos tuos de lacu, in quo non est aqua.

Y. Redemísti nos Dómine. R. In ságuine tuo.

De libro Exodi.

Lectio i. Cap. 12.

**D**ixit Dóminus ad Móysen, et Aaron in terra Ægýpti: Loquimini ad univérsum coetum filiórum Israél, et dicite eis: Décima die mensis hujus tollat unusquisque agnum per famílias, et domos suas. Erit autem agnus absque mácula, máculus, annículus: juxta quem ritum tollétis et hœdum. Et servábitis eum usque ad quartamdécimam diem mensis hujus, immolábítque eum univérsa multitúdo filiórum Israél ad vésperam. Et sument de

sánguine ejus, ac ponent super utrúmque postem, et in superlimináribus domórum, in quibus cómedent illum.

R. Gratificávit nos Deus in dilécto Filio suo, in quo habémus redemptionem, \* Per sánguinem ejus. V. Remissionem peccatórum secundum divítias grátiae ejus, quæ superabundávit in nobis. Per sánguinem.

Lectio ii.

Transibo per terram Ægýpti nocte illa, percútiámque omne primogénitum in terra Ægýpti ab hómine usque ad pecus: et in cunctis diis Ægýpti fáciam judícia, ego Dóminus. Erit autem sanguis vobis in signum in ædibus in quibus éritis: et vidébo sánguinem, et transibo vos: nec erit in vobis plaga dispérdens quando percússero terram Ægýpti. Habébitis autem hunc diem in monuméntum: et celebrábitis eum solémnem Dómino in generatióibus vestris cultu sempitérno.

R. Non corruptibílibus auro, vel argénto redempti estis de vana vestra conversatióne patérnæ traditiónis: \* Sed pretiósó sáanguine quasi agni immacu-

lári Christi. V. Ex corde invicem diligite, renáti non ex sémine corruptíbili. Sed.

Lectio iii.

Vocávit autem Móyses omnes senióres filiórum Israël, et dixit ad eos: Ite tolléntes ánimál per familias vestras, et immoláte Phase. Fasciculúmque hysópi tígite in sáanguine qui est in límíne, et aspérgite ex eo superlimináre et utrúmque postem: nullus vestrum egrediátur óstium domus suæ usque mane. Transibit enim Dóminus percútiens Ægýptios: cumque viderit sánguinem in superliminári et in utróque poste, transcéndet óstium domus, et non sinet percussórem ingredi domos vestras et lædere.

R. Christus peccáta nostra pértulit in córpore suo super lignum, ut peccátis mórtui, justitiæ vivámus: \* Cujus livóre sanáti estis. V. Erátis enim sicut oves errántes, sed convérsi estis nunc ad pastórem animárum vestrárum. Cujus. Glória Patri. Cujus.

In II. Nocturno.

Ant. Justificáti in sáanguine Christi, salvi érimus ab ira per ipsum.

**Ant.** Prétio empti estis: nolíte fieri servi hóminum.

**Ant.** Dedit semetípsum Jesus Christus pro nobis, ut nos redímeret ab omni iniquitaté.

**Y.** Beáti qui lavant stolas suas. **R.** In ságuine Agni.

Sermo sancti Joánnis  
Chrysóstomi.

**Lectio iv.**

**Homilia ad Neophytos.**

**M**ultis ságuinis Christi audíre virtútem? Redeámus ad ejus exémplum, et priórem typum recordémur, et pristinam scriptúram narrémus. In Ægýpto nocte média Ægýptiis Deus plagam decimam minabátur, ut eórum primogénita deperirent, quia primogénitum ejus pópulum detinébant. Sed ne amáta plebs Judæórum una cum illis periclitaretúr, quia unus locus continébat univérso, remedium discretiónis invéntum est. Proínde exémplum mirábile, ut discas in veritaté virtútem. Ira divínæ indignatiónis sperabátur, et domos síngulas mórtifer circuibat. Quid igitur Móyses? Occídite, inquit, agnum an-

nículum, et ságuine ejus liníte jánuas.

**R.** Ipse est caput córporis Ecclesiæ: \* Ut sit in ómnibus ipse primátum tenens.

**Y.** Quia complácuít per eum reconciliáre ómnia in ipsum, pacíficans per ságuinem crucis ejus, sive quæ in terris, sive quæ in coelis sunt. Ut sit.

**Lectio v.**

**Q**uid ais, Móyses? Sanguis ovis rationálem hóminem liberáre consuevit? Valde, inquit; non eo quod sanguis est, sed quia Domínici ságuinis per eum demonstrátur exémplum. Nam sicut regnántium státuæ, quæ sine causa sunt et sermóne, nonnúmerum ad se confugiéntibus homínibus ánima et ratióne decorátis subveníre consuevérunt, non quia sunt ære confectæ, sed quia rétinent imáginem principálem: ita et sanguis ille, qui irrationális fuit, ánimas habéntes hómines liberávit: non quia sanguis fuit, sed quia hujus ságuinis ostendébat advéntum.

**R.** Cum essétis aliquándó alienáti, et inimíci sensu in opéribus malis: \* Nunc reconciliávit vos Christus in córpore carnis suæ per mortem. **Y.** Ut exhibéret

vos sanctos et immaculatos, et irreprehensibiles coram ipso. Nunc.

*Lectio vi.*

**A**ngelus igitur ille vastator cum liníto postes atque áditus pervidéret, transjécit gressus, et non est ausus intráre. Nunc ergo si viderit inimicus non póstibus impósitum sánguinem typi, sed fidélium ore lucéntem sánguinem veritátis, Christi templi póstibus dedicátum, multo magis se súbtrahet. Si enim Angelus cessit exémplo, quanto magis terrébitur inimicus, si ipsam perspéxerit veritátem?

**R.** Dignus es, Dómine, accíperere librum, et aperíre signácula ejus: quóniam occísus es, et redemísti nos Deo \*In ságuine tuo.

**V.** Et fecísti nos Deo nostro regnum, et regnábitur super terram. In. Glória Patri. In.

*In III. Nocturno.*

**Ant.** Vos qui aliquándo erátis longe, facti estis prope in ságuine Christi.

**Ant.** Habéntes fidúciám in intróitu sanctórum in ságuine Christi, accedámus in plenitúdine fidei.

**Ant.** Vestitus erat veste aspérso ságuine, et vo-

cabátur nomen ejus Verbum Dei.

**V.** Dealbavérunt stolas suas in ságuine Agni.

**R.** Ideo sunt ante thronum Dei.

**Léctio sancti Evangélíi sécúndum Joánnem.**

*Lectio vii. Cap. 19.*

**I**n illo témpore: Sciens Jesus, quia ómnia consummáta sunt, ut consummarétur Scriptúra, dixit: Sítio. Et réliqua.

**Homília sancti Joánnis Chrysóstomi.**

*Hom. 45. et 48. in Matth.*

**U**bíque demonstráre adnítitur, novam hanc mortem fuísse. Siquidem in potestáte moriéntis erat, ne priúsqvam ipse vellet et ómnia impléta essent, morerétur. Ideo dicébat: Potestátem hábeo ponéndi ánimam meam, et potestátem hábeo íterum suméndi eam. Sciens ergo ómnia consummáta, ait: Sítio: étiam hoc verbo prophetíam implens. Tu autem adstántium pravitátem intéllige: nam licet inúmeros habeámus inimicos, qui nos gravíssime persecúti sint, cum tamen intéri mi eos vidémus, fléctimur misericórdia: hi vero nihil moti, magis efferán-

tur et irrident, acetúmque in spóngia pórrigunt, ut bibat tamquam reus: nam propter hoc hyssópum ádditur, quo gustáto, mórtuus est. Vides quam non perturbáte, et quam poténter ómnia transigéntem.

R. Passus est Christus se ab iníquis comprehéndi, et impias sæviéntium in se manus admísit: \* Ut ejus sanguis prétium posset credéntium fieri. V. Cohíbuit in se poténtiam deitátis, ut ad glóriam perveníret passionis. Ut.

#### Lectio viii.

Cum ómnia consummáta cessent, inclináto cápite trádidit spíritum; hoc est, expirávit. Atqui non post inclinátum caput expirátur, sed post expirationem caput inclinátur: hic autem contra áccidit: per quod osténdit Evangelísta eum esse ómnium Dóminum. Judæi autem camélum devorántes et cúlicem excolántes, tantum nefas ausi, de die consúltant. Quóniam parascève erat, ut non remanérent in cruce córpora sábbato, rogavérunt Pilátum, ut frangeréntur eórum crura. Vides quanti sit véritas: per ea quæ illi faciunt, prophetía implétur: ália enim ex hoc manife-

státa est. Venérunt ergo mílites, et aliórum fregérunt crura, non Christi; sed ad Judæórum grátiam conciliándam latus ejus lancea aperuérunt, et mórtuo adhuc insúltant. O péssimam voluntátem! O scelestíssimam! Noli tamen perturbári, dilectíssime: quæ enim malo illi ánimo patrárunt, veritáti consentiébant; prophetía enim hinc impléta est, dicens: Vidébunt, in quem transfixérunt.

R. Invitátur ad paradísi divítias pópulus christiánus: \* Igneam enim illam rhomphéam, qua vitæ régio erat inclúsa, sacer Christi sanguis exstínxit. V. Cunctis regenerátis ad amíssam pátriam patefáctus est réditus. Igneam. Glória Patri. Igneam.

#### Lectio ix.

Et continuo exívit sanguis et aqua. Non casu et simpliciter hi fontes scaturiérunt, sed quóniam ex ambóbus Ecclésia constitúta est. Sciunt hoc initiáti, per aquam regeneráti, sanguine et carne nutriti. Hinc mystéria ortum habent, ut quóties ad admirándum cálicem accédis, tamquam ab ipso látere háuriens accédas. Qui ipse Christi sanguis nostrárum animárum

est salus, quo ablúitur áni-  
ma, ornátur et inflamátur.  
Hic mentem nostram igne  
reddit splendidiórem, hic  
auro clariórem ánimam fa-  
cit. Hic sanguis effúsus est,  
et cœlum fecit nobis acces-  
sibile. Hic terrárum orbis  
est prætium, hoc Christus  
emit Ecclésiám, hoc eam  
omnem adornávit. Hujus  
sánguinis partícipes cum  
Angelis et Archángelis et  
supérnis manent Virtúti-  
bus, ipsam régiam Christi  
stolam indúti, et arma spi-  
rituália geréntes. Sed nihil  
adhuc dixi, ipsum enim  
indúti sunt regem.

Te Deum laudámus.

### Ad Laudes.

et per Horas.

Ant. 1. Christum propó-  
suit \* Deus propitiatórem  
per fidem in ságuine ip-  
sius.

Ps. Dóminus regnávit. cum  
reliquis.

2. Jesus, ut sanctificáret  
\* per suum ságuinem pó-  
pulum, extra portam pas-  
sus est.

3. Sanguis Jesu Christi \*  
Fílii Dei emúndat nos ab  
omni peccáto.

4. Venit per aquam \* et  
ságuinem Jesus Christus,  
non in aqua solum, sed in  
aqua et ságuine.

5. Christus diléxit nos, \*  
et lavit nos a peccátis no-  
stris in ságuine suo.

Capitulum. Hebr. 9.

**F**ratres: Tabernáculum et  
ómnia vasa ministérii  
ságuine aspérsit Móyses;  
et ómnia pene in ságuine  
secúndum legem mundán-  
tur, et sine ságuinis effu-  
sione non fit remissio.

Hymnus.

**O**celse rerum Córditor,  
Salútis auctor ómnium,  
Tu nos sacráto ságuine  
Omni repúrgas crímine.

Nos anguis ille cállidus  
Antíquus hostis stráverat:  
Primum nitórem méntium  
Calígo culpæ démpserat.

Sacro tamen de córpore  
Summi valóris ságuinem  
Fundis, Redémptor, áffa-  
tim,

Omnémque labem díluís.

Repélle quidquid impro-  
bum

Intérna cordis íncit;  
In nos refúnde, quæsumus,  
Tui vigórem ságuinis.

Deo Patri sit glória,  
Ejúsque soli Fílio,  
Cum Spíritu Paráclito,  
Nunc et per omne sæcu-  
lum. Amen.

℣. Empti estis prætio ma-  
gno. ℞. Ságuine Christi.

Ad Bened. Ant. Christus  
non per ságuinem hircó-



rum aut vitulorum, sed per proprium sanguinem introivit semel in sancta, æterna redemptione inventa.

Oratio.

**O**mnipotens sempiternus Deus, qui sanguine Filii tui placari et nos redimi voluisti: concede nobis, quæsumus, salutis nostræ pretium ita recollere; ut et nunc veniam, et in æternum gloriam consequi valeamus. Per Dominum.

#### Ad Tertiam.

Capit. Fratres: Tabernaculum. ut supra. 21\*

R. br. Dealbaverunt stolas suas \* In sanguine Agni. Dealbaverunt. V. Ideo sunt ante thronum Dei. In sanguine Agni. Glória Patri. Dealbaverunt.

V. Empti estis pretio magno. R. Sanguine Christi.

#### Ad Sextam.

Capitulum. Hebr. 9.

**S**i sanguis hircorum et taurorum inquinatos sanctificat ad emundationem carnis: quanto magis sanguis Christi emundabit conscientiam nostram ab operibus mortuis, ad serviendum Deo viventi?

R. br. Empti estis \* Pretio magno. Empti. V. Sanguine

Christi. Pretio. Glória Patri. Empti.

V. Justificati in sanguine ipsius. R. Salvi erimus ab ira per ipsum.

#### Ad Nonam.

Capitulum. Apoc. 12.

**P**rojectus est accusator fratrum nostrorum, et ipsi vicerunt eum propter sanguinem Agni.

R. br. Justificati \* In sanguine ipsius. Justificati. V. Salvi erimus ab ira per ipsum. In. Glória Patri. Justificati.

V. Christus lavit nos a peccatis nostris. R. In sanguine suo.

#### In II. Vesperis.

Omnia ut in I. Vesperis.

V. Christus lavit nos a peccatis nostris. R. In sanguine suo.

Ad Magnif. Ant. Accessistis ad Sion montem, et civitatem Dei viventis, Jerusalem cœlestem, et testamenti novi mediatorum Jesum, et sanguinis asperisionem melius loquentem quam Abel.

Dominica III. Julii.

**Sanctiss. Redemptoris  
D. N. J. C.**

Duplex 2. classis.

Omnia ut inter festa pro aliquibus locis eadem Dominica.

**Die 9. Julii.****B. Mariæ V. titulo  
Refugium peccatorum.**

Duplex 2. classis.

Omnia ut in festis B. M. V.  
per annum.**Die 24. Julii.****S. Candidæ** Virg. et Mart.  
cujus Reliquia asservatur  
in hac Metrop. Ecclesia.

Duplex. Mexici.

Omnia de Communi Virg. et  
Mart., præter sequ.Oratio. **Deus, qui inter cetera.**In I. Nocturno Lectiones de  
Scriptura occurrente.In II. Nocturno Lect. **Nunc  
nobis.** de Comm. 2. loco.In III. Nocturno Homilia in  
Evang. **Simile erit regnum cœ-  
lorum decem virginibus.** de  
Comm. 1. loco.Lectio ix. Vigiliæ, ut in Propr.  
Ss. Hispan. et fit de ea comm.  
ac S. Christinæ Virg. et Mart.  
in Laud. Si autem hoc Festum  
occurrerit in Dominica, fit de  
ea Lect. ix. ac commemoratio  
et S. Christinæ in Laud.**Die 27. Julii.****S. Pantaleonis** Martyris.

Semiduplex.

Omnia ut inter festa pro ali-  
quibus locis eadem die.**Die 30. Julii.****S. Christophori** Mart.

Duplex.

Omnia de Comm. unius Mart.,  
præter sequentia.Oratio. **Præsta quæsumus . . .  
ut qui.**In I. Nocturno Lectiones de  
Scriptura occurrente.In II. Noct. Lect. **Triumphá-  
lis.** 1. loco.In III. Nocturno Homilia in  
Evang. **Si quis vult.** 2. loco.**Die 2. Augusti.****B. Mariæ Virginis**  
sub **Angelorum** Titulo.

Duplex 2. classis.

Omnia ut in Festis B. M. V.,  
præter sequ.**In utrisque Vesperis.**V. Ave Mariæ, grátia ple-  
na. R. Dóminus tecum.Ad Magnif. Ant. O beáta  
Virgo Mariæ! tu véniæ ve-  
na, tu grátia Mater, tu spes  
mundi, exáudi filios tuos  
clamántes ad te.

Oratio.


**D**eus, qui humano géneri  
beátæ Mariæ Virgini-  
tate fœcúnda reparatiónis  
grátiam contulísti: concé-  
de; ut quam grátia Matrem  
appellámus in terris, ejus  
felíci consórtio perénniter  
perfruámur in cœlis. Per  
Dóminum nostrum.In I. Nocturno Lectiones ut  
in Festis B. M. V.

In II. Nocturno.

**Sermo S. Thomæ Episcopi.**

Conc. 1. de Annunt.

Lectio iv.

 **admírandam, omní-  
que virtúte præ-  
stántem Genitricem  
Dei Mariam pro mei ingé-**

nii exiguitate toto animi desiderio laudare desiderans, nullum fere in sacris Litteris potui reperire præconium, quod ad litteram ejus nobis gloriam, excellentiamque demonstret. Nam etsi de illa per prophetas plurima mystice dicta, factaque passim legantur, unde possit virtutis ejus magnitudo constare, in evangelicis tamen, aut apostolicis scriptis rarus de illa sermo, et multo rarius laus invenitur. Quamvis, ut verum fatear, non ita silentio tradita sit, ut in eorum dictis virtutum ejus claritas tenuissimo radio, veluti per quasdam verborum rimulas, non eniteat. Sed unde magis ejus gloriam, virtutes, dotisque animi poterimus auspicari, quam ex illo mirifico ejus, et Angeli colloquio? in quo præter hoc, quod angelico eloquio gratia plenissima et omnium feminarum prima merito prædicatur, ex gestis ejus et dictis multum nimis præconiorum ejus silva emicuit.

R. Sicut cedrus.

Lectio v.

**I**ngressus Angelus ovanter, salutavit reverenter: Ave, inquit, gratia plena, Dominus tecum. Plena grá-

tia, implenda Deitate, obumbranda virtute; gratia plena, de cujus plenitudine accipiunt universi, de cujus abundantia totus replendus est orbis. Et vere plena, in cujus animo nullus peccato relictus est locus, nullus iniquitati patuit accessus. Dominus tecum. Et quomodo tecum? non utique sicut mecum, sed sicut nullibi: tecum in corpore, tecum in mente, tecum in animo, tecum in consilio, tecum in útero, tecum in auxilio, tecum in ortu, tecum in exitu, tecum in fine, tecum sine fine.

R. Quæ est ista.

Lectio vi. Ex Conc. 2.

**C**œlesti ergo legatione audita, sic fatur ad Angelum: Ecce ancilla Domini: fiat mihi secundum verbum tuum. Grandi ergo mysterio, altissimoque Deitatis instinctu conceptura Deum, sui meminit ancillatu, ut orientem a se Filium mundi obsequio manciparet. Fiat mihi, ait, secundum verbum tuum, et ad verbum ejus statim in útero incarnatum est Verbum. O Fiat potens, o Fiat efficax, o Fiat super omne, Fiat perpétuo honore venerandum! Hoc verbo Fiat, factus est mundus. Hoc

verbo cœlestia terrêstria-  
que Altissimus cōdidit,  
sed tale Fiat non sōnuit in  
orbe, quale tu nunc beāta  
dixisti. Quid enim factum  
est? quis dicere potest quid  
factum est? Natūra stupet,  
iudicium hæret, hebescit  
sensus, lingua mutescit,  
râtio déficit, intellêctus non  
capit quod factum est in  
María, cum hoc prôtulit  
verbum: Fiat mihi secūn-  
dum verbum tuum.

**R.** Ornátam.

**In III. Nocturno.**

**Lectio sancti Evangélii se-  
cūndum Lucam.**

**Lectio vii. Cap. 1.**

**I**n illo témpore: Missus  
est Angelus Gábriel a  
Deo in civitatem Galilææ,  
cui nomen Názareth, ad Vír-  
ginem desponsátam viro,  
cui nomen erat Joseph, de  
domo David, et nomen Vír-  
ginis María. Et réliqua.

**Homilia sancti Augustíni  
Epíscopi.**

**Serm. 291. in Nat. S. Joannis  
Bapt. 4.**

**A**ngelus vero idem  
ipse ad Mariam  
Vírginem: Ave, in-  
quit, grátia plena, Dóminus  
tecum; jam tecum est, qui  
erit in te. Dic mihi ergo,  
núntie Dei, quómodo fiet  
istud? Vide Angelum sci-

éntem, illam quæréntem,  
non diffidéntem. Audi quó-  
modo: erit virgínitas tua,  
tu tantum crede veritátem,  
serva virginitátem, áccipe  
integritátem. Quóniam ín-  
tegra est fides tua, intácta  
erit intégritas tua. Dénique  
audi, quómodo fiet istud.  
Spíritus sanctus supervé-  
niet in te, et virtus Altíssi-  
mi obumbrábit tibi, quia  
fide cōcipis, quia credén-  
do in útero, non concubán-  
do habébis: proptérea quod  
nascétur de te Sanctum  
vocábitur Fílius Dei. Quid  
est, quæ póstea paritúra  
es? Unde meruísti? Unde  
hoc accepísti? Unde fiet in  
te, qui fecit te? Unde, in-  
quam, tibi hoc tantum bo-  
num? Virgo es, Sancta es,  
votum vovísti; sed multum,  
quod meruísti, imo vero  
multum, quod accepísti.

**R.** Sub tuum præsídium  
confúgimus, clementíssima  
Virgo, súscipe nos, única  
spes nostra; et nostris de-  
lectáre laúdibus, \* Quibus  
indígni omni te laude  
digníssimam collaudámus.  
**Y.** Aufer a nobis iniquitátes  
nostras, ut digni canámus  
tibi glóriæ melos. Quibus.

**Lectio viii.**

**N**am, unde hoc meruísti?  
Fít in te, qui fecit te;  
fít in te per quem facta es,

imo vero per quem factum est cœlum et terra, per quem facta sunt omnia; fit in te Verbum Dei caro, accipiēdo carnem, non amittēdo Divinitatē. Et Verbum júngitur carni, et Verbum copulátur carni, et hujus tanti conjúgii thálamus úterus tuus, et hujus, inquam, tanti conjúgii, id est Verbi et carnis, thálamus úterus tuus, unde ipse Sponsus procedit de thálamo suo. Invénit te vírginem concéptus; dimíttit vírginem natus. Dat fœcunditatē, non tollit integritatē. Unde tibi hoc? Protérve vírginem vídeor interrogáre, et quasi importúne aures verecúndas ista mea voce pulsáre. Sed vídeo vírginem verecundántem, et tamen respondéntem, meque admonéntem. Quæris a me, unde mihi hoc? verecúndor tibi respondére bonum meum. Angeli audi ipsíus salutatióem, et in me agnósce tuam salútem. Crede cui crédidi. Unde mihi hoc quæris? Angelus respóndeat. Dic mihi, Angele, unde Mariæ hoc? Jam dixi cum salutávi: Ave grátia plena.

R̃. Porta cœli, et stella maris es, Virgo María, Re-

gis ætérni Mater, gratos nos redde Fílio tuo: \* Quia omnis virtus, et decor, et glória ex te respléndet. Ṽ. Tu vénia vena, tu grátia Mater, tu spes mundi, exaúdi nos clamántes ad te. Quia. Glória Patri. Quia.

Lectio ix.

Serm. 290. de Sanctis in Nat. S. Joan. Bapt. 4.

**M**aría vero quando e contra ait: Quómodo fiet istud, quóniam virum non cognósco? inquirēdo dixit, non desperádo. Dum interrogávit, non de promissióe dubitávit. O vere grátia plena: sic est enim ab Angelo salutáta: Ave grátia plena. Quis hanc éxplicet grátiam? Quis huic grátia grátias agéndo sufficiat? Fit homo, et per líberum arbítrium perit homo, et invenítur homo factus, qui fecit, ne períret, quem fecit. In principio Verbum Deus apud Deum, per quod omnia facta sunt, fit caro: Verbum caro factum est, et habitávit in nobis. Caro fit Verbum, sed caro accédit ad Verbum, non pèriit in carne Verbum. O grátia! ut hoc haberémus, quid digni erámus?

Te Deum laudámus.

## Die 6. Augusti.

**Transfigurat. Domini.**

Duplex majus.

Omnia ut in Brev. Romano; sed in Angelopolitana Ecclesia omittitur ix. Lectio de S. Xysto, et ejus loco dicitur: **Tu vero Matthæi.** ibid.

## Die 13. Augusti.

Ss. Martyr. **Hippolyti** et **Cassiani**, Patron. hujus civit. Mexicanæ.

Duplex 1. cl. cum Oct.

In toto Archiepiscopatu.

Omnia de Comm. plur. Mart., præter sequentia.

Oratio propr. ut in Brev.

In I. Noct. Lect. **Fratres: Debitores.**

In II. Nocturno Lect. iv. ut in Brev. Lectio v. **Quotiescunque.** et vi. **Sed nos volumus.** de Comm. I. loco.

In III. Nocturno Hom. in Evang. **Cum audiéritis prælia.** de Comuni 1. loco.

## Eadem die.

**S. Xysti** Papæ et Mart. cujus reliquia asservatur in Cathed. Angelop.

Duplex. Angelopoli.

Omnia de Comm. unius Mart., præter sequ.

Oratio. **Infirmi-tatem.**

In I. Nocturno Lectiones de Scriptura occurrente.

In II. Noct. Lect. iv. **Xystus secundus.** ut in Breviario die 6. Aug. Lect. v. **Triumphalis.** et vi. **Coronata.** de Comuni 1. loco.

In III. Nocturno Homilia in Evang. **Si quis venit.** de Comuni 1. loco.

## Die 17. Augusti.

**Beati Bartholomæi Laurel Martyris.**

Duplex.

Omnia de Comm. unius Mart., præter sequ.

Oratio.

**F**ac nos, quæsumus Dómine, beáti Bartholomæi Mártyris tui ita mérita gloriósa recólere; ut, ad ex-émpla ejus, humilitáte tibi et fidei constántia placeámus. Per Dóminum.

In I. Nocturno Lectiones de Scriptura occurrente.

In II. Nocturno.

Lectio iv.

**I**llústrés inter corónas beatórum Mártyrum qui ex váriis géntibus pro Christo in Japónia sunt passi, unam sibi, in Bartholomæo Laurel, mexicána quoque ecclésiá lætátur. Hic in diocési Angelopolitána húmili loco natus, post puerítiam intégre piéque actam, se totum obtulit Deo in familia franciscáli véteris observántiæ, in qua tirocínio religiosissime pósito, Moréliæ solémnia vota édedit, atque múnis laicórum, quos vocant, própriis addictus est. Némini autem, neque provéctis ætáte, vel orándi stúdio vel obediéntia vel cór-

poris castigatione cedebat: sed hoc præterea est virtutis ejus testimonium insigne, quod vir ille apostolicus, Franciscus a Sancta Maria ejusdem ordinis, ipsum de multis, juvenem adeo sibi delegerit laborum in Philippinis insulis consortem, quem consortem æque habuit martyrii. Primo igitur Maniliæ munus per quadriennium egit ministrandi ægrôtis in valetudinário, egítque summa humilitate et caritate perinde ac si Jesum in eis coleret. Ex eodem munere, præter multiplicem religiôsæ perfectionis profectum, étiam usum didicit linguæ japonicæ et medicinæ, quæ præsidia ad salutem hominum sempiternam, providentis Dei consilio, póstea converteret.

R. Honéstum fecit.

Lectio v.

**I**nde, quod cupidissime optaverat, Franciscum patrem in Japoniam secutus est, ubi vitam cum eo traxit laborum juxta et periculorum plenam. Ipsi enim pro temporibus rebusque fidélium, modo per urbes et pagos caute versabantur, modo in solitudinibus, in montibus, in speluncis, apostólico more

errabant, semper Deo fisei ejusque voluntati máxime adhærentes. Præcedere Bartholomæus cum sarcina sacrae supellætilis et cópia medicamentorum solébat, tamquam minister et explorator: nimirum, qua valebat in morbos arte, et qua largitate idónea remédia afferébat, tugúria pauperum atque haud raro ipsas divitum domos fáciie ac tuto adire póterat. Ibi autem ut sibi magnópere cordi erat morbis eo miserióribus mederi animórum, mirum qua sollertia occasione ejus rei captábat, et quam apte homines amantérque doctrína christiána instrúere, de præceptis commúnere, deterrere a vício, ad virtutem et ad sacramenta curábat addúcere. Tum vero magistri succedébat ópera, qui velut in mollito agro, sémina sanctæ fidei in illis colébat: unde copiósa et vere lætábilis Christo Dómino seges, Bartholomæo adjutóre, provénit.

R. Desidérium animæ.

Lectio vi.

**E**o modo vir Dei annum jam quartum elaborábat impénse: ecce autem in ipsa hóspitum domo dilecto cum magistro secúrum satéllites Præfécti im-

províso deprehéndunt, ambósque et hóspites Vomúram rápiunt in víncula. Per longum et áasperum iter summa ipsórum erat lætítia, se Christi nomen cruciátibus et morte posse testári: in cárcere porro ærúmnas omne genus et pia gáudia cum áliquot ejúsdem propósi frátribus dulce fuit conjúgere. Ad tres fere menses acre certámen stetit; in quo, Francísco ut ómnium patre suavíssime cohortánte et commúni nómine júdici respondénte, perseveravére invícti omnes. Quare damnántur cápitis, pars ferro, pars igne. Ipse supplicíi locus, Nangasáchii, ubi tot ántea mártýres passi, púgilum fidem virésque auget. Intérrito ánimo, hílari vultu, effúsis ad Jesum précibus et laúdibus, suam quisque mortem oppetiérunt; ii acerbióre pœna qui lento igni perémpti. In his, cum Francísco aliísque tribus, de propagáta religiône ámplius méritis, ipse Bartholomæus, qui máxima ad extrémum spíritum firmitúdine Christum conféssus, ad optátam martýrii palmam felicíssime evolávit, décimo sexto Kaléndas Septémbris anno millésimo

sexcentésimo vicésimo séptimo. Eum Pius nonus Póntifex Máximus anno millésimo octingentésimo sexagésimo séptimo cum præclára japonénsium mártýrum legióne in album Cœlitum Beatórum recénsuit: ejúsque officium et missam própriam, ecclésiæ mexicánæ peténti Leo décimus tértius concéssit.

**R.** Stola jucunditátis.

### In III. Nocturno.

**L**ectio sancti Evangélíi secúndum Matthæum.

**Lectio vii.** Cap. 10. d.

**I**n illo témpore: Dixit Jesus discíplulis suis: Nolíte arbitrári quia pacem vénerim mittere in terram: non veni pacem mittere, sed gládium. Et réliqua.

**H**omilía sancti Hierónymi Presbýteri.

**Lib. 1. in Matth. cap. 10.**

**S**upra díxerat: Quod dico vobis in ténebris, dicite in lúmine: et quod in aure audítis, prædicáte super tecta. Nunc infert quid post prædicatióem sequátur. Ad fidem Christi totus orbis contra se divísus est: unaquæque domus et infidéles et credéntes hábuit, et prop térea bellum missum est



bonum, ut rumperétur pax mala. Tale quid et in Génesi advérsus rebélles hómines, qui moti fúerant de Oriénte, etturrem exstruere festinábant, per quam coeli alta penetrárent, fecísse scribitur Deus, ut dividet linguas eórum.

R̃. Coróna aúrea.

Lectio viii.

**V**eni enim separáre hóminem advérsus patrem suum. Hic locus prope iisdem verbis in Michæa prophéta scribitur. Et notándum, ubicúmque de véteri testaméto testimónium pónitur, utrum sensus tantum an sermo consén-tiat. Qui amat patrem aut matrem plus quam me, non est me dignus. Qui ante præmiserat: Non veni pacem mittere, sed gládium, et dividere hómines advérsus patrem, et matrem, nurrum et socrum; ne quis pietátem religióni anteférret, subjécit dicens: Qui amat patrem aut matrem plus quam me. Et in Cántico légimus canticórum: Ordinávit in me caritátem. Hic ordo in omni afféctu necessarius est: ama post Deum patrem, ama matrem, ama filios.

R̃. Hic est vere.

Lectio ix.

**O**rdo pulchérissimus: ad prædicatióem mittit, docet perícula non timénda, afféctum súbjicit religióni. Aurum supra túlerat, æs de zona excússerat. Dura Evangelistárum condítio. Unde ergo sumptus, unde victus necessariá? Austeritátem mandatórum spe témperat promissórum: Qui récipit, inquires, vos, me récipit: et qui me récipit, récipit eum qui me misit: ut in suscipiéndis Apóstolis unusquisque credéntium Christum se suscepísse arbitrétur.

Te Deum laudámus.

Die 19. Augusti.

**S. Alphonsi Mariæ de Ligorio** Episc. Conf. et Eccles. Doct.

Duplex.

Omnia ut in Breviario die 2. Aug. præter sequ.

**Ad Vesperas.**

Hymnus.

**E**n qui bénigne néxibus  
Solvit revíntos crími-num,  
Cœlíque callem déviis  
En qui retéxit sédulus.

Oh quot labóres pértulit,  
Æstúsque mentis áspéros,  
Ex ore prompte dæmonis  
Eos ut atro tólleret!

Pagos, et urbes permeat,  
Plagásque cultas rústicis,  
Ibíque Christi dógmata  
Ardóre multo séminat.

Et ut docére díssitos,  
Omnésque possit pósteros,  
Edit libros múltiplices  
Cunctis futúros sáculis.

Ætérna Patri glória,  
Ejúsque soli Fílio,  
Tibíque, sancte Spíritus,  
Sit in perénni témpore.  
Amen.

### Ad Matutinum.

#### Hymnus.

Dum corda plebis cóm-  
movet,  
Eámque bello próvocat  
Alphónsus, ut fidúciam  
In Matre ponat Núminis:

Monstrum novum, mirá-  
bile

Stupóre plena cónspicit,  
Imménsa quod suspíria,  
Dulcésque guttas éxcitat.

Imágo namque Vírginis  
Se luce vestit prótinus,  
Jubárque vibrat, quod pium  
Loquéntis os illúminat.

Probávit hoc miraculo  
Regína cœli præpotens  
Verum fuisse, férvido  
Quod fudit ipse pectore.

Ætérna Patri glória,  
Ejúsque soli Fílio,  
Tibíque, sancte Spíritus,  
Sit in perénni témpore.  
Amen.

### Ad Laudes

#### Hymnus.

Alphónse, curnam júscula  
Herbis amáris ínficis?  
Corpus tuum duríssimo  
Quare flagéllo pércutis?

Rerum premens angústia,  
Frigus, calor, jejúnium,  
Sitis, labórque pérvigil  
Submisit illud áffatim.

Intácta sint, hoc éfficis,  
Ut castitátis lília  
Tuæ, cibúmque dívitem  
Virtútibus des céteris.

Sic in tumultu sáculi  
Vita fruéntes áccolæ  
Possunt Erémi cónsequi  
Gressus tuos Antístites.

Ætérna Patri glória,  
Ejúsque soli Fílio,  
Tibíque, sancte Spíritus,  
Sit in perénni témpore.

Amen.

Eadem die.

Beatorum Petri de Zu-  
niga et Ludovici Flores

#### Martyrum.

##### Duplex.

Omnia de Coñuni plur. Mart.,  
præter sequentia.

##### Oratio.

Dómine Jesu Christe, qui  
nomen tuum fidéliter  
prædicántibus fortitúdinem  
confers et corónam: da no-  
bis, quæsumus, méritis be-  
atórum Mártýrum Petri et  
Ludovíci; fortes in fide

consistere et bonis opéribus glóriam ássequi sempitérnam: Qui vivis.

In I. Nocturno Lectiones de Scriptura occurrente.

In II. Nocturno.

Lectio iv.

**P**etrus e nobilíssima gente De Zúniga, Hispalénsis, cujus pater, Alvárus, provinciæ mexicánæ vice régia præfuit, ad omnem humanitatem in primisque ad pietatem óptime succrévit. Honoribus et vitæ blandimentis matúre despéctis in ordinem se recépit Eremitárum sancti Augustíni in quo sanctimóniæ et doctrínis alacrióre ópera ánimus inténdit. Sacerdótio auctus, caritátem qua ferebátur in próximos cœpit statim effúndere: sed ampliorem et laboriosiórem éxpetens campum, per magnas difficultátes tandem obtínuit ut ad Philippínas ínsulas mitterétur quo in itínere cónstitit aliquámdiu in urbe México, valde sibi conjúcta, ubi civium admiratiónem in se convértit. Maniliæ annos fere octo apostólico stúdio versátus est, et multa in animórum salutem per ea loca effécit: accépto autem núntio de insígni sodá-

lium apud Japónes martyrio, ad eam expeditiõem mirífice exársit. Ibi se totum pro christiánis frátribus impéndit; et, quamquam inde post annum ex obediéntia recésserat, Japónum causam ácritè oráre perréxit, ad quod, eníxe revocántes, gaudens pótuit remeáre, martyrii percúpidus.

R. Sancti tui.

Lectio v.

**L**udovícus Flores, in Bélgio natus pientissiméque institútus, patrem, mercatúram faciéntem, in Hispániá et usque Méxicum est secútus. Qua in urbe ad cœléstia quærénda vehementius a Deo permótus, cadúcam spem omnem álacer præcídít, atque Ordini Prædicatórum nomen dedit. Erat in eo præclára índoles, integérrima disciplínæ custódia, summum doctrínæ et virtútis stúdiu; quo factum, ut omnem de se exspectatiõem in váriis deinceps obeúndis munéribus superárit. In Philippínis ínsulis virtus et ardor ejus præstitit máxime; quippe qui Novæ Segóriæ gentem imménsis labóribus Christo mansuefécerit, ac pérditos hómínes, quorum noxas acérrime in se vindi-

cábat, complúres ad ipsum redúxerit. Inde vero conjunctiorem cum Deo vitam in cœnóbio Maniliæ repétiit; ubi et rogítantibus multis salutária impertiébat consília, et sodálibus sancto exémplo prælucébat. Geménte interim ecclésia Japonénsi et operários postulánte qui martýrio cæsis succéderent, ipse ingravescéntem ætátem, ténuem valetúdinem, contemplatiónis quiétem, ómnia posthábuit, atque tam árduum opus magnis précibus impetrávit magnóque ánimo est aggréssus.

R̃. Vérbera carnificum.

Lectio vi.

Petrus igitur et Ludovicus in Japoniam tendebant, navárho Joachímo Diaz, christiáno hómine Japonénsi. Jamque ex aspérima tempestáte ad Formósam eváserant, quum in Bátavos pirátas hæréticos incidérunt: a quibus, de ipsórum professióne suspicántibus, multis modis pésime hábíti sunt, tum ad régulum in Firandéno portu atque ad imperatórem deláti. Diutúrná teterriámque custódiám singulári patiéntia toleravére, quoad alláta est senténtia,

ambos cum Joachímo igni necándos, ac duódecim simul comprehénsos vectóres, eádem Christi causa, cápíte plecténdos. Constántia sanctórum hómínium nequídquam tentáta, Nangasáchium crudéliter compellúntur, Petro et Ludovíco beátum agmen ducéntibus. Ibi cervíces illi gládio fórtiter subjecérunt, hi vero et sócius ad palos sunt alligáti, idque funículo ténuí, quo facílius, ardóre torquén-te, a propósito resilírent. At ipsi in horas duas perstant immóti Christum Deum tum ad pópulum prædicántes, tum psalmis hymnísque laudántes; usque dum, amíssis sénsibus in génua procumbunt, vultu in modum orántium ad cœlum convérso. Animas efflavére victrices décimo quarto Kaléndas Septém-bres, anno millésimo sexcentésimo vicésimo áltero. Córpora eo loci eóque statu quatríduum mirabíliter permansérunt; ad túmulum ingens e cœlo splendor et suavíssimus odor diffúsus. Nómína Petri et Ludovíci in número sunt ducentórum quinque Mártyrum Japonénsium, quibus Pius nonus Póntifex Máximus beatorum Cœlitum honóres de-

crévit: eorúndem Offici-  
um próprium et Missam  
Leo décimus tértius Ecclé-  
siæ Mexicánæ peténti be-  
nigne concéssit.

R. Tamquam aurum.

In III. Nocturno Lectiones de  
Homil. in Evang. Descéndens  
Jesus. de eodem Comm. 2. loco.

Die 20. Augusti.

In Octava Ss. Mm.

**Hippolyti et Cassiani.**


Duplex. Mexici.

In I. Nocturno Lectiones de  
Scriptura occurrente.

In II. Nocturno.

Sermo sancti Fulgéntii  
Episcopi.

Lectio iv. Serm. 10.

 eléctat vidére cam-  
pos ségetum aúreis  
maturátis cálamis  
aristárum; delectabílius li-  
bet atténdere campos Ec-  
clésiæ mártýrum micántes,  
plantátos de uno cruóre  
per Agni sánguinem inno-  
céntem. Ségetes étenim  
sunt passiónes mártýrum,  
juxta cursus aquárum ri-  
gátí fóntibus lacrimárum.  
Nam sic modo beátus Da-  
vid mártýrum purpuráta  
gérmína, et ante messóres  
gaudiórum tamquam man-  
ceps secántia messória, cí-  
thara decantábat: Qui sé-  
minant, inquit, in lácrimis,

in gaúdio metent. Ubi sémi-  
nant in lácrimis, nisi juxta  
árbores crucis, ubi est fons  
proximus Salvatóris?

R. Sancti tui.

Lectio v.

**I**nde de látere ejus sán-  
guinis guttæ stillárun-  
t, et plúvia cruóris et aquæ  
semináta est tolerántia con-  
fessorum. De ipso ligno  
viréntis crucis juxta fon-  
tem ságuinis plantáta vir-  
gínitas flóruit castitátis:  
inde plantáta mártýrum to-  
lerántia cœpit séminis sui  
gérmína colligere purpurá-  
ta. Nam unde mártýres tó-  
lerant, nisi per Domínicam  
crucem? Unde mártýres,  
in quorum córdibus lex  
Dei est, maledictiónes non  
timent hóminum, nisi quia  
Christus Dóminus pértulit  
patiénter impropéria Judæ-  
órum? Ista ergo seminátio  
ságuinis Christi fecit sé-  
mína mártýrum pulluláre  
in campo matris Ecclésiæ,  
ut dicit David: Qui sémi-  
nant in lácrimis, in gaúdio  
metent; eúntes ibant, et  
flebant.

R. Vérbera.

Lectio vi.

**S**ic perrexérunt, quómo-  
do revertúntur? Non  
fientes, sed gaudéntes: non  
adhuc seminántes, sed ma-

nípulos suos læta cervice portantes. O gérmina, quæ non urit flamma, quia juxta flumen sunt vítreum in Jerúsalem, et perpétuo viréscunt flore immortalitátis vitæ æternæ! Nesciunt marcéscere, quia non timuérunt pro justítia flammis ardère: quia Agnus dedúcet eos ad vitæ fontes aquárum, et delébit omnem lácrimam ab óculis eórum, et florébunt sicut lílium in médio Angelórum.

R̃. Tamquam aurum.

In III. Nocturno.

Lectio sancti Evangélii secúndum Lucam.

Lectio vii. Cap. 21.

**I**n illo témpore: Dixit Jesus discíplis suis: Cum audiéritis prælia et seditiões, nolíte terréri: opórtet primum hæc fieri, sed nondum statim finis. Et reliqua.

Homília sancti Augustíni Epíscopi.

Serm. 14. Lib. 50. Homil.

**D**óminus noster Jesus Christus téstibus, id est, martýribus suis, pro humána fragilitáte solícitus, ne forte eum confiténdo atque moriéndo perírent, magnam securitátem dedit, dicens: Capíllus de cápíte vestro non períbit.

Times ergo ne péreas, cuius capíllus non períbit? Si sic custodiúntur supérflua tua, in quanta securitáte est ánima tua? Non perit capíllus, qui cum tondétur non sentis; et perit ánima, per quam sentis? Sane multa dura eos passúros esse prædixit, ut prædicéndo fáceret paratióres, diceréntque illi: Parátum cor meum.

R̃. Propter veritátem.

Lectio viii.

**Q**uid est, Parátum cor meum, nisi paráta volúntas mea? Parátam ergo habent mártýres voluntátem in martýrio, sed præparátur volúntas a Dómino. Illis autem in malis duris atque ásperis futúris commemorans adjécit: In patiéntia vestra possidébitis ánimas vestras. In vestra patiéntia, inquit: non enim esset patiéntia tua, si non ibi esset et volúntas tua. In vestra patiéntia: sed unde vestra? Nostrum est, quod a nobis habétur: nostrum est, et quod nobis donátur.

R̃. Sancti mei.

Lectio ix.

**Q**uómodo enim áliquid donas, nisi ut ejus sit cui donas? Apérta est enim illa conféssio: Nonne Deo

subjiciétur ánima mea? ab ipso enim est patiéntia mea. Dicit nobis ipse: In vestra patiéntia; dicámus illi et nos: Patiéntia mea ab ipso est. Tuum fecit donándó: noli ingrátus esse tibi assignándó. Nonne in oratióne Domínica dicimus, et nostrum esse quod a Deo est? Quotídie dicimus, Panem nostrum quotidiánum. Jam dixísti, Nostrum, et dicis, Da nobis: ecce nostrum, ecce da nobis. Illo dante fit nostrum. Te Deum laudámus.

Die 30. Augusti.

**S. Rosæ a S. Maria Virg.**  
Limanæ, ac princip. patron.  
totius Americæ.

Dupl. 1. classis cum Octava.

Omnia ut in Brev. Rom. sub hac die, præter Lect. I. Noct. De virgínibus. omissis ix. Lect. et commem. Ss. Mm. Felicis et Adaucti; cujus loco dicitur Lectio ix. de Communi.

**Dominica**

post Oct. Assumpt. B. M. V.

**Puriss. Cordis B. M. V.**

Duplex majus.

Omnia ut inter festa pro ali-  
quibus locis eadem Dominica.



## Typographus Lectori.

Sequentes Lectiones III. Nocturni in Breviario Romano non inveniuntur, sed quum passim pro uno Mart. non Pont. legendæ sint, heic adduntur.

In III. Nocturno.


Lectio sancti Evangélîi secúndum Matthæum.

Lectio vii. Cap. 10. d.

**I**n illo témpore: Dixit Jesus discipulis suis: Nolite arbitrâri, quia pacem vénerim mittere in terram: non veni pacem mittere, sed gládium. Et réliqua.

Homilía sancti Hierónymi Presbýteri.

Lib. 1. in Matth. cap. 10.

 **I**upra díxerat: Quod dico vobis in ténebris, dicite in lúmine: et quod in aure audítis, prædicáte super tecta. Nunc infert, quid post prædicatióem sequátur. Ad fidem Christi totus orbis contra se divísus est: unaquæque domus et infidéles et credéntes hábuit, et própterea bellum missum est bonum, ut rumperétur pax mala. Tale quid et in Génesi advérsus rebélles hómines, qui moti fúerant de oriénte, et turrem exstrúere festinábant, per quam cœli

alta penetrárent, fecísse scribitur Deus, ut dividéret linguas eórum.

**R.** Coróna aúrea super caput ejus, \* Expréssa signo sanctitátis, glória honóris, et opus fortitúdinis. **V.** Quóniam prævenísti eum in benedictiónibus dulcédinis, posuísti in cápite ejus corónam de lápide pretiósio. Expréssa.

Lectio viii.

**V**eni enim separáre hóminem advérsus patrem suum. Hic locus prope iisdem verbis in Michæa Prophéta scribitur. Et notándum, ubicúmque de véteri testaméto testimónium pónitur, utrum sensus tantum an sermo conséntiat. Qui amat patrem aut matrem plus quam me, non est me dignus. Qui ante præmiserat, Non veni pacem mittere, sed gládium, et dividere hómines advérsus patrem et matrem, nurum et socrum; ne quis pietátem religióni anteférret, subjé-



cit dicens: Qui amat patrem aut matrem plus quam me. Et in Cántico légimus Canticórum: Ordinávit in me caritátem. Hic ordo in omni afféctu necessarius est: ama post Deum patrem, ama matrem, ama filios.

R. Hic est vere Martyr, qui pro Christi nómine sánguinem suum fudit: \* Qui minas júdicum non tímuit, nec terrénæ dignitátis glóriam quæsívit, sed ad coeléstia regna pervénit. V. Justum dedúxit Dóminus per vias rectas, et osténdit illi regnum Dei. Qui. Glória Patri. Qui.

Lectio ix.

Ordo pulchérissimus: ad prædicatióem mittit, docet perícula non tímenda, afféctum súbjicit religiáni. Aurum supra túlerat, æs de zona excússerat. Dura Evangelistárum condítio. Unde ergo sumptus, unde victus necessariá? Austeritátem mandatórum spe témporat promissórum: Qui récipit, ínquiens, vos, me récipit: et qui me récipit, récipit eum, qui me misit: ut in suscipiéndis Apóstolis unusquisque credéntium Christum se suscepisse arbitrétur.

Te Deum laudámus.



## ADPROBATIO.

---

Revisione peracta omnia cum originalibus concordant.  
In fidem etc.

Ex Secretaria Sacrorum Rituum Congregationis hac die  
24. Novembris 1880.

Pro **R. P. D. Placido Ralli**, Secretario  
**Joannes Canonicus Ponzi**, Substitutus.


~~~~~  
I m p r i m a t u r.

Ratisbonæ, die 27. Juli 1895.

Dr. Fr. X. Leitner, Vic. in Spirit. Gener.

Index alphabeticus.

	pag.
Alphonsi Mariæ de Ligorio Ep. Conf. Eccl. Doct. dupl.	30*
19. Aug.	30*
Bartholomæi Laurel Mart. dupl. 17. Aug.	27*
Candidæ Virg. et Mart. duplex. 24. Julii.	23*
Christophori Mart. duplex. 30. Julii.	23*
Hippolyti et Cassiani Mart. dupl. 1. cl. cum Oct. 13. Aug.	27*
— — Octava, duplex. 20. Aug.	34*
Joannis Francisci Regis. duplex. 16. Junii.	14*
Joannis Nepomuceni Mart. duplex 2. classis cum Oct.	1*
16. Maji.	1*
— — Octava, duplex. 23. Maji.	23*
Mariæ B. V. sub Angelorum titulo. dupl. 2. cl. 2. Aug.	23*
— — Cordis Puriss. dupl. maj. Domin. post Oct.	36*
Assumpt. B. M. V.	23*
— — sub titulo Refugium peccatorum. dupl. 2. cl.	23*
9. Julii.	23*
Pantaleonis Mart. semidupl. 27. Julii.	23*
Paulini Episc. et Conf. dupl. 22. Junii.	14*
Petri de Zuniga et Ludovici Flores Mart. dupl. 19. Aug.	30*
Philippi Nerii Conf. dupl. 2. cl. 26. Maji.	2*
Primitivi Mart. duplex. 10. Junii.	12*
Redemptoris Ss. D. N. J. C. dupl. 2. class. Dominica	22*
III. Julii.	22*
Rosæ a S. Maria, Virg. Limanæ, ac princip. Patr. totius	36*
Amer., dupl. 1. cl. cum Oct. 30. Aug.	36*
Sanguinis Pretiosiss. D. N. J. C. dupl. 2. cl. Feria IV.	15*
post Oct. Ss. Petri et Pauli Apost.	15*
Transfigurationis Domini. dupl. maj. 6. Aug.	27*
Viti et Soc. Mart. duplex. 15. Juni.	13*
Xysti Papæ et Mart. duplex. 13. Aug.	27*



PROPRIUM SANCTORUM MEXICANORUM.

PARS AUTUMNALIS.

Die 30. Augusti.

S. Rosæ a S. Maria
Virg. Limanæ, ac princip.
Patr. totius Americæ.

Duplex 1. cl. cum Oct.

Omnia ut in Brev. Rom., præt.
Lect. 1. Noct., quæ leguntur De
virginibus, ommissa etiam ix. Le-
ctione (et omni commemor.) Ss.
Mm. Felicis et Adaucti, cujus
loco dic. Lectio ix. de Comm.

Die 6. Septembris.

In Octava
S. Rosæ a S. Maria
Virginis.

Duplex.

Omnia ut in die, præter se-
quentia.

In I. Nocturno Lectiones de
Scriptura occurrente.

In II. Nocturno.

De Epistola S. Hierónymi
Presbýteri ad Eustóchium.

Lectio iv.

De custodia Virginitatis.

De virginibus, in-
quit Apóstolus,
præceptum Dó-
mini non hábeo.
Cur? quia et ipse ut esset
virgo, non fuit impérii, sed
própriæ voluntátis. Neque
enim audiendi sunt, qui
eum uxórem habuisse con-
fingunt; cum de continén-
tia dísserens, et suádens
perpétuam castitátem, intú-
lerit: Volo autem omnes
esse sicut meípsum. Et
infra: Dico autem innúptis
et víduis: Bonum est illis,

si sic permáneant, sicut et ego. Quare ergo non habet Dómini de virginitáte præcéptum? Quia majóris est mercédis, quod non cógitur et offértur: quia si fuisset virginitas imperáta, nuptiæ videbántur ablátæ; et duríssimum erat contra natúram cógere, Anglorúmque vitam ab homínibus extorquére.

R. Propter veritátem.

Lectio v.

Alia fuit in véteri lege félicitas. Ibi dicitur: Beátus, qui habet semen in Sion, et domésticos in Jerúsalem; et: Maledícta stérilis, quæ non paríebat; et: Filii tui sicut novéllæ olivárum in circúitu mensæ tuæ. Vácuus erat orbis, et, ut de týpiciis táceam, sola erat benedíctio liberórum. Propterea et Abraham jam senex Cethúræ copulátur, et Jacob mandrágoris redímitur, et conclúsam vulvam in Ecclésiæ figúram Rachel conquéritur. Paulátim vero increscénte ségete, messor immíssus est. Virgo Elías, Eliséus virgo, vírgines multi filii Prophtarum. Jeremíæ dicitur: Et tu ne accípias uxórem. Sanctificátus in útero, captivité propínqua, uxó-

rem prohibétur accípere. Aliis verbis idípsum Apóstolus lóquitur: Existimo hoc bonum esse propter instantem necessitátem. Quæ est ista necéssitas, quæ aufert gáudia nuptiárum? Tempus breviátum est, in próximo est Nabuchodónosor.

R. Dilexisti justítiam.

Lectio vi.

Inveniebátur ergo, ut diximus, in viris tantum hoc continéntiæ bonum, et in dolóribus júgiter Heva parturiébat. Postquam vero virgo concépit in útero, et péperit nobis púerum, cujus principátus in húmeros ejus, Deum, fortem, patrem futúri sæculi, solúta maledíctio est. Mors per Hevam, vita per Mariám. Ideoque et dítius virginitátis donum fluxit in féminas, quia cœpit a fémina. Statim ut Filius Dei ingræssus est super terram, novam sibi familiám instituit, ut qui ab Angelis adorabátur in cœlo, haberet Angelos et in terris. Tunc Holoférnis caput Judith cóntinens amputávit: tunc Aman, qui interpretátur iníquitas, suo combústus est igni: tunc primum audítum est: **Quæ** non est nupta, cógitat **quæ**

sunt Dómini, ut sit sancta corpore, et spíritu.

R. Afferéntur Regi.

In III. Nocturno.

Lectio sancti Evangélíi secúndum Matthæum.

In illo témpore: Dixit Jesus discipulis suis parabolam hanc: Simile erit regnum celórum decem virgínibus, quæ accipiéntes lámpades suas, exiérunt obviam sponso et sponsæ. Et reliqua.

De Homília S. Augustíni
Epíscopi.

Serm. 23. de verbis Domini.

Inténdat itaque caritas vestra. Sapientium lámpades ardébant de óleo ætérno, de consciéntiæ securitate, de interiøre glória, de íntima caritate. Ardébant tamen et illárum fatuárum. Quare tunc ardébant? quia non déerant laudes hóminum. Póstea vero quam surrexérunt, id est in resurrectione a mórtuis, coépérunt aptáre lámpades suas, id est paráre, Deo óperum suórum réddere ratióem. Et quia tunc nemo est qui laudet, omnis homo causæ suæ vacat: non erant qui óleum vénderent, coépérunt deficere lámpades.

R. Hæc est virgo.

Lectio viii.

Clausum est óstium. Et quid illis dictum est? Non novi vos. Non illas novit, qui ómnia novit? Quid ergo est: Non novi vos? Improbo vos, réprobo vos: in arte mea non vos agnósco: ars mea nescit vítia. Hoc est autem magnum, et nescit vítia, et júdicat vítia: nescit faciéndó, júdicat arguéndó. Sic ergo non novi vos. Iérunt, intravérunt quinque prudéntes. Sint in vobis quinque prudéntes, ad istam prudéntiam quinárii númeri pertinentes. Véniet enim hora, et quando nescimus, véniet. Sic clausit Evangélium: Vigiláte, quia nescitis diem neque horam.

R. Média nocte.

Lectio ix.

Corde vígila, fide vígila, spe vígila, caritate vígila, opéribus vígila: et quando corpore dormieris, véniet tempus ut surgas. Cum autem surrexeris, præpara lámpades. Tunc non exstinguántur; tunc in interiøre consciéntiæ óleo vegeténtur; tunc sponsus ille incorpóreis nexibus amplectátur; tunc te introducat in domum, ubi numquam dórmias, ubi numquam possit tua lampas exstingui.

Hódie vero laborámus, et lámpades nostræ inter ventos sæculi hujus tentationesque fluctuant: sed ardeat in rubóre flamma nostra, ut ventus tentationis augeat ignem pótius, quam exstinguat. Te Deum.

Die 9. Septembris.

**S. Joannæ Franciscæ
Fremiot de Chantal**

Viduæ.

Duplex.

Omnia de Comm. nec Virg.
nec Mart., præter seq.

Oratio.

Omnipotens et miséricors Deus, qui beátam Joánnam Franciscam tuo amore succénsam, admirábili spíritus fortitudine per omnes vitæ sémitas in via perfectionis donásti, quique per illam illustráre Ecclesiám tuam nova prole voluisti: ejus méritis et précibus concéde; ut qui infirmitátis nostræ cóncscii de tua virtúte confídimus, coeléstis grátiae auxílio cuncta nobis adversántia vincámus. Per Dóminum.

In I. Nocturno Lectiones de Scriptura occurrente.

In II. Nocturno.

Lectio iv.

Ioáña Francísca Frémiot de Chantal, Diviône in Burgúndia

claríssimis orta natálibus, ab ineúnte ætáte exímiae sanctitátis non obsúras édidit significatiónes. Eam enim vix quinquénnem nóbilem quemdam Calvinístam sólida supra ætatem argumentatióne perstrinxisse ferunt, collatúmque ab eo munúsculum flammis illico tradidisse, in hæc verba: En quómodo hæretici apud inferos comburéntur, qui loquénti Christo fidem detréctant. Matre orbáta, Deíparæ Vírginis tutelæ se commendávit, et fámulam, quæ ad mundi amórem eam alliciébat, ab se rejécit. Nihil pueríle in móribus éxprimens, a sæculi delíciis abhórrens, martyriúmque anhélaus, religióni ac pietáti impénse studébat. Baróni de Chantal nuptui a patre tráditá, virtútibus ómnibus excoléndis óperam dedit, liberos, fámulos, aliósque sibi subjéctos in fidei doctrína, bonisque móribus imbúere sátagens. Profúsa liberalitáte paúperum inópiam sublevábat, annóna divínitus non raro multiplicáta: quo factum est, ut némini se umquam Christi nómine rogánti stipem abnegatúram spopónderit.

R̃. Propter veritátem.

Lectio v.

Viro in venatione interempto, perfectioris vitae consilium iniens, continentiae voto se obstrinxit. Viri necem non solum æquo animo tulit, sed, in publicum indultæ veniæ testimonium, occisoris filium e sacro fonte suscipere sui victrix elegit. Modica familia, tenui victu atque vestitu contenta, pretiosas vestes in pios usus convertit. Quidquid a domesticis curis supererat temporis, precibus, piis lectionibus, laborique impendebat. Numquam adduci potuit ut alteras nuptias, quamvis utiles et honorificas, iniret. Ne autem a proposito castimoniae observandæ in posterum dimoveretur, illius voto innovato, sanctissimum Jesu Christi nomen candenti ferro pectori insculpsit. Ardentius in dies caritate fervescens, pauperes, derelictos, ægros, teterrimisque morbis infectos ad se adducendos curabat; eosque non hospitio tantum excipiebat, solabatur, fovebat, verum etiam sordidas eorumdem vestes depurgebat, laceras reficiebat, et manantibus foetido pure ulceribus labia admovere non exhorrebat. R. Dilexisti.

Lectio vi.

A sancto Francisco Salésio, quo spiritus moderatore usa fuit, divinam voluntatem edocta, proprium parentem, socerum, filium denique ipsum, quem etiam vocationi obsistentem, sua e domo egradiens, pedibus calcare non dubitavit, invicta constantia deseruit, et sacri instituti Visitationis sanctæ Mariæ fundamenta jecit. Ejus instituti leges integerrime custodivit, et adeo paupertatis fuit amans, ut vel necessaria sibi deesse gauderet. Christianæ vero animi demissionis et obedientiae, virtutum denique omnium perfectissimum exemplar se præbuit. Altiores in corde suo ascensiones disponens, arduissimo efficiendi semper id quod perfectius esse intelligeret, voto se obstrinxit. Denique, sacro Visitationis instituto ejus potissimum opera longe lateque diffuso, verbo, exemplo, et scriptis etiam divina sapientia refertis, ad pietatem et caritatem sororibus excitatis, meritis referta, et sacramentis rite susceptis, Molinis, anno millesimo sexcentésimo quadragésimo primo, die decima tertia Decembris, mi-

grávit ad Dóminum, ejúsque ánimam, occurrénte sancto Francísco Salésio, in coelis deférri sanctus Vincéntius a Paulo procul distans aspéxit. Ejus corpus póstea Annécium translátum fuit: eámque miráculis ante et post óbitum claram Benedíctus décimus quartus beatórum, Clemens vero décimus tértius Póntifex Máximus albo sanctórum adjécit. Festum autem ejúsdem die duodécimo Kaléndas Septémbris ab univérſa Ecclésia Clemens décimus quartus Póntifex Máximus celebrári præcépit.

R. Fallax grátia.

In III. Nocturno Homilia in Evang. Símile est regnum coelórum thesaúro. de Communi nec Virg. nec Mart.

Die 11. Septembris.

S. Clementis Martyris, cujus reliquia asservatur in Cathedral. Angelopolit.

Duplex. Angelopoli.

Omnia de Communi unius Mart., præter sequentia.

Oratio. *Præsta, quæsumus ... ut intercedénte.* 2. loco.

In I. Nocturno Lectiones de Scriptura occurrente.

In II. Nocturno Lect. *Príncipes.* de Comm. 2. loco.

In III. Nocturno Homilia in Evang. *Nihil est opértum.* de eodem Comm. 3. loco.

Eadem die.

S. Josephi Calasanctii a Matre Dei Conf.

Duplex.

Omnia ut in Breviario Romano die 27. Augusti.

Die 16. Septembris.

S. Cornelii Papæ et Mart. cujus reliquia asservatur in Angelop. Ecclesia.

Duplex. Angelopoli.

Omnia de Communi unius Mart., præter sequ.

Oratio. *Infirmítatem.*

In I. Nocturno Lectiones de Scriptura occurrente.

In Quatuor Temp. *A Miléto.* de eodem Communi.

In II. Noct. iv. et v. Lectio propr. ut in Brev. Lectio vi. *Triumphális.* de Coñ. 1. loco.

In III. Nocturno Homilia in Evang. *Si quis venit.* de Communi unius Mart. 1. loco.

Die 29. Septembris.

In Dedicatione

S. Michaëlis Archangeli, Civit. Angelop. Patroni.

Duplex 1. cl. cum Oct. Ibid.

Omnia ut in Breviario Romano.

Die 6. Octobris.

In Octava Dedicationis **S. Michaëlis** Archangeli.

Duplex. Angelopoli.

Omnia ut in die, præter sequentia.


In I. Nocturno Lectiones de Scriptura occurrente.

In II. Nocturno.

Sermo sancti Bernárdi
Abbátis.

Serm. 2. in festo S. Michaëlis.

Lectio iv.

ngelórum hódie memoria celebrátur, et exígitis débitum pro tanta solemnitáte sermónem. Crédimus sane et indubitáta fide tenémus, divína eos præsentia et visione beátos sine fine lætári in bonis Dómini; áttamen, si multum est ad nos loqui de ea caritáte et glória, qua in semetípsis, imo in Deo suo Angeli sancti nostris omníno superéminent córdibus: de ea loquámur, quam nobis éxhibent, grátia et caritáte. Neque id cuiquam incredibile videátur, quandóquidem ipse quoque Creátor et Rex Angelórum venit non ministrári, sed ministráre, et ánimam suam dare pro multis.

R̃. Hic est Michaël.

Lectio v.

Hujus itaque tanti ministri grátia nihil mirum, si dignánter nobis, imo et libénter Angeli sancti ministrant: ipsi enim amant nos, quia nos Christus amávit. Et hæc díxerim, fratres, ut ampliorem erga beátos Angelos fidúciám

habeátis, ac proinde familiárius in omni necessitáte vestra eórum invocétis auxília: sed et dígnius in eórum præsentia conversári, et magis ac magis eórum vobis conciliáre grátiam, captáre benevoléntiam, exoráre cleméntiam studeátis.

R̃. Venit Michaël.

Lectio vi.

Cavénda nobis eórum offénsa, et in his máxime exercéndum, quibus eos nóvimus oblectári. Sunt enim plúrima, quæ eis placent, et quæ in nobis inveníre deléctant: ut est sobrietas, cástitas, paupértas voluntária, crebri in cælum gémitus, et orationes cum lácrimis et cordis intentióne. Attamen super ómnia hæc unitátem et pacem a nobis éxigunt Angeli pacis. Quidni máxime delecténtur in his, quæ formam quamdam civitátis suæ repræsentant in nobis, ut miréntur Jerúsalem novam in terra?

R̃. In témpore illo.

In III. Nocturno.

Lectio sancti Evangélíi secúndum Matthæum.

Lectio vii. Cap. 18.

In illo témpore: Accessérunt discípuli ad Jesum,

dicentes: Quis, putas, maior est in regno cœlorum? Et réliqua.

Homília sancti Joánnis
Chrysóstomi.

Ex Homilia 60. in Matth.

Vidéte, ne contemnátis unum de párvulis istis. Párvulos hic non ætate, sed multórum æstimatione appellávit: paúperes, inquam, ignótos, ceterósque hujúsmodi, quos multi contemnunt, qui revéra párvuli non sunt, cum Creatóris ómnium amíci sint: quos ipse multo magis venerabilióres facit, dicens: Quia Angeli eórum semper vident fáciem Patris mei, qui in cœlis est.

R̃. In conspectu.

Lectio viii.

Hinc manifestum est, quia omnes sancti Angelos habent. Apóstolus étiam ait de muliere, quóniam velámen débeat habére in cápite propter Angelos: et Móyses státuit fines génitum secúndum número Angelórum Dei. Hic vero non de Angelis simplici-ter dicitur, sed de Angelis excellentibus atque suprémis. Nihil enim áliud designá-
tur, cum dicit: Fáciem Pa-

tris mei aspiciunt, quam summa fidúcia eórum, et honor præcipuus.

R̃. Michaël Archángelus.

Lectio ix.

Vides, quot quibúsque ratió-
nibus ad modéstiam, et ad curam tenuiórum fratrum nos révocat. Infántem in médio státuit, et dixit: Efficiámini sicut párvuli: et quicúmque talem suscepit párvulum, me suscipiet: et quicúmque hunc scandalizáverit, extrémá luet supplicia: et scandalizántes hómines, étiam si loco mánuum atque oculórum nobis essent, abscín-
dere jussit: Angelórum quoque auctoritáte, qui hos ténues fratres tutántur, ut eos venerémur, impéllit.

Te Deum laudámus.

Die 17. Octobris.

**Beatæ Margaritæ
Mariæ Alacoque** Virg.

Duplex.

Omnia ut inter festa pro ali-
quibus locis eadem die.

Die 21. Octobris.

Ss. Ursulæ et Soc. ejus,
Virginum et Martyrum.

Duplex.

Omnia ut inter festa pro ali-
quibus locis eadem die.

Die 31. Octobris.

Unius Martyr. Cæsar-augustani, non ex innu-merabilibus, cujus reliquia asservatur in Metropolitana Ecclesia.

Duplex. Mexic.

Omnia de Comm. unius Mart., præter sequ.

Oratio. **Præsta, quæsumus ... ut intercedente.** 2. loco.

In I. Nocturno Lectiones de Scriptura occurrente.

In II. Noct. Lectiones. **Triumphalis.** de Communi 1. loco.

In III. Nocturno Homilia in Evang. **Nihil est opertum.** de eodem Communi 3. loco.

Lectio ix. et comm. Vigil. in Laudibus.

Die 1. Decembris.

S. Eligii Conf. et Episc. Noviomensis.

Duplex.

Omnia de Comm. Conf. Pont., præter sequ.

Oratio.

Tribue nobis, quæsumus Dómine, singularem sancti Eligii Confessóris tui atque Pontificis caritatem imitari, ut illius mérita in spíritu et veritate celebrémus. Per Dñm.

In I. Nocturno Lectiones de Scriptura occurrente.

In II. Nocturno.

Lectio iv.



Eligius Lémovick a catholicis piisque paréntibus religiöse

educátus, auri laborándi artem adoléscens didicit. Mánuum labóres cum pietátis opéribus mire conjún-gens, quidquid témporis a labóre supérerat, in divínis frequentándis officiis, in sacrórum librórum audién-da lectione, inque ea at-ténto ánimo recolénda insu-mébat. *Ætate* autem ac sanctórum sciéntia proficiens, christiánas virtútes impén-sius excóluit: suum enim corpus oratione et jejúniis in mentis servitútem red-égit, seque totum redimén-dis captivis, deténtis cár-cere solándis, et egenórum sublevándæ inópiæ dedit. Hinc tantus ad eum paú-perum concúrsus, ut quæ-rénti domum Elígii dicerétur: Ubi paúperum cœtum conspéxeris, illic et Elígium repéries. Harum virtútum præstántia Francórum ré-gibus Clotário, ejúsque filio Dagobérto, appríme carus fuit, quorum tamen grátia, vel ut indigéntes juváret, vel ut divínam promovéret glóriam, solúmmodo utebátur.

R̃. Invéni David.

Lectio v.

Ad Armoricórum regem pacis componéndæ cau-sa missus a Dagobérto, re-

ges ambos felíci fœdere sociávit. Regáli ejúsdem Dagobérti munificéntia adjútus Solemniacénse in Lemovícibus coenóbium cón-didit, Parisiis tercéntum puellárum ascetérium, aliúque póstea Noviómi eréxit, exáctam in síngulis constituens vivéndi disciplínam; cujus fervor, ne umquam tepésceret, exém-plo juxta stúduit et verbo. Plúrima diversis tempóri-bus auro, argénto, gemmis ornávit sepúlchra sanctórum, et mausoléum inprí-mis mártiris Dionýsii mi-ro artificio decorávit. De Ecclésiæ disciplína sollici-tus simoníacam labem, quæ altas in Gállia radíces égerat, junctis cum Audoéno stúdiis exstirpávit; effecít-que cum eo, ne quis deinceps epíscopus eligerétur, nisi qui integritáte morum céteris præfulgéret.

R. Pósui adjutórium.

Lectio vi.

Tamquam Aaron ad cleri honórem vocátus, etsi pro singulári sua ánimí de-missióne rénuens, sacris tamen initiátur, atque No-vioménsi præfícitur ecclésiæ. Quo in múnere omnes perfécti præsulis partes fidéliter adimplévit. Nam

commíssas sibi Christi o-ves in omni sciéntia ac do-ctrína erudíre, atque in omni patiéntia redargúere numquam cessávit. Inopum gregem quotidie pavit, só-litus étiam illórum sordes elúere. Orthodoxæ veritá-tis hostes pervígili cura detéxit, illorúmque nefários conátus elúsit. Idolólatras, non qui suam modo incolébant diocésim, sed étiam álios quamplúrimos ad veri Dei cognitióem et cultum addúxit, atque eórum fana subvértit. Cabilonénsi in-térfuit sýnodo anno a Vír-ginis partu sexcentésimo quinquagésimo circiter celebrátæ. Demum prophetiæ dono clarus, miraculórum fama insígnis, septuagená-rius plácide obdormívit in Dómino, ejúsque corpus summa fidélium veneratióne cónditum est in sepúlchro, quod Deus miráculis gloriósum réddidit.

R. Iste est, qui.

In III. Nocturno.


Lectio sancti Evangélíi se-cúndum Matthæum.

Lectio vii. Cap. 25.

In illo témpore: Dixit Je-sus discíplis suis pará-bolam hanc: Homo péregre proficíscens. Et reliqua.

Homilia sancti Gregorii Papæ.

Homilia in Evang.

 Nullus piger ab hac talénti acceptione secúrus est. Nullus namque est, qui veráciter dicat: Taléntum mínime accépi; non est, unde ratiónes pónere cogar: talénti enim nómine, cuilibet pauperi étiam hoc ipsum reputábitur, quod vel mínimum accépit. Alius namque accépit intelligéntiam; prædicationis ministérium debet ex talénto. Alius terrénam substántiam accépit; erogatióne talénti debet ex rebus. Alius nec internórum intelligéntiam nec rerum affluéntiam accépit, sed tamen didicit artem, qua páscitur: ipsa ars ei in talénti acceptione reputáitur. Alius nihil horum assecúsus est, sed tamen fortásse familiaritátis locum apud dívitem méruit, taléntum profecto familiaritátis accépit. Si ergo nihil ei pro indigéntibus lóquitur, pro talénti retentióne damnátur.

R̃. Amávit eum.

Lectio viii.

Habens ergo intelléctum, curet omnino ne táceat: habens rerum affluéntiam, vígilet ne a misericórdiæ

largitáte torpéscat: habens artem qua régitur, magnópere stúdeat ut usum atque utilitátem illius cum próximo partiátur: habens loquéndi locum apud dívitem, damnatióne pro reténto talénto tímeat, si, cum valet, non apud eum pro paupéribus intercédit: tantum quippe ab unoquoque nostrum ventúrus iudex éxiget, quantum dedit. Ut ergo de talénti sui ratióibus, redeúnte Dómino, quisque secúrus sit, cum tremóre penset quotidie quid accépit. Ecce namque jam juxta est, ut ille qui péregre profectus est, rédeat: quasi quippe péregre ábiit, qui de hac terra, in qua natus est, longe discessit; sed profecto revértitur, ut de taléntis ratiónes ponat, quia si a bona actione torpéscimus, de ipsis donis quæ cóntulit, nos dístrictius júdicat.

R̃. Sint lumbi.

Lectio ix.

Considerémus ergo quæ accépimus, atque in eórum erogatióne vigilémus. Nulla nos a spirituáli ópere terréna cura impédiat, ne, si in terra taléntum absconditur, talénti Dóminus ad iracúndiam provo-

cétur. Piger etenim servus cum jam culpas iudex exáminat, talentum de terra levat: quia sunt plerique, qui tunc se a terrénis desidériis vel opéribus súbtrahunt, quando jam per animadversiónem júdicis ad ætérnum supplicium tráhúntur. Ante ergo de talénti nostri ponénda ratióne vigilémus, ut, cum jam iudex ad feriéndum ímmínet, lucrum nos quod féci-mus excúset. Te Deum laudámus.

Index alphabeticus.

Clementis, Mart. duplex. 11. Sept.	pag. 6*
Cornelii, Papæ et Mart. duplex. 16. Sept.	6*
Eligii, Conf. et Ep. Noviomensis. duplex. 1. Dec.	9*
Joannæ Franciscæ Fremiot de Chantal, Vid. duplex. 9. Septembris.	4*
Josephi Calasanctii a Matre Dei, Conf. duplex. 11. Sept.	6*
Margaritæ Mariæ Alacoque, Virg. dupl. 17. Oct.	8*
Michaëlis, Archang. Dedicat. dupl. 1. class. cum Oct. 29. Septembris.	6*
— — Octava. duplex. 6. Oct.	6*
Rosæ a S. Maria, Virg. Limanæ, ac princip. Patr. totius Amer., dupl. 1. cl. cum Oct. 30. Aug.	1*
— — Octava. duplex. 6. Sept.	1*
Unius Martyr. Cæsaraugustani. duplex. 31. Oct.	9*
Ursulæ et Soc. Virg. Mart. duplex. 21. Oct.	8*

ADPROBATIO.

Revisione peracta omnia cum originalibus concordant.
In fidem etc.

Ex Secretaria Sacrorum Rituum Congregationis hac die
24. Novembris 1880.

Pro **R. P. D. Placido Ralli**, Secretario
Joannes Canonicus Ponzi, Substitutus.

Imprimatur.

Ratisbonæ, die 11. Juli 1895.

Dr. Fr. X. Leitner, Vic. in Spirit. Gener.



Exorcismus

contra imminentem tempestatem fulgurum,
et grandinis.

Per signum ✠ crucis, de
inimicis ✠ nostris, lí-
bera nos ✠ Deus noster. In
nómine Patris, ✠ et Filii, et
Spíritus sancti. Amen.

Dicitur Symbolum fidei,
scilicet: Credo in Deum Pa-
trem, etc.

Deinde Kýrie eléison.
Christe eléison. Kýrie eléi-
son.

Pater noster.

Y. Adjutórium nostrum
in nómine Dómini. R. Qui
fecit cœlum et terram.

Y. Sit nomen Dómini be-
nedictum. R. Ex hoc nunc,
et usque in sœculum.

Y. Exsúrgat Deus, et dis-
sipéntur inimíci ejus. R. Et
fúgiant qui odérunt eum a
facie ejus.

Y. Exsúrge Christe, ad-
juva nos. R. Et líbera nos
propter nomen tuum.

Y. Dómine, exaúdi ora-
tiónem meam. R. Et cla-
mor meus ad te véniat.

Y. Dóminus vobíscum.
R. Et cum spírítu tuo.

Orémus.

Oratio.

Dómine Jesu Christe, qui
fecísti cœlum et ter-
ram, mare, et ómnia quæ in
eis sunt; quique flúmini
Jordáni benedixísti, atque
in eo baptizári voluísti, et
tuas sanctíssimas manus,
et bráchia sacratíssima in
cruce extendísti, quibus
áërem sanctificásti: obse-
crámus imménsam pietátis,
et bonitátis tuæ abundán-
tiam, quátenus has nubes,
quas ante me, et post me,
et supra me, a dextris et a
sinístris vídeo áërem per-
turbáre, dissólvere et anni-
hiláre dignéris; ut alligáta
potéstas dæmonum ímpie
desæviéntium deficiat et
turbétur ad laudem tui san-
ctíssimi nóminis, et poten-
tíssimæ majestátis tuæ. Qui
vivis et regnas cum Deo
Patre.

R. Amen.

Postea conversus ad nu-
bes, signet eas signo ✠ di-
cens. Circúmdet te nubes
Deus ✠ Pater. Circúmdet

te Deus ✠ Fílius. Circúm-
det te Deus Spíritus ✠ san-
ctus. Déstruat te Deus ✠
Pater. Déstruat te Deus ✠
Fílius. Déstruat te Deus
Spíritus ✠ sanctus. Cóm-
primat te Deus ✠ Pater.
Cómprimat te Deus ✠ Fí-
lius. Cómprimat te Deus
Spíritus ✠ sanctus. Amen.

Obsecratio. Sanctus Mat-
thæus, sanctus Marcus,
sanctus Lucas, sanctus Jo-
ánnes Evangelista, qui Chri-
sti Evangélium per quátuor
mundi partes divulgárun-
t, ipsi suis méritis et préci-
bus, hanc tempestátem a
término isto, et ab ómni-
bus christianórum fínibus,
ab eódem Dómino nostro
Jesu Christo obtíneant ef-
fugári et depélli.

Exorcismus.

Et ego peccátor, et Christi
sacérdos seu mínister,
licet indígnus, auctoritáte
et virtúte ejúsdem Dei et
Dómini nostri Jesu Christi
summi Imperatóris, non
mea poténtia inníxus et
confisus, vobis præcípio,
immundíssimi spíritus, qui
has nubes seu nébulas con-
citátis, in virtúte ejúsdem
Dei et Dómini nostri Jesu
Christi, per ✠ sanctíssimam
ejus Incarnatiómem, persan-
ctam Nativitátem, per Ba-

ptísum et Jejúnium ip-
sius, per ejus sanctíssimam
Crucem ✠ et Passiónem,
per sanctam Resurrecti-
onem, per admirábilem A-
scensionem, per tremén-
dum Advéntum ejus et Ju-
dícium, per mérita inteme-
rátæ sempérque Vírginis
Maríæ et sanctíssimi N. et
per mérita ómnium San-
ctórum, ut exeátis ab eis,
et eas dispergátis in locis
silvéstribus et incúltis: quá-
tenus nocére non possint
homínibus, animálibus, frú-
ctibus, herbis, arbóribus,
aut quibuscúmque rebus
humánis úsibus deputátis.
Per eúmdem Dóminum no-
strum Jesum Christum, qui
ventúrus est judicáre vivos
et mórtuos, et sæculum per
ignem. Amen. Ipse vobis
ímpérat, dæmones, qui has
nubes commovétis, de quo
de nube lúcida dictum est:
Hic est Fílius meus dilé-
ctus, in quo mihi bene com-
plácuí. ✠ Ipse vobis ím-
perat, qui sua sacratíssima
cruce, et córporis sui san-
ctíssimi in ea extensióne
áërem purgávit. ✠ Ipse vo-
bis ímpérat, qui per mor-
tem suam vos, príncipem
vestrum, mortémque deví-
cit et ligávit, atque æternæ
gehénnæ mancipávit igni-
bus. ✠ Ipse vobis ímpérat,

qui inférno spoliáto surrexit a mórtuis. ✠ Ipse vobis imperat, qui post quadraginta dies, nube susceptus virtúte sua ascéndit in cœlum. ✠ Ipse vobis imperat, qui ventúrus est judicáre vivos et mórtuos, et sæculum per ignem.

R. Amen.

Et postea ostendat crucem in aëra, dicens: Ecce lignum sanctíssimæ crucis, fúgite partes advérsæ: vicit enim vos et mundum Dóminus noster Jesus Christus Fílius Dei, Imperátor summus, leo de tribu Juda, radix David.

Postea aqua benedicta in modum crucis ✠ aspergat quatuor latera. Dicendæ sunt etiam Litaníæ; si nondum quievit tempestas, Symbolum S. Athanasii: Quicumque vult. Ant. Salve Regina, et Sub tuum præsidium, Canticum Benedícite ómnia, cum V. Glória Patri, et Fílio, in quolibet versu dicti Cantici.

Deinde

V. Benedicámus Patrem, et Fílium, cum sancto Spíritu. R. Laudémus, et superexaltémus eum in sæcula.

V. Ora pro nobis, sancta Dei Génitrix. R. Ut digni efficiámur promissionibus Christi.

V. Exsúrge, Christe, ádjuva nos. R. Et líbera nos propter nomen tuum.

V. Dómine, exaúdi orationem meam. R. Et clamor meus ad te véniat.

V. Dóminus vobíscum. R. Et cum spíritu tuo.

Oratio.

Omnípotens sempitérne Deus, qui dedisti fámulis tuis in confessióne veræ fidei, æternæ Trinitátis glóriam agnóscere, et in poténtia majestátis adoráre unitátem: quæsumus; ut ejúdem fidei firmitáte, ab ómnibus semper muniámur advérsis.

Oratio.

Prótege, Dómine, fámulos tuos subsidiis pacis, et beatæ Mariæ semper Vírginis patrocínio confidentes, a cunctis hóstibus, et perículis redde secúros.

Oratio.

Adomo tua, quæsumus, Dómine, spiritáles nequitiæ repellántur, et aëreárum discédát malignitas tempestátum.

Oratio.

Ad te nos, Dómine, clamantes exaúdi, et aëris serenitátem nobis tribue supplicántibus: ut qui iuste pro peccátis nostris af-

**flígitur, misericórdia tua
præveniēte, cleméntiam
sentiámus.**

Oratio.

Largíri et conserváre fru-
ctus terræ dignáre, Dó-
mine Deus noster: ut tem-
porálibus gaudeámus auxí-
liis, et proficiámus spiritua-
libus incrementis. Per Chri-
stum Dóminum nostrum.

Potest dici et Oratio illius Sancti, in cuius honore constructa est ecclesia, et aliorum Sanctorum, in quibus plus de eorum adjutorio confidimus propter specialem devotionem nostram. Possunt dici et aliæ etiam devotæ orationes cum compunctione et cordis contritione, implorando semper misericordiam Dei. Et si adhuc tempus tempestuosum perseveraverit, poterunt supradicta pluries repeti.



Die 4. Septembris.

Sexta die infra Octavam

S. Rosæ a S. Maria Virginis.


Semiduplex.

In II. Nocturno.

Sermo sancti Augustini
Episcopi.

De Sancta Virginitate, cap. 2.

Lectio iv.

um universa Ecclesia virgo sit desponsata uni viro Christo, sicut dicit Apostolus, quanto digna sunt honore membra ejus, quæ hoc custodiunt, etiam in ipsa carne, quod tota custodit in fide, quæ imitatur matrem viri, et Domini sui? Nam Ecclesia quoque et virgo et mater est. Cujus enim integritati consulumus, si virgo non est? aut cujus prolem alloquimur, si mater non est? Maria corporaliter caput hujus corporis peperit: Ecclesia spiritaliter membra illius capitis parit. In utraque virginitas fecunditatem non impedit, in utraque fecunditas virginitatem non admittit.

R. Propter veritatem, et mansuetudinem, et justitiam: * Et deducet te mirabiliter dextera tua.
V. Specie tua et pulchritudine tua intende, prospere procede, et regna. Et deducet.

Lectio v.

Virginális autem integritas, et per piam continentiam ab omni concubitu immunitas, Angelica portio est, et in carne corruptibili incorruptionis perpetuæ meditatio. Cedat huic omnis fecunditas carnis, omnis pudicitia conjugalis. Illa non est in potestate, ista non est in æternitate. Fecunditatem carnalem non habet liberum arbitrium, pudicitiam conjugalem non habet cælum. Profecto habebunt magnum aliquid præter ceteros in illa communi immortalitate, qui habent ali-

quid jam non carnis in carne.

R. Dilexisti justitiam, et odisti iniquitatem: * Propterea unxit te Deus, Deus tuus, óleo lætitiæ. V. Propter veritatem, et mansuetudinem, et justitiam. Propterea.

Lectio vi.

Sequimini Agnum quocumque ierit, scripsit ille de vobis. Quo ire putamus hunc Agnum? quo nemo eum sequi vel audeat, vel valeat, nisi vos virgines. Quo putamus eum ire? in quos saltus et prata? Ubi, credo, sunt grandia gaudia; non gaudia sæculi hujus vana, insaniæ mendaces, nec gaudia, quælia in ipso regno Dei ceteris non virginibus erunt, sed a ceterorum omnium gaudiorum sorte distincta. Gaudium virginum Christi, est de Christo, in Christo, cum Christo, post Christum, per Christum, propter Christum. Gaudia propria virginum Christi non sunt eadem non virginum, quamvis Christi; nam sunt aliis alia, sed nullis talia. Ite in hæc, sequimini Agnum, quia et Agni caro utique virgo. Sequimini virgini-

tate cordis et carnis, quocumque ierit. Quid est eum sequi, nisi imitari?

R. Afferentur Regi virgines post eam, proximæ ejus * Afferentur tibi in lætitia et exultatione. V. Spécie tua et pulchritudine tua intende, prospere procede, et regna. Afferentur. Glória Patri. Afferentur.

In III. Nocturno.

Lectio sancti Evangelii secundum Matthæum.

Lectio vii. Cap. 25.

In illo tempore: Dixit Jesus discipulis suis parabolam hanc: Simile erit regnum cælorum decem virginibus, quæ accipientes lampades suas, exierunt obviam sponso et sponsæ. Et reliqua.

Homilia sancti Augustini Episcopi.

Serm. 23. de Verbis Domini, cap. 2.

Intelligamus, carissimi, ad omnes nos, idest ad universam omnino Ecclesiam, istam pertinere parabolam, non ad solos præpositos, nec ad solas plebes, sed prorsus ad omnes. Quinque istæ, et quinque virgines illæ, omnes omnino sunt

ánimæ Christianórum: sed, ut dicámus vobis quod, Deo inspiránte, sentímus, non qualescúmque ánimæ, sed tales ánimæ, quæ habent cathólicam fidem, et habére vidéntur bona ópera in Ecclésia Dei; tamen ex ipsis quinque sunt prudéntes, et quinque fátuæ.

R. Hæc est Virgo sápiens, quam Dóminus vigilántem invénit, quæ accéptis lampádibus sumpsit secum óleum: * Et veniénte Dómino, introívit cum eo ad núptias. **V.** Média nocte clamor factus est: Ecce sponsus venit, exíte óbviám ei. Et veniénte.

Lectio viii.

Quare ergo appellátæ sunt quinque, et quare vírgines, prius videámus. Omnis ánima in corpore ideo quinário número censétur, quia quinque sénsibus útitur. Qui ergo se abstinet ab illícito visu, ab illícito audítu, ab illícito odorátu, ab illícito gustátu, ab illícito tactu, propter ipsam integritátem, vírginis nomen áccipit. Sed si bonum est abstinére ab illícitis sentiéndi mótibus, et ideo unaquæque ánima

Christiána vírginis nomen áccipit; quare quinque admittúntur, quinque autem repellúntur.


R. Média nocte clamor factus est: * Ecce sponsus venit, exíte óbviám ei.

V. Prudéntes Vírgines aptáte vestras lámpades. Ecce sponsus. **G**lória Patri. Ecce sponsus.

Lectio ix.

Et vírgines sunt, et repellúntur. Parum est, quia vírgines sunt, et lámpades habent: vírgines propter abstinéntiam ab illícitis sénsibus, lámpades habent propter ópera bona; de quibus opéribus Dóminus dicit: Lúceant ópera vestra coram homínibus. Item discípulis dicit: Sint lumbi vestri præcíncti, et lucérnæ ardéntes in mánibus vestris. In lumbis accínctis virginitas, in lucérnis ardéntibus ópera bona. Si ergo ab illícitis abstinéntia bona est, unde virginitas nomen accépit; et ópera bona laudábília sunt, quæ significántur lampádis; quare quinque admittúntur, et quinque repellúntur?

Te Deum laudámus.



Concordat cum Originali.
Ratisbonæ, die 30. Aprilis 1897.

Dr. Fr. X. Leitner, Vic. in Spir. Gen.

Sumptibus et Typis Fr. Pustet.

DIE XXVII. FEBRUARII.

IN FESTO

BEATÆ JOSEPHÆ MARIÆ

A S. AGNETE VIRGINIS O. N.

Duplex.

Omnia de Communi Virg. præter sequentia.

Ad Magnificat, in utrisque Vesperis, Añã. In simplicitate cordis et sinceritate Dei, conversata est in mundo.

Oratio.

DEUS qui Beatam Josepham Agnetem Virginem tuam vitæ innocentia, simplicitate cordis, et miris tuæ gratiæ decorasti muneribus; da nobis, quæsumus, ejusdem precibus et exemplo ita innocentè vivere, ut ad æterna mereamur gaudia pervenire. Per Dominum.

In j. Nocturno Lectiones de Scriptura occurrente.

In secundo Nocturno.

Lectio iv.

BEATA Josephæ Mariæ a S. Agnetè in oppido Valentiniæ citimo, cui nomen Beniganim, ex pauperibus sed piis honestisque parentibus orta est; quorum exemplis ipsa pietatem quasi cum lacte hausit. Ab ineunte ætate egrègia ejus animi indoles adeo emicuit, ut jam tunc magnam de se spem et exspectationem excitaret. Singulâri pietate in magnam Dei Parentem ferebatur, quam pia adolescèntula in

HIEM. ET VERNÆ AUGUST.

Matrem habuit, præsertim cum demortuo patre necessarii cujusdam sui domum deducta esset a matre. Mundi pericula mature intelligens, humillimis iteratisque precibus inter Sacrarum Virginum numerum in patrio Monasterio Excalceatarum Sancti Augustini recipi tandem impetravit. Tunc vero, arctiori nexu se Deo devictam esse sentiens, tam inflammato studio novam vivendi rationem ingressa est, tantaque contentione, animo excolendo dedit operam, ut adhuc tiruncula religiøsissimis sororibus in exemplum præluxerit.

¶. Propter veritatem.

Lectio v.

DUM virginitatis decus omnium virtutum laude, et singulâri simplicitate morumque candore Josephæ cumularet, voluit Deus quasi quodam in prælio omnes famulæ suæ vires periclitari. Sævis namque tentationibus, morbisque correpta est, diutinis et gravibus: affecta etiam linguæ stupore per trium annorum spatium obmutuit, ita tamen ut solemnioribus anni diebus loquela uteretur, et de rebus

I

coeléstibus disertíssimos habéret sermónes. Quin étiam divínus Sponsus suam fámulam quasi per ignem probatúrus, múnere suórum dulcédine perfúndere désiit et sese ab ea quodámmodo abduxit. Ipsa tamen, tam ægri córporis morbos, quam oblanguéntis ánimi angórem patiénter pértulit, etsi præ cæteris et acerbior esset et insólitus. Sedáta déni- que Dei beneficio tempe- státe, coeléstibus recreári delíciis ádeo cœpit, ut súpe- rum gáudia, quibus jam ma- túra erat prægustáre vide- rétur.

℞. Dilexísti justítiam.

Lectio vj.

SÆPE étiam Dei Fámula persénsit futúra, et vehe- ménti cogitatíone in Deum defíxa, sensúque córporis abstrácta ad coeléstes visió- nes rapta est. Quaprópter viri régii ságuinis, aut no- bilitáte et auctoritáte præ- stántes, ejúsdem consília petébant, ejúsqe pietáti se máxime commendábant. Ita virtútum ómnium exer- citatíone perfécta, ac sin-

guláribus a Deo cumuláta donis, vitam virgíneo splen- dóre niténtem ad senectú- tem usque perdúxit : ac de- mum gravi morbo afflictáta, die sacro sanctæ Agneti Vírgini et Mártýri, quam singulárem Patrónam sibi constitúerat, inter religiosá- rum Sorórum lácrymas ad coeléstem pátriam advolá- vit. Ejúsdem porro sanctitá- tem étiam post mortem Deus miráculis confirmávit; quibus rite probátis, Leo Decimustértius ipsam Josépham Agnétem in Beatá- rum Vírginum catálogo ad- scrípsit; ejúsqe festum óp- pido Beníganim, universó- que Excalceatórum Sancti Augustíni Ordini celebrán- dum indúlsit.

℞. Afferéntur regi.

In iij. Nocturno Homilia in Evang. Símile erit re- gnum coelórum decem vir- gínibus, de Comm. j. loco.

Ad Benedictus, Añá. Hæc Virgo servívit Dómino cum exsultatíone, et simplicitáte cordis laudávit Deum, ideo Dóminus dedit illi grátiam ad omnem plebem.

Imprimi potest.

Mechliniæ, die 25 Septembris 1890.

† PETRUS LAMBERTUS, CARD. GOOSSENS,
Archiepiscopus Mechlinien.

OFFICIA PROPRIA

DEO CENSIS

REGII LEPIDI

PARS HIEMALIS

FESTA PROPRIA

DIE I.

CHRYSANTHI ET DARIÆ

ATORUM Mártyrum tuórum,
Dómine, Chrysánthi et Daríæ,
quæsumus, adsit nobis orátio:
ut quos venerámur obséquo,
eórum pium júgiter experiámur
auxílium. Per Dóminum.

In Epístola secúnda

beáti Pauli Apóstoli ad Co-
rínthios.

HABEMUS thesáurum istum in
vasis fictílibus: ut sublími-
tas sit virtútis Dei, et non ex
nobis. In ómnibus tribulatió-
nem pátimur, sed non angustiá-
mur: aperiámur, sed non desti-

túimur: persecutióne[m] páti-
mur, sed non derelínquimur:
humiliámur, sed non confú-
dimur: deijícimur, sed non pe-
rímus: semper mortificatióne[m]
Jesu in córpore nostro circum-
feréntes: ut et vita Jesu mani-
festétur in corpóribus nostris.
Abstérget Deus.

LECTIO II.

EMPER enim nos, qui vívimus,
in mortem trádimur propter
Jesum: ut et vita Jesu mani-
festétur in carne nostra mortáli.
Ergo mors in nobis operátur,
vita autem in vobis. Habéntes
autem eúndem spíritum fídei,
sicut scriptum est: Crédidi, pro-
pter quod locútus sum: et nos
crédimus, propter quod et lóqui-
mur: sciéntes quóniam, qui su-
scitávit Jesum, et nos cum Jesu
suscitábit, et constituet vobis-
cum. Omnia enim propter vos:
ut grátia abúndans per multos
in gratiárum actióne, abúndet
in glóriam Dei.

Viri sancti.

LECTIO III.

PROPTER quod non deffícimus;
sed licet is, qui foris est, no-

ster homo corrumpatur: tamen is qui intus est, renovatur de die in diem. Id enim, quod in praesenti est, momentaneum et leve tribulationis nostrae, supra modum in sublimitate aeternum gloriæ pondus operatur in nobis: non contemplantibus nobis, quæ videntur, sed quæ non videntur. Quæ enim videntur, temporalia sunt; quæ autem non videntur, æterna sunt.

R. Tradiderunt corpora.

In II. Nocturno.

Lectio iv.

SANCTORUM Chrysanthi et Darsæ corpora in urbem Æmilie Regium hac ratione translata sunt. Cum primus Berengarius Longobardorum rex, qui etiam in Italia imperium obtinuerat, Romam ob regni negotia petisset; cogitarétque ecclesiam Papie, regia atque imperatoria magnificentia dignam, in qua et ipse sepelirétur, ædificare; eam ut sanctorum quoque reliquiis celebriorem redderet, circiter annum nongentesimum quintumdecimum, a Joanne decimo, tunc temporis, Pontifice Máximo, sanctorum Chrysanthi et Darsæ corpora ea lege, ut dictam ecclesiam cõderet, tandem impetravit. Qui, quæ cogitaverat, perficere non potuit. Nam Papiam ingenti læstia reversus, mox et bello petitus, et Longobardorum insidiis circumventus, regnoque privatus, occiditur. Cui succedens non multos post annos Berengarius tertius ejus nepos ex filia, cum esset Adelardo Regiensium episcopo arcta familiaritate conjunctus, ac beneficiis

acceptis devinctus, ejus adductus precibus, eadem Sanctorum corpora ipsi donavit, ut illa in sua ecclesia honorifice collocaret, circiter annum Domini nongentesimum quadragesium septimum, Agapito secundo Pontifice Máximo.

R. Sancti tui.

Lectio v.

CUM vero et ipse Berengarius tertius multis bellis esset implicatus, Adelardus metuens, ne in ea rerum perturbatione tanto thesauro privaretur, Urso Regiensis Ecclesie advocato, atque alteri religioso sacerdoti dictas reliquias quam occultissime Regium asportandas tradidit. Quo in itinere illud periculum accidit, quod cum in agro Ticinensi, qua iter est Regium, fluvii extra ripas exundassent, et tota via aquis ingentibus nataret, ii tamen, qui intempesta nocte Martyrum corpora deferabant, toto itinere siccis pedibus confecto, Regium pervenerunt. Ubi illa honorifice excepta, et multis a Deo signis ac miraculis cohonestata, in basilica sanctæ Marie solenni pompa, ac celebritate Kalendis Decembris condita sunt.

R. Verbera carnisficum.

Lectio vi.

VERUM eum in nonnullorum animis insideret suspicio, quod prædicta sanctorum corpora Papie adhuc essent, quo initio a Berengario delata fuerant; Ugo Rangonius Regiensis episcopus, ut ex hominum animis scrupulum hunc evelleret, indicto prius triduano jejuniis, oratione præmissa, nocturnoque Martyrum in choro decantato, ac sacro Missæ sa-

crificio per Episcopum ipsum peracto; arcam, in qua sacra pignora servabantur, malleolo a se percussam, aperiri jussit, clero, populoque inspectante, ac septem tabellionibus acta excipientibus, pridie Kalendas Decembris, anno Domini vigesimo secundo supra sesquimillesimum, Adriano sexto Pontifice Máximo. In arca inventa est tum lignea pyxis, referta linteis, vestibulusque concisus, ac sanguine respersus; tum ad ejus latus capsella, in quo Sanctorum corpora erant reposita, mirificum odorem spirantia. Quibus omnibus in público inspectis, instituta statim est circum platéam solémnis supplicatio: deferente Episcopo utrumque caput cum brachiis; canonicis autem in ferculo capsellam, ac pyxidem, cum cæteris inclusis ibi reliquiis. Et hæc quidem, absolutâ supplicatione, venerationi per integrum diem expositæ sunt. Quo tempore periti medici, ad hoc ipsum adhibiti, censuerunt alterius ossa ac reliquias maris esse; alterius femine et utriusque annum agentis circiter vigesimum. Deinceps vero capita et brachia, collegii canonicorum liberalitate, duobus argenteis simulacris inclusa, cæteræ vero reliquie cum capsella in arca marmorea sunt repositæ.

R. Tamquam aurum.

In III. Nocturno.

Lectio sancti Evangelii secundum Lucam.

Lectio vii. Cap. 11.

In illo tempore: Dicebat Jesus turbis Judæorum, et principibus sacerdotum: Væ vobis, qui

ædificatis monimenta prophetarum: patres autem vestri occiderunt illos. Et reliqua.

Homilia sancti Joannis

Chrysostomi.

In Matth. 23. Homil. 75.

ante med.

Ut inquiratur, inquit, sanguis omnium prophetarum a sanguine Abel usque ad sanguinem Zachariæ, qui periit inter altare et ædem. Vide quot modis, et argumentis revocare, stabilireque ipsos studeat. Dixit jam patres suos ab ipsis condemnatos, qui hi communicassent cum illis, quod ad convertendum parum non est. Dixit quoniam condemnantes alios, ipsis peiora faciunt: quod ad confusionem ipsorum sufficiebat. Dixit, quia non ferent ista impune: et ut terrôris magnitudinem renovaret, gehennam eis intentavit. Verum quia gehenna futura est in altera vita, adjecit et præsentia. Vénient, inquit, omnia hæc in generationem hanc: quæ supplicia cum acrimonia protulit dicens, quoniam graviora cæteris patiuntur. Nulla tamen harum omnium ratione facti sunt meliores.

R. Propter testamentum.

Lectio viii.

Si quis diceret, cur nam graviora omnibus patiuntur? Respondendum est, quia graviora foedioraque, quam cæteri omnes perpetrarunt, et nihil eos a sceleribus potuit revocare. An non audistis Lamech dicentem, vindictam ex Cain septies, ex Lamech vero septuagies septies? hoc est, pluribus ego, quam Cain, supplicii dignus sum. Atqui Lamech fratrem non interfecerat, ut Cain. Sed quia

nec exémplo quidem commónitus prudentior factus est, magis puniitur. Quóniam qui multos propter peccáta sua vexátos esse non ignórat, neque idcirco factus est mélior, sed eádem committere non curat, illórum quoque pœnas juste sustinébít. Opportúne autem Abel in médium produxit; ut osténdat, invidiá étiam ipsos in cædem incitári.

R. Sancti mei.

Lectio ix.

QUID igitur, inquit, dñcere potestis? an fòrsitan, quod post commissá Deus contícuit? an quod exclamávit quidem, sed gravióra supplícia non popóscit? an quod ignorástis, quibus patres vestri exagitáti sunt modis, quóniam prophétas occidérunt? nonne mille cládibus trádití perierunt? quómodo igitur meliòres facti non estis? Cur autem patrum vestrórum supplícia, et quæ passi sunt, ego enárrem? ipsi vos patres vestros ságuinis crímine condemnástis. Cur ergo pejóra fácitis? vos ipsi jam senténtiam protulístis, quia malos male perdet: quam igitur, post hanc senténtiam, véniam impetrábitis? O inestimábilem Dei misericórdiam! qui quamvis sciret, hæc Judæis nihil profutúra, nihilóminus prædicáre, et admonére nunquam cessávit.

Te Deum laudámus.

DIE XIV.

S. SPIRIDIONIS

Episcopi Cæsariensis.

Daplex.

Omnia de Comm. Conf. Pont., præter sententiám.

Oratio. Da, quæsumus.

Lectiones. Lectio i. de Synagoga occurrente. In Quatuor Tempore. Fidei sermo.

In III. Nosturno.

Lectio iv.

SPIRIDION, Tremithúntis urbis Scypri episcopus, unus fuit ex iis confessoribus, qui Máximo imperátore, dextero óculo éruto, et sinistro póplite succiso, ad metálla relegáti sunt. Hic, Constantíno imperátore, Nicæno Concílio cum interésset, philosophum éthnicum christiánæ religióni insultántem miro prorsus modo devicit, et ad fidem perdúxit. Sardicénsium Patrum consés-sum sua quoque præsentia, ut beátus Athanásius testátur, ornávit. Triphyllium Ledrénssem episcopum, virum ómnium suæ ætátis eloquentíssimum, in synodo orántem, quod símplici divínæ Scriptúræ voce uti dignátus esset, palam reprehéndit. Intérea beátus Spiridion ecclésiám sibi commísam cum sanctíssime régeret, non prophetiæ dono solum, sed miraculórum étiam virtúte clarus éxitit: nam caritáte fervens, ut innocéntem cápite damnátum liberáret, viam agébat, et torrén-te valde exundánte impediebátur: at império Spiridiónis torrens stetit, et sibi aliisque viatóribus páuit via.

R. Invéní David.

Lectio v.

QUADAM nocte cum ad caulas ovium fures venissent (factus enim episcopus, propter singulárem animi modéstiam, oves étiam pavit), et manus improbas, quo áditum educéndis óvibus fácerent, exten-

dissent, invisibilibus quibúsdam vñculis restricti, usque ad lucem velut traditi tortóribus permansérunt. Cum vero oves ductúrus ad pascua matutínus se ágeret sénior, videt júvenes absque húmánis vñculis in caulis pendére districtos. Cumque causam noxæ comperísset, absolvit sermóne, quos méritis vínxerat; et ne eis inánis noctúrna céderet occupátio: Tóllite, inquit, o júvenes, unum vobis aríetem, ne sine causa venísse videámini, quem mélius prece, quam furto quæsisse convénerat. Antiochiám jussu Constantií imperatóris proféctus, eúmdem morbo laborántem solo tactu sanávit; ubi, cum quidam áulicus illius sacræ maxillæ incussísset cólaphum, promptus ad domínica[m] legem impléndam illi præbuit et álteram.

R. Pósui adjutórium.

Lectio vi.

WILIAM hábuit sanctus Epíscopus Irénem nómine (dúxerat enim ipse, dum láicus esset, uxórem, cum qua paucos annos honéste tradúxit), quæ cum bene ei ministrásset, virgo defúcta est. Post ejus óbitum venit quidam, dicens se ei quoddam depósitum commendásse. Rem gestam ignoráverat pater. Perquisítum in tota domo nusquam, quod poscebátur, invéntum est. Persistébat tamen ille, qui commendáverat, et fletu ac lácrimis perurgébat, vitæ suæ quoque illatúrum se esse éxitum, nisi commendáta recíperet, testabátur. Permótus lácrimis ejus senex, ad sepúlchrum filiæ properat, atque eam ex nómine clámitat. Tum illa de sepúlchro: Quid vis, ait, pater? Commen-

dátum, inquit, illús ubi posuísti? At illa locum designans: illic, ait, invénies defóssum. Regréssus domum, rem sicut filia de sepúlchro responderat repértam, tradidit reposcénti. His, aliisque rebus divinitus gestis, clarus prudéntia páriter et christiána simplicitáte, singularique erga peregrínos, et páuperes pietáte admirándus, cum Ecclesiám Tremithuntínam mirífice gubernásset, plenus diérum obdormívit in Dómino. Ejus corpus, ad quod multa miracula facta legúntur, longo post témpore ex loco, ubi primum sepultúræ tradítum fúerat, Corcyram delátum, pia fidélium veneratióne cólitur. Celebrátur beáti Spiridiónis dies festus apud Græcos pridie Idus Decémbris. R. Iste est qui.

In III. Nocturno Hom. Lectio sancti Evangelíi S. Gregoríi in Evang. Homo pérégre, de eodem Gemmáti I. lxxv.

FESTA JANUARI

DIE XV.

S. MAURI Abbatis.

Duplex.

Omnia de Comm. Conf. non Pont., præter son.

Oratio. Intercéssio nos.

In I. Nocturno Lectiones de Scriptura occurrente.

In II. Nocturno.

Lectio iv.

MAURUS nóbilis Románu[s] ab Meutychio dignitátis Senatóriæ, et Júlia paréntibus, puer duodécimo ætátis suæ anno, Deo sub sancti Benedícti disciplína ad Sublácum oblátus, il-

lico exultávit ut gigas ad curréndam Evangélicæ perfectiōnis viam. Nemo álius in ascética Benedícti schola ad sensus ánimi, corporisque repriméndos solértior, nemo ad virtútum ómnium exercitatiōnes alácrior fuit. Is usque dum vixit, hórrida quadam cilícii spécie, qui tum trógulus dicebátur, ab húmeris lumbórum tenus sub túnica perpétuo indútus, et vigíliis, jejúniis, siléntio, mánuum labóre, atque áliis id genus córporis afflictatiōnibus assué-tus, plerúmque noctis atque diéi in cæléstium contempla-tiōne traducébat. Cum vero oráanti somnus obréperet, super sábuli, calcísque congériem, eódem quo utebátur, cilício parúmper decumbébat, tum ut ad matutínas horas matúrius excitarétur, tum ut satis sibi superésset noctúrni témporis, quod sacris lectiōnibus et psal-terii recitatiōne privátim consu-meret. In quo quidem tanta ánimi voluptáte afficiebátur, ut sæpíssime in dulcíssimam éxtasim raperétur. Per quadra-gésimam vero, ut Christi pa-tiéntis magis formarétur exém-plo, aspérrimo circúmdatus ci-lício, semel atque íterum in hebdomada ténui cibo usus, qui corpus vix reficeret, cum levi somno tenerétur, non ja-cére quidem, sed aut stare, aut si lassus deficeret, sedére sólitus erat. *R.* Honéstum fecit.

Lectio v.

IAC insólita vivéndi ratiōe præter commúnes cœnóbii institutiōnes, quibus erat obse-quentíssimus, brevi tantum di-vína grátia profécit, ut ipsi magístro admiratiōni esset, qui

illum sæpe véluti ascéticæ vitæ, et virtútum ómnium espécimen áliis discípuulis imitándum pro-ponébat. Hujus adhuc adole-scéntis illud admirábilis obe-diéntiæ exémplum a S. Gregó-rio Papa commemorátur. Nam cum Plácidus mónachus in la-cum prolápsus aquárum impetu raperétur, sancti Patris jussu accúrrens Maurus, et super a-quas incédens, sócium capíllis apprehénsus ad terram attrá-xit. Exínde Cassínum addúctus, in imbuéndis christiána fide il-lús loci incolis, ibíque ædifi-cándo monastério, sancto Be-nedícto adjútor fuit. Cassinénsis famíliæ præfécus Diaconátu ini-tiátus est. In Gálliam ire jussus summa alacritáte illud iter ar-rípuit, ut monásticam disci-plínam eo quam primum invé-heret. Miraculórum vestígia re-líquit quacúmque iter egit; quod dum prope erat ut confí-ceret, vidit, Deo revelánte, á-nimam sui patris Benedícti eúntem in cælum pállio orná-tam pretiosíssimo, crebris cir-cum úndique fáciibus a terra ad cælum usque collucéntibus, quod beáto Románo, aliisque si-gnificávit. Ubi Andegavénsium fines áttigit, tamquam apósto-lus visus est, qui célestri mona-stério, quod Glanasólum dicitur extrúcto, cui annos quadra-ginta præfuit, monachórum in-stitútum mirífice propagávit, quod per suos defíceps alúmnos longe, latéque diffúsus est.

R. Amávit eum.

Lectio vi.

FAMA tanti viri, per quem Deus cæcis visum, loquélam mutis, claudis gressum, vitam mórtuis, energúmenis libertátem, atque.

alia aliis impertitus erat, ita animos hominum occupaverat, ut certatim omnes illum veluti commune praesidium adferint; immo ipse Francorum rex Theodobertus ejus genibus provolutus se, suaque omnia ei commendaverit, et Glanafoliense coenobium regia munificentia locupletaverit. Jam supremum sibi diem oppetere Maurus praesenserat; quare abdicato munere, alium, qui monachis praesesset, Abbatem creari curavit. Ipse autem in partem domus remotiorem secessit, ubi biennio, mortis memor, Deo adhæsit vehementius. Interim cum ipse timeret suis a daemonis invidia, Angelus e caelo adesse visus bono animo eum esse jubet, docetque, discipulorum plerisque vitam cum morte prius commutatum ire, ut aeterna beatitudine donentur, deinde ipsum proxime hinc migraturum in caelum. Tandem arduo vitae genere, et laboribus pro animarum salute confectus, acerrimo lateris dolore corripitur, ad aram beati Martini in cilicio decumbit, et divinis mysteriis munitus, coram his qui reliqui sunt discipulis, caelestem in patriam recipitur duos circiter et septuaginta annos natus decimo octavo Kalendas Februarias anno Domini quingentesimo octogesimo fere quinto. Ad ejus sepulchrum, et ad monasterium Fossatense, quo ejus corpus postea delatum est, plurima Deus patravit miracula. R. Iste homo.

In III. Nocturno Homil. Grandis fiducia, in Evang. Ecce nos reliquimus omnia etc., de Corom. Abbate.

DIE XIX.

B. BEATRICIS Estensis II. Virginis.

Duple x.

Omnia de Comm. Virg., praeter seq.

Oratio.

DEUS, qui beatam Beatricem virginem a saeculi delictis ad Jesu Christi Filii tui vestigia sequenda, et ad eximium illius Crucis amorem traduxisti; concede, ut ejus imitatione ita per bona temporalia transeamus, ut consequamur aeterna. Per eundem Dominum nostrum.

Comm. SS. Marii etc. ut in Breviario.

In I. Nocturno Lectiones de Scriptura occurrente.

In II. Nocturno.

LECTIO IV.

BEATRIX secunda Estensis nobilissimis orta parentibus Azzone nono Ferrariae marchione, et Joanna Roberti Apuliae regis sorore, vel ab ipsa ineunte adolescentia eximiam Beatricis amicitiae suae pietatem, vitaeque innocentiam atque imitari. Eam pater, quum egregiis animi, corporisque dotibus excelleret, atque a pluribus Italiae Principibus expeteretur, Galeatio Manfredi filio pari nobilitate juveni, resque militaris scientia, ac bellica virtute insigni, despondit. Sed cum Beatrix paternae obsequens voluntati, Ferraria Mediolanum magno nobilium virorum, mulierumque comitatu ad sponsum proficisceretur, allatus est nuntius, Galeatium in proelio, lethali accepto vulnere, occubuisse. Itaque rerum terrenarum

rum caducitate perspecta, Deoque ad longe nobiliores evocanti nuptias prompte acquiescens, atque illum sibi deinceps habere sponsum constituens, quem nullus casus possit eripere, converso itinere, ubi ad proximum Ferrariæ locum, qui sancti Lázari dicebatur, pervenit, civitatem ingredi noluit, sed ibi consistens, abdicato omni ornatu, rudi atque hispido amictu sese totam Christo dicavit, præclarumque de mundi pompis triumphum egit, quin ullis, ac ne paternis quidem suasionibus a sancto proposito potuerit revocari.

R. Propter veritatem.

Lectio v.

BEATRICES exemplo permotæ septem nobiles puellæ itineris sociæ, etsi sponis jam destinatæ, et quatuor ejus ancillæ idem vitæ genus susceperunt. Accedentibus subinde aliis, ampliorem asceterio edificando locum qui sancti Stéphanii de Rupta tunc dicebatur, nunc S. Antónii, intercedente Apostólica auctoritate, Beatrix obtinuit; ubi extructo cœnobio, cui Azzo illius pater amplissimos attribuit redditus, sancti Benedicti regulam sibi ac Virginitas, quæ illic sese in disciplinam tradiderant, servandam proposuit: utque arctius se cælesti Sponso devinceret, anno millésimo ducentésimo quinquagésimo quarto sollemnem trium votorum professionem in Joannis Quirini antistitis Ferrariensis manibus emisit. Tum vero ascensiones in corde suo disponens, virtutum omnium exercitatione assidue, jugique orandi meditan-

dique studio ad summum religionis perfectionis fastigium pervenire contendit. Mira in primis animi demissione, ac singulari in pauperes caritate fuisse memoratur: adeo ut non modo sodalibus præesse, quamvis omnium esset mater et magistra constanter recusaverit, sed insuper ægrôtis sororibus inserviret, ac vilissimis quibusque officiis, et ministeriis alacriter fungeretur.

R. Dilexisti justitiam.

Lectio vi.

OMNES pauperes, qui ad eam confluebant, alere, ac vestibus cooperire in deliciis habuisse traditur, ita ut egenorum mater ab omnibus appellaretur. Postræmo in morbum incidens, atque ex illo supremum sibi diem imminere intelligens, sacramentis Ecclesiæ refecta, veniaque a sororibus petita, easque ad Dei amorem, et regulæ instituti observantiam cohortata, quindecim elapsis a professione annis, in cinere et cilicio, intentis in cælum oculis, in ea verba: In manus tuas, Domine, commendo spiritum meum: die décima octáva Januarii anno septuagésimo supra millésimum ducentésimum, animam Deo reddidit. Pretiosam in conspectu Domini ejus mortem multa, quæ ejus meritis contigisse perhibentur, signa declararunt. Religiosum cultum, ipsi jam inde ab obitu delatum, atque ad hæc usque tempora constanter præstitum, Clemens decimus quartus adprobavit. Ut autem ejus festum cum Officio et Missa die décima nona Ja-

nuarii celebraretur, Pius sextus Pontifex Máximus benigne concessit.

R. Afferéntur regi.

In II. Nocturno Hemit. Sæpe vos S. Gregori Papæ in Evang. Símile erit regnum cælórum decem Virgínibus, de Gerani. Virg. I loco.

DIE XXXI.

S. GEMINIANI

Episcopi et Confessoris.

Daplex.

Omnia de Comm. Conf. Post., præter seq.

Oratio. Da, quæsumus.

In I. Nocturno Lectiones de Scriptura occurrente.

In II. Nocturno.

Lectio iv.

GEMINIANUS ex vico Mutinénsi, Cui nomen Gavéllus, honestis paréntibus ortus, jam inde a puerítia cæléstem vitam ágere cœpit. Adolésceus, distribúto in usus indigéntium património, voluntáriam paupertátem perpétuo cõluit: in clericórum númerum redáctus, et Diáconus ab António tunc Mútinæ Episcopo factus, ei quoad vixit, ut levíta Lauréntius Pontífici Sixto, sêdulo adhæsit. Quo doctóre tantum in omni virtúte profécit, ut illo demórtuo pópuli totíus præcibus onus episcopále, quod fúgiens in solitúdinem recusáverat, suscípere tandem coáctus sit. Eo suscepto, urbem statim Idolórum fanis, quæ adhuc supéranter, expurgávit.

R. Invéni David.

Lectio v.

PRAT autem illi eádem, quæ prius fúerat, in corde humi-

litas, in vestítu modéstia, in omni actióne sánctitas, in hostes vero humáni géneris potéstas singuláris. Cum in templo sancti Petri pernoctáret in oratióne, ab se visum dæmonem signo Crucis extémplo fugávit. Ab Joviáno imperátore per núntios exorátus, ut ab única fília obsidétem immúndum spíritum præsens ejfcere ne gravaretur, navem seréno cælo, tranquillóque mari conscéndens, ut ad illum in Oriéntem adveherétur, cohórtam repénite ingéntem pestatém oratióne mirabíliter sedávit. A Príncipe vero benigne excéptus mox ejus fíliam a dæmonis vexatióne liberávit, aliósque complúres ibídem váriis morbis af-féctos prístinæ sanitáti restítuit.

R. Pósi adjutórium.

Lectio vi.

DOMUM revérsus omnes divínæ Legis præcéptis, et sanctióris vitæ officiis instruébat, ægros solo contactu sanábat. Novam Joviniáni hæresim virginitáti adversántem a suis ácri-ter arcébat, quam in Mediolanénsi synodo, cui præerat sanctus Ambrósius, una cum réliquis orthodoxis Episcopis condemnávit. Dénique jam senex de óbitu suo præmonítus in oratióne, incidit in morbum, in quo profúsus in preces, rite sumpto sacrosáncto Eucharístiæ sacraménto, plúrimis pro Christi glória perfúctus labóribus, ac multis clarus miráculis, obdormívit in Dómino pridie Kaléndas Februárii, anno salutis tercentésimo nonagésimo séptimo; in cujus fúnere illud áccidit memorábile, quod S. Sevê-

rus episcopus Ravennas eodem tempore Ravennae inter sacrificium Missae raptus in extasim tantisper a sacro faciundo quievit, dum Mutinae beati Geminiani exequias utrobique aspectabilis honestaret. Cujus postea sacrum corpus ex priori basilica in eam, quae nunc extat, anno millésimo centésimo sexto a Dodone episcopo magno vicinorum Praesulum, ac populorum concursu, ipsa etiam Mathilda praesente, insigni pompa translatum fuit pridie Kalendas Maji, quem diem Mutinenses festum etiam, atque sollemnem esse voluerunt.

R. Iste est qui.

In III. Nocturno.

Lectio sancti Evangelii secundum Matthaeum.

Lectio vii. Cap. 9.

IN illo tempore: Videns Jesus turbas, misertus est eis, quia erant vexati, et jacentes sicut oves non habentes pastorem. Et reliqua.

Homilia sancti Joannis Chrysostomi.

Homil. 33. in Matth.

Vide quam fugiat Christus inanem hominum gloriam, quantumque ostentationem contemnat. Nam, ne omnes ad ipsum confluent, discipulos emisit, nec ista solum de causa id fecit, sed etiam ut quasi in palæstra quadam in Judæa exercitatus, totius orbis terrarum curam subire possent; idcirco ingentes, si parvas vires eorum consideres, laboris atque operis causas proponit, et quasi teneras e nido aviculas protrahit ad volandum, ut facilius postea

majora capessant certamina, et praesenti quidem corporum solummodo, postea vero animarum curationis, quae natura prima est, potestatem sibi elargitus est.

R. Amavit eum.

Lectio viii.

Tu autem considera qualiter, et facilem, et necessariam simul rem ostendit. Quid enim dicitur? Messis quidem multa, operarii autem pauci. Non mitto, inquit, vos ad arandi, seminandi quaeque laborem, sed ad segetis jam praeparatam messem. Id ipsum Joannes quoque aliis verbis scripsit. Alii namque, inquit, laboraverunt, et vos in labores eorum introstis. His dictis simul, ne sibi ipsis attribuerent, atque arrogarent, quae faciebant, et cum magnos labores jam praecessisse ostenderet, promptiores eos reddebat.

R. Sint lumbi.

Lectio ix.

Illud etiam perspice, quemadmodum a misericordia quadam, et retributione exorsus est: viscera enim expandit misericordiae, quoniam vexatos, et dejectos quasi oves, quae pastorem non habent, turbas videbat. Quod quidem dictum principum, atque pontificum accusationem habet, qui cum essent pastores, luporum officio fungebantur; quoniam non modo non studabant reducere multitudinem ad virtutem, verum etiam progressus ipsius ad meliora impediebant. Nam vulgus quidem admirabatur et clamabat: Numquam sic apparuit in Israel. Illi vero contra: In principe daemoniorum daemonium ejicit.

Te Deum laudamus.

FESTA FEBRUARII

DIE IX.

S. APOLLONIÆ Virg. et Mart.
Duplex.

Omnia de Comm. Virg. et Mart., præter sequentia.

In I. Vesp. ad Magnif. Ant.
Replévit me persecutor amaritudinibus, et fregit ad numerum dentes meos: pars mea Dominus, dixit anima mea, propterea expectabo eum.

Oratio.

SPIRITUM nobis, Domine, dilectionis et fortitudinis sancta Apollonia Virgo et Martyr impleret, ut peccatorum maculis tua pietate deleris, in tua semper benedictione lætemur. Per Dominum.

In I. Noct. Lectiones de Scriptura occurr. In Quadrag. Confitebor tibi, Domine, de Comm. Virg. Mart.

In II. Nocturno.

Lectio iv.

APOLLONIA Virgo Alexandrina sub Décio imperatore, cum ingravescente jam ætate ad idola sisteretur, ut eis venerationem adhiberet, illis contemptis, Jesum Christum verum Deum colendum esse prædicabat. Quamobrem omnes ei contusi sunt et evulsi dentes: ac, nisi Christum detestata deos coleret, accenso rogo combusturus vivam minati sunt impii carnifices. Quibus illa, se quamvis mortem pro Jesu Christi fide subituram, respondit.

R. Propter veritatem.

Lectio v.

TAQUE comprehensa, ut combureretur, cum paulisper,

quasi delibans quid agendum esset, stetit, ex illorum manibus elapsa, alacris in ignem sibi paratum majori Spiritus sancti flamma intus accensa, se injecit. Unde brevi consumpto corpore, purissimus spiritus in cælum ad sempiternam Martyrii coronam evolavit.

R. Dilexisti justitiam.

Lectio vi.

De Sermone S. Gregorii Papæ.

RECTE per Salomonem dicitur: Fortis est, ut mors, dilectio, quia sicut mors corpus interimit, sic ab amore rerum corporalium æternæ vitæ caritas occiditur. Nam quem perfecte absorberit, ad terræna desideria velut insensibilem reddit. Nec enim Sancta hæc cujus hodie natalitia celebramus, mori potuisset in corpore, si prius a terræna desideriis mortua non fuisset in mente. Erectus namque in virtutis culmine animus tormenta despexit, præmia calcavit.

R. Afferentur regi.

In III. Nocturno Homilia Sæpe vos in Evang. Símile erit regnum cælorum decem Virginitibus, de Comm. Virg. I. loco.

In Quadrag. ix. Lect. de fer. corrente.

Ad Bened. Ant. Noli timere, Filia, quia redemi te, et vocavi te nomine tuo: cum ambulaveris in igne, non combureris, et flamma non ardebit in te, quia ego Dominus Deus tuus, Salvator tuus.

Oratio ut supra.

In II. Vesperis.

Ant. Símile est regnum cælorum, ex Launibus.

DIE XI.

APPARITIONIS
B. M. V. IMMACULATÆ.

Duplex in ius.

Omnia ut in festis B. M. V.,
præter seq.

In I. Vesperis.

Ant. et Capit. de Laudibus.

Psalmi ut in festis B. M. V.
per annum.

Hymnus Ave, maris stella.

v. Dignâre me laudâre te,
Virgo sacrâta. R. Da mihi vir-
tutem contra hostes tuos.Ad Magni. Ant. Ista est co-
lûmba mea, perfectâ mea, im-
maculatâ mea.

Oratio ut ad Laudes.

Ad Matutinum.

Invit. Immaculatam Virginis
Conceptionem celebramus, *
Christum ejus Fîlium adoramus
Dôminum.

Ps. Venste, exultemus.

Hymnus.

TE dicimus præconio,
Intacta mater Nûminis,
Nostris benigna laudibus
Tuam repende grâtiâ.Sontes Adâmi pôsteri
Infecta proles gîgnimur;
Labis patrernæ nescia
Tu sola, Virgo, crêderis.Caput draconis invidi
Tu cõteris vestigio,
Et sola glóriam refers
Intaminatæ originis.O gentis humanæ decus
Quæ tollis Hevæ opprobrium,
Tu nos tuere supplices,
Tu nos labantes érige.Serpentis antiqui potens
Astus retunde et ímpetus,
Ut cælitum perennibus
Per te fruamur gaudiis.Jesu, tibi sit glória
Qui natus es de Virgine,
Cum Patre et almo Spíritu
In sempiterna sæcula.
Amen.

In I. Nocturno.

Ant. Ave, grâtiâ plena, * Dô-
minus tecum.Psalmi trinum Nocturnorum
ut in festis B. M. V. per annum.Ant. Benedicta tu inter mu-
lieres, * et benedictus fructus
ventris tui.Ant. Nefîmeas, Marîa, * inve-
nistî grâtiâ apud Dôminum.v. Deus omnipotens præcinxit
me virtute. R. Et pösuit imma-
culatam viam meam.Lect. Ego sapiëntia, ut in
festis B. M. V. per annum.R. I. Sapiëntia quæ attingit
a fine usque ad finem fortiter
et dispõnit omnia suâviter, æ-
dificavit sibi domum. * Ecce
tabernaculum Dei cum homîni-
bus. v. Vidi sanctam civitatẽ,
Jerúsalem novam, paratam sic-
ut sponsam, ornâtam viro suo.
Ecce tabernaculum.R. II. Quasi arcus refûlgens
inter nébulas, et quasi flos ro-
sarum in diébus vernis, et quasi
lîlia in tránsitu aquæ, * Sic
fulget Virgo immaculatâ. v.
Arcum meum ponam in nûbi-
bus, et erit signum federis mei
vobiscum. Sic fulget.R. III. Surge, amîca mea, spe-
ciõsa mea, et veni, colûmba
mea. * Ostende mihi faciẽm
tuam, sonet vox tua in auribus
meis. v. Vox túrturis audita
est in terra nostra. Ostende.
Glória. Ostende.

In II. Nocturno.

Ant. Fecit mihi magna qui

potens est, * et sanctum nomen ejus.

Var. Sanctificávit tabernáculum suum Altíssimus: * Deus in médio ejus non commovébitur.

Ant. Dóminus possédit te in infítio viárum suárum: * et in caritaté perpétua diléxit te.

V. Adjuvábít eam Deus vultu suo. R. Deus in médio ejus non commovébitur.

LECTIO III.

ANNO quarto a dogmática definitione de immaculato beate Virginis conceptu, ad Gavi fluminis oram prope oppidum Lourdes Diocesis Tarbiensis in Gallia, ipsa virgo in rupis sinu super specum Massabielle puellae custam, vernacula lingua Bernadette nuncupatae, pauperimae quidem, sed ingenuae ac pie, pluries se conspiciendam obtulit. Immaculata Virgo juvenili ac benigno videbatur aspectu, nivea veste niveoque pallio contacta, ac zona caerulea suffincta: nudos pedes aurea rosa ornabat. Primo apparitionis die, qui fuit undecimus Februarii anno millesimo octingentesimo quinquagesimo octavo, puellam signum crucis rite pieque faciendum edocuit, atque ad sacri rosarii recitationem, exemplo suo, coronam, quae prius ex brachio demissa pendebat, manu advolvens, excitavit: quod in ceteris etiam apparitionibus praestitit. Altera autem apparitionis die, puella in simplicitate cordis sui, diabolicam fraudem timens, lustralem aquam in Virginem effudit: sed beata Virgo, leniter arridens, benigniorem illi vultum ostendit. Cum vero tertio appa-

ruisset, puellam ad specum per quindecim dies invitavit. Exinde eam saepius est alloquuta ac pro peccatoribus orare, terram deosculari, poenitentiamque agere est hortata: deinde imperavit ut sacerdotibus edificeret, aedificandum ibi esse sacellum, solemnisque supplicationis more illo accedendum. Mandavit insuper ut e fonte, qui sub arena adhuc latebat, sed mox erat erupturus, aquam biberet eaque se abstergeret. Denique die festo Annuntiationis, percontanti enixe puellae illius nomen, cujus aspectu toties dignata fuerat, Virgo, admotis pectori manibus elatisque in caelum oculis, respondit: « Immaculata Conceptio ego sum. »

Quae est ista, quae progreditur quasi aurora consurgens, Pulchra ut luna, electa ut sol? Ipsa est columba mea, perfecta mea, immaculata mea. Pulchra.

LECTIO IV.

RECRESCENTE fama beneficiorum, quae in sacro specu recepisse fideles dicebantur, augebatur in dies hominum concursus, quos loci religio ad specum advocabat. Itaque prodigiolum fama puellaeque candore motus Tarbiensis Episcopus, quarto ab enarratis anno, post juridicam factorum inquisitionem, supernaturales esse apparitionis notas sua sententia probavit, cultumque Virginis Immaculatae in eodem specu permisit. Mox aedificatum sacellum: ex illo die pene innumerae fidelium turbae, voti ac supplicationis causa, ex Gallia, Belgio, Italia, Hispania ceterisque Europae provinciis necnon ex lon-

gínquis Americæ regiónibus quovis anno illuc advéniunt, noménque Immaculatæ de Lourdes ubique terrarum inclaréscit. Fontis aqua in cunctas orbis partes delata, ægris sanitatem restituit. Orbis vero catholicus tantorum memor benefactorum, ædes sacras mirabili opere ibi extruxit. Vexilla innúmera, acceptorum beneficiorum véluti monuménta, illuc a civitatibus ac gentibus missa, ædem Virgini miro ornátu decorant. In hac sua véluti sede Immaculata Virgo júgiter colitur; intérdiu quidem précibus, religiósó cantu solemnibusque aliis cæremóniis; noctu vero sacris illis supplicatióibus, quibus infínitæ propémódum peregrinantium turbæ céreis facibusque accénsis procedunt et laudes beatæ Virginis concinunt.

R. Erit in novíssimis diébus mons præparátus Virgini Mariæ in vértice montium, et elevábitur super cælos, et ibunt pópuli multi et dicent: * Veníte et ascendámus ad montem. γ. Sicut lætántium ómnium habitatio est in te. Veníte.

Lectio vi.

PEREGRINATIONES hujúsmodi fidem frigescente sæculo excítasse, ánimum ad christiánam legem profitendam addidisse, cultúmque Virginis Immaculatæ mirum in modum auxísse, ómnibus compértum est. In qua mirabili fidei professiône Christiánus pópulus sacerdótes véluti duces habet, qui illuc suas plebes addúcunt. Ipsi étiam sacrorum Antístites sanctum locum frequenter ádeunt, peregrinatióibus præsent, solemnioribusque festis intérsunt.

Nec ádeo rarum est ipsos Románæ Ecclesiæ Purpurátos Patres húmili peregrinórum more accedéntes conspícere. Ipsi quoque Románi Pontífices, pro sua erga Immaculatam de Lourdes pietate, sacram ædem donis nobilíssimis cumuláruñt. Pius novus, sacris indulgéntiis, Archiconfraternitátis privilégio ac minóris Basilicæ título ipsam insignívit; ac Desparæ imáginem ibídem cultam, solémniritu per Legátum suum apostólicum in Gállia diadémate distíctam voluit. Leo vero décimus tertius innúmera étiam contulit benefícia, indulgéntias ad modum Jubilæi vigésimo quinto Apparitiónis anno verténte concessit, peregrinatióes sua auctoritaté verbóque provéxit, ac solémnem ecclesiæ sub título Rosárii dedicatióem suo nómine pérági curávit. Quorum beneficiorum amplitúdinem cumulávit, cum, plúrium Episcopórum rogátu, solémne festum sub título Apparitiónis beatæ Mariæ Virginis Immaculatæ, próprio Officio et própria Missa celebrándum benígne concessit.

R. Prævenísti eam, Dómine, in benedictiόνibus dulcedinis, posuísti in cápite ejus * Corónam de lápide pretiósó. γ. Magna est glória ejus in salutári tuo, glóriam et magnum decórem impónes super eam. Corónam. Gloria Patri. Corónam.

In III. Nocturno.

Ant. Manus Dómini confortávit te, * et ideo eris benedicta in ætérnum.

Ant. Noli metúere * non enim pro te, sed pro ómnibus hæc lex constitúta est.

Ant. Benedixit te Dóminus in virtúte sua, * quia per te ad nihilum redégit inimícos nostros.

γ. Diffúsa est grátia in lábiis tuis. R. Proptérea benedixit te Deus in ætérnum.

Lectio sancti Evangélíi secúndum Lucam.

Lectio vii. Cap. I.

IN illo témpore: Missus est Angelus Gábriel a Deo in civitátem Galilææ, cui nomen Názareth, ad Virgínem desponsátam viro, cui nomen erat Joseph de domo David, et nomen Virgínis María. Et réliqua.

Homília sancti Bernárdi Abbátis.

Ex Homília 2. super Missua.

LETARE, pater Adam, sed magis tu, o Heva mater, exulta, qui sicut ómnium paréntes, ita ómnium fuístis peremptóres; et quod infelícitus est, prius peremptóres quam paréntes. Ambo, inquam, consolámini super fíliá, et tali fíliá, sed illa ámplius de qua malum ortum est prius, cujus oppróbrium in omnes pertransívit mulieres. Instat namque tempus, quo jam tollátur oppróbrium, nec hábeat vir quid causétur advérsus fémínam; qui útique, dum se imprudénter excusáre conarétur, crudéliter illam accusáre non cunctátus est, dicens: Múlier quam dedísti mihi, dedit mihi de ligno, et comédi. Proptérea curre, Heva, ad Maríam, curre mater ad fíliam; fíliá pro matre respóndeat: ipsa matris oppróbrium áuferat: ipsa patri pro matre satisfáciat: quia ecce si vir cécidit per fémínam, jam non erígitur nisi per fémínam.

R. Tu ergo invoca Dóminum, loquere regi pro nobis, * Et lí-

bera nos de morte. γ. Omnes si-tiéntes, veníte ad aquas, et hau-riétis salútem a Dómino. Et lí-bera nos.

Lectio viii.

QUID dicébas, o Adam? Múlier, Quam dedísti mihi, dedit mihi de ligno, et comédi. Verba malístiæ sunt hæc quibus magis áugeas quam déleas culpam. Verúmtamen Sapiéntia vicit malístiam, cum occasiónem vénisse, quam a te Deus interro-gádo elícere tentávit, sed non pótuit, in thesauro indeficién-tis suæ pietátis invénit. Ré-ditur nempe fémína pro fémína, prudens pro fátua, húmílis pro supérba, quæ pro ligno mortis gustum tibi pórrigat vitæ, et pro venenóso cibo illo amari-túdinis, dulcédinem páriat fru-ctus ætérni. Muta ergo iníquæ excusatiónis verbum in vocem gratiárum actiόνis, et dic: Dó-mine, múlier, quam dedísti mihi, dedit mihi de ligno vitæ, et comédi; et dulce factum est super mel ori meo, quia in ipso vivificásti me. Ecce enim ad hoc missus est Angelus ad Virgínem. O fémínam singu-láriter venerándam, super omnes fémínas admirábilem, pa-réntum reparatricem, posterórum vivificatricem.

R. Plantávit Dóminus Deus paradísum voluptátis, produ-xítque lignum vitæ in médio ejus. * Et flúvius egrediebátur de loco voluptátis. γ. Emissi-ones tuæ paradísus, Virgo María. Et flúvius. Glória. Et flúvius.

In Quadrag. de Homil. Feriæ.

Lectio ix.

QUAM tibi áliam prædixísse Deus vidétur, quando ad ser-péntem ait: Inimicítias ponam

inter te et mulferem? Et si adhuc dúbitas quod de María dixerit, audi quod séquitur: Ipsa cónteret caput tuum. Cui hæc serváta victória est, nisi Maríæ? Ipsa procul dúbio caput contrívit venenátum, quæ omnímodam maligni suggestiónem tam de carnis illécebra, quam de mentis supérbia dedúxit ad níhilum. Quam vero áliam Sálomon requirébat, cum dicébat: Mulferem fortem quis invéniet? Nóverat quippe vir sápiens hujus sexus infirmitátem, frágle corpus, lúbricam mentem. Quia tamen et Deum légerat promississe, et ita vidébat congruere, ut qui vícerat per féminam vincerétur per ipsam, veheménter admirans ajébat: Mulferem fortem quis invéniet? Quod est dicere: si ita de manu féminæ pendet et nostra ómnium salus, et innocentíæ restitútio, et de hoste victória: fortis omníno necesse est ut provideátur, quæ ad tantum opus possit esse idonea. Ie Deum laudámus.

Ad Laudes

et per homines.

1. *Ant.* Candor est lucis æternæ, * et spéculum sine mácula.

2. *Ant.* Dóminus regnávít, omnia

3. *Ant.* Mulier amfcta sole et luna sub pédibus ejus, * et in cápite ejus coróna stellárum duódecim.

4. *Ant.* Tu glória Jerúsalem, tu lætítia Israel, * tu honoríficéntia pópuli nostri.

5. *Ant.* Benedícta es tu, Virgo María, a Dómino Deo excélso, * præ ómnibus muliéribus super terram.

6. *Ant.* Hodie nomen tuum ita magnificávit Dóminus, * ut non recédát laus tua de ore hóminum.

Oratio. *Cant. 2.*

SURGE, amíca mea, speciósá Smea, et veni; colúmba mea, in foramínibus petræ, in caverna maceríæ, osténde mihi faciém tuam, sonet vox tua in áuribus meis.

Hymnus.

URORA soli prævia
Felix salutis núncia,
In noctis umbra plebs tua
Te, Virgo, supplex invocat.

Torrens nefástis fluctibus
Cunctos trahens vorágine,
Leni residit æquore
Cum transit Arca fœderis.

Dum torret aréscens humus,
Tu rore sola spárgeris;
Tellúre circum rórida,
Intácta sola pérmanes.

Fatále virus évomens
Attóllit anguis vérticem;
At tu draconis túrgidum
Invícta cónteris caput.

Mater benigna, réspice
Fletus precésque súpplicum,
Et dimicántes tártari
Vicitrix tuére ab hóstibus.

Iesu, tibi sit glória,
Qui natus es de Vírgine,
Cum Patre et almo Spírítu
In sempitérna sæcula.

Amen.

7. *Ant.* Diffúsa est grátia in lábiis tuis. *Ant.* Proptérea benedíxit te Deus in ætérnum.

8. *Ant.* Bened. *Ant.* Præclára salutis auróra, ex te, Virgo María exívit sol justítie, qui visítávit nos óriens ex alto.

Oratio.

DEUS, qui per immaculátam Vírginis Conceptionem dignum Filio tuo habitáculum

præparasti: supplices a te quesumus; ut ejusdem Virginis apparitionem celebrantes, salutem mentis et corporis consequamur. Per eundem Dominum.

Ad Tertiam.

Capit. Surge, amica mea, ut supra.

R. br. Quæ est ista quæ ascendit de deserto? Deliciis affluens? Quæ est ista. V. Innixa super dilectum suum. Deliciis affluens. Gloria. Quæ est ista.

V. Vidérunt eam filiae Sion.

R. Et beatissimam prædicaverunt.

Ad Sextam.

Capitulum. Prov. 8.

MECUM sunt divitiæ et gloria, mopes superbæ et justitia: melior est enim fructus meus auro et lapide pretioso.

R. br. Ego Mater Pulchræ dilectionis. Ego Mater. V. Et timoris et agnitionis et sanctæ spei. Pulchræ dilectionis. Gloria Patri. Ego Mater.

V. In me omnis grátia viæ et veritatis. R. In me omnis spes vitæ et virtutis.

Ad Nonam.

Capitulum. Eccli. 24.

IN me grátia omnis viæ et veritatis, in me omnis spes vitæ et virtutis. Transíte ad me omnes qui concupiscitis me, et a generationibus meis implémini.

R. br. Qui me iuvenerit * Invéniet vitam. Qui me. V. Et háuriet salutem a Domino. Invéniet vitam. Gloria. Qui me.

V. Transíte ad me omnes qui concupiscitis me. R. Et a generationibus meis implémini.

In II. Vesperis.

Omnia ut in I. Vesp., præter sequentia.

Hymnus.

OMNIS expertem maculæ Mariam

Edocet summus fidei magister; Virginis gaudens celebrat fidelis

Terra triumphum.

Ipsa se præbens humili puellæ

Virgo spectandam, recreat paventem,

Seque conceptam sine labe sancto

Prædicat ore.

O specus felix, decorâte divæ Matris aspectu! veneranda rupes,

Unde vitales scatuere pleno Gurgite lymphæ.

Huc catervatim pia turba nostris,

Huc ab externis peregrina terris Affluit supplex, et opem potentis

Virginis orat.

Excipit Mater lácrimas precantum,

Donat optatam miseris salutem; Compos hinc voti patrias ad oras

Turba revértit.

Supplicum, Virgo, miserata casus,

Semper o nostros réfove labores,

Impetrans mœstis bona sempiternæ

Gáudia vitæ.

Sit decus Patri, genitæque Proli,

Et tibi compar utriusque virtus Spíritus semper, Deus unus omni

Témporis ævo. Amen.

v. Dignāre me laudāre te,
Virgo sacrāta. R. Da mihi vir-
tutem contra hostes tuos.

Ad Magnif. Ant. Hódie glo-
riosa cæli Regna in terris ap-
paruit; hódie pópulo suo verba
salútis et pignora pacis attulit;
hódie Angelórum et fidélium
chori Immaculatam Conceptionem
celebrantes gaudio exul-
tant, allelúja.

FESTA MARTII

DIE III.

S. ANSELMI Abbatis.

Duplex.

Omnia de Comm. Conf. non
Pont., præter seq.

Oratio. Intercéssio.

In I. Nocturno Lect. Laudé-
mus viros glorióssos, de Comm.
Conf. Pont. 2. loco, cum Rñ.
de Comm. Conf. non Pont.

In II. Nocturno.

Lectio iv.

ANSELMUS vir nobilíssimus Ai-
stúlphe Longobardórum re-
gi Giseltrúdæ soróris suæ viro
conjunctus, Forojuliénsi Ducá-
tu, et régiæ militiæ præfectúra
conspícuus, post multa stré-
nue in bello gesta, Deo mili-
tāre deinceps instituit. Abjé-
ctis ergo sæculi pompis, sub
régula sancti Benedicti moná-
sticam vitam amplexus, Fa-
nāni primum in Æmíliæ finibus
(assignáto sibi per Aistúlphe
solo) cœnóbium ædificávit, ubi
assumptis sibi sociis eámdem
régulam profiténtibus, omni
virtútum génere brevi resplén-
duit. Humilitate potíssimum
excellere visus est; nam cæte-
ris quibúvis étiam sibi súbdi-

tis abjectiorem se réputans,
de virtútibus suis Fratres élo-
qui mínime pati póterat; qui-
námque vilióra quæque mona-
stérii múnia obire géstiens,
domínicum illud frequénter in-
geminábat: Fílius hómínis non
venit ministrári, sed ministráre.
Hospitalitáte prætérea, et mira
in páuperes largitáte insígnis,
plura hospítia ad egénos, pere-
grínosque excipiéndos váriis in
locis extrúxit, multisque attri-
bútis e sæculári suo património
bonis, locupletávit, a quibus né-
minem, nisi impénsis ei prius
ómnibus caritátis officiis, di-
scédere permittébat.

R. Honéstum fecit.

Lectio v.

Post hæc Nonántulæ suis ipse
mánibus, monachisque adla-
borántibus, perpurgáto vepri-
bus loco, insígne monastérium
a fundaméntis eréxit, et ad ex-
cipiéndos débiles et féminas,
quæ ad monastérium veníre
non póterant, xenodochium
álterum in via Æmíliæ constrú-
xit, ac divi Ambrósii nómine
dedicávit. Romam religiónis
causa profecturus, Aistúlphe
regi auctor fuit, ut eámdem se-
cum peregrinatióem suscep-
ret. A Stéphanó Summo Pontí-
fice, assidéntibus in Vaticaná
Basílica Epíscopis, honorífice
excéptus rex, amplum pro mo-
nastério Nonantulanó diplóma
super corpus beáti Petri véteri
more obtulit, quod Stéphanus
Apostólica auctoritáte firmá-
tum Anselmo trádidit, eúmque
 próprios ipse mánibus Abbátem
solémni ritu constituit, ac de-
mum complúribus sanctorum
relíquiis, et sacris præsertim
beáti Silvétrii óssibus, unde

póstea monastério nomen éxtitit, donátum dimísit.

Amávit eum.

Lectio VI.

NONANTULAM revérsus, Frátribus suis monásticam disciplinam, non tam reguláribus præcéptis et institútis cælésti sapiéntia plenis, quam assídua virtútum exercitátione, cunctis, ipse prælúcens, egrégie trádere, ac promovére non déstitit; quaprópter ádeo sanctitátis ejus fama percrébuit, quam et Deus ipse miráculis non semel per eum éditis reddidit illustriorem; ut quamplúrimi in dies, terrénis ómnibus abdicátis, perfectióri vitæ desidério illi sese instituéndos committerent. Monachórum númerum ad centum, et ámplius supra mille, excrevísse compértum est, excéptis párvulis, et pulsántibus, capesséndæ ibídem regulári militiæ proludentibus, quibus étiam fovéndis, atque regéndis Ansélmi caritas patérna non déerat. Postrémo vir Dei, cum quinquaginta fere annis amplíssimo monastério præfúisset, dissolutiónem sui córporis imminére præsentiens, convocátis Frátribus, jam finis

sui diem adéssé nuntiávit, eosdémque lacrimántes patérne consolátus, et ad suscéptum perfectiónis iter alácritér prosequéndum, propósita spe corónæ immarcescibilis adhortátus, consuétos horæ tértiæ, atque inde sextæ canónicæ psalmos in gáudio spíritus, et voce exultatiónis cánere aggréssus est: quibus explétis, benedictióne Frátribus impertíta, expánsis mánibus, oculisque in cælum inténtis, ánimam Deo réddidit féria sexta quinto nonas Mártii anno salutis octingentésimo tértio. Sancti viri corpus mar móreo labéllo a mónachis cónditum, in templi Nonantuláni summo altári collocátum, adhuc pia pópuli frequéntia cólitur, multíque eum, in assequénda a Deo ex váriis infirmitátibus sanitáte, propítium intercessórem expérti sunt. Nonantuláni vero ut peculiárem sibi adléctum Patrónum agnóscunt, et venerántur.

R. Iste homo.

In III. Noct. Homil. Grandis fidúcia in Evang. Ecce nos relíquimus ómnia, ut in Comm. Abbatum. Lectio ix. de Homil. feriæ.



OFFICIUM VOTIVUM

SANCTI PROSPERI

EPISCOPI, CONFESSORIS ET DOCTORIS

REGII PRINCIPALIS PATRONI

Omnia dicuntur de Comm. Conf. Doct., præter ea quæ hic assignantur propria.

In Hymn. Iste Confessor M. S.

In utrisque Vesperis.

Ad Magnif. Ant. O Doctor optime, Ecclesiæ sanctæ lumen, beâte Prosper, divinæ legis amâtor deprecâre pro nobis Fîlium Dei.

Oratio.

ECCLESIAM tuam, quæsumus, Dômine, grâtiâ cælæstis amplificet: quam beâti Prósperi Confessôris tui atque Pontificis illustrâre voluisti gloriôsis méritis et doctrinis. Per Dóminum.

Pro Mense Januario.

In I. Nocturno Lectiones de Scriptura occurrente.

In II. Nocturno.

Sermo sancti Joannis Chrysósti.

In cap. 7. Matth. Homil. 18. post initium.

LECTIO IV.

DEUS ita nos dispôsuit esse, ut nec studéntes et laborântes, circa Scriptúras, acquirâmus salutem sciéntiæ sine grâtiâ Dei, ut nec nobis imputémus, quod scimus: nec tamen grâtiâ acquirâmus, nisi studuérimus, et laboravérimus cir-

ca Scriptúras, ne donum Dei detur negligéntibus. Sicut enim in bello non omnis, qui pugnat, vincit; nemo tamen vincere potest, nisi pugnâverit: sic non omnes, qui student et legunt, acquirunt sciéntiam spirituâlem; nemo tamen acquirere potest, nisi qui aut studiôsus fúerit ad legéndum, aut assiduus ad audiéndum.

R. Inveni David.

Lectio v.

ET infidèles quidem, et non timéntes Deum invéniant sciéntiam legéndo et studéndo, sed non illam, quæ ex Deo est, quæ per Spíritum sanctum datur: sed hanc, quæ est ex natúra carnáli, quæ per exercitâtióem carnis acquiritur, quam habuérunt étiam gentílium studiôsi. Multa enim diferéntia est inter sciéntias istas. Qui enim oratióibus non instat, nec opéribus bonis, sed per solum stúdiûm lectiônûm factus est sciens, quando aliis prædicat, ipse sibi non sentit quod prædicat. R. Pôsui adiutoriûm.

Lectio vi.

SED quando alios docet, ab istus consciéntia ejus ridet sibi de verbis suis; quia sciéntia, quæ ex solis lectiônibus est, ex ore procédit; quæ autem de Spíritu sancto est, de corde pro-

fertur: et ideo spiritalis scientia non solum dicitur, sed et sentitur. Non tantum in Scripturis legitur, sed ex corde suggeritur: et ideo si alios terret, ipse amplius timet: si consolatur, ipse melius gaudet; et omne quod loquitur, non tantum legit, sed experimento probavit. Ideo ergo petamus Deum, et operemur bona, ut non carnalem, sed spiritualem scientiam mereamur. *R.* Iste est qui.

In III. Nocturno.

Lectio sancti Evangelii secundum Matthæum.

Lectio vii. Cap. 5.

IN illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? Et reliqua.

Homilia sancti Hieronymi Presbyteri.

Lib. 1. Comm. in c. 5. Matth.

SAL appellantur Apostoli et doctores: quia per illos universum hominum conditur genus. Quod si sal evanuerit, in quo salietur? Si doctor erraverit, a quo alio doctore emendabitur? Ad nihilum valet ultra, nisi ut mittatur foras, et conculcetur ab hominibus. Exemplum de agricultura sumptum est. Sal etenim sicut in ciborum condimentum, et ad siccandas carnes necessarium est, ita alium usum non habet. Certe legimus in Scripturis, urbes quasdam ira victorum sale seminatas, ut nullum in ipsis germen oriretur.

R. Amavit eum.

Lectio viii.

CAVEANT ergo doctores et Episcopi, et videant potentes potenter tormenta sustinere,

nihilque esse remedii, sed majorum ruina ad tartarum ducere. Vos estis lux mundi. Non potest civitas abscondi supra montem posita: neque accendant lucernam et ponunt eam sub modio, sed super candelabrum ut luceat omnibus qui in domo sunt. Docet fiduciam predicandi, ne Apostoli abscondantur ob metum, et sint similes lucernæ sub modio, sed tota libertate se prodant: ut quod audierunt in cubiculis, predicent in tectis.

R. In medio.

Lectio ix.

NOLITE putare, quoniam veni solvere legem, aut Prophetas: non veni solvere, sed adimplere. Sive quod de se per alios prophetata complerit, sive quod ea, quæ ante propter infirmitatem audientium rudia, et imperfecta fuerant, sua predicatione complerit, iram tollens, et vicem talionis excludens, et occultam in mente concupiscentiam damnans. Donec transeat cælum et terra. Promittuntur nobis cæli novi et terra nova, quæ facturus est Dominus Deus. Si ergo nova creanda sunt, consequenter vetera transitura. Te Deum.

Pro Mense Februario.

In II. Nocturno.

Ex Libro S. Augustini Episcopi de Civitate Dei.

Lib. 18 Cap. 1. Lectio iv.

AUCTORES nostri, in quibus non frustra sacrarum litterarum figitur et terminatur canon, absit, ut inter se aliqua ratione dissentiant. Unde non immerito, cum illa scriberent, eis

Deum vel per eos locútum, non pauci in scholis, aut gymnásiis litigiósis disputatióibus gárruli, sed in agris, atque in úrbibus cum doctis, atque indóctis tot, tantque pópuli credidérunt. Ipsi sane pauci esse debuérunt, ne multitúdine vilésceret, quod carum religióne esse oportéret; nec tamen ita pauci, ut eórum non sit miránda consénsio.

R. Inveni David.

Lectio v.

NEQUE enim in multitúdine philosophórum, qui labóre étiam litterário monuménta suórum dógmatum reliquérent, fácte quis invenerit, inter quos cuncta, quæ sensére, convéniant; quod osténdere hoc ópere longum est. Ubi etsi áliqua vera dicebántur, eádem licéntia dicebántur, et falsa; prorsus ut non frustra talis civitas mysticum vocábulum Babylónis accéperit. Bábylon quippe interpretátur Confúsió quod nos jam dixisse memínimus. Non ínterest diáboli regis ejus, quam contráriis inter se rixéntur erroribus, quos mérito multæ, variæque impietátis páriter possidet.

R. Pósui adjutórium.

Lectio vi.

AT vero gens, pópulus, civitas, A respública, Israelítæ, quibus crédita sunt eloquia Dei, nullo modo pseudoprophétas cum veris Prophétis pari licéntia confudérunt, sed concórdes inter se, atque in nullo dissentientes, sacrárum litterárum veráces ab eis agnoscebántur et tenebántur auctóres. Ipsi eis erant Philosophi, hoc est amatóres sapiéntiæ, ipsi sapiéntes, ipsi

Theólogos, ipsi Prophétæ, ipsi Doctóres probitátis, atque pietátis. Quicúmque secúndum illos sápuít et vixit, non secúndum hómines, sed secúndum Deum, qui per eos locútus est, sápuít et vixit.

R. Iste est.

In III. Nocturno.

Lectio sancti Evangélíi secúndum Matthæum.

Lectio vii. Cap. 5.

IN illo témpore: Dixit Jesus discipulis suis: Vos estis sal terræ. Quod si sal evanúerit, in quo saliétur? Et reliqua.

Homília sancti Hilárii

Epísco-pi.

Comment. in Matth. cap. 4. post initium.

Vos estis sal terræ: quod si sal infatuátum fúerit, ad nihilum valet id quod saliétur. Sal, ut árbitor, terræ nullum est. Quómodo ergo Apóstolos sal terræ nuncupávit? Sed proprietas est quærenda dictórum, quam et Apostolórum officium, et ipsius salis nátura monstrábit. Sal est in se uno conti-nens aquæ, et ignis eleméntum, et hoc ex duóbus est unum.

R. Amávit eum.

Lectio viii.

Inc igitur in omnem usum húmáni géneris effectus, incorruptiõem corpóribus, quibus fúerit aspérsus, impértit et ad omnem sensum condíti sapóris aptíssimus est. Apóstoli autem sunt rerum cæléstium prædicatóres et æternitátis velut satóres, immortalitátem ómnibus corpóribus, quibus eórum sermo aspérsus fúerit, conferentes. Mérito igitur sal terræ nuncupáti sunt, per do-

ctriſnæ virtutem ſaliendi modo æternitati corpora reſervantes.

R. In médio Ecclésiæ.

Lectio ix.

SED natura ſalis ſemper eadem eſt, nec immutari unquam poſteſt. Verum quia converſiōni homo ſubjacet, et ſolus beatus, qui uſque ad finem in omnibus Dei opéribus permāſerit: ideo eos ſal terræ nuncupatos monet in traditæ ſibi poſteſtatis virtute perſiſtere, ne infatuati nihil ſaliant, et ipſi, ſenſu accepti ſaporis amiſſo, vivificare corrupta non poſſint, et projecti de Ecclésiæ promptuariis cum his, quos ſalſerint, pedibus incedentium proterantur.

Te Deum laudamus.

Pro Mense Martio.

In II. Nocturno.

De Exposit. S. Auguſtini Episc. in Epistolam primam beati Joānnis.

Tract. 3. Cap. fin. Lectio iv.

Non habetis neceſſitatem, ut Nāliquis vos doceat, qui ſunctio ipſus docet vos de omnibus. Quid ergo nos facimus, fratres, quia docemus vos? Si ſunctio ejus docet vos de omnibus, quaſi nos ſine cauſa laboramus. Et ut quid tantum clamamus? Dimittamus vos ſunctioni illius et doceat vos ſunctio ipſus. Sed modo mihi facio quaſtioneſ et illi ipſi Apōſtolo facio: dignetur audire parvulum quaerentem a ſe. Ipſi Joānni dico: ſunctionem habebant, quibus loquebaris? Tu dixiſti, quia ſunctio ipſus docet vos de omnibus; ut quid talem Epistolam feciſti? quid illos tu do-

cébas? quid inſtruébas? quid ædificabas? R. Inveni David.

Lectio v.

JAM hic videte magnum ſacramentum, fratres. Sonus verborum noſtrorum aures percutit, magiſter intus eſt. Nolite putare quemquam hominem aliquid diſcere ab homine. Admonere poſſumus per ſtrépitem vocis noſtræ: ſi non ſit intus, qui doceat, inānis ſit ſtrépitem noſter. Magiſteria forinſecus, adiutoria quaſdam ſunt et admonitiōes. Cathedram in cælo habet, qui corda docet. De Dōmino dico. Propterea ait et ipſe in Evangēlio: Nolite vobis diſcere magiſtrum in terra; unus eſt magiſter veſter Chriſtus. Ipſe vobis ergo intus loquatur, quando nemo hominum illic eſt; quia etſi aliquis eſt a latere tuo, nullus eſt in corde tuo. Chriſtus ſit in corde.

R. Poſui adiutorium.

Lectio vi.

SIC ſunt iſta verba, fratres, Quæ forinſecus diſcimus, quomodo eſt agricola ad arborem: forinſecus operatur, adhibet aquam et diligentiā culturæ. Quælibet forinſecus adhibeat, numquid poma format? numquid nuditatem lignorum veſtit umbra foliorum? numquid tale aliquid intrinſecus agit? Sed quis agit hoc? Audiſte agricolam Apōſtolum, videte quid ſumus et audiſte magiſtrum interiorem: Ego plantavi, Apōllo rigavit, ſed Deus incrementum dedit. Hoc ergo vobis diſcimus: ſive plantemus, ſive rigemus loquendo, non ſumus aliquid, ſed ille, qui incrementum dat Deus, id eſt ſunctio illius, qui docet vos de omnibus. R. Iſte eſt qui.

In III. Nocturno.

Lectio sancti Evangelii secundum Matthæum.

Lectio vii. Cap. 5.

IN illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? Et reliqua.

Homilia sancti Joannis Chrysostomi.

Homil. 15. in Matth. sub med.

ATTENDITE quid dixerit: Vos estis sal terræ: per quod ostendit, quam necessario ista præcipiat. Non enim de vestra, inquit, tantummodo vita, sed de universo orbe vobis ratio reddenda est. Non ad duas quippe urbes aut decem, aut viginti, neque ad unam gentem vos mitto, sicut mittebam Prophetas, sed ad omnem terram prorsus ac mare, totumque mundum, et hunc variis criminibus oppressum. R. Amavit eum.

Lectio viii.

DICENDO enim: Vos estis sal terræ, ostendit universam hominum infatuatam esse naturam et peccatorum vi corruptam: et idcirco illas ab eis virtutes requirit, quæ maxime ad multorum salutem procurandam necessariæ sunt, atque utiles. Nam qui mansuetus est ac modestus et misericors et justus, non intra se tantummodo hæc recte facta concludit, verum in aliorum quoque utilitatem præclaros hos faciet effluere fontes. Igitur, qui corde mundo est atque pacificus, et persecutionem pro veritate patitur, nihilominus in commune commodum vitam instituit. R. In medio Ecclesiæ.

Lectio ix.

NE igitur putetis, inquit, ad leviam vos ducendos esse ceramina, neque exiguarum rerum vobis ineundam esse rationem: Vos estis sal terræ. Quid igitur? Ipsi ne putrefacta medicati sunt? Nequaquam: neque enim fieri potest, ut ea, quæ jam corrupta sunt, salis perfricatione reparantur. Non ergo hoc fecerunt, sed ante renovata, sibi que tradita, atque ab illa jam putredine liberata aspergebant sale, et in ea novitate conservabant, quam a Domino susceperant. Liberare quippe a putredine peccatorum Christi virtutis est; ut autem ad illam iterum non revertantur, Apostolorum curæ est, ac laboris. Te Deum laudamus.

Pro Mense Novembri.

In II. Nocturno.

Sermo S. Augustini Episcopi.
Ser. 3. De Verb. Dom. in Matth.

Lectio iv.

CUM nobis pro officio competat dicere, vobis autem conveniat pro devotione audire, quid tam necessarium tamque pertinens poterit utrisque contingere, quam ut quod religiose discitur et devote auditur, obsequiis competentibus teneatur? Nam si religiosa non tacere lucrum est, tacere dispendium; quanto itaque potiora lucra potuerint provenire, cum operationis effectum monstratur quidquid magisteriis cælestibus et discitur et tenetur? Par etenim causa et docentem, et audientem constringit, ut utriusque professio factorum testificatione signetur. R. Inveni David.

Lectio v.

Et quamvis dissimile sit doctoris discentisque officium, tamen utriusque par esse debet sanctarum legum obsequium: ut jungantur factis, qui separantur officiis: copulentur opere, qui diversi sunt nomine; et quos vocabula ab invicem separant, eos observantia præceptorum fideliter ac devòte coniungat. Quare sic fit, ut utriusque diversus sit actus, sed observantiæ par sit necessarius in utrisque effectus, ut factorum in ambobus conspiret assensus, quibus diversus est in vocabulis sonus.

R. P'sui adiutorium.

Lectio vi.

In doctore enim molestia est causa, dicere nec facere, præciperet nec observare; in discente vero, audire velle quod nolit implere, aures auditui accommodare, et ab opere voluntatem avertere. Ceterum, qui facit quod docet, et quidquid imperat complet, maximus in cælestibus sententia Domini declaratur. At vero, qui quod dicit negligit, et qui quod audit contemnit, salutis reus existit, qui observanda contempsit et pericula non vitavit. Amat enim mortem, qui vitæ præcepta non servat, et horret vitam, qui peccata morti debita desperata morte frequentat.

R. Iste est qui.

In III. Nocturno.

Lectio sancti Evangelii secundum Matthæum.

Lectio vii. Cap. 5.

In illo tempore: Dixit Jesus discipulis suis: Vos estis sal

terræ. Quod si sal evanuerit, in quo salietur? Et reliqua.

Homilia sancti Joannis

Chrysostomi.

Ex Hom. 15. in Matth. circa med.

Si autem sal evanuerit, in quo salietur? Ad nihilum valet ultra, nisi ut mittatur foras, et conculcetur ab hominibus. Alii enim, etiam si sæpe delinquant, possunt tamen ad veniam pervenire; si vero hoc magister ipse patiatur omni satisfactione privabitur et supplicia extrema persolvat. Ne enim audientes: Cum exprobraverint vobis, et persecuti vos fuerint et dixerint omne malum adversum vos, in medium prodire formident, dicit: Quoniam nisi ad ista fueritis parati, frustra etiam proditis in publicum. Non enim vos oportet maledicta hominum timere, sed laudes, quas in audire cupiatis, tunc vere infatuandi estis atque calcandi.

R. Amavit eum.

Lectio viii.

Si vero, perseverabitis vosmetipsos undique castigantes, et deinde audieritis mala, gaudete; hoc enim est opus salis, laxa quæque urere atque restringere. Itaque jam necessaria subsequitur maledictio, nihil vobis prorsus incommodane, imo etiam testimonium vestræ perhibens firmitatis. Si vero illa timentes fortitudinem vobis utilem deseratis, multo sævióra patiemini, et male scilicet audientes et contempti a cunctis atque despecti; hoc namque est ab omnibus conculcari. Deinde ad aliud eos sublimius ducit exemplum: Vos estis lux mundi.

R. In medio Ecclesiæ.

Lectio ix.

ITERUM mundi, non unus profecto gentis, nec viginti urbium, sed totius orbis lumen tunc perhibentur, et lumen intelligibile, ipsoque sole fulgentius, sicut etiam sal hoc loco intelligitur spiritale. Prius autem sal posuit, deinde lumen, ut discas quantum sit verborum urantium beneficium, quantumque commodum honeste rectaeque doctrinae. Haec siquidem stringit animos, nec quoquam diffuere permittit, facitque attentius ad lumen virtutis aspicere, ad quam velut apprehensa manu pertrahit audientes.

Te Deum laudamus.

Pro Mense Decembri.

In II. Nocturno.

Sermo S. Augustini Episcopi.

Ex Epist. 152. tom. 2.

Lectio iv.

SOLLICITISSIME cavendum est sin docendo superbiae vitium, quod in discendo non ita est. Unde sancta Scriptura nos admonet dicens: Sit omnis homo velox ad audiendum, tardus autem ad loquendum; et ille in Psalmo ait: Auditui meo dabis gaudium et laetitiam; continuoque subiecit: Exultabunt ossa humiliata; vidit enim in audiendo facillime servari humilitatem, quae difficilis est in docendo; quoniam necesse est, ut doctor habeat superiorem locum, ubi laboriosum est obtinere ne subrepat elatio.

R. Inveni David.

Lectio v.

In Psalmo. 129.

ECCE enim, fratres mei, dico caritati vestrae: loquimur nos modo ad vos, ut aliquid doceamus

vos, quanto melius, si omnes sciremus, et nemo doceret alterum, ut non esset alius loquens, alius audiens; sed omnes audientes unum illum, cui dicitur: Auditui meo dabis gaudium et laetitiam. Unde et ille Joannes non tam gaudet, quia praedicabat et quia loquebatur; sed gaudet, quia audiebat; ait enim: Amicus autem sponsi stat, et audit eum, et gaudio gaudet propter vocem sponsi. Itaque ibi unusquisque probet se, non ut loquatur, sed ut de alio locutionis officium exigit. Gaudium autem taciturnitatis intus in voluntate habeat, vocem doctrinae in necessitate. R. Posui adiutorium.

Lectio vi.

De Baptismo contra Donat.

lib. 2. c. 5.

ET plerumque doctoribus minus aliquid revelatur, ut eorum patiens et humilis caritas, in qua fructus major est, comprobetur; vel quomodo teneant unitatem, cum in rebus obscurioribus diversa sentiunt; vel quomodo accipiant veritatem, cum contra id, quod sentiebant, declaratum esse cognoscunt. Quorum duorum manifestum tenemus unum in beato Cypriano: idest quomodo teneant unitatem cum eis, a quibus diversum sentiebat. Homines enim sumus: unde aliquid aliter sapere quam se res habet, humana tentatio est. Nimis autem amando sententiam suam, vel invidendo melioribus usque ad sacrilegium pervenire, diabolica praesumptio est: in nullo autem aliter sapere quam se res habet, angelica perfectio est.

R. Iste est.

In III. Nocturno.

lectio sancti Evangelii secundum Matthæum.

Lectio vii. Cap. 5.

IN illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? Et reliqua.

De Homilia sancti Joannis Chrysostomi.

Ex Homil. 15. in Matth.

LUCEAT lux vestra: hoc est, plurima in vobis sit virtus, ac maxime ingens illius accendatur ignis et ineffabile omnino lumen effulgeat. Quando autem tam magna virtus fuerit et clara, latere non poterit, etiam si mille illam contingere velit modis ille, qui possidet. Bene autem ait, Lumen: nihil est, quod sic hominem faciat insignem, atque conspicuum, etiamsi magno ambitu optet latere, ut splendor iste virtutis. Sicut enim ipso sole circumdatus, ita utique clarus effulget, nec in terram solummodo rutilatus propriæ virtutis emittit, sed supra ipsum etiam cælum proprio fulgore radiabit.

R. Amavit eum.

Lectio viii.

INC itaque illos uberior con-
Solatur. Etsi, inquit, maledicta in vos audientes dolētis, habētis tamen plurimos, quos ad amorem atque admirationem Dei vestro adducātis exemplo. Tunc enim multi erunt omnino mirantes, non utique vos tantum, sed per vos etiam Patrem vestrum. Nec dixit, Deum, sed Patrem; conferendæ illis nobilitatis prerogativam hoc jam

nómine largiēdo. Considera, quantum istiusmodi sit commodum, quantum etiam discrimen. Si enim vitiis sordeāmus etiam si nobis nullus obtraheret, erimus omnibus miseriores. Si vero virtutibus splendēre curēmus, vel si totus mundus contra nos maledictis voluerit personare, erimus omnium beatissimi, atque ad nos trahēmus omnes, qui venīre elegerint ad salutem. Omni quidem tuba documenta sunt operum clariora, vitæque munda, ipsa est luce fulgentior. R. In medio.

Lectio ix.

Ex Hom. 16. in Matth. post init.

NON veni solvere legem, sed implere. Legem vero non uno tantum, sed altero et tertio implēvit modo. Uno quidem, quia nihil ex legitimis ipse transgressus est: alio vero, quia per nos quoque idipsum facit, quod Paulus significando dicebat: Quoniam finis legis Christus ad iustitiam omni credenti. Quod enim illa per litteram non potuit, hoc per fidem ipse confecit. Si vero aliquis diligenter examinet, alium quoque tertium modum implētæ ab eo legis inveniet. Quem vero istum? Ipsa utique præcepta, quæ erat daturus: non enim interitus priorum, sed augmentum potius et complementum erant ea quæ dicebantur a Christo. Illius quippe sententiæ, qua dicitur: Non occides, non interemptio, sed adimplētio magis atque munus est, dicere: Non irascaris; omniumque similiter ceterorum.

Te Deum laudamus.

COMMEMORATIONES PATRONORUM

IN SUPFRAGIIS SANCTORUM FACIENDÆ

De SS. CHRYSANTHO
ET DARIA Mart.

Ad Laudes. Ant. Vestri capilli capitis omnes numerati sunt: nolite timere, multis passeribus meliores estis vos.

Y. Exultabunt sancti in gloria.

R. Lætabuntur in cubilibus suis.

Orémus.

BEATORUM Martyrum tuorum, Domine, Chrysanthi et Darie quæsumus, adsit nobis oratio: ut quos veneramur obsequio, eorum pium jûgiter experiamur auxilium.

Ad Vesp. Ant. Gaudent in cælis animæ sanctorum, qui Christi vestigia sunt secuti, et quia pro ejus amore sanguinem suum fuderunt, ideo cum Christo exultant sine fine.

Y., et Oratio ut supra.

De S. PROSPERO

Episc. Confess. et Doct.

Ad Laudes. Ant. Euge, serve bone et fidelis, quia in pauca fuisti fidelis, supra multa te constituam; dicit Dominus.

Y. Justum deduxit Dominus per vias rectas.

R. Et ostendit illi regnum Dei.

Orémus.

ECCLESIAM tuam, quæsumus Domine, grátia cælestis amplificet, quam beati Prosperi Confessoris tui atque Pontificis illustrare voluisti gloriósis méritis et doctrinis.

Ad Vesp. Ant. O Doctor óptime, Ecclesiæ sanctæ lumen beate Prosper, divínæ legis amátor, deprecáre pro nobis Fílium Dei.

Y., et Oratio ut supra.



INDEX ALPHABETICUS

	fol.
Anselmi Abbatis. 3. Mart.	18*
Apolloniæ Virg. et Mart. 9. Febr.	11*
Beatricis Estensis II. 19. Jan.	7*
Chrysanthi et Dariæ Translatio. 1. Dec.	1*
Commemor. Patronorum	28*
Geminiani Episc. Conf. 31. Jan.	9*
Mariæ B. V. Immac. Apparit. 11. Febr.	12*
Mauri Abb. 15. Jan.	5*
Prosperi. Offic. vot.	20*
Spiridionis Episc. Conf. 14. Dec.	4*

Nihil obstat quominus in hac Appendice edantur Officia propria hujus Diœcesis a novissimo libello nostro fideliter deprompta.

Regii Lepidi, 15 Maji 1896.

L. † S.

† VINCENTIUS Episcopus.

Taurini, 1896. Ex Typ. Pont. Petri Marietti.

OFFICIA PROPRIA

DIOECESIS

REGII LEPIDI

PARS VERNA

FESTA FEBRUARII

DIE IX.

S. APOLLONIÆ Virg. et Mart.

Duplex.

Omnia de Comm. Virg. et Mart., præter sequentia.

In I. Vesp. ad Magnif. Ant. Replévit me persecutor amaritudinibus, et fregit ad numerum dentes meos: pars mea Dominus, dixit anima mea, propterea expectabo eum.

Oratio.

SPÍRITUM nobis, Dómine, dilectionis et fortitudinis sancta Apollónia Virgo et Martyr implóret, ut peccatorum máculis tua pietáte delétis, in tua semper benedictióne lætémur. Per Dóminum.

In I. Noct. Lectiones Confitebor tibi, Dómine, de Comm. Virg. Mart.

In II. Nocturno.

LECTIO IV.

APOLLONIA Virgo Alexandrina
Asub Décio imperatore, cum

ingravescente jam ætate ad idola sisteretur, ut eis venerationem adhiberet, illis contemptis, Jesum Christum verum Deum colendum esse prædibat. Quamobrem omnes ei contusi sunt et evulsi dentes: ac, nisi Christum detestata deos coleret, accenso rogo combusturus vivam minati sunt impii carnifices. Quibus illa, se quamvis mortem pro Jesu Christi fide subituram, respondit.

R. Propter veritatem.

LECTIO V.

TAQUE comprehensa, ut combureretur, cum paulisper, quasi deliberans quid agendum esset, stetisset, ex illorum manibus elapsa, alacris in ignem sibi paratum majóri Spíritus sancti flamma intus accensa, se injecit. Unde brevi consumpto corpore, purissimus spíritus in cælum ad sempiternam Martyrii coronam evolavit.

R. Dilexisti justitiam.

LECTIO VI.

De Sermone S. Gregórii Papæ.

RECTE per Salomónem dicitur:
Fortis est, ut mors, dilectio,

quia sicut mors corpus intérim-
mit, sic ab amore rerum corpo-
ralium æternæ vitæ caritas
occiditur. Nam quem perfecté
absorbuerit, ad terræna deside-
ria velut insensibilem reddit.
Nec enim Sancta hæc cujus hodie
natalitia celebramus, mori
potuisset in corpore, si prius a
terrænis desideriis mortua non
fuisset in mente. Eractus nam-
que in virtutis cúlmine ánimus
torménta despexit, præmia cal-
cavit. R. Afferéntur regi.

In III. Nocturno Homilia Sæ-
pe vos in Evang. Símile erit re-
gnum cælórum decem Virgíni-
bus, de Comm. Virg. I. loco.

In Quadrag. ix. Lect. de fer.
currente.

Ad Bened. Ant. Noli timére,
Fília, quia redémi te, et vocávi
te nómine tuo: cum ambuláve-
ris in igne, non comburéris,
et flamma non ardébit in te,
quia ego Dóminus Deus tuus,
Salvátor tuus.

Oratio ut supra.

In II. Vesperis.

Ant. Símile est regnum cæ-
lórum, ex Laudibus.

DIE XI.

APPARITIONIS B. M. V. IMMACULATÆ.

Duplex majus.

Omnia ut in festis B. M. V.,
præter seq.

In I. Vesperis.

Ant. et Capit. de Laudibus.

Psalmi ut in festis B. M. V.
per annum.

Hymnus. Ave maris stella.

v. Dignáre me laudáre te,
Virgo sacráta. R. Da mihi vir-
tutem contra hostes tuos.

Ad Magnif. Ant. Ista est co-
lúmba mea, perfectá mea, im-
maculáta mea.

Oratio ut ad Laudes.

Ad Matutinum.

Invit. Immaculátam Virgínis
Conceptionem celebrémus,
Christum ejus Fílium adorémus
Dóminum.

Ps. Veníte, exultémus.

Hymnus.

TE dícimus præcónio,
Intácta mater Núminis,
Nostris benígna láudibus
Tuam repénde grátiam.

Sontes Adámi pósteri
Infécta proles gígnimur;
Labis patérnæ néschia
Tu sola, Virgo, créderis.

Caput draconís invidi
Tu cónteris vestígio,
Et sola glóriam refers
Intaminátæ orígini.

O gentis humanæ decus
Quæ tollis Hevæ oppróbrium,
Tu nos tuére súpplices,
Tu nos labántes érige.

Serpéntis antíqui potens
Astus retúnde et ímpetus,
Ut cælitum perénnibus
Per te fruámur gáudiis.

Jesu, tibi sit glória
Qui natus es de Vírgine,
Cum Patre et almo Spíritu
In sempitérna sæcula.

Amen.

In I. Nocturno.

Ant. Ave, grátia plena, * Dó-
minus tecum.

Psalmi trium Nocturnorum
ut in festis B. M. V. per annum.

Ant. Benedícta tu inter mu-
líteres, * et benedíctus fructus
ventris tui.

Ant. Ne tísmeas, María, * inve-
nistí grátiam apud Dóminum.

ŷ. Deus omnipotens præcinxit me virtute. R. Et posuit immaculatam viam meam.

Lect. Ego sapientia, ut in festis B. M. V. per annum.

R. i. Sapientia quæ attingit a fine usque ad finem fortiter et disponit omnia suaviter, ædificavit sibi domum. * Ecce tabernaculum Dei cum hominibus. ŷ. Vidi sanctam civitatem, Jerusalem novam, paratam sicut sponsam, ornata viro suo. Ecce tabernaculum.

R. ii. Quasi arcus refulgens inter nebulas, et quasi flos rosarum in diebus vernis, et quasi lilium in transitu aquæ, * Sic fulget Virgo immaculata. ŷ. Arcum meum ponam in nubibus, et erit signum fœderis mei vobiscum. Sic fulget.

R. iii. Surge, amica mea, speciosa mea, et veni, columba mea. * Ostende mihi faciem tuam, sonet vox tua in auribus meis. ŷ. Vox turturis audita est in terra nostra. Ostende. Glória. Ostende.

In II. Nocturno.

Ant. Fecit mihi magna qui potens est, * et sanctum nomen ejus.

Ant. Sanctificavit tabernaculum suum Altissimus: * Deus in medio ejus non commovebitur.

Ant. Dominus possedit te in initio viarum suarum: * et in caritate perpétua dilexit te.

ŷ. Adjuvabit eam Deus vultu suo. R. Deus in medio ejus non commovebitur.

Lectio iv.

ANNO quarto a dogmática definitione de immaculato beatae Virginis conceptu, ad Gavi-

fluminis oram prope oppidum Lourdes Diocesis Tarbiensis in Gallia, ipsa virgo in rupis sinu super specum Massabielle puellæ cuidam, vernacula lingua Bernadette nuncupatæ, pauperimæ quidem, sed ingenuæ ac piæ, pluries se conspiciendam obtulit. Immaculata Virgo juvenili ac benigno videbatur aspectu, nivea veste niveoque pallio contacta, ac zona cærulea suffincta: nudos pedes aurea rosa ornabat. Primo apparitionis die, qui fuit undecimus Februarii anno millésimo octingentesimo quinquagesimo octavo, puellam signum crucis rite pieque faciendum edocuit, atque ad sacri rosarii recitationem, exemplo suo, coronam, quæ prius ex brachio demissa pendebat, manu advolvens, excitavit: quod in ceteris etiam apparitionibus præstitit. Altera autem apparitionis die, puella in simplicitate cordis sui, diabolicam fraudem timens, lustralem aquam in Virginem effudit: sed beata Virgo, leniter arridens, benigniorem illi vultum ostendit. Cum vero tertio apparuisset, puellam ad specum per quindecim dies invitavit. Exinde eam sæpius est alloquuta ac pro peccatoribus orare, terram deosculari, poenitentiamque agere est hortata: deinde imperavit ut sacerdotibus ediceret, ædificandum ibi esse sacellum, solemnisque supplicationis more illo accedendum. Mandavit insuper ut e fonte, qui sub aræna adhuc latébat, sed mox erat erupturus, aquam biberet eaque se abstingeret. Denique die festo Annuntiationis, percontanti enixe puellæ illius

nomen, cujus aspectu tóties dignáta fúerat, Virgo, admóti pécatori mánibus elatísque in cælum óculis, respóndit: « Immaculáta Concéptio ego sum. »

R. Quæ est ista, quæ progréditur quasi auróra consúrgens, Pulchra ut luna, elécta ut sol?

V. Ipsa est columba mea, perfécta mea, immaculáta mea. Pulchra.

Lectio v.

PERCREBRESCENTE fama beneficiórum, quæ in sacro specu recepísse fidéles dicebántur, augébatur in dies hóminum concúrsus, quos loci religio ad specum advocabát. Itaque prodigiórum fama puellæque candóre motus Tarbiénsis Epíscopus, quarto ab enarrátis anno, post jurídicam factórum inquisitió-nem, supernaturáles esse apparitiónis notas sua senténtia probávit, cultúmque Virgínis Immaculátæ in eódem specu permísit. Mox ædificátum sacéllum: ex illo die pene innúmeræ fidélium turbæ, voti ac supplicatió-nis causa, ex Gállia, Bélgio, Itália, Hispánia ceterísque Euró-pæ provinciis necnon ex longínquis Americæ regió-nibus quovís anno illuc advéniunt, noménque Immaculátæ de Lourdes ubique terrárum inclaréscit. Fontis aqua in cunctas orbis partes deláta, ægris sanitátem restítuit. Orbis vero cathólicus tantórum memor benefactorum, ædes sacras mirábili ópere ibi extrúxit. Vexilla innúmera, acceptórum beneficiórum véluti monuménta, illuc a civitatibus ac géntibus missa, ædem Virgínis miro ornátu décorant. In hac sua véluti sede Immaculáta Virgo júgiter cólitur; intérdiu

quidem précibus, religiósó cantu solemnibúsque áliis cæremóniis; noctu vero sacris illis supplicatió-nibus, quibus infínitæ propémódum peregrinántium turbæ céreis facibúsque accén-sis procédunt et laudes beátæ Virgínis concinunt.

R. Erit in novíssimis diébus mons præparátus Virgíni Maríæ in vértice móntium, et elevábitur super cælos, et ibunt pópuli multi et dicent: * Veníte et ascendámus ad montem. *V.* Sicut lætántium ómnium habitátio est in te. Veníte.

Lectio vi.

PEREGRINATIONES hujúsmodi fidem frigescénte sæculo excitásse, ánimum ad christiánam legem profiténdam addidísse, cultúmque Virgínis Immaculátæ mirum in modum auxísse, ómnibus compértum est. In qua mirábili fidei professiósne Christiánus pópulus sacerdotés véluti duces habet, qui illuc suas plebes addúcant. Ipsi étiam sacrórum Antístites sanctum locum frequénter ádeunt, peregrinatió-nibus præsent, solemnioribúsque festis intérsunt. Nec ádeo rarum est ipsos Románæ Ecclesiæ Purpurátos Patres húmili peregrinórum more accedéntes conspícere. Ipsi quoque Románi Pontífices, pro sua erga Immaculátam de Lourdes pietáte, sacram ædem donis nobilíssimis cumulá-runt. Pius novus, sacris indulgéntiis, Archiconfraternitátis privilégio ac minóris Basilicæ tí-tulo ipsam insignívit; ac Desparæ imáginem ibídem cultam, solémni ritu per Legátum suum apostólicum in Gállia diadémate distí-nctam voluit. Leo vero décimus tér-

tius innúmera étiam cóntulit benefícia, indulgéntias ad modum Jubilæi vigésimo quinto Apparitiónis anno verténte concéssit, peregrinatiónes sua auctoritaté verbóque provéxit, ac solémnem ecclésiæ sub título Rosárii dedicatiónem suo nómine péragi curávit. Quorum beneficiórum amplitúdinem cumúlavit, cum, plúrium Episcopórum rogátu, solémne festum sub título Apparitiónis beatæ Mariæ Virginis Immaculatæ, próprio Officio et própria Missa celebrándum benígne concéssit.

R. Prævenisti eam, Dómine, in benedictiõibus dulcedinis, posuisti in capite ejus. Corónam de lápide pretiósó. *v.* Magna est glória ejus in salutári tuo, glóriam et magnum decórem impónes super eam. Corónam. Glória Patri. Corónam.

In III. Nocturno.

Ant. Manus Dómini confortávit te, * et ideo eris benedicta in ætérnum.

Ant. Noli metúere * non enim pro te, sed pro ómnibus hæc lex constitúta est.

Ant. Benedixit te Dóminus in virtúte sua, * quia per te ad nihilum redégit inimícos nostros.

v. Diffúsa est grátia in lábiis tuis. R. Propterea benedixit te Deus in ætérnum.

Lectio sancti Evangélij secundum Lucam.

Lectio vii. Cap. I.

IN illo témpore: Missus est Angelus Gábríel a Deo in civitátem Galilææ, cui nomen Náza-reth, ad Virgínem desponsátam viro, cui nomen erat Joseph de domo David, et nomen Virgínis María. Et reliqua.

Homília sancti Bernárdi Abbátis.

Ex Homilia 2. super Missus.

LÆTARE, pater Adam, sed mægis tu, o Heva mater, exúlta, qui sicut ómnium paréntes, ita ómnium fuístis peremptóres; et quod infelícus est, prius peremptóres quam paréntes. Ambo, inquam, consolámini super fília, et tali fília, sed illa amplius de qua malum ortum est prius, cujus oppróbrium in omnes pertransívit mulieres. Instat namque témpus, quo jam tollátur oppróbrium, nec hábeat vir quid causétur advérsus fémínam; qui útique, dum se imprudénter excusáre conarétur, crudéliter illam accusáre non cunctátus est, dicens: Múlier quam dedísti mihí, dedit mihí de ligno, et comédi. Propterea curre, Heva, ad Mariám, curre mater ad fíliam; fília pro matre respóndeat: ipsa matris oppróbrium áuferat: ipsa patri pro matre satisfáciat: quia ecce si vir cécidit per fémínam, jam non erígitur nisi per fémínam.

R. Tu ergo ínvo-ca Dóminum, lóquere regi pro nobis, * Et líbera nos de morte. *v.* Ómnes sitiéntes, veníte ad aquas, et hauriétis salutem a Dómino. Et líbera nos.

Lectio viii.

QUID dicébas, o Adam? Múlier, quam dedísti mihí, dedit mihí de ligno, et comédi. Verba malítiæ sunt hæc quibus magis áugeas quam déleas culpam. Verúmtamen Sapiéntia vicit malítiam, cum occasiõnem véniæ, quam a te Deus interrogádo elícere tentávit, sed non pótuit, in thesauro indeficiéntis suæ pietátis invénit. Réd-

ditur nempe fémína pro fémína, prudens pro fátua, húmilis pro supérba, quæ pro ligno mortis gustum tibi pórrigat vitæ, et pro venenóso cibo illo amaritudinis, dulcédinem páriat fructus ætérni. Muta ergo iníquæ excusatiónis verbum in vocem gratiárum actiÓnis, et dic: Dómine, múlíer, quam dedísti mihi, dedit mihi de ligno vitæ, et comédi; et dulce factum est super mel ori meo, quia in ipso vivificásti me. Ecce enim ad hoc missus est Angelus ad Virgínem. O fémínam singuláriter venerándam, super omnes fémínas admirábilem, paréntum reparatricem, posterórum vivificatricem.

R. Plantávit Dóminus Deus paradísum voluptátis, produxítque lignum vitæ in médio ejus. Et flúvius egrediebátur de loco voluptátis. v. EmissiÓnes tuæ paradísus, Virgo María. Et flúvius. Glória Patri. Et flúvius.

Lectio ix.

QUAM tibi áliam prædixíse Deus vidétur, quando ad serpéntem ait: Inimicitias ponam inter te et mulíerem? Et si adhuc dúbitas quod de María díxerit, audi quod séquitur: Ipsa cónteret caput tuum. Cui hæc serváta victória est, nisi Maríæ? Ipsa procul dubio caput contrívit venenátum, quæ omnímodam málgni suggestiÓnem tam de carnis illécebra, quam de mentis supérbia dedúxit ad núbilum. Quam vero áliam Sálomon requirébat, cum dicébat: Mulíerem fortem quis invéniet? Nóverat quippe vir sápiens hujus sexus infirmitátem, frágitile corpus, lúbricam mentem. Quia

tamen et Deum légerat promísse, et ita vidébat congruere, ut qui vícerat per fémínam vícerétur per ipsam, veheménter admírans ajébat: Mulíerem fortem quis invéniet? Quod est dícere: si ita de manu fémínæ pendet et nostra ómnium salus, et innocéntiæ restitútio, et de hoste victória: fortis omnínó necesse est ut provideátur, quæ ad tantum opus possit esse idónea.

Te Deum laudámus.

Ad Laudes

et per Horas.

Ant. 1. Candor est lucis ætérnæ, * et spéculum sine mácula.

Ps. Dóminus regnávit, cum reliquis.

2. Múlíer amícta sole et luna sub pédibus ejus, * et in cápíte ejus coróna stellárum duódecim.

3. Tu glória Jerúsalem, tu lætítia Israel, * tu honoríficéntia pópuli nostri.

4. Benedícta es tu, Virgo María, a Dómino Deo excélso, * præ ómnibus muliéríbus super terram.

5. Hódie nomen tuum ita magnificávit Dóminus, * ut non recédát laus tua de ore hóminum.

Capítulum. Cant. 2.

SURGE, amíca mea, speciÓsa Smea, et veni; colúmba mea, in foráminibus petræ, in cavérna macériæ, osténde mihi faciém tuam, sonet vox tua in áuribus meis.

Hymnus.

AURORA soli prævia
Felix salutis núncia,

In noctis umbra plebs tua
Te, Virgo, supplex invocat.

Torrens nefastis fluctibus
Cunctos trahens voragine,
Leni residit æquore
Cum transit Arca foederis.

Cum torret arescens humus,
Tu rore sola spargeris;
Tellure circum rorida,
Intacta sola permanes.

Fatâle virus evomens
Attollit anguis verticem;
At tu draconis turgidum
lavicta conteris caput.

Mater benigna, respice
Fletus precésque supplicum,
Et dimicantes tartari
Victrix tuere ab hostibus.

Jesus, tibi sit gloria,
Qui natus es de Virgine,
Cum Patre et almo Spiritu
In sempiterna sæcula.

Amen.

V. Diffusa est grátia in lábiis
tuis. R. Propterea benedixit te
Deus in ætérnum.

Allegor. Ant. Præclara sal-
lutis auróra, ex te, Virgo Ma-
ria exivit sol justitiæ, qui visi-
tavit nos oriens ex alto.

Oratio.

DEUS, qui per immaculatam
Virginis Conceptionem di-
gnum Filio tuo habitaculum
præparasti: supplices a te quæ-
sumus; ut ejusdem Virginis ap-
paritionem celebrantes, salutem
mentis et corporis consequamur.
Per eundem Dominum.

Ad Tertiam.

Capit. Surge, amica mea, ut
supra.

R. br. Quæ est ista quæ a-
scendit de deserto? Deliciis af-
fluens? Quæ est ista. V. Innixa
super dilectum suum. Deliciis
affluens. Gloria. Quæ est ista.

V. Vidérunt eam filiæ Sion.
R. Et beatissimam prædicavé-
runt.

Ad Sextam.

Capitulum. Prov. 8.

MECUM sunt divitiæ et glória,
Mopes superbæ et justitia:
melior est enim fructus meus
auro et lapide pretioso.

R. br. Ego Mater * Pulchræ
dilectionis. Ego Mater. V. Et
timoris et agnitionis et sanctæ
spei. Pulchræ dilectionis. Gló-
ria Patri. Ego Mater.

V. In me omnis grátia viæ et
veritatis. R. In me omnis spes
vitæ et virtutis.

Ad Nonam.

Capitulum. Eccli. 24.

IN me grátia omnis viæ et ve-
ritatis, in me omnis spes vitæ
et virtutis. Transite ad me o-
mnes qui concupiscitis me, et
a generationibus meis implé-
mini.

R. br. Qui me iuvenerit *
Invéniet vitam. Qui me. V. Et
hauriet salutem a Domino. In-
véniet vitam. Glória. Qui me.

V. Transite ad me omnes qui
concupiscitis me. R. Et a ge-
nerationibus meis implémini.

In II. Vesperis.

Omnia ut in I. Vesp., præter
sequentia.

Hymnus.

OMNIS expertem maculæ Ma-
riam

Edocet summus fidei magister;
Virginis gaudens celebrat fi-
délis

Terra triúmphum.

Ipsa se præbens húmili pu-
ellæ

Virgo spectándam, récreat pa-
véntem,
Seque concéptam sine labe san-
cto

Prædicat ore.

O specus felix, decoráte divæ
Matris aspéctu! veneránda ru-
pes,

Unle vitáles scatuére pleno
Gúrgite lymphæ.

Huc catervátim pia turba
nostris,

Huc ab extérnis peregrína ter-
ris

Affluit supplex, et opem po-
téntis

Virginis orat.

Excipit Mater lácrimas pre-
cántum,

Donat optátam míseris salútem;
Compos hinc voti pátrias ad
oras

Turba revértit.

Súpplicum, Virgo, miseráta
casus,

Semper o nostros réfove labó-
res,

Impetrans mœstis bona sempi-
térnæ

Gáudia vitæ.

Sit decus Patri, genitæque
Proli,

Et tibi compar utriúsq; virtus
Spíritus semper, Deus unus o-
mni

Témporis ævo.

Amen.

V. Dignáre me laudáre te,
Virgo sacráta. R. Da mihi vir-
tútem contra hostes tuos.

Ad Magnif. Ant. Hódie glo-
riosa cæli Regína in terris ap-
páruit; hódie pópulo suo verba
salútis et pignora pacis áttulit;
hódie Angelórum et fidélium
chori Immaculátam Conceptió-
nem celebrántes gáudio exúl-
tant, allelúja.

FESTA MARTII

DIE III.

S. ANSELMI Abbatis.

Duplex.

Omnia de Comm. Conf. non
Pont., præter seq.

Oratio. *Intercéssio.*

In I. Nocturno Lect. *Laudé-
mus viros gloriósos, de Comm.
Conf. Pont. 2. loco, cum RR.
de Comm. Conf. non Pont.*

In II. Nocturno.

Lectio iv.

ANSELMUS vir nobilissimus Ai-
stúlpho Longobardórum regi
Giseltrúdæ soróris suæ viro
conjunctus, Forojuliénsi Ducá-
tu, et régis militiæ præfectúra
conspícuus, post multa stré-
nue in bello gesta, Deo mili-
táre definceps instituit. Abjé-
ctis ergo sæculi pompis, sub
régula sancti Benedicti moná-
sticam vitam amplexus, Fa-
nání primum in Æmíliæ fínibus
(assignáto sibi per Aistúlphum
solo) cœnóbium ædificávit, ubi
assumptis sibi sóciis eámdem
régulam profiténtibus, omni
virtútum génere brevis resplén-
duit. Humilitáte potíssimum
excellere visus est; nam cæte-
ris quibúsvís étiam sibi súbdi-
tis abjectiorem se réputans,
de virtútibus suis Fratres élo-
qui mínime pati póterat; qui-
námmo vilióra quæque mona-
stérii múnia obfere géstiens,
domínicum illud frequénter in-
geminábat: Fílius hóminis non
venit ministrári, sed ministráre.
Hospitalitáte prætèrea, et mira
in páuperes largitáte insignis.
plura hospítia ad egénos, pere-
grínosque excipiéndos váriis in

locis extruxit, multisque attributis e sæculari suo patrimonio bonis, locupletavit, a quibus neminem, nisi impensis ei prius omnibus caritatis officiis, discedere permittēbat.

R. Honestum fecit.

Lectio v.

POST hæc Nonantulæ suis ipse manibus, monachisque adlaborantibus, perpurgato vepribus loco, insigne monasterium a fundamentis erexit, et ad excipiendos debiles et feminas, quæ ad monasterium venire non poterant, xenodochium alterum in via Æmilia construxit, ac divi Ambrósii nomine dedicavit. Romam religionis causa profecturus, Aistulpho regi auctor fuit, ut eandem secum peregrinationem susceperet. A Stéphano Summo Pontifice, assidentibus in Vaticana Basilica Episcopis, honorifice exceptus rex, amplum pro monasterio Nonantulano diploma super corpus beati Petri veteri more obtulit, quod Stéphanus Apostolica auctoritate firmatum Anselmo tradidit, eumque propriis ipse manibus Abbatem solenni ritu constituit, ac demum compluribus sanctorum reliquiis, et sacris præsertim beati Silvestri ossibus, unde postea monasterio nomen extitit, donatum dimisit.

R. Amavit eum.

Lectio vi.

NONANTULAM reversus, Fratribus suis monasticam disciplinam, non tam regulariis præceptis et institutis cælesti sapientia plenius, quam assidue virtutum exercitatione, cunctis, ipse præluces, egregie tradere, ac promovere non de-

stitit; quapropter adeo sanctitatis ejus fama percurrebat, quam et Deus ipse miraculis non semel per eum editis reddidit illustriorem; ut quamplurimi in dies, terrenis omnibus abdicatis, perfectioris vitæ desiderio illi sese instituendos committerent. Monachorum numerum ad centum, et amplius supra mille, excrevisse compertum est, exceptis parvulis, et pulsantibus, capessendæ ibidem regulari militiæ proludentibus, quibus etiam fovendis, atque regendis Anselmi caritas paternæ non deerat. Postræmo vir Dei, cum quinquaginta fere annis amplissimo monasterio præfuisset, dissolutionem sui corporis imminere præsentiens, convocatis Fratribus, jam finis sui diem adesse nuntiavit, eosdemque lacrimantes paternæ consolatus, et ad susceptum perfectionis iter alacriter prosequendum, propòsita spe coronæ immarcescibilis adhortatus, consuétos horæ tertiæ, atque inde sextæ canonicæ psalmos in gaudio spiritus, et voce exultationis canere aggressus est: quibus explētis, benedictione Fratribus impertita, expansis manibus, oculisque in cælum intentis, animam Deo reddidit feria sexta quinto nonas Martii anno salutis octingentesimo tertio. Sancti viri corpus marmoreo labello a monachis conditum, in templi Nonantulani summo altari collocatum, adhuc pia populi frequentia colitur, multique eum, in assequenda a Deo ex variis infirmitatibus sanitate, propitium intercessorem experti sunt. Nonantulani vero ut peculiarem

sibi adlectum Patrónum agnoscunt, et venerántur.

R. Iste homo.

In III. Noct. Homil. Grandis fiducia in Evang. Ecce nos reliquimus ómnia, ut in Comm. Abbatum. Lectio ix. de Homil. feriae.

DIE XX.

S. ANSELMI LUCENSIS

Episc. et Conf.

Duplex.

Omnia de Comm. Conf. Pont., præter seq.

In Hymno Iste Confessor M. S.

Oratio.

Deus, qui Ecclesiam tuam beati Anselmi Confessoris tui, atque Pontificis illuminare dignatus es méritis et doctrinis: concède, ut ejus intercessióne temporalibus non destituatur auxiliis, et spiritalibus semper proficiat incrementis. Per Dóminum.

In I. Nocturno Lectiones Fidélis sermo.

In II. Nocturno.

Lectio iv.

ANSELMUS Mediolanensis Alexandri secúndi Pontificis Máximi fratris fílius nobili génere natus, ac pie et laudabiliter educátus, cum móribus doctrinæque præstáret, in pátrui ad Summum Pontificátum evécti locum Episcopus Lucénsis est designátus. Ipse vero Ecclesiasticæ disciplinæ retinentíssimus, cum non ex légibus institútisque Ecclesiæ episcopátus sibi deferretur, tándiu illum recusávit, donec legítimè electus a sancto Gregório séptimo, qui Alexandro succésserat, consecrátus est. Quod

autem subínde, ex recépto tunc témporis more, ánnulum et báculum ab Imperátore, qui cum Ecclesiá dissidébat, contra Summi Pontificis mónitum, accepiasset, ádeo eum pœnstituit, ut abdicátio episcopátu, in Cluniacénse monastérium erráti pœnas luiturus, se abdiderit, et sancti Benedicti institútum professus sit. Unde invítus a Summo Pontífice revocatús Ecclesiæ Lucénsi rédditus est.

R. Inveni David.

Lectio v.

In ea administránda óptimi Ipastóris partes óbiens, cum in id potíssimum incumberet ut corrúptos clericórum mores ad bonam frugem redúceret, ac canónicos potíssimum ad præscriptas a Leóné Papa nono vivéudi leges indúceret, contra eum perditíssimórum hóminum conspirátio facta est. Quam cum collátis consíliis Summus Póntifex, et Mathíldis, quæ in ea civitáte impérium tenébat, vindicáre conaréntur, in furórem acti conspirátóres, Petro quodam in episcopálem cathedram intrúso, sanctum Episcopum urbe pepulérunt. Exul itaque Anselmus Summi Pontificis jussu apud Mathíldem, ejus móribus moderátus, se recépit, quam étiam in públicæ rei administratióne consíliis mirífice juvit. Tum ab eódem Pontífice suus vicárius per Longobardíam constitútus, ómnibus fere ejúsdem regiónis Ecclesiis opem tulit. Guibérto archiepiscopo Ravennáti, qui in Summi Pontificis nomen, potestatemque sancto Gregório adhuc incólumi inváserat, fórtiter óstitit, atque in difficíllimis illis reipú-

blicæ christianæ temporibus Summi Pontificis partibus jūgiter adhæsit, eque se strenuum adiutorem præbuit: quare morienti Gregório dignus inter alios visus est, qui sibi in Summo Pontificatu succederet.

R. Pōsui adiutorium.

Lectio vi.

PLURA ad Ecclesiæ unitatem fovendam præclare scripsit, atque ad ejus jura tuenda ex pluribus ecclesiasticis scriptoribus excerp̃ta in volumen retulit. Sancti Gregorii virtutes in se exprimere jūgiter studens, verticem christianæ perfectionis attingit. Clāruit etiam miraculorum dono; ac Mathildem præcipue sola manuum impositione sæpe sanitati restituit: ac parvæ catholicorum manui benedicens, insignem de schismaticis victoriam cœlitus impetravit. Dénique magnis pro Ecclesiæ Dei laboribus perfunctus, Mantuæ obiit decimo quinto Kalendas Apr̃lis anno millesimo octogésimo sexto, episcopatus anno décimo tertio. Ejus sanctitatem innúmeris, ac præclaris miraculis etiam post obitum Deus illūstre fecit, quibus perspēctis, schismatici plures ad catholicam communionem reversi sunt. Ejus autem corpus in illa cathedrālī ecclesiā servatur et colitur.

R. Iste est qui.

In III. Nocturno.

Lectio sancti Evangelii secundum Matthæum.

Lectio vii. Cap. 5.

In illo tempore: Videns Jesus turbas, ascendit in montem: et cum sedisset, accesserunt ad eum discipuli ejus. Et reliqua.

Homilia sancti Augustini
Episcopi.

Ex lib. I. de Serm. Dom.
in monte. Cap. 5.

BEATI eritis, inquit, cum vobis maledicent, et persequentur vos, et dicent omne malum adversum vos mentientes propter me: gaudete et exultate, quoniam merces vestra multa est in cælis. Animadvertat quisquis delicias hujus sæculi, et facultates rerum temporalium quærit, in nomine christiano intrinsecus esse beatitudinem nostram, sicut de anima ecclesiastica ore prophético dicitur: Omnis gloria ejus filius regis ab intus. Nam extrinsecus maledicta, et persecuciones, et detracciones promittuntur: de quibus tamen magna merces est in cælis, quæ sentitur in corde patientium eorum qui jam possunt dicere: Gloriamur in tribulationibus, scientes quod tribulatio patientiam operatur: patientia autem probationem: probatio vero spem: spes autem non confundit, quia caritas diffusa est in cordibus nostris per Spiritum sanctum, qui datus est nobis.

R. Amavit eum.

Lectio viii.

NON enim ista perpēti fructuosum est, sed ista pro Christi nomine non solum æquo animo, sed etiam cum exultatione tolerare. Nam multi hæretici nomine christiano animas decipientes, multa talia patiuntur: sed ideo excluduntur ab ista mercēde, quia non dictum est tantum: Beati qui persecutionem patiuntur: sed additum est, propter justitiam. Ubi autem sana fides non est,

non potest esse justitia: quia justus ex fide vivit. Neque schismatici aliquid sibi ex ista mercede promittant: quia similiter, ubi caritas non est, non potest esse justitia. Dillectio enim proximi malum non operatur: quam si haberent, non dilaniarent corpus Christi, quod est Ecclesia.

R. Sint lumbi.

Lectio ix. de Homilia feria currentis.

DIE XXII.

B. HIPPOLYTI GALANTINI

Confessoris. Duplex.

Omnia de Comm. Conf. non Pont., præter seq.

In Hymno *Iste Confessor M. S.*

Oratio.

DEUS, qui ad christianam pavulorum, et rudium institutionem beatum Hippolytum inter sæculi curas singulari caritate decorasti: ipsius meritis concede; nos opere implere, quæ fide percipimus, et ad promissa fidelibus gaudia pervenire. Per Dominum.

In I. Nocturno Lectiones, Justus, de Comm. Conf. non Pont.

In II. Nocturno.

Lectio iv.

HIPPOLYTUS Galantinus Florentiæ natus simul ac in lucem prodiiit, divinitus præsentis mortis periculo ereptus est. Primam gratiam per Baptismum ipsi collatam vel puer diligentissime custodivit, et pro viribus auxit. Neque enim tantum a solatiis, et nugis istius ætatis abhorrui, sed et pietatem sic coluit, ut novennis dignus sit habitus, qui Angelorum pane reficeretur. Quum

aliquamdiu fuisset solitudinem meditatus, arcano Dei consilio, mutata mente, patris artem, qui textor erat sericorum, professus est. Sed nil idcirco pristina ejus in Deum, et fratres deseruit caritas, immo ad propagandam gloriam illius, ad consulendum horum salutis factus alacrior, vix duodecim annos natus totum se christianæ institutioni rudium hominum ac puerorum addixit.

R. Honestum fecit.

Lectio v.

QUUM vero ad utilem aliorum institutionem sciret magis exempla, quam verba conducere, ut res sibi beneverteret, studuit quotidie novis incrementis virtutum omnium, in quibus sese jam a pueritia exercuerat, severiorique præsertim custodiæ virginæ pudoris, quem una cum baptismali innocentia usque ad extremum ælitum servavit intemeratum. Vita ad hanc normam composita, eam sanctitatem adeptus est, quam tantopere Maria Magdalena de Pazzis, et Camillus de Lellis suspexere, quamque ipse Deus supernis charismatibus ditavit, præsertim prophetæ et curationum dono, atque gratia sermonis. Tanta enim mens ejus cælesti luce perfusa est, tanta indita in ejus animum dicendi vis atque copia, ut non modo pueros, imperitosque homines ad evangelicam legem erudiret, sed etiam perditissimos quosque e vitiorum semita ad virtutis tramitem revocaret. Quæ res et invidiam obtrectatorum illius in benevolentiam convertit, et hujusmodi apud viros principes ipsi conciliavit au-

ctoritatem, ut magni Hetrúriæ duces eum concionantem audire gestiverint, maximèque probaverint, et Alexánder Medicus tunc Florentinus archiepiscopus, dein Póntifex Máximus Leo undécimus, novum dixerit urbis ejus apóstolum.

R. Amávit eum.

Lectio vi.

CUPIENS autem etiam in pósterum piæ institutioni prospicere, sodalitatē quamdam, cui eadem committeretur designabat: simul rogábat assidue Patrem lúminum, ut hac super re, quod ei erat plácitum, sibi próderet. Perseveránti in oratione servo Dei Christus Dóminus sese conspiciéndum exhibuit, qui et evulsis e cruce manibus Hippólytum álloquens, ínitum ab ipso consílium sibi probári significávit. Hac ille visione cælesti et voce recreátus Congregatió-nem instituit a Doctrína Christiána nuncupátam, cujus sodales in sæculo vivunt a ceteris láicis hábitu tantum proprio et modésto discrepantes, sapientíssimis regúntur légibus, quæ custoditis ad ápicem perfectiónis conténdant, se in informándis adolescentulis atque indóctis homínibus ad religió-nem morúmque disciplínam exercent in sacra æde Congregatió-nis sub horas vespertínas. Consuetúdinem hanc institutor est a Philípโป Nério mutuátus non secus, atque áliam revocándi bacchanálium tempore alúmnos per innócia solátia sacrosque concéntus a periculósissimæ voluptátibus, quibus et illam adjécit expléndi per idem tempus páuperum famem épulo

magnificentíssimo. Rebus sic institútis propítio Númine, Congregátio Doctrínæ Christiánæ non Floréntiæ tantum altas agit radices, sed et ad álias Italíæ urbes príncipes, Lucam Mutinámque pervásit. Voticompos Hippólytus tot tantisque perfúctus laboribus, præmióque matúrus obdormívit in Dómino die vigésima Mártii anno millésimo sexcentésimo décimo nono, ætátis quinquagésimo quinto. Eum virtútibus, et miraculis clarum Leo duodécimus Póntifex Máximus piaculári anno millésimo octingentésimo vigésimo quinto Beatórum factis adscripsit.

R. Iste homo.

In III. Nocturno Homil. Sancti Evangélii, in Evang. Sint lumbi vestri, de Comm. Conf. non Pont. I. loco.

Lectio ix. de Homilia feriæ currentis.

FESTA APRILIS

DIE XII.

S. ZENONIS Episc. et Mart.

Duplex.

Omnia de Comm. unius Martyris, vel de Comm. Mart. tempore Pasch. I. loco, præter seq.

Oratio.

DEUS, qui nos beáti Zenónis Mártiris tui atque Pontificis gloriósa confessióne circúmdas et prótegis: concéde propítius; ut cujus solemnitáte lætámur, de ejúdem etiam protectióne gaudeámus. Per Dñum.

In I. Nocturno, in Quadragesima Lectiones, A Miléto, de Comm. unius Martyris. Extra Quadrag. de Script. occur.

In II. Nocturno.

Lectio iv.

ZENO, octāvus Veronæ episcopus, ejusque lumen et ornamētum, in Africa ut ferunt, natus est. Græcis ac latinis literis a prima ætate excultus, ingenti christiāne religiōis propagandæ ardore flagrabat. Hinc multis peragratis Oriētis provinciis, e Syria in Italiā contēdit, et hūmili loco apud Veronam delēcto, ibi assiduīs orationibus, jejūniis, vigiliis enixe a Deo petēbat, ut divini verbi prædicandi ostium sibi in pōpulos aperiret. Itaque cum ejus sanctæ vitæ fama jam late manavisset, defūcto sancto Cricino, ejusdem civitatis episcopo, ad illam sedem omnium consensu fuit evēctus. In episcopātu, veluti lucerna effūlgens in domo Dei, strēnue elaboravit, tum in plurimis idolōrum cultoribus, qui adhuc obstinati supērerant, ad veræ fidei professionem perducendis, tum in omni alio officio boni pastōris adimplēdo, ne sibi commissus grex serpentium errorum lue, præsertim Ariāne hæresis, contaminaretur. Quare eximius Jesu Christi ejusque veræ Deitatis confessor multa ab illis infidelibus et hæreticis invicta pectoris fortitudine passus est.

R. Honēstum fecit.

Tempore Paschali. R. Lux perpétua.

Lectio v.

VIR erat præstanti ingenio, imprimisque acri, et in sacris Scripturis explicandis adeo eloquētia præditus, ut magna dicēdi vi ac suavitate in omnium animos vehemēter in-

flueret. Extant nobilissimi sermones præcipue in Vetus et Novum Testamētum ab eo conscripti, in quibus egrēgiam illius pietatem æque ac pretiosæ eruditōnis cōpiam admirari præstat. Sancti hujus antistitis judicio probatam, atque ejus sanctificatam benedictione fuisse piam quamdam virginem, nōmine Indiciam, testatur sanctus Ambrōsius, ejus ætati suppar, ad Syāgrum scribens Veronensem episcopum ipsius successorem. Tantum præterea in dæmones exercuit impérium, ut multi vel a dissitis locis idcirco illum adirent. Ob hæc autem et alia plurima ad Dei gloriā præclare gesta Veronenses ci-ves patrem patriæ Zenonem appellaverunt. Qui tandem, sua Ecclesiā optime constituta, cum eam mira constantia diu gubernasset, pridie Idus Aprīlis, circa quarti sæculi mēdium, miraculis quoque illūstris in cælum migravit. Propter persecutiōnes fidei causa toleratas gloriōsum Mārtiris titulum promeruit, quo et a beato Gregorio Magno decoratus est, et ab aliis insignis notæ scriptoribus qui ecclesiasticas histōrias et Martyrolōgia exararunt.

R. Desidérium.

Temp. Pasch. R. In servis.

Lectio vi.

Ex l. 3. Dialog. S. Greg. Papæ.

Cap. 19.

APUD Veronensem urbem flūvius Athesis excrecens ad beati Zenonis Mārtiris atque Pontificis ecclesiā venit. Cujus ecclesiæ dum essent januæ apertæ, aqua in eam minime intravit; quæ paulisper crescens usque ad fenēstras ecclesiæ, quæ

erant tectis próximæ pervénit: sicque stans aqua ecclésiæ jánuam clausit, ac si illud elementum liquidum in soliditatem parietis fuisset mutatum. Cumque essent multi inventi intérius, sed aquarum multitudine omni ecclésiá circúmdatá, qua possent egredi non haberent, ibique se siti ac fame deficere formidarent, ad ecclésiæ jánuam veniebant: ad bibendum hauriebant aquam, quæ, ut præfixi, usque ad fenestras excreverat, et tamen intra ecclésiám nullo modo defluébat. Hauriri itaque ut aqua póterat, sed defluere ut aqua non póterat. Stans autem ante jánuam ad ostendendum cunctis meritum Mártyris, et aqua erat in adiutorium, et quasi aqua non erat ad invadendum locum.

R. Stola.

Tempore Paschali. R. Ffiliæ Jerúsalem.

In III. Nocturno Homil. Si consideremus, in Evang. Si quis venit, de Comm. unius Mart. Lectio ix. de Hom. feriæ eurr. Temp. Pasch., Hom. Iste locus in Evang. Ego sum vitis vera.

DIE XVI.

S. CONTARDI Estensis Conf. Duplex.

Omnia de Comm. Conf. non Pont., præter seq.

Oratio. Adesto.

In I. Nocturno Lectiones de Scriptura occurrente.

In Quadrag. Justus, de Comuni Conf. non Pont. I. loco.

In II. Nocturno.

Lectio iv.

CONTARDUS ex illústri Estensium familia, licet ad sum-

mos honóres, atque amplitudinis gradus se natum agnosceret, humana tamen omnia, quamvis speciósá, ut Christum crucifaceret, abjécit. Quare paupertatem ampléxus, emissóque voto, cum duóbus sóciis Compostellam versus peregrinationem instituit. Sed in eo itinere factum est, ut in óppido Bróna Placentíni episcopátus aliquantisper vires reficiendi grátia commorátus, vicínium collem ascenderet, cui nomen a sancto Contárdo in hunc usque diem mansit. Ejus amoenitáte captus tácite a Deo conténdit, ut si forte in ea laboriósá peregrinatione moritúrus esset extra pátriám, in eo ipso loco moreretur. Sensit audítas esse preces e sensu dolóris, quo repente corréptus, et a sóciis in próximum hospítium delátus est. R. Honéstum fecit.

Lectio v.

INGRAVESCENTE póstea morbo. Nec jam ulla prope spe relicta evadendi, cómites illi duo coeptum iter, ipso auctóre et hortatóre prosecúti sunt. Contárdus igitur áliquod dies vi fébrium conflictátus, admirabilem patientiam osténdit: cumque dolórum acérbitas in dies augeretur, vix ullam quiétis partem cápere póterat, et querulas voces continére. Hinc hospes incógnitum ægrum exósus (non enim suum genus prodi volúerat), et ægre ferens álvenas hospítio absterréri, domo sua exégit in quoddam vicíni tugúrium, ubi módica in pálea cubábat. R. Amávit eum.

Lectio vi.

INCREDIBILE est, quanta in eo loco pertúlerit, omni spe de-

stitutus. Sed nimis cum dolore cruciatuque corporis crecebat animi fortitudo et patientia. Etenim piis precationibus, et divinæ contemplationi jugiter intentus, maxime vero acerbissimam Christi necem recolens, egregium sibi remedium ad morbi vim, et acres doloris morsus comparabat. Denique satis probatus, et spectatus tamquam aurum in fornace, obiit decimo sexto Kalendas Majas anno post Christum natum millesimo ducentesimo quadagesimo nono. Ejus corpus ibi sepultum est in æde sancti Petri: quod multis deinde miraculis illustratum post aliquot annos in honestiorem ædis ejusdem locum translatum est: ubi quotannis extremo sabbati die mensis Augusti, maximo populorum concursu, singularique pietate invisitur atque celebratur.

R. Iste homo.

In III. Noct. Homil. Grandis fiducia, in Evang. Ecce nos relinquitur omnia, de Comm. Abbatum. In Quadrag. Lectio ix. Hom. fer. curr.

DIE XXVII.

S. ZITÆ Virginis Lucensis.

Duplex.

Omnia de Comm. Virg., præter sequentia.

Oratio.

DEUS, qui beatam Zitam Virginem ex humili ancillæ statu ad regnum æternum transfuisti, ejus nobis intercessione concede; ut tibi fideliter serviētes in terris, sublimari cum ipsa mereāmur in cælis. Per Dñm.

In I. Nocturno Lectiones de Scriptura occurrente.

In II. Nocturno.

Lectio iv.

ZITA Virgo, in Lucanæ civitatibus, ac diocesis pago, qui Mons Sacratu dicitur, humilibus quidem ac piis parentibus nata est. Adolescēntula a patre Lucam deducta, ibique in nobilem Fatinellorum domum inter ancillarum ministeria recepta, adeo celeri cursu ad sublimem Evangelicæ perfectionis apicem contēdit, ut Marthæ et Mariæ officia toto vitæ tempore mirifice conjungens, divinarum rerum contemplationi, assidue adhæserit; quin unquam vel rerum familiarium obsequio deesse vel a manuum labore, atque operibus cessare visa fuerit. Summa ejus fuit abstinētia, et admirabilis vitæ austēritas. Castitatis excolendæ studiosissima, ictoque cum oculis fœdere curiosum quodlibet vanitatis intuitum præcavēdi, aggrediētis juvenis impudentiam fortiter promptèque rejecit. Corpus cum vitiis crucifigere assueta, parco ac tenui victu illud sustentare, aspera, rudique veste contēgere, hispidoque fune præcingere, nudatis pedibus incēdere, suoque lectulo pauperculis reservato, humi ipsa, vel nudos super assēres decumbere in deliciis habebat.

R. Propter veritatem.

Lectio v.

VEHEMENTISSIMO divini amoris igne æstuans, ad matutinas vigiliās ac divinas etiā laudes in vicino sancti Frigidiani templo celebrandas statutis horis convolebat; ibique inter orandum tanta cælestis contem-

platiónis dulcedíne perfundebatur, ut ab ea ábstrahi étiam vi facta, plerúmque vix posset. Caritáte erga próximum singuláriter enítuit: quidquid enim de victu, de mercéde ac veste detráhere sibi licéret, e-génis ægrótiis sublevándis alá-criter impendebat, ut nemo a paupérula pauper sine ope discéderet. Hanc tantam piæ vír-ginis in míseros liberalitátem magnis a Deo præmiis ac mu-néribus cumulátam fuisse, e-dictisque de cælo signis, atque prodigiis servæ suæ adhuc vi-véntis sanctimóniam illustrári ab ipso voluisse, memóriæ pró-ditum est. Nam, et hórrea piis largitióibus exháusta no-vis frúgibus divínitus complés-se, et labénti imbre mínime perfúndi visam esse, et aquas in vinum convertísse, et panis frusta in flores rosásque com-utásse tráditur.

R. Dilexisti justítiam.

P. E ætérna cuiúsque salúte ac peccatórum conversiône má-xime sollicita, in id præcípue incumbébat ut impudícas mu-lieres hospítio excípiens, quan-tum posset, a sórdibus avocá-ret. Tandem labóribus, vigíliis, afflictatióibus magnis quam an-nis attríta, febríque corrépta, léctulo præter morem decúm-bere compéllitur, suíque éxitus cónsicia, sacraméntis Ecclésiæ refécta, óculis in cælum defixis, mánibusque in crucis formam ad-pectus compósitis, quinto Ka-léndas Majas, anno supra mil-lésimum ducentésimo septuagésimo octávo, ætátis prope se-xagésimo, méritis plena evolá-vit ad Sponsum. Cultum eidem

ab immemorábili témpore præ-stitum Innocéntius duodéci-mus Románus Póntifex Apostó-lica auctoritáte probávit. Cor-pus in hanc usque diem vége-tum, et incorrúptum Lucæ in pervetústa sancti Frigdiáni Lon-gobardórum basílica vísitur, summáque religióne cólitur.

R. Afferéntur regi.

In III. Nocturno.

Léctio sancti Evangélii secún-dum Lucam.

Lectio vii.

Cap. 10.

IN illo témpore: Intrávit Jesus in quoddam castéllum, et mú-lier quædam, Martha nómine, excépit illum in domum suam. Et réliqua.

Homílla sancti Augustíni
Epíscopi.

De Serm. de Verbis Dom.

QUID enim, putámus repre-hénsus esse ministérium Marthæ, quam cura hospitalitátis occupáverat, quæ ipsum Dóminum hospítio receperat? Quómodo recte reprehendebatur, quæ tanto hópíte lætabatur? Hoc si verum est dimít-tant hómínes, quod mínistrant, géntibus: elígant sibi partem meliorem, quæ non auferétur ab eis; vacent verbo, íohient doctrínæ dulcedíni: occupéntur circa sciéntiam salutárem. Nihil eis curæ sit, quis peregrínus in vico sit, quis égeat pane, quis induménto, quis visi-tándus, quis sepeliéndus: vacent ópera misericórdiæ: uni instétur sciéntiæ. Si melior pars est, cur non omnes hoc faciunt? Quando ipsum Dóminum in hac causa patrónum habémus? Non enim tímémus in hac re ne of-

sendamus ejus justitiam, cum patrónam teneamus ejus sententiam.

R. Hæc est virgo.

Lectio viii.

Per tamen ita non est: sed sicut dixit Dóminus, ita est. Quómodo intélligis, non est? Est autem quómodo intélligere debes. Ecce advérte: circa multa es occupáta, quando unum est necessárium. María meliorem partem elégit. Non tu malam: sed illa meliorem. Sed unde meliorem? Quia tu circa multa, illa circa unum. Præponitur unum multis. Non enim a multis unum, sed multa ab uno. Multa sunt, quæ facta sunt, unus est qui fecit cælum, terram, mare, et ómnia quæ in eis sunt, quam multa sunt? Quis ista enúmeret? Quis horum multitudinem cógitet? Quis hæc fecit? Deus. ómnia. Ecce bona valde. Bona valde quæ fecit, quanto melior ille qui fecit?

R. Média nocte.

Lectio ix.

ATENDAMUS (gitur occupatiónes nostras circa multa. Necessárium est ministérium corpora refectúris. Quare hoc? Quia esuritur, quia sititur. Misericórdia míseris necessária est. Frangis panem esuriénti, quia invenisti esuriéntem: tolle famem; cui frangis panem? Tolle peregrinatióem; cui éxhibes hospitalitátem? Tolle nuditátem; cui præparas vestem? Non sit ægritúdo; quem vísitas? Non sit captivitas; quem rédimis? Non sit rixa; quem concórdas? Non sit mors; quem sèpelis? In illo sæculo futúro

non erunt ista mala: ergo nec ista ministéria.

Te Deum laudamus.

DIE XXIX.

B. MARIE V. DE GLARA.

Duplex majus.

Omnia ut in festis B. M. V. per annum, servato ritu paschali, præter Lectiones II. Nocturni, quæ sunt sequentes.

Sermo sancti Bernárdi
Abbátis.

In Dom. infr. Oct. Assumpt.

Lectio iv.

JAM nec ipsa mulier benedicta in mulieribus Virgo María vidébitur otiosa; inveniétur enim locus ejus in hóminis reconciliatióne. Opus est enim mediátore ad mediátorem Christum, nec alter nobis utílior, quam María. Crudélis nímium mediátrix Heva, per quam serpens antiquus pestíferum étiam ipsi viro virus infúdit; sed fidélis María, quæ salútis antidotum, et viris, et mulieribus propinávit. Illa enim ministra seductiόνis, hæc propitiatiόνis. Illa suggéssit prævaricatióem, hæc ingéssit redemptiόem.

R. Sicut cedrus.

Lectio v.

QUID ad Mariám accédere trépídat humana fragilitas? Nihil austérum in ea, nihil terribile: tota suávis est. Revólve diligéntius evangélicæ históriæ sériem univérsam, et si quid forte increpatoriúm, si quid durum, si quod dénique signum vel ténuis indignatiόνis occurrerit in Mariá, de cætero suspéctam hábeas, et accédere vereáris. Quod si (ut vere sunt)

plena magis ómnia pietátis, et grátie, plena mansuetúdinis, et misericórdie, quæ ad eam pèrtinent, invénieris; age grátias ei, qui talem tibi mediátricem benigníssima miseratióne provídit, in qua nihil possit esse suspèctum.

R. Quæ est ista.

Lectio vi.

DENIQUE ómnibus ómnia facta est María: sapiéntibus, et insipiéntibus copiosíssima caritatè debitrícem se fecit. Omnibus misericórdie sinum apèruit, ut de plenitúdine ejus accipiant univérsi: captívus redemptionem, æger curatió- nem, tristis consolatió- nem, peccátor véniam, justus grátiam, Angelus lætítiam, dénique tota Trinitas glóriam, Fílii persóna carnis humanæ substántiam, ut non sit, qui se abscondat a calore ejus.

R. Ornátam monílibus.

FESTA MAII

DIE X.

B. BEATRICIS l. Estensis
Virginis. Duplex.

Omnia de Comm. Virginum.
præter seq.

Oratio.

DOMINE Jesu, qui beátam Beatrícem Vírginem tuo amóre succénsam mundi delicias despícere, et toto corde tibi humíliter servíre fecisti: concède propstius, ut cujus festivitátem recólimus, virtútum quoque imitémur exéplum. Qui vivis.

Comm. SS. Gordiani et Epimachi Mart. ut in Brev.

In I. Nocturno Lectiones de Scriptura occurrente.

In II. Nocturno.

Lectio iv.

BEATRIX Virgo illústribus clara beatálibus, sed longe clárior virtútibus, Azzónem marchi-ó- nem Esténsem patrem hábuit, matrem vero Sophíam Sabáudie cómitem. Egrégiis animi et córporis ornáta dótibus, ac sanctis institutió- nibus erudíta, jam a ténera ætáte Deum timére dedit; ac inter sæculi pompas castimóniam semper amávit. Adoléscent, paréntibus jam amíssis, qua pollébat mentis maturitatè, humanárum rerum vanitátem expéndens, stá- tuit, divína favén- te grátia, sæculi delicias, ac terrénæ nobilitátis glóriam despícere, et ad veram cælestémque beatitátem toto corde aspiráre. Accéssit í- taque piis ac religiós- is viris consílii sui ratió- nem apèruit, probatòque consílio, domum et mundum désere- ns, ad cenóbium religiosárum vírginum Salarólæ, tamquam ad arcem pietátis, læta confúgit. Neque ullis fratris, aliorúmque ratió- nibus pótuit inde divélli, et ad sæculum revocári.

R. Propter veritátem.

Lectio v.

JAM Beatrícis ánima mundi Iláqueis erépta, terrenisque curis expedita tota ferebátur in Deum; quem suum bonum, nec perfectius ántea se novísse, nec ardéntius dilexísse, dolébat. Cogitánti vero perfecti-ó- nis iter arrípere, et se suáque ómnia in claustró Deo dicáre, diví- nus immíssum est consílium, ut ad montem Gémulæ se conférret, ibíque monastérium, nobílibus præsertim, virgínibus

exedificáret. Quare post annum
crescit et dimidium a Sala-
rôla ad Gémulam decem sociâta
virginibus, aliisque pluribus
comitantibus, venit, et cœno-
bium illic desertum, ac prope
dirutum instauravit, auxilium
redditis. Voti compos effecta
Virgo cœlesti sponso se totam
humiliter dicat, religionis há-
bitum induit, et divi Benedic-
ti regulam servandam suscipit.
Ac licet cæterarum esset véluti
parens et magistra, tamen sub-
esse potius, quam præesse cú-
piens, ut monialis quædam De-
siderata nómine in abbatissam
eligeretur, effecit. Beatricis in-
terea, ac sanctitatis ejus fama
quotidie magis percrebrescente,
complures e regionibus variis
adeam vírgines convenere: bre-
vique cœnobium Gémulæ et
sacrarum sororum frequentia,
et religiosæ vitæ observantia
inclauit.

R. Dilexisti justitiam.

1. *Chlorophyll a* (Chl *a*)

ANGELICIS ornáta móribus annos ferme quinque moniális exégit Beátrix, quibus exímia dedit virtútum exémpia. Sui rerúmque terréstrium contémptrix, humilitátem, obediéntiam et paupertátem appríme cóluit: sénsuum porro vígili custódia puritátem cordis, cordis autem mundítie illibátam servávit virginitátem. Aspérri- mis cruciátibus corpus afflíxit. Oratióni vero diu noctúque vacans, et in dies magis caritáte fervenscœpit veheméntius sponsi desidério exardéscere, cúpiens corpóreis vínculis solvi, et esse cum Christo. Diléctæ votum sponsus exaudivit: patienter itaque et peramánter

morbi dolóribus exháustis, candídfssimæ instar colúmbæ, quæ pridem illi quasi núnctis dílecti vocántis appáruit, annos nata trigínta, felix migrávit ad sponsum. Ejus sanctitátém et miraculórum signis, et perpétuo populórum cultu Dóminus illustrávit. Virgíneum vero corpus íntegrum incorruptúmque in arca-prius marmórea collocátum, anno desínde millésimo quingentésimo septuagésimo octávo cum moniálibus a Gémula Patáviúm translátum, et in templo sanctæ Sophiæ pósitum ad hæc usque témpora religiosíssime cólitur. Quem quidem cultum ut illustriórém rédderet, Clemens décimus tértius anno septingentésimo sexagésimo tértio supra millésimum Missam cum Offício in illús honórem celebrári indúlsit.

B. Afferéntur regi.

II. III. Nocturno Hymn. *Sæpe*
vos, S. Gregorii Pape in Evang.
Símile erit regnum cælórum
decem virgínibus etc. Lectio ix.
SS. Gordiani et Epimachi Mart.
ut in Brev.

DIE XVII.

S. POSSIDII

Episcop. et Confessoris.

Duplex.

Omnia de Comm. Conf. Pont.,
praeter seq.

Oratio. Da, quæsumus.

In I. Nocturno Lectiones de
Scriptura occurrente.

In II. Nocturno.

Lectio iv.

Possidius S. Augustíni contu-
bérnio máxime clarus; nam

quadraginta ferme annos cum eo familiariter et jucunde vixit, in cenobio ab eodem Augustino extructo sub ejus disciplina monasticam vitam egit, sacrisque litteris operam dedit. Mortuo Magalio Calamæ episcopo, in ejus locum suffectus, magistri exemplum secutus, in episcopatu monasticam vitam propagavit. Cum autem Crispinus Donatistarum antistitem ad disputandum provocasset, is congressum reformidans, non ex scripturis aut ratione, ut scribit sanctus Augustinus, sed ferro et plagis victoriam experiri voluit. Nam alius Crispinus sub eodem presbyter, Possidio diocesim lustranti more latronum insidias armatorum struxit, quas ut vitaret, in quadam domo cum suis Possidius se inclusit. Sed Donatista furorē percitus, effractus impetu foribus, cum satellitibus ingressus, sauciatis jumentis, quæ in inferiori sedium parte versabantur, de superiori sanctum Episcopum detractum contumeliis et vulneribus mulctatum dimisit.

Invēni David.

LECTIO VI.

SED Augustino modis omnibus surgente, ad controversiæ disceptationem ambo Calamenses episcopi venerunt, catholicus Possidius et Crispinus donatista, ubi de unitate Ecclesiæ ter repetito certamine actum est, ingenti populorum concursu causæ exitum, et apud Carthaginem, et per totam Africam expectante. Sed concertationis is finis fuit; ut Crispinus sacrarum litterarum auctoritate et rationum pondere

superatus, proconsulari et libellari sententia, ut scribit idem Possidius, hæreticus pronuntiatus sit. Cæterum ea sancti viri moderatio fuit atque animi altitudo, ut pro illo apud cognitores preces interpōneret, et ne auri mulcta ab eo exigeretur, impetraret. Cum autem gentiles Floralia festa celebrare cœpissent, et Possidius id prohibere conatus esset, ii rabie ac furorē perciti, non modo iterum et tertio in templum lapidum grandinem effuderunt, sed ignes sacris tectis atque hominibus intulerunt, monacho etiam occiso, ipsoque Episcopo seditionis vicibus ad necem quaesito.

R. Pōsui adiutoriū.

LECTIO VII.

QUARE implorandi contra paganos furorē auxilii gratia, ad imperatorem Honorium Ravennam navigavit: quo in itinere Memorium episcopum Capuanum, et Paulinum Nolanum invisit, quibus scribens sanctus Augustinus, Possidii sanctitatem et doctrinam commendaverat. Iterum ad eundem imperatorem ab Africanis patribus contra Donatistas legatus in Italiam venit. Interfuit concilio Milevitano, ubi Pelagianum dogma tum primum invalescens cum aliis patribus damnavit. Propter eximiam ipsius eruditionem, in celebri illa collatione Carthaginensi, inter septem Episcopos catholicos contra totidem Donatistas, una cum Alpio, et Augustino disputavit. Demum Wandalis Africam devastantibus, Hippōnem ad Augustinum confugit, eisque merienti adfuit. Cujus etiam

gesta litteris consignavit, ejusque scriptorum indicem confecit. Hippone cum aliis Dei servis fuga elapsus, navigio in Apuliam venit, ubi pie sancteque extremum diem clausit. Ejus corpus Ludovico Pio imperatore in Germaniam primo, deinde Regium delatum, postremo in agro Mirandulano collocatum est anno post Christum natum octingentesimo decimo sexto.

R. Iste est.

In III. Nocturno Homil. Lectio sancti Evangelii, in Evang. Homo peregre, de eod. Comm.

FESTA JUNII

DIE XVI.

IN COMMEMORATIONE SANCTORUM

quorum corpora et reliquiae
in Cathedrali et Ecclesiis
Diocesane
servantur et coluntur.

Duplex.

Omnia de Comm. plur. Mart.,
praeter seq.

Oratio.

AUGE in nobis, Domine, resurrectionis fidem, qui in sanctorum tuorum Reliquiis mirabilia operaris: et fac nos immortalis gloriae participes, cuius in eorum cineribus pignora veneramur. Per Dominum.

Et fit comm. Dom. occur.

In I. Nocturno Lectiones de Scriptura occurrente.

In II. Nocturno.

Ex Tractatu sancti Joannis Damasceni de fide orthodoxa. Lib. 4. cap. 16. Lectio iv.

CHRISTUS Dominus sanctorum Reliquias velut salutiferos

fontes praebuit, ex quibus plurima nobis beneficia manant, suavissimumque unguentum profluit. Nec vero quisquam huic sermoni fidem detrahat; nam si aqua in deserto ex aspera et solida rupe, atque ex asini maxilla ad sedandam Samsonis sitim, Deo ita volente, prosiliit, eritne cur cuiquam incredibile videatur, ex Martyrum reliquiis suave unguentum scaturire? Minime certe; iis quidem, quibus Dei potentia honorque quo Sanctos suos afficit, perspectus et exploratus est. Atque illud quidem veteri lege comparatum erat, ut quisquis mortuum contigeret, immundus censeretur; verum hi in mortuorum numero minime habendi sunt.

R. Sancti tui.

Lectio v.

Ex quo enim ipsamet vita, ac vitae Auctor inter mortuos adscriptus est, eos, qui in spe resurrectionis fideique erga eum diem extremum clauserunt, mortuos haudquaquam appellamus. Qui enim mortuum corpus miracula edere queat? Per ea daemones expelluntur, morbi profligantur, aegroti sanantur, caeci prospiciunt, leprosi mundantur, tentationes ac moerores discutiuntur, ac denique omne donum optimum a Patre luminum, eorum opera, ad eos, qui fide minime dubia postulant, descendit. Quid non laboris suscipias, ut patronum quemdam nanciscaris, qui te mortali regi offerat, ac tuo nomine ad eum verba faciat? An non igitur hi honorandi sunt, qui totius humani gene-

ris patrónos se profiténtur, ac Deo nostra causa súpplicant?

R. Vérbera.

lectio vi.

HONORANDI certe, et quidem ita, ut in eórum nómine templa Deo extruámus, dona offerámus, eórum memóriam colámus, atque in ea spirituáliter oblectémur; quo nimfrum lætítia nostra iis, a quibus invitámur, congruat, ne, dum eos colere et demeréri studémus, offendámus pótius et irritémus. Quibus enim rebus Deus colitur, íisdem quoque servi ipsíus oblectántur: quibus autem De-

us offénditur, íisdem étiam ipsíus mílites offendúntur. Quocírca in psalmis, et hymnis, et cánticis spirituálibus, et compunctióne, et eórum, qui in egestáte versántur, commiseratióne, quibus obséquiiis Deus potíssimum conciliátur, sanctos colámus: státuas ípsis et visíbiles imágines erigámus; imo ipsi virtútibus eórum imitándis hoc consequámur, ut vivæ eórum státuæ atque imágines simus. R. Tamquam.

In III. Nocturno Homilia in Evang. Descéndens Jesus, de eodem Comm. 2. loco.



OFFICIUM VOTIVUM

SANCTI PROSPERI

EPISCOPI, CONFESSORIS ET DOCTORIS

REGII PRINCIPALIS PATRONI

Omnia dicuntur de Comm. Conf. Doct., præter ea quæ hic assignantur propria.

In Hymn. Iste Confessor M. S.

In utrisque Vesperis.

Ad Magnif. Ant. O Doctor optime, Ecclesiæ sanctæ lumen, beâte Prosper, divinæ legis amâtor deprecâre pro nobis Fîlium Dei.

Oratio.

ECCLESIAM tuam, quæsumus, Dômine, grâtiâ cælêstis amplifîcet: quam beâti Prósperi Confessoris tui atque Pontificis illustrâre voluisti gloriôsis mêritis et doctrînis. Per Dôminum.

Pro Mense Februario.

In I. Nocturno Lectiones de Scriptura occurrente.

In II. Nocturno.

Ex Libro S. Augustîni Episcopi de Civitatē Dei.

Lib. 18. Cap. 1. Lectio iv.

AUCTORES nostri, in quibus non frustra sacrarum litterarum figitur et terminatur canon, absit, ut inter se aliqua ratione dissëntiant. Unde non immêrito, cum illa scrîberent, eis Deum vel per eos locutum, non pauci in scholis, aut gymnâsiis litigiôsis disputatiônibus gârruli, sed in agris, atque in

ûrbibus cum doctis, atque indôctis tot, tantque pópuli crediderunt. Ipsi sane pauci esse debuérunt, ne multitúdine vilêsceret, quod carum religiône esse oportêret; nec tamen ita pauci, ut eórum non sit mirânda consênsio.

R. Inveni David.

Lectio v.

NEQUE enim in multitúdine philosophórum, qui labóre étiam litterário monuménta suórum dógmatum reliquerunt, fáciie quis invénierit, inter quos cuncta, quæ sensére, convéniant; quod ostêndere hoc ópere longum est. Ubi etsi álqua vera dicebântur, eâdem licéntia dicebântur, et falsa; prorsus ut non frustra talis civitas mysticum vocábulum Babylónis acceperit. Bábylon quippe interpretátur Confúsió quod nos jam dixisse memínimus. Non ínterest diáboli regis ejus, quam contráriis inter se rixéntur erroribus, quos mérito multæ, varîeque impietâtis páriter possidet.

R. Pôsui adiutórium.

Lectio vi.

AT vero gens, pópulus, civitas, Arespública, Israëlîtæ, quibus crédita sunt eloquia Dei, nullo modo pseudoprophétas cum veris Prophétis pari licéntia con-

fuderunt, sed concordes inter se, atque in nullo dissentientes, sacrarum litterarum veraces ab eis agnoscebantur et tenebantur auctores. Ipsi eis erant Philosophi, hoc est amatores sapientiae, ipsi sapientes, ipsi Theologi, ipsi Prophetæ, ipsi Doctores probitatis, atque pietatis: Quicumque secundum illos sapuit et vixit, non secundum homines, sed secundum Deum, qui per eos locutus est, sapuit et vixit.

R. Iste est.

In III. Nocturno.

Lectio sancti Evangelii secundum Matthæum.

Lectio vii. Cap. 5.

In illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? Et reliqua.

Homilia sancti Hilarii
Episcopi.

Comment. in Matth. cap. 4.
post initium.

Vos estis sal terræ: quod si sal infatuatum fuerit, ad nihilum valet id quod salietur. Sal, ut arbitror, terræ nullum est. Quomodo ergo Apostolos sal terræ nuncupavit? Sed profetas est querenda dictorum, quam et Apostolorum officium, et ipsius salis natura monstrabit. Sal est in se uno continens aquæ, et ignis elementum, et hoc ex duobus est unum.

R. Amavit eum.

Lectio viii.

Nec igitur in omnem usum humani generis effectus, in corruptionem corporibus, quibus fuerit aspersionis, impertit et ad omnem sensum conditi saporis aptissimus est. Apostoli

autem sunt rerum cælestium prædicatores et æternitatis velut satores, immortalitatem omnibus corporibus, quibus eorum sermo aspersus fuerit, conferentes. Mérito igitur sal terræ nuncupati sunt, per doctrinæ virtutem saliendo modo æternitati corpora reservantes.

R. In médio Ecclesiæ.

Lectio ix.

Sed natura salis semper eadem est, nec immutari unquam potest. Verum quia conversioni homo subiacet, et solus beatus, qui usque ad finem in omnibus Dei operibus permanserit: ideo eos sal terræ nuncupatos monet in tradita sibi potestatis virtute persistere, ne infatuati nihil saliant, et ipsi, sensu accepti saporis amisso, vivificare corrupta non possint, et projecti de Ecclesiæ promptuariis cum his, quos salserint, pedibus incedentium proterantur.

Te Deum laudamus.

Pro Mense Martio.

In II. Nocturno.

De Exposit. S. Augustini Episc.
in Epistolam primam
beati Joannis.

Tract. 3. Cap. fin. Lectio iv.

Non habetis necessitatem, ut Naliquis vos doceat, qui unctio ipsius docet vos de omnibus. Quid ergo nos facimus, fratres, quia docemus vos? Si unctio ejus docet vos de omnibus, quasi nos sine causa laboramus. Et ut quid tantum clamamus? Dimittamus vos unctioni illius et doceat vos unctio ipsius. Sed modo mihi facio questionem et illi ipsi Apostolo facio: dignetur audire parvu-

lum quærentem a se. Ipsi Jo-
anni dico: Uñtionem habébant,
quibus loquebáris? Tu dixisti,
quia úñctio ipsíus docet vos de
ómnibus; ut quid talem Epístol-
am fecisti? quid illos tu do-
cēbas? quid instruēbas? quid
ædificābas? R. Inveni David.

Lectio v.

JAM hic vidéte magnum sa-
craméntum, fratres. Sonus
verbórum nostrórum aures pér-
cutit, magíster intus est. No-
líste putáre quemquam hóminem
aliquid discere ab hómine. Ad-
monére póssumus per strépítum
vocis nostræ: si non sit intus,
qui dóceat, inánis fit strépítus
noster. Magistéria forínsecus,
adjutória quædam sunt et ad-
monitiónes. Cæthedram in cælo
habet, qui corda docet. De Dó-
mino dico. Propterea ait et
ipse in Evangélio: Nolíte vobis
dicere magístrum in terra; u-
nus est magíster vester Chri-
stus. Ipse vobis ergo intus lo-
quátur, quando nemo hóminum
illic est; quia etsi aliquis est
a latere tuo, nullus est in corde
tuo. Christus sit in corde.

R. Pó sui adjutórium.

Lectio vi.

SIC sunt ista verba, fratres,
Squæ forínsecus dícimus, quó-
modo est agricóla ad árborem:
forínsecus operátur, adhíbet a-
quam et diligéntiam cultúræ.
Quælibet forínsecus adhíbeat,
numquid poma format? numquid
nuditátem lignórum vestit um-
bra foliórum? numquid tale á-
liquid intrínsecus agit? Sed quis
agit hoc? Audíte agricólam A-
póstolum, vidéte quid sumus
et audíte magístrum interiorem:
Ego plantávi, Apólló rigávit,
sed Deus incrementum dedit.

Hoc ergo vobis dícimus: sive
plantémus, sive rigémus lo-
quendo, non sumus áliquid, sed
ille, qui incrementum dat Deus,
idest úñctio illíus, qui docet vos
de ómnibus. R. Iste est qui.

In III. Nocturno.

Lectio sancti Evangélíi secún-
dum Matthæum.

Lectio vii. Cap. 5.

IN illo témpore: Dixit Jesus
discípulis suis: Vos estis sal
terræ. Quod si sal evanúerit,
in quo saliétur? Et reliqua.

Homília sancti Joánnis
Chrysóstomi.

Homil. 15. in Matth. sub med.

ATTENDITE quid dixerit: Vos
estis sal terræ: per quod o-
sténdit, quam necessarió ista
præcipiat. Non enim de vestra,
inquit, tantúmmodo vita, sed
de unívérso orbe vobis rátió
reddénda est. Non ad duas quip-
pe urbes aut decem, aut vi-
gínti, neque ad unam gentem
vos mitto, sicut mittébam Pro-
phétas, sed ad omnem terram
prorsus ac mare, totúmque mun-
dum, et hunc váriis crimínibus
oppressum. R. Amávit eum.

Lectio viii.

DICENDO enim: Vos estis sal
terræ, osténdit unívérsum hó-
minum infatuátam esse natú-
ram et peccatórum vi corrú-
ptam: et idcirco illas ab eis
virtútes requirit, quæ máxime
ad multórum salutem procu-
rándam necessariæ sunt, atque
útiles. Nam qui mansuétus est
ac modéstus et miséricors et
justus, non intra se tantúm-
modo hæc recte facta conclú-
dit, verum in aliórum quoque
utilitátem præcláros hos faciét
effluere fontes. Igitur, qui cor-

de mundo est atque pacíficus, et persecutióem pro veritate patitur, nihilominus in comune commodum vitam instituit. *R.* In medio Ecclesiæ.

Lectio ix.

Næ igitur putetis, inquit, ad levía vos ducendos esse certamina, neque exiguarum rerum vobis ineundam esse rationem: Vos estis sal terræ. Quid igitur? Ipsi ne putrefacta medicati sunt? Nequáquam: neque enim fieri potest, ut ea, quæ jam corrupta sunt, salis perfricatióne reparentur. Non ergo hoc fecerunt, sed ante renovata, sibi que tradita, atque ab illa jam putredine liberata aspergebant sale, et in ea novitate conservabant, quam a Domino suscepant. Liberare quippe a putredine peccatorum Christi virtutis est; ut autem ad illam iterum non revertantur, Apostolorum curæ est, ac laboris. *Te* Deum laudamus.

Pro Mense Aprili.

In II. Nocturno.

Ex libro Morálíum sancti Gregórii Papæ.

Lib. 9. Cap. 8. Lectio iv.

Hinc namque per Daniélem dicitur: Pertransibunt pluri, et multiplex erit scientia. Hinc Joánni in priori parte revelatióis Angelus dicit: Signa, quæ locuta sunt septem construa. Cui tamen in ejusdem revelatióis término præcepit dicens: Ne signaveris verba prophetiæ libri hujus. Pars quippe revelatióis antérieur signári præcipitur, terminus prohibetur: quia quidquid in sanctæ Ecclesiæ institiis látuit, finis quotidie ostendit. Nonnulli vero

a Græca littera, quæ Ypsilon dicitur, Hyadas nuncupatas arbitrantur. Quod si ita est, significatióni, quam diximus, contrarium non est. *R.* Inveni.

Lectio v.

Doctores enim his stellis non inconvenienter expressi sunt, quæ a litteris nomen trahunt. Sed quamvis Hyades ab ejusdem litteræ visióne non discrepent; certum tamen est, quia hyetos Imber dicitur, eo quod exortæ pluvias apportant. Vir igitur sanctus redemptiósni nostræ ordinem contemplatus admirétur, atque admirans exclamet, dicens: Qui extendit cælos solus, et graditur super fluctus maris; qui facit Arctúrum, et Oríonas, et Hyadas. *R.* Pósui.

Lectio vi.

Extensis etenim cælis, Dominus formávit Arctúrum: quia in honorem deductis Apóstolis, in cælesti conversatióne fundávit Ecclesiám. Formáto quoque Arctúro fecit Oríonas: quia robórata fide universális Ecclesiæ, contra procéllas mundi édedit mártýres. Editis quoque Oriónibus protulit Hyadas: quia convalescéntibus contra adversa mártýribus, ad infundendam ariditatem humanórum cordium doctrinam contulit magistrórum. Isti itaque sunt astrórum spirituálium ordines, qui dum summis virtutibus éminent, semper ex supérnis lucent.

R. Iste est qui.

In III. Nocturno.

Lectio sancti Evangélii secundum Matthæum.

Lectio vii. Cap. 5.

In illo tempore: Dixit Jesus discipulis suis: Vos estis sal

terræ. Quod si sal evanuerit, in quo saliétur? Et reliqua.

Homilia sancti Augustini
Episcopi.

Ex Lib. I. de Serm. Domini
in monte, c. 6.

NEQUE accéndunt lucérnam, et pponunt eam sub módio. Quid putámus: ita esse dictum: Sub módio, ut occultatí tantum lucérnæ accipiéndã sit, tamquam si díceret: Nemo accéndit lucérnam, et occultat illam? An áliquid étiam módius significat, ut hoc sit pónere lucérnam sub módio, superiora fácere córporis cómoda, quam prædicatíonem veritatís: ut ideo quisque veritatém non prædicet, dum timet, ne áliquid in rebus corporálibus, et temporálibus moléstia patiátur? Et bene módius dícitur, sive propter retributíonem mensúræ, quia quisque recipiet, quæ gessit in corpore; sive quóniam temporália bona, quæ in corpore peragúntur, certa diérum mensúra et inchoántur et tráseunt, quam fortásse significat módius.

R. Amávit eum.

Lectio viii.

SUB módio ergo lucérnam pponit quisquis lucem bonæ doctrínæ cómodis temporálibus obscurat et tegit. Super candelábrum autem, qui corpus suum ministério Dei subjícit, ut superior sit prædicatio veritatís et inférior sérvitus córporis. Per ipsam tamen córporis servitútem excelléntior luceat doctrína, quæ per officia corporália, idest, per vocem et linguam et céteros córporis motus in bonis opéribus insinuátur étiam discéntibus. R. In médio.

Lectio ix.

SUPER candelábrum ergo pponit lucérnam, cum dicit Apostolus: Non sic pugno tamquam aerem cædens, sed castígo corpus meum et servitúti subjício, ne forte áliis prædicans, ipse réprobus invéníar. Quod vero ait: Ut luceat ómnibus qui in domo sunt: domum puto dictam habitatióem hóminum, idest ipsum mundum; propter id quod supérius ait: Vos estis lumen mundi: aut si quisque domum vult accípere Ecclesiám, nec hoc est absúrdum.

Te Deum laudámus.

Pro Mense Majo.

In II. Nocturno.

Sermo S. Augustini Episcopi.
Ser. 3. De Verb. Dom. in Matth.

Lectio iv.

CUM nobis pro officio cõpõstat dícere, vobis autem convéníat pro devotíone audíre, quid tam necessárium tamque pértinens póterit utrísque contíngere, quam ut quod religiõse dícitur et devóte audítur, obsequiis competéntibus teneátur? Nam si religiõsa non tacére lucrum est, tacére dispéndium; quanto itaque potiõra lucra potúerint proveníre, cum operatíonis efféctu monstrátur quidquid magistéris cæléstibus et díscitur et tenétur? Par etenim causa et docéntem, et audiéntem constríngit, ut utriúsque professio factórum testificatióne signétur. R. Invéní David.

Lectio v.

PER quamvis dissímile sit doctóris discéntisq; officium, tamen utrísque par esse debet sanctárum legum obsequium:

ut jungantur factis, qui separantur officiis: copulentur opere, qui diversi sunt nomine; et quos vocabula ab invicem separant, eos observantia præceptorum fideliter ac devòte conjungat. Quare sic fit, ut utriusque diversus sit actus, sed observantiæ par sit necessarius in utrisque effectus, ut factorum in ambobus conspiret assensus, quibus diversus est in vocabulis sonus. R. Pòsui.

LECTIO VI.

In doctore enim molèsta est causa, dicere nec facere, præciperet nec observare; in discipulo vero, audire velle quod nolit implere, aures auditui accommodare, et ab opere voluntatem avèrtere. Ceterum, qui facit quod docet, et quidquid imperat complet, maximus in cælestibus sententia Domini declaratur. At vero, qui quod dicit negligit, et qui quod audit contemnit, salutis reus existit, qui observanda contempsit et pericula non vitavit. Amat enim mortem, qui vitæ præcepta non servat, et horret vitam, qui peccata morti debita desperata morte frequentat.

R. Iste est qui.

In III. Nocturno.

LECTIO sancti Evangelii secundum Matthæum.

LECTIO VII.

Cap. 5.

In illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? Et reliqua.

Homilia sancti Joannis Chrysostomi.

Hex. Hom. 15. in Matth. circa med.

Si autem sal evanuerit, in quo salietur? Ad nihilum valet

ultra, nisi ut mittatur foras, et conculcetur ab hominibus. Alii enim, etiam sæpe delinquant, possunt tamen ad veniam pervenire; si vero hoc magister ipse patiatur omni satisfactione privabitur et supplicia extrema persolvat. Ne enim audientes: Cum exprobraverint vobis, et persecuti vos fuerint et dixerint omne malum adversum vos, in medium prodire formident, dicit: Quoniam nisi ad ista fueritis parati, frustra etiam proditis in publicum. Non enim vos oportet maledicta hominum timere, sed laudes, quas in audire cupiatis, tunc vere infatuandi estis atque calcandi.

R. Amavit eum.

LECTIO VIII.

Si vero, perseverabitis vosmetipsos undique castigantes, et deinde audieritis mala, gaudete; hoc enim est opus salis, laxa quæque urere atque restringere. Itaque jam necessaria subsequitur maledictio, nihil vobis prorsus incommodans, imo etiam testimonium vestræ perhibens firmitatis. Si vero illa timentes fortitudinem vobis utilem deseratis, multo sævióra patiemini, et male scilicet audientes et contempti a cunctis atque despecti; hoc namque est ab omnibus conculcari. Deinde ad aliud eos sublimius ducit exemplum: Vos estis lux mundi.

R. In medio Ecclesiæ.

LECTIO IX.

Iterum mundi, non unius profecto gentis, nec viginti urbium, sed totius orbis lumen tunc perhibentur, et lumen intelligibile, ipsoque sole fulgentius, sicut etiam sal hoc loco

intelligitur spiritale. Prius autem sal posuit, deinde lumen, ut discas quantum sit verborum uréntium beneficium, quantumque commodum honestæ rectæque doctrinæ. Hæc siquidem stringit animos, nec quoquam diffilire permittit, facitque attentius ad lumen virtutis aspicere, ad quam velut apprehensa manu pertrahit audientes.

Te Deum laudamus.

Pro Mense Junio.

In II. Nocturno.

Sermo S. Augustini Episcopi.

Ex Epist. 152. tom. 2.

Lectio iv.

SOLLICITISSIMÆ cavendum est sin docendo superbix vitium, quod in discendo non ita est. Unde sancta Scriptura nos admonet dicens: Sit omnis homo velox ad audiendum, tardus autem ad loquendum; et ille in Psalmo ait: Auditui meo dabis gaudium et lætitiā; continuoque subjecit: Exultabunt ossa humiliata; vidit enim in audiendo facillime servari humilitatem, quæ difficilis est in docendo; quoniam necesse est, ut doctor habeat superiorem locum, ubi laboriosum est obtinere ne subrepat elatio.

R. Inveni David.

Lectio v.

In Psalm. 129.

PECCE enim, fratres mei, dico de caritati vestræ: loquimur nos modo ad vos, ut aliquid doceamus vos, quanto melius, si omnes sciremus, et nemo doceret alterum, ut non esset alius loquens, alius audiens; sed omnes audientes unum illum, cui dicitur: Auditui meo dabis gaudium et lætitiā. Unde et

ille Joannes non tam gaudēbat, quia prædicābat et quia loquebatur; sed gaudēbat, quia audiebāt; ait enim: Amicus autem sponsi stat, et audit eum, et gaudio gaudet propter vocem sponsi. Itaque ibi unusquisque probet se, non ut loquatur, sed ut de alio locutionis officium exigit. Gaudium autem taciturnitatis intus in voluntate habeat, vocem doctrinæ in necessitate. R. Posui adiutorium.

Lectio vi.

De Baptismo contra Donat.

lib. 2. c. 5.

ET plerumque doctoribus minus aliquid revelatur, ut eorum patiens et humilis caritas, in qua fructus major est, comprobatur; vel quomodo teneant unitatem, cum in rebus obscurioribus diversa sentiunt; vel quomodo accipiant veritatem, cum contra id, quod sentiebant, declaratum esse cognoscunt. Quorum duorum manifestum tenemus unum in beato Cypriano: idest quomodo tenuerit unitatem cum eis, a quibus diversum sentiebat. Homines enim sumus: unde aliquid aliter sapere quam se res habet, humana tentatio est. Nimis autem amando sententiam suam, vel invidendo melioribus usque ad sacrilegium pervenire, diabolica præsumptio est: in nullo autem aliter sapere quam res se habet, angelica perfectio est.

R. Iste est.

In III. Nocturno.

Lectio sancti Evangelii secundum Matthæum.

Lectio vii.

Cap. 5.

In illo tempore: Dixit Jesus discipulis suis: Vos estis sal

terræ. Quod si sal evanuerit, in quo salietur? Et reliqua.

De Homilia sancti Joannis Chrysostomi.

Ex Homil. 15. in Matth.

LUCEAT lux vestra: hoc est, plurima in vobis sit virtus, ac maxime ingens illius accendatur ignis et ineffabile omnino lumen effulgeat. Quando autem tam magna virtus fuerit et clara, latere non poterit, etiam si mille illam contigere velit modis ille, qui possidet. Bene autem ait, Lumen: nihil est, quod sic hominem faciat insignem, atque conspicuum, etiamsi magno ambitu optet latere, ut splendor iste virtutis. Sicut enim ipso sole circumdatus, ita utique clarus effulget, nec in terram solummodo rutilatus propriæ virtutis emittit, sed supra ipsum etiam cælum proprio fulgore radiabit.

R. Amavit eum.

Lectio viii.

INC itaque illos uberiori consolatur. Etsi, inquit, maledicta in vos audientes dolētis, habētis tamen plurimos, quos ad amorem atque admirationem Dei vestro adducātis exemplo. Tunc enim multi erunt omnino mirantes, non utique vos tantum, sed per vos etiam Patrem vestrum. Nec dixit, Deum, sed Patrem; conferendæ illis nobilitatis prerogativam hoc jam nomine largiendo. Considera, quantum istiusmodi sit commodum, quantum etiam discrimen. Si enim vitiis sordeamus etiam-

si nobis nullus obtraheret, erimus omnibus miseriōres. Si vero virtutibus splendēre cūrēmus, vel si totus mundus contra nos maledictis voluerit personare, erimus omnium beatissimi, atque ad nos trahēmus omnes, qui venire eligerint ad salutem. Omni quidem tuba documenta sunt operum clariōra, vitæque munda, ipsa est luce fulgentior.

R. In medio Ecclesiæ.

Lectio ix.

Ex Hom. 16. in Matth. post init.

NON veni solvere legem, sed implere. Legem vero non uno tantum, sed altero et tertio implevit modo. Uno quidem, quia nihil ex legitimis ipse transgressus est: alio vero, quia per nos quoque id ipsum facit, quod Paulus significando dicebat: Quoniam finis legis Christus ad iustitiam omni credenti. Quod enim illa per litteram non potuit, hoc per fidem ipse confecit. Si vero aliquis diligenter examinet, alium quoque tertium modum implere ab eo legis inveniet. Quem vero istum? Ipsa utique præcepta, quæ erat daturus: non enim interitus priorum, sed augmentum potius et complementum erant ea quæ dicebantur a Christo. Illius quippe sententiæ, qua dicitur: Non occides, non interemptio, sed adimpletio magis atque munus est, dicere: Non irascaris; omniumque similiter ceterorum.

Te Deum laudamus.



COMMEMORATIONES PATRONORUM

IN SUPPRAHIS SANCTORUM FACIENDÆ

De SS. CHRYSANTHO ET DARIA Mart.

Ad Laudes. Ant. Vestri capilli capitis omnes numerati sunt: nolite timere, multis passeribus meliores estis vos.

V. Exultabunt sancti in gloria.

R. Lætabuntur in cubilibus suis.

Orémus.

BEATORUM Martyrum tuorum, Dómine, Chrysanthi et Darie quæsumus, adsit nobis oratio: ut quos venerámur obséquio, eorum pium júgiter experiámur auxílium.

Ad Vesp. Ant. Gaudent in cælis animæ sanctorum, qui Christi vestigia sunt secuti, et quia pro ejus amore sanguinem suum fuderunt, ideo cum Christo exultant sine fine.

V., et Oratio ut supra.

De S. PROSPERO

Episc. Confess. et Doct.

Ad Laudes. Ant. Euge, serve bone et fidelis, quia in paucis fuisti fidelis, supra multa te constituam; dicit Dóminus.

V. Justum deduxit Dóminus per vias rectas.

R. Et ostendit illi regnum Dei.

Orémus.

ECCLESIAM tuam, quæsumus Dómine, grátia cælestis amplificet, quam beati Prósperi Confessóris tui atque Pontíficis illustrare voluisti gloriósis méritis et doctrinis.

Ad Vesp. Ant. O Doctor óptime, Ecclesiæ sanctæ lumen beate Prosper, divínæ legis amátor, deprecáre pro nobis Fílium Dei.

V., et Oratio ut supra.



INDEX ALPHABETICUS

	fol.
Anselmi Abbatis. 3. Mart.	8*
Anselmi Lucensis Episc. Conf. 20. Mart.	10*
Apolloniæ Virg. et Mart. 9. Febr.	1*
Beatricis I. Estensis Virg. 10. Maji	19*
Commemor. Sanctorum. 16. Jun.	22*
— Patronorum	32*
Contardi Estensis Conf. 16. Apr.	15*
Hippolyti Galantini Conf. 22. Mart.	12*
Mariæ B. V. Immac. Apparit. 11. Febr.	2*
— — de Glara. 29. Apr.	18*
Possidii Episc. Conf. 17. Maji.	20*
Prosperi. Offic. vot.	24*
Zenonis Episc. et Mart. 12. Apr.	13*
Zitæ Virg. Lucensis. 27. Apr.	16*

Nihil obstat quominus in hac Appendice edantur Officia propria hujus Diœcesis a novissimo libello nostro fideliter deprompta.

Regii Lepidi, 15 Maji 1896.

L. † S.

† **VINCENTIUS** Episcopus.

Taurini, 1896. Ex Typ. Pont. Petri Marietti.

OFFICIA PROPRIA

DIOECESIS

REGII LEPIDI

PARS ÆSTIVA

FESTA JUNII

DIE XVI.

IN COMMEMORATIONE SANCTORUM

quorum corpora et reliquæ
in Cathedrali et Ecclesiis
Dioeceseos
servantur et coluntur.

Duplex.

Omnia de Comm. plur. Mart.,
præter seq.

Oratio.

AUGE in nobis, Dómine, resur-
rectionis fidem, qui in san-
ctorum tuorum Reliquiis mira-
bilia operáris: et fac nos im-
mortális glóriæ participes, cu-
jus in eorum cineribus pignora
venerámur. Per Dóminum no-
strum Jesum Christum.

In I. Nocturno Lectiones de
Scriptura occurrente.

In II. Nocturno.

Ex Tractátu sancti Joánnis
Damascéni de fide orthodoxa.
Lib. 4. cap. 16. Lectio iv.

CHRISTUS Dóminus sanctorum
Reliquias velut salutíferos

fontes præbuit, ex quibus plú-
rima nobis beneficia manant,
suavissimúmque unguéntum
profluit. Nec vero quisquam
huic sermóni fidem détrahat;
nam si aqua in deserto ex á-
spéra et sólida rupe, atque ex
ásini maxilla ad sedándam Sam-
sónis sitim, Deo ita volénte,
profluit, erítne cur cuiquam
incredibile videátur, ex Máty-
rum reliquiis suáve unguén-
tum scaturíre? Mínime certe;
iis quidem, quibus Dei potén-
tia honórque quo Sanctos suos
áfícit, perspéctus et explorá-
tus est. Atque illud quidem
vétéri lege comparátum erat,
ut quisquis mórtuum contigís-
set, immúndus censerétur; ve-
rum hi in mortuorum número
mínime habéndi sunt.

R. Sancti tui.

Lectio v.

Ex quo enim ipsamet vita, ac
vitæ Auctor inter mórtuos
adscripciónis est, eos, qui in spe re-
surrectionis fideique erga eum
diem extrémum clausérunt,
mórtuos haudquáquam appel-
lámus. Qui enim mórtuum cor-

pus miracula édere queat? Per ea demones expelluntur, morbi profligantur, ægróti sanantur, cæci prospiciunt, leprósi mundantur, tentationes ac mœrores discutiuntur, ac denique omne donum optimum a Patre luminum, eorum opera, ad eos, qui fide minime dubia postulant, descendit. Quid non laboris suscipias, ut patrónum quemdam nanciscaris, qui te mortáli regi offerat, ac tuo nómine ad eum verba faciat? An non igitur hi honorandi sunt, qui totius humáni generis patrónos se profitentur, ac Deo nostra causa supplicant?

R. Vërbera.

Lectio vi.

HONORANDI certe, et quidem ita, ut in eorum nómine templa Deo extruamus, dona offeramus, eorum memóriam colamus, atque in ea spiritaliter oblectemur; quo nimirum lætitia nostra iis, a quibus invitamur, congruat, ne, dum eos colere et demereri studemus, offendamus potius et irritemus. Quibus enim rebus Deus colitur, iisdem quoque servi ipsius oblectantur: quibus autem Deus offénditur, iisdem étiam ipsius mílites offenduntur. Quocirca in psalmis, et hymnis, et cánticis spiritalibus, et compunctione, et eorum, qui in egestate versantur, commiseratione, quibus obséquii Deus potissimum conciliatur, sanctos colamus: státuas ipsis et visibiles imágenes erigamus; imo ipsi virtutibus eorum imitandis hoc consequamur, ut vivæ eorum státuæ atque imágenes simus.

R. Tamquam.

In III. Nocturno Homilia in Evang. Descendens Jesus, de eodem Comm. 2. loco.

DIE XXV.

S. PROSPERI Episc. et Conf. ac principalis Patroni.

Dupl. 1. cl. cum Oct.

Omnia dicuntur de Comm. Conf. Pont., præter seq.

Ad Magnif. Ant. O Doctor optime, Ecclesiæ sanctæ lumen, beáte Prosper, divinæ legis amátor, deprecare pro nobis Filium Dei.

Oratio.

ECCESIAM tuam, quæsumus Edómine, grátia cælestis amplifcet: quam beáti Prósperi, Confessoris tui, atque Pontíficis, illustrare voluisti gloriósis méritis et doctrínis. Per Dóminum.

In I. Nocturno.

De libro Ecclesiástici.

Lectio i. Cap. 39.

SAPIENTIAM ómnium antiquórum exquireret sapiens, et in prophétis vacábit. Narratióem virórum nominatórum conservábit, et in versútias parabolárum simul introíbit. Occulta proverbiorum exquireret, et in absconditis parabolárum conversábitur. In médio magnatórum ministrábit, et in conspectu præsidis apparébit. In terram alienigenárum géntium pertransiet: bona enim et mala in homínibus tentábit.

R. Euge, serve bone.

Lectio ii.

COR suum tradet ad vigilándum dilúculo ad Dóminum, qui fecit illum, et in conspectu Altíssimi deprecábitur. Apériet os suum in oratióne, et pro de-

lſtis ſuis deprecabitur. Si enim Dóminus magnus volúerit, ſpíritu intelligéntiæ replébit illum: et ipſe tamquam imbres mittet elóquia ſapiéntiæ ſuæ, et in oratióne confitébitur Dómino: et ipſe dſriget conſilium ejus, et diſciplinam, et in abſcónditis ſuis conſiliabitur.

R. Ecce ſacérdos magnus.

LECTIO III.

IPSE palam faciét diſciplinam doctrínæ ſuæ, et in lege teſtaménti Dómini gloriabitur. Collaudábunt multi ſapiéntiam ejus, et uſque in ſæculum non delébitur. Non recédet memória ejus, et nomen ejus requirétur a generatióne in generatióne. Sapiéntiam ejus enarrábunt gentes, et laudem ejus enuntiábit Eccléſia.

R. Jurávit Dóminus.

In II. Nocturno.

LECTIO IV.

PROSPER Lemovícis in Aquitania nóbili famſlia natus, jam inde a púero ſacrárum literárum imbútus diſciplína, fréquenti eárum lectiόne et commentatiόne tantum profécit, ut nihil, quod ad Deum perfécite coléndum, eſque toto corde inſerviéndum fácere poſſet, prætermitténdum ſibi putáret. Quare bona facultatésque ſuas quas amplas habébat, ex Evangélico præſcripto vénditas, in páuperes erogávit: ſervos et ancíllas libertáte donávit: brevique eum ſanctitátis gradum eſt aſſecútus ut, renuntiáta milítia ſeculári, Romam peregrinatiόnis causa conténdens, ſanctorum Apoſtolórum reliquias veneráturus, cum ob ſingulárem vi-

tæ integritátem in ſancti Leónis primi Pontíficis Máximi notiſſiam perveniſſet, ab eo be-níſigne humanitérque excéptus, mox in conſiliórum quoque partem aſcítus ſit: ut ejus ópera in conſcribéndis epíſtolis, et ad evelléndas nefárias Neſtórii, Eutychétiſ, Dióſcori, quæ tum graſſabántur, hæreſes, u-terétur. R. Inveni David.

LECTIO V.

CUM vero multis per Eccléſia Dei curis, laboribúſque perfúnctus, regréſſum in pátriam cogitáret, ubi procul a negótiis, quod réliqum erat ætátis in divinárum rerum contempla-tiόne dégeret; beátus Leo per viſum divínitus admonétur, ut ipſum Regiénsi Eccléſiæ in Æmſlia, Elpſidio antíſtiti, paucos poſt dies moritúro, ſufficiat. Cum igitur, Elpſidio jam vita functo, cives de ſucceſſóre inter ſe agitárent, pius quidam préſbyter, quid Romæ per quíetem Pontífici Máximo viſum atque ab eo conſtitútum fuſſet, cunctis enárrat. Quam ob rem pópulus inſperáta perfúſus lætítia Próspero, quamvis valde reluctánti, a Románo Pontífice in Epíſcopum elécto ac deſtináto, jamque adventánti óbviam ſe ſe effúndit: eúmque tamquam a Deo oblátum ſibi datúmque Paſtórem ac Patrem ſumma religiόne éxcipit ac venerátur. R. Póſui adjutórium.

LECTIO VI.

IN paſtoráli múnere ita ſe geſſit, ut ſana cæleſtíque doctrína pópulum ſibi commíſſum imbúeret: et eúdem multo magis ad ſancte piéque vivéndum vita ſanctísque móribus provocáret. In oratiόne aſſi-

duus, in eleemósynis largus, in Ecclesiæ sollicitudinibus impiger; in ómnibus, ut lucérna super candelábrum pósita, seipsum præbens exéplum bonórum óperum, mérito ut comúnis ómnium parens ab ómnibus prædicarétur. Dénique cum duos et viginti annos Regiensi Ecclesiæ præfúisset, orationibus, jejúniis vigiliisque confectus, intélligens diem suæ mortis instáre, convocáto clero, inter salúbria mónita divinæque collóquia, clarus miráculis evolávit in cælum octávo Kaléndas Júlias, Hílaro Pontífice et Leóne imperatóre. Sepúltus est in sancti Apollináris ædíficula, quam ipse extra urbis mœnia ædificáverat, ex qua póstea translátus, honorificentíore in loco collocátus est. Multa tum solúta oratione tum versu pro cathólica religiône conscripsit: quibus Pelagiánam præsertim hæresim dénuo renascéntem pénitus profligávit. Eius libri commemorántur a Gennádio, libro: De viris illústribus: eúmque comméndans Papa Gelásius, virum religiosíssimum appéllat. *R.* Iste est qui.

In III. Nocturno.

Lectio sancti Evangélii secundum Matthæum.

Lectio vii. Cap. 5.

In illo témpore: Dixit Jesus discipulis suis: Vos estis sal terræ; quod si sal evanúerit, in quo saliétur? Et reliqua.

Homilia sancti Joánnis Chrysóstomi.

In Matth. Hom. 15. sub med.

Quia déderat Dóminus præcepta sublímia, multóque, quam in vétéri lege majóra, ne tre-

pidárent discipuli, neve turbarentur ac dicerent: Quómodo hæc implére poterimus? atténde quid dicat: Vos estis sal terræ: per quod osténdit, quam necesário ista præcípíat. Non enim, inquit, pro vestra tantúmmodo salúte, sed pro univérso prorsus orbe hæc vobis doctrína commíttitur. Non ad duas quippe urbes, aut decem, aut viginti, neque ad unam gentem vos mitto, sicut mittebam prophétas; sed ad omnem terram prorsus ac mare, totúmque mundum, et hunc váriis crimínibus oppréssum.

R. Amávit eum.

Lectio viii.

DICENDO enim: Vos estis sal terræ, osténdit univérsum hóminum infatuátam esse natúræ et peccatórum vi corrúptam: et idcirco illas máxime ab eis virtútes requírit, quæ ad multórum salútem procurándam necessariæ atque útiles sunt futúre. Cum enim mansuétus áliquis ac modéstus, cum miséricors fúerit et justus, non in semetípso tantúmmodo hæc recte facta conclúdet, verum in aliórum quoque utilitátem bonos hos faciét emanáre fontes. Sed qui mundo corde est atque pacíficus, et qui persecutionem pro veritaté perpétuit, nihilóminus in comúnem commodum vitam suam instítuit.

R. In médio Ecclesiæ.

Lectio ix.

NE igitur opinémini ad mœdoficia vos ducendos esse certámina, neque pro exíguis rebus hunc vobis insonáre sermónem, vos estis sal terræ. Quid igitur? Ipsi ne putrefácta

medicati sunt? nequáquam. Neque enim fieri potest ut ea, quæ jam corrupta sunt, salis perfricatione reparentur. Non ergo hoc fecerunt, sed ante renovata sibi que tradita, atque ab illa jam putredine liberata, perfricabant sale, et in ea novitate servabant, quam a Domino utique susceperant. Liberare quippe a putredine peccatorum, Christi profecto virtutis est: ne autem ad illa iterum revertantur, apostolorum ac doctorum curæ est et laboris.

Te Deum laudamus.

FESTA JULII

DIE IX.

B. JOANNÆ SCOPELLI

Virginis Regiensis.

Duplex.

Omnia de Comm. Virginum, præter seq.

Oratio.

DEPRECANTIUM exauditor Deus, qui beatam Joannam orationis ac poenitentiae spiritu contra daemonis fraudes roborasti: ipsius meritis et intercessione nos eodem confirma, ut, superatis hostium insidiis, ad palmam victoriæ perducamur. Per Dominum.

In I. Nocturno Lectiones de Scriptura occurrente.

In II. Nocturno.

Lectio iv.

JOANNA Scopelli Virgo Regii in Æmilia piis et honestis parentibus orta, vel ab ipsa ineunte ætate luculenta edidit futuræ sanctimonie indicia. Adhuc enim tenella orationi,

bonisque operibus intenta, corpusculum suum flagellis ac jejuniis attenuabat, sollicitæque perpetuæ virginitatis voto sese Deo obstringens, ac religiosæ vitæ rationem suscipere statuens, nullis parentum aut lacrimis, aut blanditiis, aut artibus ab inito consilio dimoveri potuit. Itaque domi manens, Carmelitarum habitum suscepit, indutumque sub illo cilicium usque ad finem vitæ retinuit. Genitorum morte sui juris effecta, paternæ domus commodis bonisque sponte relictis, apud pauperem quidem, sed piam feminam sese recepit. Ibi liberius Deo vacans, cælestique suo fidens Sponso, in quo uno se omnium ditissimam prædicabat, de fundando sacrarum virginum asceterio cogitavit; ac gravissimis, quæ obiciebantur, difficultatibus invicto animo superatis, rem ad exitum feliciter deduxit.

R. Propter veritatem.

Lectio v.

NOVÆ fundationis moderatrix constituta, splendidiore in dies sanctimoniis suis præbebat integritatis, obediencie, paupertatis, omniumque christianarum virtutum exempla. Pissimis exercitationibus, ac rerum divinarum meditationi assidue intenta, legem membrorum suorum repugnantem legi mentis suæ, jejuniis, vigiliis, aliisque corporis afflictionibus compescere, et subjugare studuit. Sabbata, diesque omnes, qui a die Exaltationis sanctæ Crucis usque ad Christi Domini resurgentis gloriam celebritatemque decurrunt, solo pane et aqua transigebat.

In orádo cui stúdio ad quinque saltem horas quotidie vacábat, tanta fidei, spei, atque amoris vi exardescébat, ut quidquid a Deo péteret, impetráret. Hinc complures a cupiditátum ac vitiorum láqueis, ipsa intercedente, divínitus solúti, et in rectam virtútis sémitam revocáti dicúntur. Et júvenis quidam in Manichæorum erróres delápsus, beatæ Joánnæ préci-bus convérsus, et ad bonam frugem redactus fertur.

R. Dilexisti justitiam.

Lectio vi.

CÆLESTIUM éxtasum, prophétie, et miraculorum donis étiam claruisse dicitur, morboque laboránti, qui ei postrémus fuit, divínium apparuisse Sponsum, illámque ad cæléstes nuptias statúta die invitasse. Tunc Joánnæ consoróribus suis præcisum propínquæ suæ mortis tempus designans, susceptis Ecclesiæ sacraméntis, inter earum lácrimas, plácide obdormívit in Dómino die nona Júlii anno millésimo quadringentésimo nonagésimo primo, ætátis suæ circiter sexagésimo tértio. Anno ab óbitu elápsso, crescén-te in dies sanctitátis et miraculorum fama, ejus corpus incorruptum, suavitérque olens repértum decentióri arcæ inclúsum est, atque públicæ venerationi fuit expósitum, annuente civitátis Episcopo, ibique étiam nunc a civibus, exterisque summa cólitur veneratione.

R. Afferéntur regi.

In III. Nocturno Homil. Sæpe vos, in Evang. Símile erit regnum cælorum, de eod. Comuni 1. loco.

DIE XXIV.

S. FRANCISCI SOLANI Conf.

Duplex.

Omnia de Comm. Conf. non Pont., præter sequentia.

In Hymno Iste Confessor M.S.

Oratio.

DEUS, qui plúrimas Americæ gentes per beátum Franciscum ad sinum Ecclesiæ perduxisti: ejus méritis et préci-bus indignatióem tuam a peccátis nostris avérte, et in gentes, quæ te non cognóverunt, timórem nóminis tui benignus im-mítte. Per Dóminum.

In I. Nocturno Lectiones de Scriptura occurrente.

In II. Nocturno.

Lectio iv.

FRANCISCUS Solánus Montíliæ, Hispaniæ Bæticæ oppido, nobilígénere natus, ea morum candóre dedit innocentie specimina; ut grátiam, quam acceperat in Baptismo, constánter ad mortem usque retinuisse putarétur. Adhuc puer manifestis indicíis Apostólico múnere, quod erat póstea suscepturus, prælúsit. Adolécens in Ordinem Fratrum Minórum Observántium cooptátus, miris multisque summæ austeritátis, humilitátis ac ceterarum virtútum exémpis óculos ómnium ad se traxit. In sacris conciónibus ardentíssima ipsíus caritas máxime enstuit, qua plúrimos Christo lucrifécit; tum máxime cum pestilentia per Bæticam sævién-te, nihil periculo térritus, ad córpora simul animasque curándas se totum convértit. Etsi vero et ipse lue mortáli fuisset demum impléi-

tus; tamen Dei manu e periculo eréptus, alácrius in pristino ministério pérstitit, dum omniño morbus extinguerétur. Púerum quoque, foedis ulcéribus toto corpore tactum éadem lambéndo, sanitáti restituit. Exinde magnum esse cœpit in Bætica Soláni nomen, ut sanctus passim appellarétur. Quamóbrem ille hóminum laudes aversátus, superiôres orávit, ut se in Africam mitterent ad cathólicam fidem prædicándam, pro qua étiam vitam profúndere peroptábat.

R. Honéstum fecit.

Lectio v.

MISSIONE Africána non impetráta, Americánam obtínuit: magnisque periculis et labóribus, divína opitulánte grátia, terra maríque perfúctus, ad Thecumánas regiónés, parátam sibi a Dómino vineam, lætus accéssit. Illuc appúlsus, difficíllima eárum géntium lingua divínitus instrúctus apparuit. Cumque Dei amóre, et proximórum exæstuanis, sermonés habéret suavísimos, consecútus est, ut bárbari, pósita feritáte, ad eum ultro erudiéndi certátim accurrerent, quos multitudíne innumerábiles sacro fonte regenerávit. In urbe Rióxa multa míllia infidélium in Christiános cives armáta manu irruéntium, verbo Dei exarmávit, ferósque hómines diversæ ac sibi ignótæ linguae uno idiómate allocútus, non modo pacem suávit, sed ex ipsis novem plus míllia ad Christum convértit. Christiános e vitiórum cœno in viam salútis tradúxit, præsertim cum post annos quatuórdecim Limam missus, Peruáni

regni príncipem civitátem, extrémam suppléctia, urbisque cladem, velut alter Jonas interminátus, pervicit ut omnes antea-ctæ vitæ pœnitéret. Sæpe in concióné cum copiósè de Deo, ejusque VírGINE Matre locútus esset, in éxtasim rapiebátur. Aliquándó vero de Dómini cruciátibus verba factúrus, voce lácrimis interclúsa, audiéntium fletus gemitúsque eliciébat.

R. Amávit eum.

Lectio vi.

SERVI sui sanctitátem multitudinis et excelléntia miraculorum Dóminus confirmávit. Aliquot mórtui Soláni précibus revixérunt: e terra árida fontes excitáti, qui sunt adhuc perénnes et salutáres: trajécta flúmina pállio super undas instráto: belluárum ferócia ita compréssa, ut ejus nútibus obtemperarent: locústæ trítici ségetem populántes in montes ab eo indicátos ire coáctæ, áliaque prodígia ipsíus méritis patrátas sunt. Prophetiæ páriter et penetratiónis córdium donis cláruit. Suis précibus obtínuit, ut terra violéntis quasátas mótibús quiesceret, et Liménses ipsíus ópera ad pœniténtiam revocatí, a periculo et formídine liberarentur. Summis tandem labóribus pro Dei glória amplificándas confectus, vir voluntáte martyr ad justitiæ corónam evolávit, ætátis anno secúndo et sexagésimo, Christi millésimo sexcentésimo décimo, festo ipso die sancti doctóris Bonaventúræ, quem exímia pietáte semper colúerat. Demórtui color ántea súb-niger, est in album mutátus, vultúsque spécies venústa con-

festim apparuit, et suavis odor e corpore coepit erumpere. Ejus sanctitatem miracula comprobaverunt, quibus rite cognitis, Clemens decimus hunc novi orbis Thaumaturgum Beatis descripsit. Eundem postea novis coruscantem miraculis Benedictus tertius decimus, anno millesimo septingentesimo vigesimo sexto, in Sanctorum numerum retulit. *R.* Iste homo.

In III. Noct. Homil. Potest omnis in *Evang.* Eunt in mundum universum, ut in festo SS. Cyriaci et Soc. Martyr. die 8. Aug., cum *RR.* de eod. Comm. Conf. non Pont.

DIE XXVII.

S. LIBORII Episc. Conf.

Duplex.

Omnia de Comm. Conf. Pont., præter seq.

In Hymn. Iste Confessor M. S.

Oratio. Exaudi, de eod. Comm.

In I. Nocturno Lectiones de Scriptura occurrente.

In II. Nocturno.

Lectio iv.

LIBORIUS honestis parentibus in Gallia natus, et ab ineunte ætate caducarum rerum illecebras aversatus, egregiam indolem præclaris moribus, et humanarum sacrarumque litterarum studiis adeo diligenter excoluit, ut processu temporis probitatis ac sapientiæ proficiens incrementis, maturitatem virilis ornaret ætatis. Clero adscriptus, ac officiis functus ecclesiasticis, amplius se totum divino cultui mancipavit, studiumque cunctos actus, cogitatusque suos ita ad rationis nor-

mam dirigere, ut nihil appeteret poenitendum. Modestia itaque, abstinencia, castimonia, aliisque virtutibus conspicuus, Pavacio Cenomanensi episcopo defuncto, unanimes civitatis consensu, quartus ejusdem sedis antistes sufficitur.

R. Inveni David.

Lectio v.

EA dignitatis accessione nihil interiorius immutatus, in concessa sibi Domini vinea excolenda totus fuit. Assidua prædicatione, vitæ innocentis exemplo, et effusa in pauperes caritate præcipue insignis, populi mores reformavit, ac potens in opere et sermone multos integritati vitæ fideique restituit. Domus Dei decorem et cultum egregie promovit, ædificatis septemdecim ecclesiis, in quibus pro jugi divinorum officiorum celebratione, et affluentibus populis Sacrorum dispensatione, diversi ordinis ministros instituit; et quarum census ita destinavit, ut eorum pars ad cathedralis ecclesiæ luminaria deserviret. Vigilantem et indefessum in suo episcopali munere animum Deus multis decoravit miraculis; ipse enim meritis cæci quamplurimi visum recipere, et dæmones ab obsessis corporibus recedere coacti sunt. Tandem quadraginta novem annis in episcopatu sanctissime transactis, obdormivit in Domino decimo Kalendas Augusti. Eum in cilicio decumbentem, et ad cælestem patriam anhelantem beatus Martinus Turonensis episcopus ab Angelo monitus invisit, mortuumque in ecclesia Apostolorum Petri et Pauli honorifice

sepeliri curávit, et multis pó-
stea miráculis coruscávit.

R. Pósuí adjutórium.

Lectio vi.

VERUM post debellátam a Cá-
rolo Magno Saxóniam, et
Christi jugo subáctam, Badu-
árdus secúndus Paderbónæ in
Westphália episcopus, cum ad-
huc rudem in fide pópulum ad
avitas gentílium superstitiónes
sese converténtem animadver-
tísset; quo illum ab ejúsmodi
erróribus per novum patrónum
ac intercessórem apud Deum
revocáret, divíno mónitu ab
Aldríco Cenomanénsi episcopo
Libórii corpus impetrávit, et
máxima cum celebritáte suscepit
anno salutis octingentésimo
trigésimo sexto. Sacre reliquiæ
cum transferréntur, omnes illas
regiónes mira signórum fre-
quéntia illustráunt, quorum
fama in dies percrebrescénte,
magnum ubique Libórii nomen
esse cœpit. Sed ejus virtus con-
tra nephriticós dolóres præcípue
claréscit, continuis testáta
beneficiis, ob quæ peculiári fi-
delíum pietáte multis in regi-
onibus celebrátur.

R. Iste est qui.

In III. Nocturno Homilia Ut
ignorántiam in Evang. Vigiláte,
de eod. Comm. 2. loco.

FESTA AUGUSTI

DIE IX.

S. EMYGDII Episc. **Mart.**

Duplex

Omnia de Comm. unius **Mart.**,
præter seq.

Oratio.

DEUS, qui beátum Emygdium
Mártýrem tuum, atque Pon-

tíficem idolórum victória et mi-
raculórum glóriádecorásti: con-
céde propítius; ut eo interve-
niénte, malórum spírituum frau-
des víncere, et coruscáre vir-
tútibus mereámur. Per Dñum.

In I. Noct. Lect. de Scriptura
occurrente.

In II. Nocturno.

Lectio iv.

EMYGDIUS e nobili Francórum
Eprosápia Tréviris natus, an-
no ætátis vigésimo tértio, pa-
réntibus idololátris frustra ob-
stántibus, fidem Christi suscepit,
et constantíssime profés-
sus est. Cum tribus discípulis
Euplo, Germáno et Valentíno
vitam duxit: humanis spretis
oblectaméntis, rebus divínis plé-
nius incumbébat; erga próxi-
mum caritátis ardóre æstuábat.
Ideó ad procurándam multórum
salútem Romam se cón-
tulit. Hospítio excéptus in ín-
sula Tíberis, hópitis filiam
per quinquénium immedicábili
morbo languéntem, baptísimo
sanávit. **R.** Honéstum fecit.

Lectio v.

Mox óculis cæci coram pópulo
signo crucis apértis, a mul-
títúdine eum fílium Apóllinis
credénte in templum Æsculá-
pii rápitur. Ibi Christi servum
se profésus, ejus invocatióne
magnum númerum ægrórum,
nequicquam idóli opem implor-
ántium, valetúdini restítuit,
aras díruit, Æsculápii signum
confráctum in Tíberim projé-
cit. Quibus rebus, et mille ter-
centórum gentílium, præter Æ-
sculápii sacerdótes, conversi-
óne inde secúta, irritáti Postúmii
Titiani præfécti Urbis minas,
Angeli mónitu, declínans, san-

ctum Marcéllum Pontíficem ádiit, a quo Epíscopus ordinátus, et Asculum missus est.

R. Desidérium ánimæ.

Lectio vi.

MULTIS in itinere miráculis, Míngenti multitúdine Christo adjúcta, simul ac Asculum Emygdíus pervénit, dæmones e simulácris idolórum per cuncta fana ejulátibus éditis, peregrínorum dolóris sui causam indicáruunt. Quem cum concitáta plebs ad cædem quæreret, excítus tumultu Polymíus civitátis præses eum ad se vocátum multis, sed írritis verbis, ad Jovis et Angáriæ deæ Asculi patrónæ, veneratiónem hortátur, promíssis etiam in præmium nuptiis própriæ fíliæ Polísiæ, quam Emygdíus ad Christum conversam baptizávit, et post eam mille et sexagínta hómines, edúcta e saxo per ingens miráculum aquárum cópia. His in rábiem actus Polymíus sancto Epíscopo caput abscédit; quo facto, truncus ejus mirábiliter eréctus abjéctum humo próprium caput attóllens má nibus per spátium tercentórum pássuum ad oratórium portávit. Inde ad templum máximum translátus est, ubi magna religióne Asculáni pópuli et concúrsu exterórum hanc usque in diem cólitur. Incidit ejus beáta mors persecutióne Diocletíani duránte.

R. Stola jucunditátis.

In III. Nocturno.

Lectio sancti Evangélíi secúndum Lucam.

Lectio vii. Cap. 9.

IN illo témpore: Dixit Jesus discípulis suis: Cum audiéri-

tis prælia et seditiões, nolíte terréri: opórtet primum hæc fíferi, sed nondum statim finis. Tunc dicébat illis: Surget gens contra gentem, et regnum advérsus regnum, et terrémótus magni erunt per loca. Et réliqua.

Homíliá S. Gregórii Papæ.

Hom. I. in Evang.

DOMINUS et Redémptor noster parátos nos inveníre desiderans senescéntem mundum, quæ mala sequántur, denúntiat, ut nos ab ejus amóre compéscat. Appropinquántem ejus términum quantæ persecutiões prævéniant, innotéscit: ut si Deum metúere in tranquillitáte nólumus, saltem vicínum ejus júdicium vel persecutió nibus attrítí timeámus.

R. Coróna áurea super caput ejus.

Lectio viii.

HUIC etenim lectioni sancti Evangélíi, quam modo vestra fraternitas audívit, paulo supéríus Dóminus præmísit dicens: Exsúrget gens contra gentem, et regnum advérsus regnum, et erunt terrémótus magni per loca, pestiléntiæ et fames. Et, quibúsdam interpósitis, hoc, quod modo audístis, adjúnxit: Erunt signa in sole, et luna, et stellis, et in terris pressúra géntium præ confusióne sóni-tus maris, et fluctuum. Ex quibus profécto óm nibus ália jam facta cernimus, ália in próximo futúra formidámus.

R. Hic est vere Martyr, qui pro Christi nómine sánguinem suum fudit.

Lectio ix. de Homíliá Vigiliæ S. Laurentii.

DIE XXX.

SS. FELICIS ET ADAUCTI

Martyrum

Patronorum Congregat.

Presbyteralis Regii.

Duplex.

Omnia de Comm. plurimorum
Martyrum, præter seq.

Oratio.

MAJESTATEM tuam, Dómine,
Núsupplices exoramus; ut sicut
nos júgiter Sanctórum tuórum
commemoratíone lætíficas, ita
semper supplicatíone deféndas.
Per Dóminum.

In I. Nocturno Lectiones de
Scriptura occurrente.

In II. Nocturno.

Lectio iv.

FELIX, Diocletiano et Maxi-
miano imperatóribus, propter
susceptam Christi religiõnem
comprehensus, in Serápidis
templum adductus est. Cui sa-
crificáre cum juberétur, os si-
mulácri conspuít. Quo facto, sta-
tim ærea státua córruit. Quod
cum iterum ac tertio in æde Mer-
cúrii Dianæque factum esset,
impietátis et mágicæ artis ac-
cusátus equúleo torquétur. Mox
ad secúndum ab Urbe lápidem
via Ostiénsi dúcitur, ut secúri
ferirétur. Cui inter viam oblá-
tus quidam ChristiánuS, cum
Felicem agnóscens ad marty-
rium duci vidéret: Ego quoque,
clara voce inquit, eádem, qua
iste lege vivo: ego eúmdem Je-
sum Christum colo. Itaque Fe-
licem osculátus cum eo secúri
percútitur, tertio Kaléndas Se-
ptémbris. Cujus nomen cum ig-
nótum esset Christiánis, is Ad-
aucti nómine nobilitátus est,

quod sancto mártýri Felici ad-
auctus sit ad corónam.

R. Sancti tui.

De Sermóne sancti Augustíni
Epíscopi.

Sermo 47. de Sanctis.

Lectio v.

QUOTIESCUMQUE, fratres carís-
simi, sanctórum Mátyrum
solémnia celebrámus, ita, ipsis
intercedéntibus, expectémus a
Dómino cónsequi temporália
benefícia, ut ipsos Mátyres imi-
tándo, accípere mereámur ætérna.
Ab ipsis enim sanctórum
Mátyrum in veritaté festivitá-
tum gáudia celebrántur, qui
ipsórum Mátyrum exémpa se-
quúntur. Solemnitatés enim
Mátyrum exhortatíones sunt
martyriórum: ut imitári non
pígeat, quod celebráre deléctat.

R. Vérbera carnisíficum.

Lectio vi.

SED nos vólumus gaudére cum
Sanctis, et tribulatíonem mun-
di nólumus sustinére cum ipsis.
Qui enim sanctos Mátyres, in
quantum potúerit, imitári no-
lúerit, ad eórum beatitúdinem
non póterit perveníre. Sed et
Paulus Apóstolus prædicat, di-
cens: Si fuérimus sócii passió-
num, érimus et consolatiónum.
Et Dóminus in Evangélio: Si
mundus vos odit, scitóte quia
me priórem vobis ódio hábuit.
Recúsat esse in córpore, qui ó-
dium non vult sustinére cum
cápíte.

R. Tamquam aurum.

In III. Nocturno.

Lectio sancti Evangélii secú-
ndum Lucam.

Lectio vii. Cap. 10.

IN illo témpore: Dixit Jesus
discípulis suis: Qui vos audit,

me audit; et qui vos spernit, me spernit. Et reliqua.

Homilia ven. Bedæ Presb.

Lib. 3. in Luc. 10. c. 42.

paulo ante finem.

UT in audiendo quisque, vel spernendo Evangelii prædicatorem non viles, quasque personas, sed Dominum Salvatorem, imo ipsum Patrem spernere se, vel audire disceret, ait: Qui vos audit, me audit; et qui vos spernit, me spernit; qui autem me spernit, spernit eum qui me misit; quia procul dubio in discipulo magister auditur, et in filio pater honoratur. Potest et ita intelligi: qui non facit misericordiam uni de fratribus meis minimis, nec mihi facit; quia et ipse pro his formam servi et pauperis habitum suscepit.

R. Propter testamentum.

Lectio viii.

INVERSI sunt autem septuaginta duo cum gaudio dicentes: Domine, etiam demonia subiciuntur nobis in nomine tuo. Bene quidem confessi sunt, deferentes honorem nomini Christi; sed quia infirma adhuc fide gaudabant in virtutibus, vide quid audiunt. Et ait illis: Videbam Satanam sicut

fulgur de caelo cadentem. Non modo video, prius videbam quando corrui. Quod autem ait: Sicut fulgur, vel præcipitem de supernis ad ima lapsum significat, vel quia defectus adhuc transfugerat se in angelum lucis. R. Sancti mei.

Lectio ix.

ECCE dedi vobis potestatem calcandi supra serpentes et scorpiones. Hoc est omne genus immundorum spirituum de obsessis corporibus ejiciendi. Quamvis et littera rectissime possit accipi: siquidem et Paulus a vipera invasus nihil adversi patitur. Hoc sane inter serpentes, qui dente; et scorpiones, qui cauda nocent, distare arbitror, quod serpentes aperte sæviētes, scorpiones clanculo insidiātes vel homines, vel demones significant. Serpentes, qui inchoandis virtutibus venena pravæ persuasionis objiciunt; scorpiones, qui consummatas virtutes ad finem vitare contendunt. Verūtmēn in hoc nolite gaudere, quia spiritus ejicere, sicut et virtutes alias facere, interdum non est ejus meriti qui operatur, sed invocatio nominis Christi hoc agit. Te Deum laudamus.



OFFICIUM VOTIVUM

SANCTI PROSPERI

—EPISCOPI, CONFESSORIS ET DOCTORIS

REGII PRINCIPALIS PATRONI

Omnia dicuntur de Comm.
Conf. Doct., præter ea quæ hic
assignantur propria.

In Hymn. Iste Confessor M. S.

In utrisque Vesperis.

Ad Magnif. Ant. O Doctor ó-
ptime, Ecclesiæ sanctæ lumen,
beâte Prosper, divínæ legis
amátor deprecáre pro nobis Fí-
lium Dei.

Oratio.

ECCLESIAM tuam, quæsumus,
Dómine, grátia cæléstis am-
plificet: quam beáti Prósperi
Confessoris tui atque Pontíficis
illustráre voluisti gloriósis mé-
ritis et doctrínis. Per Dóminum.

Pro Mense Majo.

In I. Nocturno Lectiones de
Scriptura occurrente.

In II. Nocturno.

Sermo S. Augustíni Epíscopi.
Ser. 3. De Verbo Dom. in Mattheu.

Lectio IV.

CUM nobis pro officio cômpe-
tat dicere, vobis autem con-
veniat pro devotíone audíre,
quid tam necessárium tamque
pértinens póterit utrísque con-
tingere, quam ut quod religiósè
dicitur et devóte audítur, ob-
séquiis competéntibus teneátur?
Nam si religiósà non tacére lu-
crum est, tacére dispéndium;

quanto itaque potióra lucra
potúerint proveníre, cum ope-
rationís effectum monstrátur quid-
quid magistéris cæléstibus et
díscuritur et tenétur? Par etenim
causa et docéntem, et audién-
tem constríngit, ut utrísque
professio factórum testificatióne
signétur. R. Inveni David.

Lectio V.

ET quamvis dissímile sit do-
ctóris discentísque officium,
tamen utrísque par esse debet
sanctárum legum obséquium:
ut jungántur factis, qui sepa-
rántur officiis: copuléntur ópe-
re, qui divérsi sunt nómine;
et quos vocábula ab ínvicem sé-
parant, eos observántia præ-
ceptórum fídeliter ac devóte
conjúngat. Quare sic fit, ut u-
trísque divérsus sit actus, sed
observántiæ par sit necessárius
in utrísque effectus, ut factó-
rum in ambóbus conspíret as-
sensus, quibus divérsus est in
vocábulis sonus.

R. Pósum adjutórium.

Lectio VI.

IN doctóre enim molésta est
causa, dicere nec fácere, præ-
cípere nec observáre; in di-
scénte vero, audíre velle quod
nolit implére, aures audítui ac-
commodáre, et ab ópere volun-
tátem avértere. Céterum, qui
facit quod docet, et quidquid

imperat complet, máximus in cœlestibus sententia Dómini declarátur. At vero, qui quod dicit négligit, et qui quod audit contémnit, salutis reus existit, qui observánda contempsit et perícula non vitávit. Amat enim mortem, qui vitæ præcepta non servat, et horret vitam, qui peccáta morti débíta desperáta morte fréquentat.

R. Iste est qui.

In III. Nocturno.

Lectio sancti Evangelíi secundum Matthæum.

Lectio vii. Cap. 5.

In illo témpore: Dixit Jesus discipulis suis: Vos estis sal terræ. Quod si sal evanúerit, in quo saliétur? Et reliqua.

Homília sancti Joánnis Chrysóstomi.

Ex Hom. 15. in Matth. circa med.

Si autem sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Alii enim, etiámsi sæpe delinquant, possunt tamen ad véniam pervenire; si vero hoc magíster ipse patiátur omni satisfactióne privábitur et supplicia extrémá persólvét. Ne enim audientes: Cum exprobráverint vobis, et persecúti vos fúerint et dixerint omne malum advérsus vos, in médium prodíre formídent, dicit: Quóniam nisi ad ista fuéritis parátí, frustra etiám prodíitis in públicum. Non enim vos oportet maledícta hóminum timére, sed laudes, quas in audire cupiátis, tunc vere infatuándi estis atque calcándi.

R. Amávit eum.

Lectio viii.

Si vero, perseverábitis vosmetipsos úndique castigántes, et deínde audieritis mala, gaudéte; hoc enim est opus salis, laxa quæque úrere atque restringere. Itaque jam necessariá subsequitur maledíctio, nihil vobis prorsus incómodans, imo etiám testimonium vestræ pérhibens firmitátis. Si vero illa timéntes fortitúdinem vobis útilem deserátis, multo sævióra patiemini, et male scilicet audientes et contépti a cunctis atque despécti; hoc namque est ab ómnibus conculcári. Deínde ad aliud eos sublímius ducit exémpulum: Vos estis lux mundi.

R. In médio Ecclesiæ.

Lectio ix.

ITERUM mundi, non unus profécto gentis, nec viginti úrbium, sed totíus orbis lumen tunc perhibéntur, et lumen intelligíbile, ipsoque sole fulgéntius, sicut etiám sal hoc loco intelligitur spiritalé. Prius autem sal pósuit, deínde lumen, ut discas quantum sit verbórum uréatium benefícium, quantumque cómodum honestæ rectæque doctrinæ. Hæc síquidem stringit ánimos, nec quoquam diffúdere permíttit, facítque attentíus ad lumen virtútis aspícere, ad quam velut apprehénsa manu pértrahit audientes.

Te Deum laudámus.

Pro Mense Junio.

In II. Nocturno.

Sermo S. Augustíni Epíscopi.

Ex Epist. 152. tom. 2.

Lectio iv.

SOLLICITISSIME cavéndum est Sin docéndo supérbiæ vítiúm, quod in discéndo non ita est.

Unde sancta Scriptúra nos admonet dicens: Sit omnis homo velox ad audiéndum, tardus autem ad loquéndum; et ille in Psalmo ait: Audíui meo dabis gáudium et lætítiam; continuóque subjécit: Exultábunt ossa humiliáta; vidit enim in audiéndo facillime servári humilitátem, quæ difficilis est in docéndo; quóniam necesse est, ut doctor hábeat superiorem locum, ubi laboriósus est obtinére ne subrépat elátio.

R. Invéni David.

LECTIO V.

In Psalm. 129.

ECCE enim, fratres mei, dico caritatí vestræ: loquimur nos modo ad vos, ut áliquid doceámus vos, quanto mélius, si omnes scirémus, et nemo doceret álterum, ut non esset álius loquens, álius áudiens; sed omnes audiéntes unum illum, cui dicitur: Audíui meo dabis gáudium et lætítiam. Unde et ille Joánnēs non tam gaudébat, quia prædicábat et quia loquebátur; sed gaudébat, quia audiébat; ait enim: Amícus autem sponsi stat, et audit eum, et gáudio gaudet propter vocem sponsi. Itaque ibi unusquísque probet se, non ut loquátur, sed ut de álio locutiónis officium éxigat. Gáudium autem taciturnitátis intus in voluntáte hábeat, vocem doctrínæ in necessitáte. R. Pósui adiutórium.

LECTIO VI.

De Baptismo contra Donat.

lib. 2. c. 5.

ET plerúmque doctóribus minus áliquid revelátur, ut eórum pátiens et húmilis caritas, in qua fructus major est, comprobétur; vel quómodo téneant

unitátem, cum in rebus obscurióribus diversa séntiunt; vel quómodo accípiant veritátem, cum contra id, quod sentiébant, declarátam esse cognóscunt. Quorum duórum manifestum tenémus unum in beáto Cypriáno: idest quómodo tenuerit unitátem cum eis, a quibus diversum sentiébat. Hómines enim sumus: unde áliquid áliter sápere quam se res habet, humana tentátio est. Nimis autem amándo senténtiam suam, vel invidéndo melióribus usque ad sacrilégium pervenire, diabólica præsumptio est: in nullo autem áliter sápere quam se res habet, angélica perféctio est.

R. Iste est.

In III. Nocturno.

LECTIO sancti Evangélíi secundum Matthæum.

LECTIO VII.

Cap. 5.

IN illo témpore: Dixit Jesus discíplulis suis: Vos estis sal terræ. Quod si sal evanúerit, in quo saliétur? Et reliqua.

De Homilía sancti Joánnis Chrysóstomi.

EX HOMIL. 15. in Matth.

LUCEAT lux vestra: Hoc est, plúrima in vobis sit virtus, ac máxime ingens illius accendátur ignis et ineffábile omníno lumen effúlgeat. Quando autem tam magna virtus fúerit et clara, latére non póterit, étiam si mille illam contégere velit modis ille, qui póssidet. Bene autem ait, Lumen: nihil est, quod sic hóminem fáciat insígnem, atque conspícuum, etiámsi magno ámbitu optet latére, ut splendor iste virtútis. Sicut enim ipso sole circúmdatus, ita útique clarus effúlget,

nec in terram solúmmodo rutilátus própriæ virtútis emíttit, sed supra ipsum étiam cælum próprio fulgóre radiábit.

R. Amávit eum.

Lectio viii.

INC itaque illos ubérius consolátur. Etsi, inquit, maledicta in vos audiéntes dolétis, habétis tamen plúrimos, quos ad amórem atque admiratióem Dei vestro adducátis exémplo. Tunc enim multi erunt omníno mirántes, non útique vos tantum, sed per vos étiam Patrem vestrum. Nec dixit, Deum, sed Patrem; conferéndæ illis nobilitátis prærogatívam hoc jam nómine largiéndó. Cónsidera, quantum istiúsmodi sit cómmodum, quantum étiam discrímen. Si enim vítiis sordeámus etiámsi nobis nullus obtréctet, érimus ómnibus miserióres. Si vero virtútibus splendére curémus, vel si totus mundus contra nos maledictis volúerit personáre, érimus ómnium beatíssimi, atque ad nos trahémus omnes, qui venfre elégerint ad salútem. Omni quidem tuba documénta sunt óperum clarióra, vitáque munda, ipsa est luce fulgéntior. **R.** In médio.

Lectio ix.

Ex Hom. 16. in Matth. post init.

NON veni sólvere legem, sed implére. Legem vero non uno tantum, sed áltero et tértio implévit modo. Uno quidem, quia nihil ex legítimis ipse transgréssus est: álío vero, quia per nos quoque idípsum facit, quod Paulus significándo dicébat: Quóniam finis legis Christus ad justítiam omni credénti. Quod enim illa per líteram non pótuit, hoc per fidem

ipse confécit. Si vero áliquis diligénter exáminet, álíum quod tértium modum implétæ ab eo legis invéniet. Quem vero istum? Ipsa útique præcépta, quæ erat datúrus: non enim intéritus priórum, sed augméntum pótius et compleméntum erant ea quæ dicebántur a Christo. Illus quippe senténtiæ, qua dicitur: Non occídes, non interéptio, sed adimplétio magis atque munítio est, dicere: Non irascáris; omniúmque simíliter ceterórum.

Te Deum laudámus.

Pro Mense Julio.

In II. Nocturno.

Sermo sancti Joánnis Chrysóstomi.

In cap. 7. Matth. Homil. 18. post initium.

Lectio iv.

DEUS ita nos dispósuit esse, ut nec studéntes et laborántes, circa Scriptúras, acquirámus salútem sciéntiæ sine grátia Dei, ut nec nobis imputémus, quod scimus: nec tamen grátiam acquirámus, nisi studérimus, et laboravérimus circa Scriptúras, ne donum Dei detur negligéntibus. Sicut enim in bello non omnis, qui pugnat, vincit; nemo tamen vincere potest, nisi pugnáverit: sic non omnes, qui student et legunt, acquirunt sciéntiam spiritúalem; nemo tamen acquirere potest, nisi qui aut studiósus fúerit ad legéndum, aut assíduus ad audiéndum.

R. Invéni David.

Lectio v.

ET infidéles quidem, et non timéntes Deum invéniunt scién-

tiam legendo et studendo, sed non illam, quæ ex Deo est, quæ per Spíritum sanctum datur: sed hanc, quæ est ex natura carnali, quæ per exercitacionem carnis acquiritur, quam habuerunt etiam gentilium studiosi. Multa enim differentia est inter scientias istas. Qui enim orationibus non instat, nec operibus bonis, sed per solum studium lectionum factus est sciens, quando aliis prædicat, ipse sibi non sentit quod prædicat. *R. Pôsui adjutórium.*

Lectio vi.

SED quando alios docet, ab instantus conscientia ejus ridet sibi de verbis suis; quia scientia, quæ ex solis lectionibus est, ex ore procedit; quæ autem de Spíritu sancto est, de corde profertur: et ideo spiritalis scientia non solum dicitur, sed et sentitur. Non tantum in Scripturis legitur, sed ex corde suggeritur: et ideo si alios terret, ipse amplius timet: si consolatur, ipse melius gaudet; et omne quod loquitur, non tantum legit, sed experimento probavit. Ideo ergo petamus Deum, et operemur bona, ut non carnalem, sed spiritualem scientiam mereamur. *R. Iste est qui.*

In III. Nocturno.

Lectio sancti Evangelii secundum Matthæum.

Lectio vii. Cap. 5.

IN illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? Et reliqua.

Hom. S. Hierónymi Presb.

Lib. 1. Corom. in c. 5. Matth.

SAL appellantur Apóstoli et doctóres: quia per illos uni-

versum hóminum conditur genus. Quod si sal evanuerit, in quo salietur? Si doctor erraverit, a quo alio doctore emendabitur? Ad nihilum valet ultra, nisi ut mittatur foras, et conculcetur ab hominibus. Exemplum de agricultura sumptum est. Sal etenim sicut in ciborum condimentum, et ad siccandas carnes necessarium est, ita alium usum non habet. Certe legimus in Scripturis, urbes quasdam ira victorum sale seminatas, ut nullum in ipsis germen oriretur.

R. Amavit eum.

Lectio viii.

CAVEANT ergo doctóres et Episcopi, et videant potentes potenter tormenta sustinere, nihilque esse remédii, sed majorum ruinam ad tartarum ducere. Vos estis lux mundi. Non potest civitas abscondi supra montem posita: neque accendant lucernam et ponunt eam sub módio, sed super candelabrum ut luceat omnibus qui in domo sunt. Docet fiduciam prædicandi, ne Apóstoli abscondantur ob metum, et sint símiles lucernæ sub módio, sed tota libertate se prodant: ut quod audierunt in cubiculis, prædicent in tectis.

R. In médio.

Lectio ix.

NOLITE putare, quoniam veni solvere legem, aut Prophetas: non veni solvere, sed adimplere. Sive quod de se per alios prophetata complerit, sive quod ea, quæ ante propter infirmitatem audientium rudia, et imperfecta fuerant, sua prædicatione complerit, iram tollens, et vicem talionis exclu-

dens, et occultam in mente concupiscéntiam damnans. Donec tránseat cælum et terra. Promittúntur nobis cæli novi et terra nova, quæ factúrus est Dóminus Deus. Si ergo nova creánda sunt, consequénter vétera transitúra. Te Deum.

Pro Mense Augusto.

In II. Nocturno.

Ex Libro S. Augustíni Episcopi de Civitaté Dei.

Lib. 18. Cap. 1. Lectio iv.

AUCTORES nostri, in quibus non Afrustra sacrárum litterárum fígitur et terminátur canon, absit, ut inter se áliqua ratióne disséntiant. Unde non immérito, cum illa scríberent, eis Deum vel per eos locútum, non pauci in scholis, aut gymnásiis litigiósis disputatióibus gárruli, sed in agris, atque in úrbibus cum doctis, atque indoctis tot, tantique pópuli crediderunt. Ipsi sane pauci esse debuérunt, ne multitúdine vilésceret, quod carum religióne esse oportéret; nec tamen ita pauci, ut eórum non sit miránda consénsio. R. Inveni.

Lectio v.

NEQUE enim in multitúdine philosophórum, qui labóre étiam litterário monuménta suórum dógmatum reliquérunt, fáciie quis invénierit, inter quos cuncta, quæ sensére, convéniant; quod osténdere hoc ópere longum est. Ubi etsi áliqua vera dicebántur, eádem licéntia dicebántur, et falsa; prorsus ut non frustra talis civitas mysticum vocábulum Babylónis accéperit. Bábylon quippe interpretátur Confúsió quod nos jam

dixisse memínimus. Non ínterest diaboli regis ejus, quam contráriis inter se rixéntur erroribus, quos mérito multæ, variæque impietátis páriter possidet. R. Pósuí adiutórium.

Lectio vi.

AT vero gens, pópulus, civitas, Arespública, Israelítæ, quibus crédita sunt elóquia Dei, nullo modo pseudoprophétas cum veris Prophétis pari licéntia confuderunt, sed concórdes inter se, atque in nullo dissentiéntes, sacrárum litterárum veráces ab eis agnoscebántur et tenebántur auctóres. Ipsi eis erant Philosophi, hoc est amatóres sapiéntiæ, ipsi sapiéntes, ipsi Theólogos, ipsi Prophétæ, ipsi Doctóres probitátis, atque pietátis. Quicúmque secúndum illos sápuít et vixit, non secúndum hómínes, sed secúndum Deum, qui per eos locútus est, sápuít et vixit. R. Iste est.

In III. Nocturno.

Lectio sancti Evangélíi secúndum Matthæum.

Lectio vii. Cap. 5.

IN illo témpore: Dixit Jesus discíplis suis: Vos estis sal terræ. Quod si sal evanúerit, in quo saliétur? Et reliqua.

Homília sancti Hilárii

Episcopi.

Comment. in Matth. cap. 4. post initium.

Vos estis sal terræ: quod si sal infatuátum fúerit, ad níhilum valet id quod saliétur. Sal, ut árbitror, terræ nullum est. Quómodo ergo Apóstolos sal terræ nuncupávit? Sed propríetas est quærénda dictórum, quam et Apostolórum officium, et ipsús salis natúra monstrá-

bit. Sal est in se uno cōtinens aquæ, et ignis elemētum, et hoc ex duobus est unum.

R. Amavit eum.

Lectio viii.

Ic igitur in omnem usum humani generis effectus, in corruptionem corporibus, quibus fuerit aspersus, impertit et ad omnem sensum conditi saporis aptissimus est. Apostoli autem sunt rerum cælestium prædicatores et æternitatis velut satores, immortalitatem omnibus corporibus, quibus eorum sermo aspersus fuerit, conferentes. Merito igitur sal terræ nuncupati sunt, per doctrinæ virtutem saliendi modo æternitati corpora reservantes.

R. In medio Ecclesiæ.

Lectio ix.

Sed natura salis semper eadem est, nec immutari unquam potest. Verum quia conversioni homo subiacet, et solus beatus, qui usque ad finem in omnibus Dei operibus permanserit: ideo eos sal terræ nuncupatos monet in traditæ sibi potestatis virtute persistere, ne infatuati nihil saliant, et ipsi, sensu accepti saporis amisso, vivificare corrupta non possint, et projecti de Ecclesiæ promptuariis cum his, quos salserint, pedibus incedentium proterantur. *Te Deum.*

Pro Mense Septembri.

In II. Nocturno.

De Exposit. S. Augustini Episc. in Epistolam primam beati Joannis.

Tract. 3. Cap. fin. Lectio iv.

Non habetis necessitatem, ut aliquis vos doceat, qui unctio ipsius docet vos de omni-

bus. Quid ergo nos facimus, fratres, quia docemus vos? Si unctio ejus docet vos de omnibus, quasi nos sine causa laboramus. Et ut quid tantum clamamus? Dimittamus vos unctio illius et doceat vos unctio ipsius. Sed modo mihi facio questionem et illi ipsi Apostolo facio: dignetur audire parvulum querentem a se. Ipsi Joanni dico: Unctionem habebant, quibus loquebaris? Tu dixisti, quia unctio ipsius docet vos de omnibus; ut quid talem Epistolam fecisti? quid illos tu docebas? quid instruebas? quid edificabas? *R.* Inveni David.

Lectio v.

Jam hic videte magnum sacramentum, fratres. Sonus verborum nostrorum aures percutit, magister intus est. Nolite putare quemquam hominem aliquid discere ab homine. Admonere possumus per strepitum vocis nostræ: si non sit intus, qui doceat, inanis fit strepitus noster. Magisteria forinsecus, adjutoria quedam sunt et admonitiones. Cathedram in cælo habet, qui corda docet. De Domino dico. Propterea ait et ipse in Evangelio: Nolite vobis dicere magistrum in terra; unus est magister vester Christus. Ipse vobis ergo intus loquatur, quando nemo hominum illic est; quia etiam aliquis est a latere tuo, nullus est in corde tuo. Christus sit in corde.

R. Posui adjutorium.

Lectio vi.

Sic sunt ista verba, fratres, quæ forinsecus dicimus, quomodo est agricola ad arborem: forinsecus operatur, adhibet aquam et diligentiam culturæ.

Quælibet forinsecus adhsbeat, numquid poma format? numquid nuditatem lignorum vestit umbra foliorum? numquid tale aliquid intrinsecus agit? Sed quis agit hoc? Audite agricolam Apostolum, videte quid sumus et audite magistrum interiorem: Ego plantavi, Apollo rigavit, sed Deus incrementum dedit. Hoc ergo vobis dicimus: sive plantemus, sive rigemus loquendo, non sumus aliquid, sed ille, qui incrementum dat Deus, idest unctio illius, qui docet vos de omnibus. R. Iste est qui.

In III. Nocturno.

Lectio sancti Evangelii secundum Matthæum.

Lectio vii. Cap. 5.

IN illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? Et reliqua.

Homilia sancti Joannis Chrysostomi.

Homil. 15. in Matth. sub med.

ATTENDITE quid dixerit: Vos aestis sal terræ: per quod ostendit, quam necessario ista præcipiat. Non enim de vestra, inquit, tantummodo vita, sed de universo orbe vobis ratio reddenda est. Non ad duas quippe urbes aut decem, aut viginti, neque ad unam gentem vos mitto, sicut mittebam Prophetas, sed ad omnem terram prorsus ac mare, totumque mundum, et hunc variis criminibus oppressum.

R. Amavit eum.

Lectio viii.

DICENDO enim: Vos estis sal terræ, ostendit universam hominum infatuatam esse naturam et peccatorum vi corruptam: et idcirco illas ab eis virtutes requirit, quæ maxime ad multorum salutem procurandam necessariae sunt, atque utiles. Nam qui mansuetus est ac modestus et misericors et justus, non intra se tantummodo hæc recte facta concludit, verum in aliorum quoque utilitatem præclaros hos faciet effluere fontes. Igitur, qui corde mundo est atque pacificus, et persecutionem pro veritate patitur, nihilominus in commune commodum vitam instituit. R. In medio Ecclesiæ.

Lectio ix.

NE igitur putetis, inquit, ad leviam vos ducendos esse certamina, neque exiguarum rerum vobis ineundam esse rationem: Vos estis sal terræ. Quid igitur? Ipsi ne putrefacta medicati sunt? Nequaquam: neque enim fieri potest, ut ea, quæ jam corrupta sunt, salis perfricatione reparentur. Non ergo hoc fecerunt, sed ante renovata, sibi que tradita, atque ab illa jam putredine liberata aspergebant sale, et in ea novitate conservabant, quam a Domino susceperant. Liberare quippe a putredine peccatorum Christi virtutis est; ut autem ad illam iterum non revertantur, Apostolorum curæ est, ac laboris. Te Deum laudamus.



COMMEMORATIONES PATRONORUM

IN SUPFRAGIIS SANCTORUM FACIENDÆ

De SS. CHRYSANTHO ET DARIA Mart.

Ad Laudes. Ant. Vestri capilli capitis omnes numerati sunt: nolite timere, multis passibus meliores estis vos.

V. Exultabunt sancti in gloria.

R. Laetabuntur in cubilibus suis.

Orémus.

BEATORUM Martyrum tuorum, Dómine, Chrysanthi et Darie quæsumus, adsit nobis oratio: ut quos veneramur obsequio, eorum pium jūgiter experiamur auxilium.

Ad Vesp. Ant. Gaudent in cælis animæ sanctorum, qui Christi vestigia sunt secuti, et quia pro ejus amore sanguinem suum fuderunt, ideo cum Christo exultant sine fine.

V., et Oratio ut supra.

De S. PROSPERO

Episc. Confess. et Doct.

Ad Laudes. Ant. Euge, serve bone et fidelis, quia in pauca fuisti fidelis, supra multa te constituam; dicit Dóminus.

V. Justum deduxit Dóminus per vias rectas.

R. Et ostendit illi regnum Dei.

Orémus.

ECCELESIAM tuam, quæsumus Dómine, grátia cælestis amplifcet, quam beati Prósperi Confessoris tui atque Pontificis illustrare voluisti gloriósis méritis et doctrinis.

Ad Vesp. Ant. O Doctor óptime, Ecclesiæ sanctæ lumen beate Prosper, divínæ legis amátor, deprecáre pro nobis Fílium Dei.

V., et Oratio ut supra.



INDEX ALPHABETICUS

	fol.
Commemor. Patronorum	21*
— Sanctorum. 16. Jun.	1*
Emygdii Episc. Mart. 9. Aug.	9*
Felicis et Adaucti Mart. 30. Aug.	11*
Francisci Solani Conf. 24. Jul.	6*
Joannæ Scopelli Virg. Regiensis. 9. Jul.	5*
Liborii Episc. Conf. 27. Jul.	8*
Prosperi Episc. Conf. 25. Jun.	2*
— Offic. vot.	13*

Nihil obstat quominus in hac Appendice edantur Officia propria hujus Diocesis a novissimo libello nostro fideliter deprompta.

Regii Lepidi, 15 Maji 1896.

L. † S.

† **VINCENTIUS** Episcopus.

Taurini 1896. Ex Typ. Pont. Petri Marietti.

OFFICIA PROPRIA

DIOECESIS

REGII LEPIDI

PARS AUTUMNALIS

FESTA AUGUSTI

DIE XXX.

SS. FELICIS ET ADAUCTI

Martyrum
Patronorum Congregat.
Presbyteralis Regni.

Duplex.

Omnia de Comm. plurimorum
Martyrum, præter seq.

Oratio.

MAJESTATEM tuam, Dómine,
M supplices exorámus; ut sicut
nos júgiter Sanctórum tuórum
commemoratíone lætíficas, ita
semper supplicatíone deféndas.
Per Dóminum.

In I. Nocturno Lectiones de
Scriptura occurrente.

In II. Nocturno.

Lectio iv.

FELIX, Diocletiano et Maxi-
miano imperatōribus, propter
susceptam Christi religiōnem
comprehensus, in Serápidis
templum adductus est. Cui sa-
crificáre cum juberétur, os si-
mulácri cōspuit. Quo facto, sta-

tim ærea státua còrruit. Quod
cum íterum ac tértio in æde Mer-
cúrii Dianæque factum esset,
impietátis et mágicæ artis ac-
cusátus equúleo torquétur. Mox
ad secúndum ab Urbe lápidem
via Ostiénsi dúcitur, ut secúri
ferirétur. Cui inter viam oblátus
quidam Christiánus, cum
Felicem agnóscens ad marty-
rium duci vidéret: Ego quoque,
clara voce inquit, eádem, qua
iste, lege vivo: ego eúmdem Je-
sum Christum colo. Itaque Fe-
licem osculátus cum eo secúri
percútitur, tértio Kaléndas Se-
ptémbris. Cujus nomen cum i-
gnótum esset Christiánis, is Ad-
aucti nómine nobilitátus est,
quod sancto mártýri Felíci ad-
auctus sit ad corónam.

R. Sancti tui.

De Sermōne sancti Augustíni
Epíscopi.

Sermo 47. de Sanctis.

Lectio v.

QUOTIESCUMQUE, fratres carís-
simi, sanctórum Mártýrum
solémnia celebrámus, ita, ipsi
intercedéntibus, expectémus a
Dómino cónsequi temporália

beneficia, ut ipsos Mártýres imitádo, accipere mereámur ætérna. Ab ipsis enim sanctórum Mártýrum in veritaté festivitátum gáudia celebrántur, qui ipsórum Mártýrum exémpa sequúntur. Solemnitatés enim Mártýrum exhortatiónes sunt mártýriórum: ut imitári non pígeat, quod celebráre deléctat.

R. Vérbera carnificum.

Lectio vi.

SED nos vólumus gaudére cum sanctis, et tribulatióem mundi nólumus sustinére cum ipsis. Qui enim sanctos Mártýres, in quantum potúerit, imitári nolúerit, ad eórum beatitudinem non póterit pervénire. Sed et Paulus Apóstolus prædicat, dicens: Si fuérimus sócii passiónum, érimus et consolatiónum. Et Dóminus in Evangélio: Si mundus vos odit, scitóte quia me priórem vobis ódio hábit. Recúsat esse in córpore, qui ódium non vult sustinére cum cápíte.

R. Tamquam aurum.

In III. Nocturno.

Lectio sancti Evangélii secundum Lucam.

Lectio vii. Cap. 10.

IN illo témpore: Dixit Jesus discipulis suis: Qui vos audit, me audit; et qui vos spernit, me spernit. Et reliqua.

Homilia ven. Bedæ Presb.

Lib. 3. in Luc. 10. c. 42.

paulo ante finem.

UT in audiéndo quisque, vel uspernéndo Evangélii prædicatórem non viles, quasque persónas, sed Dóminum Salvatórem, imo ipsum Patrem spérnere se, vel audíre dísceret, ait: Qui vos audit, me audit; et

qui vos spernit, me spernit; qui autem me spernit, spernit eum qui me misit; quia procul dúbio in discipulo magíster audítur, et in fílio pater honorátur. Potest et ita intélligi: qui non facit misericórdiam uni de frátribus meis mñimis, nec mihi facit; quia et ipse pro his formam servi et páuperis hábitum suscepit.

R. Propter testaméntum.

Lectio viii.

REVERSI sunt autem septuaginta duo cum gáudio dicéntes: Dómine, étiam dæmónia subjiúntur nobis in nómine tuo. Bene quidem conféssi sunt, deferéntes honórem nómini Christi; sed quia infirma adhuc fide gaudébant in virtútibus, vide quid audiunt. Et ait illis: Vidébam Sátanam sicut fulgur de cælo cadéntem. Non modo vídeo, prius vidébam quando córruit. Quod autem ait: Sicut fulgur, vel præcípitem de supérnis ad ima lapsum significat, vel quia dejéctus adhuc transfigúrat se in ángelum lucis. R. Sancti mei.

Lectio ix.

ECCE dedi vobis potestátem ealcáandi supra serpéntes et scorpiónes. Hoc est omne genus immundórum spirítuum de obséssis corpóribus ejiciéndi. Quamvis et líttera rectíssime possit áccipi: síquidem et Paulus a vípera invásus nihil adversi pátitur. Hoc sane inter serpéntes, qui dente; et scorpiónes, qui cauda nocent, distáre árbitor, quod serpéntes apérte sæviéntes, scorpiónes clánculo insidiántes vel hómines, vel dæmones significént. Serpéntes, qui inchoándis vir-

tútibus venéna pravæ persuasiónis obſciscunt; scorpiones, qui consummátas virtútes ad finem vitiare conténdunt. Verúm tamen in hoc nolíte gaudere, quia spíritus ejícere, sicut et virtútes álias fácere, interdum non est ejus mériti qui operátur, sed invocátio nóminis Christi hoc agit. Te Deum laudámus.

FESTA SEPTEMBRIS

DOMINICA I.

B. M. V. DE CONSOLATIONE SEU DE CINCTURA.

In I. Vesperis.

Ant. et Capit. de Laudibus; Ps. et reliqua hic non propria ut in Festis B. M. V.

Hymnus. Ave, maris stella.

V. Numquid obliviscétur virgo ornamenti sui? R. Aut sponsa fasciæ pectorális suæ?

Ad Magnif. Ant. Sancta María, succúrre miseris, juva pusillánimes, réfove flébiles, ora pro pópulo, intérvieni pro clero, intercède pro devóto femíneo sexu, séntiant omnes tuum juvámén, quicúmque célebrant tuam sanctam festivitátem.

Oratio ut ad Laudes.

Et fit comm. Dom. occurr.

Ad Matutinum.

Invitat. Jesum per Mariám nos consolántem, Veníte, adorémus.

Ps. Veníte, exultémus.

In I. Nocturno.

Le Cánticis Canticórum.

Lectio I. Cap. 4.

O quam pulchra es, amíca mea, quam pulchra es! Oculi tui columbárum, absque eo,

quod intrínsecus latet. Capílli tui sicut greges caprárum, quæ ascendérunt de monte Gálaad. Dentes tui sicut greges tonsárum, quæ ascendérunt de lavácro, omnes geméllis foetibus, et stérilis non est inter eas. Sicut vitta coccínea lábia tua: et elóquium tuum, dulce. Sicut frágmen mali púnici, ita genæ tuæ, absque eo, quod intrínsecus latet. Sicut turris David collum tuum, quæ ædificáta est cum propugnáculis: mille clypei pendent ex ea, omnis armatúra fórtium.

R. Sancta et immaculáta.

Lectio II.

Nota pulchra es, amíca mea, et mácula non est in te: Veni de Líbano, sponsa mea, veni de Líbano, veni: coronáberis de cápite Amana, de vértice Sanir et Hermon, de cubílibus leónum, de móntibus pardórum. Vulnerásti cor meum, soror mea sponsa, vulnerásti cor meum in uno oculórum tuórum, et in uno crine colli tui. Quam pulchræ sunt mammæ tuæ, soror mea sponsa! pulchrióra sunt úbera tua vino, et odor unguentórum tuórum super ómnia aromata.

R. Congratulámini mihi.

Lectio III.

Pavus distíllans lábia tua, sponsa, mel et lac sub língua tua: et odor vestimentórum tuórum sicut odor thuris. Hortus conclusus, soror mea sponsa, hortus conclusus, fons signátus. Emissiónes tuæ paradísus malórum punicórum cum pomórum frúctibus. Cypri cum nardo, nardus et crocus, fistula et cinnamómum cum univérssis lignis Líbani, myrrha et áloe

cum ómnibus primis unguéntis. Fons hortórum: púteus aquárum vivéntium, quæ fluunt ímpetu de Líbano. Surge, Aquilo, et veni, Auster, perfla hortum meum, et fluant arómata illíus.

R. Beáta es, Virgo.

In II. Nocturno.

Sermo sancti Bernárdi
Abbátis.

Sermo in Dominica infra Oct.

Assumpt. B. M. V.

super Signum magnum.

Lectio iv.

JURE María sole perhibétur amícta, quæ profundíssimam divínæ sapiéntiæ, ultra quam credi váleat, penetrávit abyssum; ut, quantum sine personali unióne creatúræ conditio pátitur, luci illi inaccessíbili videátur immérsa. Illo nífrum igne Prophétæ lábia purgántur, illo igne Séraphim accendúntur. Longe vero áliter María méruit, non velut summátim tangit, sed operári magis úndique, et circumfúndi, et tamquam ipso igne conclúdi. Candidíssimus sane, sed et calidíssimus hujus mulferis amíctus: cujus ómnia tam excelénter irradiáta noscúntur, ut nihil in ea, non dico tenebrósum, sed ne subobscúrum saltém, vel minus lúcidum, sed ne tépidum quidem áliquíd, aut non ferventíssimum líceat suspicári.

R. Sicut cedrus.

Lectio v.

MULIER amícta sole. Plane amícta lúmine tamquam vestiménto. Non pércipit forte carnális: nífrum spirituále est, stultítia illi vidétur. Non

sic videbátur Apóstolo, qui dicebat: Induámini Dóminum Jesum Christum. Quam familiáris ei facta es, Dómina! Quam próxima, imo quam íntima fieri meruísti: quantam invenísti grátiam apud eum! In te manet, et tu in eo, et vestis eum, et vestíris ab eo. Vestis eum substantántia carnis, et vestit ille te glória suæ majestátis. Vestis solem nube, sole ipsa vestíris. Novum enim fecit Dóminus super terram, ut múlter circúmdaret virum. R. Quæ est ista.

Lectio vi.

TE itaque, Mater misericórdiæ, mediatricem nobis apud solem justítiæ constitútam devótis supplicatióibus interpellámus, ut in lúmine tuo videámus lumen, et solis grátiam tuo mereámur obténtu, quam vere amávit præ ómnibus, et ornávit, stola glóriæ induens, et corónam pulchritúdinis ponens in cápite tuo. Plena es gratiárum, plena rore cælésti, inníxa super diléctum, delcíis áffluens. Ciba hódie páuperes tuos, Dómina: ipsi quoque catélli de micis edant; nec púero Abrahæ tantum, sed et camélis potum tríbuas de superfluénti hydria tua: quia tu vere puélla es præelécta, et præparáta Altíssimi Fílio. Cujus divíno instíctu sanctus Póntifex et doctor Ambrósius, postquam Augustínus sacro baptísmate expiávit, novum hóminem novis vestíbus induit, cuculláque nigra, et cingulo ex cório ipse, ut fertur, præcínxit. Hujus autem sacri cinguli ornáméntum póstea religio Augustiniána semper gestávit in signum devotiónis

erga beatam Virginem Mariam, sanctum patrem Augustinum, piámque ejus matrem Mónica, ita ut Eugénio quarto adprobante fuerit instituta societas Cincturatórum sanctórum Augustíni et Mónica, et alia símilis sub invocatióne beatæ Mariæ Virginis de Consolatióne, quas Gregórius decimus tértius in unum corpus redégit; ac sodalítium Cincturatórum beatæ Mariæ Virginis voluit appellári, illúdque tum Gregórius ipse, tum multi alii ejus successóres innúmeris grátiis et privilégiis cumuláru[n]t.

R. Ornátam.

In III. Nocturno.

Lectio sancti Evangelíi secundum Lucam.

Lectio vii. Cap. I. d.

In illo témpore: Exsurgens María abiit in montána cum festinatióne in civitatem Juda. Et intrávit in domum Zachariæ, et salutávit Elísabeth. Et reliqua.

De Hom. S. Augustíni Ep.

Lib. de Presentia Dei, sive in post. 187., alias 57., n. 23.

Hæc sunt certe verba Elísabeth matris Joánnis: Beáta tu inter mulieres, et beátus fructus ventris tui. Et unde hoc mihi, ut véniat mater Dómini mei ad me? Ecce enim ut facta est vox salutatiónis tuæ in auribus meis, exultávit in gáudio infans in útero meo. Hoc autem ut diceret, sicut Evangelísta prælócúsus est, repléta est Spíritu sancto, quo procul dubio revelánte cognóvit, quid illa exultatio significáret infántis, id est illius vénisse matrem, cujus præcúrsor ipse et demon-

strátor esset futúrus. Póuit ergo esse ista significatio rei tantæ a majóribus cognoscendæ, non a párvulo cognitæ.

R. Sub tuum præsidium confúgimus, clementíssima Virgo, suscipe nos, única spes nostra, et nostris delectáre láudibus, * Quibus indigni omni te laude digníssimam collaudámus, r. Aufer a nobis iniquitátes nostras, ut digni canámus tibi glóriæ melos. Quibus indigni.

Lectio viii.

NAM neque cum hoc ante in Evangelíio narrarétur, dictum est, credidit infans in útero ejus, sed, exultávit; neque ipsa dixit: exultávit in fide infans in útero meo, sed, exultávit in gáudio. Vidémus autem exultatióne[m] non solum parvulórum, sed étiam pécorum: non útique de álqua fide, vel religióne, vel qualicúmque rationali cognitióne veniéntem. Sed hæc plane inusitata et nova éxstitit, quia in útero, et ad ejus advéntum, quæ hóminum Salvatórem fuerat paritúra. Ideo mira, ideo in magnis signis deputánda: Ideo hæc exultatio, et tanquam matri Dómini réddita resultatio, sicut solent miracula fieri, facta est divínitus in infánte, non humánitus ab infánte.

R. Porta cæli et stella maris es, Virgo María, Regis ætérni mater, gratos nos redde Filio tuo: * Quia omnis virtus, et decor, et glória ex te respléndet. r. Tu vénisse vena, tu gratiæ mater, tu spes mundi, exaudi nos clamántes ad te. Quia. Glória Patri. Quia.

Lectio ix. de Nomina Domini alia e. occurrit.

Ad Laudes

et per Horas.

Ant. 1. Odor vestimentórum

* tuórum sicut odor thuris.

Ps. Dóminus regnávít.

2. Cingulo suo * confortávit nos, et potestátem suam dedit in manu nostra.

3. Justítia * cingulum lumbórum ejus, et fides cinctórium renum ejus.

4. Myrrha, et gutta, * et cássia a vestiméntis tuis.

5. Séntiens vestimentórum illius, * fragrántiam, benedíxit nobis Deus noster.

Capitulum. Isaíe 11.

EJSEDIETUR virga de radíce Jesse, et flos de radíce ejus ascéndet. Et requiescet super eum spíritus Dómini.

Hymnus. O gloriósa Vírginum.

R. Benedícta tu in muliéribus.
V. Et benedíctus fructus ventris tui.

Ad Bened. Ant. Quæ est ista, quæ ascéndit sicut auróra consurgens, pulchra ut luna, eléctta ut sol, terríbilis ut castrórum ácies ordináta?

Oratio.

DOMINE Jesu Christe, pater misericordiárum et Deus totíus consolatiónis: concéde propítius; ut sicut lumbos præfácti puríssimam Genitricem tuam Mariam sub consolatiónis título gaudéntes venerámur in terris, ita perénni ejúsdem consórtio pérfrui mereámur in cælis: Qui vivis et regnas.

Et fit comm. Dom. occur.

In II. Vesperis.Omnia ut in I. Vesp., præter
Ad Magnif. Ant. Sub tuum

præsídium confúgimus, cleméntíssima Virgo, súscipe nos, única spes nostra, et nostris delectáre láudibus.

DIE XIII.**S. VENERII** Aurbatis
Patroni min. Princ.

Dupl. 2. classis.

Omnia de Comuni Conf.
non Pont., præter seq.

Oratio. Intercésio.

In I. Nocturno.

De Epístola beáti Pauli Apóstoli ad Philippéenses.

Lectio i. Cap. 3.

QUÆ mihi fuérunt lucra, hæc carbitrátus sum propter Christum detriménta. Verúmtamen exístimo ómnia detriméntum esse propter eminentem sciéntiam Jesu Christi Dómini mei: propter quem ómnia detriméntum feci, et árbitror ut stércora ut Christum lucrifáciam, et invéníar in illo non habens meam justítiam: quæ ex lege est, sed illam, quæ ex fide est Christi Jesu: quæ ex Deo est justítia in fide ad cognoscéndum illum, et virtútem resurrectiόnis ejus, et societátem passiónum illíus, configurátus morti ejus, si quo modo occurrám ad resurrectiόnem, quæ est ex mórtuis.

R. Euge, serve bone.

Lectio ii.

NON quod jam accéperim, aut jam perféctus sim: sequor autem, si quo modo comprehéndam, in quo et comprehénsus sum a Christo Jesu. Fratres, ego me non árbitror comprehénsisse. Unum autem, quæ, quidem retro sunt oblivíscens, ad ea vero, quæ sunt prióra,

exténdens me ipsum, ad destinátum pérsequor, ad bravíum supérnæ vocatiónis Dei in Christo Jesu. Quicúmque ergo perfecti sumus, hoc sentiámus, et si quid áliter sapiatis, et hoc vobis Deus revelábit. Verúmamen, ad quod pervénimus, ut idem sapiámus, et in eádem permaneamus régula.

R. Justus germinábit.

Lectio iii.

IMITATORES mei estóte, fratres, et observáte eos, qui ita ámbulant, sicut habétis formam nostram. Multi enim ámbulant, quos sæpe dicébam vobis (nunc autem et flens dico) inimicos crucis Christi, quorum finis intéritus, quorum Deus venter est, et glória in confessiône ipsórum, qui terréna sapiunt. Nostra autem conversatio in cælis est: unde étiam Salvatórem expectámus Dóminum nostrum Jesum Christum, qui reformábit corpus humilitátis nostræ, configurátum córpori claritátis suæ, secúndum operatióem virtútis suæ, qua étiam possit subjícere sibi ómnia.

R. Iste cognóvit.

In II. Nocturno.

Lectio iv.

VENERIUS in ínsula Palmária Lunénsis provinciæ claris ortus natálibus, floruit Gregório primo Pontífice Máximo. Hujus adolescéntia iis potíssimum fuit dédita disciplínis, quibus ad pietátem, ac religióem informabátur. Maturióre ætáte mónachi vitam proféssus, mox ab ipsíus mónachis, quod conspicuus esset virtútibus, in Abbátem elígitur. Exínde in ínsulam non procul a Lunénsi territó-

rio pósitam quam Tyrum majórem appellánt, proféctus, solitáriam vitam degit. Et corpus quidam pomis agréstibus, ísque herbis sustentábat, quas incúltum illud, ac sylvéstre ferébat solum: ánimam vero vigíliis, oratióibus, divinarúmque rerum meditatióne pascébat, ut, ánimo a corpórea contagióne abstrácto, cæléstis cuiusdam vitæ ratióem ab omni, quoad ejus fferi póterat, terréna sorde purgátam dúceret.

R. Honéstum fecit.

Lectio v.

QUI quidem quantis apud Deum Oméritis abundáret, satis declárant quæ consecúta sunt deínde mirácula. Cum enim multis jam annis in ea morátus ínsula, penúria, faméque aliquándopremérétur, virum quemdam, Agréstium nómine, qui ipsum, mónita salutis acceptúrus, adferat, ab eóque in Dei et próximi caritáte egrégie fúerat institútus, rogat, ut ad se sárculum cum hórdei sextário, ut habéret unde víveret, mitteret. Quod cum ille fecísset, a sancto viro, instánte jam messe, satum, illico et germinávit, et spicam prótulit, atque ad maturitátem pervénit; modíosque decem ex uno sextário eádem ipsa tempestáte deméssos, pauperibus mox distribuit. Pauper étiam Domeális, cum Venérium invíseret in ínsula, párvulum, quem habébat fílium in návicula dormiéntem relíquit. Is látratu canis expergefáctus, ac térritus, in mare demérgitur. Quod cum Domeális in navim revérsus cognovísset, casúmque Venério multis cum lácrimis narrásset, vir Dei ruens in ter-

ram, Dominumque obsecrans, puerum jam mortuum e mari eductum, parénti vivum, incolumemque restituit. Immanem quoque draconem, in Lunénsi agro, quacúmque incéderet, omnia devastantem, ipsoque hálitu homines inficientem, navésque subvertentem, post triduánum jejúnium episcopi Lunénsis rogátu, signo crucis facto, et sanctæ Trinitatis nómine invocato, ita fugávit, ut nunquam póstea comparuerit.

R. Amávit eum.

Lectio vi.

Cum his, aliisque signis vir sancti fama in dies magis magisque percrebrésceret, atque ad ipsum concúrsus, ad impetrándas a Deo grátias, úndique fferent, nóminis celebritátem fugiens, trajécit in Córscicam ínsulam, ibique quadragínta diébus delitescens, morabátur cum béstiis, corvo ei quotidie dimídiúm panem, et frustum carnis búbulæ deferente. Dum étiam secus litus ámbulans, mercatoris cadáver e mari projectum conspexisset, stans cum lácrimis orávit Dóminum, ut eum tantisper vitæ rédderet, dum præteritæ vitæ peccáta desléret. Cui cum duo Angeli exaudítam esse ejus orationem nunciássent, statim vir ille surréxit. Tandem cum Venérius divínitus moneretur, ut in prístinam solitudinem redíret, duarúmque návium naviculátóres eum trajícere recusárent, ingens repénite per dies quátuor exórta tempéstatas numquam cessávit, donec ii secum in navim admissúros esse promíitterent. Quo témpore accidit, ut sedátis flúctibus, duo júvenes ludibúndi saxa ad

signum jácerent, atque eórum alter casu a sócio in témpora percússus interfíret: quem cum sepultúræ mandáre cogitárent, Venérii préciibus ad vitam revocátus est. In suam dénique delátus ínsulam, tantis sese laboribus, vigiliis, ac jejúniis afflíctare cœpit, ac si tum primum Deo servíre incíperet. Quo factum est, ut non multo post carnis solútus vínculis, Idibus Septémbris ad beatórum domicílium evolárit. Cujus corpus ab Angelis humátum, tantæ virtútis óleo manáre cœpit, ut omnis géneris morbos fáciie sanáret. R. Iste homo.

In III. Nocturno.

Lectio sancti Evangélii secundum Matthæum.

Lectio vii. Cap. 19.

In illo témpore: Dixit Petrus ad Jesum: Ecce nos relíquimus ómnia, et secúti sumus te, quid ergo erit nobis? Et réliqua.

Homíla venerábilis Bedæ Presbyteri.

In natali sancti Benedicti.

Duo sunt órdenes electórum in judício futúri: unus judicántium cum Dómino, de quibus hoc loco mémorat, qui reliquérent ómnia, et secúti sunt illum: álius judicandórum a Dómino, qui non quidem ómnia sua páriter reliquérent, sed de eis tamen, quæ habébant quotidianas dare eleemósynas Christi paupéribus curábant: unde et auditóri sunt in judício: Veníte, benedícti Patris mei, possidéte præparátum vobis regnum a constitutíone mundi: esurivi enim, et dedístis mihi bíbere. R. Iste est qui.

Lectio viii.

SED et reprobórum duos ibi futúros órdenes, Dómino narránte, compérimus: unum eórum, qui fidei cristiánæ mystériis initiáti ópera fidei exercére contémnunt: quibus in iudicio testátur: Discédite a me, maledicti, in ignem ætérnum, qui præparátus est diábolo et ángelis ejus: esurívi enim, et non dedístis mihi manducáre. Alterum eórum, qui fidem, et mystéria Christi vel nunquam suscepére, vel suscepíta per apostásiam deseruére: de quibus dicit: Qui autem non credit jam judicátus est, quia non credit in nómine unigéniti Filii Dei.

R. Sint lumbi.

Lectio ix.

VERUM, his cum timóre et pavóre débito paulisper commemorátis, ad lætíssima pótius Dómini, et Salvatóris nostri promíssa convertámur audítum. Videámus, quæ tantæ grátie pietátis, non ætérnæ tantúmmodo vitæ præmia suis sequácibus, sed et præsentis múnera pollicétur exímia. Et omnia, inquit, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, centuplum accipiet, et vitam ætérnam possidebit. Qui enim terrénis afféctibus, sive possessionibus pro Christi discipulátu renuntiáverit, quo plus in ejus amore profecerit, eo plures invéniet, qui se intérrno suscipere afféctu, et suis gaudeant sustentáre substantiis.

Te Deum laudámus.

FESTA OCTOBRIſ

DIE IX.

S. DOMNINI Martyris.

Duplex.

Omnia de Comm. unius Mart., præter seq.

Oratio.

OMNIPOTENS ætérne Deus, qui beáti Domnini Mártiris tui in fidei confessióne firmitátem glorióso triúmpho decorásti: concéde nobis, quæsumus; ut, eo adjuvánte, nos quoque in fidei professióne stábiles et fervéntes usque ad mortem inveníri mereámur. Per Dóminum.

In I. Nocturno Lektionen de Scriptura occurrente.

In II. Nocturno.

Lectio iv.

INTER cæteras persecutiónes, quæ in Christiános motæ sunt ab imperatóribus Románis, Diocletiáni et Maximiani persecútió multórum Mártirum sanguine fuit insignis, in qua étiam illustre contigit sancti Domnini martyrium. Igitur cum Maximianus pacátis jam Gáliis, ad Germániæ fines devenisset, et multos in suo exercitu mílites Christiános esse perciperet; eos omni arte conátus est a Christi fide avértere, quos cum in Christi fide constántes esse vidéret, plúribus ex illis perémpitis, álios étiam perímere aggrediebátur. Erant ex divérsis provínciis Christiáni número quasi quingénti, qui cum crudelitátem Maximiani animadverterent, commúni consílio inde discédere Romam versus statuérunt. Fuit hujus consilii

præcipuus auctor sanctus Domninus, qui a cubiculis erat imperatori, cujus diadema erat curæ ejusdem sancti commissum, quod statutis diebus capiti imperatoris imponebatur. Suasu itaque sancti Domnini, dum milites fugam parant, ad aures Maximiani devenit multos in exercitu esse Christianos, qui deserta militia, fugam parare, et Romam petere decreverant: quamobrem ira commotus, aliquot militibus ad se accersitis, de quibus erat suspicio an Christiani forent, hortari eos cepit, ut Christi fide deserta, idolorum cultum amplecterentur.

R. Honestum fecit.

Lectio v.

AT milites in Christi fide perasistentes idolorum cultum adeo detestati sunt, ut ipsi imperatori sævitiæ in Christianos palam exprobrarint; quibus tyrannus commotus, eos capite cædi imperavit. Itaque milites vitam hanc mortalem cum sempiterna glorioso martyrio commutarunt. Interfuit horum certamini, et morti sanctus Domninus, qui una cum multis Christianis militibus inde quamprimum abscedere properavit; non tormentorum et mortis metu, sed ut cæteris comitem se præberet, et eos hortaretur, ut fortes in Christi fide permanerent. Tanta enim jam erat tyranni, et ejus satellitum crudelitas, ut si quem invenissent, qui aliquid obséquii impenderet Christianis, protinus comprehensus, aut idolis immolare, aut mortem subire cogeretur. Idcirco cum sanctus Domninus, ut antea

consueverat, non posset amplius in aula imperatoris prodesset Christianis, una cum ipsis militibus discedere decrevit: quod certe illis cessit ad animi salutem, et sancto ad martyrii gloriam et triumphum.

R. Desiderium animæ.

Lectio vi.

NOCTE quadam milites una cum sancto Domnino per loca invia iter arripiunt, ne facili negotio inveniri possint, et cum jam in Italiam devenissent, videbantur sibi quasi securi. Alii itaque Romam versus via Flaminia, alii via Claudia iter prosequuntur, beatus vero Domninus via Claudia ceptum iter prossequitur; sed tyrannus Maximianus, ubi militum fugam agnovit, valde indignatus est, præcipue vero beati Domnini abscessu, in quem præ cæteris ira accensus se despexit ab eo haberi arbitratus est. Propterea convocatis ad se multis, jubet, ut statim sanctum insequantur, et ubicumque invenissent, suum contemptum, et deorum injuriam vindicantes occiderent. Impii satellites tyranno obtemperantes, nulla interpōita mora, sanctum prosequuntur, qui licet semper paratus fuisset vitam pro Christo, sanguinemque profundere, cum ut dictum est, Italiam intrasset, et via Claudia Placentiam pervenisset, eam cum pertransisset, prope fluvium Sileriōnem ab impiis satellitibus inventus, statim gladio transverberatus, et capite truncatus, gloriosam palmam martyrii est consecutus.

R. Stola jucunditatis.

In III. Nocturno.

Lectio sancti Evangélii secundum Joánnem.

Lectio vii. Cap. 12.

IN illo tempore: Dixit Jesus discipulis suis: Amen, amen dico vobis: nisi granum frumenti cadens in terram mortuum fuerit; ipsum solum manet. Et reliqua.

Homilia sancti Augustini Episcopi.

Tract. 15. in Joannem sub med.

IPSE Dominus Jesus erat granum mortificandum et multiplicandum; mortificandum infidelitate Judæorum, multiplicandum fide populorum. Jam vero exhortans ad passionis sue sectanda vestigia: Qui amat, inquit, animam suam, perdet eam. Quod duobus modis intelligi potest. Qui amat, perdet: idest, si amas perdes. Si cupis vitam tenere in Christo, noli mortem timere pro Christo. Item alio modo: Qui amat animam suam, perdet eam: noli amare, ne perdas: noli amare in hac vita, ne perdas in æterna vita.

R. Coróna aurea.

Lectio viii.

Hoc autem quod postérius dixi, magis habere videtur Evangelicus sensus. Sequitur enim: Et qui odit animam suam in hoc mundo, in vitam æternam custodit eam. Ergo quod supra dictum est, qui amat (subintelligitur, in hoc mundo) ipse utique perdet; qui autem odit (utique in hoc mundo) in vitam æternam ipse custodit eam. Magna, et mira sententia, quemadmodum sit hominis in animam suam amor ut pereat, odium ne pereat. Si male amá-

veris, tunc odísti: si bene oderis, tunc amásti. Felices, qui oderunt custodiendo, ne perdant amando.

R. Hic est vere.

Lectio ix.

SED vide, ne tibi subrépat, ut ste ipsum velis interficere, sic intelligendo, quod debes odísse in hoc mundo animam tuam. Hinc enim quidam maligni, atque perversi homines, et in se ipsis crudelióres et sceleratióres homicidæ, flammis se donant, aquis se præfocant, præcipitio se collidunt et pereunt. Hoc Christus non docuit: imo etiam diabolo præcipitium suggerenti respondit: Redi retro, Sátanas: scriptum est: Non tentábis Dóminum Deum tuum; Petro autem dixit, significans, qua morte clarificáturus erat Deum: Cum esses júnior, cingébas te, et ambulábas, quo volébas: cum autem senúeris, alter te cinget et feret, quo tu non vis. Ubi satis expréssit, non a se ipso, sed ab alio debere occídi, qui vestigia sequitur Christi. Te Deum laudámus.

DIE XVI.

Octava S. DOMNINI Mart.

Pro Eccl. quarum est Titulus.

Omnia ut in festo, præter. seq.

Oratio.

OMNIPOTENS æternæ Deus, qui beáti Domnini Mártiris tui in fidei confessióne firmitatem glorióso triúmphi decorásti: concede nobis, quæsumus; ut, eo adjuvante, nos quoque in fidei professióne stábiles et fervéntes usque ad mortem inveníri mereámur. Per Dóminum.

In I. Nocturno Lectiones de Scriptura occurrente.

In II. Nocturno.

Lectio iv.

DEUS, qui custódit ossa sanctórum, quanta forent mártiris Domnini mérita, insígni miráculo patefécit. Etenim, licet via pública a ministris tyránni prostrátus martyr occubuíssset, tamen ipse se érigens, eleváto própriis máribus e terra in qua jacébat, cápite, tránsiens Siste-riónem flúvium ad ictum lápidis illud déferens, juxta eám- dem viam públicam subsístens ad terram sese dimísit. Locus sepultúræ ejus diu fuit negléctus et incógnitus, donec sub imperatóribus Christiánis, cum jam Constantínus nomen Christo dedísset, tali miráculo est patefactus. Etenim idem locus, ubi sancti mártiris corpus jacébat, miro lúmine illustráti cœpit, quod cum sæpe apparuíssset, et non sine áliqua cæléstis Núminis significatióne fferi posse multi putárent, suspicári cœpérunt ibi alicújus sancti viri corpus jacére. Commúni itaque consénsu ádeunt illi Parménsem episcopum, qui, re percépta, una cum clero eo se transfert. Ibi eo præsente, áltius effóssa humo túmulus mártiris invenítur, quem Episcopus omni veneratióne apériens mártiris corpus invénit, et ejus caput abscísum inter ulnas ejúsdem mártiris pósito, et in látere loci, ubi jacébat, descriptum ipsíus sancti Domnini mártiris nomen. Simul autem ac túmulus apértus est, mira ex sancti mártiris reliquiis odóris fragrántia emanáre

cœpit, quo omnes circumstántes perfusi et recreáti sunt. Sed Episcopus túmulum claudi præcépit, et consílio una cum reliquis hábito, parvam ecclésiám ibi constrúxit, quæ deinceps sancti Domnini nómine est vocáta, et plúribus sanctus cœpit illustráre miráculis.

R. Honéstum fecit.

Lectio v.

INDE factum est, ut fama et glória ipsíus divulgáta, úndique permúlti ex remótis et longe pósitois regiónibus, eum honorándi causa, accéderent. At cum májoribus in dies prodígiis sanctus martyr fferet illústrior, et major étiam úndique adjacéntium populórum concúrsus, mártiris ecclésiám ampliándam esse visum fuit, in quam sanctæ reliquiæ transferréntur; sed eam in mentem veniébat dubitatio, quonam in loco forent. Tandem ne pius pópuli affectus Dei benignitáte privaréture, cui- dam ecclésiæ custódi divínitus patefactum est, in média ecclésiá corpus mártiris jacére. Qua revelatióne, spe erectus pópulus, non tamen sine ánimi hæsitatióne erat, quum dubitáret verane illa et certa foret revelatio: sed íterum in præfáto loco jacére divínitus patefactum. Ideo pópulus ad Parménsem accédit Antístitem, ad cujus régimen ecclésiá mártiris spectábat, ut in eo loco, quem sæpe divína revelatio patefécera, terram eruéndam curáret. Indícit hic triduánum jejúnium, quod pópulus álacri ánimo suscepit: die vero tértia ad locum divínitus indicátum accéssit, et una étiam magna pópuli multitúdo. Egésta autem áltius hu-

sed malitiæ sectatōres multi felicitē in ūltimam pervenerunt senectutem, virtutis autem contra. Quomodo ergo pro meritis unusquisque accipiet? quando? Certe, inquit, sed cōpora non resurgunt. Nonne audiunt Paulum dicentem: Oportet autem corruptibile hoc induere incorruptionem? Neque animam intelligit: quippe quæ non corrumpitur: et resurrectio de mōrtuo dicitur: Cēcidit autem corpus.

Te Deum laudamus.

DIE XIV.

Sanctorum Martyrum CHRYSANTHI ET DARIÆ Patronorum.

Duplex I. classis cum Octava.

Omnia de Communi plurimorum Mart., præter seq.

Oratio.

PEATORUM mārtyrum tuōrum, Dōmine, Chrysānthe et Darīæ, quæsumus, adsit nobis oratio; ut quos venerāmur obsequio, eōrum pium jūgiter experiāmur auxiliū. Per Dōminum.

In I. Nocturno.

Incipit Epistola secūda
B. Pauli Apost. ad Corīnthios.

Lectio i.

PAULUS Apōstolus Jesu Christi, per voluntatem Dei, et Timōtheus frater, Ecclesiæ Dei, quæ est Corīnthe, cum omnibus sanctis, qui sunt in univēsa Achāia, grātia vobis, et pax a Deo Patre nostro, et Dōmino Jesu Christo. Benedictus Deus, et Pater Dōmini nostri Jesu Christi, Pater misericordiārum, et Deus totius consolatiōnis,

qui consolatur nos in omni tribulatiōe nostra, ut possimus et ipsi consolari eos, qui in omni pressūra sunt, per exhortatiōnem, qua exhortāmur, et ipsi a Deo: quōniam sicut abundant passiōes Christi in nobis, ita per Christum abundat consolatio nostra.

R. Abstergēt Deus.

Lectio ii.

SIVE autem tribulamur pro vestra exhortatiōe et salutē, sive consolāmur pro vestra consolatiōe, sive exhortāmur pro vestra exhortatiōe et salutē, quæ operatur tolerantiam earūdem passiōum, quas et nos patimur, ut spes nostra firma sit pro vobis sciētes, quod sicut socii passiōum estis, sic eritis et consolatiōis. Non enim vōlumus ignorāre vos, fratres, de tribulatiōe nostra, quæ facta est in Asia: quōniam supra modum gravāti sumus supra virtutem ita ut tæderet nos etiā vivere. Sed ipsi in nobismetipsis respōsum mortis habuimus, ut non simus fidētes in nobis, sed in Deo, qui suscitāt mōrtuos, qui de tantis periculis nos eripuit, et eruit, in quem sperāmus quōniam et adhuc eripiet. R. Viri sancti.

Lectio iii. Cap. 5.

NECIMUS enim, quōniam si terrestria domus nostra hujus habitatiōis dissolvatur, quod ædificatiōem ex Deo habemus, domum non manufactam, æternam in cælis. Nam et in hoc ingemiscimus, habitatiōem nostram, quæ de cælo est, superindui cupiētes, si tamen vestīti, non nudi inveniāmur. Nam et qui sumus in hoc tabernaculo, ingemiscimus gra-

váti, eo quod nolumus expo-
liári, sed supervestíri, ut ab-
sorbeátur, quod mortále est a
vita. Qui autem éfficit nos in
hoc ipsum, Deus, qui dedit no-
bis pignus spíritus. Audéntes
ígitur semper, sciéntes, quón-
iam, dum sumus in corpore,
peregrinámur a Dómino, per
fidem enim ambulámus, et non
per spéciem: audémus autem,
et bonam voluntátem habémus,
magis peregrinári a corpore,
et præséntes esse ad Dóminum.

R. Tradidérunt corpóra.

In II. Nocturno.

Lectio iv.

CHRYSA NTHUS nóbilis adolé-
scens, Polémii Alexandríni
filius, Romæ, cum legéndo san-
ctum Evangélium, tum audién-
do sanctum Carpóphorum, chri-
stiána fide imbútus, ac bap-
tizátus, cum eámdem fidem pro-
fitéri non dubitáret, patris in
se ódium concitávit. Qui minis,
inédia, vñculis, omni dénique
machinárum génere fílium a
suscépta religióne conátus a-
vértere, cum horum nihil suc-
céderet, voluptátem illécebras
per impudícas féminas tentá-
vit. Sed ne ea quidem ratióne
sancti júvenis constántia labe-
factári pótuit.

R. Sancti tui.

Lectio v.

DEMUM immíssa est et Daríá
virgo honestíssima, et diser-
tíssima, ut qua ratióne, qua
blandítiis júvenem ad ritus pá-
trios revocáret. Sed contra res
accidit. Nam Chrysánthi per-
suasióne Daríá simul cum fide
baptísmum suscepit. Cumque
Romæ innumerábilem multítu-
dinem hæc mulíerum, ille vi-

rórur ad Christum convérte-
rent, Celerínus præfécus com-
prehénsos trádedit Cláudio tri-
búno, qui jussit a milítibus
Chrysánthum vinctum cruciáti-
bus torquéri, sed vñcula ómnia
resolúta sunt: mox cómpedes,
in quos conjéctus fúerat, sunt
confrácti.

R. Vérbera carníficum.

Lectio vi.

DEINDE bovis cório inclúsum
in ardentíssimo sole consti-
tuunt: tum pédibus ac máci-
bus caténa constrictis, in ob-
scuríssimum cárcerem detru-
dunt, ubi solútus caténis, cla-
ríssima lux locum illustrávit.
Daríá vero in lupánar compúl-
sa, leónis tutéla, dum in oratióne
deffixa est a contumélia divi-
nitus defénsa est. Demum in
arenáriam, quæ est in via Sa-
lária, utérque ductus, effóssa
terra, lapídibus obrúti, parem
martyrii corónam adépti sunt.
Passi sunt sub Numeriáno im-
peratóre, eorúmqe acta a Ve-
rino et Arménio Stéphaní Papæ
presbyteris conscrípta sunt.

R. Tamquam aurum.

In III. Nocturno.

Lectio sancti Evangélii secún-
dum Lucam.

Lectio vii.

Cap. 11.

IN illo témpore: Dicébat Jesus
urbis Judæórum, et princípí-
bus sacerdotum: Væ vobis,
qui ædificátis monuménta pro-
phetárum: patres autem vestri
occidérunt illos. Et reliqua.

Homílla sancti Hierónymi
Presbyteri.

Lib. 4. Comment. in Matth. 23.

VÆ vobis, qui ædificátis mo-
numénta prophetárum! Pru-

dentissimo syllogismo coarguit eos filios esse homicidarum, dum ipsi opinione bonitatis, et gloriæ in populos sepulchra ædificant prophetarum, quos majores eorum interfecerunt, et dicunt: Si fuissimus tempore illo, non fecissemus ea, quæ fecerunt patres nostri. Hoc autem etiam si sermone non dicant, opere loquuntur, ex eo quod ambitiose et magnifice ædificent memorias occisorum, quos a patribus suis esse jugulatos non negant. Et vos implète mensuram patrum vestrorum. Probato superioribus dictis, quod filii essent homicidarum, et eorum, qui prophetas occidissent; nunc concludit, quod voluerat, et quasi extremam syllogismi partem ponit: quasi dicens, quod illis deficit, vos adimplète: illi interfecerunt servos, vos Dominum crucifigite: illi prophetas, vos eum, qui a prophetis prædicatus est.

R. Propter testamentum.

Lectio viii.

MITTAM ad illos prophetas, et Apostolos, et ex illis occident, et persequuntur. Observa juxta Apostolum scribentem ad Corinthios, varia esse dona discipulorum Christi. Alios prophetas, qui ventura prædicunt: alios sapientes, qui novērunt, quando debeant præferre sermonem: alios scribas in lege doctissimos, ex quibus lapidatus est Stephanus, Paulus occisus, crucifixus Petrus, flagellati in Actibus Apostolorum discipuli, et persecuti sunt eos de civitate in civitatem, expellentes de Judæa ut ad gentium populum transmigrarent.

R. Sancti mei.

Lectio ix.

NICAMUS breviter, quare sanctus Abel justus usque ad Zachariam, filium Barachis, ab illa generatione requiratur, cum neutrum eorum occiderit. Regula Scripturarum est, duas generationes malorum et bonorum nosse, hoc est singulorum singulas. De bonis sumamus exempla. Quis ascendet in montem Domini, aut quis stabit in loco sancto ejus? Cumque plures, quia ascensuri sunt in montem Domini descripsisset, qui diversis fuere ætätibus, postea infert: Hæc est generatio querentium Dominum, querentium faciem Dei Jacob. Et in alio loco de omnibus Sanctis, generatio justorum benedicetur. De malis vero, et in præsenti loco, generatio viperarum: et requiruntur omnia a generatione ista. Et in Ezechiele, cum peccata terræ descripsisset, sermo propheticus adjecit: Si Noe, et Job, et Daniel ibi fuerint inventi, non dimittam peccata terræ illi: omnes justos, qui similes forent virtutibus eorum, per Noe, et Job, et Daniel volens intelligi. Ergo est isti, qui similia Cain et Joas contra Apostolos gesserint, de una generatione esse referuntur.

Te Deum laudamus.

DIE XXVI.

B. DAMIANI FURCHERII

a Finario, Confessoris.

Duplex.

Omnia de Comm. Conf. non Pont., præter seq.

Oratio.

DEUS, qui fidelium salutem procurandæ beatum Damianum

Confessorem tuum et mira dicendi vi et virtutibus decorasti: præsta quæsumus; ut ejus intercessione et exemplo veram caritatem verbo et exemplo exhibeamus. Per Dominum.

In I. Nocturno Lectiones de Scriptura occurrente.

In II. Nocturno.

LECTIO IV.

DAMIANUS Finarii in Ligúria Dex nobili æque ac locuplète familia de Furcheriis sæculo décimo quinto ineunte natus est. Quis futurus esset puer iste ex ipsa ejus infántia Deus insigni prodigio testatum voluit: nam a deménte subreptus, et diu a paréntibus conquisitus, tandem cælesti indicio inventus fuit. Adolescéntiam ingréssus, eam juste sanctèque perégit, et reliquo vitæ témpore nunquam ab institúto declinavit. Ut autem facilius bona cælestia, quibus inhiabat, assequeretur, mundi opes, et illécebras contemnens, Prædicatórum Ordini nomen dedit.

R. Honéstum fecit.

LECTIO V.

SCHOLAM perfectionis ingréssus, in excoléndis ómnibus virtutibus totus fuit: hinc sólidæ sanctitátis fundaménta jáciens in humilitate profúnde se exércuit: jejúnio et abstinentia corpus spirítui subjécit, devotíone præcipuus oratióni stúduit pro víribus ac omnímoda morum honestate præfúlsit: nihil igitur mirum si in carne præter carnem vivens, caritate erga Deum exáserit. Ut autem concréditi sibi a Dómino talénti lucrum cáperet, diu noctúque sacris lítteris talem dedit ópe-

ram, ut sciéntia clarus eváserit, et brevíssimo témpore, licet gravíssimo incómmodo, nonnullos scripserit códices pia unctíone refertos. R. Amávit eum.

LECTIO VI.

QUUM vero evangelizándi munus Damiáno commissum fuisset, apostólico zelo incensus plúribus in locis verbum Dei annuntiávit, multósque e vitiorum cœno ad honestam vitæ ratiónem tradúxit. Tandem suæ prædicatiónis cursu consummáto, Régii Lépidi decumbens, magno fervóris spirítu et devotíone ómnia christiánæ religiónis adjuménta suscepit, ac méritis onústus mortálem vitam cum ætérna commutávit anno Dómini millésimo quadringentésimo octogésimo quarto. Sepúltus in ecclésia cœnóbii sui Ordinis miraculis coruscáre cœpit: quaprópter ejus reliquiis in várias regiões delátis, exínde públicum ecclesiásticum cultum obtínuit, quem ad hæc usque témpora propagátum Pius novus Póntifex Máximus ex Sacrórum Rítuum Congregatiónis consúltó adprobávit, et ut ejus festum cum Officio et Missa in univérso Prædicatórum Ordine celebrarétur benígne indúlsit.

R. Iste homo.

In III. Nocturno Homilia Sancti Evangélii in Evang. Sint lumbi vestri præcincti, ut in eodem Comm. I. loco.

DIE XXVII.

Tertia die infra Octavam
SS. CHRYSANTHI ET DARLÆ
Martyrum.

In I. Nocturno Lectiones de Scriptura occurrente.

In II. Nocturno.

Sermo sancti Ambrósii
Episcopi.

De natali SS. Martyr. Serm. 70.

Lectio iv.

Si quantum me necesse est discere, et vos oportet audire, tantum prosequi corporis mei posset infirmitas, profecto omnes excusati essemus; sed ego insinuando præceptum, vos exequendo mandatum. Sed quoniam imbecillitate percëllimur, quo minus, quantum oportet, dicere valeamus, excuset nos mentis devotio, quos non excusat prædicationis oratio. Hoc est, etsi a laudibus Domini lingua cessamus mirabilia tamen ejus fidei operibus approbamus: si non loquimur verbis ejus gloriæ, factis exequamur ejus gloriæ, quoniam dictis facta priora sunt. Nam Dominus in Evangelio ita dicit: Qui fecerit sic et docuerit sic, magnus vocabitur in regno cælorum. Audis ergo, quoniam præcedit factum, subsequitur doctrina, siquidem benefacere, prima doctrina est: cessantibus enim verbis hoc ipsum docet hominem, opus optimum dum videtur: quod etsi voce aures non excitet, virtute tamen corda compungat.

R. Sancti tui.

Lectio v.

Quis enim bonum factum videns non gaudeat, miretur, et imitetur, ac veluti tacite magistro utens ejus exemplo doceatur? Dictis igitur facta præcedunt: immo sine factis dicta nihil possunt. Nam ideo Dominus et fieri voluit, sic doceri, ne sine bono opere, verborum

inutilis esset, et superstitiosa jactatio. Melius ergo docemur facto, quam voce. Denique sancti Martyres, et si voce tacent, factorum virtute nos edocent, et si lingua silent, martyrii passionē persuadent. Unde quamvis disertus orator facundia sua me doceat, id tamen, quod utile est mihi, melius disco exemplo Sanctorum, quam assertionē verborum. Cæsius mihi persuadent oculi quod cernunt quam auris potest insinuare, quod præterit. Audisti enim cito irripit oblitio, oculorum autem historia semper inspicitur.

R. Verbera carnificum.

Lectio vi.

Quis enim non omnibus horis, momentisque conspiciat, quemadmodum tunc beati Martyres propter nomen Christi diversis subjacere suppliciis, et de ipsis poenis quodammodo triumphabant? quanto enim plura patiebantur, tanto se victoriosissimos credabant. Victoria enim est Martyris judicium persequentis, sicut scriptum est: Et vincas cum judicaris. Cum judicatur enim Martyr et condemnatur, tunc vincit atque prosternit: tali enim iudicio non est addictus ad mortem, sed absolutus ad requiem: ac per hoc manifestissima ratione vicisse est, non perisse. Constat igitur sanctos Martyres plus passione docere, quam voce: quamquam ipsamet passio sine voce non sit. Legimus enim, animas eorum sub ara Dei clamare et dicere: Quousque sanctus et verus non vindicas sanguinem nostrum?

R. Tamquam aurum.

In III. Nocturno.

Lectio sancti Evangelii secundum Lucam.

Lectio vii. Cap. 11.

IN illo tempore: Dicebat Jesus turbis Judæorum, et principibus sacerdotum: Vae vobis, qui ædificatis monimenta prophetarum: patres autem vestri occiderunt illos. Et reliqua.

Homilia Venerabilis Bedæ Presbyteri.

Lib. 4. Cap. 51. in Luc. 11.

NON monimenta prophetarum ornare, sed interfectores prophetarum imitari sceleris est. Judæi ergo prophetarum monimenta ædificando patrum suorum facta, qui hos occiderant, arguebant, sed paterna facinora æmulando, dum Christum Apostolosque illius insequuntur, in se ipsos sententiam retorquebant: eadem videlicet ipsi, quæ in parentibus damnabant, agentes. Profecto testificamini, quod consentitis operibus patrum vestrorum, quoniam quidem ipsi eos occiderunt, vos autem ædificatis eorum sepulchra. Simulabant quidem se ob favorem vulgi captandum, patrum suorum horrere perfidiam, memorias prophetarum, qui ab eis occisi sunt, magnifice ornando; sed ipso opere testificantur, quantum paternæ nequitie consentiant, Dominum, qui ab eisdem prophetis prænuntiatus est, injuriis agendo.

R. Propter testamentum.

Lectio viii.

UBI se pariter et filios homicidarum et ad suæ damnationis augmentum, scientes peccare declarant. Unde recte subjungitur: Propterea et sapien-

tia Dei dixit: Mittam ad illos Prophetas et Apostolos, et ex illis occident et persequuntur. Sapiëntiam Dei seipsum dicit: Ipse est enim Dei virtus et Dei sapiëntia, sicut Apostolus docet. Denique in Matthæo ita habes: Ideo ecce ego mittam ad prophetas, et sapiëntes, et scribas.

R. Sancti mei.

Lectio ix. de Homilia Vigil. SS. Apost. Simonis et Judæ, ut in Brev.

DIE XXIX.

Quinta die infra Octavam

SS. CHRYSANTHI ET DARIE
Martyrum.

In I. Noct. Lect. de Scriptura occurrente.

In II. Nocturno.

Sermo sancti Basilii Episcopi.

In Psal. 115.

Lectio iv.

PRETIOSA in conspectu Domini mors Sanctorum ejus. Nihil est, quod cunctumini illustre hoc et honestum adfere certamen, ne mortem perhorrescite; neque enim ea est corruptio, sed vitæ occasio, non omnimoda delictio, sed ad honorem prætii ingentis migratio. Sane lapsilli quidam floridis interspersi et sublucentes coloribus nominari solent pretiosi apud viros divitiarum appetentes; re autem vera pretiosa est mors Sanctorum ejus; cum videlicet anima per vitæ hujus curriculum expurgata, ab omni eluvie et inquinamento carnis emancipata, ac libertati reddita, nullam in se retinens maculam aut rugam duris pro pietate agonibus jam

exantlatis probata, insignita corona justitiæ, perque hæc omnia admirabili decore virtutis interlucens, Domino suo atque omnium iudici se præsentarit, lapide omni pretioso longe rutilantior: Dei munere eam adæpta claritatem. Quonam pacto non censeri debeat pretiosa hominis istius mors in conspectu Domini? R. Sancti tui.

Lectio v.

EXITUS itaque sanctorum virorum et vite hujus stadio ne lugeamus. Immo fletu magis prosequenda venit ipsa natiuitas, et ex utero in hanc vitam progressio. Hic enim in mundum ingressus noster per ignominiam fit sordentis eluviei ac fœdi odoris, et quorum ne prospectum quidem ullus eorum, qui nos in vivis præferit, facile toleret. Naturæ enim necessitate ejusmodi perscripsit nobis, et sanxit carnalis generationis ingressus. Contra exitus atque hinc emigratio pretiosa est et illustis; neque faterim omnium talis est; sed eorum qui vitam hanc suam sancte et juste traduxerunt. Itaque pretiosa est mors, non item pretiosa natiuitas: nam, teste Apostolo, seminatur in corruptione, surget in incorruptione.

R. Verbera carnisficum.

Lectio vi.

IHI sane confer mortem cum hac natiuitate, eumque desinito lugere, qui huic ignobilitati subducitur. In lege Judaica, si qui moriebantur, horum morticina habebantur abominationi: contra, mors si cupiam nunc irrogatur pro Christi nomine, pretiosæ censetur reliquæ Sanctorum ejus. In

priori lege dicebatur sacerdotibus, et Nazaraeis illud; non contaminabitur super ullo mortuo; et, si quis tetigerit cadaver immundus erit; et hoc lavabit vestimenta sua. Nunc e diverso, Martyris ossa quisquis attigerit, ob gratiam corpori insidentem, fit quadam tenus sanctificationis particeps. Quare pretiosa est in conspectu Domini mors Sanctorum ejus.

R. Tamquam aurum.

In III. Nocturno.

Lectio sancti Evangelii secundum Lucam.

Lectio vii. Cap. 11.

In illo tempore: Dicebat Jesus turbis Judæorum, et principibus sacerdotum: Vae vobis, qui edificatis monimenta prophetarum: patres autem vestri occiderunt illos. Et reliqua.

Homilia Venerabilis Bedæ Presbyteri.

Lib. 4. Cap. 51. in Luc. 11.

SI autem eadem sapientia Dei fuit, quæ prophetas, et apostolos misit, cessent hæretici Christo ex Virgine principium dare: omittant, alium legis et prophetarum, alium novi testamenti Deum prædicare. Quamvis sæpe etiam apostolica scriptura prophetas, non eos solum, qui futuram Christi incarnationem, sed et eos qui ventura cælestis regni gaudia prædicunt, appellat. Prophetæ, inquit, duo, aut tres dicant, et dijudicent. Sed nequaquam hoc crediderim apostolis in catalogi ordine præferendos.

R. Propter testamentum.

Lectio viii.

Ut inquiratur sanguis omnium prophetarum qui effusus est

a constitutiōne mundi a generatiōne ista. Quæritur, quomodo sanguis omnium prophetarum, atque justorum ab una Judæorum generatiōne requiratur; cum et multi sanctorum sive ante incarnationem, sive post mortem resurrectionemque Salvatoris, ab aliis sint nationibus interempti: et ipse Dominus, Judæis licet acclamantibus, a romano tamen præside, romanisque sit militibus crucifixus. Sed moris est Scripturarum, duas sæpe generatiōnis hominum, bonorum scilicet, malorumque computare; hoc est eorum, qui non ex sanguinibus, neque ex voluntate carnis, neque ex voluntate viri, sed ex Deo nati sunt, et eorum, quibus dicitur: Vos ex patre diabolo estis. Et alibi, serpentes, generatiō viperarum.

R. Sancti mei, qui in carne positi certamen habuistis.

Lectio ix.

A sanguine Abel usque ad sanguinem Zachariæ, qui periiit inter altare et ædem. Quare a sanguine Abel, qui primus martyrium passus est, mirum non est. Sed quare usque ad sanguinem Zachariæ, querendum est; cum et multi post eum usque ad nativitatem Christi, et ipso mox nato, innocentēs in Bethlehēm pueri sint ab hac generatiōne perempti. Nisi forte, quia Abel pastor ovium, Zachariās sacerdos fuit, et illo in campo, hic in atrio necatus est, utriusque gradus Martyres, et laici scilicet et altaris officio mancipati, sub eorum voluit intinere vocabulo.

*T*e Deum laudamus.

DIE XXXI.

Septima die infra Octavam

SS. CHRYSANTHI ET DARIE
Martyrum.

In I. Nocturno Lectiones de
Scriptura occurrente.

In II. Nocturno.

Sermo sancti Joannis
Chrysostomi.

De Martyribus Serm. I. tom. 8.

Lectio iv.

Nemo est, qui nesciat, Martyrum glórias ad hoc divino consilio a Dei populis frequentari, ut et illis debitus honor dicetur, et nobis virtutis exempla, favente Christo, monstrantur: ut cum hæc ita celebrari perspicimus, cognoscamus, quanta eos gloria maneat in cælis, quorum natalitia taliter celebrantur in terris: quo possumus etiam ipsi talibus provocari exemplis, virtute pari, devotione consimili ac fide; ut Christo præstante, dimicare et vincere hostem possimus: ut parta victoria cum ipsidem sanctis in regnis cælestibus triumphemus. Quis enim, qui eorum velit merito copulari, nisi prius constantiam eorum teneat, sectetur fidem, imitetur virtutem passionis, eorumque gloriam paribus vite lineamentis aut inveniat, aut exquirat?

R. Sancti tui, Domine, mirabile consecuti sunt iter.

Lectio v.

Qui etsi martyrio par esse non possit, tamen muneris tanti dignitate se quisque bonis actibus dignum præbeat. Adest enim clementissimus Deus, qui desiderantibus suis aut marty-

rium præbeat, aut sine martyrio cum sanctis præmia divína restituat. Dux sunt enim causæ in sæculo, quæ homini adversa important, sed diversitate meriti discernuntur: aliud enim est pro peccatis affligi, aliud pro iustitia exerceri. In peccatore meritum retributio, in justo gloriosa de virtute certatio. Illic peccator, ut mereatur, affligitur, hic justus pro examine comprobatur.

R. Verbera carnificum non timuerunt.

Lectio vi.

UT enim peccator infirmatur adversis, ita justus tentationibus roboratur. Sic dimicantur adversum peccatum sancti: sic et laborando fortiores, et moriendo victores affecti sunt. Nullus athleta sine certamine fortior dici, nullus sine certamine poterit coronari. Nemo miles sine prælio hostem subiecit. Nemo sine bello imperatorem promeruit. Habes, christiane, competentia arma, quibus hostem expugnes: habes fortissima tela, quibus inimicos debelles. Hæc sunt arma, quibus dimicantur sancti, quorum virtutes diligis, et victorias admiras.

R. Tamquam aurum.

In III. Nocturno.

Lectio sancti Evangelii secundum Lucam.

Lectio vii. Cap. II.

In illo tempore: Dicebat Jesus turbis Judæorum, et principibus sacerdotum: Væ vobis, qui ædificatis monumenta prophetarum: patres autem vestri occiderunt illos. Et reliqua.

Homilia sancti Hilarii
Episcopi.

In Matth. 13. cap. 24.

Væ vobis, scribæ et pharisæi hypocritæ, qui ædificatis sepulchra prophetarum. Unicuique nostrum ex natura sensus, atque opinio æquitatis imponitur; ut minus ex eo veniæ iniquitatis opus habeat, quo magis æquitatis ignorata non fuerit. Prophetas namque omnes populus occidit; in odium enim eorum amaritudine objurgationis accensi sunt. Nam publica voce furta, cædes, adulteria, sacrilegia ejus populi coarguebant. Et quia indignum eum cælesti regno ob hæc opera denunciabant, et hæredes testamenti Dei futuras esse gentes prædicabant, vario poenarum genere confecti sunt. Sed parentum facta posteritas ita detestata est, ut prophetarum libros venerentur, memorias adornent, sepulchra instaurant; talique reverentia extra culpam se esse paterni sceleris testentur.

R. Propter testamentum.

Lectio viii.

Qui ergo prophetas cum gravissimo piaculo occisos fatentur, qua venia Christum, qui prophetarum opus est, condemnabunt, cum ea, quæ detestantur, etiam multiplicato facinore perficiant? Atque ideo et serpentes, et viperina generatio sunt, quia mensuram paternæ voluntatis implebant. Et quomodo effugient iudicium, detestantes cædem prophetarum, et usque ad crucis mortem Dominum persequentes? A quibus, propter Apostolos, qui de futurorum revelatione prophetæ sunt, et de Christi agnitione

sapiéntes, et de legis intelligéntia scribæ, cæsos, lapidátos, crucifixos, et a civitatibus in civitates fugátos, omnis sanguis justórum ab Abel usque ad Zachariam redundávit; et quibus, obeditum si fuisset, propriórum criminum esset vénia præstituta, ab his, ob eósdem intérmptos, pœna in eos, qui peremérunt, paternórum quoque facinórum congerátur.

R. Sancti mei.

Lectio ix. Homil. Vigil. Omn. Sauctorum.

FESTA NOVENBRIS

DIE III.

Translatio

S. VENERII Abbatis.

Duplex.

Omnia de Communi Conf. non Pont., præter sequentia.

In Iivm. Iste Confessor M. S.

Oratio Intercéssio.

In I. Nocturno Lectiones de Scriptura occurrente.

In II. Nocturno.

Lectio iv.

CUM Saracéni, immánis ac fera Gnátio, Córscica, Sardiniáque vastata, Lunénssem oram classe obséssam popularéntur, christianósque partim captivos abducèrent, partim in mare demérgerent, partim ferro trucidarent: quin et sanctas ipsas Christi ecclésiass nullo discrimine spoliarent, subverterent, profanarent: Ludovicus primus imperátor, Cároli Magni fílius non re minus quam nómine Pius, tota re cum finitimis Longobardiæ Episcopis communicata, earúmdem ecclesiárum tu-

télam, donec barbarórum rábies desæviret, ipsórum præsulum fídei custodiæque commisit, ut eas quisque statis ménsibus quaquivis óptima ratióne posset, ab injúriis tuerétur.

R. Honéstum fecit.

Lectio v.

ERAT per id téporis Apollináris, ecclésiæ Regiénsis antístes, vir pius, clarúsque virtútibus. Qui cum in órdine vicis suæ ad Palmáram ínsulam Lunénsis provinciæ, in qua beáti Venérii ossa quiescébant, se contulisset; et ad ejúsdem beáti Venérii sepúlchrum excubáret; arctióre somno corréptus, visus sibi est, beáti Venérii vocem audire, ácritèr commonéntis, ut asportátis illinc, sacris ejus reliquiis, eas in loco tutióre collocáret: neque enim tam cito Saracenórum rábiem quietúram. Qui convocátis suis, magna veneratióne sepúlchrum sancti reserávit; atque inde ossa sacra, e quibus suavíssimus odor efflabátur, collégit; éaque insígni cum honóre Régium deláta, ad sancti Prósperi basilicam sub altári ad tértium Nonas Novémbris collocávit.

R. Amávit eum.

Lectio vi.

CUJUS rei fama longe latéque vulgáta, iugens hóminum multitúdo váriis ex locis eo conflúxit, sancti misericórdiam implorántium, ut suo patrocínio várias quibus tenebántur infirmitates depélleret. Neque írrita fuére vota. Multi enim paralytici curáti sunt: multi membris capti ac débiles confirmáti: multi váriis irretíti morbis réd-

diti sunt sanitāti. E quorum número unus fuit, qui eo tēpore hanc sancti viri lītteris consignāvit histōriam. Cum enim is acri febrium ardōre premerētur, ad sancti tūmulum delātus, adeo repēnte convāluit, ut ne vestīgium quidem febris pōstea remaneret.

R. Iste homo.

In III. Nocturno.

Lēctio sancti Evangēlii secūndum Matthaeum.

Lectio vii. Cap. 19.

IN illo tēpore: Dixit Petrus ad Jesum: Ecce nos relīquimus ōmnia, et secūti sumus te, quid ergo erit nobis? Et rēliqua.

Homilīa sancti Joānnis

Chrysōstomi

Homil. 65. in Matth.

QUENAM sunt hēc ōmnia, quæ te dicis, beatissime Petre, relīquisse? Arūdinem, rētia, navīculam, universūque piscatōrum instrumentū. Hēc tu ōmnia vocas? Ita, inquit. Sed non ambitionē quadam, aut iuāni glōria; verum, ut pāuperum plebem hac interrogatiōne introducam. Nam quōniam a Dōmīno dictum est: Si vis perfēctus esse, vende quæ habes, et distrībue paupēribus, et habēbis in cælo thesaurum; ne quis pāuperum opinētur non posse ad perfectionē se pervenīre, cum quæ paupēribus āfferat, non hābeat; quærit Petrus, ut tu discas, nihil te minus propter inōpiam habitūrum. Quærit, inquam, Petrus: ne, si id a Petro percīperes, præsērtim cum adhuc spīritus grātia non abundāret, ambiguitate perplēxus jacēres; sed ut

ab ejus magistro prolāta sentētia firma spe roborēris.

R. Iste est.

Lectio viii.

NAM quemādmōdum etiā nos pro aliis disputāmus, sic Apostolus quoque ad universi orbis cōmmodum non dubitāvit interrogāre. A superiōribus enim patet, nihil de se ipso dubitāsse. Qui enim ipsōrum cælōrum claves suscepit, quanto magis de cæteris quæ in cælo sunt, cōsideret? Tu autem illud diligēter expēnde, quam exquisīte duo illa, quæ Christus a dīvite pētiit, ut scilicet paupēribus substantiam distrībueret suam, et Christum sequeretur, breviter complēxus est dicens: Relīquimus ōmnia, et secūti sumus te. Ambo enim hęc facta jam erant: nam et sua reliquērunt, ut ipsum sequerentur; et eo quod ōmnia reliquērunt, sequi facilius potuerunt: et quōniam reliquērunt, cōfidere atque gaudere ipsos admonēbat. Quid igitur Christus respōndet? Amen dico vobis, qui vos qui secūti estis me, in regenerationē, cum sēderit Fīlius hōmīnis in throno majestātis suæ, sedēbitis et vos super sedes duōdecim, judicāntes duōdecim tribus Israel.

R. Sint lumbi.

Lectio ix.

QUID igitur? num et Judas sedēbit? Mīnime quidem. Non enim sedēbitis et vos, solūmodo dixit, sed adjēcit: qui me secūti estis; ut et Judam ejiciat, et posteriōres attrahat. Non enim ad illos dictum est solos; neque ad Judam, qui se indignum effēcit. Ita discipulis quidem magna pollicētur, di-

cens: Super duódecim sedes sedébitis: sublimiôres enim jam facti, nihil a cadúcis rebus petébant. Cæteris autem hæc étiam præsentia pollicétur, dicens: Quicúmque dimiserit fratres, aut sorôres, aut patrem, aut matrem, aut uxórem, aut filios, aut agros, aut domum grátia nóminis mei, céntuplum accípiet, et vitam ætérnam possidébit. Certe ne quis illud, vos, audiens, discíplulis, et máxime in futúro præmia consequántur, datum solúmmodo credat, ea propter látius oratióem produxit, et ad univérsam orbem pollicitatióem exténdit: ita ut a præsentibus futúra confirmet. Te Deum laudámus.

DIE XVI.

Inventio

S. PROSPERI Episc. Conf.

Duplex.

Omnia dicuntur de Comm. Conf. Pont., præter seq.

In Hymn. Iste Confessor M.S.

Ad Magnif. Ant. O Doctor óptime, Ecclesiæ sanctæ lumen, beáte Prosper, divínæ legis amátor, deprecáre pro nobis Fílium Dei.

Oratio.

ECCELESIAM tuam, quæsumus Dómine, grátia cæléstis amplíficet: quam beáti Prósperi, Confessoristui, atque Pontíficis, illustráre voluísti gloriósis méritis et doctrínis. Per Dóminum.

In I. Nocturno.

De libro Ecclesiástici.

Lectio i. Cap. 39.

SAPIENTIAM ómnium antiquórum exquirét sapiens, et in prophétis vacábit. Narratióem

virórum nominatórum conservábit, et in versútias parabolárum simul introfbit. Occúltia proverbiorum exquirét, et in absconditis parabolárum conversábitur. In médio magnatórum ministrábit, et in conspéctu præsidis apparébit. In terram alienigenárum géntium pertránsiet: bona enim et mala in homínibus tentábit.

R. Euge, serve bone.

Lectio ii.

COR suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delictis suis deprecábitur. Si enim Dóminus magnus volúerit, spírиту intelligéntiæ replébit illum: et ipse tamquam imbres mittet elóquia sapiéntiæ suæ, et in oratióne constébitur Dómino: et ipse diríget consílium ejus, et discíplnam, et in absconditis suis consiliábitur. R. Ecce sacérdos.

Lectio iii.

IPSE palam fáciét discíplnam doctrínæ suæ, et in lege testaménti Dómini gloriábitur. Collaudábunt multi sapiéntiam ejus, et usque in sæculum non delébitur. Non recédet memória ejus, et nomen ejus requirétur a generatióne in generatióem. Sapiéntiam ejus enarrábunt gentes, et laudem ejus enuntiábit Ecclesiá.

R. Jurávit Dóminus.

In II. Nocturno.

Lectio iv.

CUM inter canónicos Ecclesiæ sancti Prósperi, et mónachos sancti Benedcti Regiénsis in Æmília civitátis, per multos

annos in Romána Cúria lis esset agitata, in utra ipsorum ecclesiá sanctórum Prósperi et Venérii córpora requiescerent; Clémens octávus Póntifex Máximus ut tandem huic controversiæ finis imponerétur, diplómate, motu próprio, dato Romæ pridie Idus Februárias anni quinti et nonagésimi supra sesquimillésimum, Episcopos duos, Mutinénsem et Mantuánum peculiáriter delegávit, ut posteaquam se se Régium contulissent, adhsbitis spectatæ fidei tabellióibus, qui cuncta, quæ gereréntur, in acta referrent, ipsa sanctórum córpora e marmóreis ac lígneis educta capsis, inspicerent: ritèque examináta ac probáta, in hunc modum póstea distribuerent: ut íntegrum quidem sancti Prósperi corpus canónicis imperitirétur, ejus tamen partícula mónachis assignáta: corpus vero sancti Venérii mónachis íntegrum traderétur, ejus partícula canónicis attribúta.

R. Inveni David.

Lectio v.

ITAQUE mox anno Dómini sexcentésimoprímo supra millésimum, decimoséxto Kaléndas Decémbris, Præsules, quibus id erat injúctum, summi Pontificis mandátum executóri; cum ad condíctam diem Régium convenissent, præmónitis ántea pártibus íisque præsentibus, quorum intérerat, testibúsque probátis adhsbitis, Pontificio diplómate ántea recitáto, rem totam magna cum celebritáte, fide, et concórdia peregrerunt; et sua utrífque loco tum córpora, tum reliquæ ac præscriptum Pontificis distribúta sunt.

Quamóbrem Ecclesiæ prædictæ canónici, dum locus áptior pro sancti honóre, quam fferi póterat decentíssime, adornátur, ínterim in íntimo suo archívio corpus sancti Prósperi deposuere. R. Pósui adjutórium.

Lectio vi.

ABERAT eo témpore Cláudius Rangónius episcopus Regiën-sis, apud regem Polóniæ Sedis Apostólicæ Núncius. Cum is f-gitur redísset, ut res majóre solemnitate transigerétur, majúsque pietátis stúdiu, ac pó-puli devótio erga sanctos tutelares excitarétur, impetrátam nuper ad idípsum a Summo Pontífice Paulo quinto plenáriam indulgéntiam promulgávit, ac solémnem supplicatiónem indíxit. Decantatisque per urbem Litanis, aliisque précibus rite persolútis, cum canonicórum ómnium intervéntu, corpus beatíssimi Patris nostri Prósperi in ejus ecclesiá, arca plúmbea, speciósó mármore circumtécta, conclúsum, sub altári máximo, pie, ac reverénter deposuit, anno salutis nostræ millésimo sexcentésimoséptimo pridie Kaléndas Decémbris.

R. Iste est.

In III. Nocturno.

Lectio sancti Evangélii secundum Matthæum.

Lectio vii. Cap. 5.

In illo témpore: Dixit Jesus discipulis suis: Vos estis sal terræ; quod si sal evanúerit, in quo salietur? Et reliqua.

Homília sancti Joánnis Chrysóstomi.

In Matth. Hom. 15. sub med.

QUIA délerat Dóminus præcépta sublímis, multóque, quam

in vétéri lege majóra, ne trepidárent discípuli, neve turbaréatur ac dicerent: Quómodo hæc implére poterimus? atténde quid dicat: Vos estis sal terræ: per quod osténdit, quam necessário ista præcipiat. Non enim, inquit, pro vestra tantúmmodo saluté, sed pro univérso prorsus orbe hæc vobis doctrína committitur. Non ad duas quippe urbes, aut decem, aut viginti, neque ad unam gentem vos mitto, sicut mittébam prophétas; sed ad omnem terram prorsus ac mare, totúmque mundum, et hunc váriis criminibus opprèssum.

R. Amávit eum.

Lectio viii.

DICENDO enim: Vos estis sal terræ, osténdit univérsum hóminum insatuátam esse natúrâ et peccatórum vi corrúptam: et idcirco illas máxime ab eis virtútes requirit, quæ ad multórum salutem procurándam necessariæ atque útiles sunt futuræ. Cum enim mansuétus áliquis ac modéstus, cum miséricors fúerit et justus, non in semetípso tantúmmodo hæc recte facta conclúdet, verum in aliórum quoque utilitátem bonos hos fáciat emanáre fontes. Sed qui munde corde est atque pacíficus, et qui persecutióne pro veritaté perpétitur, nihilóminus in commúne cómmodum vitam suam instituit.

R. In médio Ecclésiæ.

Lectio ix.

NE igitur opinémini ad mendíocria vos ducéndos esse certámina, neque pro exiguís rebus hunc vobis insonáre sermónem, vos estis sal terræ.

Quid igitur? Ipsi ne putrefácta medicáti sunt? nequáquam. Neque enim fíeri potest ut ea, quæ jam corrúpta sunt, salis perfricatióne reparéntur. Non ergo hoc fecerunt, sed ante renováta sibi que trádicta, atque ab illa jam putrédine liberáta, perfricábant sale, et in ea novitaté servábant, quam a Dómino útique suscéperant. Liberáre quippe a putrédine peccatórum, Christi profecto virtútis est: ne autem ad illa íterum revertántur, apostolórum ac doctórum curæ est et labóris.

Te Deum laudámus.

DIE XXIV.

Translatio

S. PROSPERI Episc. Conf.

Duplex 2. classis.

Omnia ut supra in die Inventionis præter sequentia.

In Hymn. Iste Confessor M. S.

In I. Nocturno Lectiones Fidélis sermo, de Comuni Conf. Pontificis.

In II. Nocturno.

Lectio iv.

BEATI Prósperi córporis múltiplex diversis temporibus, multis de causis, translátio facta est. Cum enim Hílaro Papa, ac Leóné imperátore, sub quibus Prosper decésserat, in sancti Apollináris ædícula, a se constrúcta, primum esset sepúltus, consecútæ sunt póstea in Itália, atque in eam præcipue Gállíæ Cisalpínæ partem, in qua Régium est, váriæ barbarórum incursiões. Quare idem sanctus Thomæ Regiénsi

episcopo se se augústa spécie conspicuum per quiétem osténdens, ádmonet, ut exíguam illam ædículam, in qua jacébat, amplíficet; atque ibi suas reliquias et tutióre et decentióre loco recóndat. Quod is non solum sílico præstitit, sed et juxta eúmdem locum áliam quoque basilicam, ac monastérium sub ipsius sancti tutelá, satis quidem magnificam excitávit: in quam et ejus ossa, mirífico tum odóre fragrántia, reverénter tránstulit octávo Kaléndas Decémbreis.

R. Invéni David.

Lectio v.

POST multos vero annos, cřci-
pter annum salutis nostrę mil-
lésimum áltera et tértia trans-
latió celebráta est in hunc mo-
dum. Cum in dicto monastério,
in quo sancti ossa jacébant, vis
ingens aquárum fréquénter e-
rumpéret, Erimináldus Regiën-
sis antístes eárum ímpetum in-
hibére cógitans, ne dum opus
illud perfícitur, sacrę reliquię
álíqua ex parte læderéntur, eas
in ecclésia sanctę Dei Genitrí-
cis intra urbem, in quam Ade-
lárdus episcopus sanctórum
Chrysánthi et Darfę ossa trans-
tulérat, ad tempus repósuit.
Verum cum, morte prævéntus,
quod moliebátur perfícere non
potuísset, Teuzo ejus succés-
sor, álteram sub ejúsdem san-
cti invocatióne in civitaté brevi
quidem constrúxit; sed ejus
dedicatióne diútius dístulit;
quippe illa, dívno consílio, re-
servabátur Gregório quinto
Pontífici Máximo. Qui vel Pa-
pę Concílium celebráre, vel
in Germániam profícisci cógi-
tans, cum Régio iter fáceret,

Othóne tértio imperátore, ba-
silicam intra urbem a Teuzóne
fabricátam, adhíbitis Ravenná-
te, atque octódecim áliis Epí-
scopis, ac nonnúlhis Abbátibus,
et univérso clero, sancti Pró-
speri memórię dedicávit nono
Kaléndas Februárii: ejúsq;ue,
etsancti Venérii córpora, aliás-
que reliquias ibi recondídít,
multis banc translatiõem mi-
raculis cohonestántibus.

R. Pósuí adiutórium.

Lectio vi.

VERUM non multos post annos,
Vauis hoc eódem in templo,
ut olim in áltero, exundántibus,
Sigifrédus episcopus altáre si-
mul cum paviménto, ne ab a-
quis superári posset, in altum
eréxit. Cumque extráctum ín-
férne sancti corpus, íterum re-
ponéndum esset: addubitánte
non némíne, num illę essent
reliquię sancti Prósperi, epí-
scopus sacris indútus véstibus
Deum orat, ut id álíqua ratióne
decláret. Forte tunc civis habé-
bat fílium ádeo ulcerósum, ut,
costis contabescéntibus, étiam ipsa
víscera interióra patéscerent.
Cumque consúptis per bién-
nium facultátibus, spei nihil
ámplius in médis superésset;
fílium suis húmeris ad sanctum,
ántequam tumularétur, détulit;
qui, sancto Próspero invocáto,
statim perféctam sanitátem,
multis inspectántibus, consecú-
tus est. Atque ítidem, dum in
íntimam altáre recónditur, mul-
ti energúmeni liberáti, febri-
citántes sanitáti rédditi, claudi
restitúti, cęci illumináti. Déní-
que post álíquot sæcula, cum
hoc ipsum templum rufnam mi-
narétur, cives magno consénsu,
eo dírito, álíud cępére molíri,

Leónis décimi Pontíficis Máximi anno áltero. Quod ære tum público, tum privato in hanc, quæ hódie cernitur, amplitúdinem a fundaméntis erectum, ejúsdem sancti reliquias sub altári majóre compléctitur.

R. Iste est.

In III. Nocturno.

Lectio sancti Evangélíi secúndum Matthæum.

Lectio vii. Cap. 5.

In illo témpore: Dixit Jesus discipulis suis: Vos estis sal terræ: quod si sal evanúerit, in quo saliétur? Et reliqua.

Homília sancti Hierónymi Presbyteri.

Lib. I. Comment. in Matth. 5.

SAL appellántur Apóstoli et doctóres, quia per illos univérsus hóminum condítur genus. Quod si sal evanúerit, in quo saliétur? Si doctor erráverit, a quo álío doctóre emendábitur? Ad níhilum valet ultra, nisi ut mittátur foras, et conculcétur ab homínibus. Exémplum de agricultúra sumptum est. Sal enim, sicut in cibórum condiméntum et ad siccándas carnes necessárium est, ita álíum usum non habet. Certe légimus in Scriptúris, urbes quasdam ira victórum sale seminátas, ut nullum in ipsis germen orirétur.

R. Amávit eum.

Lectio viii.

CAVEANT ergo doctóres, et Epíscopi, et vídeant poténtes poténter sustinére torménta: nihílque esse remédii, sed májórum ruínám ad tártarum dúcere. Vos estis lux mundi: non potest civitas abscondi supra montem pósita, neque accén-

dunt lucérnam, et ponunt eam sub módio, sed super candelábrum, ut lúceat ómnibus, qui in domo sunt. Docet fidúciám prædicándi, ne Apóstoli abscondántur ob metum, et símiles sint lucérnæ sub mólio, sed tota libertáte se prodant; ut, quod audiérunt in cubículis, prædicent in tectis.

R. In médio.

Nona Lectio de S. Chrysogono Martyre, ut in Breviario.

DIE XXV.

S. JUCUNDÆ Virg.

Dupl. 2. class.

Omnia de Comm. Virg., præter seq.

Oratio. Exáudi nos, Deus salutáris noster.

In I. Noct. Lect. De Virgíni-bus, ut in Comm. Virg. I. loco.

In II. Nocturno.

Lectio iv.

JUCUNDA, nóbilis virgo, Régii in Æmília nata est. Hæc ab incunábulis sanctíssimæ Dei Genitrícis castitátem et vitam secúta carnem jejúniis et vigíliis assídue macerábat: et crebro in oratióne, coram Sanctis atque Angelis suspénsa, lacrimásque profúndens, cæléstem in terris vitam æmulabátur: multum ad hoc præcípue adjuvántibus mónitis, ac doctrína beáti Prósperi, tunc ejus civitátis Epíscopi, cui se se illa in disciplíná tradiderat. Adquam ille scribens hortátus est, ut ómnibus terrénis posthábitis, súque perfectám victóriam consecúta, ad ea, quæ sursum sunt, mente atque afféctu conscénderet. Cujus illa præcéptis obtém-

perans, sicut in terris secúta est ejus vestígia, ita eidem in cælis méruit sociári séptimo Kaléndas Decémbris. Ejus corpus sepúltum est in ecclésia sancti Petri ejúsdem civitátis, in qua magna pópuli veneratióne cólitur.

R. Propter veritátem.

Lectio v. et vi. de Sermone sancti Ambrosii Episcopi: Quóniam hódie, de Comm. Virg. l. I. Ioco. In III. Nocturno Homil. Dóminus noster sancti Joannis Chrysost. in Evang. S. Matth.: Accessérunt ad Jesum pharissæi, de eodem Communi 2. loco.

FESTA DECEMBRIS

DIE I.

Translatio

Sanctorum Martyrum

CHRYSANTHI ET DARIÆ

Patronorum.

Duplex majus.

Omnia de Comm. plur. Mart., præter seq.

Oratio.

BEATORUM Mátyrum tuórum, Dómine, Chrysánthi et Daríæ, quæsumus, adsit nobis orátio: ut quos venerámur obséquo, eórum pium júgiter experiámur auxílium. Per Dóminum nostrum Jesum Christum Fílium tuum, qui tecum vivit et regnat in unitáte Spíritus sancti.

In I. Nocturno.

De Epístola secúnda beáti Pauli Apóstoli ad Corínthios.

Lectio i. Cap. 4.

HABEMUS thesáurum istum in hvasis fictílibus: ut sublímitas sit virtútis Dei, et non ex

nobis. In ómnibus tribulatió-nem pátimur, sed non angustiamur: aporiamur, sed non destitúimur: persecutió-nem pátimur, sed non derelínquimur: humiliámur, sed non confúndimur: deíscimur, sed non perírmus: semper mortificatió-nem Jesu in córpore nostro circumferéntes: ut et vita Jesu manifestétur in corpóribus nostris.

R. Abstérget Deus.

Lectio ii.

SEMPER enim nos, qui vívimus, Sin mortem trádimur propter Jesum: ut et vita Jesu manifestétur in carne nostra mortáli. Ergo mors in nobis operátur, vita autem in vobis. Habéntes autem eúmdem spíritum fidei, sicut scriptum est: Crédidi, propter quod locútus sum: et nos crédimus, propter quod et lóquimur: sciéntes quóniam, qui suscitávit Jesum, et nos cum Jesu suscitábit, et constituet vobíscum. Omnia enim propter vos: ut grátia abúndans per multos in gratiárum actiône, abúndet in glóriam Dei.

R. Viri sancti.

Lectio iii.

PROPTER quod non deffecimus; sed licet is, qui foris est, noster homo corrumpátur: tamen is qui intus est, renovátur de die in diem. Id enim, quod in præsénti est, momentáneum et leve tribulatió-nis nostræ, supra modum in sublimitáte ætérnum glóriæ pondus operátur in nobis: non contemplántibus nobis, quæ vidéntur, sed quæ non vidéntur. Quæ enim vidéntur, temporália sunt; quæ autem non vidéntur, ætérna sunt.

R. Tradidérunt córpora.

In II. Nocturno.

LECTIO IV.

SANCTORUM Chrysáanthi et Daríæ cōrpora in urbem Æmilíæ Régium hac ratiōe translata sunt. Cum primus Berengáriu Longobardórum rex, qui etiám in Itália impérium obtinuerat, Romam ob regni negótia petisset; cogitarétque ecclésiám Papíæ, régia atque imperatória magnificéntia dignam, in qua et ipse sepelirétur, ædificáre; eam ut sanctorum quoque reliquiis celebriorem réderet, circiter annum nongentésimum quintumdecimum, a Joánnē décimo, tunc témporis, Pontífice Máximo, sanctorum Chrysáanthi et Daríæ cōrpora ea lege, ut dictam ecclésiám cōderet, tandem impetrávit. Qui, quæ cogitáverat, perficere non pótuit. Nam Papíam ingénti læstítia revérsus, mox et bello pētitus, et Longobardórum insidiis circumvéntus, regnóque privátus, occíditur. Cui succédens non multos post annos Berengáriu tertius ejus nepos ex filia, cum esset Adelárido Regiénsium epíscopo arcta familiaritáte conjúctus, ac beneficiis accéptis devíctus, ejus addúctus précibus, eadem Sanctorum cōrpora ipsi donávit, ut illa in sua ecclésiá honorífice collocáret, circiter annum Dómini nongentésimumquadragésimum séptimum, Agapíto secundo Pontífice Máximo.

R. Sancti tui.

LECTIO V.

CUM vero et ipse Berengáriu tertius multis bellis esset implicítus, Adelárdus métuens, ne in ea rerum perturbatiōe tan-

to thesauro privarétur, Urso Regiénsis Ecclésiæ advocáto, atque álteri religiōso sacerdoti dictas reliquias quam occultissime Régium asportandas tradidit. Quo in itinere illud permístrum accidit, quod cum in agro Ticinénsi, qua iter est Régium, flúvii extra ripas exundássent, et tota via aquis ingéntibus natáret, ii tamen, qui intempésta nocte Mátyrum cōrpora deferébant, toto itinere siccis pēdibus confécto, Régium pervenére. Ubi illa honorífice excépta, et multis a Deo signis ac miráculis cohonestáta, in basilica sanctæ Maríæ solémni pompa, ac celebritáte Kaléndis Decémbris cōdita sunt.

R. Vérbera carnificum.

LECTIO VI.

VERUM eum in nonnullórum ánimis insidérat suspício, quod prædicta sanctorum cōrpora Papíæ adhuc essent, quo insítio a Berengário deláta fuerant; Ugo Rangónius Regiénsis epíscopus, ut ex hóminum ánimis scrúpulum hunc evélleret, indícto prius triduáno jejúnio, oratiōe præmissa, nocturnoque Mátyrum in choro decantáto, ac sacro Missæ sacrificio per Epíscopum ipsum perácto; arcam, in qua sacra pignora servabántur, malléolo a se percússam, aperíri jussit, clero, populóque inspectánte, ac septem tabelliónibus acta excipiéntibus, pridie Kaléndas Decémbris, anno Dómini vigésimo secúndo supra sesquimillésimum, Adriáno sexto Pontífice Máximo. In arca invénta est tum lígnea pyxis, reférta línteis, vestibúsque concísis. ac sáanguine respérsis; tum ad

ejus latus capsella, in quo Sanctorum corpora erant reposita, mirificum odorem spirantia. Quibus omnibus in publico inspectis, instituta statim est circum plateam sollemnis supplicatio: deferente Episcopo utrumque caput cum brachiis; canonicis autem in ferculo capsellam, ac pyxidem, cum cæteris inclusis ibi reliquiis. Et hæc quidem, absoluta supplicatione, venerationi per integrum diem expositæ sunt. Quo tempore periti medici, ad hoc ipsum adhibiti, censuerunt alterius ossa ac reliquias maris esse; alterius feminae et utriusque annum agentis circiter vigesimum. Deinceps vero capita et brachia, collegii canonicorum liberalitate, duobus argenteis simulacris inclusa, cæteræ vero reliquiae cum capsella in arca marmorea sunt repositæ.

R. Tamquam aurum.

In III. Nocturno.

Lectio sancti Evangelii secundum Lucam.

Lectio vii. Cap. 11.

In illo tempore: Dicebat Jesus turbis Judæorum, et principibus sacerdotum: Væ vobis, qui edificatis monumenta prophetarum: patres autem vestri occiderunt illos. Et reliqua.

Homilia sancti Joannis
Chrysostomi.

In Matth. 23. Homil. 75.
ante med.

Ut inquiratur, inquit, sanguis omnium prophetarum a sanguine Abel usque ad sanguinem Zachariæ, qui periit inter altare et ædem. Vide quot modis, et argumentis revocare, stabi-

lireque ipsos studeat. Dixit jam patres suos ab ipsis condemnatos, qui hi communicassent cum illis, quod ad convertendum parum non est. Dixit quoniam condemnantes alios, ipsis pejora faciunt: quod ad confusionem ipsorum sufficiebat. Dixit, quia non ferent ista impune: et ut terroris magnitudinem renovaret, gehennam eis intentavit. Verum quia gehenna futura est in altera vita, adjecit et præsentia. Venient, inquit, omnia hæc in generationem hanc: quæ supplicia cum acrimonia protulit dicens, quoniam graviora cæteris patientur. Nulla tamen harum omnium ratione facti sunt meliores.

R. Propter testamentum.

Lectio viii.

Si quis diceret, cur nam graviora omnibus patientur? Respondendum est, quia graviora foedioraque, quam cæteri omnes perpetrarunt, et nihil eos a scelèribus potuit revocare. An non audistis Lamech dicentem, vindictam ex Cain septies, ex Lamech vero septuagies septies? hoc est, pluribus ego, quam Cain, supplicii dignus sum. Atqui Lamech fratrem non interfecerat, ut Cain. Sed quia nec exemplo quidem communitus prudentior factus est, magis punitur. Quoniam qui multos propter peccata sua vexatos esse non ignorat, neque idcirco factus est melior, sed eadem committere non curat, illorum quoque poenas juste sustinebit. Opportune autem Abel in medium produxit; ut ostendat, invidia etiam ipsos in eadem incitari.

R. Sancti mei.

Lectio ix.

QUID igitur, inquit, dicere potestis? an forsitan, quod post commissa Deus contempsit? an quod exclamavit quidem, sed graviora supplicia non poposcit? an quod ignorastis, quibus patres vestri exagitati sunt modis, quoniam prophetas occiderunt? nonne mille cladibus traditi perierunt? quomodo igitur meliores facti non estis? Cur autem patrum vestrorum suppli-

cia, et quæ passi sunt, ego enarrem? ipsi vos patres vestros sanguinis crimine condemnastis. Cur ergo pejora facitis? vos ipsi jam sententiam protulistis, quia malos male perdet: quam igitur, post hanc sententiam, veniam impetrabitis? O inestimabilem Dei misericordiam! qui quamvis sciret, hæc Judæis nihil profutura, nihilominus prædicare, et admonere numquam cessavit.

Te Deum laudamus.



SANCTI PROSPERI

EPISCOPI. CONFESSORIS ET DOCTORIS

REGII PRINCIPALIS PATRONI

Omnia dicuntur de Comm.
Conf. Doct., præter ea quæ hic
assignantur propria.

In Hymn. Iste Confessor M. S.

In utrisque Vesperis.

Ad Magnif. Ant. O Doctor ó-
ptime, Ecclesiæ sanctæ lumen,
beâte Prosper, divinæ legis
amátor deprecáre pro nobis Fí-
lium Dei.

Oratio.

ECCLESIAM tuam, quæsumus,
Dómine, grátia cælestis am-
plificet: quam beáti Prósperi
Confessoris tui atque Pontificis
illustráre voluisti gloriósis mé-
ritis et doctrínis. Per Dóminum.

Pro Mense Augusto.

In I. Nocturno Lectiones de
Scriptura occurrente.

In II. Nocturno.

Ex Libro S. Augustíni Episcopi
de Civitate Dei.

Lib. 18. Cap. 1. Lectio iv.

AUCTORES nostri, in quibus non
Afrustra sacrárum litterárum
figitur et termináture canon,
absit, ut inter se áliqua ratióne
dissentiant. Unde non immé-
rito, cum illa scríberent, eis
Deum vel per eos locútum,
non pauci in scholis, aut gym-
násiis litigiósis disputatióibus
gárruli, sed in agris, atque in

úrbibus cum doctis, atque in-
dóctis tot, tantique pópuli cre-
didérunt. Ipsi sane pauci esse
debuérunt, ne multitúdine vi-
lêsceret, quod carum religióne
esse oportéret; nec tamen ita
pauci, ut eórum non sit mi-
ránda consénsio. R. Inveni.

Lectio v.

NEQUE enim in multitúdine phi-
losophórum, qui labóre étiam
litterário monuménta suórum
dógmatum reliquérunt, fáci-
le quis invenerit, inter quos cun-
cta, quæ sensére, convéniant;
quod ostendere hoc ópere lon-
gum est. Ubi etsi áliqua vera
dicebántur, eádem licéntia di-
cebántur, et falsa; prorsus ut
non frustra talis civitas my-
sticum vocábulum Babylónis ac-
céperit. Bábylon quippe inter-
pretátur Confúsio quod nos jam
dixísse memínimus. Non ínte-
rest diáboli regis ejus, quam
contráriis inter se rixéntur er-
róribus, quos mérito multæ,
variæque impietátis páriter pòs-
sidet. R. Pòsui adiutórium.

Lectio vi.

AT vero gens, pópulus, civitas,
Arespública, Israelitæ, quibus
crédita sunt elóquia Dei, nullo
modo pseudoprophétas cum ve-
ris Prophétis pari licéntia con-
fuderunt, sed concórdes inter
se, atque in nullo dissentientes,

sacrarum litterarum veraces ab eis agnoscebantur et tenebantur auctores. Ipsi eis erant Philosophi, hoc est amatores sapientiae, ipsi sapientes, ipsi Theologi, ipsi Prophetæ, ipsi Doctores probitatis, atque pietatis. Quicumque secundum illos sapuit et vixit, non secundum homines, sed secundum Deum, qui per eos locutus est, sapuit et vixit. R. Iste est.

In III. Nocturno.

Lectio sancti Evangelii secundum Matthæum.

Lectio vii. Cap. 5.

In illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? Et reliqua.

Homilia sancti Hilarii
Episcopi.

Comment. in Matth. cap. 4.
post initium.

Vos estis sal terræ: quod si sal infatuatum fuerit, ad nihilum valet id quod salietur. Sal, ut arbitror, terræ nullum est. Quomodo ergo Apostolos sal terræ nuncupavit? Sed proprietas est querenda dictorum, quam et Apostolorum officium, et ipsius salis natura monstrabit. Sal est in se uno continens aquæ, et ignis elementum, et hoc ex duobus est unum.

R. Amavit eum.

Lectio viii.

Hic igitur in omnem usum humani generis effectus, incorruptionem corporibus, quibus fuerit aspersus, impertit et ad omnem sensum conditi saporis aptissimus est. Apostoli autem sunt rerum cælestium prædicatores et æternitatis velut satores, immortalitatem ó-

mnibus corporibus, quibus eorum sermo aspersus fuerit, conferentes. Mérito igitur sal terræ nuncupati sunt, per doctrinæ virtutem saliendo modo æternitati corpora reservantes.

R. In médio Ecclesiæ.

Lectio ix.

Sed natura salis semper eadem sedit, nec immutari unquam potest. Verum quia conversioni homo subiacet, et solus beatus, qui usque ad finem in omnibus Dei operibus permanserit: ideo eos sal terræ nuncupatos monet in traditis sibi potestatis virtute persistere, ne infatuati nihil saliant, et ipsi, sensu accepti saporis amisso, vivificare corrupta non possint, et projecti de Ecclesiæ promptuariis cum his, quos salferint, pedibus incedentium proterantur. Te Deum.

Pro Mense Septembri.

In II. Nocturno.

De Exposit. S. Augustini Episc.
in Epistolam primam
beati Joannis.

Tract. 3. Cap. fin. Lectio iv.

Non habetis necessitatem, ut Naliquis vos doceat, qui unctio ipse docet vos de omnibus. Quid ergo nos facimus, fratres, quia docemus vos? Si unctio ejus docet vos de omnibus, quasi nos sine causa laboramus. Et ut quid tantum clamamus? Dimittamus vos unctioni illius et doceat vos unctio ipse. Sed modo mihi facio quæstionem et illi ipsi Apostolo facio: dignetur audire parvulum querentem a se. Ipsi Joanni dico: Unctionem habebant, quibus loquebaris? Tu dixisti, quia unctio ipse docet vos de

omnibus; ut quid talem Epistolam fecisti? quid illos tu docébas? quid instruébas? quid edificábas?

R. Inveni David.

Lectio v.

JAM hic vidéte magnum sacraméntum, fratres. Sonus verbórum nostrórum aures percutit, magíster intus est. Nolíte putáre quemquam hóminem áliiquid discere ab hómine. Admonére póssumus per strépítum vocis nostræ: si non sit intus, qui dóceat, inánis fit strépítus noster. Magistéria forínsecus, adjutória quædam sunt et admonitiónes. Cáthedram in cælo habet, qui corda docet. De Dómino dico. Propterea ait et ipse in Evangélio: Nolíte vobis discere magístrum in terra; unus est magíster vester Christus. Ipse vobis ergo intus loquátur, quando nemo hóminum illic est; quia etsi áliquis est a latere tuo, nullus est in corde tuo. Christus sit in corde.

R. Pósuí adjutórium.

Lectio vi.

QUIC sunt ista verba, fratres, Quæ forínsecus dícmus, quómodo est agricola ad árborem: forínsecus operátur, adhíbet aquam et diligéntiam cultúræ. Quælibet forínsecus adhíbeat, numquid poma format? numquid nuditátem lignórum vestit umbra foliórum? numquid tale áliiquid intrínsecus agit? Sed quis agit hoc? Audíte agricolam Apóstolum, vidéte quid sumus et audíte magístrum interiorem: Ego plantávi, Apóllo rigávit, sed Deus incrementum dedit. Hoc ergo vobis dícmus: sive plantémus, sive rigémus loquendo, non sumus áliiquid, sed

ille, qui incrementum dat Deus, idest únctio illíus, qui docet vos de omnibus. R. Iste est qui.

In III. Nocturno.

Lectio sancti Evangélii secundum Matthæum.

Lectio vii. Cap. 5.

IN illo témpore: Dixit Jesus discipulis suis: Vos estis sal terræ. Quod si sal evanúerit, in quo salietur? Et reliqua.

Homília sancti Joánnis Chrysóstomi.

Homil. 15. in Matth. sub med.

ATENDITE quid díxerit: Vos estis sal terræ: per quod osténdit, quam necessário ista præcipiat. Non enim de vestra, inquit, tantúmmodo vita, sed de unívérso orbe vobis rátió reddenda est. Non ad duas quippe urbes aut decem, aut viginti, neque ad unam gentem vos mitto, sicut mittebam Prophétas, sed ad omnem terram prorsus ac mare, totúmque mundum, et hunc váriis criminibus oppréssum.

R. Amávit eum.

Lectio viii.

DICENDO enim: Vos estis sal terræ, osténdit unívérsum hóminum infatuátam esse natúræ et peccatórum vi corrúptam: et idcirco illas ab eis virtútes requírit, quæ máxime ad multórum salutem procurándam necessariæ sunt, atque útiles. Nam qui mansuétus est ac modéstus et miséricors et justus, non intra se tantúmmodo hæc recte facta concludit, verum in aliórum quoque utilitátem præcláros hos faciet effluere fontes. Igitur, qui corde mundo est atque pacíficus, et persecutióne pro veritaté

pátitur, nihilóminus in comúnne commodum vitam instítuit. *℟.* In médio Ecclésiæ.

Lectio ix.

Ne igitur putétis, inquit, ad levía vos ducéndos esse certámina, neque exiguarum rerum vobis ineúndam esse ratió-nem: Vos estis sal terræ. Quid igitur? Ipsi ne putrefácta medicáti sunt? Nequáquam: neque enim fieri potest, ut ea, quæ jam corrúpta sunt, salis perfricatióne reparéntur. Non ergo hoc fecérunt, sed ante renováta, sibi que trá dita, atque ab illa jam putrédine liberáta aspergébant sale, et in ea novitáte conservábant, quam a Dómino suscepérant. Liberáre quippe a putrédine peccatórum Christi virtútis est; ut autem ad illam íterum non revertántur, Apostolórum curæ est, ac labóris. *Te Deum laudámus.*

Pro Mense Octobri.

In II. Nocturno.

Ex libro Morálum sancti Gregórii Papæ.

Lib. 9. Cap. 6. Lectio iv.

Hinc namque per Daniélem dicitur: Pertransíbunt plúrimi, et múltiplex erit sciéntia. Hinc Joánni in prióri parte revelatiónis Angelus dicit: Signa, quæ locúta sunt septem tonítrua. Cui tamen in ejúsdem revelatiónis término præcépit dicens: Ne signáveris verba prophetæ libri hujus. Pars quippe revelatiónis antérior signári præcépítur, términus prohibétur: quia quidquid in sanctæ Ecclésiæ infútiis látuit, finis quotidie osténdit. Nonnúl-li vero a Græca litéra, quæ Ypsilon

dicitur, Hyadas nuncupátas arbitrántur. Quod si ita est, significatióni, quam dixerimus, contrárium non est. *℟.* Inveni.

Lectio v.

Doctores enim his stellis non inconveniénter expéssi sunt, quæ a litéris nomen trahunt. Sed quamvis Hyades ab ejúsdem litéræ visióne non díscrepent; certum tamen est, quia hyetos Imber dicitur, eo quod exórtæ plúvias appórtant. Vir igitur sanctus redemptiόνis nostræ órđinem contemplátus admirétur, atque admírans exclámet, dicens: Qui exténdit cælos solus, et gráditur super fluctus maris; qui facit Arctúrum, et Oríonas, et Hyadas.

℟. Pósui adjutórium.

Lectio vi.

Extensis etenim cælis, Dóminus formávit Arctúrum: quia in honórem dedúctis Apóstolis, in cælésti conversatióne fundávit Ecclésiám. Formáto quoque Arctúro fecit Oríonas: quia robórata fide universális Ecclésiæ, contra procéllas mundi édídít mártýres. Editis quoque Oriónibus prótulit Hyadas: quia convalescéntibus contra advér-sa mártýribus, ad infundéndam ariditátem humanórum córdium doctrínam cóntulit magistrórum. Isti itaque sunt astrórum spirítuálíum órđines, qui dum summis virtútibus éminent, semper ex supérnis lucent.

℟. Iste est qui.

In III. Nocturno.

Lectio sancti Evangélii secundum Matthæum.

Lectio vii. Cap. 5.

In illo témpore: Dixit Jesus discipulis suis: Vos estis sal

terræ. Quod si sal evanuerit, in quo salietur? Et reliqua.

Homilia sancti Augustini
Episcopi.

Ex Lib. I. de Sermon. Domini
in monte, c. 6.

NEQVE accendunt lucernam, et ponunt eam sub módio. Quid putamus: ita esse dictum: Sub módio, ut occultatio tantum lucernæ accipienda sit, tamquam si diceret: Nemo accendit lucernam, et occultat illam? An aliquid etiam módus significat, ut hoc sit pónere lucernam sub módio, superiora facere corporis commoda, quam prædicationem veritatis: ut ideo quisque veritatem non prædicet, dum timet, ne aliquid in rebus corporalibus, et temporalibus molestia patiatur? Et bene módus dicitur, sive propter retributionem mensuræ, quia quisque recipiet, quæ gessit in corpore; sive quoniam temporalia bona, quæ in corpore peraguntur, certa dierum mensura et inchoantur et transeunt, quam fortasse significat módus.

R. Amavit eum.

Lectio viii.

SUB módio ergo lucernam ponit quisquis lucem bonæ doctrinæ commodis temporalibus obscurat et tegit. Super candelabrum autem, qui corpus suum ministerio Dei subiecit, ut superior sit prædicatione veritatis et inferior servitus corporis. Per ipsam tamen corporis servitutem excellentior luceat doctrina, quæ per officia corporalia, idest, per vocem et linguam et ceteros corporis motus in bonis operibus insinuat etiam discipulis. R. In médio.

Lectio ix.

SUPER candelabrum ergo ponit lucernam, cum dicit Apostolus: Non sic pugno tamquam aerem cædens, sed castigo corpus meum et servituti subijcio, ne forte aliis prædicans, ipse reprobus inveniar. Quod vero ait: Ut luceat omnibus qui in domo sunt: domum puto dictam habitationem hominum, idest ipsum mundum; propter id quod superior ait: Vos estis lumen mundi: aut si quisque domum vult accipere Ecclesiam, nec hoc est absurdum.

Te Deum laudamus.

Pro Mense Novembri.

In II. Nocturno.

Sermo S. Augustini Episcopi.
Ser. 3. De Verb. Dom. in Matth.

Lectio iv.

CUM nobis pro officio compertat dicere, vobis autem conveniat pro devotione audire, quid tam necessarium tamque pertinens poterit utriusque contingere, quam ut quod religiose dicitur et devote auditur, obsequiis competentibus teneatur? Nam si religiosa non tacere lucrum est, tacere dispendium; quanto itaque potiora lucra potuerint provenire, cum operationis effectum monstratur quidquid magisteriis cælestibus et dicitur et tenetur? Par etenim causa et docentem, et audientem constringit, ut utriusque professio factorum testificatione signetur. R. Inveni David.

Lectio v.

It quamvis dissimile sit doctoris discipuli officium, tamen utriusque par esse debet sanctarum legum obsequium:

ut jungantur factis, qui separantur officiis: copulentur opere, qui diversi sunt nomine; et quos vocabula ab invicem separant, eos observantia præceptorum fideliter ac devòte conjungat. Quare sic fit, ut utriusque diversus sit actus, sed observantiae par sit necessarius in utrisque effectus, ut factorum in ambobus conspiret assensus, quibus diversus est in vocabulis sonus. R. Pòsui.

Lectio vi.

IN doctore enim molèsta est causa, dicere nec facere, præcipere nec observare; in discènte vero, audire velle quod nolit implere, aures auditui accommodare, et ab opere voluntatem avèrtere. Cèterum, qui facit quod docet, et quidquid imperat complet, mágimus in cælestibus sententia Dòmini declaratur. At vero, qui quod dicit negligit, et qui quod audit contèmnit, salutis reus existit, qui observanda contempsit et pericula non vitavit. Amat enim mortem, qui vitæ præcepta non servat, et horret vitam, qui peccata mortis debita desperata morte frequentat.

R. Iste est. qui.

IN III. Nocturno.

Lectio sancti Evangélii secundum Matthæum.

Lectio vii. Cap. 5.

IN illo tèmپore: Dixit Jesus discipulis suis: Vos estis sal terræ. Quod si sal evanuerit, in quo salietur? Et reliqua.

Homilia sancti Joannis

Chrysostomi.

Ex Hom. 15. in Matth. circa med.

Si autem sal evanuerit, in quo salietur? Ad nihilum valet

ultra, nisi ut mittatur foras, et conculcetur ab hominibus. Alii enim, etiàmai sæpe delinquant, possunt tamen ad veniam pervenire; si vero hoc magister ipse patiatur omni satisfactione privabitur et supplicia extrema persolvat. Ne enim audientes: Cum exprobraverint vobis, et persecuti vos fuerint et dixerint omne malum adversum vos, in médium prodire formident, dicit: Quoniam nisi ad ista fueritis parati, frustra etià proditis in publicum. Non enim vos oportet maledicta hominum timere, sed laudes, quas in audire cupiatis, tunc vere infatuandi estis atque calcandi.

R. Amavit eum.

Lectio viii.

Si vero, perseverabitis vosmetipsos undique castigantes, et desinde audieritis mala, gaudete; hoc enim est opus salis, laxa quæque urere atque restringere. Itaque jam necessaria subsequitur maledictio, nihil vobis prorsus incommodans, imo etià testimoniū vestræ perhibens firmitatis. Si vero illa timentes fortitudinem vobis utilem deseratis, multo sævióra patiemini, et male scilicet audientes et contèpti a cunctis atque despecti; hoc namque est ab omnibus conculcari. Desinde ad aliud eos sublimius ducit exemplum: Vos estis lux mundi.

R. In médio Ecclesiæ.

Lectio ix.

ITERUM mundi, non unus profecto gentis, nec viginti urbium, sed totus orbis lumen tunc perhibentur, et lumen intelligibile, ipsoque sole fulgentius, sicut etià sal hoc loco

intelligitur spiritale. Prius autem sal posuit, deinde lumen, ut discas quantum sit verborum uréntium beneficium, quantumque commodum honestæ rectæque doctrinæ. Hæc siquidem stringit ánimos, nec quoquam diffundere permittit, facitque attentius ad lumen virtutis aspícere, ad quam velut apprehensa manu pertrahit audientes.

Te Deum laudamus.

Pro Mense Decembri.

In II. Nocturno.

Sermo S. Augustíni Episcopi.

Ex Epist. 152. tom. 2.

Lectio iv.

SOLLICITISSIME cavendum est sin docendo superbix vñtium, quod in discendo non ita est. Unde sancta Scriptúra nos admonet dicens: Sit omnis homo velox ad audiendum, tardus autem ad loquendum; et ille in Psalmo ait: Audíui meo dabis gáudium et lætítiam; continuoque subjéit: Exultábunt ossa humiliata; vidit enim in audiendo facillime servári humilitatem, quæ difficilis est in docendo; quóniam necesse est, ut doctor hábeat superiorem locum, ubi laboriosum est obtinere ne subrépat elatio.

R. Invéni David.

Lectio v.

In Psalm. 129.

ECCE enim, fratres mei, dico caritati vestræ: loquimur nos modo ad vos, ut aliquid doceamus vos, quanto melius, si omnes scirémus, et nemo doceret alterum, ut non esset alius loquens, alius audiens; sed omnes audientes unum illum, cui dicitur: Audíui meo dabis gáudium et lætítiam. Unde et

ille Joánnes non tam gaudébat, quia prædicábat et quia loquebátur; sed gaudébat, quia audiebat; ait enim: Amícus autem sponsi stat, et audit eum, et gáudio gaudet propter vocem sponsi. Itaque ibi unusquisque probet se, non ut loquátur, sed ut de alio locutionis officium éxigat. Gáudium autem taciturnitátis intus in voluntáte hábeat, vocem doctrinæ in necessitate. R. Posui adjutórium.

Lectio vi.

De Baptismo contra Donat.

lib. 2. c. 5.

ET plerúmque doctóribus minus aliquid revelátur, ut eorum pátiens et húmilis caritas, in qua fructus major est, comprobétur; vel quómodo téneant unitatem, cum in rebus obscurióribus diversa sentiunt; vel quómodo accípiant veritatem, cum contra id, quod sentiebant, declarátam esse cognóscunt. Quorum duorum manifestum tenémus unum in beato Cypriano: idest quómodo tenérit unitatem cum eis, a quibus diversum sentiebat. Hómines enim sumus: unde aliquid aliter sápere quam se res habet, humana tentatio est. Nimis autem amándo sententiam suam, vel invidéndo meliórius usque ad sacrilégium pervenire, diabólica præsumptio est: in nullo autem aliter sápere quam res se habet, angélica perfectio est.

R. Iste est.

In III. Nocturno.

Lectio sancti Evangélii secundum Matthæum.

Lectio vii.

Cap. 5.

In illo tempore: Dixit Jesus discipulis suis: Vos estis sal

terræ. Quod si sal evanuerit, in quo saliétur? Et reliqua.

De Homilia sancti Joannis Chrysostomi.

Ex Homil. 15. in Matth.

LUCEAT lux vestra: hoc est, plurima in vobis sit virtus, ac maxime ingens illius accendatur ignis et ineffabile omnino lumen effulgeat. Quando autem tam magna virtus fuerit et clara, latere non poterit, etiam si mille illam contingere velit modis ille, qui possidet. Bene autem ait, Lumen: nihil est, quod sic hominem faciat insignem, atque conspicuum, etiamsi magno ambitu optet latere, ut splendor iste virtutis. Sicut enim ipso sole circumdatus, ita utique clarus effulget, nec in terram solummodo rutilatus propriæ virtutis emittit, sed supra ipsum etiam cælum proprio fulgore radiabit.

R. Amavit eum.

Lectio viii.

INC itaque illos uberior con-
solatur. Etsi, inquit, maledicta in vos audientes dolétis, habétis tamen plurimos, quos ad amorem atque admirationem Dei vestro adducátis exemplo. Tunc enim multi erunt omnino mirantes, non utique vos tantum, sed per vos etiam Patrem vestrum. Nec dixit, Deum, sed Patrem; conferendæ illis nobilitatis prerogativam hoc jam nomine largiendo. Considera, quantum istiusmodi sit commodum, quantum etiam discrimen. Si enim vitiis sordeamus etiam-

si nobis nullus obtréctet, erimus omnibus miseriores. Si vero virtutibus splendére curémus, vel si totus mundus contra nos maledictis voluerit personare, erimus omnium beatissimi, atque ad nos trahémus omnes, qui venire elegerint ad salutem. Omni quidem tuba documenta sunt operum clariora, vitæque munda, ipsa est luce fulgentior.

R. In medio.

Lectio ix.

Ex Hom. 16. in Matth. post init.

NON veni solvere legem, sed implére. Legem vero non uno tantum, sed altero et tertio implévit modo. Uno quidem, quia nihil ex legitimis ipse transgressus est: alio vero, quia per nos quoque idipsum facit, quod Paulus significando dicebat: Quoniam finis legis Christus ad justitiam omni credenti. Quod enim illa per litteram non potuit, hoc per fidem ipse confécit. Si vero aliquis diligenter examinet, alium quoque tertium modum implétæ ab eo legis invéniet. Quem vero istum? Ipsa utique præcepta, quæ erat daturus: non enim intéritus priorum, sed augmentum potius et complementum erant ea quæ dicebantur a Christo. Illus quippe sententiæ, qua dicitur: Non occides, non interemptio, sed adimplétio magis atque munus est, dicere: Non irascaris; omniumque similiter ceterorum.

Te Deum laudamus.



COMMEMORATIONES PATRONORUM

IN SUPFRAGIIS SANCTORUM FACIENDÆ

De SS. CHRYSANTHO ET DARIA Mart.

Ad Laudes. Ant. Vestri capilli capitis omnes numerati sunt: nolite timere, multis passeribus meliores estis vos.

v. Exultabunt sancti in gloria.

R. Lætabuntur in cubilibus suis.

Orémus.

BEATORUM Martyrum tuorum, Dómine, Chrysanthi et Darie quæsumus, adsit nobis oratio: ut quos veneramur obsequio, eorum pium jûgiter experiamur auxilium.

Ad Vesp. Ant. Gaudent in cælis animæ sanctorum, qui Christi vestigia sunt secuti, et quia pro ejus amore sanguinem suum fuderunt, ideo cum Christo exultant sine fine.

v., et Oratio ut supra.

De S. PROSPERO

Episc. Confess. et Doct.

Ad Laudes. Ant. Euge, serve bone et fidelis, quia in paucis fuisti fidelis, supra multa te constituam; dicit Dóminus.

v. Justum deduxit Dóminus per vias rectas.

R. Et ostendit illi regnum Dei.

Orémus.

ECCLESIAM tuam, quæsumus Dómine, grátia cælestis amplificet, quam beati Prósperi Confessoris tui atque Pontificis illustrare voluisti gloriósis méritis et doctrinis.

Ad Vesp. Ant. O Doctor óptime, Ecclesiæ sanctæ lumen beate Prosper, divínæ legis amátor, deprecare pro nobis Fílium Dei.

v. et Oratio ut supra.

Nihil obstat quominus in hac Appendice edantur Officia propria hujus Diócesis a novissimo libello nostro fideliter deprompta.

Regii Lepidi, 15 Maji 1896.

L. + S.

+ VINCENTIUS Episcopus.

INDEX ALPHABETICUS

	fol.
Chrysanthi et Dariæ Martyrum. 25. Oct.	14*
— Translatio. 1. Dec.	90*
Commemor. Patronorum	42*
Damiani Furcherii Conf. 26. Oct.	16*
Domnini Mart. 9. Oct.	9*
— Octava. 16. Oct.	11*
Felicis et Adaucti Martyrum. 30. Aug.	1*
Jucundæ Virg. 25. Nov.	29*
Mariæ B. V. de Consolatione seu de Cinctura. Dom. 1. Sept. .	3*
Prosperi. Inventio. 16. Nov.	25*
— Translatio. 24. Nov.	27*
— Offic. vot.	34*
Venerii Abbatis. 13. Sept.	6*
— Translatio. 3. Nov.	23*

Taurini 1896. Ex Typ. Pont. Petri Marietti.

Dominica II. Octobris
solemnitatem Ss. Rosarii insequenti.

In Festo

B. Mariæ Virginis

sub titulo

Magnæ Hungarorum Dominæ.

Duplex II. classis.

— ♦ ♦ ♦ —

Omnia ut in Officio votivo
Immaculatæ Conceptionis B.
Mariæ V. præter sequentia.

Ad Vesperas.

Hymnus.



Gloriosa, o speciosa,
Stella luminosa:
Dómina mundi,
Mater gratiosa!

Vox angélica, vox prophética,
Proles Davidica:
Tibi concinit
Sálonon cántica!

Regína cœli, medéla mali,
Fortitúdo poli:
Vírghla plena
Colóre vernáli!

Auróra surgens, lucérna
lucens,
Sol rádiis fulgens:
Illuminátrix,
Ténebras exclúdens!

Pulchra lunáris, fuga languóris,
Fer opem revinctis:

Qui puniúntur
Cárcerum caténis.

Solis æmula, fumi vírgula,
Pulchra puéllula:
Te concupívit
Rex sine mácula.

Torques aúrea, Regis vínea,
Turrís ebúrnea:
Sis paupéribus
Salútis gálea. Amen.

V. Salve Magna Dómina,
cœlórum regína! R. No-
stri, Patróna! in auxílium
festína.

Oratio.

Deus, qui intercessióne
immaculatæ Vírginis
Mariæ, gentem nostram in-
númeris cumulásti benefí-
ciis: concéde propítius;
ut quam protorége beáto
Stéphano auctóre, Magnam
Dóminam celebrámus, et
Patrónam venerámur in
terris, perénni ejus con-

sórtio lætémur in cœlis.
Per Dóminum nostrum.

Ad Matutinum.

Invitat. Immaculátam Dei
Genitricem vírginem, Ma-
gnam Dóminam ac Patrón-
nam celebrémus: * Chri-
stum ejus Fílium adoré-
mus Dóminum.

Ps. Veníte exsultémus.

In I. Nocturno.

De libro Ecclesiástici.

Lectio i. Cap. 24.

Ego ex ore Altíssimi
prodívi primogéni-
ta ante omnem crea-
túram: ego feci in cœlis,
ut orirétur lumen indefici-
ens, et sicut nébula texi
omnem terram: ego in al-
tíssimis habitávi, et thro-
nus meus in columna nu-
bis. Gyrum cœli circuívi
sola, et profúndum abyssi
penetrávi, in flúctibus ma-
ris ambulávi, et in omni
terra steti; et in omni pó-
pulo, et in omni gente pri-
mátum hábui: et ómnium
excelléntium et humílium
corda virtúte calcávi: et in
his ómnibus réquiem quæ-
sívi, et in hæreditáte Dó-
mini morábor.

R. Per unum hóminem
peccátum in hunc mundum
intrávit, in quo omnes pec-
cavérunt. * Ne tímeas Ma-

ría, invenísti grátiam apud
Deum. ¶ Erípuit Dómi-
nus ánimam tuam de mor-
te, et contra inimícum fa-
ctus est protéctor tuus. Ne
tímeas.

Lectio ii.

Tunc præcépit, et dixit
mihi Créátor ómnium,
et qui creávit me, requié-
vit in tabernáculo meo, et
dixit mihi: In Jacob inhá-
bita, et in Israël hereditáre,
et in eléctis meis mitte ra-
dices. Ab initio, et ante
sæcula creáta sum, et us-
que ad futúrum sæculum
non désinam, et in habita-
tione sancta coram ipso
ministrávi. Et sic in Sion
firmáta sum, et in civitate
sanctificáta simíliter requi-
évi, et in Jerúsalem poté-
stas mea. Et radicávi in
pópulo honorificáto, et in
parte Dei mei hæréditas
illius, et in plenitúdine san-
ctórum deténtio mea.

R. Transíte ad me omnes
qui concupíscitis me: * Et
narrábo vobis, quanta fecit
Deus ánimæ meæ. ¶ Vivit
Dóminus, quóniam adim-
plévit in me misericórdiam
suam. Et narrábo.

Lectio iii.

Quasi cedrus exaltáta sum
in Líbano, et quasi cy-
préssus in monte Sion:

quasi palma exaltata sum in Cades, et quasi plantatio rosæ in Jéricho: quasi oliva speciosa in campis, et quasi platanus exaltata sum juxta aquam in plateis. Sicut cinnamomum, et balsamum aromatizans odorem dedi: quasi myrrha electa dedi suavitatem odoris: et quasi storax, et galbanus, et ungula: et gutta, et quasi Libanus non incisus vaporavi habitationem meam: et quasi balsamum non mixtum odor meus. Ego quasi terebinthus extendi ramos meos, et rami mei honoris et gratiæ. Ego quasi vitis fructificavi suavitatem odoris.

R. Electa mea candida sicut nix in Libano; sicut favus distillans labia ejus: * Mel et lac sub lingua illius. V. Veni de Libano, sponsa mea, veni, coronaberis corona gratiarum. Mel et lac. Glória Patri. Mel et lac.

In II. Nocturno.

Sermo sancti Bernardi
Abbatis.

Lectio iv.

Ex Homilia 2. super Missus
circa finem.

Et nomen, inquit, Virginis Mariæ, quod interpretatum ma-

ris stella dicitur. Ipsa namque est nobilis illa stella ex Jacob orta, cujus radius universum orbem illuminat. Ipsa, inquam, est præclara et eximia stella super hoc mare magnum et spatiosum necessario sublevata, micans meritis, illustrans exemplis. O quisquis te intelligis in hujus sæculi profluvio magis inter procèllas et tempestates fluctuare, quam per terram ambulare: ne avertas oculos a fulgore hujus sideris, si non vis obrui procèllis. Si insurgant ventitentationum, si incurras scopulos tribulationum, respice stellam, voca Mariam. Si jactaris superbiæ undis, si ambitionis, si detractio- nis, si æmulationis, respice stellam, voca Mariam. Si criminum immanitate turbatus, conscientie fœditate confusus, judicii horrore perterritus, barathro incipias absorbere tristitiæ, desperationis abyssus, cogita Mariam. In periculis, in angustis, in rebus dubiis, Mariam cogita, Mariam invoca. Ipsam sequens, non devias: ipsam rogans, non desperas: ipsam cogitans, non erras: ipsa tenente, non corruis: ipsa protegente non metuis: ipsa

duce non fatigáris: ipsa propítia pérvenis, et sic in temetipso experiris quam mérito dictum sit: et nomen Vírginis María.

R. Ego ex ore Altissimi prodívi, primogénita ante omnem creatúram: ego feci in cœlis, ut orirétur lumen indeficiens. * Nondum erant abyssi, et ego jam concépta eram. V. Deus enim creávit me in justítia, et apprehéndit manum meam, et servávit me. Nondum erant.

Lectio v.

Intuere o homo, consílium Dei, agnósce consílium sapiéntiæ, consílium pietátis. Redemptúrus humanum genus, prétium universum cóntulit in Mariám. Altius ergo intuémini quanto devotiónis afféctu a nobis volúerit honorári, qui totius boni plenitúdinem pósuit in María: ut proinde, si quid spei in nobis est, si quid grátiae, si quid salutis, ab ea novérimus redundáre, quæ ascéndit delíciis áffluens. Tolle Mariám hanc maris stellam, quid nisi caligo invólvens, umbra mortis, et densissimæ ténebræ relinquúntur? Totis ergo medúllis córdium, totis præcordiórum af-

féctibus, et votis ómnibus Mariám hanc venerémur, quia sic est volúntas ejus, qui totum nos habére voluit per Mariám. In ómnibus síquidem, et per ómnia próvidens míseris trepidatiónem nostram solátur, fidem éxcitat, spem róborat, diffidéntiam ábigit, érigit pusillanimitátem.

R. Nihil inquinátum in eam incúrrit: * Candor est lucis æternæ et spéculum sine mácula. V. Est enim hæc speciósior sole, et luci comparáta invenitur púrior. Candor est lucis.

Lectio vi.

Ex oratione Pauli Esterházy
Palatini Regni Hungariæ.

Meménto gloriósa Dei Génitrix, Magna Hungarórum Dómina, Sanctíssima Virgo María! meménto hæreditátis tuæ, quam fidélis servus tuus, primus rex, et apóstolus noster, sanctus Stéphanus tibi commendávit, ac testaménto transcrípsit. Réspice benigno vultu super regnum tuum, et gloriósis méritis tuis intercède et sta pro pópulo tuo apud Fílium tuum Jesum Christum. Ad te clamavérunt patres nostri, et salvi facti sunt ex

univérſis tribulatióibus suis; quia vigilávit óculus tuus assidue pro hæreditáte sua, o Dómina in ætérnum benedícta! Tali ergo spe erécti, ac fidúcia animáti sub tuum præsí-dium confúgimus nos pópulus tuus. Prótege, ac defénde potentíssimo patrocínio tuo pátriam nostram. Impetra sanctæ Matrí Ecclésiæ et fidei cathólicæ hic et ubíque terrárum exaltatióem: nobis cor dócile, et fidei frúctibus fœcúndum. Agnóscimus, o Dómina! quia peccávimus, sed noli meminisse iniquitátum nostrárum. Lóquere pro nobis bona apud Fílium tuum, ut secúndum voluntátem ejus vitam nostram instituámus, et te Dóminam, ac Patrónam nostram venerémur ómnibus diébus nostris.

R̃. Signum magnum apparuit in cœlo: Múlier amícta sole, et luna sub pédibus ejus: * Et in cápite ejus coróna stellárum duódecim. Ṽ. Induit eam Dóminus vestiméntis salútis, induménto justitiæ, et quasi sponsam ornávit eam monílibus suis. Et in cápite. Glória Patri. Et in cápite.

In III. Nocturno.

Léctio sancti Evangélli secúndum Lucam.

Lectio vii. Cap. 1. c.

In illo témpore: Missus est Angelus Gábriel a Deo in civitátem Galilææ, cui nomen Názareth, ad virginem desponsátam viro. Et réliqua.

Homilía sancti Bernárdi Abbátis.

Homil. 2. super Missus est.

Novum cánticum illud, quod solis dábitur in regno Dei cantáre virgínibus, ipsam virginum Reginám, imo primam inter céteras esse cantatúram, nemo est, qui ámbigat. Puto autem illam, præter illud, quod solis licet, cum ómnibus tamen virgínibus ei, ut dixi, comúnē erit, dulcióri quodam, atque elegantióri cármine lætificatúram esse civitátem Dei. Hujus itaque dulcisonos deprómere, vel exprímere módulos ne ipsárum quidem virginum ulla digna inveniétur, quia mérito decantándum servábitur illi, quæ sola de partu, et partu divíno gloriátur. Gloriátur, dixi, de partu, non in se, sed in ipso, quem péperit. Deus síquidem, Deus enim est, quem pé-

perit, et qui Matrem suam in cœlestibus donáturus glória singulári, in terris præveníre curávit et grátia, quia videlicet ineffabíliter, et intácta concíperet, et páreret incorrúpta.

R. Hortus conclúsus soror mea sponsa, hortus conclúsus, fons signátus: * Emissiões tuæ paradísus, o Maríá. V. Aperi mihi, soror mea, amíca mea, colúmba mea, immaculáta mea. Emissiões.

Lectio viii.

Deum hujúsmodi decébat natívitás, qua nónnisi de vírgine nascerétur. Talis congruébat et vírgini partus, ut non páreret, nisi Deum. Proínde Factor hóminum, ut homo fieret, nascitúrus de hómine, talem sibi ex ómnibus débuit deligere, imo cóndere Matrem, qualem et se decére sciébat, et sibi nóverat placitúram. Vóluit itaque esse vírginem, de qua immaculáta immaculátus procéderet, ómnium máculas purgatúrus. Vóluit et húmílem, de qua mitis et húmílis corde prodíret, harum in se virtútum necessárium ómnibus, saluberrímumque exémplum ostensúrus. Dedit Vírgini partum, qui

ei jam ante et virginitátis inspiráverat votum, et humilitátis prærogáverat méritum. Ut igitur, quæ Sanctum Sanctórum conceptúra erat páriter, et paritúra, sancta esset corpore, accépit donum virginitátis; ut esset et mente, accépit donum humilitátis. * O admirábilem, et omni honóre digníssimam Vírginem! O féminam singuláriter venerándam, super omnes féminas admirábilem, paréntum reparatricem, posterórum vivificatricem! Missus est Angelus ad vírginem, vírginem carne, vírginem mente, vírginem professiõe, vírginem dénique, qualem describit Apóstolus, mente, et corpore sanctam; nec nóviter, nec fortúito invéntam, sed a sæculo eléctam, ab Altíssimo præcónitáta, et sibi præparátam, ab Angelis servátam, a Pátribus præfigurátam, a Prophétis promíssam.

R. Magnificat ánima mea Dóminum, * Quia fecit mihi magna qui potens est, et sanctum nomen ejus. V. Ecce enim ex hoc beátam me dicent omnes generatiões. Quia. Glória Patri. Quia.

Lectio ix. Homília Dominicæ occur.

Ad Laudes.

Hymnus.

O potens Virgo Domini-
que Mater
Hungaræ gentis colúmen,
coróna,
Prisca quæ patrum pietas
dicávit,
Accipe vota.

Namque vix nomen pó-
pulo obsequénti
Intulit Christi Stéphanus
fidémque
Te sui regni Dóminam vo-
cávit
Teque Patrónam.

Ergo si dextras férimus
supínas,
Líttore e nostro genus
omne morbi
Pelle, et a nobis rémove
dolósas
Dæmonis artes.

Da pias mentes animúm-
que rectum,
Díssipes quidquid nóceat
juvéntæ,
Quidquid et turbet pláci-
dam senéctam
Hinc age clemens.

Fac ut in nobis fidei per-
énnis
Stet vigor; serves túlimus
quæ dudum
Múnera, et tandem núme-
ro beáti
Agminis adde.

Sit decus Patri, genitæ-
que Proli,
Et tibi compar utriúsque
virtus
Spíritus semper, Deus unus
omni
Témporis ævo.
Amen.

Ÿ. Magna Dómina, virgo
Dei Génitrix María. R. Fí-
lium pro familia Mariána
interpélla.

In II. Vesperis.

Hymnus.

O Gloriósa, o speciósa,
Stella luminósa:
Dómina mundi,
Mater gratiósá!

Palma virtútum, nectar
óptimum,
Odor arómatum:
Reduc errántes
Ad regnum parátum.

Granum excússum, jubar
effúsum,
Sidus animósum:
Nostrum exaúdi
Carmen sonorósum.

Dux militiæ, fons lætitiæ,
Flos pudicitíæ:
In te cónfluunt
Cœli divítiæ.

Lílium candens, rosa ru-
béscens,
Virgo cœlum vincens:
Sidus aúreum
Grémio recóndens.

Virgo Mariá! mundi gló-
ria,
Duc ad cœléstia:
Hic exsulántes
Ut sint in Pátria.

O sacrum Lumen! san-
ctum solámen,

Spiritus juvámén:
Tuis fámulis
Vitam confer. Amen.

V. Virgo immaculáta, Ma-
gna Dómina Hungarórum!

R. Videámus, fac Regem,
in aula sanctórum.

Concordat cum originali a S. R. C. die 28. Julii
concesso et per SS. D. N. Leonem PP. XIII. die
9. Aug. a. c. approbato.

Budapestini, die 15. Augusti 1896.

(L. S.)

✠ **Claudius Card. Vaszary**

Princeps Hungariæ Primas, Archiepisc. Strigoniensis.

Ad ben. mandatum:

Theophilus Klinda, Consistorii notarius.

Imprimatur.

Ratisbonæ, die 31. Augusti 1896.

Dr. **Fr. X. Leitner**, Vic. in Spir. Gen.

Die 14. Novembris.

In Diœces. Hagulst. et Novoc.

Beati Thomæ Percy Martyris, Comitis Northumbriæ.

Duplex majus.

Omnia de Communi unius Mart., præter sequ.

Oratio.

Effunde super nos, quæsumus Dómine, spíritum constantiæ et fortitudinis, quo beátum Mártirem tuum Thomam protuenda cathólica fide roborásti: ut eodem repléti, ad ejus glóriæ consórtium pervenire mereámur in cœlis; de cujus triumpháli agóne lætámur in terris. Per Dóminum nostrum.

In I. Nocturno Lect. Fratres: Debitóres. de Communi plurim. Mart. 1. loco.

In II. Nocturno.

Lectio iv.

Thomas Percy, Northumbriæ comes séptimus, non minus ánimi virtútibus quam generis splendóre illústris, quum sub Elisabéthâ Angliæ regína majórem in dies hóminum multitudinem ad schisma et hæresim pértrahi vidéret, tot animárum perditionem ve-

heménter dolébat, sæpe dicitans se ad cathólicam fidem restituendam, vitam ipsam libénter impensúrum. Quum vero iterátis vicibus nonnulli ex optimátibus cathólicis ipsius opem implorássent, ægre tandem est addúctus, ut illórum haud satis instrúcto conátui restituendi cathólicam religiónem se conjúngeret. Die igitur Novémbris décima quarta, anno millésimo quingentésimo sexagésimo nono, urbem Dunélmum cum ingénti plebis plausu ingréssus, pseudoprophétas exinde ablegávit, officiisque schismáticis mensisque profánis e templo ejéctis, altária reædificánda et sacrosáncta mystéria ad breve tempus per ea loca curávit proseguenda; unde factum est ut, ultro abjécto schísmate, magna multitúdo ad Románi Pontificis obediéntiam læta redierit. R. Honéstum fecit.

Lectio v.

Cum vero contra se advenientium vim non posset sustinere, in Scotiam beatus comes se recepit; ubi in eorum manus qui Elisabethæ favabant traditus, in arctissima custodia biennio amplius detentus fuit; in vigiliis et jejuniis interim pro gloriæ coronâ constanter certans, totosque interdum dies orans flexis genibus. Tandem perfidiose, quasi libertati restitutus, imponitur in navem qua in Angliam vectus est, Elisabethæ satellitibus auro jam occulte venditus; et Ebôracum perducitur. Quamvis autem vita reginæque favor, si modo se ad hæreticorum postulata conformasset, illi sæpius promitterentur; tali facinori nunquam assentiri voluit; et quum febris aliquamdiu Bervici laboraret, nihil magis timebat, quam ne ob illum morbum martyrii coronâ privaretur.

R. Desiderium animæ.

Lectio vi.

Dénique Ebôraci denuntiatur illi, postridie sibi moriendum esse; qua sententia audita in oratio-

ne pernoctavit, neque edens neque bibens, nisi quod quinque aut sex pruna gustavit. Hora vero mortis jam instante, tamquam agnus se obtulit tortoribus, qui eum ad locum supplicii deducerent, ubi signum crucis et fronti et scalis imponens, hilari vultu in scenam ascendit; et ad populum conversus: Scitote, inquit, me esse in fide illius Ecclesiæ, quæ per universum orbem christianum connexa et colligata est. Hanc vero novam ecclesiam Anglicanam non novi. Tunc flexis genibus preces suas persolvit, ac signum crucis quod scalis impræsserat osculatus est; vixque jam dixerat: Sûscipe Dômine animam meam; quum carnifex caput corpori abscidit. Populus autem universum Martyris Christi sanguinem in manutergiis colligit. Passus est beatus Thomas die vicésima secunda Augústi anno milésimo quingentésimo septuagésimo secundo. Honores autem Beatórum, illi jam a Gregório decimotértio concessos, Leo Papa decimus tertius solènni decreto confirmávit.

R. Stola jucunditátis.

In III. Nocturno.

Lectio sancti Evangelii secundum Matthæum.

Lectio vii. Cap. 10.

In illo tempore: Dixit Jesus discipulis suis: Nolite arbitrari, quia pacem venerim mittere in terram: non veni pacem mittere, sed gladium. Et reliqua.

Homilia sancti Hierónymi Presbyteri.

Lib. 1. in Matth. cap. 10.

Supra dixerat: Quod dico vobis in tenebris, dicite in lumine; et quod in aure auditis, prædicæte super tecta; nunc infert quid post prædicationem sequatur. Ad fidem Christi totus orbis contra se divisus est: unaquæque domus et infidèles et credentes habuit, et propterea bellum missum est bonum, ut rumperetur pax mala. Tale quid et in Génesi adversus rebelles homines, qui moti fuerant de Oriente, et turrem extruere festinabant, per quam cæli alta penetrarent, fecisse scribitur Deus, ut divideret linguas eorum.

R. Coróna aúrea.

Lectio viii.

Veni enim separare hominem adversus pa-

trem suum. Hic locus prope iisdem verbis in Michæa Propheta scribitur. Et notandum, ubicumque de veteri Testamento testimonium ponitur, utrum sensus tantum, an sermo consensiat. Qui amat patrem aut matrem plus quam me, non est me dignus. Qui ante præmiserat: Non veni pacem mittere, sed gladium, et dividere homines adversus patrem et matrem, nulum et socrum: ne quis pietatem religioni anteferreret, subjecit, dicens: Qui amat patrem, aut matrem plus quam me. Et in Cántico legimus Canticorum: Ordinavit in me caritatem. Hic ordo in omni affectu necessarius est: ama post Deum, patrem; ama matrem, ama filios.

R. Hic est vere.

Lectio ix.

Ordo pulcherrimus: ad prædicationem mittit, docet pericula non timenda, affectum subijcit religioni. Aurum supra tulerat, æs de zona excuserat: dura Evangelistarum conditio. Unde ergo sumptus, unde victus necessaria? Austeritatem mandatorum spe temperat promissorum: Qui recipit, inquit, vos, me recipit: et

qui me récipit, récipit eum
qui me misit: ut in susci-
piéndis Apóstolis unusquis-
que credéntium Christum
se suscepísse arbitrétur.

Te Deum laudámus.

Die 10. Decembris.

S. Erconwaldi Episc. et
Confess.

Duplex. (m. t. v.)

(assign. ex 14. Novembris.)

(In Diœc. Hagulst. et Novoc.)

DECRETUM.

HAGULSTADEN. ET NOVOCASTREN.

AD humillimas preces Rm̃i Dñi Thomæ Wilkinson Episcopi Hagulstaden. et Novocastren. ab infrascripto Cardinali Sacræ Rituum Congregationi Præfecto relatas, Sanctissimus Dominus Noster Leo Papa XIII. Officium cum Missa in honorem Beati Thomæ Percy Martyris, Comit̃is Northumbriæ, jam ab eadem Sacra Rituum Congregatione revisum atque emendatum, Apostolica Sua Auctoritate adprobavit, simulque benigne indulsit, ut idem Officium cum Missa die 14. Novembris, in festo ipsius Beati Martyris, sub ritu duplici majori quotannis recolendo, ab universo Diœcesium Hagulstaden. et Novocastren. clero, tum sæculari, tum regulari, in posterum adhiberi valeat. Contrariis non obstantibus quibuscumque.

Die 13. Aprilis 1896.

✠ **Caj. Card. Aloisi Masella** S. R. C. Præf.

(L. S.)

A. Tripepi S. R. C. Secret.

Imprimatur.

Ratisbonæ, die 15. Julii 1896.

Dr. Fr. X. Leitner, Vic. in Spir. Gen.

APPENDIX

SEU SUPPLEMENTUM

AD BREVIARIUM FRATRUM MINORUM S. FRANCISCI CAPUCCINORUM

NOVA OFFICIA COMPLECTENS

JUXTA KALENDARIUM PERPETUUM

A CONGREGATIONE SS. RITUUM APPROBATUM

ANNO 1894



INDEX

November.

27 B. Delphinæ Virg. 3. Ord. dupl. — Brev. veter. 14 Decembris.

December.

- 9 S. Silvestri Abbatis Conf. dupl. (m. t. v.) p. 1.
14 S. Josaphat Episc. Mart. dupl. — Brev. veter. 1 hujus.
17 S. Gregorii Taumaturgi Episc. Conf. semidupl. (in Prov. Rom. dupl.). — Brev. veter. 27 Novembris.
19 B. Conradi ab Ophyda Conf. 1. O. dupl. p. 1.

Januarius

- 31 S. Petri Nolasco Conf. — Brev. veter. 3 Februarii.
* Dom. III. post Epiph. Festum S. Familiæ dupl. maj. p. 2.

Februarius.

- 3 B. Odorici Conf. 1. O. dupl. p. 8.
7 S. Romualdi Abb. dupl. — Brev. veter. 12 hujus.

- 11 Ss. Septem Fundatorum Ordinis Servorum B. M. V. duplo p. 10.
- 12 S. Hilarii Episc. Conf. Doct. dupl. — Brev. veter. 21 hujus.
- 13 B. Viridianæ Virg. 3. Ord. dupl. — Brev. veter. 11 hujus.
- 14 S. Ignatii Episc. Mart. dupl. — Brev. veter. 20 hujus.
- 15 S. Andreæ Corsini Episc. Conf. dupl. — Brev. veter. 14 hujus.
- 16 B. Philippæ Mareriæ Virg. 2. Ord. dupl. p. 13.
- 17 S. Cyrilli Alexandrini Episc. Conf. Doct. dupl. — Brev. veter. 27 hujus.
- 18 S. Marcelli I. Pp. Mart. semidupl. — Brev. veter. 16 hujus.
- 20 S. Raymundi de Pennafort Conf. semidupl. — Brev. veter. 17 hujus.
- 21 S. Angelæ Mericiæ Virg. 3. Ord. dupl. maj. — Brev. veter. 31 Maji.
- 27 vel 28 S. Martinæ Virg. Mart. semidupl. — Brev. veter. 18 hujus.
- 28 vel 29 B. Antonii a Stronconio Conf. 1. O. semidupl. — Brev. veter. 7 hujus.

Martius.

- 1 B. Mathiæ de Nazaræis Virg. 2. Ord. dupl. p. 14.
- 2 B. Agnetis Pragensis Virg. 2. Ord. dupl. p. 16.
- 3 B. Eustochii Calafato Virg. 2. Ord. semidupl. p. 17.
- 6 S. Coletæ Virg. 1. et 2. Ord. Reformatricis dupl. 2. clas. Brev. veter. hac ipsa die.
- 8 S. Joannis de Deo Conf. dupl. p. 18.
- 9 S. Catharinæ Bononiensis Virg. 2. Ord. dupl. maj. — Brev. veter. 11 hujus.
- 11 S. Franciscæ Romanæ Vid. dupl. — Brev. veter. 9 hujus.
- 14 B. Petri de Treja Conf. 1. O. dupl. Comm. Translat. S. Bonaventuræ Episc. Conf. Doct. p. 18.
- 15 B. Matthæi ab Agrigento Episc. Conf. 1. O. semidupl. p. 19.
- 16 B. Petri Senensis Conf. 3. O. dupl. p. 21.
- 18 S. Gabrielis Archangeli dupl. maj. — Brev. veter. 24 hujus.
- 20 B. Joannis a Parma Conf. 1. O. dupl. maj. p. 22.
- 23 B. Bentivolii De Bonis Conf. 1. O. dupl. p. 23.
- 24 B. Didaci Josephi a Gadibus Conf. O. N. Cap. dupl. maj. p. 24.
- 26 B. Rizzerii a Mucia Conf. 1. O. dupl. p. 26.
- 27 S. Joannis Damasceni Conf. Doct. dupl. p. 26.
- 28 B. Peregrini a Falerono Conf. 1. O. dupl. p. 29.
- 29 S. Cyrilli Hierosolymitani Episc. Conf. Doct. dupl. — Brev. veter. 20 Martii.
- 30 B. Angelæ a Fulgineo Vid. 3. Ord. — Brev. veter. 13 Februarii.

Aprilis.

- 12 B. Angeli de Clavasio Conf. 1. O. semidupl. p. 30.
- 18 B. Francisci Venimbene a Fabriano Conf. 1. O. dupl. p. 31.
- 19 B. Conradi Miliani ab Asculo Conf. 1. O. dupl. p. 33.

- 20 B. Ægidii Conf. 1. O. dupl. — Brev. veter. 23 hujus.
 23 S. Georgii Mart. semidupl. — Brev. veter. hodie, et 27 hujus.
 26 B. M. V. de Bono Consilio dupl. 2. clas. pag. 34.
 27 Ss. Cleti, et Marcellini Pp. Mart. semidupl. — Brev. veter.
 26 hujus. Comm. B. Jacobi Illirici Conf. 1. O. p. 39.

Majus.

- 7 S. Stanislai Episc. Mart. dupl. Comm. B. Agnelli Conf.
 1. O. p. 39.
 14 B. Gherardi a Villamagna Conf. 3. O. dupl. p. 40.
 15 B. Benvenuti a Recineto Conf. 1. O. dupl. p. 42.
 16 S. Joannis Nepomuceni Mart. dupl. — Brev. veter. 22 hujus.
 19 S. Ivonis Conf. 3. Ord. dupl. maj. — Brev. veter. 27 Octobris.
 22 B. Humilianæ Vid. 3. Ord. dupl. — Brev. veter. 29 hujus.
 27 S. Mariæ Magdalænæ de Pazzis Virg. — Brev. veter. cras.
 28 S. Augustini Episc. Conf. dupl. — Brev. veter. 2 Junii.
 29 Bb. Stephani, Raymundi, et Soc. Mart. 1. O. dupl. p. 43.
 31 B. Felicis a Nicosia O. N. Cap. dupl. maj. p. 44.

Junius.

- 1 B. Jacobi de Strepa Episc. Conf. 1. O. dupl. p. 45.
 2 S. Gregorii VII. Pp. Conf. dupl. — Brev. veter. 27 Maji.
 7 S. Petri Cœlestini Pp. Conf. dupl. — Brev. veter. 19 Maji.
 8 B. Pacifici a Ceredano Conf. 1. O. semidupl. p. 47.
 9 B. Bartholomæi Pucci Conf. 1. O. dupl. p. 48.
 16 B. Jolentæ Vid. 2. Ord. dupl. p. 50.
 17 S. Ubaldi Episc. Conf. semidupl. — Brev. veter. 16 Maji.
 19 B. Michelinæ a Pisauero Vid. 3. Ord. dupl. p. 51.
 22 S. Julianæ Falconeriæ Virg. dupl. — Brev. veter. 19 hujus.

Julius.

- 15 S. Camilli de Lellis Conf. dupl. maj. p. 52.
 18 B. Simonis de Lypnica Conf. 1. O. semidupl. — Brev. veter.
 hodie.
 19 S. Vincentii a Paulo Conf. dupl. — Brev. veter. 30 hujus. Addit.
 ad vi. Lect. p. 52.
 30 S. Hieronymi Æmiliani Conf. dupl. — Brev. veter. 13 Au-
 gusti.

Augustus.

- 4 S. P. Dominici Conf. Fundat. O. P. dupl. 1. clas. cum Oct. —
 Brev. veter. hodie.
 9 B. Joannis de Alverna Conf. 1. O. dupl. p. 52.
 14 S. Henrici Imper. Conf. semidupl. — Brev. veter. 9 hujus.
 21 S. Joannæ Franciscæ Fremiot de Chantal Vid. dupl. — Brev.
 veter. 26 hujus.

- 25 S. Ludovici Regis Conf. 3. Ord. Patroni dupl. 2. clas. — Brev. veter. 26 hujus.
 26 S. Hyacinthi Conf. dupl. — Brev. veter. 21 hujus.

September.

- 5 B. Gentilis Mart. 1. O. dupl. p. 54.
 7 B. Angelinæ de Marscianis Vid. 3. Ord. semidupl. p. 55.
 9 B. Seraphinæ Vid. 2. Ord. semidupl. Comm. 2. Oct. — Brev. veter. hodie.
 27 S. Elzearii Conf. 3. Ord. dupl. maj. — Brev. veter. 20 Octobris.
 28 B. Bernardini a Feltria Conf. 1. O. semidupl. — Brev. veter. hodie.

October.

- * Dom. I. Solemnitas SS. Rosarii B. M. V. dupl. 2. clas. p. 56.
 1 B. Ludovicæ a Sabaudia Vid. 2. Ord. semidupl. p. 62.
 3 (Vigil.) B. Joannis de Dukla Conf. 1. O. semidupl. — Brev. veter. 19 Julii.
 19 S. Petri de Alcantara Conf. 1. O. et Reformatoris insign. dupl. 2. clas. — Brev. veter. hodie.
 20 S. Joannis Kantii Conf. dupl. — Brev. veter. 29 hujus.
 22 B. Ladislai Conf. 1. O. semidupl. — Brev. veter. hodie.
 23 S. Joannis a Capistrano Conf. 1. Ord. duplex 2. class. p. 64.
 26 B. Joannis a Pinna Conf. 1. O. dupl. p. 66.
 27 (Vigil.) Ss. Cosmæ, et Damiani Mart. semidupl. — Brev. veter. 27 Septembris.
 29 B. Liberati a Lauro Conf. 1. O. dupl. p. 67.
 31 (Vigil.) B. Thomæ a Florentia Conf. 1. O. semidupl. p. 68.

November.

- 5 B. Raynerii Conf. 1. O. dupl. — Comm. Oct., et B. Helenæ Virg. 2. Ord. p. 69.
 * Dom. infra Oct. Omn. Sanctor. quor. Corpora, aut Reliquiæ asservant. in Ecclesiis Ord. dupl. maj. Comm. Dom., et Oct. p. 71.
 14 B. Gabrielis Ferretti Conf. 1. O. semidupl. — Brev. veter. hodie.
 19 S. Elisabeth Hungariæ Reg. Vid. 3. Ord. Patronæ dupl. 2. clas. — Brev. veter. hodie.
 25 S. Catharinæ Virg. Mart. dupl. — Comm. B. Elisabeth Bonæ Virg. 3. Ord. p. 73.

Die IX. Decembris.

S. Silvestri Abb. Conf.

Duplex. (m. t. v.)

Orémus. Oratio.

Clementissime Deus, qui sanctum Silvéstrum Abbátem sæculi hujus vanitatem in aperto tumultu pie meditantem ad eremum vocare, et præclaris vitæ meritis decorare dignatus es: te supplices exoramus; ut ejus exemplo terræna despicientes, tui consortio perfruamur ætérno. Per Dóminum.

Ad finem vi. Lectionis addantur verba seq. Ejus Officium, ac Missam Leo Décimus Tértius Póntifex Máximus ad universam extendit Ecclesiám. R. Iste homo.

In III. Noct. Homil. Duo sunt ordines. de Comm. Abb. 3. loco.

Die XIX. Decembr.

B. Conradi ab Ophyda Conf. I. O.

Duplex. (m. t. v.)

Omnia de Communi Conf. non Pont. præter seq.

Orémus. Oratio.

Augeatur, quæsumus, Dómine, in córdibus nostris sincère pietátis affectus; et præclaræ beati Conrádi Confessóris tui humilitátis, ac devotiónis exempla nobis imitari ejusdem intercessiône concéde. Per Dóminum.

Lect. I. Noct. de Script. occur.

In Quat. Temp. leguntur Lect. de Comm. 1. loco.

In II. Nocturno.

Lectio iv.

Conrádus Ophydæ præcipuo A-sculanæ Diocesis oppido christiánis ortus paréntibus, Deique benedictiónibus præventus pueritiam innocenter transégit; et quatuórdecim circiter annos natus Seráphico Ordini ingenti fer-

vóre nomen dedit, in quo præ sanctæ humilitátis, suique contemptus amore, studiórum curriculum nondum plene eménso, vilioribus, ac laboriósus Conversórum ministériis sese ultro addidit. Beáto Petro Trejénsi summa fuit necessitudine conjunctus, ita ut cor unum, únaque viderétur in utróque adesse ánima ob íntimam, quam ínvicem proposuerant spíritus communicatióem, eandemque ánimi pietátem, ac mentis fervórem. Oratióni, assiduæque contemplatióni, corporisque cruciátibus, puróque regularis observántiæ zelo júgiter intentus, Deíparæ Vírginis, Angelórum, aliorúmque Sanctórum, máxime beáti Ægidii divi Francisci sócii visiône, et al-lóquio frequenter dignátus est. R. Honéstum fecit.

Lectio v.

Missus a Generáli Ordinis Præfécito in montem Alvérniam ad coléndum Sacrórum Stigmatum sacellum, ad quod tunc temporis sanctiôres seligebántur ex univérso Ordine Consodáles, ibi aliquándiu permánsit. Sed quo magis se absconderet, véniam a præfato Generáli obtinuit alio commigrándi, et Sirólum petiit, ubi puellam a dæmonis obsessiône liberásse constans traditio fuit; quare populórum timens frequéntiam, suique nóminis celebritátem, solitárium Foráni Convéntum ádiit, ubi absconditam vitam duxit cum íntimo consodáli Petro Trejénsi, quo præ-sente, in Festo Purificatiónis Beátæ Mariæ Vírginis, cum mystérii memóriam mente versáret, Beatíssimæ Matris apparitiône méruit recreári, et Púerum Jesum sibi in ulnis tráditum ampléctens mira dulcedine perfúndi.

R. Amávit eum.

Lectio vii.

Christi vestigia, et evangélicam perfectiōnem impēse colens, nudis semper incēssit pēdibus, unica, vilique contētus tūnica. Concionātor extitit egrēgius, morūque gravitate eximius Serāphici Parēntis sui virtutes, vitæque ratiōnem ita æmulātus est, ut ejūsdem Sancti Patriarchæ socii, qui adhuc vita fruebāntur, in beāto Conrado alterum Franciscum se conspiciere assērerent. Dum patrio in Cōnōbio moram faceret, suis fervētissimis cohortatiōnibus, et mōnitis fratrem quemdam juvenem nimis consodālibus molēstum, moribūsq; inordinātum, ad meliorem redēgit frugem, ac inde mōrtuum suis precibus a Purgatōrii pōenis liberāsse fertur. Plūribus illustrātus supēris donis a Deo fuit, et miraculorum grātia tam in vita, quam post obitum clarus evāsit: virtutibus tandem, ac mēritis plenus, felix ad astra migrāvit, dum prædicāret in Insula prope Assisium, quæ nunc Bastia nuncupātur, anno millésimo tercentésimo sexto, pridie Idus Decēbris, ubi fuit honorifice sepūltus. Ejus tamen sacræ Exūviæ in eversione Insulæ Perūsiam allātæ, usque ab anno millésimo tercentésimo vigésimo religiōse asservāntur in Ecclesiā Minōrum Conventuālium ejūsdem Civitātis. Cultum publicum beāto Conrado ab immemorābili præstitum Pius Séptimus Pōntifex Māximus die vigésima prima Aprīlis anni millésimi octingentésimi décimi séptimi ratum hābuit, et confirmāvit, ejusque Festum cum Missa, ac Officio de Commūni ab univēso Minōrum Ordine, et a Clero sæculāri Civitātum Perūsia, Assisii,

ac Terræ Ophydæ quotānnis die duodécima Decēbris, ejus obitu pretiosissima, celebrāri indūlsit. Deīnde vero Lectiōnes proprias secūndi Noctūni cum Oratiōne item propriā approbāvit, et recitari posse concessit.

19. Iste homo.

In III. Noct. Homil. Sancti Evangelii. de Comm. 1. loco.

In Laud. fit Comm. Fer. occur.

Dominica III. post Epiph.

In Feste Sanctæ Familiæ

Jesu, Maria, Joseph.

Duplex majus.

Ad Vesperas.

Ant. 1. Jacob autem * genuit Joseph virum Mariæ, de qua natus est Jesus, qui vocatur Christus.

Psalm. ut in Festis B. M. V.

2. Angelus Dōmini * apparuit in somnis Joseph, dicens: Joseph fili David, noli timere accipere Mariam cōjugem tuam: quod enim in ea natum est, de Spīritu Sancto est.

3. Pastōres venērunt * festinātes, et invenērunt Mariam, et Joseph, et Infāntem pōsitum in præsēpio.

4. Magi intrāntes domum invenērunt Pterum cum Mariā Matre ejus.

5. Erat Pater ejus, * et Mater mirāntes super his, quæ dicebāntur de illo.

Capit. ut infra in Laud. p. 7.

Hymnus.

O lux beāta cœlitum,
Et summa spes mortālium,
Jesu, o cui domestica
Arrisit orto chāritas:

Mariā, dives grātia,
O sola, quæ casto potes
Fovēre Jesum pēctore,
Cum lacte donans oscula:

Tuque ex vetústis pátribus
Delécte custos Vírginis,
Dulci patris quem nómine
Divína proles invocat:

De stirpe Jesse nóbili
Nati in salutem géntium,
Audíte nos, qui súpplices
Vestras ad aras sistimus.

Ipsum sol redux ad vésperum
Rebus nitórem détrahit,
Nos hic manéntes íntimo
Ex corde vota fúndimus.

Qua vestra sedes flóruit
Virtútis omnis grátia,
Hanc detur in domésticis
Reférre posse móribus.

Jesu, tibi sit glória,
Qui natus es de VírGINE,
Cum Patre, et almo Spírítu
In sempitérna sæcula. Amen.

†. Verbum caro factum est,
allelúja. R. Et habitávit in nobis,
allelúja.

Ad Magnif. Ant. Beáti, qui há-
bitant * in domo tua, Dómine: in
sæcula sæculórum laudábunt te.

Comm. Dom. III. post Epiph.
Ant. ut in Psalt.

Orat. ut infra in Laud. p. 8.

Ad Matutinum.

Invit. Christum Dei Fílium,
Maríæ, et Joseph súbditum, * Ve-
nite, adorémus.

Hymnus.

Sacra jam splendent decoráta
lychnis
Templa, jam sertis redimítur ara,
Et pio fumant, redoléntque acerræ
Thuris honóre.

Num juvet Summo Géniti Pa-
rénte
Régios ortus celebráre cantu?
Num domus David, decóra et ve-
tústæ

Nómina gentis?

. Grátius nobis memoráre par-
vum

Názará tectum, tenuémque cul-
tum;

Grátius Jesu tácitam reférre
Cármine vitam.

Nili ab extrémis peregrínus
oris,

Angeli ductu, própere remígrat
Multa perpéssus Puer, et patérho

Límine sospes,
Arte, qua Joseph, húmili exco-
léndus

Abdito Jesus juvenéscit ævo,
Seque fabrílis sócium labóris
Adjicit ultro.

Irríget sudor mea membra, di-
xit,

Antequam sparso mádeant cruóre:
Hæc quoque húmáno géneri ex-
piádo

Pœna luátur.
Assidet Nato pia Mater almo,
Assidet Sponso bona nupta; felix
Si potest curas reveláre fessis
Múnere amíco.

¶ neque expértes ópera, et
labóris,

Nec mali ignári, míseros juváte,
Quos reluctántes per acúta rerum

Urget egéstas:
Démitte his fastus, quibus am-
pla splendet

Fáustitas, mentem date rebus
æquam:

Quotquot implórant cólumen, be-
nígno

Cérnite vultu.
Sit tibi, Jesu, decus atque vir-
tus,

Sancta qui vitæ documénta præ-
bes,

Quique cum summo Genitóre, et
almo

Flámine regnas.
Amen.

In I. Nocturno.

Ant. I. Cum indúcerent * púe-
rum Jesum paréntes ejus: accé-

pit eum Símeon in ulnas suas, et benedixit Deum.

Psalm. ut in Festis B. M. V.

2. *Ut* perfecérunt ómnia * secúndum legem Dómini, revérsi sunt in Galilæam in civitatem suam Náza-reth.

3. *Fuer* autem * crescébat, et confortabátur plenus sapiéntia, et grátia Dei erat in illo.

Propter nos egénus factus est cum esset dives. *Ut* illius inópia nos dívites essémus.

De Epístola B. Páuli Apóstoli ad Colossenses.

Lectio i.

Cap. 3.

Induite vos ergo sicut elécti Dei, sancti, et dilécti, víscera misericórdiæ, benignitatem, humilitatem, modéstiam, patientiam: supportántes invicem, et donántes vobismetípsis, si quis advérsus áliquen habet querélam: sicut et Dóminus donávit vobis, ita et vos. Super ómnia autem hæc, charitatem habéte, quod est vinculum perfectiónis: et pax Christi exúltet in córdibus vestris, in qua et vocáti estis in uno corpore, et grati estóte. Verbum Christi hábitet in vobis abundánter, in omni sapiéntia, docéntes, et commonéntes vosmetípsos psalmis, hymnis, et cánticis spirituálibus, in grátia cantántes in córdibus vestris Deo.

Et in terris visus est, * Et cum homínibus conversátus est.

Hic adinvénit omnem viam disciplinæ, et tradidit illam Jacob púero suo. Et.

Lectio ii.

Omne quodcúmque fácitis in verbo, aut in ópere, ómnia in nómine Dómini Jesu Christi grátias agéntes Deo, et Patri per ipsum. Mulieres, súbditæ estóte viris, sicut opórtet in Dómino. Viri, diligite uxóres vestras, et

nolíte amári esse ad illas. Fílii, obedíte paréntibus per ómnia: hoc enim plácitum est in Dómino. Patres, nolíte ad indignationem provocáre filios vestros, ut non pusillo ánimo fiat.

Beáti, qui habitant In domo tua, Dómine. *In* sæcula sæculórum laudábunt te. In.

Lectio iii.

Servi, obedíte per ómnia dóminis carnálibus, non ad óculum serviéntes, quasi homínibus placéntes; sed in simplicitate cordis, timéntes Deum. Quodcúmque fácitis, ex ánimo operámini, sicut Dómino, et non homínibus: sciéntes quod a Dómino accipiétis retributióne[m] hæreditátis. Dómino Christo servíte. Qui enim injúriam facit, recipiet id, quod iníque gessit: et non est personárum accéptio apud Deum. Dómini, quod justum est, et æquum, servis præstáte: sciéntes quod et vos Dóminum habétis in cælo. Oratióni instáte, vigilántes in ea in gratiárum actiône.

Débuit per ómnia frátribus assimilári. * Ut miséricors fferet.

Cum esset Fílius Dei, didicít ex iis, quæ passus est, obediéntiam. Ut. *Gloria.* Ut.

In II. Nocturno.

Ant. 1. Consúrgens Joseph * accépit púerum, et matrem ejus nocte, et secéssit in Ægyptum.

2. *Angelus* Dómini * apparuit in somnis Joseph in Ægypto, dicens: Surge, et accipe púerum, et matrem ejus, et vade in terram Israel.

3. *Et* véniens * habitávit Náza-reth, ut adimplerétur quod dictum est per Prophétas; quóniam Nazaræus vocábitur.

Docébit nos Dóminus vias

suas. *R.* Et ambulabimus in semitis suis.

Sermo S. Ambrósii Episcopi.

Exp. in Ps. 36., et 61.

Lectio iv.

Subditus esto Dómino, et obsecra eum. Christus faciéndò voluntatē Patris, legem implévit. Et ideo finis est legis, et plenitúdo est charitátis; quia diligens Patrem, affectum omnem ejus adhíbuit voluntáti. Dénique pro pietáte erat, non pro infirmitáte Joseph, et Mariæ paréntibus súbditus. Suscépit itaque compassionem nostram, suscepit et subjectionem. Quod enim subjecit sibi ómnia, suum est: quod subiectus est, nostrum est. Anima, inquit, súbdita, non divinitas, ánima subiecta, non Dei virtus. Per ipsam ergo obediéntia, per ipsam humilitas: quæ tamen non ad infirmitatem poténtiæ susceppta sunt, sed ad magistérium disciplinæ.

R. Ego autem mendicus sum, et páuper: Dóminus sollicitus est mei. *Y.* Labóres mánuum tuárum quia manducábis, beátus es, et bene tibi erit. Dóminus.

Lectio v.

Quasi homo ergo ex his, quæ passus est, didicit obediéntiam, ut consummarétur in carne, et per obediéntiæ transfúsam in nos successiónem cáusa fieret nobis salutis æternæ, quibus ante per inobediéntiæ hæreditatem primus ille Adam cáusa factus est mortis. Subjectio ergo magistérium virtútis humanæ, non divínæ imminútio potestátis est. Nam si illum minórem Fílium, et inæquálem Patri dicunt, quia erat súbditus Patri Deo; numquid et matre ideo minor, quia súbditus erat matri? Lectum est enim de Joseph, et Mariá: Et erat súbdi-

tus illis. Sed pietas ómnibus nobis non dispéndio, sed incremento est; per quam ómnibus nobis Dóminus Jesus fidem infúdit, et grátiam, ut nos spíritu fideli súbditos Patri faciát Deo.

R. Vulpes fóveas habent, et volúcres cœli nidos; Fílius autem hóminis non habet ubi caput reclínet. *Y.* Páuper sum ego, et in labóribus a juventute mea. Fílius.

Lectio vi. Ibid. in Ps. 65.

Dénique, si considerémus, in paradiso defécit humilitas, et ideo venit de cœlo. In paradiso orta est inobediéntia, et ideo obediéntia cum Salvátore descéndit. Inflabátur caro, unde subjectio mansuetúdinis inveniri non póterat in terris. Véniens Dóminus Jesus primum se exinanívit, non rapinam arbitrátus esse se æquálem Deo, formam servi sibi accípiens, et specie invéntus ut homo, humiliávit semetípsum, factus obédiens usque ad mortem. Dicat ergo: júvenis sum, et despectus; quia Christus in páupere, atque despecto mundum redémit, quia Christus humilitate diabolum vicit.

R. Cum in forma Dei esset, semetípsum exinanívit* Formam servi accípiens. *Y.* Humiliávit semetípsum factus obédiens usque ad mortem. Formam. Glória. Formam.

In III. Nocturno.

Ant. 1. Ibant paréntes * Jesu per omnes annos in Jerúsalem in die solémni Paschæ.

2. Cum redírent,* remánsit puer Jesus in Jerúsalem, et non cognóverunt paréntes ejus.

3. Non inveniéntes* Jesum, regréssi sunt in Jerúsalem, requiréntes eum.

ŷ. Páuper sum ego, et in laboribus a juventute mea. R. Exaltatus autem, humiliatus sum, et conturbatus.

Lectio sancti Evangelii
secundum Lucam.

Lectio vii. Cap. 2.

Cum factus esset Jesus annorum duodecim, ascendentibus illis Jerosolimam secundum consuetudinem diei festi, consummatisque diebus, cum redirent, remansit puer Jesus in Jerusaleme, et non cognoverunt parentes ejus. Et reliqua.

Homilia S. Bernardi Abbatis.

Homil. 1. supra Missus est.

Et erat subditus illis. Quis, quibus? Deus hominibus? Deus, inquam, cui Angeli subditi sunt, cui Principatus, et Potestates obediunt, subditus erat Mariæ, nec tantum Mariæ, sed etiam Joseph propter Mariam. Mirare ergo utrumlibet, et elige quid amplius mireris, sive Filii benignissimam dignationem, sive parentum excellentissimam dignitatem. Utrunque stupor, utrumque miraculum: et quod Deus homini obtemperet, humilitas absque exemplo: et quod Deo homo principetur, sublimitas sine socio. In laudibus virginum singulariter canitur, quod sequuntur Agnum quocumque ferit. Quibus ergo laudibus iudicas dignum, qui etiam præit?

R. Vere tu es Rex absconditus, * Deus Israel Salvator. ŷ. Tu doces hominem scientiam. Deus.

Lectio viii.

Disce, homo, obedire; discere, pulvis, obtemperare. De Auctore tuo loquens Evangelista: Et erat, inquit, subditus illis: haud dubium quin Mariæ, et Joseph. Erubescere, superbe cinis! Deus se humiliat,

et tu te exaltas? Deus se hominibus subdit, et tu, dominari gestiens hominibus, tuo te præponis Auctori? Quoties enim hominibus præesse desidero, toties Deum præire contendo: et tunc vere non sapio ea, quæ Dei sunt. De ipso namque dictum est: Et erat subditus illis. Si hominis, o homo, imitari dedignaris exemplum, certe non erit tibi indignum sequi Auctorem tuum. Si non potes forsitan sequi eum quocumque ferit, dignare vel sequi quo tibi condescendit.

R. Sicut per inobedientiam unus hominis peccatores constituti sunt multi: * Ita et per unus obediionem justii constituuntur multi. ŷ. Venit Nazareth, et erat subditus illis. Ita. Glória. Ita.

Lectio ix. de Hom. Dom.

Lectio sancti Evangelii
secundum Matthæum.

Lectio ix. Cap. 8.

In illo tempore: Cum descendisset Jesus de monte, sequutæ sunt eum turbæ multæ; et ecce leprosus veniens, adorabat eum. Et reliqua.

Homilia S. Hieronymi Presbyteri.

Lib. 1. Comm. in cap. 8. Matth.

De monte Domino descendente, occurrunt turbæ, quia ad altiora ascendere non valuerunt. Et primus ei occurrat leprosus: necdum enim poterat cum lepra tam multiplicem in monte Salvatoris audire sermonem. Et notandum, quod hic primus specialiter curatus sit: secundo, puer Centurionis: tertio, socrus Petri febriciens in Capharnaum: quarto loco, qui oblati sunt ei a demónio vexati: quorum spiritus verbo ejiciebat, quando et omnes male habentes curavit.

Si transferatur, legatur seq.

Lectio ix.

Si non potes sublimem incē-
dere sémitam virginitatis, sé-
quere vel Deum per tutissimam
viam humilitatis: a cujus recti-
tūdine si qui étiam vírgines de-
viáverint, ut verum fátear, nec
ipsi sequúntur Agnum quocúm-
que ferit. Séquitur quidem Agnum
coinquinátus húmilis, séquitur
et virgo supérbus, sed néuter
quocúmque ferit; quia nec ille
ascéndere potest ad mundítiam
Agni, quia sine mácula est; nec
is ad ejúsdem mansuetúdinem
descéndere dignátur, quia scilicet
non coram tondénte, sed cor-
am occidénte se obmútuit. Atta-
men salubriórem elégit sequéndo
partem in humilitáte peccátor,
quam in virginitáte supérbus:
cum et illius immundítiam sua
húmilis satisfactio purget, et hu-
jus pudicitiam superbia inquinet.

Ad Laudes,
et per Horas.

Ant. 1. Iost trídium * invené-
runt Jesum in templo sedéntem
in médio doctórum, audiéntem
illos, et interrogántem eos.

2. Dixit mater * Jesu ad illum:
Fili, quid fecisti nobis sic? Ecce
pater tuus, et ego doléntes quæ-
rebámus te.

3. Descéndit Jesus * cum eis, et
venit Náza-reth, et erat súbditus
illis.

4. Et Jesus * proficiébat sapién-
tia, et etáte, et grátia apud Deum,
et hómines.

5. Et dicébant: * unde huic sa-
piéntia hæc, et virtútes? Nonne
hic est fabri fílius?

Capitulum. Lucæ 2.

Descéndit Jesus cum María,
et Joseph, et venit Náza-reth,
et erat súbditus illis.

Hymnus.

O gente felix hóspita
Augusta sedes Náza-ræ,
Quæ fovit alma Ecclésiæ
Et proutulit primórdia.

Sol, qui perérat áureo
Terras jacéntes lúmine,
Nil grátius per sæcula
Hac vidit sæde, aut sánctius.

Ad hanc fréquentes cónvolant
Cœléstis áulæ nuntii,
Virtútis hoc sacrárium
Visunt, revísunt, éxcolunt.

Qua mente Jesus, qua manu,
Optáta patris pèrficit!
Quo Virgo gestit gáudio
Matérna obire múnera!

Adest amóris párticeps,
Curæque Joseph cónjugi,
Quos mille jungit nêxibus
Virtútis áuctor grátia.

Ili diligéntes invicem
In Jesu amórem cónfluunt,
Utrique Jesus mútua
Dat charitátis præmia.

Sic fiat, ut nos cháritas
Jungat perénni fœdere,
Pacémque alens domésticam
Amára vitæ témporet!

Jesu, tibi sit glória,
Qui natus es de Vírgine,
Cum Patre, et almo Spíritu
In sempitérna sæcula.

Amen.

1. Ponam univérso filios tuos
doctos a Dómino. R. Et multítu-
dinem pacis filiis tuis.

Ad Bened. Ant. Illumináre nos,
Dómine, exémpilis familiæ tuæ, et
dirige pedes nostros in viam pacis.

Orémus. Oratio.

Dómine Jesu Christe, qui Ma-
riæ, et Joseph súbditus, do-
mésticam vitam ineffábilibus vir-
tútibus consecrásti: fac nos, utri-
úsque auxilio, Familiæ Sanctæ
tuæ exémpilis instrui, et consór-
tium cónsequi sempitérnum. Qui
vivis.

Et fit Comm. Dom. III. post Epiph. Ant. Cum descendisset Jesus de monte, ecce leprósus veniens adorabat eum, dicens: Dómine, si vis, potes me mundáre; et extendens manum tétigit eum, dicens: Volo, mundáre.

Orémus. Oratio.

Omnípotens sempitérne Deus, infirmitátem nostram propítius réspice: atque ad protegéndum nos, dexteram tuæ Majestátis exténde. Per Dóminum.

Ad Primam.

In R. br. Qui natus es de María Virgine.

Ad Tertiam.

Capit. Descéndit Jesus. ut sup. R. br. Propter nos egénus factus est; * Cum esset dives. Propter. y. Ut illius inópia nos dívites essémus. Cum. Glória. Propter.

y. Docébit nos Dóminus vias suas. R. Et ambulábit in sémitis ejus.

Ad Sextam.

Capitulum. Rom. 5. Sicut per inobediéntiam unus hóminis peccatóres constitúti sunt multi, ita et per unus obediéntem justí constituéntur multi.

R. br. Docébit nos Dóminus * Vias suas. Docébit. y. Et ambulábit in sémitis ejus. Vias. Glória. Docébit.

y. Páuper sum ego, et in labóribus a juventúte mea. R. Exaltátus áutem, humiliátus sum, et conturbátus.

Ad Nonam.

Capitulum. Philipp. 2. Semetípsum exinanívit formam Servi accípiens, in similitúdi-

nem hóminum factus, et hábitu invéntus ut homo.

R. br. Páuper sum ego, et in labóribus * A juventúte mea. Páuper. y. Exaltátus áutem, humiliátus sum, et conturbátus. A juventúte. Glória. Páuper.

y. Ponam univérsos filios tuos doctos a Dómino. R. Et multitudínem pacis filiis tuis.

In II. Vesperis.

Ant., et Capit. de Laud. Psalm., et Hymn. ut in I. Vesp.

y. Ponam univérsos filios tuos doctos a Dómino. R. Et multitudínem pacis filiis tuis.

Ad Magnif. Ant. María áutem conservábat ómnia verba hæc cónferens in corde suo.

Comm. Dom. Ant. Dómine, si vis, potes me mundáre: et ait Jesus: Volo, mundáre.

Oratio ut supra.

Die III. Febr.

B. Odorici Conf. 1. Ordinis.

Duplex. (m. t. v.)

Omnia de Communi Conf. non Pont. præter seq.

Ant. Similábo. y. Amávit.

Orémus. Oratio.

Deus, qui ut multos Oriéntis pópulos ad Ecclesiæ sinum perdúceres, beátum Odoricum invícta ánimi fortitúdine in máximis labóribus roborásti: réspice propítius ad ánimos diabólica fraude decéptos; ut méritis ipsius gloriósis a suis ténebris eruántur. Per Dóminum.

Deinde fit Comm. S. Blasii Episc., et Mart. Ant. Iste sanctus. y. Glória, et.

Oratio. Deus, quinos. de Comm.

Lect. I. Noct. de Script. occur.

In Quadrag. Beátus vir. de Comm. 2. loco.

In II. Nocturno.

Lectio iv.

Odorici apud Portumnaonem, in provincia Forijulii, sæculo Christi tertiodécimo inclinante natus, post pueritiam, atque adulescentiam innocenter exactas, Ordini Minorum sancti Francisci in conventu civitatis Utini nomen dedit. Austère Ordinis regulæ, quam perpétuo custodivit, austeriorem adjecit vitæ rationem, sæpissime jejúnans, pane tantum, et aqua refectus, semper férrea zona lumbos, férreis vinculis brachia obstrictus. Mirabiliter humilis quoscúmque prælationis gradus constantissime recusavit; et cum uberes ex sua prædicatione fructus referret, gratiisque, et virtutibus coruscaret, mínimum inter divini verbi ministros reputare se consuivit. Mirabiliter spiritu páuper, semper nudis pedibus, et una tantum túnica indutus incéssit: longas peregrinationes, nullo instructus commeátu, ac Dei tantum providéntia fretus, perégit.

R. Honéstum fecit.

Lectio v.

Ut ánimas Deo lucraretur, missiões Ordinis Minorum in Asia, et adjacentibus insulis exercere cúpiens, apostólico múnere solitariam aliquot ménsium vitam exémplo Christi præmisit. Fórtior ex ea factus, Minórem Asiam, Arméniam, Médiam, Pérsiam peragrátus, ad extrémis usque Tártaros, Sinas, Indósque, necnon et insulárum undequaque paténtium incolas pervénit. Has ipse apostólicas peregrinationes narrat in itinerário, quod obediéntia adáctus dictávit, nihil de se ámplius, et de suis labó-

ribus in eo réferens. Aliis autem coævis, et probatissimis monumentis constat, fidélem Evangélii ministrum in remótis illis regionibus plúrimum adlaborasse, non semel pro Christi causa in discrimen vitæ incidisse apud bárbaras gentes, equúleo fuisse aliquándo tortum, beátæ Virginis, aliorúmque Sanctorum apparitionibus recreátum; intérdum quoque mirabiliter altum, sustentátumque: viginti autem, et ámplius millia infidélium prædicatione sua christiáno gregi adjecisse.

R. Amávit eum.

Lectio vi.

Tartarorum Imperatóri, qui Christiánæ Religióni tunc favébat, acceptíssimus fuit. Quum tres annos in civitate Cámbele, quæ státo missiões erat, mansisset, hortátu ejúsdem Imperatóris, anno millésimo tercentésimo trigésimo in Itáliam rédiit, Aveniönem usque perrecturus, ut Pontífici referret rei christiánæ progréssum apud Tártaros, et álios ex eódem Ordine Minorum divini verbi ministros, qui ad illárum pártium ánimas Deo mancipandas mitteréntur, ab eódem Pontífice impetráret. Sed Pisis morbo afféctus, et supérno, ut fertur, impulsu mónitus, itinere Aveniönénsi divértere, atque Utinénse Cænóbium repétere débuit. Morbo illic recrudescénte, die décima quarta Januárii anni millésimi tercentésimi trigésimi primi mortem óbiit, quam pretiósam in conspéctu Dómini fuisse demonstrávit illico factus, ac diu servátus civium, et finitimórum concúrsus ad ejus sepúlchrum: confirmávitque Deus plúribus ad invocatióem servi sui éditis mi-

râculis, quæ cum satis probata jam tunc fuerint, eidem sacrum compararunt cultum, non modo apud cives suos, totamque provinciam Forojuliensem, sed etiam apud contêrminos pópulos. Cultum vero ipsum in illius obitu ad hæc usque tēpora sine intermissione exhibitum Apostolica Sedes anno millésimo septingentésimo quinquagésimo quinto approbavit, Officio, ac Missa de eodem beato viro univérso Ordini Minórum, ac Diocésibus Utinénsi, et Concordiénsi concessis. Ut autem his lectionibus propriis idem cultus augeretur, Pius Papa Séptimus ad preces Ordinarii Utinénsis cleménter indúlxit.

Rj. Iste homo.

In III. Noct. Homil. Sancti Evangelii. de Comm. 1. loco.

Pro S. Blasio Episc., et Mart.

Lectio ix.

Blâsius, Sebaste in Arménia, ejuſdem civitâtis Episcopus eligitur. Qui, quo tēpore Diocletianus insatiabilem crudelitatem in Christianos exercébat, se in speluncam abdedit montis Argæi: ubi tamdiu latuit, dum ab Agricolaî Præsidis militibus venantibus deprehensus, et ad Præsidentem ductus, ejus jussu conjectus est in vincula. Quo in loco multos aegrôtos sanavit, qui ad Blâsium, ejus fama sanctitatis adducti, deferebantur. In illis puer fuit, qui desperata a medicis salute, transversa spina faucibus inhærente, animam agébat. Productus autem ad Præsidentem Blâsius semel, et iterum, cum nec blanditiis, nec minis adduci posset, ut diis sacrificaret, primum virgis cæsus, deinde in equuleo ferreis pectinibus dilaniatus est:

postrémo dempto capite, illústre fidei testimónium Christo Dómino dedit, tértio Nonas Februárii.

In Laud. fit Comm. S. Blasii. Vesperæ de sequenti.

Die XI.

Ss. Septem Fundatorum
Ordinis Servorum B. M. V.

Duplex.

Omnia de Comm. Conf. non Pont. præter seq.

In I. Vesperis.

Capit. ut infra in Laud. p. 12.

Hymnus.

Bella dum late fúrerent, et
urbes
Cæde fratérna gémerent cruéntæ,
Aduit Virgo, nova semper edens
Múnera matris.

En vocat Septem Fámulos fideles,
Ut sibi in luctu récolant dolóres,
Quos tulit Jesus, tulit ipsa consors

Sub cruce Nati.

Illico parent Dóminæ vocánti:
Spléndidis tectis, opibúsque spre-
tis,

Urbe secédunt procul in Senári
Abdita montis.

Córpora hic pœnis crúciant
acérbis,
Sóntium labes hóminum piántes:
Hic prece avértunt, lacrymísque
fusis

Núminis iram.

Pérdolens Mater fovet, atque
amictum

Ipsa lugúbrem monet induéndum:
Agminis sancti pia cœpta sur-
gunt,

Mira patéscunt.

palmes in bruma víridans ho-
nóres

Núntiat patrum: próprios Maríæ
Ore lacténti vócitant puélli
Nómine Servos.

Sit decus Patri, genitæque
Proli,

Et tibi, compar utriusque Virtus
Spiritus semper, Deus unus, omni
Tæmporis ævo.

Amen.

γ. Hi viri misericordiæ sunt,
quorum pietates non defuerunt.
κ. Semen eorum, et gloria eorum
non derelinquetur.

Ad Magnif. Ant. Non recedet
laus tua, Virgo Maria, de ore
hominum, qui memores fuerint
virtutis Domini in æternum, pro
quibus non pepercisti animæ tuæ.

Orat. ut infra in Laud. p. 13.

Et fit Comm. præced., et Fer.
in Quadrag.

Ad Matutinum.

Hymnus.

Sic patres vitam peragunt in
umbra,
Lilia ut septem nivei decoris,
Virgini excelsæ bene grata, Petro
Visa nitere.

Jamque divina rapiente flam-
ma,
Cursitant urbes, loca quæque
oberrant,
Si queant cunctis animis do-
lores

Figere Matris.

Hinc valent iras domuisse cæ-
cas,
Nescia et pacis fera corda jun-
gunt,
Erigunt mœstos, revocant no-
centes

Dicta piorum.

At suos Virgo comitata servos
Evehit tandem superas ad oras:
Gemmais sertis decorat per ævum
Omne beatos.

Eja nunc cœtus gemitum præ-
cantis

Audiant, duros videant labores:
Semper et nostris faveant benigno
Lumine votis.

Sit decus Patri, genitæque
Proli,

Et tibi, compar utriusque Virtus
Spiritus semper, Deus unus, omni
Tæmporis ævo.

Amen.

Lect. I. Noct. de Script. occur.

In Quadrag. Laudemus viros
gloriosos. de Comm. Conf. Pont.
2. loco.

In II. Nocturno.

Lectio iv.

Sæculo tertio decimo, quum
Friderici secundi diro schis-
mate, cruentisque factionibus
cultiores Italiæ populi scinde-
rentur, providens Dei misericor-
dia præter alios sanctitate illu-
stres, septem e Florentina nobi-
litate Viros suscitavit, qui in
charitate conjuncti, præclarum
fraternæ dilectionis præberent
exemplum. Hi, nimirum Bonfilii
Monaldii, Bonajuncta Manettus,
Manettus Antellensis, Amidéus
de Amidéis, Uguccio Uguccio-
num, Sostenéus de Sostenéis, et
Aléxius Falconérius, quum anno
trigésimo tertio ejus sæculi, die
sacra Virgini cœlo receptæ, in
quodam piorum hominum con-
vëntu, Laudantium nuncupato,
ferventius orarent; ab eadem
Deipara singulis apparente sunt
admóniti, ut sanctius, perfectius-
que vitæ genus amplecterentur.
Re itaque prius cum Florentino
Præsule collata, hi septem Vi-
ri, generis nobilitate, divitiisque
posthabitis, sub vilissimis, detri-
tisque vestibus cilicio induti, octa-
va die Septembris in ruralem
quamdam ædiculam secessere, ut
ea die primordia vitæ sanctioris
auspicarentur, qua ipsa Dei Gêni-
trix mortalibus orta sanctissi-
mam vitam incéperat.

κ. Honestum fecit.

Lectio v.

Hoc vitæ institutum quam sibi foret acceptum Deus miraculo ostendit. Nam quum paulo deinceps hi septem Viri per Florentinam urbem ostiatim elemosynam emendicarent, accidit ut repente infantium voce, quos inter fuit sanctus Philippus Benñtius quintum ætatis mensem vix ingressus, Beætæ Mariæ Servi acclamaréntur: quo deinde nómīne semper appellāti sunt. Quare, vitādi pópuli occúrsum, ac solitudinis amóre ducti, in Senárii montis recessu omnes convenére, ibique cœlestē quoddam vitæ genus aggréssi sunt. Victitabant enim in speluncis, sola aqua, herbisque conténti; vigiliis, aliisque asperitatibus corpus atterébant: Christi Passiōnem, ac mœstissimæ ejusdem Genitrícis dolores assidue meditántes. Quod quum olim sacra Parascévēs die impénsius exequeréntur, ipsa beætā Virgo illis iteráto appárens, lúgubrem vestem, quam indúerent, osténdit, sibique acceptissimum fore significávit, ut novum in Ecclesiá regulárem Ordinem excitárent, qui jugem recóleret, ac promoveret memóriam dolorum, quos ipsa pértulit sub cruce Dómini. Hæc sanctus Petrus, ínclytus Ordinis Prædicatórum Martyr, ex familiári cum sanctis illis Viris consuetúdine, ac peculiári étiam Desparæ visiōne quum didicisset; iis áuctor fuit, ut Ordinem Regulárem sub appellatiōne Servórum Beætæ Virginis institúerent: qui póstea ab Innocéntio Quarto Pontífice Máximo approbatus fuit.

Rj. **Amávit eum.**

Lectio vi.

Porro sancti illi Viri, quum plures sibi sócios adjunxissent,

Italiæ civitatés, atque óppida, præsertim Etrúriæ, excúrrere cœperunt, prædicántes ubique Christum Crucifixum, civíles discórdias compescéntes, et innúmeros fere dévios ad virtútis sémitam revocántes. Neque Italiám modo, sed et Gálliam, Germániam, ac Polóniam suis evangélicis labóribus excoluérent. Dénique quum bonum Christi odórem longe, latéque diffudissent, portentórum quoque glória illústres, migrárent ad Dóminum. Sed quos unus veræ fraternitatís, ac religiōnis amor in vita sociáverat, unum páriter demórtuos contéxit sepúlchrum, únaque pópuli veneratiō prosecúta est. Quaprópter Clemens Undécimus, et Benedíctus Décimus Tértius Pontífices Máximi delátum iisdem a plúribus sæculis individuum cultum confirmárant: ac Leo Décimus Tértius, approbátis ántea miraculis, post indúltam veneratiōnem ad collectivam eorúmdem invocatiōnem a Deo patrátis, eósdem anno quinquagésimo Sacerdotií sui Sanctórum honóribus cumulávit, eorúmque memóriam Officio, ac Missa in univérsa Ecclesiá quotánnis recoléndam instituit.

Rj. **Iste homo.**

In III. Noct. Homil. **Grandis fiducia!** de Comm. Apost. cum Rj. vii., et viii. de Comm. Conf.

In Quadrag. ix. Lect. de Hom. Fer.

Ad Laudes.

Capitulum. 1. Petr. 4.

Caríssimi: Communicántes Christi passiōnibus gaudéte, ut et in revelatiōne glóriæ ejus gaudeátis exultántes.

Hymnus.

Matris sub almæ númine Septéna proles náscitur:

Ipsa vocante, ad árduum
Tendit Senári vérticem.

Quos terra fructus próferet
Dum sacra proles gérmínat,
Uvis repénite túrgidis
Onústa vitis præmonet.

Virtúte claros nóbili
Mors sancta cælo cónsecrat;
Tenent olympi límina
Servi fidéles Vírginis.

Cohors beáta, Núminis
Regno potita, réspice
Quos hinc recédens fráudibus
Cinctos relínquis hóstium.

Ergo, per almæ vúlnera
Matris rogámus súplices,
Mentis tenébras díspice,
Cordis procéllas cómprime.

Tu nos, beáta Trínitas,
Perfúnde sancto róbore,
Possímus ut feliçiter
Exémpla patrum súbsequi.

Amen.

Ÿ. Sit memória illórum in be-
nedictióne. R. Et ossa eórum
púllulent de loco suo.

Ad Bened. Ant. Ecce quam bo-
num, et quam jucúndum habi-
táre fratres in unum.

Orémus. Oratio.

Dómine Jesu Christe, qui ad
recoléndam memóriam doló-
rum sanctíssimæ Genitrícis tuæ,
per Septem beátos Patres nova
Servórum ejus Família Ecclé-
siam tuam fécundásti: concéde
propítius; ita nos eórum conso-
ciári flétibus, ut perfruámur et
gáudiis. Qui vivis, et regnas.

In II. Vesperis.

Omn. ut in I. Vesp. a Cap. de seq.

Die XVI.

B. Philippæ Mareriæ Virginis

2. Ordinis.

Duplex.

Orémus. Oratio.

Deus, qui beátam Philíppam,
Virgínem tuam, miris co-

ruscáre facis miráculis: concéde
propítius; ut omnes, qui ejus
devóte implórant auxílium, peti-
tiónis suæ salutárem consequán-
tur effectum. Per Dóminum.

Deinde fit Comm. S. Andræ
Corsini Episc., et Fer. in Quadrag.

Lect. I. Noct. de Script. occur.

In Quadrag. De virgínibus. de
Comm. Virginum.

In II. Nocturno.

Lectio iv.

Philippa ex nobilíssima Maré-
ria família, patre Philíppo,
matre Imperatríce, Æquicólis in
Aprútio nata est. Infans num-
quam alicui moléstie fuit, et
statim post infántiam sese dedit
sacrárum Scripturárum stúdio,
virórum doctrína, castitatéque in-
sígnum utens magistério. Quan-
tum in ipsis profecerit, exímie ejus
virtútes declaráunt. Mundi con-
témptu præcipue enítuit, quum
jam grandævis a complúrimis
Dynástis expeterétur, gravíssimis
consanguineórum, ac præsertim
fratris conátibus, atque moléstiiis
superátis, oblátas nuptias con-
stantíssime recusávit, et remo-
tióri cubículo tamquam voluntá-
rio se inclúsit cárceři. Sed quum
ibi optátam non posset habére
quíetem, in montem supra Ma-
reríum, sibi aliquibus féminis
adjúctis, secédens, incisis crí-
nibus, vili tégmíne indúta, ædes
magníficas cum rupis horróre
commutávit. Hac in specu, sibi,
et mundo emórtua, consepúltaque
cum Christo támdiu vívere statu-
erat donec áliud de se divína
Providéntia statúere dignarétur.
R. Propter veritátem.

Lectio v.

Thomas ejus frater, panem in
Trosas convérsum admirátus,
nutu divíno hæc fieri árbitrans,

ad sororem ascendit, eique Ecclesiæ sancti Petri una cum suburbio ab omni vectigali tradidit exemptam. Fratri Philippa acquiescens, in Monasterio olim Benedictinorum Cœnobio, a se meliiori formæ restituto, vitam religiosam suscepit sub régula sanctæ Claræ ejus columænæ in seraphica schola. Complures eam sequutæ sunt nobiles mulieres, ac præcipue ejus neptes, quarum una jam futuris erat devota nuptiis, quas inter veluti lucerna lucens supra candelabrum, ad regulam pro viribus servandam sorores excitabat. Licet omnium esset mater, et magistra, omnium tamen minima volebat haberi. Corpus vigiliis, et jejuniis in servitutem redigere magnopere satagebat. Inter dolorum aculeos libenter gloriabatur in infirmitatibus suis. Orans in templo uberrimas lacrymas colligere solebat in quoddam vas ligneum, cujus dimidium adhuc extat, quod ægris admotum vel sanitatem, vel levamen affert.

R. Dilexisti justitiam.

Lectio vi.

Zelus animarum illam supramodum comedit, atque ut errantes ad meliorem frugem redigeret omne studium conferbat. Una ex ejus neptibus, invita e Monasterio a fratribus educta, Philippæ precibus ita immobilis ante ostium evasit, ut nulla vi ab illis potuerit dimoveri. Ardentissima fuit ejus charitas in pauperes, et pro se nihil cogitans, largam in eorum sinum stipem erogabat, ac insuper salutaribus exhortationibus illis prodesse studebat. Curationum gratia fuit insignis. Ejus manus, et jam ipsa invita, super ægrum imposita morbum gravem depu-

lit. Pauci panes per totam Paschatis octavam nihil fuerunt imminuti, et modicum frumenti in horreo, manu hinc inde revolutum, omnibus Monasterii usibus per plures annos abunde sufficit. Dono prophetiæ enituit, et cordium secreta novit. Languore confecta, longe ante obitus die præscito, salutaribus monitis adhortata sorores, Sacramentis a beato Rogério munita, celestibus recreata visionibus, decimo quarto Kalendas Martias anno millésimo ducentésimo trigésimo sexto beato fine quievit. Pretiosam ejus mortem testati sunt tum populi proximiores, et remoti, qui illam ut prodigiorum Sanctam ab ejus transitu usque modo venerati sunt, et præcipue attestatus est Deus, Philippam quotidianis illustrans miraculis. Ejus corpus una cum corde etiam ad præsens rubido, et parum a naturali statu immutato, præcipua veneratione colitur.

R. Afferentur Regi.

In III. Noct. Homil. Sæpe vos. de Comm. 1. loco.

In Quadrag. Lect. ix. de Homil., et fit Comm. Fer. in Laud.

Vesp. a Capit. de sequenti.

Die I. Martii.

B. Mathiæ de Nazaræis Virg.

2. Ordinis.

Duplex.

Orémus. Oratio.

Domine Jesu Christe, qui beatam Mathiam Virginem tuam ad tibi caste, et pie serviendum uberibus donis attraxisti: ejus, quæsumus, intercessione concède; ut, casto corde tibi adhærentes, æternam gloriæ coronam consequamur. Qui vivis.

Et fit Comm. B. Antonii, et Fer. in Quadrag.

Lect. I. Noct. de Script. occur.
In Quadrag. De virginibus. ut
in Comm.

In II. Nocturno.

Lectio iv.

Mathiæ de Nazaræis Matheli-
cæ in Piceno nobilibus, piis-
que paréntibus orta, pueritiam
ita transégit, ut dilúculo cœlesti
Sponso perpétuo famulári deli-
beráverit. Itaque spléndidas nú-
ptias a patre oblátas constantis-
sime recusans, clam domo aufú-
giens ad Monastérium sanctæ
Mariæ Magdalénæ convolávit: ubi
comam sibi ipsa tondens, clau-
stralem vitam solémniter professa
est. Quas in corde suo ascensio-
nes ad Christum disposuerat, bre-
vi auxit ádeo, ac perfécit, ut
ómnibus consoróribus admiratió-
ni foret, atque exémplo. Quo fa-
ctum est, ut mórtuæ Abbatissæ
consobrínæ suæ ómnium voto re-
lúctans præ humilitáte, Epíscopo
Camerinénsi gratulánte, ac pro-
bánte, Monastérii Præses fúerit
subrogáta: quod munus ad annos
quadraginta sanctíssimè admini-
strávit. Dignitátis honóre nihil
commóta, ita præfuit semper, ut
subjéctæ Soróres ejus voluntáti
numquam repugnáverint.

ñ. Propter veritátem.

Lectio v.

Prudéntiæ ceterárum simul vir-
tutum singuláre prorsus, ac
perfectíssimum exercitium con-
júnxit. Paupertátem ita cóluit,
ut patris hæreditátem sibi delátam
partim paupéribus, partim
Monastério, et ejus Ecclesiæ, quam
a fundaméntis excitávit, nihil sibi
relictó, attribúerit. Ut castitátem
incontaminátam serváret, carnis
mortificatióem sub ínítium ti-
rocinii susceptam numquam di-

mísit. Quotidiánum pene servávit
jejúnum, pane tantum, et aqua
utens, cilícia induit aspérrima,
flagélla ad ságuinis effusióem,
vigílias ad integras fere noctes
protráxit, ut Deo per oratióem
árcíus adhæreret; in qua cum
sacratíssimam Passiόem Christi
mente recóleret, divíni amoris
igne ádeo inardescébat cor ejus,
ut vel profusíssimas lácrymas
fúnderet, vel in dulcíssimas éxta-
ses rapta consisteret.

ñ. Dilexísti justítiam.

Lectio vi.

Virtútibus émicans, donis é-
tiam prophetiæ, ac miraculó-
rum enítuit: quorum odor, ac fama
ómnium ánimos ita pervásit, ut
plúrimi vel consilii, vel auxilii
cáusa continuo ad eam confú-
gerent: ipsa vero humilitátem
ita cóluit semper, ut vilíora Mo-
nastérii officia obíre gestíret. Tan-
dem vicínæ mortis cónscia, die,
horáque illíus prænuntiáta, eníse
soróribus commendans custodiám
castitátis, paupertátis, obedién-
tiæ, mutuámque dilectiόem, ac
concórdiam, luce circumfúsa spí-
ritum emísit die sanctis Innocén-
tibus sacra, anno millésimo ter-
centésimo. Corpus inter pópuli
lácrymas, ac láudes in Ecclesiá
Monastérii tumulátum, ob prodí-
gia, quæ fiébant, páulo post in
arca línea, mox lapídea recón-
ditum, sub Altári sanctæ Cæciliæ
collocátum est, ubi Fidélium ve-
neratiόni, ac cúltoi patet. Hunc
in dies áuctum, ac látius propa-
gátum ob crebra miracula, et
sanguíneum sudórem, quem ab
eo dimanáre plúries, ac jurídice
compértum est, Clemens Décí-
mus Tértius Póntifex Máximus
confirmávit, concéssó in ejus ho-
nórem Officio, ac Missa: Pius vero

Sextus, probátis Oratióne, ac Lectiönibus propriis, ampliávit.

ꝛ. Afferéntur Regi.

In III. Noct. Homil. Sæpe vos. de Comm. 1. loco.

In Quadrag. Lect. ix. de Homil. Fer., et Comm. in Laud.

Vesp. a Cap. de sequenti.

Die II.

B. Agnetis Pragensis Virg. 2. Ord. Duplex.

Orémus. Oratio.

Deus, qui beatam Agnetem Virginem per regalium delictarum contemptum, et humilem tuæ Crucis sequelam ad cælum sublimásti: tribue nobis, quæsumus; ut, ejus precibus, et imitatione, æternæ glóriæ mereámur esse participes. Qui vivis.

Et fit Comm. B. Mathiæ. Ant. Simile est. ꝛ. Diffusa. et Fer. in Quadrag.

Lect. I. Noct. de Script. occur.

In Quadrag. De virginibus. ut in Comm.

In II. Nocturno.

Lectio iv.

Agnes Premislai Ottokari primi Regis Bohemorum filia, Pragæ in pervigilio sanctæ virginis, et martyris Agnetis in lucem edita fuit. Boleslao Silésiæ Ducis filio deinde desponsata a parentibus, et in Monasterio Trebniensi virginum Ordinis Cisterciensium prope Vratislaviam, curante beata Hedvige Ducissa, collocata, ibi prima sanctitatis fundamenta jecit. Cum triennium in eo exegisset, defuncto sponso, Doxanam ad Sanctimoniâles Præmonstratenses migravit, inter quas omni virtutum genere, pro teneræ ætatis modulo, enituit. Aliorum quoque nuptias, non modo Regum, sed et Imperatoris,

non semel postea oblâtas, constanter declinavit; et ad Principem Austriæ, áulicis erudienda consuetudinibus missa, non terreni, sed cœlestis Regni gustandis deliciis ánimum, virésque omnes inténdit. Indefessa permans in oratione, carnem suam jejuniis, atque aliis asperitatibus edómuit; erga páuperes vero, et opprêssos teneram commiserationem æque, ac profusam liberalitatem exhibuit. Eâmdem vitæ rationem ferventióri stúdio servavit in paterna domo, cum quolibet sponsalium vinculo soluta esset; donec Summo Pontifice Gregório Nono adjuvante, a régio fratre suo libere sequendi divinum sponsum Jesum Christum, et Cœnóbium ingrediendi facultatem impetravit.

ꝛ. Propter veritatem.

Lectio v.

Attigerat illis diébus Bohemiam fama novi regulâris Institûti a beata Clara Assisiensi conditi; qua permota, illico Agnes mundanis omnino valedicere properat. Amplum pauperibus excolendis in urbe Pragena hospitium extruit, recentique Crucigerorum cum stella rubea nuncupatorum Ordini regendum committit. Primum dein eâdem in urbe Clarissarum Monasterium érigit, beatæ ipsius Agnetis nómine postea insignitum; illudque tradit Sanctimoniâlibus virginibus, quas propterea ab eâdem Institutrice Clara ad se mitti postulaverat. Hiscæ mox et ipsa sociata, hábitu, et sacro velamine ibi assumpto, alias nobilissimas vírgines secum addúcit ad novum severiôris vitæ Institútum amplectendum. Ab ipso autem Gregório Nono deinceps Monasterii Abbâtissa constituta, religiósam familiam san-

ctissime gubernávit. Quamvis enim esset ómnium primus, non áliter ceteris præesse visa est, nisi præclaro devotiõnis, obediëntiæ, castitatis, sui abnegatiõnis, ac demissiõnis exemplo.

Rj. Dilexisti justitiam.

Lectio vi.

Sed virginem humilitatis aman-
tissimam honorum veluti pos-
strumæ reliquiæ perturbabant.
Quare, brevi transacto tempore,
Abbatissæ titulum recusavit, ac
tantummodo Soror major Mona-
sterii deinceps voluit appellari.
Oblatas a regio fratre divitias
accipere renuit, nullumque a So-
roribus retineri permisit tempo-
ralium bonorum dominium. Su-
pernaturalium visionum dono, et grá-
tia curationum ditata a Deo fuisse
perhibetur. Jamque illi soli
vivens, cum in omnium virtutum
cultura constanter perseverasset,
tandem cumulatâ meritis, in cœ-
lum migravit circa reparatæ sa-
lutis annum ducentessimum octo-
gesimum supra millesimum, ætate
fere octogenaria. Cultum ab im-
memorabili tempore beatæ Agneti
præstitum Pius Nonus Pontifex
Máximus, ex Sacrorum Rituum
Congregationis consulto, Apostó-
lica auctoritate ratum habuit, et
confirmavit.

Rj. Afferentur Regi.

In III. Noct. Homil. Sæpe vos,
fratres. de Comm. I. loco.

In Quadrag. Lect. ix. de Homil.
Fer., et Comm. in Laud.

In Vesp. Comm. seq. Ant. Sí-
mile est. y. Spécie tua.

Die III.

B. Eustochii Calafato Virg. 2. Ord.
Semiduplex.

Orémus. Oratio.

Omnipotens, et misericors De-
us, qui vitam beatæ Eustó-

chii Virginis tuæ cum Christo
absconditam mirabiliter clarifi-
casti: ejus precibus, et imita-
tione concede; ut, in hoc sæculo
pariter consepulti, ad vitam re-
surgere mereamur æternam. Per
Dóminum.

In Quadrag. Comm. Fer.

Lect. I. Noct. de Script. occur.

In Quadrag. De virginibus. ut
in Comm.

In II. Nocturno.

Lectio iv.

Eustochium ex nobili Calafa-
torum, et Romano-Columnén-
sium genere Messanæ nata, a
prima adolescentia animi virtú-
tibus non minus, quam corporis
venustate explendescens, cum a
complurimis Regni Siciliæ Dyná-
stis expeteretur, gravissimis con-
sanguineorum conatibus, molé-
stiis, atque injuriis fortiter su-
peratis, oblatas nuptias constan-
tissime recusavit, ut cœlesti
Sponso a se datam servaret fidem.
Hac victória Eustochium excitata,
cum nihil magis optaret quam
pati, et esse cum Christo, in
Messanenſe Basilicarum Mona-
sterium Ordinis Sancti Francisci
se recepit; inque earum virgi-
num número cooptata, sic quo-
tidianæ vitæ consuetudine, atque
virtutibus eluxit, ut omnes stú-
dio excitaret suo. Rerum diviná-
rum, atque in primis cruciatuum
Christi meditationi continenter
insistens, id unum enitebatur, ut
quocúmque se verteret, nihil aliud,
nisi ejusdem Passiõnis mystéria,
suis oculis exhiberetur.

Rj. Propter veritatem.

Lectio v.

Eximio erga Deum amore fla-
grans, ut virginitatem, quam
ei dicaverat, illibatam perpetuo
custodiret, setoso indusio, ac

intérdum senticóso, crebrisque flagellatióibus, vigiliis, atque jejúniis carnem júgiter affligébat, pane tantum, et aqua absínthio, et cinere admíxtis victitáre, atque ut diútius in oratióne insómnis persisteret, óculos óleo, et mali arábici succo linfre stúduit: quibus ex rebus vultus, ut cupiébat, amísit venustátem. Severiórís disciplínæ servándæ cáusa, probánte Callixto Tértio Pontífice Máximo, novum Clarissárum Monastérium Montis Víriginis, plúrimis curis, atque moléstiiis, ei obsisténtibus multis ex Basilicárum Ascetérii virgínibus non modo, sed étiam ex Messánæ optimátibus, instítuit. Huic invíta ómnium prima cum præseset, nihil unquam neque insolens, neque gloriósum ex ore ejus éxiit; sed demísso per virtútem ánimo, fámula cujúsque videbátur, et erat. Qua sane virtúte, præcipuáque in próximum charitáte, cum Moniáles lue conflictaréntur, mirum in modum excélluit.

R. Dilexisti justítiam.

Lectio vi.

Eucharistiæ Sacraméntum, memoriále Passiós Christi, singulári ánimí sensu prosequébatur, atque Deíparam Virgínem, millies (festis præsertim illíus diébus) recitáta Angélica salutatióne, sanctíssime colébat. Tali modo cum annos quátuor et quinquaginta compléset, postremum nacta est morbum; quo accrescénte, Ecclesiæ Sacraméntis muníta, ad custodiéndam sollicitíssime religióem, et Ordinis disciplínam soróres adhortáta, affulgénte, ut fertur, in ejus cubiculo claríssimo sydere, tértio décimo Kaléndas Febrúarii extrémó sæculo décimo quinto méritis plena in pátriam migrávit Bea-

tórum. Ejus corpus adhuc intégrum, in sacra Monastérii Montis Víriginis æde, signis corúscat; cujus opem præsentíssimam Messanénses præsertim in terrámótibz expérti sunt. Delátum Beátæ Eustóchio cultum Pius Sextus Pontífex Máximus probávit, utque ejus festum cum Officio, et Missa ab univérso Ordine Minórum, atque a Clero Messanénsi celebrarétur, Apostólica auctoritáte concéssit.

R. Afferéntur Regi.

In III. Noct. Homil. Sæpe vos. de Comm. 1. loco.

In Quadrag. Lect. ix. de Homil. Fer., et Comm. in Laud.

Vesp. a Cap. de sequenti.

Die VIII.

S. Joannis de Deo Conf.

Duplex.

Ad vi. Lectionem addantur verba seq.: et Leo Décimus Tértius, ex Sacrórum Cathólici Orbis Antístitum voto, ac Rítuum Congregatióis consúlto, cœlestem ómnium hospitálium, et infirmórum ubique degéntium Patrónum declarávit, ipsíusque nomen in agonizántium Litaníis invocári concéssit.

Die XIV.

B. Petri de Treja Conf. 1. Ord.

Duplex. (m. t. v.)

Orémus. Oratio.

Deus, qui beátum Petrum Confessórem tuum cœlestibus donis cumulásti: præsta, quæsumus; ut ejus patrocínio gaudeámus in terris, et glóriæ consórtio perfruámur in cœlis. Per Dóminum.

Et fit Comm. B. Rogerii, et Fer. ac Translat. S. Bonaventuræ Episc. Conf. et Eccl. Doct.

Ant. O Doctor.

y. Elégit eum.

Orémus. *Oratio.*

Deus, qui beátum Pontíficem Bonaventúram Ecclésiæ tuæ Doctórem tribuisti: concède propítius; ut, cujus Translatiónem cólimus, eúdem apud te intercessórem júgiter habeámus. Per Dóminum.

Lect. I. Noct. Justus. de Comm. I. loco.

In II. Nocturno.

Lectio iv.

Petrus a Montículo Tréjæ in Picéno piis paréntibus natus, perfectiónis percúpidus Religióni a sancto Francisco nuper fundátæ nomen dedit. Tirocínio laudabíliter eménso, votisque nuncupátis, quum in regulári observántia, virtútum stúdio, humanisque sciéntis multum profecísset, verbi Dei præco renunciátus est; quod munus ferventíssime cum animárum lucro aliquámdiu obvíit.

R. Honéstum fecit.

Lectio v.

In Foráni Cœnóbio beáti Conradí ab Ophyda, cum quo familiaritátem, et spíritus communicatióem inferat, exímiam pietátem, ac spíritus fervórem æmulátus est. Oratióni, rerum cœlestium contemplatióni assíduus, vigiliis, aliisque cruciátibus corpus affligens, Christum pro nobis passum júgi meditatióne recolébat; hinc die quadam coram ejus imágine orans, in éxtasim raptus visus est. Sanctum Michaëlem Archángelum tanto prosequébatur devotiónis afféctu, ut ejus præsentia, et allóquio recreári merúerit. Cœlesti beátæ Mariæ Virginis, sancti Joánnis Evangelistæ, súsque Patriárchæ Francísci apparitióne dignátus, ea tamen erat

humilitáte, ut magnum se peccatórem reputáret.

R. Amávit eum.

Lectio vi.

Cum in Siróli Cœnóbium venísset, non ita multo post virtútibus, meritisque decórus ad cœlum evolávit. Sanctitáte, et miraculórum glória celebratíssimus, Beatórum cultum obtínuit. Ejus corpus ad aram sacélli sanctíssimi Crucifixi prius depósitum, mox ad álterum beatíssimæ Virginis in Ecclésia sancti Francisci translátum, magna semper in veneratióne fuit. Quamóbrem Pius Sextus Póntifex Máximus tértio Idus Septémbris anni milésimi septingentésimi nonagésimi tértii, ut de eo Officium, ac Missa celebrári, et recitári posset, indúlxit.

R. Iste homo.

In III. Noct. Homil. Sancti Evangelíi. de Comm. I. loco.

Lect. ix. de Homil. Fer., et Comm. in Laud., ac Translat. S. Bonaventuræ Ep. C., et D. y. Amávit. *Oratio ut supra.*
In II. Vesp. Comm. seq.

Die XV.

B. Matthæi de Agrigento Episc., et Conf. I. Ord.

Semiduplex. (m. t. v.)

Orémus. *Oratio.*

Da, quæsumus, omnipotens Deus, interveniénte beáto Matthæo Confessóre tuo, atque Pontífice; ut, sicut ipse Sanctíssimi Nóminis Fílii tui Jesu amóre flagrávit, ita nos eódem accénsi studeámus calcáre terréna, et amáre cœlestia. Qui tecum vivit, et regnat.

Et sit Comm. Fer.

Lect. I. Noct. Fidélis sermo. de Comm. I. loco.

In II. Nocturno.

Lectio iv.

Matthæus Agrigénti in Sicilia piis, honestisque paréntibus natus, Deique amore prævéntus, puerítia, ac adolescentia summa morum pietáte transácta, patérnis valediscens ópibus, ac mundi spretis illécebris, ut Deo ad majóra vocánti sese intíminus conjúngeret, apud Minóres Conventuáles inter Cléricos connumerátus est. Vota jam solémnia professus, Hispaníam, ut sacris, humanisque disciplínis imbuerétur, ex obediéntia pétiit, ubi se totum pietátis opéribus, et excoléndis virtútibus dedit. Altíoris inde perfectiónis stúdio, ac sancti Bernardíni Senénsis fama commótus, rigídus Fratrum de Observántia Institútum amplexátus, ac inter ipsíus Bernardíni sócios adscítus, Itáliam fere totam perlustrávit, et in nómine Jesu, quod júgiter præseferébat, labescéntem ubique pietátem ópere, ac prædicatióne restituit, Dómino sermónem confirmánte sequéntibus signis. Regulárem observántiam per Hispaníam restaurávit, ac in Sicilia plúrimum promovít. Desíparam Virgínem summo prosequébátur amore, ac suavíssimi Jesu nóminis inter Sículos præsertim ádeo strénuus assértor factus est, ut ubique domórum fróntibus affixum carnerétur. Plúrima præsertim in Sicilia ejus ópera constrúcta sunt Monastéria, annuéntibus Martíno Quinto, ac Eugénio Quarto Pontificibus, in Jesu nóminis, Deiparæque honórem Sanctæ Mariæ a Jesu appelláta.

R. Inveni David.

Lectio v.

Agrigénti Episcopo vita functo, invítus licet, unánimi

cívium consénsu, plaudénte Alphónso Aragóniæ Rege, Eugénioque Quarto, Agrigéntinæ Ecclésiæ præficitur. Episcopus ordinátus omni sane virtútum laude, uti lucérna super candelábrum pósita, corúscans, se totum Ecclesiásticæ disciplínæ restaurándæ impéndit. Per summam calúnniam apud Eugénium accusátus, Deo sic permitténte, ut tamquam áurum in fornáce ejus probarétur constantia, Romam ab objectis se purgatúrus sceleribus ádiit, ibique a Summo Pontífice innocens declarátus, suæ est restitútus Ecclésiæ, cujus régimen páulo post sponte dimisit. Pannórum revérsus, a Conventuálibus ea in urbe degéntibus peramánter excéptus, aliquantisper apud eos est commorátus, donec Observántiæ Vicárii Provinciáli agénte, ad suos revérsus est.

R. Pósui adjutórium.

Lectio vi.

Aliquot ibi annis pie, sanctæque transáctis, labóribus fractus, ac adversa valetúdiue afflícus, Superiódum jussu ad Conventuáles denuo est deportátus; ac tandem sénio, morbóque confectus ad cælum evolávit. Illíus cadáver ab ejus frátribus vindicátum in Cœnóbium Sanctæ Mariæ de Jesu illátum est non sine prodígiis, in quibus illud insigne, quod evécto in Cœnóbii templum féretro emórtuus licet, médium se eréxerit, et junctis deínde mánibus Eucharístiam adorans, rursus decubúerit magno adstántium stupóre. Miraculórum glória in vita, et post mortem célebris, ac spíritu prophético, et sanctitátis láude clarus, statim uti Sanctus cœpit ab homínibus honorári. Quem cultum ab immemorábili témpore eisdem præ-

stitum Clemens Décimus Tértius raturum hábuit, festúmque diem ecclesiástico Officio celebrári indúlsit. Ac tandem Pius Papa Séptimus Lectiões próprias in ejus Officio recitari concéssit.

R. Iste est.

In III. Noct. Homil. Lécio sancti Evangélii. de Comm. 1. loco.

Lect. ix. de Homil. Fer., et Comm. in Laud.

Vesp. de sequenti.

Die XVI.

B. Petri Senensis Conf.

Duplex. (m. t. v.)

Orémus. Oratio.

Mentis nostræ, quæsumus, Dómine, supérbiam sanctæ humilitátis spíritu déprime, qui cœlestibus illustratióibus beáti Petri Confessoris tui humilitatem mirabiliter sublimásti. Per Dóminum.

Et fit Comm. B. Matthæi, et Fer.

Lect. I. Noct. Justus. de Comm. 1. loco.

In II. Nocturno.

Lectio iv.

Petrus civis Senénsis, una cum uxóre pudíce vitam ducens, ex pectinum opificio, quod Senis didicit, et usque ad senectutem exércuit, Pectinárii cognómen accépit. Humilitátis spíritu, abjéctis vanis vestiméntis, Tértii Ordinis sancti Francisci Institutum amplexus est. Mórtua interim uxóre, ex qua nullam suscepérat prolem, vénditis omnibus, datisque paupéribus, ad pietátis normam impénsius ánimum excolere cœpit. Hinc assidue célebre nosocomium Sanctæ Mariæ de Scala invisens, oratióni vacans, et excubans, aut in sancti

Domínici Templo, aut in Ecclesiá Desparæ urbis Senárum præcipua, mire aliquándo intelléxit, quam bene Seráphicus vir Franciscus Christi Crucifixi vestigia fúerit sequútus. Ex quo factum est, ut deinceps apud fratres sancti Francisci Senis perpétuo víxerit, ubi Cœlitum fruebátur delíciis, et contra dæmonum artes triumphábat.

R. Honéstum fecit.

Lectio v.

In rerum cœlestium meditatióne tanto charitátis Dei igne intérius exardescébat, ut étiam extérius lux circumfúsa cernerétur. Quaprópter fama virtútis ejus ita incrébuit, ut Sanctus, ómnium, qui eum agnoscébant, judicio, mérito appellarétur. At ipsa parvi pendens, aliéna máximi faciens, humilitatem, véluti vitæ christiánæ decus, et perfectiόνis fundaméntum cóluit, ac ómnia tegens siléntio, étiam cum pectines venáles expóneret, uno verbo prétium dicere sólitus erat, et exínde dígito lábia conclúdere. Puritatem mentis, et córporis, abstinéntia assídúa, somno brevi, oratióne protrácta, duro lecto, crebrisque peregrinatióibus intermátam servávit. Labes suæ pueritiæ in charta recensitas, cum aliquándo ad locum árboris sancti Francisci prope Senas deploráturus pérgeret, propter lácrymas, quas Christi charitas ab ejus óculis exprésserat, Angeli voce intelléxit, ómnia sua peccáta plene sibi fuisse remíssa.

R. Amávit eum.

Lectio vi.

Quibus virtútibus quanti mériti esset apud Deum, Deus ipso testátus est. Nam secréta córdium penetrávit, mórtuum púe-

rum excitávit, ejúsque patrem ab illáco morbo sanávit. Maphéum civem Senénsem dolóre cápitis laborántem signo Crucis liberávit. Multa prædixit, quorum veritátem probávit événtus. Plúrima étiam salutáribus mónitis dócuit, atque scripsit, in quibus sciéntia Sanctórum reperitur, et arcána proverbiorum elúcent. Unde célebre factum est nomen ejus apud Senénses, qui in máximis reipúblicæ rebus nihil prius agébant, quam Petri senténtiam agnóscerent. Ejus consiliis usus est splendidissimum Senárum decus beátus Ambrósius Sansedónius, quem consuetúdiue sancta sibi Petrus devínxerat. Dénique labénte anno millésimo ducentésimo octogésimo nono, magnis cumulátus méritis, et Ecclesiæ Sacraméntis rite munitus, apud eósdem fratres obiit Senis pridie Nonas Decémbris. Ejus corpus in æde sancti Francísci tumulátum, Reipúblicæ Senénsis sumptu, nóbili sepúlchro decorátum est, quod Deus innúmeris miráculis glóriósum réddidit. Unde público decreto ánnuam ipsíus memóriam Senátus, Populíque intervéntu celebrándam Senénses statuérunt, atque étiam nunc quotánnis pia oblatióne célebrant. Insígnem Petri sanctitátem Pius Secúndus Póntifex Máximus oratióne hábita in Senénsi Basilica declarávit. Et Pius Séptimus anno millésimo octingentésimo secúndo ejus Festum cum Officio, et Missa recoléndum indúlsit.

R. Iste homo.

In III. Noct. Homil. Sancti Evangelíi. de Com. 1. loco.

Lect. ix. de Homil. Fer., et Comm. in Laud.

Vesp. a Cap. de sequenti, Com. præc.

Die XX.

B. Joannis a Parma

Conf. I. Ordinis.

Duplex majus. (m. t. v.)

Orémus. Oratio.

Deus, qui ad tui nóminis glóriam promovéndam beáto Joánni Confessóri invíctam spíritus fortitúdinem contulisti: concede nobis; ut, dextera poténtiæ tuæ adjúti, ad celéstis glóriæ triúmphum pervenire mereámur. Per Dóminum.

In Quadrag. fit Comm. Fer.

Lect. I. Noct. Justus. de Comm. 1. loco.

In II. Nocturno.

Lectio iv.

Joánnes ex antiqua Buraliórum familia Parmæ ortus, et a primis pueritiæ annis pie, sanctéque educátus; Institutum Minórum sancti Francísci est ampléxus; in quo ádeo flóruit tum vitæ integritáte, tum sacræ doctrínæ, et eloquentiæ præstantia, ut et Bonóniæ, et Neápoli, ubi Thologíam dócuit, ac dénique Romæ non minus doctus, quam sanctus haberétur. Quo factum est, ut Crescentius Míster Generalis ad Lugdunénse Concílium ab Innocéntio Quarto accersítus, cum ipse sénio impedirétur, hunc in suas vices, et locum subrogáverit, mox univérsus Ordo eúmdem in Generálem Místrum elégerit.

R. Honéstum fecit.

Lectio v.

Ubi ad præfecturam accéssit, eo suas cóntulit cogitatiónes, et curas, ut regulárem disciplinam sartam, tectámque serváret; eaque de cáusa provincias omnes, vix duóbus sibi sóciis adjúntis, pedes obíret. Etiam ab itínere fessus divínium Officiu stans,

et apërto cápite recitábat. Infratrum Convéntibus degens, vilióribus múniiis fungebátur; noctu ad matutínas láudes surgébat, Sacrum quotidie faciébat: victu autem utebátur parcíssimo, et simpliciíssimo. His virtútibus Gállíæ Regi, et plúribus Románis Pontificibus mirífice se commendávit. Tanti hábitus est a Græcorum Imperátore Joánnē Vatácio, ut hujus rogátu missus in Oriéntem, fúerit tamquam ángelus pacis, ad Græcæ Natiónis uniónem cum Ecclésia Latína conciliándam.

R. Amávit eum.

Lectio vi.

In Occidéntem redux, páucis post annis Prælatúrā sui Ordinis a se abdicávit, rogátusque, ut successórem propóneret, sanctum Bonaventúram nominávit. Hinc in solitárium Græcii locum, Reatinæ Valli imminéntem, se recépit, ubi trigínta annos angélicam pótius, quam humánam vitam tradúxit. Sed cum, permitténtē Nicoláo Quarto, novum iter in Græciam paráret ad componéndas Oriéntis turbas, quæ jam recrudúerant, morbo prope Camerínū corréptus, quam sibi prænuntiáverat, mortem feliciter obiit. Camértēs ejus córpori marmóreum monuméntum público sumptu excitárunť; nec destitère fidéles sancti Viri exúvias, atque memóriam múltiplici solémnis cultus ratióne prósequi, donec Pius Sextus Póntifex Máximus eúmdem, jam miraculórū fama clarum, inter Beátos habéri, et Officii, ac Missæ celebratióne honorári concessít.

R. Iste homo.

In III. Noct. Homil. Sancti Evangelii fratres. de Comm. 1. loco.

In Quadrag. Lect. ix. de Homil. Fer., et Comm. in Laud.

Vesp. a Cap. de sequenti, Comm. præc.

Die XXIII.

B. Bentivolii De Bonis Conf.

Duplex. (m. t. v.)

Orémus. Oratio.

Deus, qui glóriam tuam in Beáti Bentivólíi Confessóris prædicatióne, et miráculis revelásti: concéde propóstius; ut ejus méritis, et intercessiόne ad contemplándam spéciem tuæ celsitudinis perducámur. Per Dóminum.

Et sit Comm. Fer.

Lect. 1. Noct. Beátus vir. de Comm. 2. loco.

In II. Nocturno.

Lectio iv.

Bentivólíus De Bonis Septémpedæ duodécimo decurrénte sæculo natus, ibídem morum integritáte commendátam adolescentiam exégit. Ordinis Seráphici tunc nascéntis, ejúsque Patriarchæ Francísci fama permótus, ac virtútibus, et sermóne exímii concionatóris verbi Dei ex eódem Ordine illéctus, pátria simul, et quavis temporáli spe relictis, Assísium convolare constituit, quo tamen ei pervenire non lícuit, nisi post feliciter devictam patris repugnántiam. Religiónis hábitu e Francísci mánibus suscepto, et in gáudio spíritus votis Deo nuncupátis, illico inter fratres virtútum ómnium splendóre, humilitátis potíssimum, paciéntiæ, obediéntiæ, simplicitátis, mortificatiónis, jugisque oratiónis emícuit, ac proínde Evangélicæ perfectiόnis exémpar comúniter conclamátus, et hábitus.

R. Honéstum fecit.

Lectio v.

Conversatióne ejus sancta singuli delectabántur assidue, útpote qui de cœlestibus disse-réndo simplicitate elóquií, áttamen veheménter igníti, ita omnes ad virtútem sectándam alliciebat, ut vel ex familiáribus collo-cutió nibus, vel ex tribunáli Pœni-téntiæ, ubi sêdulo medebátur con-trítis corde, quisque véluti occúl-tos stímulos ad arripiéndum per-fectiónis iter perciperet. Id vero cum aliquándó præstáret, Spíri-tus sancti afflátus, qui satis apérte ex sermónis efficácia pa-tébat, clárius étiam se pródidit per mirum stellæ splendórem, quæ loquéntis fronte íusidens, hó-minem diu cœlesti luce perfúsum audiéntibus exhibuit. Crebris quo-que charismátibus éxtasum, rá-ptuum, agilitátis, aliisque donis ejus sanctitátem Deus testátam voluit.

R. Amávit eum.

Lectio vi.

Ipse ántem Bentivólus, quæ-stum magnum reputans, pie-tátem cum sufficiéntia, et sibi perútile gloriári in Cruce Dó-mini nostri Jesu Christi, ad re-guláris observántiæ ápicem per-veníre conténdit humilitáte, pau-pertáte, vitæ austeritáte, in seí-psum non intermísse sæviéndo, corpúsque suum excrucióndo ad mortem usque, per quam sénio conféctus, intra festum Nativitá-tis Dómini, et Stéphaní Proto-mártýris, lenta febre consúptus, ad cœlum feliciter evolávit in pátria, sepultúsque est ibídem in Ecclesiá sui Ordinis. Quum vero tanta sanctitátis fama vivens in-claruísset, hæc ad núntium mor-tis ádeo áucta est, ut úndique concurrerent fidéles ad mortáles ejus exúvias religiósó cultu pro-

sequéndas, felici æmulatióne sín-gulis eum Beátum, et Sanctum conclamántibus, validíssimum í-psus ad Deum patrocínium ím-plorántibus, qui fámuli sui sepúl-chrum miraculórum splendóre, et frequentia gloriósum réddidit. Quæ quidem ómnia quum num-quam cessárint, imo in dies ma-jóra eváserint, Pius Nonus Pón-tifex Máximus cultum públicum ecclesiásticum, ab immemorábili témpore beáto Bentivólío tribú-tum, Apostólica auctoritáte sua ratum hábuit, et confirmávit.

R. Iste homo.

In III. Noct. Homil. Pusillum gregem. de Comm. 2. loco.

Lect. ix. de Homil. Fer., et Comm. in Laud.

Vesp. de sequenti.

Die XXIV.

B. Didaci Josephi a Gadibus

Conf. Ord. N. Cap.

Duplex majus.

Oremus. Oratio.

Deus, qui beátum Dídacum Joséphum Confessórem tuum sciéntia Sanctórum decorásti, et in salutem gentis suæ mirábiliter direxísti: ejus nobis intercessióne concéde, quæ pia, et recta sunt sápere; ut ad regnum glóriæ tuæ feliciter perducámur. Per Dómi-num.

Et fit Comm. B. Bentivolii, et Fer. in Quadrag.

Lect. I. Noct. Justus. de Comm. 1. loco.

In II. Nocturno.

Lectio iv.

Dídacus Joséphus, ántea Jo-séphus Franciscus appellá-tus, Gádibus in Hispania, nobílibus, piisque paréntibus natus est. Quam esset sanctimóniæ láu-dem consequútus, jam in púero

conjectare licuit; noctu enim ad orandum surgebat, summoque mane ad templi fores aderat, ut ad aram Sacerdoti primus ministraret: corpusculum vero innocens flagris, et ciliciis cruciare veluti in deliciis habuit. Adolescens ob ingenii tarditatem aditu ad Ordinem Capuccinorum prohibitus, eo impedimento oratione, et contentione assidua superato, desiderii demum compos est factus, ac vitæ severioris Hispali tirocinium posuit, exegitque cum omnigenæ virtutis fama. Votis sollemnibus nuncupatis, ac postmodum sacerdotio auctus, quo sanctiori vinculo Deo adhærebat, eo ferventius regularum custodia, continuo precandi studio, susque acerrima afflictatione ad perfectionis fastigium contendebat.

R. Honestum fecit.

Lectio v.

Apostolicum ministerium, cui se gerendo imparem reputabat, ex obedientia suscepit. Moxque, divino Spiritu roboratus, Hispaniam universam obire aggressus est, pedestri semper itinere, tunica indutus obsoleta, cibi, ac potus abstinentissimus, nullis umquam laboribus fractus. Vicos, castella, urbes, studiorum universitates, regiam ipsam divini verbi prædicatione, vitæque sanctimonia ad pietatem illéxit. Tempus omne a suggestu vacuum fidelibus per Pœnitentiæ sacramentum expiandis impendebat, pueris sacra catechesi erudiendis, nosocomiis, et carceribus visitandis. Noctes vero orando, meditandoque transigebat; quem si quando somnus occupabat, lectulum fessis artubus nuda humus præbebat. Tanto virtutum splendore commoti undique pó-

puli ad illum confluebant, eo numero ut, cum templa capiéndò non essent, Virum Dei sub diu concionari oporteret. Id autem fere contingebat, ubi Didacus de sanctissima Christi Matre diceret, vel de Trinitate augusta; beatissimam enim Virginem sub Pacífere appellatione, ac Matris divini Pastoris mirifice colebat: de Trinitatis autem mysterio ea sublimitate loquebatur, ut mérito ejus mysterii Apóstolus nuncuparetur.

R. Amavit eum.

Lectio vi.

Didaci exhortationibus difficile dictu est, quot e perditionis via ad semitam salutis reducti sint, quot hæretici ad Catholica dogmata traducti, quot simultates, atque odia restincta. Eo suadente, impii sæpe códices combusti, theatra vero obserata, vel funditus eversa. Tanta erat populorum in eum pietas, et reverentia, ut passim tamquam alter Páulus haberetur; quas tamen publici honóris significatiónes ille demississimo ánimo excipiebat, non secus ac convicia, et insectationes, quibus idéntidem impetebatur. Demum laboribus attritus, gravem incidit in morbum; cujus dolóres cum patientissime tollerasset, Ecclesiæ Sacramentis refectus, qua prædixerat die, anno millésimo octingentésimo primo, ætatis quinquagésimo octavo, Arundæ migravit ad Dóminum. Eum virtutibus, miraculisque illústrem Leo Décimus Tértius Póntifex Máximus Beatórum fastis adscripsit.

R. Iste homo.

In III. Noct. Homil. Pusillum gregem. de Comm. 2. loco.

Lect. ix. de Homil., et Comm. Fer. in Laud.

Vesp. de Annunt. B. M. V. Com.
præc., et Fer.

Die XXVI.

B. Rizzerii a Mucia

Conf. 1. Ordinis.

Duplex. (m. t. v.)

Orémus. Oratio.

Omnipotens, et miséricors Deus, qui beáto Rizzério Confessori tuo donum curatiónum contulisti: tribue nobis, quæsumus; ut, ejúsdem intercessióne ab ómnibus malis expéditi, corónam glóriæ cónsequi mereámur. Per Dóminum.

In I. Noct. Lect. Justus. de Comm. 1. loco.

In II. Nocturno.

Lectio iv.

Rizzérius in Castro Múciæ Diocesis Camerinénsis nobili genere ortus, Bonóniæ humanis disciplinis ánimus excóluit. Ibi quum conciónibus Seráphici Patris una cum beáto Peregríno de Faleróne interfúisset, ambo prótinus ad illum accessérunt, habitúmque Minórum impetrá-runt. Tum Rizzérius per viam activam ámbulans, ac Deo, proximóque fidéliter sérvienti, quum in máximam sancti Patris familiaritatem pervénisset, Mínister Provinciæ Picenæ Anconitanæ constitúitur, quam quidem prudentíssime administrávit.

ꝛ. Honéstum fecit.

Lectio v.

Ut vero tamquam áurum in fornáce probarétur, gravíssimas illi Deus tentatiónes permísit, quibus superándis in abstinentia, ásperis córporis castigatió-nibus, lácrymis, et oratió-nibus se plúrimum exércuit. Ut autem grátiam, quam impetrábat, promptius obtinéret, ad Seráphicum

suum Patrem conténdit, cujus ope, ut tradunt sancti Bonaventúra, et Antonínus, a Deo liberátur. Exínde ab ejúsdem sancti Francisci, qui grávitèr ægrotábat, látere dimovére se nóluit, eíque moriénti ádfuit. A quo cum audísset Minórem Fratrem solis véstibus oportére se esse conténtum, ei se régulæ perfécte conformávit.

ꝛ. Amávit eum.

Lectio vi.

Tandem virtútibus, et miráculis clarus anno millésimo ducentésimo trigésimo sexto in pátria sua spíritum Deo réddidit. Ejus corpus in Ecclesiá sancti Jacóbi secréto in loco occlúsum tándiu mansit, donec judiciáliter Episcopáli auctoritaté fuit recógnitum. Cultus tamen statim ab illius óbitu incéptus, et continúa miraculorum série erga eos præsertim, qui fébribus, uti constans fert tradítio, labórant, confirmátus ad nostra usque témpora perennávit. Quem rite examinátum Gregórius Décimus Sextus ex sacrórum Rítuum Congregatiónis consúlto confirmávit, hujúsque festi honórem concessit.

ꝛ. Iste homo.

In III. Noct. Homil. Sancti Evangelíi. de Comm. 1. loco.

Lect. ix. de Homil. Fer., et Comm. in Laud.

Vesp. a Cap. de sequenti.

Die XXVII.

S. Joannis Damasceni Conf.
et Eccl. Doct.

Duplex. (m. t. v.)

In utrisque Vesperis ad Magnif. Ant. O Doctor.

Orémus. Oratio.

Omnipotens sempitérne Deus, qui ad cultum sacrárum imáginum adseréndum, beátum Joán-

nem cœlesti doctrina, et admirabili sp̄ritus fortitudine imbuisti: concède nobis ejus intercessiōe, et exēplo; ut, quorum cōlimus imāgines, virtutes imitemur, et patrocīnia sentiāmus. Per Dōminum.

Et sit Comm. B. Rizzerii, et Fer.

Lect. I. Noct. Sapiēntiam. de Comm. Doct.

In II. Nocturno.

Lectio iv.

Joānes a pátrio loco Damascēnus dictus, nóbili gēnere natus, humanis, divinisque litteris a Cosma mōnacho Constantinópolis fuit excultus; cumque ea tempestáte Imperátor Leo Isáuricus nefário bello sacrarum Imāginum cultum insectáretur, Joānes hortátu Gregórii Tértii Románi Pontificis, et sermōne, et scriptis sanctitatem illius cultus sēdulo propugnāvit. Quo facto tantam Leónis adversum se invīdiam concitāvit, ut hic conflictis litteris ipsum tamquam proditōrem accusārit apud Damāsci Calīpham, qui Joāne consiliário, et administro utebátur. Crēdulus fráudi Princeps Joānni nequidquam calūniam ejurānti præcīdi dēxteram jussit. Verum innocentīe vindex ádfuit cliēti suo sanctissima Virgo, cujus opem precibus enixe implorāverat, ejusque beneficio trunca manus restituta ita bráchio coáluit, ac si divisa numquam fuisset. Quo máxime miraculo permótus Joānes, quod pridem ánimo concēperat, exequi státuit. Itaque ægre a Calīpha impetrato secēssu, suas omnes facultates in egénos distribuit, et servos libertate donāvit: tum sacra Palēstīnæ loca peregrinus lustrāvit, ac demum una

cum Cosma institutōre suo in Láuram sancti Sabbæ prope Hierosólymam concēssit, ibique Prēbyter initiātus est.

R. Honéstum fecit.

Lectio v.

In religiōsæ vitæ palæstra præclarióra virtutum exēpla mōnachis præbuit, demissiōnis potissimum, et obediētiæ. Abjectissima quæque Cēnóbii mūnia véluti sibi própria deposcēbat, ac sēdulo obibat. Contéxtas a se spórtulas venditāre Damāsci jussus, in ea nimirum civitatē, ubi olim summis honóribus perfūctus fúerat, irrisionēs, ac ludibria vulgi ávide captābat. Obediētiā ádeo cōluit, ut non modo ad quémlibet præsidum nutum præsto esset; sed ne cāusam quidem eórum, quæ præcipiebāntur, quamvis árdua essent, et insólita, quærendam sibi unquam putārit. Inter has virtutum exercitatiōnes Cathólicum dogma de sanctarum Imāginum cultu impénse tuéri numquam dēstitit. Quare ut ante Leónis Isáurici, ita postmodum Constantīni Coprónymi adversum se ódia, vexationesque provocāvit; eo vel magis quod libere arrogāntiam Imperatórum retúnderet, qui fidei negótia pertractāre, deque his sentēntiam arbitrātu suo ferre audēbant.

R. Amāvit eum.

Lectio vi.

Mirum sane est quam multatum ad fidem tutādam, tum ad pietatem fovēdam, et soluta, et adstricta número oratione, Joānes elucubrāverit, dignus sane qui ab áltera Nicæna Synodo amplissimis laudibus celebrāretur, et ob áureum orationis flumen Chrysórrhoas appellāretur. Neque solum contra Iconómachos orthodoxam fidem defen-

dit; sed omnes ferme hæréticos, præsertim Acéphalos, Monothelistas, Theopaschitas strénue impugnávit: Ecclesiæ jura, potestatemque egrégie vindicávit: primátum Principis Apostolorum disertissimis verbis assérnit; ipsúmque Ecclesiárum cólumen, infráctam petram, orbis terrarum magistrum, et moderatórem sæpius nóminat. Univérsa autem ejus scripta non modo eruditíone, et doctrína præstant, sed étiam quemdam ingénuæ pietátis sensum præferunt, præcipue cum Genitricis Dei láudes prædicat, quam singulári cultu, et amóre prosequébátur. Illud vero máxime in láudem Joánnis cedit, quod primus univérsam Theologíam recto ordine comprehénderit, et sancti Thomæ viam complanáverit ad sacram doctrinam tam præclára méthodo tractándam. Tandem vir sanctissimus méritis plenus, devexáque jam ætáte, in pace Christi quíevit anno círciter septingentésimo quinquagésimo quarto. Ejus Officium, et Missam Leo Décimus Tértius Póntifex Máximus, áddito Doctóris título, univérsæ Ecclesiæ concessit.

R. Iste homo.

In III. Nocturno.

Lectio sancti Evangelii
secúndum Lucam.

Lectio vii. Cap. 6.

In illo témpore: Factum est et in álio sabbato, ut intráret Jesus in synagógam, et docéret: et erat ibi homo, et manus ejus dextera erat árida. Et reliqua.

Homília S. Petri Chrysólogi.

Serm. 32.

In hoc hómine ómnium hóminum imágo figurátur, in hoc géritur cura cunctórum, in hoc univérsórum sánitas diu expectá-

ta reparátur. Arúerat enim manus hóminis magis stupóre fidei, quam siccitáte nervórum, et plus culpa consciéntiæ, quam debilitáte carnáli. Antíqua ista nimis erant, et quæ in ipso principio contígerat ægritúdo, nec arte hóminis, aut beneficio póterat hæc curári, quæ Dei fúerat indignatióne contrácta: tetígerat vétita, inconcéssa præsumpserat, cum se ad árborem sciéndi bonum, malúmque porréxerat: auctóre indigébat, non qui malá-gma impóneret; sed qui posset illátam relaxáre senténtiam, et ignoscéndo resólvare quod reli-gáverat indignádo.

R. Iste est.

Lectio viii.

In hoc hómine nostræ tantum Igéritur umbra sanitátis; perfectá autem salus nobis reservátur in Christo: quia tunc aríditas nostræ manus miseránda dissólvitur, cum cruóre perfúnditur Domínice Passiónis, cum in illo vitáli ligno Crucis exténditur, cum carpit fructuósam de dolore virtútem, cum totam árborem salutis ampléctitur, cum clavís Dómini corpus affigitur, quo nunquam ad árborem concupiscéntiæ, et áridæ rédeat voluptátis. Et ait hómini habénti manum áridam: Surge in médium, profésor debilitátis propriæ, supérnæ pietátis exáctor, testis divínæ virtútis, Judáicæ incredulitátis assértor; surge in médium, ut quos non compúngit virtus tanta signórum, quos non ópera tantæ salutis inclinant, vel debilitátis tantæ miserátio constríngat, et mltiget.

R. In médio.

In Quadrag. Lect. ix. de Homil. Fer. et Comm. in Laud. Alias

Lectio ix.

Dixit hómini: *Exténde manum tuam; et exténdit, et restitúta est manus illius. Exténde manum tuam: jussióne sólvitur, quæ fúerat jussióne convincta. Exténde manum tuam. Agnóvit pœna júdicem, opus Deum, indulgéntia pródidit Conditórem. Oráte, fratres, ut sola synagóga tali debilitáte fuscétur, nec sit in Ecclesiá, cujus manum arefáciat cupiditas, cóntrahat avarítia, rapína debilitet, tenácitas ægrótam constringat; sed si accéderit id ipsum, áudiat Dóminum, et cito eam in ópere pietátis exténdat, reláxet et in misericórdia, in elemósynis pórrigat. Sanári nescit, qui nescit páuperi fœnerári.*

Vesp. a Cap. de sequenti.

Die XXVIII.

B. Peregrini a Falerono

Conf. I. Ordinis
Duplex.

Orémus. Oratio.

Omnípotens, et miséricors Deus, qui nobis in beáto Peregríno Confessóre tuo insigne humilitátis exémpplar tribuisti: præsta, quæsumus; ut ipsíus vestigiis inhæréntes in terris, promissa humilibus præmia consequámur in cœlis. Per Dóminum.

Et sit Comm. S. Joannis Damasceni, et Fer.

In I. Noct. Lect. *Beátus vir.*
de Comm. 2. loco.

In II. Nocturno.

Lectio iv.

Peregrínus Faleróni in Picéno natus, pie a piis, nobilibusque paréntibus educátus, Bonóniam adoléscentis pétiit, ut in frequentíssima illa Universitáte philosophicis disciplinis, ac sciéntiæ Cánonum, et Decretálium incúm-

beret. Quum áutem in iis ibi valde proficeret, illuc, divína disponén-te grátia, beátus Franciscus per-réxit, cujus aspéctu, hábitu, in-céssu, et prædicatióne excitátus Peregrínus, derelictis quæ mundi sunt, Minórum Ordini aggregári ferventíssime stúduit. Factus áu-tem voti compos ab ipso beáto Institutóre, simúlque ab eo mó-nitus, ut viam humilitátis tené-ret, constánter hanc velóci pede calcávit; húmilem proptérea ser-vans láici statum, licet sublimi-ó-ribus facultátibus instrúctus.

R. *Honéstum fecit.*

Lectio v.

Humilitáti theológicas, cardi-nalésque virtútes adjúnxit; charitáte præsertim, ac religióne flagrans, obténta vénia, sanctifi-cáta ópere redemptionis nostræ loca, Evangeliórum volúmen se-cum ferens, visitávit, martyrii quoque desidério succénsus. Quæ ut primum corpóreis a longe ócu-lis cernere datum est, mirum dictu, quot, quantisque spíritus fervóribus compunctiónis suæ, ac fidei argumenta præbuerit. Terram illam ampléxibus tenens, óculis donans, lácrymis rigans, salutis humanæ mystéria meditabátur. Quum áutem loca sancta mirá-bili lacrymárum effusióne, ac pietáte singulári recóleret, máximam in cernéntium córdibus devoti-ó-nem excitábat.

R. *Amávit eum.*

Lectio vi.

Itáliam, et pátriam répetens, Iraro ádmodum suos nóbiles consanguíneos visitáre consuévít. Et nonnisi ut illos Christo lucrifáceret, sermónem ad suos habébat, eósdem divíni verbi pá-bulo reficiens, et salutis sémitam docens. Méritis tandem, virtúti-bus, ac miráculis clarus, sancti

Severini in pace quievit: cujus exuvias sanctus Bonaventura in illa Ecclesia sancti Francisci sub ara collocavit, ibique, et alibi sexcentis ab hinc annis publico Ecclesiastico cultu veneratur. Aucta autem miraculorum fama, eorum praesertim, qui dentibus laborantes ad tactum dentisejusdem Beati praesidium experiuntur, Pius Septimus Pontifex Maximus, supplicantibus Archiepiscopo Firmano, Episcopo Septempedano, Minorum Conventualium Ordine, nec non Clero, Magistratu, ac Populo oppidi Faleroni, Diocesis Firmanae, cultum illius approbavit die vigesima octava Julii anni millésimi octingentesimi vigésimi primi.

R. Iste homo.

In III. Noct. Homil. Pusillum gregem. de Comm. 2. loco.

Lect. ix. de Homil. Fer., et Comm. in Laud.

Vesp. a Cap. de sequenti, Comm. praec., et Fer. in Quadrag.

Die XII. Aprilis.

B. Angeli de Clavasie Conf. 1. Ord. Semiduplex. (m. t. v)

Orémus. Oratio.

Deus, qui ad expugnandos Ecclesiae tuae hostes, beatum Angelum Confessorem tuum invicta animi fortitudine roborasti: ejus nobis meritis, et intercessionem concede; ut, omnium hostium superatis insidiis, perpetua pace laetemur. Per Dominum.

Et fit Com. Fer. in Quadrag.

Lect. I. Noct. de Script. occur.

In Quadrag. Beatus vir. de Comm. 2. loco.

In II. Nocturno.

Lectio iv.

Angelus Clavasii in Pedemontio nobili genere natus, ab

ineunte aetate morum innocentia, et candore enituit. Adhuc adolescens tanto erga Dominicam Passionem pietatis sensu afficiebatur, ut eum non semel intempta nocte ad Christi e Cruce pendentis imaginem fervide orantem mater invenerit. Sacrae Theologiae, et Juris utriusque laurea Bononiae insignitus, Senatorem Ordinem in Montisferrati Provincia adeptus est. Interim evangelicae perfectionis studio incensus, trigésimo circiter aetatis anno, mundo, opibus, nobilitati, ac dignitati valedicere statuit, soli Deo inter Fratres Minores Observantes famulaturus. Quamobrem opulento patrimonio, et magistratu abdicato, Genuam proficiscitur, ibique Minorum Institutum amplectitur.

R. Honestum fecit.

Lectio v.

Solenni emissae professione, tantis mox virtutibus excellere cepit, ut omnibus admirationi fuerit, et exemplo. Fervens in eo erat orandi, ac meditandi studium; eximia prorsus in Christi Passione, Virginemque Desparam pietas: flagrantissima in Deum, et proximum charitas. De animarum salute sollicitus, a praedicando Dei verbo vix umquam destitit, et Summam casuum conscientiae composuit, a suo nomine Angelicam nuncupatam. Pauperum adeo miserebatur, ut victum pro illis ostiatum quaereret, nec ulli umquam labori parceret, ut pii erigerentur montes ad eorum levandam inopiam. Paupertatis, obedientiae, et castitatis rigidissimus cultor, corpus suum vigiliis, jejuniis, cilicio, flagellis attrivit. Quibus, aliisque virtutibus in toto Ordine clarus, primum Genuensis Provinciae, totius post Cis-montanae Observantium Familiae

quartus Vicarius Generalis electus est: quæ munia tam sancte gessit, ut illius quique prudentiam, charitatem, mansuetudinem, regularis disciplinæ zelum suspicerent, animique simplicissimam humilitatem.

R. Amavit eum.

Lectio vi.

Apud Principes quoque, Summosque Pontifices prudentiæ, doctrinæ, ac sanctitatis opinionem nactus est maximam. Eum namque Carolus Sabaudia Dux primus sibi in confessarium elegit. Eundem Sixtus Papa Quartus ad evulgandum Cruciatæ fœdus contra Turcas Apuliæ oras tunc infestantes, et Innocentius Octavus ad reprimendam Waldensium hæresim per Italiæ fines grassantem, Nuntium, et Commissarium Apostolicum bono, faustoque eventu delegarunt. Oblatas sibi inde amplissimas dignitates constantissime recusavit. Senio tandem confectus, anno millésimo quadringentésimo nonagésimo quinto, ætatis suæ octogésimo quarto, Cunei sancto fine quievit. Corpus ejus in Ecclesia Fratrum Reformatorum extra mœnia ejusdem Civitatis, quæ eum in Patronum sibi iterato adscivit, integrum adhuc, suavemque spirans odorem, singulari veneratione colitur. Quem quidem cultum ab immemorabili tempore ad ætatem nostram productum, Benedictus Decimus Tertius Pontifex Maximus rite probavit.

R. Iste homo.

In III. Noct. Homil. Sancti Evangelii. de Comm. 1. loco.

In Quadrag. Lect. ix. de Homil. Fer., et Comm. in Laud.

Vesp. a Cap. de seq. Comm. præc., et Fer. in Quadrag.

Die XVIII.

B. Francisci Venimbene a Fabriano Conf. 1. Ord.

Duplex. (m. t. v)

Oremus. Oratio.

Præsta, quæsumus, omnipotens Deus: ut, sicut beatus Franciscus verbi tui præco ita fecit, et docuit, ut magnus esse meruerit in regno cœlorum; nos quoque ejus præcibus, et imitatione, tibi jûgiter verbis, et operibus placere studeamus. Per Dñum.

Lect. I. Noct. de Script. occur.

In II. Nocturno.

Lectio iv.

Franciscus Venimbene ex honestis, piisque parentibus Fabriani in Piceno ortus, in ipsis naturæ claustris futuræ sanctitatis indicium dedit. Ejus enim pia genitrix nullum pondus, non dolores, vel molestias sensit. In lucem editus haud lacrymas, sed risum emisit; et quasi baptismatis undam anhelans, singulari modo gestire visus fuit. Adhuc infans, lethali morbo affectus, præcibus, et voto matris suæ, ad sepulchrum Seraphici Patriarchæ adductus, sanitatem recepit. Tum venerabilis Angelus Tancredi, qui in familiaribus sancti Francisci fuerat, ingenuum puéruli aspectum attente contemplatus, suum consolabilem eum futurum asseveranter prædixit. Sortitus itaque animam bonam, Deique benedictionibus præventus, ab ineunte ætate modestiam, et pietatem fovit. Ante decimum annum humanas litteras didicit, et postea philosophiæ toto animo operam dedit, sacris tamen semper intentus, ut sapientia simul, et pietate proficeret. Cum sexdecim esset annorum, et in suo cubiculo philosophiæ attenderet,

ad Minórum Institútum eum invitántem íterum, ac tértio vocem de cœlo audivísse perhibétur; cui prompte, alacritérque obtémperans, relictis ómnibus, ad fratres Minóres Vallis Eremítæ prope Fabríanum se cóntulit. Erat tunc témporis illius Cœnóbii Præses nómine Grátia, póstea totíus Ordinis Mínister Generalis renuntiátus; qui, ut narrant, de superventúro adolescénste cœlitus præmónitus, læto ánimo, et paterána charitaté illum recepit.

Rj. Honéstum fecit.

Lectio v.

Ineunte tirocinii anno Assísium missus ad Portiúnculæ Indulgéntiam lucrándam, de qua dein librum compósuit, mónita, ac spíritum Seráphici Patriárchæ a fratre Leóne háusit. Sacerdótio áuctus, altáris ministéria tanto ánimo fervóre peragébat, ut plúries in Missis pro defúctis ad verba: requiéscent in pace, multórum Angelórum, vel animárum audítam esse tradant vocem respondéntium, Amen. Divíni verbí præco exímíus efféctus, plúrimas errántes oves dicéndi vi, ac suæ vitæ exémplo ad Jesu Christi ovile redúxit, nulli parcens labóri, ut animárum salutí prospiceret. Primus in suo Ordine, colléctis Doctórum libris, bibliothécam extrúxit, eámque totíus domicilii óptimam officínam appellábat, ex qua arma depromúntur ad hæréticos retundéndos, ac omnígena documénta ad Cathólicam doctrínam illustrándam. Summa veneratióne eum prosequéntes concíves, juxta forum sui óppidi Minorítis cláustrum ædificavérunt, cujus régimen Superiórú obediéntia Franciscus suscipere coáctus, in ómnibus se præbens bonórum óperum exém-

plum, reguláris disciplínæ institúta renováre, et firmáre satégit.

Rj. Amávit eum.

Lectio vi.

Ad perfectiόνis ápicem inde sinénter tendens, contínuo conátu virtútes omnes assequútus est. Abstinéntia enim fuit admirábilis, semel tantum in die, ac solo pane, et aqua vires reficere sólitus; vel paupéribus insérviens, commúni cum illis utebátur cibo. Unica illi erat atque hispida túnica cilício non absímilis; lectulus durus, quo páucis cubábat horis, reliquum noctis témpus divínis láudibus, et contemplatióni tribuens. Orádo áutem tam inténsio in Deum ferebátur afféctu, ut præsertim in Christi Dómini recolénda Passiône, divínæ charitátis dulcedíne perfúsus, ac fletu mádidus conspicerétur. Dolóres Crucifixi cúpiens in suo corpore ferre, aspérrimis flagris usque ad ságuinis effusióne saepe in se animadvertébat. Quaprópter ut osténderet Deus quantópere fídelis hic servus sibi foret accéptus, eum plúribus decorásse miráculis memóriæ próditum est: eidémque diem, et horam óbitus ante aliquot annos revelásse. Præscius itaque sui tránsitus, jamjam moritúrus, adstántibus procéribus, adolescéntulum occúltó morbo laborántem, uti narrant, repénite sanitáti restituit; ac tandem lenta feбри consúmptus, die vigésima secúnda Aprilis, anno tercentésimo vigésimo secúndo supra millesímum, Fabríani feliciter ad Dóminum migrávit, inter fratrum suórum, et pópuli lácrymas. Ejus corpus opórtuit ibi per trídium veneratióni fídeliú expónere in Ecclesiá Ordinis Minórum, in qua dein honorífice sepúltum, ad hæc usque témpora incorrúptum ma-

gna devotiōne cōlitur. Qui cultus ab immemorābili exhibitus, jāmdu ab Apostolica Sede recōgnitus fuit, et confirmātus.

R. Iste homo.

In III. Noct. Hom. Sancti Evangelii. de Comm. I. loco.

Vesp. a Cap. de sequenti.

Die XIX.

B. Conradi ab Asculo

Conf. I. Ord.

Duplex.

Orémus. Oratio.

Deus, qui beatum Conrādum dolōrum Jesu Christi Filii tui jugi meditatiōne mirabilem effecisti: ejus nobis intercessiōne concēde; ut Crucis mortificatiōnem in corde nostro portāre, et vitam cōsequi mereāmur aeternam. Per eūdem Dōminum.

Et sit Comm. B. Francisci.

Lect. I. Noct. de Script. occur.

In II. Nocturno.

Lectio iv.

Conrādus Asculi in Picēno nobilibus parēntibus Francīscō Miliāno, et Agnēte Saladīnia natus, qua futurus esset vitæ sanctitātē, matri statim innōtuit, quæ illum jejūni tēpore non nisi semel in die lac sugentem experta est. Is pietatē cum ætate augens, prophetiæ etiā dono adolescens illustrātus apparuit; nam ad pedes pueri Hierōnymi, qui pōstea Minōrum familiam universam, tum Catholicam Christi Ecclesiā, Nicolāi Quarti sumpto nōmine, gubernāvit, sese prosternere in more habuit. Minōrum Institutū in patria professus, ac Perūsii Doctor renunciātus, Romæ primum in verbi Dei prædicatiōne plurimum adlaborāvit, deinde in Africā profectus, variisque Lybiæ regiōnibus pera-

grātis, mansuetūdine, virtūtum nitōre, miraculisque efferas illas gentes lenivit, ac plura hominum millia Christo lucrātus est.

R. Honestum fecit.

Lectio v.

Romam rediens nudipes, laboribusque attritus, magnam sui admiratiōnem injecit Hierōnymo tunc Minōrum Præsidi, qui paulo post commigrāturus Parisios, jussu Nicolāi Tertiī Pontificis Māximi ad componēda inter Francōrum, et Castellæ Reges exorta dissidia, Conrādum sibi cōmitē adjūgi postulāvit, utique compos factus est. Re bene gesta, Conrādus iterum in Urbem cum Hierōnymo revērsus, post biennium in verbi Dei prædicatiōne transactum, Parisios ad theologicās disciplinās publice explicandas rursus migrāre jussus est. Quo mūnere dum summo plāusu fungebatur, frequentēs etiā ad pōpulum habere conciones, nosocomia, et xenodochia cum ingenti animarum fructu visitare non destitit. Asperrimo præterea vitæ genere usus, virtutibus omnibus, ac evangeliæ perfectiōni vacabat. In Christum patientem tanto ferebatur amore, ut ejus dolōrum particeps fieri quādoque meruerit: augustissimum vero Trinitatis mysterium ea recolēbat fide, ut in ejus nōmine demones ejecerit, ac morbos depulerit.

R. Amavit eum.

Lectio vi.

A Nicolāo Quarto ad Petri Cathedralam recens evēcto Romam revocātus, ut in sacrum Cardinalium collēgium cooptaretur, ubi Asculum pervēnit, gravi morbo correptus, atque Ecclesiæ Sacramētis munitus, die, qua prædixerat, decimo tertio Kalēdas

Majas, annimillésimi ducentésimi octogésimi noni, ætátis suæ quinquagésimo quinto, humi, ut pectierat, decumbens, spíritum Deo réddidit. Corpus ejus flexibile, et bene olens, trídúo inhumátum, deínde Nicolái Pontíficis jussu honorífice tumulátum, post annos octogínta duos ad novam Ecclésiám sancti Francísci translátum est: ubi miráculis, et perpétua pópuli veneratióne adhuc claret. Quibus permótus Pius Sextus Póntifex Máximus, Officium, ac Missam in ejus honórem cum Lectiönibus propriis recitári permísit.

R. Iste homo.

In III. Noct. Homil. Pusillum gregem, de Comm. 2. loco.

Vesp. a Cap. de sequenti Comm. præc.

Die XXVI.

B. Mariæ V. de Bono Consilio.
Duplex 2. class.

In I. Vesperis.

Ant., et Capit. ut ad Laudes
p. 38. Psalmi ut in Festis B. M. V.

Hymn. Ave, maris stella.

V. Ora pro nobis, Mater Boni Consilii. R. Ut digni efficiámur promissionibus Christi.

Ad Magnif. Ant. Candor est lucis æternæ, et speculum sine mácula Dei majestátis, et imágo bonitátis illíus, et ideo nihil inquinátum in eam incurrit.

Oratio ut inf. in Laud. p. 38.

Ad Matutinum

Invit. Sancta María Dei Génitrix Virgo, Mater Boni Consilii, * Intercède pro nobis.

Hymnus.

Plaude festivo, pia gens, honóre,

Dum Genestánam veneráris ædem,

Qua Dei magnæ Genitrícis alma Splendet imágo.

Hæc ubi miram spéciem repente

Obtulit lætis pópulis vidéndam,
Multa mox secum bona ferre nostras

Visa per oras.

Ipsa tunc ægris áderat, moléstos

Córpore morbos, animíque pel-lens,

Longe et ærúmnas Látio immi-néntes

Ipsa fugábat.

Virgo, quæ magnis decoráta signis,

Nunc quoque effúlges, míseris juvámen

Affer, et fuis pátiens cliéntum Annue votis.

Sit salus illi, decus, atque virtus,

Qui super cœli sólio corúscans,
Totíus mundi sériem gubérnat
Trinus, et unus. Amen.

In I. Nocturno.

Ant. 1. Accipe consílium intelléctus, et ne abjícias consílium meum.

Psalmi ut in Festis B. M. V., sub unica Ant.; extra tempus Pasch. ut sequitur.

2. Sine consilio nihil fácias, et post factum non pœnitébis.

3. Audíte disciplinam, et estóte sapiéntes, et nolíte abjícere eam.

V. Venérunt mihi ómnia bona páriter cum illa. R. Et innumerábilis honéstas per manus illíus.

De libro Proverbiórum.

Lectio i. Cap. 2. 10.

Si intráverit sapiéntia cor tuum,
Et sciéntia ánimæ tuæ placúerit, consílium custódiét te, et pru-

déntia servábit te, ut eruáris a via mala, et ab hómine, qui perversa lóquitur; qui relínquunt iter rectum, et ámbulant per vias tenebrósas; qui lætántur cum male fécerint, et exúltant in rebus péssimis; quorum viæ perversæ sunt, et infâmes gressus eórum.

R. Si sapiéntiam invocáveris, et inclináveris cor tuum prudéntiæ: * Tunc intélliges timórem Dómini, et sciéntiam Dei invénies. **ŷ.** Quia Dóminus dat sapiéntiam, et ex ore ejus prudéntia, et sciéntia. Tunc intélliges.

Lectio ii.

Fili mi, ne éffluant hæc ab óculis tuis. Custódi legem, atque consílium; et erit vita animæ tuæ, et grátia fáucibus tuis. Tunc ambulábis fiduciáliter in vita tua, et pes tuus non impínget. Si dormíferis, non timébis; quiesces, et suávis erit somnus tuus. Ne páveas repentinó terróre, et irruéntes tibi poténtias impiórum. Dóminus enim erit in látere tuo, et custódiét pedem tuum, ne capiáris.

R. Si intráverit sapiéntia cor tuum, et sciéntia animæ tuæ placúerit: Consílium custódiét te, et prudéntia servábit te. **ŷ.** Ut eruáris a via mala, et ab hómine, qui perversa lóquitur. Consílium.

Lectio iii.

Ego sapiéntia hábito in consílio, et eruditís intérsium cogitátióibus. Timor Dómini odit malum. Arrogántiam, et supérbiam, et viam pravam, et os bilingue detéstor. Meum est consílium, et æquitás; mea est prudéntia, mea est fortitúdo. Per me Reges regnant, et legum conditóres justa decérnunt. Per me Príncipes imperant, et poténtes decérnunt justítiam. Ego dili-

géntes me díligo; et qui mane vígilant ad me, invénient me.

R. Beátus homo, qui invenit sapiéntiam, et qui áffluit prudéntia: * Primi, et puríssimi fructus ejus. **ŷ.** Pretiósior est cunctis ópibus; et ómnia quæ desiderántur, huic non valent comparári. Primi. Glória. Primi.

In II. Nocturno.

Ant. 1. Justi sunt omnes sermónes mei; non est in eis pravam quid, neque perversum.

2. Consílium illíus sicut fons vitæ pérmanet.

3. Audi consílium, et súscipe disciplínam, ut sis sapiens in novíssimis tuis.

ŷ. Viam sapiéntiæ monstrábo tibi. **R.** Ducam te per sémitas æquitátis.

Sermo S. Augustíni
Epíscopi.

In natali S. Joan. Bapt.

Lectio iv.

Hóminem concépit Elísabeth, hóminem Mariá: sed Elísabeth solum hóminem, Mariá Deum, et hóminem. Mira res est, quómodo potúerit concípere creatúra Creatórem. Quid est ergo intelligéndum, fratres mei, nisi quia ipse sibi fecit carnem de sola matre, qui fecit primum hóminem sine patre, et matre? Primus ille noster casus fuit, quando fémina, per quam mórtui sumus, in corde concépit venéna serpéntis. Persuásit enim serpens pecátum, et admissus est male suádens. Si primus noster casus fuit, cum fémina concépit corde venéna serpéntis, non mirándum, quod salus nostra facta est, cum fémina concépit in útero carnem Omnipoténtis. Utérque ceciderat sexus; utérque fúerat reparándus. Per mulierem in intéritum missi

eramus; per mulferem nobis red-
dita est salus.

R. Fili, custodi legem, atque
consilium; * Et erit vita animæ
tuæ, et grátia fáucibus tuis. y.
Tunc ambulabis fiducialiter in via
tua, et pes tuus non impinget. Et.

Sermo S. Fulgéntii

Epíscopi.

De Laud. Mariæ ex partu Salvat.

Lectio v.

Quoniam diabolus per serpén-
tem Evæ loquútus, per Evæ
áures mundo intulit mortem,
Deus per Angelum ad Mariám
pértulit verbum, et cunctis sæ-
culis vitam effúdit. Angelus ser-
mónem ejecit, et Christum Virgo
concépit. Hoc splendóre concépi-
tur Dei Filius, ac mundítia ge-
nerátur. De cœlis médicus trán-
siens per Vírginem, post trán-
situm suum illæsam fecit Vírgi-
nem permanére. Qui enim disrú-
pta córporum membra in áliis
póterat integráre tangéndo, quan-
to magis in sua Matre, quod in-
venit integrum, pótuít non vio-
láre nascéndo? Crevit enim ejus
partu intégritas córporis pótius,
quam decrevit, et virgíinitas am-
pliáta est pótius, quam fugáta.

R. Audi, fili mi, et súscepe
verba mea, * Ut multiplicéntur
tibi anni vitæ. y. Viam sapién-
tiæ monstrábo tibi, ducam te per
sémitas æquitátis. Ut.

Lectio vi.

Mariá quam præclaríssimis tri-
bus bonis sublimétur, au-
sculta, salutatiónis angélicæ, be-
nedictiónis divínæ, et plenitúdi-
nis grátia. Sic enim eam légitur
salutásse: Ave, Mariá, grátia ple-
na, benedicta inter mulferes. Et
ut nihil non sublíme esset in
hac sanctíssima Vírgine, quam
Angelus grátia plenam salutávit,
non sine divíno consílio factum

est, ut ejus étiam imágenes sum-
mo essent in honóre, et prodígiis,
miraculisque claréscerent. Quas
inter ea tribus abhinc sæculis
præcipuo honóre cólitur, quæ,
Páulo Secúndo sedénte, mirabili-
ter apparuisse in pariete Ecclesiæ
Patrum Ordinis Eremitárum san-
cti Augustíni in Oppido Gene-
stáni Prænestrínæ Diocésis, ex
pontificiis diplomátibus, et sup-
páribus monuméntis comprobá-
tur. Quibus permótus Pius Papa
Sextus præfátis ejúsdem Oppidi
Cœnobítis Officium próprium con-
cessit séptimo Kaléndas Majas,
ipso scilicet Apparitiónis die, re-
citándum, ac deínde illud die,
quæ immediáte subséquitur, pro
ejus recitatióné in pósterum assi-
gnáta, ad univérsum prædictum
Ordinem sub ritu dúpliciis ma-
joris exténdit. Leo vero Décimus
Tértius ad augéndum cultum erga
beatíssimam Vírginem sub título
Matris Boni Consilii novum hoc
Officium approbávit.

R. Ausculta sermónes meos,
et ad elóquia mea inclína áurem
tuam: * Ne recédant ab óculis
tuis, custódi ea in médio cordis
tui. y. Vita enim sunt invenién-
tibus ea, et univérsæ carni sáni-
tas. Ne. Glória. Ne.

In III. Nocturno.

Ant. 1. Via stulti recta in ócu-
lis ejus; qui áutem sapiens est
áudit consília.

2. Cor boni consilii státue te-
cum, non est enim tibi áliud
pluris illo.

3. Sapiens cor, et intelligibile
abstinébit se a peccátis, et in
opéribus justítiæ succéssus ha-
bébit.

y. Coróna sapiéntiæ timor Dó-
mini. R. Replens pacem, et salutis
fructum.

Lectio sancti Evangelii
secundum Lucam.

Lectio vii. Cap. 1.

In illo tempore: Missus est Angelus Gabriel a Deo in Civitatem Galilææ, cui nomen Nazareth, ad Virginem desponsatam viro, cui nomen erat Joseph, de domo David, et nomen Virginis Maria. Et reliqua.

Homilia S. Bernardi Abbatis.

Ex Homil. 2. super Missus
circa finem.

Et nomen, inquit, Virginis Maria, quod interpretatum maris stella dicitur. Ipsa namque est nobilis illa stella ex Jacob orta, cujus radius universum orbem illuminat. Ipsa, inquam, est præclara, et eximia stella super hoc mare magnum, et spatiosum necessario sublevata, micans meritis, illustrans exemplis. O quisquis te intelligis in hujus sæculi profluvio magis inter procéllas, et tempestates fluctuare, quam per terram ambulare; ne avertas oculos a fulgore hujus sideris, si non vis obrui procéllis. Si insurgant venti tentationum, si incurras scopulos tribulationum, respice Stellam, voca Mariam. Si jactaris superbiam undis, si ambitionis, si detractiois, si æmulationis, respice Stellam, voca Mariam. Si criminum immanitate turbatus, conscientie fœditate confusus, judicii horrore perterritus, barathro incipias absorberi tristitiæ, desperationis abisso, cogita Mariam. In periculis, in angustis, in rebus dubiis, Mariam cogita, Mariam invoca. Ipsam sequens, non devias; ipsam rogans, non desperas; ipsam cogitans, non erras; ipsa tenente, non corruis; ipsa protegente, non metuis; ipsa duce, non fatigaris; ipsa propitia, pervenis, et sic in

temetipso experiris quam merito dictum sit: et nomen Virginis Maria.

R. Filii, audite me: * Beati qui custodiunt vias meas. V. Audite disciplinam, et estote sapientes, et nolite abjicere eam. Beati.

Lectio viii.

Intuere, o homo, consilium Dei, agnosce consilium sapientie, consilium pietatis. Redempturus humanum genus, pretium universum contulit in Mariam. Altius ergo intuemini quanto devotionis affectu a nobis voluerit honorari, qui totius boni plenitudinem posuit in Maria: ut proinde, si quid spei in nobis est, si quid gratiæ, si quid salutis, ab ea novèrimus redundare, quæ ascendit deliciis affluens. Tolle Mariam hanc maris stellam, quid nisi caligo involvens, umbra mortis, et densissima tenebræ relinquuntur? Totis ergo medullis cordium, totis præcordiorum affectibus, et votis omnibus Mariam hanc veneremur, quia sic est voluntas ejus, qui totum nos habere voluit per Mariam. In omnibus siquidem, et per omnia providens miseris, trepidationem nostram solatur, fidem excitat, spem roborat, diffidentiam abigit, erigit pusillanimitatem.

R. Principium sapientie timor Domini: * Et scientia Sanctorum prudentia. V. Per me enim multiplicabuntur dies tui, et addentur tibi anni vite. Et. Gloria. Et.

Lectio ix.

Ad Patrem verebarris accedere, solo auditu territus ad folia fugiebas: Jesum tibi dedit mediatorem. Sed forsitan et in ipso majestatem vereare divinam, quod licet factus sit homo, manserit

tamen Deus. Advocátum habére vis et ad ipsum? Ad Mariám recurre. Pura síquidem humanitas in Mariá. Nec dubius díxerim, exaudiétur et ipsa pro reveréntia sua. Exándiet útique Matrem Fílius, et exándiet Fílium Pater. Fílioli, hæc peccatórum scala, hæc mea máxima fidúcia est, hæc tota rátio spei meæ. Quid enim? Potest ne fílius aut repéllere, aut sustinére repúlsam? Non audíre, aut non audíri Fílius potest? Néutrum plane. Invenísti, ait Angelus, grátiam apud Deum: feliciter. Semper hæc invéniet grátiam, et sola est grátia, qua salvámur. Quid nos ália concupiscimus, fratres? Quærámus grátiam, et per Mariám quærámus, quia quod quærit, invenit, et frustrári non potest. Quærámus grátiam, sed grátiam apud Deum: nam apud hómines grátia fallax. Quærant álii méritum, nos inveníre grátiam studeámus. Quid enim? Non grátia est, quod hic sumus? profecto misericórdiæ Dómini est, quod non sumus cónsumpti.

Ad Laudes, et per Horas.

Ant. 1. Ego mater * pulchræ dilectiónis, et timóris, et agnitiónis, et sanctæ spei.

2. In me grátia * omnis viæ, et veritátis, in me omnis spes vitæ, et virtútis.

3. Qui áudit me, * non confundétur; et qui operántur in me, non peccábunt.

4. Da mihi sédium tuárum as-sistricem sapiéntiam, et noli me reprobare a filiis tuis.

5. Optávi, * et datus est mihi sensus, et invocávi, et venit in me spíritus sapiéntiæ.

Capitulum. Prov. c. 8.

Beátus homo, qui áudit me, et qui vígilat ad fores meas quotídie, et obsérvat ad postes óstii mei. Qui me invénierit, invéniet vitam, et háuriet salutem a Dómino.

Hymnus. O gloriósa Vírginum. ut in Festis B. M. V.

†. Dignáre me, laudáre te, Virgo sacráta. rj. Da mihi virtútem contra hostes tuos.

Ad Bened. Ant. Beáta Mater, et intácta Virgo, regína mundi, nostras deprecaciónes ne despicias in necessitátibus, sed a periculis cunctis libera nos semper.

Orémus. Oratio.

Deus, qui Genitricem dilécti Fílii tui matrem nobis dedísti, ejúsque speciósam imáginem mira apparitióne clarificáre dignátus es: concéde, quæsumus; ut ejúsdem mónitis júgiter inhæréntes, secúndum cor tuum vívere, et ad celéstem pátriam feliciter perveníre valeámus. Per eúmdem Dóminum.

Ad Tertiam.

Capit. ut supra.

rj. br. Venérunt mihi ómnia bona * Páriter cum illa. Venérunt. †. Et innumerábilis honestas per manus illius. Páriter. Glória. Venérunt.

†. Viam sapiéntiæ monstrábo tibi. rj. Ducam te per sémitas æquitátis.

Ad Sextam.

Capitulum. Prov. c. 6.

Consérva, fili mi, præcépta patris tui; et ne dimittas legem matris tuæ. Liga ea in corde tuo júgiter, et circumda gútturi tuo.

rj. br. Viam sapiéntiæ * Monstrábo tibi. Viam sapiéntiæ. †. Du-

cam te per sémitas æquitátis.
Monstrábo. Glória. Viam.

✠. Coróna sapiéntiæ, timor Dómini. R. Replens pacem, et salutis fructum.

Ad Nonam.

Capitulum. Prov. 23.

Præbe, fili mi, cor tuum mihi; et
oculi tui vias meas custódiant.

R. br. Coróna sapiéntiæ, * Timor Dómini. Coróna. ✠. Replens pacem, et salutis fructum. Timor. Glória. Coróna.

✠. Veníte, filii, audíte me. R. Timórem Dómini docébo vos.

In II. Vesp. Omnia ut in primis præter

Ad Magnif. Ant. Felix es, sacra Virgo María, et omni láude digníssima; quia ex te ortus est sol justitiæ, Christus Deus noster, magni Consilii Angelus.

Et fit Comm. sequentis.

Die XXVII.

Ss. Cleti, et Marcellini

Pont., et Mart.

Semiduplex.

Officium ut in Breviario hodie vel 26. hujus.

Deinde Com. B. Jacobi Illirici Conf. non Pont. Oratio Adésto.

Die VII Maji.

S. Stanislai Episc., et Martyris.

Duplex.

Officium ut in Breviario hodie.

Deinde fit Comm. B. Agnelli Conf. I. Ord.

Orémus. Oratio.

Domine Jesu Christe, qui beátum Agnéllum a sæculi illécebris absolutum, ad tuæ Crucis sequélam transíre fecisti: fac ita ejus inhærére vestigiis, ut quam in cœlis accépit glóriæ corónam obtinére mereámur. Qui vivis.

Pro B. Agnello C. I. Ord.

Lectio ix.

Agnéllus ex nobili famíliá de Agnéllis, duodécimo exeunte sæculo, Pisis ortus, in ipso juventutis flore a sancto Francisco in religiósus Minórum cœtum receptus, ádeo virtútibus emicuit, ut idem Ordinis Parens custódiam Gálliae Provinciæ ipsi concréderet. Hac egrégie perfunctus, constitútaque Schola Parisiensi, in Angliam, licet adhuc Diáconus, missus est, ut Minórum famíliam eo in Regno constitúeret, atque Ministri Provinciális officio fungerétur. Plúribus ibi Cœnóbiis fundátis, Ordinem mirífice propagávit; Oxónii academíam instítuit, in qua júvenes sacris disciplínis óptime imbueréntur. Res pro religiône, atque Ordine suo præcláre a se gestas virtútum excelléntia superávit. Nam numquam ánimus a cœlestium contemplatióne avertébat, ex qua tam íntima dulcédine afficiebátur, ut ubérrimas lacrymas profúnderet. Ita de se submisce sentiebat, ut nonnisi Superiorum império ad Sacerdótium ineúndum induci potúerit. Dum totis víribus conabátur pacem componere inter Regem, et Dynástam Gallésii, extrémum in morbum incidit annos natus quadraginta duos. Sanctórum mortem obiit tértio Idus Mártias anno millésimo ducentésimo sexto et trigésimo, miráculis in vita, et post mortem clarus. Ejus corpus Oxónii in Ecclesiá sui Ordinis cónditum, post multos annos incorruptum, et óleo suavíssimo éffluens est repértum. Hinc in nóbile mausoléum translátum, condígno honóre persequúti sunt fidéles usque ad schisma Henrici octávi, quo témpore Ecclesiá dí-

ruta, et sacræ exuviæ dispérsæ. Agnelli tamen cultum, qui Pisis, et in Ordine Minorum semper vîguit, Leo Tértius Décimus Summus Póntifex rite probátum confirmávit, et Pisánæ Archidiocési, Minorúmque Ordini Officium de eo, ac Missam benigne indúlsit.

Et fit Comm. B. Agnelli.

Oratio ut supra.

Vesp. de sequenti.

Die XIV.

B. Gherardi a Villamagna

Conf. 3. Ord.

Duplex.

Orémus. Oratio.

Deus, qui per jugem Filii tui Passiõnis memóriam béatum Gherárdum Confessórem tuum altíssimæ contemplatiõnis, et pœnitentiæ stúdio decorásti: da nobis fámulis tuis; ut, ejus vestígiis inhærentes, redemptionis præmia cónsequi valeámus. Per eúndem Dóminum.

Et fit Comm. S. Bonifacii Mart.

Orémus. Oratio.

Da, quæsumus, omnipotens Deus: ut qui beáti Bonifacii Mártiris tui solémnia cólimus, ejus apud te intercessiõnibus adjuvémur. Per Dóminum.

Lect. I. Noct. de Script. occur.

In II. Nocturno.

Lectio iv.

Gherárdus húmili génere natus in óppido Villamágnæ prope Floréntiam duodécimo æræ Christiánæ vertente sæculo, paréntibus arvis excoléndis addictis adhuc puer orbátus, Floréntiæ ab ipsis arvórum heris domo excéptus, pie, christianéque fuit educátus. Quum autem unus ex his eques Hierosolymítanus navigatúru esset in Syriam advérsus infidéles, egrégia Gherárdi índole,

et virtútum ornátu captus, voluit eum, cui jam per ætatem licébat, sócium sibi adsciscere. Sed quum præliántes ambo in hóstium manus misere devenísset, post ingéntes ærumnas redempti fuére. Quum vero eques, quocum iter fécerat, decessísset, Gherárdus in perlustrándis Terræ Sanctæ locis ad pœnitentiæ stúdiu in-flammátus, in Etrúriam rédiit, et in suum tugúrium apud Villamágnam sese recepit. Non multo post cum áltero Ordinis Hierosolymítáni équite íterum Syriam pétiit, et quum navim, qua ipse una cum viginti Hierosolymítariis militibus vehebátur, ab immáni piráta víribus multo majóribus oppugnári vidéret, non áliter quam eníxis ad Deum préciibus ab imminéti illo discrimine sese, sociósque liberávit.

R. Honéstum fecit.

Lectio v.

Hierosolymis alíquot annos Hmorátus, ob spectáta ejus virtútum mérita équitum Hierosolymitariórum Cruce donátus fuit, atque inter eos cooptátus, quos Auxiliáres seu Famulántes appellant. Ibídem singulári erga infirmos, et peregrínos charitáte, et assíduæ cœléstis contemplatiõnis stúdio máximam sibi sanctitátis famam adéptus est. Ejus itaque declinánde cáusa ab Ordinis præsidibus véniam pétiit redeúdi in pátriam. Itáliam versus návigans, sæva maris procélla suis préciibus sedáta, et in Etrúriam appúlsus, a sancto Francíscº Assisiénsi Tértii Ordinis Minorum hábitum devotíssime accépit. Pátriam deínde répetens, in domunculam extra óppidu secéssit ea mente, ut eremíticam vitam posthac dúceret, ubi flagellatiõnibus ásperum, cœléstium tamen con-

templatione suave vitae genus instituit. Pane tantum, et herbis utebatur ad victum, quibus raro legumina addebat, ac praeter Ordinis Minorum abstinencias, ter in hebdomada jejunabat. Charitate in proximum ardens, ut juvaret aegros, egenosque, stipem ipse quaeritabat, omnesque ad eum confluentes, vel in rectam salutis viam revocare, vel ad perfectionem impellere omni ope, atque opera studebat.

R. Amavit eum.

Lectio vi.

Orandi assiduitate callum genibus obduxisse post ejus obitum compertum est. Nam praeter diurnas preces, Ecclesias valde inter se dissitas ter per hebdomadam noctu visitabat, vetustam praesertim in vertice montis, qui Incontrus appellatur, quem locum beatus Leonardus a Portu Mauritio consulto ad sui Ordinis recessum instituendum seligit, quia in eo frequentius Gherardus in coelestium rerum contemplatione sese recipere consueverat. Dono tandem prophetiae, scrutationis cordium, morborum sanationis, et miraculorum clarus, plenusque dierum, anno millesimo ducentesimo quadragésimo secundo, sui obitus die cuidam monacho e sacra sancti Benedicti familia, quo conscientiae moderatore utebatur, praenuntiato, et Ecclesiae Sacramentis rite, devotaeque munus, mense Majo placide obdormivit in Domino. Statim ejus habitaculo ob miraculorum copiam in Ecclesiam ei dicatam constructo, ejusque corpori in lapidea urna recondito, publicus, et ecclesiasticus cultus exhiberi coepit, quem per annos fere sexcentos jugiter continuatum, et auctum, Summus Ponti-

fex Gregorius Decimus Sextus, ex Sacrorum Rituum Congregationis consulto, anno millesimo octingentesimo trigésimo tertio solenni decreto ratum habuit, et confirmavit, benignaeque indulisit, ut ejus festum tam a Clero Florentino, et Fesulano, quam ab Ordine tum Hierosolymitano, tum Minorum sancti Francisci, Missa, Officioque proprio celebraretur.

R. Iste homo.

In III. Noct. Homil. Pusillum gregem. de Comm. 2. loco.

Pro S. Bonifacio Mart.

Lectio ix.

Bonifacius civis Romanus, quod cum Aglae nobili matrona impudice versatus esset, tanto illius intemperantiae dolore captus est, ut poenitentiae causa se ad conquirenda, et sepelienda Martyrum corpora contulerit. Itaque relictis peregrinationis sociis, cum Tarsi multos propter Christianae fidei professionem variis tormentis cruciatus vidisset, illorum vincula osculatus, eos vehementer hortabatur, ut constanter supplicia perferrent, quod brevem laborem sempiterna requies consecutura sit. Comprehensus igitur, ferreis ungulis excarnificatus est; cui etiam inter manuum ungues, et carnem acuti calami sunt infixi, plumbumque liquefactum in os ejus infusum. Quibus in cruciatus ea vox tantum Bonifacii audiebatur: Grattias tibi ago, Domine Jesu Christe, Fili Dei. Mox in ollam ferventis picis demisso capite coniectus est: unde cum inviolatus exisset, ira incensus iudex, eum securi percuti jubet. Quo tempore magnus terrae motus factus est, ita ut multi infideles ad Christi Domini fidem converterentur. Eum sequenti die quaerentes socii, cum

martyrio affectum cognovissent, quingentis solidis ejus corpus redemerunt, et conditum unguentis, linteisque involutum, Romam portandum curarunt. Quod factum cum ab Angelo Aglae matróna, quæ et ipsa pœnitens se piis operibus addixerat, cognovisset, prædiens obviam sancto corpori, Ecclesiâ ejus nómine ædificavit; in qua corpus sepultum est Nónis Júnii, cum ejus ánima pridie Idus Maji apud Tarsum Ciliciæ urbem migrasset in cœlum, Dialectiâno, et Maximiano Imperatoribus.

In Laud. fit Comm. S. Bonifacii Mart.

Vesp. a Cap. de sequenti.

Die XV.

B. Benvenuti a Recineto Conf.

1. Ord.

Duplex. (m. t. v.)

Orémus. Oratio.

Largire, miséricors Deus: ut dum beati Benvenuti memoriam colimus; humilitatis, et devotionis ejus vestigia sectemur in terris, ac tecum beatam mansionem ejusdem intercessione teneamus in cœlis. Per Dóminum.

Et fit Comm. B. Gherardi.

Lect. I. Noct. de Script. occur.

In II. Nocturno.

Lectio iv.

Benvenútus Recinétii in Picéno Décimo tertio Christiáni nóminis sæculo ortus est. In patérna domo a téneris annis pie educátus, tali, tantóque amóre in Jesum Christum exársit, ut sæculi illécebras, ac voluptates pessumdare decreverit. Quare, ut in suscepto perfectionis trámite graderétur, magis, magisque in dies proficeret, inter Fratres láicos Franciscánæ familiæ in eádem ci-

vitáte adscítus fuit. Ibi sub Seráphica vivéndi norma Deo sacrátus, in omni semper virtútum genere se exércuit. Humilitáte præcélens, vilióra quæque domus, ac laboriosióra múnia prætulit. Devotióne excellentior, tempus, quod ab exequendo ministério supererat, in Ecclesiâ ferventissimo, quo flagrábat in Christum, affectu orans, lætus insumébat.

Rj. Honéstum fecit.

Lectio v.

Cum Frátribus reficiendis cibária ipse paráret, quodam mane dilúculo Ecclesiâ perréxit oráturus, eo consílio, ut pro more múnieri suo extémplum se redderet. Sed jam imminébat refectiõnis hora, quin cœlestis contemplatiõnis dulcédine absorptus, obeúdo ministério se restitúeret. Sénsibus deinde rédditus, angústiiis prémitur, Fratres existimans própria culpa necessariâ refectiõne privandos. Verum vix culinam repétiit, cum ab Angelo pulchérimi júvenis formam præseferente salutátur, a quo cuncta cibândis Frátribus paráta didicit, ipsis jucundióra se nunquam degustasse testántibus. Fervéntior inde factus, dum sacris intérerat, ac Eucharístico cibo, quem ávide semper exoptábat, crebro reficerétur, non sibi, sed Christo, in quem transformári cupiébat, vívere videbátur.

Rj. Amávit eum.

Lectio vi.

In éxtasim persæpe raptus, eo Iprocéssit ascensiõe férvida in Deum, ut bráchiis Christum Jesum complécti merúerit. Tot charismátibus a Deo cumulátus, vix dici potest, quantum in religiósâ perfectiõe profecerit ad óbitum usque pretiósus, qui ínibi tertio Nonas Maji cóntigit, nostræ Re-

demptiōnis anno millésimo ducentésimo octogésimo nono. In exsmiæ sanctitátis argumento signis cláruit, atque miráculis. Pretiosissima ejus spólia civium, ac finitimórum affluente cœtu summa veneratiōne incessanter excépta sunt. His permótus Pius Séptimus Póntifex Máximus, præfátum cultum ratum hábuit, ac Missam, et Officiū in honórem beáti Benvenúti recitári indúlxit.

R). Iste homo.

In III. Noct. Homil. Sancti Evangelii. de Comm. 1. loco.

Vesp. a Cap. de sequenti.

Die XXIX.

Bb. Stephani, Raymundi, et Sociorum Mart. 1. Ord.

Duplex.

Orémus. Oratio.

Deus, pro cujus amóre, ac fidei tuendæ zelo beátus Stéphanus, Raymúndus, et Sócii gládiis impiórum occubuere: præsta, quæsumus; ut, eórum suffrágiis in fide stábiles, te semper ex ánimō diligámus. Per Dóminum.

Et fit Comm. S. Augustini.

Lect. I. Noct. de Script. occur.

In II. Nocturno.

Lectio iv.

Quo témpore Tolosána Diocesis lethífera labe Albigensium inficiebátur, immortalis memoriæ Póntifex Gregórius Nonus Christi fidélium salúti prospiciens, Inquisitóres illuc misit lectíssimos viros tum ex Minórum, tum ex Ordine Prædicatórum. Ex primis erant Stéphanus de Narbóna, et Raymúndus de Carbonériis. Ex áliis vero Guillelmus Arnáldi, ejúsque sócii Bernárdus de Rupe forti, et Gárcias de Aura. Hisce et charitatē, et múnere sex álii adjugebántur,

nimírum Prior Monastérii ex Ordine sancti Benedicti in óppido Avenionéti, mónachus Clusinus nuncupátus, Raymúndus Tolosána Ecclesiæ Archidiáconus, Bernárdus ejúsdem cléricus, Fortanérius, et Admárus item clériici, qui Nuntiórum munus explébant, láicus demum tabéllio Petri nómine. Hosce undecim una fidei, et múnere societate conjúctos pari glóriæ triúmpho, immortalisque vitæ Deus reservávit.

R). Sancti tui.

Lectio v.

Nam cum eo, quo par erat stúdio, et indústria missi a Pontífice Inquisitóres suo múnere fungeréntur, Albigensium ira, et livor aspérius desæviit. Raymúndus ab Álfaro, vir scelestíssimus, et Albigensium doctrinis imbútus, qui nómine Tolosáni Cómitis óppido Avenionéti præfectus erat, quod óppidum a civitate Tolosæ non longe distat, Inquisitóres, eorúmque sócios in ædes dynástæ arcessívit. Ingens patébat aula juri dicéndo comparáta. Eo cum ingressi essent Inquisitóres, eorúmque cómites supramemoráti, e látebris dispositi satéllites erumpunt. Adoriúntur illos non solum inérmes, sed ultro, alacritérque mori parátos. Nulli igitur exaudíti gémitus, aut ejulátus moriéntium, sed læta cántica ex ore occumbéntium personábant, cum Ambrosiánum hymnum canéntes voce concórdi grates ætérno Deo persólverent. Cántigit autem eórum beáta mors anno Dómini millésimo ducentésimo quadragésimo secúndo, quarto Kaléndas Júnii, nocte videlicet Ascensionis Dómini nostri Jesu Christi.

R). Vérbera carníficum.

Lectio vi.

Infandum scelus, ac illústris Servórum Dei óbitus diu latére non póterant. Vel étiam homínibus tacéntibus rem gestam signa, et osténta insólita prædicavérunt, quorum plura réferunt comí, ac posteriôres histórici. Omnium ergo ore tamquam veri Christi Mártyres hábiti sunt, et Ecclesiásticus cultus statim illis exhibitus, tum in Tolosána civitaté, tum in óppido Avenionéti, ubi eórum festum quotánnis ad hæc usque témpora recólitur. Hunc autem immemorábilem cultum Pius Nonus Póntifex Máximus, audito prius Sacrórum Rítuum Congregatiónis oráculo, adprobávit octávo Idus Septémbris anni millésimi octingentésimi sexagésimi sexti.

Rj. Tamquam áurum.

In III. Noct. Homil. Dóminus, ac Redémptor. de Comm. plur. Mart. 1. loco.

Temp. Pasch. Homil. Iste locus. de Comm.

Vesp. de sequenti.

Die XXXI.

B. Felicis a Nicosia C. Ord. Cap. Duplex majus.

Orémus. Oratio.

Dómine Deus, qui béatum Felícem Confessórem tuum in simplicitáte, et humilitáte tibi servire, ac mirábiles in corde suo ascensiónes dispónere docuísti: concéde propítius; ut ipsíus exémpa sectántes in terris, ejúsdem glóriæ partícipes efficiámur in cælis. Per Dóminum.

Et fit Comm. S. Ferdinandi C.

Deinde S. Petronillæ Virg.

Oratio Exáudi nos. de Comm.

Lect. I. Noct. Beátus vir. de Comm. 2. loco.

In II. Nocturno.

Lectio iv.

Felix paréntibus religióne magis quam ópibus præstántibus Nicosiæ in Sicilia natus, a genitrice sua Cathólicæ religiónis rudiménta edóctus, pueritiám, atque adolescéntiam in cordis simplicitáte transégit; et sutóriæ officinæ addíctus, verbis, atque præcláris virtútum exémpis sodáles ad Christiánæ pietátis ópera allícere stúduit. Vigésimum octávum annum agens, sancti Francisci hábitum in Fratrum Capulatórum Ordine induit, et sancti Felicis a Cantalicio, cujus nomen assúmpsit, vestígia sequens, iter perfectiόνis ad óbitum usque calcávit. Siquidem monásticam disciplínam semper ad exémpulum servávit, árduas Institúti régulas, et austeritátes diligentíssime exequútus est. Spíritu, et re paupérrimus, ne cêlulam quidem própriam hábuit; castitátis cultor exímíus, eam duríssimis cruciátibus véluti sepe circúmdedit. Præsidum mandátis prompto, hilarique ánimo semper páruit. In Dei timóre defixus, peccátum vel levíssimum exhóruit. Díebus vero singulis Sanctíssimo Christi Córpo se reficiens, tanto dilectiόνis æstu in Deum ferebátur, ut pro ejus glória étiam mori veheménter exoptáverit, atque cœlestis ille ignis quo inflammabátur, ex ore quoque, et óculis emicáret.

Rj. Honéstum fecit.

Lectio v.

Sibi uni aspérrimus, cunctis affábilis, et mitis, proximórum salúti totum se dedit. Cum inter cives, et oppidános stipem mendicáret, ádeo ejus candor ánimi, et omnígenæ virtútis exém-

pla valuere, ut alios a vitae pravitae avocaret, alios alacriores ad virtutem sectandam feliciter efficeret. A labore, atque ærumnis infractus æternæ proximorum salutis consuluit, pauperibus solatium, merentibus levamen, ægrotantibus tenerrimam cordis miserationem exhibuit. Cum autem tot floreret virtutum opibus, ipse se unus ignorabat, et contemni, ac pro nihilo haberi peroptabat. Sed qui exultat humiles Deus supernis illum cumulatissime charismatibus locupletavit. Etenim prophetiæ dono excelluit, et cordium perscrutationis, ac tanta etiam miracula, cum viveret, operatus est, ut veluti Thaumaturgus suspiceretur, et prædicaretur. Cœlesti vero sapientia ita ornatus apparuit, ut ad eum cujusque conditionis homines confluerent, egrægia consilia, et documenta salutis relaturi. Porro tot, tantisque virtutibus insignem, et supernis muneribus tam abunde ditatum virum non modo vulgares homines, sed etiam viri pietate, prudentia, ac dignitate præstantes unanimes sententia sanctum asserabant, et proclamabant.

R. Amavit eum.

Lectio vj

Aetatis suae annum septuagesimum prætergressum, labores, asperitates, et diuturna jejunia in extremam infirmitatem impulere; ejusque mors innocentissimæ vitæ consentanea fuit. Nam morbi doloribus jucundo animo toleratis, eo augustissimo Sacramento pro summa reverentia flexis genibus recepto, pridie Kalendas Junias, anno millésimo septingentesimo octogésimo séptimo, cupiens dissolvi, et esse cum Christo, ter Cœnobii Præpositum ab hoc mundo discedendi veniam

flagitavit, eaque tandem impetrata, animam efflavit tanta vultus hilaritate, ut non e vita migrare, sed a vinculis erumpere videretur. Quæ de illo vivente percrebuerat sanctitatis fama, postquam mortalem hanc vitam cum beata commutavit, aucta magis, atque diffusa est, accedente celebritate miraculorum a Deo ad ipsius invocationem patratorum. Quorum duobus discussis, atque probatis, Summus Pontifex Leo Décimus Tértius Felicem beatum nuncupandum esse decrevit, atque de eo Officium, ac Missam in universo Capulaturum Ordine celebrari concessit.

R. Iste homo.

In III. Noct. Homil. Sancti Evangelii. de Comm. 1. loco.

In Laud. Comm. S. Petronilæ Virg.

In II. Vesp. Comm. seq.

Die I. Junii.

B. Jacobi de Strepa
Episc., et Conf. 1. Ord.

Duplex. (m. t. v.)

Crémus. Oratio.

Deus, qui in beato Jacobo Confessore tuo, atque Pontifice Apostolicum evangelizandi spiritum mirabiliter renovasti: præsta quæsumus; ut, ipso intercedente, fide, ac moribus tibi jûgiter adhæreamus. Per Dóminum.

In I. Noct. Lect. de Script. occur.

In II. Nocturno.

Jacobus Senatória Strepárum Família in majóri Polónia ortus, in ipso juventutis flore Minoriticum sancti Francisci Ordinem ingressus est. In eo constitutus, nihil magis cordi habuit, quam ut pro viribus sublimes assumpti status virtutes sibi com-

paráret. Missus in Rússiam, Societáti peregrinántium Fratrum nuncupátæ comes Missionárius adjúctus est. Subínde Cœnóbii Leopolitáni præfectúra ipsi demandata fuit, ac Vicárius Generalis totius illius Missiónis auctoritate Apostólica fuit renunciátus, quæ múnia egrégie explévit. Demórtuo Archiepiscopo Kaliciénsi, deprecánte Polóniæ Rege, Bonifácius Nonus ad eam Metropolitánam Ecclesiám, quæ deinceps Leópolis translata est, Jacobum evéxit.

R. Inveni David.

Lectio v.

Mirum dictu est, quam præclára ómnium virtútum ediderit specímína toto octódecim annórum spátio, quibus illam rexit Ecclesiám. Abjéctum sui Institúti hábitum retinére, ac dimísso suæ familiæ stémmate, beatæ Mariæ Vírginis effigiem, ánnulo pastoráli insculptam, deferre glóriæ duxit. Devotióne erga augustíssimum Eucharistiæ Sacraméntum, ac Deíparam Víginem apud pópulum sibi commissum magno zelo promóvit. Multas Ecclesiás edificávit, et Religiosórum Monastéria áuxit, quæ de Décimis sibi assignátis dotávit. Paupéribus sublevándis, peregrinis hospítio suscipiéndis, dissidentibus componéndis totum se præbuit. Omnis géneris incómmoda pertulit in pastorálibus officiis exequéndis, ut Dei glóriæ, Ecclesiæ incremento, et animárum salúti prospiceret.

R. Pósuí adjutórium.

Lectio vi.

Quemádmódum illústrem Episcopum se præstitit Jacobus, sic et egrégium Reipúblicæ Optímátem in eo miráti sunt omnes. Quum enim tunc témporis Polóniæ

Regnum Barbarórum incursiónibus perturbaretur, non solum públicis indictis præcibus divíná opem implorándam curávit, verum étiam Senatóris officio fungens, tum privátim, tum in públicis Comitíis, salubérrima consília præstábat ad repelléndos hostium conátus. Quaprópter comúní póstmodum elógio pátriæ, et Regni custos vocábitur. Tandem anno quadringentésimo undécimo supra millésimum, labóribus confectus, et sénio gravátus, pretiósam in conspéctu Dómini mortem Leópolis oppétiit. Sanctitátis ejus fama in tota Rússia, Polónia, aliisque finítimis Provinciis confestim, Deo multis signis eam confirmánte, ádeo inváluit, ut Fidèles eum uti Sanctum cólere cœperint. Hunc cultum nunquam interrúptum Summus Póntifex Pius Sextus benígue approbávit.

R. Iste est.

In III. Nocturno.

Lectio sancti Evangelíi
secúndum Joánnem.

Lectio vii. Cap. 10.

In illo témpore: Dixit Jesus Pharisæis: Ego sum Pastor bonus. Bonus Pastor ánimam suam dat pro óvibus suis. Et reliqua.

Homília S. Augustíni Epíscopi.
Serm. 137. de verb. Evang. Joann.

Cap. 5.

Cum legerétur Evangelium, puto, quod animadvertístis, quod designávit Dóminus pastórem, designávit mercenárium, designávit furem. Pastórem dixit ánimam suam pónere pro óvibus, et intráre per jánuam. Furem dixit, et latrónem ascéndere per áliam partem. Mercenárium dixit, lupum, vel étiam furem si vídeat,

fugere, quia non est illi cura de ovibus; mercenarius est enim, non pastor. Ille intrat per januam, quia pastor est; ille ascendit per aliam partem, quia fur est; ille videns eos, qui volunt tollere oves, timet, et fugit, quia mercenarius est, quia non est illi cura de ovibus; mercenarius est enim. Si invenimus tres istas personas, invenerit sanctitas vestra, et quos diligatis, et quos toleretis, et quos caveatis. Diligendus est pastor, tolerandus est mercenarius, cavendus est latro.

Rj. Amavit eum.

Lectio viii.

Sunt homines in Ecclesia, de quibus dicit Apostolus, qui ex occasione evangelizant, querentes ab hominibus commoda sua, sive pecuniaria, sive bonorum, vel laudis humanae. Quomodolibet volentes accipere munera evangelizant, et non tam salutem ejus querunt, cui annuntiant, quam commodum suum. Ille autem, qui audit salutem ab eo, qui non habet salutem, si ei crediderit, quem ille annuntiat, neque in illo spem posuerit, per quem illi annuntiatur salus: qui annuntiat, habebit detrimentum: cui annuntiatur, habebit lucrum. Habes Dominum dicentem de Phariseis: Cathedram Moysi sedent. Non eos solos significabat Dominus: quasi vero eos, qui crederent in Christum, ad Judaeorum scholam mitteret, ut ibi discerent, quemadmodum iter sit ad Regnum celorum.

Rj. Sint lumbi.

Lectio ix.

Nonne ideo Dominus venit, ut institueret Ecclesiam, ipsosque Judaeos bene credentes, et bene sperantes, et bene diligén-

tes segregaret tamquam frumenta a paleis, et faceret unum parietem circumcisionis, cui conjungeretur alius paries ex praeputio Gentium: quibus duobus parietibus de diverso venientibus, esset ipse Lapis angularis? Nonne ergo idem Dominus de duobus istis plebibus in uno futuris dixit: Habeo et alias oves, quae non sunt ex hoc ovili? Loquebatur autem Judaeis: oportet me, inquit, et eas adducere, ut sit unus grex, et unus pastor.

Vesp. a Cap. de sequenti.

Die VIII.

B. Pacifici a Ceredano Conf.

1. Ord.

Semiduplex. (m. t. v)

Orémus.

Oratio.

Deus, qui beatum Pacificum Confessorem tuum verbo, atque exemplo clarere fecisti: praesta, quaesumus; ut ejusdem vestigia sectantes, ad coelestem patriam perducamur. Per Dominum.

Lect. I. Noct. de Script. occur.

In II. Nocturno.

Lectio iv.

Pacificus Ceredanensis, ab ineunte aetate adversis probari coeptus, pios parentes inter luis, bellique strages extinctos amisit. Sic misere orbatus, in Benedictinum sancti Hieronymi Monasterium apud Novariam benigne recipitur a Praesule, qui in puero egregiam, piamque indolem admiratus, eum liberalibus disciplinis erudiendum curavit. Sed hoc etiam vita functo, juvenis Evangelicae perfectioni studens, Franciscane Institutum professus est. In quo ad perfectam susceptam vitae rationem totum se informans, litterarum studia ita cum virtutum omnium exercitatione con-

júnxit, ut insigni doctrína non minus, quam sanctimónia clarus passim haberétur.

R. Honéstum fecit.

Lectio v.

Ilagrans charitatē, vires omnes animi, et spirituália dona, quæ divína meditándō, ac seípsum afflictiándō háuserat, et fovérat, in procurándis quæ Dei sunt, pénitus impendit. In Sacerdotáli ob-eúndo ministério laborávit indefessus; et cum evangelizáret virtúte multa, erróres oppugnávit, mores corréxit, ódia, factionésque sedávit. Ubi miserórum cása agerétur, nihil intermísit, quo eis levámini esset, et solátio. Desparam Virginem summa pietáte colens, ejus cúltoi amplificándō óperam dedit, Sodalitatés instituit, sacéllum eréxit. Regulárem observántiam, et Ecclesiásticam disciplínam ore, exémplo, excitátisque Cœnóbiis, promóvit: illa quoque móribus dirigéndis ab eo conscripta est Summa, quæ de ejus nómine Pacífica prænotátur. In ómnibus constánter húmilis, obédiens, ac sanctam præferens hilaritátem visus est, sive urgérent advérsa, sive secúnda arri-dérant.

R. Amávit eum.

Lectio vi.

Hisce virtútibus, et probáta solérti ejus in árduis prudéntia, toti suo Ordini, et Sixto Quarto commendátus, legátus est in Sardíniam. Ibi cum partes sibi commissas religiósē adímplet, cum ánimos éxcitat ad profligándos Turcas ab Italis oris, prout prædixerat oppidánis suis, sese non ámplius ab iis, nisi mórtuum visum iri, Sássari ad súperos migrávit, anno millésimo quadringéntésimo octogésimo secúndo, ætátis suæ quinquagésimo octávo.

Sacræ dein exúviæ ejus Ceredánum translátæ, Clero, et pópulo exultánte, honorífice cónditæ sunt in sacéllō ab eo extrúcto; ubi impénsa in dies veneratióne cóluntur. In vita, et post mortem miráculis præfúlsit; cultum públicum ei exhibítum Benedictus. Décimus Quartus confirmávit.

R. Iste homo.

In III. Noct. Homil. Sancti Evangélii. de Comm. I. loco.

Vesp. de sequenti.

Die IX.

B. Bartholomæi Pucci Conf.

I. Ord

Duplex. (m. t. v.)

Orémus. Oratio.

Dómine Jesu Christe, qui beáto Bartholomæo Confessóri tuo ómnia dimittere, et te alá-criter sequi tribuísti: ejus méritis, et intercessióne concéde; nos quoque pro amóre tuo terréna despícere, et sola cœléstia sectári. Qui vivis.

Et fit Comm. B. Pacifici.

Deinde Ss. Primi, et Feliciani Mart.

Orémus. Oratio.

Fac nos, quæsumus, Dómine, sanctórum Mártyrum tuórum Primi, et Feliciáni semper festa sectári: quorum suffrágiis protecti-ónis tuæ dona sentiamus. Per Dóminum.

Lect. I. Noct. de Script. occur.

In II. Nocturno.

Lectio iv.

Sæculo décimo tértio labénte, Scum diræ, cruentæque facti-ones per Itáliam late invaléscerent, et Etrúriæ urbes undequaque rapínis, incendiis, ac vastati-ónibus præmeréntur, Fratres Minóres juxta Evangélicæ virtútis nor-mam vitam componéntes, fidélium

plurimos ad sui imitationem trahébant. Inter hosce Bartholomæus, a Puccio patre, et Francisco avo suo nuncupatus, in primis censendus est. Nam nobili genere in Monte Politiano ortus, ibique jam cum spectatissima uxore, et filiis suis, licet sæculi distentus curis, pie, ac juste vivens, magno cœpit flagrare ardore ad arctiora pœnitentiae, ac paupertatis vota transeundi. Quare, impetrata vœnia a conjuge sua, quæ et ipsa perpetuam castitatis voto sese devinxit, nec non liberorum negotiis compositis, mundo, et divitiis valedixit, ac Seraphici Patris Francisci Sodalicibus adscriptus, suave Jesu Christi jugum amplèxus fuit.

℞. Honestum fecit.

Lectio v.

Velut igitur novus homo in virénti illa religiosa palæstra se exércens, virtutum omnium culturæ animum inténdit; Regulari præsertim observantia, paupertatis, et castitatis custodia, ac severitate, qua corpus suum in servitutem redigebat, exemplar ceteris factus. Ad Sacerdotium, quamquam præ humilitate reluctans, diligenti habita præparatione, evectus, majori alacritate incéptum perfectionis iter currere visus est. Orationi, divinæque contemplationi tantopere se dedit, ut seraphicis liquesceret ardoribus; interdum quoque illius faciem supernæ claritatis lumine emicasse, eumque suavi éxtasi raptum tradunt. Pari erga proximos charitate incensus, cuicumque pauperi pro Christi amore poscenti, sancti sui Institutoris propositum imitatus, eleemosynam non denegabat.

℞. Amavit eum.

Lectio vi.

Hanc servi sui in egenos charitatem insignibus prodigiis Deum plerumque illustrasse memoriam pròditum est: nunc oleo, et vino, nunc frumento abunde multiplicato, sive in Cœnobio ad Fratrum levamen, sive ad alendos famélicos, cum dira in Monte Politiano annónæ inopia sæviret. Narrant etiam illum sub pauperum specie opem ab ipso flagitantium, Desparæ Virginis ulnis puerum gestantis, aut beatorum Angelorum apparitionem interdum promeruisse. Magna ideo de ipso vigebat sanctitatis fama, ejusque nomen ab omnibus celebrabatur. Ast Bartholomæus abjecte de se sentiens, et vanam gloriæ auram exhorrescens, dum aliquando ad Cœnobium rediret, sese fatuum simulavit, puerorum, et plebiculæ irrisiones, et saxa sibi captans. Tandem dierum, operumque plenus, Ecclesiæ Sacramentis receptis, in Christi Crucifixi amplèxu feliciter efflavit animam, anno Dómini circiter millésimo tercentésimo trigésimo, pridie Nonas Maji. Miraculis etiam post obitum clarus, in Sancti Francisci Montis Politiani templo apud sui Ordinis Cœnobium, in quo vitam duxerat, fuit conditus, ubi usque ad præsens magna veneratione colitur. Cultum ab immemorabili tempore eidem exhibitum, ex Sacrorum Rituum Congregationis consúlto, Leo Décimus Tértius Póntifex Máximus adprobavit, confirmavitque; ac de eo Officium cum Missa tam in Politiana Diocési, quam in toto Minorum Ordine quotannis celebrandum indúlxit. ℞. Iste homo.

In III. Noct. Homil. Grandis fiducia! de Comm. Apost. 1. loco cum ℞℞. Conf. non Pont.

Die XVI.

B. Jolentæ Viduæ 2. Ord.

Duplex.

O rémus. Oratio.

Omnípotens sempitérne Deus, qui beatam Joléntam ab honoribus, divitiisque misericórditer abstraxisti, et húmílem Fílii tui Crucem, et carnis mortificatiónem elígere fecisti: ejus méritis, et intercessióne concéde; ut terréna ómnia despiciámus, ac cœlestia sincéro corde quærámus. Per eúndem Dóminum.

Et tit Comm. S. Joannis.

Deinde Oct. S. Antonii.

Lect. I. Noct. de Script. occur.

In II. Nocturno.

Lectio iv.

Jolénta, quæ in Polóniis Hélena, in Húngaris Jóheleth, ex Bela Quarto Hungáriæ Rege, et Mariá Græcorum Imperatóris fília, paréntibus procreáta est. Quinquénis Cracóviam deláta, beatæ Cunegúndæ ejus soróri instituenda tráditur. Bolesláo majóris Polóniæ duci in matrimónium data, bonis ómnibus opéribus, et exémplo refúlsit, atque virum suum ad eam vitæ perfectiόnem tradúxit, ut Pii cognómen adéptus sit. Charitáte fervens, víduis, pupíllis, ægrótiis, egéntibus semper præsto fuit; plura etiám cum viro Monastéria, xenodochia, et sacras aedes cóndidit, Ordinémque Minórum per totam Polóniam propagávit.

R. Propter veritatem.

Lectio v.

Bolesláo vita functo, et duábus fíliis núptui locátis, vestígia sanctæ Elísabeth ejus amítæ, ac beatárum Constantiæ, et Margaritæ sorórum sequúta, Sandéciam cum Anna tértia fília li-

bens perréxit, ibíque Monastérium Clarissárum a beáta Cunegúnda excitátum ingressa est: ubi cum inédiæ, tum oratióni ita stúduit, ut cœlestem vitam dúcere viderétur. Ab hoc vero ob Barbarórum incursiōnes égređi coácta, vitam egit pœniténtem in erémo una cum eádem beáta Cunegúnda soróre; qua e vivis erépta, Gnesnam cum fília ad Monastérium, quod cum viro suo a fundaméntis eréxerat, et prædiis, pagisque locupletáverat, se confert. Abbatissæ suscepto múnere, in egénis, infirmisque, quæis famulabátur, fere sublevándis, in exácta sui Ordinis legum custódia, atque in supernárum rerum contemplatióne sic assuévit, ut sanctitátis ejus fama in vulgus etiám manáverit.

R. Dilexisti justítiam.

Lectio vi.

Christi torménta ita secum Cánxie versábat, ut illum vídere aliquándó meruísse ferátur. Morbo tandem corrépta, et Ecclésiæ Sacraméntis múnita, alúmnas ad Regulárem observántiam effícací oratióne adhortáta est. Hinc eádem, qua prædíxerat hora, spíritum Deo réddidit tértio Idus Júnii, anno millésimo ducentésimo nonagésimo octávo. Post mortem mira claritáte circúmdata, una cum sancto Stanisláo Cracoviénsi Epíscopo, sui Ordinis Abbatissæ ánimam agénti appáruit, eámque prótinus incolumitáti restítuit. Ejus deínde ope, et intercessióne quamplúres bonam adépti sunt valetúdinem, aliásque meruerunt a Deo grátias accípere, quod ad ejus sepúlchrum pictæ testántur tabellæ. Atque ita sanctitátis ejus, et miraculórum fama percrebuit, ut non solum apud Polónos, verum et apud

éteras nationes ejus semper patrocínium magno in pretio hábitum sit. Ejúsdem porro Beátæ immemorábilem, atque perseverántem cultum rite probátum Leo Duodécimus Póntifex Máximus, anno millésimo octingentésimo vigésimo séptimo, confirmávit, ejúsque Officium, et Missam celebrári permísit.

ñ. Fallax grátia.

In III. Noct. Homil. Cælórum Regnum. de Comm.

In Laud. fit Comm. Oct. S. Antonii.

In II. Vesp. Comm. seq.

Die XIX.

B. Michelinæ Viduæ 3. Ord.

Duplex.

Orémus. Oratio.

Deus, qui beátam Michélinam, Da terrénis solútam affectibus, ad amórem tuum dispositióne admirábili transtulisti: tribue nobis, quæsumus; ut, ejus méritis, et imitatione a nóxiis cupiditatibus expediti, quæ tibi sunt placita liberis méntibus exequámur. Per Dóminum.

Et fit Comm. Oct. S. Antonii.

Deinde Ss. Mart. Gervasii, et Protasii.

Oratio. Deus, qui nos ánnua. de Comm.

Lect. I. Noct. de Script. occur.

In II. Nocturno.

Lectio iv.

Michelína Pisáuri ad oram Adriáatici maris, sæculo ineunte décimo quarto, orta est ex illustri, copiosaque familia Metéllia. Egrégia puellæ índoles ad virtutem prona, et a prima ætate magna quæque porténdens, incéndi magis visa est ad pietatem doméstico paréntum exémplo, sanctisque institútis. Duodénis

viro æque nobili nupta est: exactoque in castíssimi conjúgis fœdere octo annórum spátio, viri primum, deinde únici filii mortem, quem matérne diligébat, forti, erectoque in Deum ánimo pertulit. Vanas, et umbrátiles mundi pertæsa delicias, et claro excitata exémplo piæ mulieris e Syria Pisáurum spécie peregrinántis appúlsæ, quam póstea contubernálem hábuit, et pœniténtis vitæ sóciam, prima intra Pisaurénses nomen dedit Tértio Ordini Sancti Francísci de Pœniténtia, ut in aspérrimo vitæ génere a terénis curis exémpta, libérinus cœléstium contemplatióni vacáret.

ñ. Propter veritatem.

Lectio v.

Erogato itaque in paúperes favito censu, et in cœléstes thesauros per eórum manus deportato, vili, ac hispido indúta sacco, pédibus nuda, victum mendicató quærens, corpus suum inedia, vigíliis, cilicio, flagéllis attrívit, vix brevi concéssa quiete super nuda humo, vel asséribus strámine instructis. A consanguíneis id vitæ genus infquo ánimo feréntibus, nunc conviciis, nunc verbéribus lacessita, a suscepto institúto deterréri non pótuit, únice ánxia pati, et contémmi pro Christo. De proximórum salute sollicita, verbo, et exémplo pèrditos cives a vivéndi licéntia ad castigátos mores rovocávit: ægrótis tamquam vile mancipium præsto fuit in nosocomíis, in eorúmdem tradúcens compéndium tum elemósynas sibi collátas, tum quidquid operáta fuit consilio mánuum suárum: tantoque erga illos incénsa est charitátis æstu, ut múlter fortis, súique victrix osculári, et ore sæpius attingere non abhorruerit fœda

úlceras leprosum, qui non sine miraculo sanitati sunt restituti.

R. Dilexisti iustitiam.

Lectio vi.

Confirmata jam ætate, prompti Navigii, honestique comitatus nacta opportunitatem, in Palæstinam trajecit, pie veneratúra loca Christi vestigiis, et sanguine consecrata. In Calværiæ monte intense orans, raptæ est in extasim, sibi que reddita, ita de Redemptoris Passione disservit, ut audientes a gemitu, et lacrymis non temperaverint. In patriam redux, cumulum addidit virtutibus, quibus antea floruerat, orationi, et contemplationi intenta, penitentia, et charitatis operibus addicta, et supernorum charismatum dono præfulgens. Demum confectis Christianæ militiæ stipendiis, prænuntiatioque dormitionis suæ tempore, Sacramentis Ecclesiæ expiata, ætatis suæ anno quinquagesimo sexto ad cœlestem Sponsum evolavit die decima nona Junii, a Christo nato millesimo tercentesimo quinquagesimo sexto. Sacri corporis exuviae miraculis a Deo illustratæ, obscuro loco primitus conditæ sunt in Ecclesia sancti Francisci Fratrum Minorum; sed non multo post in elegantiorē, et supra terram editum tūmulum, iterato invectæ, populo Pisaurēsi civi olim suæ, nunc Patrōnæ grata pietatis, et obsequii testimonia exhibente. Cultum, eidem ab immemorabili tempore delatum, decreto suo approbavit Apostolica Sedes, anno millesimo septingentesimo trigésimo septimo; postea vero ejus festum cum Officio, et Missa in urbe, et diocesi Pisaurēsi, et a toto Franciscano Ordine celebrari indulsit.

R. Fallax gratia.

In III. Noct. Homil. Sæpe vos. de Comm. 1. loco.

Die XV. Julii.

S. Camilli de Lellis Conf.

Duplex majus. (m. t. v.)

Ad vi. Lectionem addantur verba seq.: et Leo Décimus Tertiū, ex sacrorum Catholici orbis Antistitum voto, ac Rituum Congregationis consulto, cœlestem omnium hospitalium, et infirmorum ubique degentium Patrōnum declaravit, ipsiusque nomen in agonizantium Litanis invocari præcepit.

R. Iste homo.

Die XIX. Julii.

S. Vincentii a Paulo Conf.

Duplex. (m. t. v.)

Ad vi. Lectionem addantur verba seq. Hunc autem divinae charitatis eximium herodem, de unoquoque hominum genere optime meritum Leo Tertiusdecimus, instantibus pluribus Sacrorum Antistitibus, omnium Societatum charitatis in toto Catholico Orbe existentium, et ab eo quomodo-cumque promanantium, peculiarem apud Deum Patrōnum declaravit, et constituit.

Die IX. Augusti.

B. Joannis de Alverna Conf.

1. Ord.

Duplex. (m. t. v.)

Orémus. Oratio.

Deus, qui beatum Joannem Confessorem tuum penitentia virtute, ac cœlestibus donis insignem effecisti: ejus meritis, et precibus concede; ita nos vivere in hoc sæculo, ut præmia mereamur æterna. Per Dñm.

Et fit Comm. Ss. Cyriaci, etc.

Deinde Octavæ S. P. Dominici.

Postea S. Romani Mart.

Oratio. Præsta.... ut, intercedente...

Lect. I. Noct. de Script. occur.

In II. Nocturno.

Lectio iv.

Joannes, ex nóbili Eliseórum familia in urbe Firmána ortus, ac vulgáriter de Alvérna nuncupátus ob ejus sacrum in eo monte recéssum, a téneris usque annis præclára dedit sanctitátis indicia. Vix septénnis, solitára loca quærebat, ut Christi Passiónem suávi meditatióne recóleret; ac ejus imitándi stúdio corpúsculum váriis modis puerili simplicitate excogitátis afflictare sategbat. Decénnis inter Canónicos Reguláres sancti Petri de Firmo adscítus, oratióni, ac jugi mortificationi tali fervóre incúbuit, ut noctes quandóque insómnes tradúceret. Arctiórís disciplínæ cupidus, trédecim tantum annos natus Fratrum Minórum familiæ nomen dedit, consilio præsertim Fratris Joánnis a Muro, qui postmodum Romána Púrpura insignitus fuit.

q. Honéstum fecit.

Lectio v.

Sancti Francísci Ordinem ampléxus, magistério usus Jacóbi de Falleróne virtútes omnes præcellénti ratióne excóluit. A sancto Bonaventúra, Ordinis Generali Minístro, in Alvérnæ montis solitudinem deínde missus fuit, ubi cella constrúcta, austéram vitam, sed divinórum charísmatum cópia suávem transégit. Evangelíi prædicándi múnere accepto, Thúsciæ peragrávit regiónés; tantáque eloquentiæ vi, et auctoritaté in dicéndo pollébat, ut adstantibus plúribus Ecclesiæ Præsúlibus, et Henríco Imperatóri admirationi fúerit. Idem Imperátor

eum viséndi cáusa perréxit ad Alvérnæ montem, et sacra illa loca donis, ac privilégiis ditávit. Intérea Joánnes demisso semper ánimo, et mundi, suisque contéptor, jejúniis, vigiliis, austeritátibus continuo óperam dabat, ac toto fere triénno numquam cubávit, sed muro vel pérticæ innixus brevem carpebat somnum.

q. Amávit eum.

Lectio vi.

Dénique cum quinquaginta jam annis inter Fratres Minóres fidéliter Dómino deservisset, sibi mortem appropinquáre præsensit. In festo sanctæ Mariæ ad Nives, re Sacra devóte perácta, feбри corréptus in cellam revértitur, ibique láudes divínas ante Crucifixi imáginem cœpit concínere; ádeo ut conveniéntes Fratres valde admiraréntur. In pervigilio sancti Lauréntii ad cújusdam Fratris verba: Confortáre in Dómino, et in beáto Lauréntio, supérno spíritu recreátus, et illico assúrgens, ad Ecclesiám perréxit, ubi in éxtasim raptus, toto psalmodiæ témpore ferventíssime orávit. Postrídie Fratres ad concórdiam, et Christi amórem adhortátus, dum illi psalmos pœnitentiáles recitábant, placidíssime obdormívit in Dómino, anno supra millésimum tercéntésimo vigésimo secúndo. Ejus corpus mirábili flagrans odóre, et vívida, ac rubicúnda fácie, tríduo ob ingéntem pópuli concúrsum mansit insepúltum. Invalescén-te autem prodigiórum fama, extrúcto in majóri Alvérnæ Ecclesiá sacélló, ibi fidélium veneratióni fuit expósitum. Cultum vero ab immemorábili témpore ei exhibitum Summus Póntifex Leo Décimus Tértius, ex Sacrórum Rítuum Congregatiónis con-

sulto, ratum habuit, et confirmavit.

ñ. Iste homo.

In III. Noct. Homil. Sancti Evangelii, fratres. de Comm. 1. loco.

Pro Vigilia S. Laurentii Mart.

Lect. ix. Homil. Quia Dominus, ac Redemptor. de Comm. unius Mart. 2. loco.

Et fit Comm. Oct. S. P. Domini.

Deinde pro Comm. Vig. Ant., et y. de Fer. occur.

Orémus. Oratio.

Adesto, Domine, supplicationibus nostris: et intercessionem beati Laurentii Martyris tui, cujus praevenimus festivitatem, perpetuam nobis misericordiam benignus impende. Per Dominum.

Postea fit Com. S. Romani Mart. Vesp. de sequenti.

Die V. Septembris.

B. Gentilis Mart. 1. Ord.

Duplex.

Orémus. Oratio.

Te, Domine, quæsumus, ut ex ore nostro incessanter tibi laudes perficias, qui beato Gentili Martyri tuo ad infidelium conversionem linguarum donum indidisti. Per Dominum.

Lect. I. Noct. de Script. occur.

In II. Nocturno.

Lectio iv.

Gentilis Mathelicæ in Piceno ortum habuit ex Finaguërria gente inter Mathelicenses illustri. Pueritia pie exacta, adolescens Fratrum Minorum Ordini nomen dedit. Studiolorum curriculo emenso, Sacerdotio insignitus, in Alvernâ dein abditus, virtutum omnium specimen se exhibuit. Oratione, silentio, et solitudine adeo delectabatur, ut noctes in

Ecclesiâ crebro duceret insomnes, suavissima absorptus contemplationis dulcedine, divinorumque arcanorum admirator effectus. Præclaris iis Gentilis dotibus permoti illius Cœnobii Fratres, in Præsidem eum bis elegerunt: quo in munere illorum ita sibi devicit animos, ut ad perfectionis studium, rectamque Regulæ observantiam peramante eos excitaret. Harum vero virtutum nitor foras etiam erupit, dum verbi Dei præconio, vitæ exemplo, zeloque flagrantissimo homines criminum labe infectos ad meliorem redexit frugem, et animas errorum tenebris detentas signis, ac prodigiis ad veritatis lumen perduxit.

ñ. Honestum fecit.

Lectio v.

Facta a Superioribus vènia, ultimos tum Ægyptiorum, tum Persarum lustravit fines: unde, quum eorum sermonem ediscere non posset, egredi jam cœperat; quum Deus, qui servum suum ad hanc evocaverat messem, per juvenem ei in itinere accurrentem redire jussit, ut apud eas gentes suum Evangelium nunciaret. Itaque Persidem regressus, indito ei divinitus linguæ dono, uberrimo animarum fructu Christi fidem prædicavit, Deo ipsius verba multis confirmante miraculis. Qua de re Persæ convicti, Gentilis doctrinam amplexi, ultra decem millia sacro Baptismate abluti sunt. Ut autem eo magis in suscepta fide illos firmaret, tenui contentus obsonio, rudique incedens amictu, omnia pro Christo ut stercus arbitrans, stipem sponte oblâtam egenis adjuvâdis erogabat. Prophetiæ dono excelluit, multa prædicens exitu dein comprobata.

ñ. Desiderium animæ.

Lectio vi.

At ægre ferentes Saraceni, in-
 Anúmeros pene homines a Ma-
 humetis perfidia ad Christum
 converti Gentilis ópera, eum anno
 tercentésimo trigésimo primo su-
 pra millésimum in Torris civitá-
 te Martyrio affecerunt. Ejus ossa
 honorífice Venétias transvécta, in
 Ecclesiá Fratrum Minórum re-
 quiéscunt. Miráculis quamplúri-
 mis Martyrem suum Deus illu-
 strávit: inter quæ illud máximum
 narrátur cujúsdam júvenis, qui,
 solémni supplicatióne prætereún-
 te, qua Gentilis Reliquiæ aspor-
 tabántur, quum obmurmuráret,
 tot exhibéri honóres hómini, cu-
 jus sanctitas ignóta esset, repén-
 te magno hiátu os ejus utrínque ad
 áures retórtum est, et nonnisi
 culpam conféssus, votóque emisso
 Mártiris sepúlchrum venerándi,
 perfécte conváluit. Beáti Gentilis
 cultum ratum hábuit Pius Sex-
 tus Póntifex Máximus, qui Mis-
 sam étiam, ac Officium die quinta
 Septémbris, ejus óbitu pretiosí-
 sima, tum ab univérso Minórum
 Ordine, tum a Clero Mathelicénsi
 quotánnis celebrári indúlsit.

ꝛ. Stola jucunditátis.

In III. Noct. Homil. Si consi-
 derémus. de Com. I. loco.

Vesp. de seq. tantum.

Die VII.

B. Angelinae de Marscanis Vid.

3. Ord.

Semiduplex.

Orémus. Oratio.

Deus, qui beatam Angelinam
 Deximæ humilitátis, et cha-
 ritátis dono decorásti, ac per eam
 fœtu novæ prolis Ecclesiám tuam
 amplificáre voluisti: concéde prop-
 títius; ut ejus exémpa sectántes,

æterna gáudia consequámur. Per
 Dóminum.

Lect. I. Noct. de Script. occur.

In II. Nocturno.

Lectio iv.

Angelína ex Comitibus Mar-
 asciani Umbræ in Castro Mon-
 tis Jovis nata, a puerítia altariola
 domi érigens, virgínibus complú-
 ribus in divína obséquia congre-
 gándis prælúsit: jam enim tum
 ad préces, et ad cetera pietátis
 exercítia virgúnculas accersére
 de vicínia mos illi fuit. Ægre
 vero Joánni de Termis Cómiti
 Civitéllæ ad Truéntum matrimó-
 nio juncta, ad pia ópera sédulo
 incúbuit. Sponso post biénnum
 vita functo, cœlestia cœpit libé-
 rius cogitáre, víduas, et pupílos
 fovére, et sacris exhortatióibus
 multos peccatóres ad pœnitén-
 tiam addúcere. Univérsa ferme
 Aprutiórum óppida discúrrens,
 multis puéllis nobílibus ubíque,
 ut virginitátem capésserent, per-
 suásit. Hinc in implacábiles in-
 cúrrit inimicitías, et apud Ladis-
 láum Siciliæ Regem accusáta,
 qui eam uti hæreticam Neápolim
 accívit, secum constituens illam
 flammis devovére. Ibi mórtuum
 púerum ad vitam revocávit, et
 coram Rege constitúta ei prunas
 in sua veste laténtes obtulit flá-
 gitans, ut si eam sntem com-
 perísset, extémplo cremáret. Rex
 dúplici consternátus miráculo,
 illæssæ scilicet vestis, et reveláti,
 quod nulli credíderat, secréti,
 eam cum honóre dimísit.

ꝛ. Propter veritátem.

Lectio v.

Inter redeúndum passim, uti
 consuérat, peccátis obnoxios
 ad officia, et puéllas ad cláustra
 vocávit, et in sua ditióne multas
 congregávit discipulas. Apud Re-

gem iterum accusata, iussa est toto Regno cum sociis exulare, et Assisium profecta, et pro peccantibus, et insectatoribus orans, per extasim cognovit, se divinitus ad Fulginates mitti. Igitur Dei monitis obtemperans, Fulgineum perrexit, ibique Monasterium sanctae Annæ Comitissarum nuncupatum construxit, illudque cum Lucretia, et Catharina ex Comitibus de Genga, et cum aliis nobilissimis feminis ingressa, prima in Italia Religionis Sororum Tertii Ordinis sancti Francisci de Pœnitentia in claustris degentium fundamenta jecit; quam Urbanus Sextus, Bonifacius Nonus, et Martinus Quintus approbaverunt. Missis per diversa loca discipulis, viginti Monasteria edificavit, quæ veluti Generalis Ministra invisens, Sorores ad pœnitentiam, aliasque virtutes hortabatur. Jejunis, orationibus, et charitatis operibus perpetuo intentâ, angelicam potius, quam humanam vitam ducere videbatur. Multas demonum insidias passa, et ab eis tum verbèribus, tum aliis modis cruciata, gloriose de eis triumphum retulit.

R). Dillexisti justitiam.

Lectio vi.

Gravi languore correpta, discipulas ad virtutes, et Regulæ observantiam adhortata, præsentibus, et absentibus benedixit. Pœstea Sacramentis Ecclesiæ devotissime susceptis, in extasi constituta, et dormienti similis, die decima quarta Julii spiritum emisit, anno millésimo quadringentésimo trigésimo quinto. Miro splendore cepit facies effulgere, cubiculum suavissimum spirare odorem, populus accurrere ad venerandum sacrum corpus, quod, Episcopo, Clero, Religiosis, et ur-

bis Magistratu comitantibus, ad templum sancti Francisci Ordinis Minorum delatum, ut ipsa optaverat, in devoto sacello, muro arcuato, tumulo eminenti sepultum fuit. Parietes hujus in omnium conspectu diem solidum humore sanguineo manarunt, et ipsa revelavit ea die Turcas Constantinopoli potitos esse, et cladem rei Christianæ se voluisse lapidum lacrymis, quam suis non poterat, exprimere. Ejus corpus a solènni translatione super aram locatum, perenni cultu, atque immemorabili gaudet. Quo quidem cultu rite probato, Leo Duodécimus Pœntifex Máximus ipseus Beatae Officium, et Missa Idibus Julii, tum ab universo Minorum Ordine, tum a Clero Fulginate, et Civitellæ ad Truentum, ut celebraretur, indulsit.

R). Fallax grátia.

In III. Noct. Homil. Cœlorum Regnum. de Com.

Et fit Comm. Octav. Dedic.

Vesp. de seq. tantum.

Dom. I. Octobris.

In Solemnitate SS. Rosarii
B. Mariæ Virginis.
Duplex 2. Classis.

In I. Vesperis.

Ant. 1. Quæ est ista, speciosa sicut columba, quasi rosa plantata super rivos aquarum?

Psal. ut in Fest. B. M. V.

2. Virgo potens, sicut turris David; mille clypei pendent ex ea, omnis armatura fortium.

3. Ave, Mariæ, grátia plena, Dóminus tecum, benedicta tu in mulieribus.

4. Benedixit te Dóminus in virtute sua, quia per te ad nihilum redégit inimicos nostros.

5. Viderunt eam filiae Sion

vernāntem in floribus rosārum,
et beatissimam prædicaverunt.

Capit. ut infr. in Laud.

Hymnus.

Celēstis aulæ Nūntius,
Arcāna pandens Nūminis,
Plenam salutāt grātia
Dei Parēntem Virginem.

Virgo propinquam sanguine
Matrem Joānnis vīstat,
Qui clāsus alvo gēstiens
Adesse Christum nūntiat.

Verbum, quod ante sæcula
E mente Patris prōdiit,
E Matris alvo Virginis,
Mortalis Infans nascitur.

Templo puēllus sistitur,
Legique paret Lēgifer;
Hic se Redēptor pāupere
Prētio redēptus immolat.

Quem jam dolēbat pērditum,
Mox læta Mater invenit
Ignōta doctis mētibz
Edisserēntem Fīlium.

Jesu, tibi sit glōria,
Qui natus es de Virgine,
Cum Patre, et almo Spīritu
In sempiterna sæcula.

Amen.

Sic terminantur Hymni ad Com-
pletor., et ad Horas.

†. Rēgīna Sacratīssimi Rosā-
rii, ora pro nobis. R. Ut digni
efficiāmur promissionibz Christi.

Ad Magnif. Ant. Beāta es,
Virgo Mariā, Dei Gēnitrix, quæ
credidisti Dōmino; perfēcta sunt
in te, quæ dicta sunt tibi: inter-
cēde pro nobis ad Dōminum
Deum nostrum.

Oratio ut infr. in Laud.

Et fit Comm. Dom. occur.

Ad Matutinum.

Invit. Solemnitatem Rosarii
Virginis Mariæ celebrēmus: *
Christum ejus Fīlium adorēmus
Dōminum.

Hymnus.

In monte olivis cōsito
Redēptor orans, prōcidit,
Mœret, pavēscit, dēficit,
Sudōre manans sāguinis.

A proditōre traditus
Raptatur in pœnas Deus,
Durisque vinctus nexibus
Flagris cruentis cœditur.

Intēcta acūtis sēntibz
Corōna contumēliæ,
Squallēti amictum pūrpura,
Regem coronat glōriæ.

Molis Crucem ter arduæ,
Sudans, anhelans, cōcidens,
Ad montis usque vērticem
Gestare vi compēllitur.

Confixus atro stīpīte
Inter scelēstos innocens,
Orādo pro tortōribz
sāguis efflat spīritum.

Exlesu, tibi sit glōria,
Qui natus es de Virgine,
Cum Patre, et almo Spīritu
In sempiterna sæcula. Amen.

In I. Nocturno.

Ant. 1. Angelus Gābriel nun-
tiāvit Mariæ: et concēpit de Spī-
ritu sancto.

Psalmi trium Nocturn. ut in
Festis B. M. V.

2. Intrāvit Mariā in domum
Zachariæ, et salutāvit Elisabeth.

3. Péperit Fīlium suum pri-
mogénitum, et reclināvit eum in
præsēpio.

†. Sancta Dei Gēnitrix semper
Virgo Mariā. R. Intercēde pro no-
bis ad Dōminum Deum nostrum.

De libro Ecclesiāstici.

Lectio i. Cap. 24.

In omnibz requiem quæsivi,
et in hæreditate Dōmini morā-
bor. Tunc præcepit, et dixit
mihi Creātor omnium; et qui
creāvit me, requiēvit in tabernā-
culo meo, et dixit mihi: In Ja-
cob inhābita, et in Israel hære-

ditare, et in electis meis mitte radices. Ab infans, et ante secula creata sum, et usque ad futurum seculum non desinam, et in habitatione sancta coram ipso ministravi. Et sic in Sion firmata sum, et in civitate sanctificata similiter requievi, et in Jerusalem potestas mea. Et radicavi in populo honorificato, et in parte Dei mei hereditas illius, et in plenitudine Sanctorum detentio mea.

R. Sumite psalterium jucundum in insigni die solemnitatis vestrae: * Et exultate Virgini adjutrici nostrae. V. Cantate ei canticum novum: annuntiante inter gentes gloriam ejus. Et.

Lectio ii.

Quasi cedrus exaltata sum in Libano, et quasi cyprissus in monte Sion: quasi palma exaltata sum in Cades, et quasi plantatio rosae in Jericho: quasi oliva speciosa in campis, et quasi platanus exaltata sum juxta aquam in plateis. Sicut cinnamomum, et balsamum aromatizans odorem dedi: quasi myrrha electa dedi suavitatem odoris: et quasi storax, et galbanus, et ungula, et gutta, et quasi libanus non incisus vaporavi habitationem meam, et quasi balsamum non mixtum odor meus. Ego quasi terebinthus extendi ramos meos, et rami mei honoris, et gratiae.

R. Vidi speciosam ascendentem desuper rivos aquarum, cujus inestimabilis odor erat nimis: * Et sicut dies verni circumdabant eam flores rosarum, et lilia convallium. V. Astitit Regina a dextris tuis in vestitu deaurato circumdata varietate. Et.

Lectio iii.

Ego mater pulchrae dilectionis, et timoris, et agnitionis, et

sanctae spei. In me gratia omnis viae, et veritatis, in me omnis spes vitae, et virtutis. Transite ad me omnes, qui concupiscitis me, et a generationibus meis impleremini: Spiritus enim meus super me, et hereditas mea super me, et favum: Memoria mea in generationes seculorum. Qui edunt me, adhuc esurient: et qui bibunt me, adhuc sitient. Qui audit me, non confundetur: et qui operantur in me, non peccabunt. Qui eluciant me, vitam aeternam habebunt.

R. Quae est ista, quae processit sicut sol, et formosa tamquam Jerusalem? Viderunt eam filiae Sion, et beatam dixerunt: * Et Reginae laudaverunt eam. V. Et sicut dies verni circumdabant eam flores rosarum, et lilia convallium. Et. Gloria. Et.

In II. Nocturno.

Ant. 1. Cum inducerent Jesum parentes ejus, ut sisterent eum Domino, Simeon accepit eum in ulnas suas, et benedixit Deum.

2. Requirentes Jesum parentes ejus, invenerunt illum post triduum in medio Doctorum.

3. Coepit contristari, et factus est sudor ejus in horto, sicut guttae sanguinis.

V. Post partum, Virgo, inviolata permansisti. R. Dei Genitrix, intercede pro nobis.

Lectio iv.

Cum Albigenisium haeresis per Tolosatum regionem impie grassaretur, atque altius in dies radices ageret, sanctus Dominicus, qui nuper Praedicatorum Ordinis fundamenta jecerat, ad eam convellendam totus incubuit. Id ut praestaret validius, auxilium beatae Virginis, cujus dignitas illis erroribus impudentissime pete-

bátur, cuique datum est cunctas hæreses interficere in universo mundo, enixis precibus imploravit. A qua (ut memoria præditum est) cum munitus esset ut Rosarium populis prædicaret, velut singulare adversus hæreses, ac vitia præsidium; mirum est, quanto mentis fervore, et quam felici successu inunctum sibi munus sit exequutus. Est autem Rosarium certa precandi formula, qua quindecim Angelicarum salutationum decades, oratione Domínica interjecta, distinguimus, et ad earum singulas totidem nostræ reparationis mysteria pia meditatione recolimus. Ex eo ergo tempore pius hic orandi modus mirabiliter per sanctum Domnicum promulgari, augeri que cepit; quem ejusdem Institutorem, auctoremque fuisse Summi Pontifices Apostolicis litteris passim affirmant.

R). Tu glória Jerúsalem, tu lætítia Israel, tu honorificentia populi nostri fecisti viriliter: * Quia cunctas hæreses sola interemisti. ✧ Pulchra es, et decora, terribilis ut castrorum acies ordinata. Quia.

Lectio v.

Innumerabiles porro fructus ex hac tam salutari institutione in Christianam rempublicam dimanarunt, inter quos victória illa merito numeratur, quam sanctissimus Póntifex Pius Quintus, et ab eo inflammati Christiani Principes apud Echínadas insulas de Turcarum tyranno potentissimo reportarunt. Nam cum illa ipsa die ea victória relata sit, qua die sanctissimi Rosarii Sodalitates per universum orbem consuétas supplicationes peragerent, statutasque preces de more funderent, iis precibus haud immerito re-

fertur accepta. Quod quidem cum etiam Gregorius Décimus Tértius testatus esset, ut pro tam singulari beneficio beátæ Virgini sub appellatione Rosarii perennes gratiæ ubique terrarum haberentur, in Ecclesiis omnibus, in quibus altare Rosarii foret, prima quaque Octóbris Domínica Officium ritu dúplici majóri perpetuo celebrandum indixit: alifque Pontifices Rosarium recitantibus, ejusdemque Rosarii Sodalitatibus indulgentias pene innúmeras concessere.

R). Dextera tua magnificata est in fortitudine, dextera tua confrégit inimicos. Submersi sunt in aquis vehémentibus, et operuit eos mare. ✧ Benedixit te Dóminus in virtute sua, quia per te ad nihilum redégit inimicos nostros. Submersi.

Lectio vi.

Clemens vero Undécimus ánimó reputans insignem páriter victóriam, anno millésimo septingentésimo décimo sexto, in Hungariæ Regno a Cárolo Sexto, Imperátore Romanórum electo, de innúmeris Turcarum copiis relátam, eo die contigisse, quo festum Dedicatiónis sanctæ Mariæ ad Nives celebraretur, atque eodem ferme tempore, quo sanctissimi Rosarii Confrátres publicam, solemnemque supplicationem in alma Urbe ingénti populi concúrsu, magnæque religione peragentes, fervidas ad Deum preces pro Turcarum depreessione funderent, ac poténtem opem Deparæ Virgini in auxílium Christianórum humiliter implorarent: eam ob rem, victóriam illam, nec non liberátam páulo post eorúmdem Turcarum obsidióne Corcyrensem insulam, ejusdem beátæ Virginiis patrocinio pie censuit

adscribendam. Quamobrem, ut hujus quoque tam insignis beneficii perennis semper et memoria extaret, et gratia, sanctissimi Rosarii festum eadem die, eodemque ritu celebrandum ad Ecclesiam universam extendit. Hæc omnia Benedictus Decimus Tertius in Breviario Romano apponi jussit. Leo autem Tertiusdecimus in turbulentissimis Ecclesiæ temporibus, diuque premientium malorum sæva tempestate, cunctos in Orbe fideles, iteratis Apostolicis litteris ad Mariæ Rosarii, præsertim per Octobrem mensem, frequentiam vehementer incendit, aucto quoque annui festi solemnitatis ritu, additæque Litanis Lauretanis Reginæ Sacratissimi Rosarii invocatione, et Officio de eadem solemnitate proprio Ecclesiæ universæ concessio. Sanctissimam ergo Dei Genitricem cultu hoc eidem gratissimo jūgiter veneremur, ut quæ toties Christi fidelibus, Rosarii precibus exorata, terrenos hostes profligare dedit, ac perdere, infernos pariter superare concedat.

R. Signum magnum apparuit in cælo: mulier amicta sole, et luna sub pedibus ejus.* Et in capite ejus corona stellarum duodecim. γ. Dabitur capiti tuo augmentum gratiarum, et corona inelyta proteget te. Et. Gloria. Et.

In III. Nocturno.

Ant. 1. Apprehendit Pilatus Jesum, et flagellavit.

2. Milites plectentes coronam de spinis, imposuerunt super caput ejus.

3. Crucis imperium super humerum ejus: regnavit a ligno Deus.

γ. Speciosa facta es, et suavis.

R. In deliciis tuis, sancta Dei Genitrix.

Lectio sancti Evangelii secundum Lucam.

In illo tempore: Missus est Angelus Gabriel a Deo in civitatem Galilææ, cui nomen Nazareth, ad Virginem desponsatam viro, cui nomen erat Joseph, de domo David, et nomen Virginis Maria. Et reliqua.

Homilia S. Bernardi Abbatis.

Sermo de S. Maria.

Ad commendationem gratiæ suæ, et ad destructionem humanæ sapientiæ, Deus de femina, sed virgine dignatus est carnem assumere, ut similem simili redderet, contrarium contrario curaret, pestiferam spinam evelleret, peccati chirographum potentissime deleret. Eva spina fuit, Maria rosa extitit. Eva spina vulnerando, Maria rosa omnium affectus mulcendo. Eva spina inficiens omnibus mortem, Maria rosa reddens salutiferam omnibus sortem. Maria rosa fuit candida per virginitatem, rubicunda per charitatem. Candida carne, rubicunda mente: candida virtutem sectando, rubicunda vitia calcando. Candida affectum purificando, rubicunda carnem mortificando: candida Deum diligendo, rubicunda proximo compatiendo.

R. Ego quasi vitis fructificavi suavitatem odoris.* Et flores mei fructus honoris, et honestatis. γ. Ego mater pulchræ dilectionis, et timoris, et agnitionis, et sanctæ spei. Et.

In Serm. de Aquæductu.

Lectio viii.

Verbum caro factum est, et habitat jam in nobis. Habitat in memoria nostra, habitat in cogitatione, quia usque ad

ipsam descendit imaginatiōem. Quonam modo, inquis? Nimis jacens in Præsepio, in virginâli grêmio cubans, in monte prædicans, in oratione pernôtans, in Cruce pendens, in morte pallens, liber inter mortuos, et in inferno imperans, seu etiam tertia die resurgens, et Apostolis loca clavorum, victoriæ signa demonstrans, novissime coram eis cœli secretâ conscendens. Quid horum non vere, non pie, non sancte cogitatur? § Quidquid horum cōgito, Deum cōgito, et per omnia est Deus meus. Hæc ego meditâri dixi sapiëntiam, et prudentiam judicâri eructâre memoriâ suavitatis; quoniam in hujuscemodi nucléis virga sacerdotâlis copiosa produxit, quam in supernis hauriens, uberior nobis Mariâ refudit. In supernis plane, et ultra Angelos, quæ Verbum ex ipso Patris corde suscepit.

℟. Surge, prôpera, amica mea: jam enim hiems trānsiit, imber abiit, et recessit: * Flores apparuerunt in terra nostra. ✠. Dôminus dabit benignitatem, et terra nostra dabit fructum suum. Flores. Glôria. Flores.

Ad Laudes, et per Horas.

Ant. 1. Ietâre, * Virgo Mater; surrexit Christus de sepulchro.

2. Ascendit Deus * in jubilatione, et Dôminus in voce tubæ.

3. Spîritus Dômini * replêvit orbem terrarum.

4. Assumpta est Mariâ in cœlum; gaudent Angeli, laudantes benedicunt Dôminum. Allelûja.

5. Exaltata est * Virgo Mariâ super choros Angelorum, et in capite ejus corôna stellarum duodecim.

Capitulum. Eccli. 24. 39.

In me grâtia omnis viæ, et veritatis, in me omnis spes vitæ, et virtutis: ego quasi rosa plantata super rivos aquarum fructificavi.

Hymnus.

Jam morte victor ôbruta
Ab inferis Christus redit,
Fractisque culpæ vinculis,
Cœli recludit limina.

Visus satis mortalibus
Ascendit ad cœlestia,
Dextræque Patris assidet
Consors patrænæ gloriæ.

Quem jam suis promiserat.
Sanctum daturus Spîritum:
Linguis amoris igneis
Mœstis alumnis impluit.

Soluta carnis pondere
Ad astra Virgo tollitur,
Excépta cœli júbilo,
Et Angelorum canticis.

Iis sena cingunt sidera
Almæ Paréntis vérticem:
Throno propinqua Fîlii
Cunctis creatis imperat.

Jesu, tibi sit glória,
Qui natus es de Virgine,
Cum Patre, et almo Spîritu
In sempiterna sæcula.

Amen.

✠. Elégit eam Deus, et prælegit eam. ℟. Et habitare eam fecit in tabernáculo suo.

Ad Bened. Ant. Solemnitatem hodiernam sanctissimi Rosarii Genitricis Dei Mariæ devôte celebrémus, ut ipsa pro nobis intercedat ad Dôminum Jesum Christum.

Orémus. Oratio.

Deus, cujus Unigénitus per vitam, mortem, et resurrectionem suam nobis salutis æternæ præmia comparavit: concède, quæsumus; ut, hæc mystéria sanctissimo Beâtæ Mariæ Virginis

Rosário recoléntes, et imitémur,
quod cóntinent, et quod promít-
tunt, assequámur. Per eúndem
Dóminum.

Et fit Comm. Dom. occur.

Ad Primam.

Rj. br. Qui natus es.

Ad Tertiam.

Capit. In me grátia. ut supra.

Rj. br. Sancta Dei Génitrix, *
Semper Virgo María. Sancta. y.
Intercéde pro nobis ad Dóminum
Deum nostrum. Semper. Glória.
Sancta.

y. Post partum, Virgo, invio-
láta permansísti. Rj. Dei Géni-
trix, intercéde pro nobis.

Ad Sextam.

Capitulum. Eccli. 30.

Floréte flores quasi lílium, et
date odórem, et frondéte in
grátiam; collaudáte cánticum, et
benedícite Dóminum in opéribus
suis.

Rj. br. Post partum, Virgo,
Invioláta permansísti. Post. y.
Dei Génitrix, intercéde pro nobis.
Invioláta. Glória. Post.

y. Speciósá facta es, et suá-
vis. Rj. In delíciis tuis, sancta
Dei Génitrix.

Ad Nonam.

Capitulum. Eccli. 24.

Quasi cedrus exaltáta sum in
Libano, et quasi cypréssus
in monte Sion: quasi palma e-
xaltáta sum in Cades, et quasi
plantátio rosæ in Jéricho.

Rj. br. Speciósá facta es, * Et
suávis. Speciósá. y. In delíciis
tuis, sancta Dei Génitrix. Et.
Glória. Speciósá.

y. Elégit eam Deus, et præ-
légit eam. Rj. Et habitáre eam
fecit in tabernáculo suo.

In II. Vesperis.

Omnia ut in I. præter seq.
Hymnus.

Te gestiéntem gáudiis,
Te sáuciam dolóribus,
Te jugi amíctam glória,
O Virgo Mater, pángimus.
Ave, redúndans gáudio,
Dum cóncipis, dum vísitas,
Et redis, offers, invenis,
Mater beáta, Fílium.

Ave, dolens, et íntimo
In corde agónem, vérbera,
Spinas, Crucémque Fílii
Perpéssa, Princeps Mártýrum.

Ave, in triúmphis Fílii,
In ígnibus Parácliti,
In Regni honóre, et lúmine,
Regína fulgens glória.

Veníte, gentes, cárpíte
Ex his rosas mystériis,
Et pulchri amóris ínclýtæ
Matri coronas néctite.

Jesu, tibi sit glória,
Qui natus es de Vírgine,
Cum Patre, et almo Spírítu
In sempitérna sæcula.

Amen.

Ad Magnif. Ant. Beáta Mater,
et intácta Virgo, gloriósa Regí-
na mundi, séntiant omnes tuum
juvámén quicúmque célebrant
tuam Sanctíssimi Rosárii sole-
mnitátem.

Et fit Comm. Dom. occur.

Die I. Octobris.

B. Ludovicæ a Sabaudia Vid.

2. Ord.

Semiduplex.

Omnia de Comm. nec Virg.
nec Mart. præter seq.

Orémus. Oratio.

Deus, qui in beáta Ludovicá,
per omnes vitæ sémitas tra-
ducta, singuláre virtútis exém-
plum proposuísti: concéde; ut
in via, qua nos vocásti, ejúsdem

vestigia sequámur, et cum ipsa ad te pervenire mereámur. Per Dóminum.

Et fit Comm. S. Hieronymi.

Deinde S. Remigii Episc., et Conf.

Orat. Da, quæsumus, de Comm. Conf. Pont.

Lect. I. Noct. de Script. occur.

In II. Nocturno.

Lectio iv.

Ludovicæ beáti Amadæi Sabaudie Ducis filia, a teneris annis in omnem pietatem instituta, ac propensa, futuræ sanctitatis indicia præbuit. In ea jam tunc eluxere mira vitæ innocentia, flagrans orationis studium, pudor singularis, rerumque humanarum despectus. Virginitatem Deo votere dum cogitaret, patruo obsequens, cujus fuerat post partum mortem commissæ tutelæ, viro Principi a Cabillone nupsit. Virtutes, in quibus virgo apprime se exercuerat, in ipso conjugio impensissime excoluit. A mundi vanitate, et aulæ illæcebris abhorrebat; vitæ sanctitate, monitis, et oratione subditorum mores brevi ad meliorem formam reduxit, ac virum suum, quem in Deo summopere diligebat, ad Evangelicam perfectionem sectandam mirifice inflammavit.

q. Propter veritatem.

Lectio v.

Vigésimo septimo ætatis anno viro orbata, se totam Deo mancipavit. Religiosum sacrarum Virginum Institutum, ut primum liceret, amplecti enixe desiderans, adduci numquam potuit, ut alteras nuptias iniret. Modica familia, tenui victu, ac vestitu contenta, sub quo rudem Franciscanum tunicam gestabat, celestium rerum contemplationi, poeniten-

tia, ac pietatis operibus sedulo vacans, in perfectionis Christianæ studio quotidie profecit. Ardentiore interim charitate fervescens, profusa liberalitate, ingentes opes in pauperum, Sanctimonialium, Clericorum alimoniam erogabat; ægros, teterrimisque morbis infectos invisabat, solabatur, iisque etiam ministrabat.

q. Dilexisti justitiam.

Lectio vi.

Temporalibus tandem expedita negotiis, divinæ voluntati parens, suisque frustra obsistentibus, sancti propositi tenax, ad Franciscanum Virginum familiam in Orbæ Cœnobium læta convolvavit. Disciplinæ regularis observantia, humilitate, obedientia, et omnimoda sui abnegatione brevi ceteris præstitit. Victum queritare, ab aliis reprehendi, in seipsam sævire in deliciis habuit. Ferventissimo in Christum passum, et Virginem Matrem rapiebatur affectu, ac divinis interdum charmatibus affluēbat. Gravi denique correpta morbo, quadragesimo secundo ætatis anno, Ecclesiæ Sacramentis rite, pieque susceptis, die, quam prædixerat, vigesima quarta Julii anni millésimi quingentesimi tertii ad cœlestem Sponsum feliciter migravit. Sanctitatem ejus plurimis Deus prodigiis post mortem illustravit: hinc honorifico sepulchro condi, ac Noseretum transferri, aliisque Ecclesiastici cultus obsequiis decorari meruit. Quem rite probatum Gregorius Decimus Sextus Pontifex Maximus, anno millésimo octingentesimo trigésimo nono, ex Sacrorum Rituum Congregationis consilio, confirmavit; Officiūque proprium in illius honorem recitandum ad universam utriusque se-

xus Seraphici Ordinis Familiam Sacra eadem Congregatio extendit.

℞. Fallax gratia.

In III. Noct. Homil. Saepe vos. de Comm.

Die XXIII.

S. Joannis a Capistrano Conf.

1. Ord.

Duplex 2. Classis I. P.

In utrisque Vesp., et Laud. 5. Ora pro nobis.

Orémus. Oratio.

Deus, qui Ecclesiam tuam beati Joannis meritis, et doctrinis mirabiliter sublimasti, et per eum de perfidis tyrannis in virtute sanctissimi Nominis Jesu fideles tuos triumphare fecisti: praesta, quaesumus; ut de inimicis nostris, ejus intercessione, prevalentes in terris, praemiari cum ipso mereamur in caelis. Per Dominum.

Lect. I. Noct. Beatus vir. de Comm. 2. loco.

In II. Nocturno.

Lectio iv.

Joannes Capistrani in Pelignis ortus, et Perusium studiorum causa missus, in christianis, et liberalibus disciplinis adeo profecit, ut ob egregiam Juris scientiam aliquot civitatibus a Neapolis Rege Ladislao praefectus fuerit: Dum autem earum rem publicam sanctissime gerens, perturbatis rebus tranquillitatem revocare studet, capitur ipse, et in vincula conjicitur; quibus mirabiliter ereptus, Francisci Assisiensis Regulam inter Fratres Minores proficitur. Ad divinarum Litterarum studium progressus, praepotorem nactus est sanctum Bernardinum Senensem, cujus et

virtutis exempla, in cultu potissimum sanctissimi Nominis Jesu, ac Desparae propagando, egregie est imitatus. Aquilinum Episcopatum recusavit, et severiore disciplina, atque scriptis, quae plurima edidit ad mores reformandos, maxime enituit.

℞. Honestum fecit.

Lectio v

Praedicationi verbi Dei sedulo incumbens, Italiam fere universam lustravit, quo in munere et virtute sermonis, et miraculorum frequentia innumeras prope animas in viam salutis reduxit. Eum Martinus Quintus ad extinguendam Fraticellorum sectam Inquisitorem instituit. A Nicolao Quinto contra Judaeos, et Saracenos generalis Inquisitor in Italia constitutus, plurimos ad Christi fidem convertit. In Oriente multa optime constituit, et in Concilio Florentino, ubi veluti sol quidam fulsit, Armenos Ecclesiae Catholicae restituit. Idem Pontifex, postulante Friderico Tertio Imperatore, illum Apostolicae Sedis Nuntium in Germaniam legavit, ut haereticos ad Catholicam fidem, et Principum animos ad concordiam revocaret. In Germania, aliisque Provinciis Dei gloriam sexennali ministerio mirifice auxit, Hussitis, Adamitis, Thaboritis, Hebraeisque innumeris doctrinae veritate, ac miraculorum luce ad Ecclesiae sinum traductis.

℞. Amavit eum.

Lectio vi.

Cum Callistus Tertius, ipso potissimum deprecante, Cruce signatos mittere decrevisset, Joannes per Pannoniam, aliasque provincias volitavit, qua verbo, qua

litteris Principum ánimos ita ad bellum accendit, ut brevi millia Christianórum septuaginta conscripta sint. Ejus consilio, et virtúte potíssimum Taurunénsis victória reláta est, centum ac viginti Turcárum millibus partim cæsis, partim fugátis. Cujus victóriæ cum Romam núnthus venísset octávo Idus Augústi, idem Callistus ejus diéi memóriæ solémnia Transfiguratiónis Christi Dómini perpétuo consecrávit. Letháli morbo ægrótu, et Villácu delátu viri Príncipes plures visitárant: quos ipse ad tuéndam Religióne hortátus, ánimam Deo sancte réddidit, anno salutis milésimo quadringésimo quinquagésimo sexto. Ejus glóriam post mortem Deus multis miraculis confirmávit; quibus rite probátis, Alexánder Octávus, anno milésimo sexcentésimo nonagésimo, Joánnem in Sanctórum número retulit, ejúsque Offícium, ac Missam Leo Décimus Tértius, áltero ab ejus canonizatióne sæculo, ad universam extendit Ecclésiám.

In II. Vesp. Comm. seq.

℞. Iste homo.

In III Nocturno.

Lectio sancti Evangelii
secúndum Lucam.

Lectio vii. Cap. 9.

In illo témpore: Convocátis Jesus duódecim Apóstolis, dedit illis virtútem, et potestátem super ómnia dæmónia, et ut languóres curárent. Et reliqua.

Homília S. Bonaventúræ
Episcopi.

Exp. in Luc. cap. 9.

Apóstoli nomináti sunt, ut eórum commendaréret auctóritas. Apóstolus enim missus interpretátur, missi áutem fuérunt ad

prædicándum secúndum illud: non misit me Christus baptizáre, sed evangelizáre. Fuérunt ad prædicándum missi non rem parvam, sed magnam, scilicet regnum Dei, per quod potest intélligi doctrína veritátis juxta illud: auferétur a vobis regnum Dei, et dábitur genti faciénti fructus ejus. Potest étiam dici grátia Sancti Spíritus secúndum illud: Non est regnum Dei esca, et potus, sed justítia, pax, et gáudium in Spíritu Sancto; et infra: Ecce regnum Dei intra vos est. Potest étiam dici glória æténa juxta illud: Amen dico vobis, nisi quis renátus fuérít ex aqua, et Spíritu Sancto, non potest introíre in regnum Dei.

℞. Iste est.

Lectio viii.

Omnibus his modis Apóstoli missi sunt prædicáre regnum Dei, scilicet veram doctrínam, divínam grátiam, et æténam glóriam. Et quia propter auctoritátem prædicatiónis concesserat potestátem curatiónis; ideo subdit, et sanáre infirmos, scilicet misit ad confirmatióne veritátis prædicáre secúndum illud: Illi áutem profécti prædicavérunt ubique, Dómino cooperánte, et sermónem confirmánte sequéntibus signis. Unde signum missiόνis spirituális ad prædicándum est sanatio audiéntium a morbis vitiórum.

℞. Sint lumbi.

Lectio ix.

Tria áutem sunt signa evidéntia, quibus probátur, utrum prædicátor a Dómino sit missus ad Evangelium prædicándum. Primum est auctóritas mitténtis, cújúsmodi est Pontíficis, et máxime

Pontíficis Summi, qui est loco Petri, imo Jesu Christi: unde quia eo mittitur, a Christo mittitur. Secundum est zelus animarum in persona, quæ mittitur, quando scilicet principaliter querit Dei honorem, et animarum salutem. Tertium est fructificatio, et conversio auditorum. Per primum sunt nuntii Patris, per secundum Filii, per tertium Spiritus Sancti. De primo: Pro patribus tuis nati sunt tibi filii; de secundo: Non enim nosmetipsos prædicamus, sed Jesum Christum Dominum nostrum; de tertio: Põsui vos, ut eatis, et fructum afferatis, et fructus vester maneat. Et qui sic mittitur, potest dicere illud: Spiritus Domini super me, eo quod unxit me.

In II. Vesp. Comm. seq.

Die XXVI.

B. Joannis a Pinna Conf.

I. Ord.

Duplex. (m. t. v.)

Orémus. Oratio.

Deus, qui beatum Joannem Confessorem tuum, ad tua promissa currentem, per omnes vitæ semitas mirabiliter traduxisti: eadem nobis miseratione concede; ut, inter mundanas varietates tua semper mandata sectando, ad æternæ beatitudinis portum pervenire feliciter valeamus. Per Dominum.

Et fit Comm. S. Wenceslai.

Deinde S. Evaristi Pp., et Mart.

Orat. Infirmi-tatem. de Comm.

Lect. I. Noct. de Script. occur.

In II. Nocturno.

Lectio iv.

Joannes in oppido Pinnæ sancti Joannis Firmânæ Diocæ-

sis honestis præceptibus ortus, tanta spiritus simplicitate, atque innocentia morum effloruit, ut supernæ dulcedinis benedictionibus a Deo præventus, cœlestibus communicationibus adhuc adolescens illustrari meruerit. Pulcherrimi enim, planèque divini cujusdam pueri, qui sibi inopinato apparuit, voce commo-nitus, vias Domini deinceps terendas mirabiliter edocetur. Qua voce suavissime recreatus, ac veluti alter effectus, ut insignem quemdam sancti Francisci Assis-natis discipulum concionantem adiret, atque nascentis illius Ordinis Instituto nomen daret divinitus intellexit: sponsione insuper accepta, futurum, ut post longum emensum iter ad cœli patriam evocaretur.

q. Honestum fecit.

Lectio v.

Recinatum in Piceno, ubi tunc temporis Provinciæ comitia agebantur, incunctanter pergens, uti præfati Ordinis sodalitis ad-scisceretur, enixis precibus postulavit. Voti compos factus, atque inter primævos illos beati Francisci assecclas cooptatus, eximie sanctitatis splendor evasit: dignus exinde judicatus, qui in Galliam Narbonensem ad excitanda Fratrum Minorum Monasteria, et evangelicam vivendi rationem propagandam destinaretur. Viginti et quinque annos inibi commoratus, longanimitate, mansuetudine, vitæque puritate incolas illos in maximam sui admirationem, et amorem traxit.

q. Amavit eum.

Lectio vi.

Tædio tandem affectus, quod longi itineris semitam cœli-

tus prænuntiátam longiorem evadere, ac divínæ pollicitatiónis exsolutionem háctenus distrahi conspiceret, sub árbore cónstitit, cupístque dissólvi. Adfuit vero Dóminus, qui Joánnem semel, et íterum consolátus, illum de cœlésti assequénda glória, tum de piacularibus pœnis in hac vita solvéndis indúbium, tutúmque fecit. In Picénium intérea revérsus, altíssimæ contemplatiónis, miraculorum, et prophétiae dono cláruit. Dénique plúrimis, ísq; acerbíssimis tolerátis dolóribus, amantíssimique Dómini præséntia dénuo robórátus, in ipsíus ósculo beáte obdormívit. Ejúsdem corpus in pátria honorífice cónditum, perénni cultu, atque immemorábili gáudet. Quo quidem cultu rite probáto, Pius Séptimus Póntifex Máximus ipsíus Beáti Offícium, et Missam celebrándam indúlxit.

13. Iste homo.

In III. Noct. Homil. Pusillum gregem. de Comm. 2. loco.

Pro S. Evaristo.

Lectio ix.

Evaristus Græcus ex Judæo patre, Trajáno Imperátore, Pontificátum gessit. Qui Ecclesiárum títulos Urbis Romæ Presbyteris divisit, et ordinávit, ut septem Diáconi Episcopum custodírent, dum Evagélícae prædicatiónis officio fungerétur. Idem constituit ex traditióne Apostólica, ut matrimónium públice celebrétur, et Sacerdotís benedictio adhibeátur. Præfuit Ecclesiæ annos novem, menses tres: Presbyteris decem et septem, Diáconis duobus, Episcopis quíndecim, quater, mense Decémbri ordinátis. Martyrio coronátus, prope sepúlchrum Príncipis Apo-

stolorum in Vaticanó sepúltus est séptimo Kaléndas Novémbris.

Et sit Comm. S. Evaristi.

In II. Vesp. Comm. seq.

Die XXIX.

B. Liberati a Lauro Conf.

I. Ord.

Duplex. (m. t. v.)

Orémus. Oratio.

Dómine Jesu Christe, qui beátum Liberátum Confessórem tuum a sæculi pompa ad suam tolléndam crucem, ac te sequéndum vocásti: concéde propítius; ut, ejus exémplo, cadúca despícere, ac te pura mente dilígere valeámus. Qui vivis.

Lect. I. Noct. de Script. occur.

In II. Nocturno.

Lectio iv.

Liberátus a Láuro in Picéno, ex nobilíssima Cómitum Brumfortiórum gente ortum duxit, ineúnte sæculo décimo tértio. Brevi tamen, ut vocántem Spíritum sequerétur, mundi vanitátibus, fluxisque divitiis núnium dare, seque Deo totum mancipáre státuit. Qua de re inter Fratres Seráphici Minórum Ordinis, insignibus pietáte viris tunc máxime floréntis, sese cooptári postulávit; votíque compos factus, in Cenóbium secéssit, quod prope Castrum Brumfórtium solitário loco, Suffiáno nuncupáto, nemóribus interclúso, divinorúmque contemplatióni opportuníssimo, sancti Francísci Assisinátis Asseclæ sibi paráverant.

14. Honéstum fecit.

Lectio v.

Sacerdotio insignítus, vitam sibi duxit ad mortem usque virtútibus ádeo claram, ut humilitátis, integritátis, asperitátis in

corpus suum Sodálibus exémples extiterit, ac effundéndis Deo précibus dies, noctésque integras constantíssime insúmpserit. Siléntio quoque, solitúdini, divínúmque meditatóni ita vacávit, ut raro ádmodum vel cum suis loquerétur; et si aliquándó interrogántibus satisfácere oportéret, ita respondebat, ut ángelus potius viderétur, quam homo.

℞. Amávit eum.

Lectio vi.

Quo perfectíssimam virtútum gènere vitam tradúcens, divínóque ardóre júgiter incénsus, in éxtasim sæpius rapi a Deo promérui, ceu tráditum est, et cum póstmodum sensus reciperet, tantam præseferébat mentis lætítiam ex prægustatióne supérni gáudii, tantóque vultus ejus cœlésti fulgóre perfúsus apparebat, ut ómnibus admiratióni esset, ac Sanctus commúni voce prædicarétur. Tandem consummátus in brevi explévit témpora multa. Austeritáte enim vitæ, et charitátis igne consúptus, in morbum incidit, et ad extrémum subínde addúctus, fratres suos áloquens de cœlésti glória, atque ánimo exúltans, feliciter obdormívit in ósculo Dómini, anno circiter millésimo ducentésimo sexagésimo. Corpus ejus ad locum Brumfórtii, a suo nómine ex tunc vocátum, translátum est una cum relíquiis Beatórum Húmilis, ac Pacífici, ejúsdem Ordinis, magnáque ibi veneratióne beátus Liberátus cólitur, miráculis multis, uti fertur, clarus.

℞. Iste homo.

In III. Noct. Homil. Pusillum gregem. de Comm. 2. loco.

Vesp. de sequenti.

Die XXXI.

B. Thomæ a Florentia Conf.

I. Ord.

Semiduplex.

Orémus. Oratio.

Deus, qui admirábili cleméntia de peccatóribus justos, et de vasis iræ facis vasa misericórdiæ: concéde propítius; ut, beáti Thomæ Confessóris tui précibus, e vitiórum servitúte solúti, perpétua filiórum tuórum libertáte gaudere mereámur. Per Dóminum.

Lect. I. Noct. de Script. occur.

In II. Nocturno.

Lectio iv.

Thomas Bellácius a Floréntia, cum adolésceus sæculi illécebris aliquándó indulsisset, divínæ grátie lúmine illustrátus, in álium repénite hóminem immutári, et ad omnem perfectiόνem conténdere visus est. Sodalitati enim sancti Hierónymi, quam a Cyppo vocant, primum adscriptus, mox inter Láicos Franciscáni Ordinis cooptátus, dignos, atque ubérrimos poeniténtiæ fructus fecit, tantisque virtútibus ineúntis ætátis vítia emendávit, ut Seráphici Paréntis sui non tam ássecla, et æmulátor, quam viva quædam, et númeris ómnibus absolúta imágo viderétur.

℞. Honéstum fecit.

Lectio v.

Solitúdinis, ac rerum divínarum amóre inflammátus, in orándó, contemplandóque assidue sese exércuit. Exímio religiósæ paupertátis stúdio tantam adjéxit in obediéndó alacritátem, ut sancti Joánnis a Capistráno Moderatóris sui jussu, prunas diu tractáre nudis mánibus non du-

bitárit, insígni miráculo illæsus. Córporis castigátor acérrimus, ádeo parce, duritérque vitam egit, ut toto ferme anno, quem in septem quadragesimas ad sancti Francisci exémplum partiebátur, solo pane, ádditis intérdum páucis, íisque mínime coctis oléribus, victitárit: nec álio umquam potu sit usus, quam aqua vel símplici, vel injécto absynthio amarulénta. His virtútibus, multisque prodígiis, quibus eum Deus quotidie illustrábat, quantam sanctitátis opinióem sibi conciliáverit, vel exínde dedúci potest, quod homo expers litterárum, nec Sacris initiátus, a Principibus viris, annuente Summo Pontífice, adhíbitus sit ad Fraticellórum pestem ab Etrúriæ finibus expelléndam, eoque auctóre multa passim Cœnobia fundáta sint, atque ab illo eódem prudentíssime, sanctíssimæque administráta.

R. Amávit eum.

Lectio vi.

Cum Albérto de Sartiáno, aliisque Ordinis Minorum Fratribus ab Eugénio Quarto in Æthiopiam missus, a Mahumetanis captus, atque in cisternam veterem conclusus, ibi íntegros viginti dies sine ullo cibo, potúque exégit. Inde post tres menses inédia, siti, squallóre confectus, Bárbaris tantam patiéntiam demirántibus, edúctus cum esset, nulla contumélia, ac ne illátis quidem vulnéribus deterréri umquam pótuit a Christiánæ fidei veritátibus asseréndis, detestandisque Mahumetanæ impietátis erróribus. Postrémo a Turcis dimíssus, et martyrii spe frustrátus, in Itáliam redux, Pontíficem adíre státuit, atque obsecráre, ut se ad Infidélium regiones remitteret. Eo consilio Ro-

mam proficiscens, gravi morbo corrípitur in Fontis-Colúmbæ Cœnóbio; a quo ad álterum Reatinum, ut commódus curarétur, translátus, ibi pie, sanctéque decessit pridie Kalédas Novémbris anni millésimi quadingentésimi quadragesimi séptimi. Ejus sanctitátis, et miraculorum fama, ac populórum concúrsu ad sacrum corpus ibídem coléndum angescénte in dies, Fratres, et univérsi Cives sacras ejúsdem exúvias in nobiliósimi locum transferéndas, et cultum ab immemorábili témpore Thomæ præstitum, Apostólicæ Sedis judicio approbándum curárunť. Quem tandem cultum Clemens Décimus Quartus Póntifex Máximus ratum habens, eum Beatórum ritu, solémni decréto venerári permisit.

R. Iste homo.

In III. Noct. Homil. Sancti Evangelii. de Com. 1. loco.

Lectio ix. Vigil. omnium Sanctorum, Homil. Advérte ómnia. de Comm. plur. Mart. 2. loco.

Et fit Comm. Vigil. Ant., et v. de Feria occurr. ut in Psalt.

Orémus. Oratio.

Dómine Deus noster, multiplica super nos grátiam tuam: et quorum prævenimus gloriósa solémnia, tríbue súbsequi in sancta professione lætítiam. Per Dóminum.

Vesp. de sequenti tantum.

Die V. Novembris.

B. Raynerii Conf. 1. Ord.

Duplex. (m. t. v.)

Orémus. Ora io.

Dómine Jesu Christe, qui beatum Raynerium Confessorem, per árduas humilitátis, paupertátis, obediéntiæ, et patiéntiæ sémitas in tui imitatione mirabilem effecísti; ejus nobis inter-

cessiōne, et exēplo concēde; ut
secūndum te vivere valeāmus.
Qui vivis, et regnas.

Et fit Comm. S. Caroli.

Deinde Oct. omnium Sancto-
rum.

Postea B. Helenæ Virg.

Orémus. Oratio.

Deus, recte valéntium, et ægro-
tántium salus, qui beatám
Helenam Virginem tuam mira in
morbis fortitūdine, morūque in-
nocéntia decorásti: ejus nobis in-
tercessiōne concēde; ut, ægritū-
dines, et adversa patiēter tole-
rantes, mortális vitæ emenda-
tiónem, et æternæ salutē con-
sequāmur. Per Dóminum.

Lect. I. Noct. de Scriptura oc-
currente.

In II. Nocturno.

Lectio iv.

Arétii, quæ celeberrima est
civitas in Etrúria, ortus
Raynerius de Mariánis, ab ineū-
te ætate rerum mundanarum va-
nitatem agnoscens, et mirabili-
bus, quæ de Minorum Patre, de-
que illius discipulis ubique vul-
gabantur, illéctus, Ordini Será-
phico nomen dare constituit; eo
quidem consilio, ut Evangélicam
perfectiōnem assequeretur. Qua-
re, omnibus relictis, inter laicos
Franciscanæ familiæ adscribi sup-
pliciter pétiiit. Petitiōnis compos
factus, ab ipso tirocinio, eoque
magis solénnibus votis in gáu-
dio spíritus nuncupátis, Jesu Chri-
sti vitam, quoad hómini licet,
sibi fideliter imitandam propó-
suit, juxta ipsius Dómini verba:
Qui vult venire post me, abne-
get semetipsum, tollat crucem
suam, et sequatur me. Quod ut
facilius perficeret, ad amicitiam
fratris Massæi, aliorumque san-
ctiorum jam Seráphico Patriár-

chæ familiarium accessit, atque
intimam cum suo venerabili con-
cive patre Benedicto, omnium
virtutum genere commendato, ne-
cessitudinem conjunxit; cui, ut
socius in peregrinationibus, et
Apostolicis ministeriis, fidelissi-
me inservivit. Et tantorum viró-
rum exēpla imitari sátagens,
vir sanctitate clarus, omnique
veneratione dignus evásit.

R. Honéstum fecit.

Lectio v.

Inter ipsius virtutes éminent
cordis, et óperis humilitas,
prompta, hilarisque obediéntia,
rígida paupertas, et patiéntia in-
victa, quibus inhærens, exultávit
ut gigas ad curréndam sanctitá-
tis viam. Pernóctans in oratiōne,
ipsum Dóminum in horto orán-
tem imitatus, fervénti devotiōne,
ac pietate Patrem misericordiá-
rum pro hóminum salutē enixe
precabatur. Nec tantum orandi
assiduitate, et exēpli virtute ani-
marum bono consúluit, verum
etiam singulári solértia, qua per-
célebrem Portiúnculæ Indulgén-
tiam tuéri stúduit; per notárium
enim público exarato instrumén-
to, ea ómnia, quæ de eadém in-
notescunt, ad nos transmísit, et
tantum Seráphici Patris benefi-
cium a Christo Jesu, Immaculá-
tæ Virginis intercessiōne, accé-
ptum, atque a Summis Pontifi-
cibus confirmatum, íntegrum ser-
vavit. Propter quam próximos
charitatem méruit a divíno Sal-
vatore potestate donári ejiciéndi
dæmónia, et languóres curándi.
Unde Raynerii jussu plures dæ-
mones e corpóribus exíre com-
púlsi, infirmi ad sanitatem re-
stitúti, nec non mórtui ad vitam
revocáti perhibéntur.

R. Amávit eum.

Lectio vi.

Qui tamen multa in fratres benefacta cumulaverat, dissolvi jam cupiebat, et esse cum Christo. Apud Burgum Sancti Sepulchri illuxit ei tandem optata dies, prima mensis Novembris anni millésimi tercentésimi quarti; qua, corpore soluta, felix illius anima ad laudes Deo Uno et Trino in æternum canendas cum omnibus beatis Cœlitibus se coniunxit. Et statim æra campāna Convēntus sancti Francisci, nemine pulsante, sōnitum ediderunt, factusque repēte ad eam Ecclesiā ingens pōpuli concūsus Raynerium sanctum inclamantis, ac ipsius devōte poscentis opem. Deus autem servum suum plurimis miraculis clarificasse fertur, quorum quinquaginta novem per publicum Notarium descripta, et consignata sunt authenticō instrumentō: illius exemplāri depōsito juxta beati viri corpus, quod integrum adhuc, et incorruptum in prædicto sancti Francisci Templo apud Minoritas Conventuales sub ara maxima summa fidelium veneratione asservatur. Cultum vero eisdem Beato a tempore immemorabili exhibitum Summus Pontifex Pius Séptimus approbavit.

^{13.} Iste homo.

In III. Noct. Homil. Pusillum gregem. de Comm. 2. loco.

Pro B. Helena Enselmina.

Lectio ix.

Helena, Patavii ex nobili Enselminorum genere nata, cum in ipsa pueritia, Deo ducente, ad pietatem ferretur, vix pubertatem attigit, cum se Religioni addidit in suburbano Arcellæ veteris Monasterio, sancti Francisci Assisiensis opera con-

structo, quod postea in urbem translatum est, ipsiusque Helenæ nomine, ac titulo insignitum. Ibi Regulam professa, quam Seraphicus Patriarcha sanctæ Clare tradiderat, hujus quoque virtutes imitari studuit: quo exemplo sibi proposito, cum animum assidua rerum divinarum contemplatione aleret, in primis vero Dominicæ Passionis, ad cuius cultum instructa a sancto Antonio, quem in vita spiritus ducem, et magistrum habuisse fertur, corpus laboribus, vigiliis, et jejuniis ad poenitentiam provocabat. Cœlestibus favoribus in vita, et morti proxima recreatam, et post mortem miraculis, præsertim in patriæ calamitatibus, illustratam fuisse memoriæ traditum legitur. Quare a fidelibus statim ac spiritum exhalavit, sub titulo Beatæ publico cultu cœpta est venerari, quem ab immemorabili tempore Helenæ præstitum fuisse rite probatum est, anno millésimo sexcentésimo nonagésimo quinto; et Innocentius Papa Duodécimus Monialibus ejusdem Patavinæ urbis in Officio Ecclesiastico beatæ Helenæ commemorationem fieri indulxit.

Et sit Comm. Oct. omnium Sanctorum, et B. Helenæ.

Dominica

infra Oct. omnium Sanctorum.

Comm. Sanctorum, quorum Corpora, aut Reliquiæ in nostris Ecclesiis asservantur.

Duplex majus.

Omnia de Communi plur. Mart. præter seq.

Orémus. Oratio.

Auge in nobis, Dómine, resurrectionis fidem, qui in Sanctorum tuorum Reliquiis mi-

rabília operáris: et fac nos immortalis glóriæ participes, cujus in eórum cinéribus pignora venerámur. Per Dóminum.

Et sit Comm. Dominicæ, et Octavæ.

Lect. I. Noct. Fratres: Debitóres. de Comm. plur. Mart.

In II. Nocturno.

Ex Tractátu S. Joánnis Damascéni de fide orthodoxa.

Lib. 4. Cap. 16.

Lectio iv.

Christus Dóminus Sanctorum Reliquias velut salutíferos fontes præbuit, ex quibus plúrima ad nos beneficia manant, suavisimúmque unguéntum prófluit. Nec vero quisquam huic sermóni fidem détrahat; nam si aqua in deserto ex áspera, et sólida rupe, atque ex ásini maxilla ad sedándam Sampsonis sitim, Deo ita volente, prosiliit: erit ne, cur cuíquam incredibile videátur, ex Mátyrum Reliquiis suáve unguéntum scaturíre? Mínime certe: iis quidem, quibus Dei poténtia, honorque, quo Sanctos suos áfficit, perspéctus, et explorátus est; atque illud quidem vétéri lege comparátum erat, ut quisquis mórtuum contigísset, immúndus censerétur: verum hi mortuórum número mínime habéndi sunt.

℣. Sancti tui, Dómine.

Lectio v.

Ex quo enim ipsamet vita, ac vitæ Auctor inter mórtuos adscriptus est, eos, qui in spe resurrectionis, fidéque erga eum, diem extrémum clausérunt, mórtuos haudquáquam appellámus. Quid enim mórtuum corpus mirácula édere queat? Per ea dæmones expellúntur, morbi profi-

gántur, ægróti sanántur, cæci prospíciunt, leprósi mundántur, tentatiónes, ac móróres discutíuntur: ac dénique omne donum óptimum a Patre lúminum, eórum ópera ad eos, qui fide mínime dúbia póstulant, descéndit. Quid non labóris suscipias, ut patrónum quemdam nanciscáris, qui te mortáli Regi offerat, ac tuo nómine ad eum verba fáciat? An non igitur hi honorándi sunt, qui totíus humáni géneris patrónos se prósténtur, ac Deo nostra cáusa supplicant?

℣. Vérbera carníficum.

Lectio vi.

Honorándi certe, et quidem ita, ut in eórum nómine Deo Templá extruámus, dona offerámus, eórum memóriam colámus, atque in ea spirituáliter oblectémur; quo nímirum lætítia nostra iis, a quibus invitámur, congruat; ac non, dum eos cólere, et demeréri studémus, offendámus pótius, et irritémus. Quibus enim rebus Deus cólitur, iisdem quoque servi ipsius oblectántur; quibus áutem Deus offénditur, iisdem étiam ipsius mílites offéndúntur. Quocírca in Psalmis, et Hymnis, et Cánticis spirituálibus, et compunctiône, et eórum, qui in egestáte versántur, commiseratióne (quibus obséquiiis Deus potíssimum conciliátur) Sanctos colámus, státnas ipsis, ac visibiles imágines erigámus; immo ipsi virtútibus eórum imitándis hoc consequámur, ut vivæ eórum státnæ, atque imágines simus.

℣. Tamquam áurum.

In III. Noct. Homil. Advérte ómnia. de Comm. 2 loco.

Lectio ix. Homil. et Comm. Dom., ac Oct.

℣. Lætámini.

Die XXV.

S. Catharinae Virg. et Mart.
ut in Brev. hodie.

Deinde fit Comm. B. Elisabeth
Bonæ Virg.

Orémus. Oratio.

Crescat, Dómine, in nobis Pas-
sionis Unigéniti Fílii tui af-
fectus; et beátæ Elisabeth Vir-
ginis imitatione, ejus memória
in córdibus nostris júgiter au-
geátur. Per eúmdem Dóminum.

Pro B. Elisabeth Bona Virg.

Lectio ix.

Elisabeth, ob exímiam vitæ
sanctitatem vulgo Bona nun-
cupáta, orta est in oppido Wald-
sech Diócesis Constantiënsis. In
summa ánimí simplicitáte, mo-
rúmque innocentia primis ado-

lescéntiæ annis transáctis, Tértio
Ordini sancti Francisci nomen
dedit in Monastério Ránthe, ex
quo pedem numquam éxtulit, pro-
pterea étiam inclúsa nuncupáta.
Proximórum amórem, paupertá-
tem, obediéntiam, castimóniam,
afflictationem córporis, patién-
tiam, et humilitátem mirífice có-
luit. Jesu Christi patientis amóre
veheménter incénsa, ad óbitum
usque eam dolor memórdit, quod
in juvenli ætáte Domínicos cru-
ciátus ad memóriam non revo-
cáverit frequéntius. Miráculis, et
prophetiæ dono clara, anno vir-
ginei partus millésimo quadrin-
gentésimo vigésimo, obdormívit
in Dómino. Cultu público coli
illico cœpit, quem Clemens Ter-
tiusdécimus Póntifex Máximus
rite probávit.

Vesp. de sequenti.



IMPRIMATUR

FR. RAPHAEL PIEROTTI O. P. S. P. A. Magister.

IMPRIMATUR

IULIUS LENTI Patr. Costantinopolitanus Vicesgerens.

Ant. et Rely. S. Catharinae San. Mechliniae, 1893...	fol. 155
Appendix ad Brev. Baptismi S. l. n. a. (Mechliniae, 1894)...	345
Missa B. Joannes Tolosane. Mechliniae, 1896...	184
Officiu Baptismi. Prov. Belgicae. Mechliniae, 1899...	162
Officiu Mexicana. Ratisbonae, 1896...	186
Officiu Neogranatae ⁽¹⁾ . Ratisbonae, 1896...	1
Officiu Regii Lepidi. Taurini, 1896...	271
Officiu S. Colata Virg. S. l. n. a. (Mechliniae)...	156
Officiu B. Joannes Tolosane. Mechliniae, 1896...	185
Officiu B. Josephus M. a S. Agathe. Mechliniae, 1890...	270
Officiu B. Maria V. Magna Hungarorum Domina. Ratisb., 1896...	339
Officiu B. Thomas Percy Mart. Ratisbonae, 1896...	343

(1) Ex Prope comprend les Offices de l'archidiocèse de Santa-Fé de Bogotá, et ceux des évêchés d'Antiochie, Carthagène, Medellin, Nouvelle-Pampelune, Panama, Pasto, Popayan, Sainte-Made et Tunja.

